





10799/B

PROSPERI ALPINI

PHIL. ET MED. DOCT. IN GYMNASIO PATAVINO
MED. PROF. ORDINARI

DE

PRAESAGIENDA

VITA ET MORTE
AEGROTANTIVM

LIBRI SEPTM.

IN QVIBVS ARS TOTA *HIPPOCRATICA* PRAEDICENDI
IN AEGROTIS VARIOS MORBORVM EVENTVS, CVM
EX VETERVM MEDICORVM DOGMATIS, TVM EX
LONGA ACCVRATAQVE OBSERVATIONE,
NOVA METHODO ELVCESCIT.

CVM

PRAEFATIONE

HERMANNI BOERHAAVE.

TEXTVM RECENSUIT, PASSIM EMENDAVIT,
SVPPLEVIT, CITATA *HIPPOCRATIS* LOCA
ACCVRAVIT

HIERON. DAV. GAVBIVS, M. D. ET CH. L.

CVM CAPITVM ET RERV DVPLICI
INDICE.

EDITIO TERTIA EMENDATA.

HAMBVRGI,

SVMTIBVS ABRAHAMI VANDENHOECK,
LITTERIS JO. GEORGII PISCATORIS.
MDCCXXXIII.

PROSPER, ALPINI

ET ALII MEDICINAE ET CHIRURGIAE
ARTIBUS ET MANIBUS

PRÆFATIO

VITA ET MORTE

ALGROTI ANTIM

LIBRI SEPTIM

IN OMNIBUS ANTIQVAE MEDICINAE
ET CHIRURGIAE ARTIBUS
ET MANIBUS
LONGA ACCURATAQUE OBSERVATIONE
NOVA METHODO ELUCIDATA

PRÆFATIO

DE MANIBUS

TEXTVM RECENSIT, PARS IMENDAVIT,
SYNOPSIS, CHIRURGIAE MANIBUS
ALGROTI

THEODORUS IAN. GALLIUS, M.D. PH.D.

OMNIA CAPITVM ET MANIBUS
ARTIBUS

EDITIO TERTIA IMENDATA



SYMPTOMATA, ABRASIA
LITTERAE, CHIRURGIAE
MANIBUS

MEDICAE ARTIS PRINCIPI,
HERMANNO BOERHAAVE,

FAUTORI SUO AETERNUM VENERANDO,

HIERONYMUS DAVID GAUBIUS,

PERPETUAM FELICITATEM.

Maximo, quod apud Te, VIR CELE-
BERRIME, isthic ALPINI liber ha-
buit semper, & etiamnum habet, pon-
deri junge immensam Tuorum erga me
meritorum molem: Sic momenta cognoveris,
quae, hanc ut novam ejus editionem Tibi po-
tissimum dedicem, me induxêre. Te profe-
cto Auspice his primum in oris lucem Ille vi-
dit. Te commendante distractus est avidissime.
Te adhortante ejus, jam alterum prodituri, in
* 2 me

D E D I C A T I O.

me curam suscepi. Quid ni Illustris adeo Patroni prae se ferat Nomen cliens? Sed vel praegnantior multo, alia, quæ ad me attinet, ratio id ipsum postulat. Tanta enim est Tuorum in me benefactorum magnitudo; ut dulcissima horum recordatione memet oblectans, sæpe dubitem, anne vel ipsis Parentibus meis plus debeam, quam Tibi? Quum vero acceptis paria unquam referre me posse, non nisi insanus sperarem; eo tamen adnitendum mihi fore credidi, ut aliquando perpetuum justissimæ gratitudinis, summaeque erga Te reverentiae meae, monumentum palam statuam: cui equidem, si ullo tempore, hodie certe optatissimam nactus prehendo occasionem. Immortali quippe, & omnium manibus tritissimo id insculptum libro & propalabitur latissime, & delebitur nunquam: quorum utrumque in votis est.

Tu igitur, Fautorum Maxime! quod mente Tibi devotissima sacratur, aequo id animo velim accipias. Vive diu, quam felicissimus! Dumque, quo nobis datus es, coelum Te manet, ferus saltem eo redi! Iterum vale. Dabam Leydae

17²⁷/₉ 32.

LE-

LECTURO

HIERONYMUS DAVID GAUBIUS,

S. P. M.



Quanto se usu commendet, in Artis Medicae exercitio, PROSPERI ALPINI hocce scriptum, novit, qui argumenti gnarus illi legendo dedit operam: sed nec latere ipsum potest, quot quantisque passim vitiis, quacunque demum culpa commissis, scateant, quotquot has in oras pervenerunt, ejus editiones. Enata hinc intelligentiae obstacula fructuum inde colligendorum & copiam minuunt & dulcedinem. Quam equidem rem uti dolui semper, ita tandem, vel in privata duntaxat commoda mea, ipsi, quousque possem, mederi, mecum constitui: utpote qui, Hippocratis lectioni intentus, Alpinum mihi elegeram pro indice, in quem loca, de praefagio in morbis occurrentia, ad suos quaeque titulos referrem. Dum ergo hoc agenti plurima inibi, errorum nube obfuscata, sponte illucebant; haec simul corrigendo, tacite quasi voti redderbar compos, Alpinum nactus satis emaculatum, meoque deinceps usui pulchrè adaptatum. Interea temporis novam ejus parat editionem Bibliopola; qui, cum praeter unicum, idque & mutilum, de prior editione exemplar nullum possideret, meum ipsi ut commodare velim rogat. Annuo: do: evolvit Ille; curas videt meas, novaeque editioni suae adjungi optat, perfectioni quippe operis inservituras autumans. Celeberr. D. BOERHAAVIUM uterque id

AD LECTOREM.

consultum imus: probat & Hic propositum. Ita Hoc incitante, Illo rogante, inopinato adducor, aliunde satis occupatum hunc hominem novo ut labore onerem. En L. B. bonâ fide, quo casu tota res contigerit. Nunc quae praestiterim, audi! Mendas, quotquot observavi, bene multas & graves correxi, ut potui: hiatus aliquot, mihi visos, replevi: citata Hippocratis loca, juxta editionem Hujus Foesianam, novissimam, utpote coeteris ferè magis hodiè pervulgatam, accuravi: quae vero ex Galeno, aliisve allegantur, non attigi; plus enim haec, quam quo frutor, exegissent otii.


Quoniam vero, quo tempore manum ego primum admovi operi, aliqua jam ejus pars binis sub praelis sudaverat, quam abjici, & correctam de novo imprimi, haud patiebatur sumtum magnitudo; inde factum, hæc ut talis fere permanferit, qualis fuerat ante. Habetur autem à paginâ prima ad 57mâ usque, in primo Alphabeto; in secundo vero à pag. 185. usque ad 209. Interim ne quid desiderari tamen posset, quae hac in parte corrigenda & addenda fuissent, in peculiares quasdam pagellas, indici praefixas, conjecimus. Ea igitur L. B. facili negotio, inter legendum, ad suos quaeque locos, si ita videbitur, transferre poteris. Vale, & labores hosce meos in Tua commoda converte. Dabam Lugduni Batav. 17²⁷ 32.

MEDI-

MEDICINAE CULTORIBUS

HERMANNUS BOERHAAVE.

S. P.

d condendam medicinam requiri accuratam primò eventum historiam, deinde verò severum ex illo ratiocinium, censent omnes, quibus accuratius introspicere in disciplinae hujus indolem unquam placuit. Qua autem lege, ex idonea experimentorum copia, disputatione rationis proficere quis possit, olim indicare conatus fui, quum de vi ratiocinii mechanici in Medicina publicè disserui. Qua vero via experimenta capere, vel jam capta discere, quis poterit, in commendatione studii Hippocratici longè prius dixeram. Est enim HIPPOCRATES unus fere, penes quem sylvia reperitur observationum earum, quae ad artem pertinent. Utinam, qui collegit accurate, ordinatim digessisset! Sed properum Viri fatum obstitit, ne tam speratum absolveret opus. Incubuerunt dein supplendo huic defectui Illustres in Arte Viri, quos inter LUDOVICUS DURETUS excellit, & eo vel major forte PROSPER ALPINUS. Prior in immortali mehercle scripto
ad

P R A E F A T I O.

ad Coaca Hippocratis, posterior in absolutissimo, quod vobis jam offertur, opere. Ego sanè, postquam prima id vice evolveram, judicavi meliorem in Medicos usus librum alium vix inveniri; nullum ergo Medicinae Studiosis magis commendandum esse. Quum vero rarissimi libri ingens esset penuria, exarandum denuò curavi juxta exemplar, quod possidebam, editionis Francofurtensis. Id autem quum verborum, sententiarum, citationum, mendis scateret adeò, ut sensus Auctoris vix sibi constaret, nec mihi curandis his vel minimum superesset otii, quaerendus fuit, qui id in se susciperet oneris. Hoc autem, grave licet & plenum tædiosi laboris, sibi imponi passus est RUDOLPHUS DYKER Embdanus, ingenio, industria, eruditione & modestia ornatisimus, Medicinae ut nunc summa cum laude Candidatus, ita brevi, Deo dante, ipse magno hominum bono futurus Medicus. Atque idem ille felicissimo ardui laboris successu rem optime absolvit. De eo autem & gaudeo impense, & Vobis gratulor, probè gnarus, dignius hòc opus rarò exivisse in lucem. Valete.

Lugd. Bat. 22. Sept. MDCXC.

ILLUSTRISSIMIS AC SAPIENTISSIMIS
SENATORIBUS,
JACOBO FOSCARENO
Equiti, & Divi Marci Procuratori.
HIERONYMO CAPELLO
ATQUE
JOANNI DELPHINO
Equiti, & Divi Marci Procuratori,
Triumviris Literariis.

PROSPER ALPINUS
S. D.



Inter partes, quæ artem Medicam perficiunt,
Viri Illustrissimi, ea, quæ occultarum mor-
bos continentium causarum notitiam per signa
exhibet, perinde ac Imperatori hostium insi-
dias, Medico morbos maligne ingravescen-
tes detegit, præteritasque molestias ægro non referente
aperit, præsentia cernit, de vita & morte, deque lon-
gitudine ac brevitate morborum multo antea prænoscere
docet, atque demum hominem prædictionibus, quasi

**

ora-

EPISTOLA

oraculis, auctore Hippocrate Coe, admiratione dignum reddit, ab omnibus plurimum commendatur, ac veluti divinum quoddam suspicitur. Neque immerito sane, cum Medici hanc artem perdocti, veluti Dii oracula hominibus, ita morbos futuros prædicant, ægrotorumque salutem atque exitium ante prævideant, ac non minus, quando tempore hæc futura. Hippocrates Coe pestilentiam ab Illyriis venientem prædixit, & discipulos ad opem ferendam in varias urbes dimisit; cui illos honores, quos Græcia Herculi, propter ejus merita contulerunt. Libros scripsit Prognosticorum, Morborum Epidemiorum, ac, uti aliis visum est, etiam Prorrheticorum, & Coacorum præfagiorum, quibus tota prædicendi ratio Medicis innotescit: In quibus quidem Hippocratem, quasi divinam naturæ mentem, loquentem audire licet. Quamobrem Eudemus olim Romanus & Senator & Philosophus prædictionem a Galeno sibi arte Hippocratica proditam maxime est admiratus, ita ut postea, sicuti Galenus prædixerat, sanatus, amicis alta voce clamando dixerit: Pythium Apollinem vaticinari ægrotantibus voluisse per os Galeni. Quibus sane constat, hanc Medicinæ partem Græcis prognosin dictam, ceteris nobilitate ac præstantia esse anteponendam, Medicisque splendorem multum & ornamentum afferre, & ad Medicinam faciendam esse scitu necessariam. Etenim quis quæso occultis morborum causis per signa haud quaquam cognitis,

natu-

DEDICATORIA.

naturæque morbo adverfantis statu, ac humorum motibus ignoratis, ægrotis opportuna præsidia adhibere poterit? Hinc fit, ut Medici hujus artis ignari, ejusdem naturæ statum, humorumque motus in ægrotis minus accurate observantes, sæpius ipsis intempestivo ac inopportuno medicamentorum usu, aut impediendo, aut intercipiendo, utiles naturæ progressus, exitium inferant. Ego itaque eximia hujus partis Medicinæ utilitate, præstantia ac nobilitate persuasus, cum multos annos huic studio incubuerim, cum in variis, & regionibus & locis, varios morborum casus atque eventus, tum apud præcipuos Medicinæ Scriptores observaverim, opus ad medicum præsagium maxime faciens composui, in quo de morbis prævidendis, de longitudine & brevitate morborum cognoscenda, de præteritorum symptomatum cognitione, deque præsagienda vita & morte ægrotantium, satis accurate egi. Ac demum cum ultimam hujusce operis partem, septem libris distinctam, de præsagienda quippe vita & morte ægrotantium inscriptam, multorum persuasione in lucem edere constituerim, idque libenter, ne Medicinæ studiosi hoc etiam ad medicinam faciendam commodo carerent, extemplo Vos Senatores Amplissimi mihi in mentem occurristis, quibus hosce meos labores devotissime offerrem, ac dedicarem: primum, quoniam hoc opus, quod partim Medicinæ prope divinam (divinum enim videtur, Medicum ægrotos vel morituros, vel sanitatem receptu-

EPISTOLA

ros, antea prænoscere, atque prædicere) complectitur, sua nobilitate ac præstantia non indignum etiam Amplissimorum Senatorum benignitate mihi sit visum. Addo mihi jamdiu fuisse in optatis, ut me Vobis, Triumviris Literariis Sapientissimis, possim aliquando honoris, ac beneficii olim suscepti memorem declarare. Quippe qui, nedum lectionem medicamentorum, vulgo simplicium vocatam, (quæ naturalium omnium vel plantæ sint, vel animalia, vel fossilia, ad usum medicinæ facientium historiam docet, viresque ac usus omnes ad medendum, quod ipsum recte mederi est) studiosis Medicinæ merito maximi faciendam, quod absque medicamentorum notitia, neque ullus Medicus, neque ars ipsa Medica unquam esse potuerit, in studio Patavino omnium celeberrimo, mihi interpretandam detuleritis, sed etiam eam ordinariam in eodem studio, ut majori quoque honore, majori vestra benevolentia decoraret, declarastis, quod honoris & ornamenti huic lectioni alias nunquam fuit tributum. Merito itaque hosce Libros de nobilissima ac fere divina Medicinæ parte nunc in publicum evulgandos Vobis Senatoribus humanissimis (quorum magnificentiam, sapientiam, justitiam, humanitatem, prudentiam, omnes nationes maxime admirantur, venerantur, suspiciunt) dedicandos duxi. Ut ea ratione quandoque etiam appareat, quantopere istius Patavini Gymnasii Medicinæ studiosis utile foret, ac quantum ejusdem studii ornamentum, atque

que perfectio augeretur, si una cum aliis partibus Medicinæ hæc una quoque ad prognosticum pertinens, ceteris nobilior, omnino Medicis necessaria publice in eodem Gymnasio doceretur. Qui non avidissime audirent libros prognosticorum Hippocratis, atque libros morborum Epidemiorum? Illos tanquam prædicendi rationis præcepta continentes, atque hos tanquam casus peculiares, in quibus studiosi ad prædicendi praxin seipfos exerceant. Undique (auderem affirmare) Medicinæ studiosi Patavium confluerent, ut præter alias Medicinæ partes prognosis quoque ad Medicinam summæ utilitatis, ac splendoris facultatem, quæ olim a primariis Medicis jure merito in hoc studio tractabatur, intelligere possent. Interim Viri Illustrissimi hosce Libros, Vobis a me devotissime dicatos, hilari ac perbenigno vultu accipite. At si quid ex ipsis ornamenti ad artis Medicæ studiosos ac comodi aperiatur in hoc Vestro disciplinarum omnium emporio, denuo vel restituendum, vel potius instaurandum, summæ prudentiæ Vestræ judicium esto. Deum Optimum Maximum precor, ut Vos & Reipublicæ Vestræ felicissimæ, & huic Patavino Gymnasio perpetuis annis tueatur incolumes & fortunatos. Patavii. Anno salutis humanæ MDCL. die 15. Mens. Februar.

PROSPER ALPINUS LECTORI OPTIMO.



um in editione Librorum de Medicina Ægyptiorum studiosis Medicinæ polliciti fuerimus, Libros quoque nostros de medico præfatio conscriptos nos in lucem edituros, posteaque multis viris celeberrimis, quibus alii nostri labores alias evulgati haud ingrati exstiterunt, hortantibus, ac rogantibus, cum promissis standum esset, non potuimus, neque debuimus ipsorum desiderio plane non obsequi. Unde cum scripserimus primo de morbis prævidendis, mox de præteritorum symptomatum cognitione, tertio de longitudine & brevitate morborum, atque demum de præfagienda vita & morte ægrotantium, ex quatuor partibus totum hoc opus, ad Medicum præfagium attinens, perficientibus, eam quæ in morbis ægrotantium vitam & mortem prænoscere docet, septem libris distinctam primum publicandam consulto duximus. Quos libros propter ipsius eximiam ad Medicinam faciendam utilitatem, tum quod a multis maxime expeti intellexerimus, tum etiam, quod libros de hac quidem prædicendi parte prosecutos in promptu magis, ut typis committi possent, habuerimus, eo libentius nunc in lucem prodire permisimus. Itaque, optime Lector, hos interim legito, recte consulito, reliquosque libros de aliis prognosis partibus conscriptos prope diem expectato. Atque nostram fortasse Medicinam alias methodico modo informatam. Vale.

I N D E X O M N I U M C A P I T U M,

Quæ in hoc opere continentur.

LIBER PRIMUS.

- Cap. I. **E**x quibus Medici in ægrotis salutem & mortem prænoscant Pag. 4
- II. De cognoscendis naturæ viribus, atque inprimis, ex quibus ipsarum cum robur, tum imbecillitas dignoscatur 8
- III. De facultatum actionibus robustis cognoscendis 13
- IV. De naturæ actionibus debilibus cognoscendis, & primo ex animalis facultatis symptomatis 17
- V. De actionibus debilibus facultatis vitalis ex ipsius symptomatis cognoscendis 25
- VI. De debilibus actionibus facultatis naturalis ex ipsius symptomatis cognoscendis 28
- VII. De cognoscendis morborum viribus, atque inprimis ex quibus ipsorum cum robur, tum imbecillitas cognoscatur 35

- VIII. De morbis debilibus ex morborum Idea, magnitudine, atque more, cognoscendis 39
- IX. De morbis debilibus ab ipsorum causis cognoscendis 42
- X. De morbis natura potentioribus ex Idea, magnitudine atque more cognoscendis 47
- XI. De morbis natura potentioribus ab ipsorum causis cognoscendis 50
- XII. De futuri morborum status, seu vigoris, cognitione ad prædicendi rationem 60
- XIII. De salutis ac exitii prognostico ex morborum futuri status cognitione 66
- XIV. Ex quibus morbos salutares ac exitiales nonnulli cognoscant 70

LIBER SECUNDUS.

- Cap. I. **D**e quibus in toto opere fit agendum 78
- II. Quid

INDEX CAPITUM.

II. Quid de mente constare in morbis significet	79	significet	119
III. Quid sit mente non constare, qualibusque signis, cum præsens mentis inconstantia, tum futura prænoscatur, & de deliriorum differentiis atque causis	80	XIII. De prædictione ex corporis caliditate	121
IV. De salute a deliriis prædicenda	91	XIV. Ex frigiditate corporum quid prælagiendum	126
V. De morte a deliriis prædicenda	97	XV. De prædictione ex frigiditate extremarum partium	128
VI. Quid fatuitas & oblivio in morbis significet	105	XVI. De caloris ad frigus, & frigoris ad calorem in corporibus acute ægrotantibus mutatione	134
VII. De prædictione ab externis sensibus	107	XVII. De prædictione ex humiditate corporis & siccitate	137
VIII. Quid in morbis ægrotos non videre, tenebricosam visionem, visus obscuritatem habere, splendoresque oculis apparere, atque oculos lucem ferre non posse significet	109	XVIII. De prædictione ex doloribus, qui in acutis morbis observantur	138
IX. De surditate in morbis acutis	111	XIX. De doloribus salutem prædicentibus	140
X. De tinnitu aurium in morbis acutis	115	XX. De doloribus exitium prædicentibus	146
XI. Quid fœtores in morbis, quidque cibos potusque graveolentes insipidos, vel mali saporis ægrotis videri significet	118	XXI. De prædictione ex lassitudinibus	152
XII. Quid stupor, seu torpor, & sensus tactus deperditus		XXII. De vigilia, quidque ipsa in morbis prælagiat	154
		XXIII. Quid somni in morbis prælagiant	159
		LIBER TERTIUS.	
		Cap. I. Quantum ad prædictionem cognitionem motricis facultatis medicis conducat	168
		II. De	

INDEX CAPITUM.

- II. De prædictione ex decubitu, & primo de optimo, qui salutem prælagit futuram 169
- III. De malo decubitu in acutis morbis, exitium denotante 172
- IV. Quid inquietatio, & anxietas, seu jactatio in acutis morbis significet 176
- V. De prædictione ex tremoribus 182
- VI. De palpitationibus, quidque in morbis prælagiant 187
- VII. De convulsionibus, quidque in morbis prælagiant 190
- VIII. Quid convulsiones in febribus acutis significant 201
- IX. Quid singultus in morbis prædicant 209
- X. De rigoribus, atque quid in morbis significant 213
- XI. De horroribus & ipsorum prædictione 222
- XII. De prædictione a torporibus in paraplegiis 226
- XIII. De prædictione ex aphonia, id est, vocis interceptione, nec non ex aliis vocis differentiis 229
- venandum in ægrotis prognosticum conducat 238
- II. Quid pulsus sit, atque quot generibus pulsus omnes comprehendantur 239
- III. De causis pulsuum, & quales pulsus robustam facultatem & quales imbecillam indicent 245
- IV. De pulsibus salutem & exitium indicantibus 250
- V. Cur pulsus in quibusdam febribus exitiosis appareant, aliquando recte valentium similes 255
- VI. De prædictione ex respiratione, quidque primo ipsa sit, atque quot ipsius differentiarum observentur 257
- VII. De causis respirationis 260
- VIII. Quid bene & male spirare in morbis significet 264
- IX. Quid respiratio magna velox, magna tarda, parva velox, parva tarda & magna frequens, magna rara, in morbis significet 266
- X. Quid respiratio parva frequens, parva rara significet 269
- XI. De respirationibus exitialibus, quæ in moribundis fiunt 270

LIBER QUARTUS.

Cap. I. Quantum vitalis facultatis cognitio ad

XII. Quæ

INDEX CAPITUM.

- | | |
|---|---|
| <p>XII. Quæ a naturalis facultatis cognitione ad intelligendam præfagii rationem sit utilitas 276</p> <p>XIII. De appetentiæ symptomatis ad prædicendi rationem 277</p> <p>XIV. Quid cibi, & potus optima appetentia in morbis significet 280</p> <p>XV. Quid in morbis ciborum appetentia prorsus sublata significet 282</p> <p>XVI. Quid sitis intensa in acutis morbis significet 284</p> <p>XVII. Quid sitis sublata, seu non sitire significet 286</p> | <p>V. Quid morbus regius in morbis prænunciet 302</p> <p>VI. De prædictione ex faciei mutatione in morbis 308</p> <p>VII. De prædictione ex oculis 312</p> <p>VIII. De prædictione ex genis, auribus, naso, labiis, atque dentibus 328</p> <p>IX. De prædictione ex linguæ observatione 332</p> <p>X. De prædictione ex faucibus & dorso 340</p> <p>XI. De prædictione ex hypochondriis, & primo de iis, quæ salutem significant 342</p> <p>XII. De malis hypochondriis, quæ mortem in acutis morbis præmonstrant 345</p> |
|---|---|

LIBER QUINTUS.

- | | |
|--|---|
| <p>Cap. I. De partibus corporis, quarum observatio facit ad prædicendi rationem 289</p> <p>II. Quid corpus benevalenti simile, & dissimile in morbis prænunciet 290</p> <p>III. Quid in morbis corporis emaciatio seu extenuatio, & quid ejusdem partes tumefieri significet 291</p> <p>IV. De prædictione ex coloribus corporis agroti 297</p> | <p>XIII. De prædictione ex ignobilibus partibus corporis 352</p> <p>XIV. De prædictione in acutis morbis ab extremis partibus 354</p> |
|--|---|

LIBER SEXTUS.

- | | |
|---|--|
| <p>Cap. I. De quibus sit agendum in hoc libro, ac primo de prædictione ex coctione atque cruditate excrementorum 356</p> <p>II. De prædictione ab excretionibus 361</p> <p>III. An</p> | |
|---|--|

INDEX CAPITUM.

- III. An ante concoctionem excretiones sint bonæ atque utiles 364
- IV. De diebus decretoriis ad prædictionem facientibus 374
- V. De prædictione a diebus decretoriis 382
- VI. Quid Crisis sit, quotuplex & quomodo fiat 384
- VII. De morbis qui per crifim terminantur, & de iis, qui absque crifi finiuntur 388
- VIII. De signis crifes futuras significantibus 390
- IX. De crifibus falutaribus, quæ certam salutem significant, cognoscendis 397
- X. De crifibus falutaribus, quæ tamen neque fideles, neque certæ perpetuo sunt 403
- XI. De crifibus exitialibus cognoscendis 407
- XII. De cognoscendis crifibus, quæ per abſceſſus, & quæ per excretionem ſunt futuræ 415
- XIII. De prævidenda crifi per ſangvinis eruptionem ſeu fluxum 420
- XIV. De crifi, quæ fit per ſangvinis fluxum, cum ab utero, tum ab hæmorrhoidibus 429
- XV. De cognoscenda crifi, quæ per vomitum fit 431
- XVI. De ſignis crifium per ſuadores atque per urinas copioſiores futurarum 434
- XVII. De ſignis crifium per alvi fluxionem 437
- XVIII. De ſignis compositarum, ſive multarum, ſimul crifium futurarum, quibus morbi judicantur 439
- XIX. De tempore crifium, id eſt, quo nobis ſunt futuræ 442

LIBER SEPTIMUS.

- Cap. I. De particularibus humorum excretionibus ad prædictionem eſſe agendum 449
- II. De prædictione a ſalubri ſangvinis excretionem 450
- III. De malis exitialibusque ſangvinis eruptionibus 459
- IV. De ſangvinis excretionibus paucioribus, ſtatim deſinentibus, atque de ſtillis ſangvinis e naribus, quidque in morbis acutis præſagiant 462
- V. De

INDEX CAPITUM.

V. De prædictione ex sudoribus, & primo quid sudor, quotuplexque sit, & de ipsius causis	466	at, atque quantum faciat ad prædicendi methodum	508
VI. De bonis salutaribusque sudoribus, salutem in ægrotis prænuntiantibus	469	XIII. De variarum urinarum causis	511
VII. De malis pernitialibusque sudoribus, exitium portendentibus	473	XIV. De bonis urinis salutem prænuntiantibus	521
VIII. De prædictione a vomitibus, & primum de salutaribus	485	XV. De malis urinis mortem prænuntiantibus	527
IX. De vomitibus exitiosis, mortem præmonstrantibus	489	XVI. De prædictione ex sputis, & primo, quid sit sputum, quas partes læsas denotet, differentia, & causæ	538
X. De alvi dejectionibus, & primo de iis, quæ salutem prænuntiant	494	XVII. De sputis bonis, salutem prædicentibus	547
XI. De malis alvi dejectionibus, quæ exitium ægrotis prænuntiant	498	XVIII. De malis sputis exitium prædicentibus	550
XII. De prædictione ab urinis, quid sit urina, quomodo fiat, atque quantum faciat ad prædicendi methodum	508	XIX. De prædictione in suppurationis	557
		XX. Quid in morbis acutis Cærchnon, vulgo ranticum, significet	565
		XXI. De prædictione ab abscessibus	567

PROSPERI ALPINI

MAROSTICENSIS,

*Philosophi & Medici in Gymnasio Patavino Medicamentorum
Simplicium Professoris Ordinarii,*

DE

PRÆSAGIENDA VITA & MORTE ÆGROTANTIUM.

LIBER PRIMUS.

P R Æ F A T I O.

Ad eam Medicinæ partem explicandam aggredimur, quæ, quomodo de ægrotantium salute & morte præfagiendum sit, docet. De qua ob eximiam ad Medicinæ studiosos utilitatem, atque commodum, accurate nunc agendum duximus. Etenim hæc prædicendi ratio non minus Medicis, quam ægrotis plurimum emolumenti afferet. Hi quidem de ipsorum futura salute Prognosticum audientes, facilius, ac propensius Medicorum præceptis obediunt, ac exinde tutius & citius pristinam sanitatem recipiunt. Illi vero prævisis ea arte symptomatis, quibus ægroti sunt vexandi, facilius medicamentis occurrunt. Ex quibus morborum probe cognita ac perspecta natura, curatio qualis recte profutura sit, intelligunt; atque etiam (quod maximum curatricis Medicinæ partis esse existimo) neglecta morborum prædictione, proba quidem vivendi ratio illis minime institui potest. Ipsi enim instituendæ rationem ex singulorum morborum temporum, omniumque maxime status, præcognitione pendere, Galen. in lib. 1. cap. 3. de Crisibus hinc verbis prodidit: *Generosi autem Medici atque arte Hippocratica digni est officium, futurum statum præcognoscere, cum omnem victus rationem ad ipsum inspiciens, instituat.* Eadem ratione Principium morbi, atque augmentum,

Prognostici
summa
utilitas.

non ubi jam perfecta sunt, cognoscere, sed multo antea præstabit prænoscere. In hac prædicendi parte olim Galenus post unum Hippocratem, a quo artem didicit, maxime claruit. Cujus sane illustria multa præsagiorum exempla in ejus libris leguntur.

Quid de illo præsagio, imo de divina ejus mente, quasi natura loquente ad Eudemum olim Romanum Philosophum clarissimum? An non ei prædixit, qua febre esset laboraturus, non minus & diem, in qua critica alvi fluxione fuit judicata? Quid de Sexto Romano Senatore, Severo Imperatori multum familiari? An non prima die febrem adventuram, sexta die cessaturam, & decimaquarta reducturam, atque decima-septima per sudorem prorsus solutum iri? Quid amplius? Cum, ut ex ipsius libro de præsagitione ad Posthumum constat, in quodam juvene Romano, febre vexato, quo tempore alii omnes Medici mittendum sanguinem consulebant, sanguinem abunde e dextra nare fluxurum, eoque ægrotum juvenem sanatum iri, coram multis Medicis prædixit, continuoque erumpente sanguine, uti prædixerat, juvenis fuit liberatus? Quæ omnia ut ex ipsius sententia præter aliorum spem evenerunt, sic summam in ipso præstantiam omnes Medici admirari ac suspicere cœperunt. Martianus, unus ex primariis Medicis, Romæ in via obviam Galeno factus, ait: *Quæ ergo in eo libro secundo Prognosticorum Hippocr. scripta sunt, agnoscis, atque eadem scio, nec tamen vaticinor?* Et Eudemus a febre, uti a Galeno ipsi fuerat prædictum, sanatus, de illo alta voce clamando amicis, qui apud ipsum fuerant, inquit: *Vaticinari Pythium Apollinem ægrotantibus voluisse per os Galeni, & quibus remediis ad sanitatem revocari possint, & qua die perfecte liberari debeant.* Hinc complures non solum medendi artis ignari, sed etiam doctissimi Philosophi, ac Medici Galenum in hac arte divinum esse prædicabant, divinisque honoribus ac laudibus dignum ad cælum usque ferebant. Cujus cum ægroti, tum Medici præsagiâ perinde ac certissima oracula expectabant. Ex quibus prædicendi hæc ratio, quanti sit a Medicis facienda,

da, facile intelligitur. Juvat quin etiam maxime Medicos: In morbis acutis exitiislibusque, qui præcognitam futuram ægrotantium mortem ubi affidentibus prædixerint, mortis culpa plane vacare solent: ægrotosque audito prognostico non Medicorum culpa, sed morborum vi interemptos, assidentes judicant. Quod si antea exitium non prædixerint, ipsorum aut ignorantia, aut negligentia mortem omnes adscribunt, interiiisseque Medicorum causa pro certo habent. Hinc non pauci Medicorum nostri temporis perdocti, propriae conscientia ignorantia omnes fere acutis morbis correptos indiscriminatim morituros prædicant. In horum quidem morborum principiis morbum sane fore gravissimum, ingentibusque periculis plenum, affirmant: morbisque iisdem ad statum properantibus, symptomata cum de novo oborta, tum vel alia, quæ prius fuerant, adaucta viderint, aut quovismodo ægrotos plus solito inquietos, vel anxios, deliros aut ægre spirantes, aut plus solito dolentes, continuo exitium futurum affirmant, quibus, etsi paulo post ægroti in sanitati restituantur, tamen hæc prædicendi ratio nihil affert incommodi: Cum ea via neque parum laudis hi consequi soleant; ipsorumque in arte medica nomen atque fama non parum crescat; artis siquidem medicæ ignari ipsorum sanitatem, (etsi iisdem Medicos mortem prædixisse, memoria habeant) Medicorum studio ac diligentia subsecutam putant. Ex quo eos Medicos maximis laudibus extollunt. At Medici, arte Hippocratica digni, non in omnibus acutis morbis exitium perpetuo prædicant, scienter enim, ac docte quidem sanitati restitutum iri, & morituros esse ex veris prædicendi artis principiis affirmant. Neque omnia gravia symptomatum incrementa timent, neque nova oborta symptomata, vel hæc ipsa multum aucta. Quinimo magis ex iis, quæ ignaris Medicis malum morem in morbis significare videntur, salutarem aliquam crism sæpe esse exspectandam, affirmant. Ex his itaque, cum nos hanc prædicendi in ægrotis rationem Medicis non solum maxime utilem, sed apprimè et-

iam necessariam esse intellexerimus; mirari aliquis non debet, si nos plane, ut methodo, a nullo antea explicata, commonstraretur, in ea tradenda, ac accurate scribenda plurimum studii adhibuerimus. Sed nunc ad illa, quibus hæc prædicendi methodus investigatur, veniamus.

C A P. I.

Ex quibus Medici in ægrotis salutem & mortem præcognoscant?

Præsa-
gium in
ægrotis
unde pe-
tendum.

Morbi &
Naturæ
compa-
ratio.

Qui recte cupiunt in ægrotis præsagium aperire, inprimis a quibus ipsum indagetur, intelligere debent. Hæc vero duo existunt, unum morbus, qui in corpus tanquam inimicus agens hominis corpus destruere conatur; atque alterum natura, quæ perinde ac arcis alicujus præfectus, in corpore residens, a morbo perinde ac duce aliquo exercitus, ipsum corpus tanquam arcem oppugnante, defendere studet. Ut autem dux exercitus ad expugnandam arcem multis utitur militibus, ipsorum alii, ut unam, atque alii, ut alteram arcis partem aggrediantur, quo multis superatis tandem arx universa in potestatem veniat. Sic & morbus militum loco, pluribus utitur symptomatibus, ac aliis morbis, ut multas partes corporis eodem tempore expugnent. Ex oppositoque natura ejusce, & corporis acerrimus defensor, ipsum a symptomatum insultibus custodit, & ne morbo succumbat pro viribus operam dat. Eruditam enim esse naturam, atque arte etiam non carere, artificemque merito dici, atque animalibus consulere Hippocrat. *Com. 5. in text. 2. si Galeno in lib. 6. epidem. credimus, statuit.* Hæc enim partes singulas corporis facultatibus multis muniit, quibus partes, tanquam militibus ad resistendum, cum variis morbis, tum symptomatis utuntur. Itaque ex partes corporis facultatibus perinde ac militibus utentes, a morborum symptomatumque insultibus defenduntur. Ex quibus cuique liquido constabit, naturam corporis partes robustis facultatibus instructas habentem, difficili negotio morbo esse superandam, ipsamque contra debi-

debilioribus partium viribus seu facultatibus instructam facile morbo succumbendam. Colligamus igitur ab his, ^{Salutis} ut nuper dictum est, salutis atque mortis futuræ præno-^{atque} scendi iudicium a duorum tantum, morbi nimirum & na-^{mortis} turæ invicem colluctantis observatione pendere atque fie-^{præfagi-} ri. Quod Galen. *in lib. de constit. art. medicæ cap. 18.* perbel-^{um ex} le ita expressit: *Medicus quippe his duobus, morbo inquam &* ^{quibus} *natura colluctantibus, animum semper intendit, atque dum di-* ^{noscitur.} *scernit, quodnam horum robustius sit, primum quidem secum de salute hominis, aut interitu, præsagium depromit. Deinde vero, quo alterum altero fortius esse novit, tum & illius præfinitum tempus agnoscit.* Nec mirari quispiam debet, si quis robur utriusque recte perpendens victurum tandem deprehendat. Quum videamus complures Gymnastas ex primis statim motionibus, quibus contra se invicem luctantes feruntur, victurum prænuntiare, & sæpe ante partam victoriam, quodque celerius adversarius succumbet. Hoc autem agunt, cum alterum altero non viderint validiorem. Quare ex alia nulla exercitatione salutem aut interitum prænosceret, præterquam ex exacta virium, tum morbi tum naturæ notitia, ex qua utriusque præfinitum tempus exquirat; ut enim celerrime solvendus morbus est, quum validiores vires fuerint; ita cito mors adventabit, si hæ imbecilliores sint, morbus vero fortior. Naturam vero morbo robustiorem significabunt validæ robustæ, ut corporis facultates, quibus ipsa non carens, vel etiam contra magnum morbum, fortissime pugnat, nec ipso facile superatur. At interdum fit, ut quemadmodum arx firmissima munitissimaque, aut militum, aut victus, aut cæterarum rerum, quibus castra, ut defendi possint, opus habent, defectu, a fortissimo Duce exercitus expugnatur; sic natura nostrorum corporum, vel etiam fortissima, ciborum inopia, aut mala victus ratione, aut medicamentis non recte adhibitis, aut denique longa morbi oppugnatione, sæpe succumbat. Ex quo ipsa aliquando castrorum Ducem imitatur, qui, cum a longa obsidione milites, victum & cætera necessaria sibi defectura, ti-

meat, inopinanter aliquando e castris egressus repente contra obsidentem exercitum pugnam tentat, quem quandoque fortissime pugnando, aut totum vincit, aut ingenti militum copia excisioni mandata, ita debilitat, ut ab ipso nihil amplius, aut sane parum sit timendum. Non dissimili argumento corporis alicujus natura sagacissima, robustissimis munita facultatibus, ex longa quandoque morbi pugna, virium defectum timens, morbo vel causis, vel symptomatis irritata, sæpius in ipsum morbum ante opportunum tempus ad pugnam invehitur, ipsumque fortissime pugnando aut plane vincit, aut saltem plurimum ejus vires debilitat. Atque hæc miro quodam quasi discursu aut ratione (sic probè ipsam Deus docuit) in ægrotis a natura non raro fiunt. Demum natura æque omnes partes corporis non curat, sed præcipuas præcipue. Cum singularum partium corporis non æquale sit robur, quippe principales partes statim ab initio natura majori robore donavit, ut Gal. *in lib. de causis morborum cap. 6.* docuit. Arcis enim alicujus præfectus ac defensor, non æque omnes, sed principales magis arcis partes curat, & defendit, quibus præsertim expugnatis arcem universam superari sit necesse; ita natura corporis custos, ignobiles, admodumque a visceribus remotas, non tanto studio curat, quod si graviter aliquando a morbo vexentur, servata viscerum nobilium sanitate, deinceps pristinae saluti ea restitui soleant. Curæ igitur primum naturæ sunt viscera, ut a morbi insultibus custodiat, omneque studium ad ipsorum conservationem adhibet, maximeque ad ipsum cor defendendum. Sæpeque, ut isthæc nobilia viscera morbo aliquo vexata, ac oppugnata defendantur, ac servantur, natura permittit, aut ipsa procurat, ut ab his visceribus totus morbi impetus ad aliquam partium ignobilium feratur: tantam semper, Galen. *in Lib. 2. cap. de usu partium* auctore, natura providentiam securitatis principalium particularum habuit, ut non raro in longis morbis Medici observare soleant, naturam robustam, diu a magno morbo conflictatam, ad aliquam ignobilem partem humo-

humores noxios transmittendo membra præcipua exonerare, atque liberare. Quo pacto sæpe multos cum acutos tum longos morbos judicatos vidimus, nempe in cruribus, cuteque, tumoribus, inflammationibus, exanthematis, variolis, morbillis, scabie, aut alijs hujusmodi obortis. De quibus Hippocr. *in lib. 2. in text. 18. §. 13. prognosticorum* dixit: *Abscessus autem, qui ad crura fiunt in pulmonis vehementibus, ac periculosis, omnes utiles sunt.* Colligamus itaque duo esse, a quibus Medici in ægrotantibus salutem & interitum prænoscent, nimirum naturam atque morbum, ac ex utriusque virium cognitione, uter sit victurus, esse judicandum. Quam rem Gal. 2. in text. 6. ita expressit: *Summa totius præsagitionis in morituris convaliturisque est, quoties vis morbi cum ægri facultate conferatur.* Si enim morbus vehementior est, æger omnino morietur, si debilior quam ægri facultas, haudquaquam morietur, ubi nihil committatur. At cum sanitas non nisi declinantibus morbis, aut saltem in statu contingat, Medici diligenter naturæ & morbi viribus exploratis, an ex eousque perdurare possint, conjectura assequi debebunt. Quod ni assequantur, quippe, an natura post morbi statum cum morbo pugnando perdurare queat, ni conjiciant, de salute & interitu præsagium haud probe prænoscent. Hinc præter naturæ & morbi cognitionem, futuri quoque status seu vigoris cognitio erit necessaria. Etenim æqualibus cum naturæ tum morbi viribus observatis, ubi status morbi cito futurus sit, naturam morbum absque dubio superaturam Medicus præsciet: at quo ex opposito tarde eodem morbi statu futuro, oppositum, atque difficile judicium fiet. Ex quo apparet sine status seu vigoris morbi futuri notitia, minime posse de salute & morte recte judicari: Quam rem expressit Gal. *in lib. 3. cap. de crisis* ita scribens: *Et quidem sine horum trium exacta dig-
nitione nihil de salute investigari contingit, non magis quam
hoc sciri potest, hominis robore, oneris magnitudine, & via lon-
gitudine antea non perspecta: nam ægri vires portanti onus,
morbus vero oneri, tempus autem, quod usque ad statum exten-
ditur,*

Status
futuri
cognitio
necessa-
ria ad
prædi-
candum
in mor-
bis.

ditur, longitudini via respondent? Quo pacto igitur de ægro-
tante sciri potest, num quid sufficiat, si nulla status præco-
gnitio habeatur. Ex iis itaque omnibus ratio cogit, nil
tam studiose esse discendum, quam futuri status prænotio-
nem. Itaque ex natura, morbo, atque morbi futuri status
dignotione totam in ægrotis prædicendi rationem, seu me-
thodum pendere merito diximus. At iis præmissis nunc
ad singulorum notitiam assequendam declinemus, a naturæ
viribus dignoscendis incipientes.

C A P. II.

*De cognoscendis Naturæ viribus, atque inprimis ex quibus
ipsarum cum robur, tum imbecillitas dignoscatur.*

Natura,
ejusque
vires
quomo-
do co-
gnoscun-
tur.

Cum naturæ vires sint a nobis dignoscendæ, atque non
minus, ex quibus ipsarum cognitio habeatur, de Na-
tura, atque de ipsius facultatibus & actionibus prius est
agendum. Naturam vero, illam (inquam) adversus mor-
bos pugnantem, quandam esse substantiam seipsum moven-
tem, in iis, quæ ab ea reguntur, corporibus inhabitantem
plures existimarunt; at quid illa sit, quave ratione varias in
illis actiones edat; omnes fere vel etiam nunc latet. Mul-
tis tamen Medicis, * Hippocrati, Galeno, atque aliis, quen-
dam illam esse spiritum, vel calorem innatum, seu conge-
nitum ex primorum elementorum commoderatione pro-
fectum, in partibus corporis spirituosis, carnosis, atque so-
lidis viventem, persuasum est. Quam rem (etsi calorem
ipsum naturam, vel animum non esse putem, sed ipso ma-
gis tanquam instrumento uti) nobis non pauca suadere ex-
istimo. Corpora siquidem, ut docet Hippocrates, pluri in-
nato calore referta, perfectius ac robustius suas obeunt
functiones, ac imbecillius, quæ illius caloris minus parti-
cipant. Quod in puerorum & senum corporibus facile ob-
servamus, illa namque, quia plurimo innato calore va-
lent, sua idcirco naturæ munera perfectissime præstant, seu
exer-

* Gal. in 9. de Hip. & Plat. decr. cap. 9. Gal. in 4. aph. 37. & in 5. aph. 22. Gal.
in 2. aph. 51. Gal. in 11. method. med. c. 1. in 1. aph. 14.

exercent: etenim recte cibum appetunt, concoquunt, retinent, atque ipso ad nutritionem utuntur, non minusque genita excrementa inutilia rejiciunt & consumunt. Ex quo maximos gravissimosque morbos pueri aliis aliarum ætatum hominibus facilius ferunt. Senum vero corpora caloris inopia ac defectu omnium maxime languidissimis functionibus utuntur. Præterea in singulis quoque corporis partibus id licet observari, quo enim cerebrum, stomachus, hepar, cor, atque cætera alia membra, plus nativo illo calore valent, sive ejusce caloris plus habent, eo robustius naturalia munera obeunt, ac exercent. Quo vero minus, ad obeunda naturæ opera eo imbecillius se gerunt. Cerebrum plurimo calore utens recte concoquit, pauca excrementa gignit, ipsaque valenter digerit, resolvit, vel rejicit, in quo sensus omnes ob id purissimi exercentur. Frigidus vero debiliter concoquit, excrementa multa coacervat, ipsisque ea de causa assidue scatet, quo sensus non recte suas edunt functiones, vel eas debiliter & imperfecte. Quod eodem modo & de aliis nostri corporis membris demonstrari potest. Ex quibus quidem natura nihil sane aliud, quam calor temperatus, congenitus, sive innatus creditur, probe (uti in brutis etiam animalibus apparet, quæ, quod plura ratione agere videantur, non omnino discursu carere quibusdam naturæ doctis persuasum est) ab Auctore nostræ creationis perdocta, atque erudita. De qua Gal. in Capite 2. lib. 2. de dieb. decretoriis: *Physicum esse convenit, qui hæc judicet, & persuasum habere naturam prorsus sufficere; & summa quadam providentia corpori nostro prospicere: Item propriis etiam motibus ordinatis, si quid aliud, ita & ipsam uti.* Et in lib. de causis morborum cap. 2. *Rationem enim quandam, atque mentem naturæ tribuimus, si ita simpliciter ipsam quicquid inutile est, deponere affirmemus, ex nobilioribus partibus ad ignobiles.* Ex quo Hippoc. in lib. 6. cap. 6. & idem ait: *Morborum naturæ medicæ, atque ibidem Galenus Com. 5. Text. 1. Hippocratem non esse ex illorum cætu, qui naturam arte carere arbitrantur, sed eam esse artificem, animalibusque*

Natura
quomo-
do di-
stingui-
tur.

consulere, tradidit. Hæc vero triplici differentia distinguitur; una siquidem *animalis* dicitur, quod functiones ad animam, seu ratiocinatricem facultatem attinentes obeat: *naturalis* altera, quæ ad appetitricem, altricem, generatricem: atque tertia *vitalis*, quæ vitæ custodiæ maxime præest. Has Gal. in lib. IX. cap. 10. meth. medendi, ita expressit: *Gubernans animal* (ut in lib. de Hippoc. & Platonis dogmatis est monstratum,) *tres diversi generis facultates toti corpori ex suo quodam veluti fonte, quæque distributæ: eas Plato animas vocat, propriam cujusque substantiam inveniens. Est enim earum quædam ad nutriendum animal necessaria, ac cum stirpibus communis: quæ jecur veluti pro fonte habet: Canales vero ab hac in totum corpus sparsos, ipsas venas: hanc seu appetitricem, seu naturalem, seu altricem voces, nihil interest: veluti si animam aut facultatem. Altera est, quæ non modo, ut stirpibus aut vita præditis, sed etiam ut animalibus anima est insita: Hæc sedem in corde habet, ipso quoque insiti caloris quodam seu fonte. Ab hoc fonte canales arteriæ sunt, vocanturque hæ multis sane nominibus: nam & facultas, sive virtus vitalis, & facultas, sive virtus animosa, & anima vitalis, & anima animosa dicitur. Tertia anima ratiocinatrix in cerebro domicilium habet: ea voluntariis actionibus una cum sensibus præsidet. Utitur & hæc particulis quibusdam seu canalibus, nempe ipsis nervis, sensum motumque per hos in totum animal transmittens. Tres itaque hæ sunt facultates, quæ corpus a morbo defendunt, animalis, quæ cerebrû, vitalis, quæ cordis, & naturalis, quæ hepatis curam habet. Hæ tribus alicujus arcis præfectis, eam defendentibus comparantur, qui, cum per se soli nequeant ejus defensionem tueri, seu recte sustinere, militibus utuntur, quibus ab arce infensos hostes propellant. Sic quælibet prædictarum facultatum pro militibus functionibus quibusdam contra morbos utitur. Donatæ etiam sunt facultates nonnullis instrumentis, quæ ipsis subserviant, cum corporum sanitatem curare student. Animalis siquidem facultas, (quam in cerebro sedem habere diximus) nervos; *vitalis* in corde arterias, ac *naturalis* in hepate venas habent:*

Corpori
tres in-
sunt fa-
cultates.

per

per has sanguis ad omnes corporis partes nutriendas labitur, ac per nervos iisdem partibus sensus & motus, atque demum per arterias vitalis spiritus a corde communicatur. Vivunt itaque corporis partes ope vitalis spiritus, sentiunt, ac moventur animalis a cerebro per nervos in ipsas effusi atque emanantis; Nutriuntur denique a sanguine ipsis per venas a jecore accedente. Quælibet quoque pars vita non destituta a natura nervis arteriis venisque referta, continue ex sanguine, ac gemino nuper dicto spiritu, alitur, vivit, sentit, ac movetur. Hinc singulis corporis partibus adsunt ii spirituum calores, quibus functiones omnes, seu actiones, scilicet animales, vitales, naturales vitæ conservandæ causæ, obeuntur: Hosque calores, a quibus actiones ex obeuntur, Medici merito vires appellant, quas natura singulis partibus, prout opus est, dispensat. Quo etiam facultas dispensatrix a Medicis est nuncupata. Facultates vero omnes propriis actionibus perficiuntur. Naturalis quidem tres Facul- præcipuas habet, quippe nutritionem, autionem, atque tas na- generationem; quibus multæ aliæ destinantur, quæ sunt attra- turalis tractionis, retentrix, concoctrix seu alteratrix, ac expultrix: quæ? Sine his corporis partes neque generantur, neque nutriuntur, neque augentur. Non me latet his longe etiam plures, servientes huic facultati, actiones ab aliis recenseri, quas tamen omnes sub prædictis contineri haud ignoro. Attrahunt enim partes, quo nutriantur, alimentum, vel quo exonerent præcipuum, nobileque membrum, excrementum, ut vesicula bilem, lien sanguinis fœcem, & urinam vesica. Retinent partes attractum alimentum, quoad ipsum perfecte coxerint, atque excrementum, donec copia distendendo, aut qualitate infesta partes valde molestat. Coquunt non minus, quoad in substantiam partis nutriendam alimentum mutatur. Quod ut fiat, facultas pluribus utitur coctionibus, pro variis præparationibus, priusquam partes similes sanguinem recipiant, sibi que ipsis ultima coctione edita assimilent. Variæ profecto in variis membris ad illud operis a natura destinatis concoctiones fiunt.

Cibus inprimis in stomacho susceptus coquitur, posteaque rursus in venas attractus coquitur, quoad in sanguinem mutetur; qui dehinc per venas singulis partibus concessus in ipsarum substantiam, postrema peracta coctione, mutatur. Expellunt etiam, aut quod alterari, seu coqui non potest, aut quod quantitate vel qualitate molesta lædit. Hinc omnes partes, quoad possunt, noxios humores a se propellant, ipsosque partes aut naturæ, aut morbi alicujus ratione factæ debiles, recipiunt. Atque hæc de facultate naturali. Vitalis vero facultas, qua corporis partes vivunt, duabus tantum functionibus seu actionibus utitur, quippe pulsatione arteriarum, atque respiratione. Hac quidem frigidus aër per asperam arteriam & pulmones ad cor vehitur, ut calor vitalis igneo temperamento donatus (qui absque ventilatione, quin resolvatur & marcescat, servari non potest) ejus frigore coerceatur, neque diffluet, neque exstinguatur. Pulmonum vero dilatatione (veluti eorundem compressione innati caloris fuligines geniti evacuantur, puriorque vitalis spiritus redditur) cordis calor recreatur, fitque purior. Idem in toto corpore pulsatione arteriarum fit, quando ipsarum dilatatione (quam Græci *diastolen* vocant) calor refrigeretur, & compressione, *systole* vocata, quod ex humorum deüitione in toto animante contractum est, veluti fumidum excrementum expellatur. Quod Gal. in multis locis meminit, & cap. 33. *de causis pulsuum* hisce verbis: *Quod tuendi causa caloris universi corporis creati (scilicet pulsus) sunt, quem refrigerent; & si quid sit fuliginis ex succorum adustione contractum, id excernunt e vestigio.* Etiam illo loco dictum est, ad gignendum hos conferre animalem spiritum. Respiratio a natura facta est caloris innati cordis causa, ut refrigeretur, & a fumosis halitibus expurgetur, & pulsatio arteriarum non minus addita est, caloris vitalis in toto corpore effusi refrigerationis, atque purificationis gratia. Animales denique functiones plures existunt, scilicet animalis seu voluntaria, quæ nervis atque musculis est destinata, quintuplexque existit, una sensitiva, quæ in alias quinque subdi-

Facultas
vitalis
quæ?

Facultas
animalis
quæ?

subdividitur, quippe in videndi, odorandi, audiendi, gustandi, tangendique actionem. Secunda est motiva, qua corporis singulæ partes moventur. Tertia imaginandi. Quarta ratiocinandi, & postrema memorandi. Hæque sunt omnes facultatum actiones, quæ inculpata, ac robusta in corpore cognita naturam robustissimam præmonstrant, plurimumque inati caloris ad ipsas facultates ipsam mittere, ac instrumenta quibus ea obeuntur; itaque primum ipsorum principium, nempe cerebrum facultatis sedem nullo vitio teneri. Infirmæ vero debiles vel vitiata oppositum utique denotant; quando hæ, caloris (quem vires appellant) inopia, vel debilitate, aut vitio instrumentorum, aut ex causa morbifica ita obeantur. Ab actionum itaque robore & debilitate, totius naturæ potentia seu vis quanta sit conjicitur. Sed quod nos hætenus universaliter conjecimus, nunc singillatim attingamus.

C A P. III.

De facultatum actionibus robustis cognoscendis.

Actiones, quæ in corpore perfectissimæ obeuntur, facultatis, a qua emanant, robur ideo significant, quoniam nedum facultatis, sed & illius sedis (quod primum facultatis instrumentum Gal. vocat) atque aliarum partium, vel instrumentorum, primo instrumento inservientium perfectæ sanitatis certa sunt indicia, ut Galen. in 1 lib. cap. 2. *de sympt. causa* tradidit. Cum itaque in ægrotis, ut ab animalis facultatis actionibus incipiamus, omnes cum interni tum externi sensus, scilicet visus, olfactus, gustus, tactus, nihil a statu naturali mutati observantur, recteque, quod ad imaginationem, memoriam, rationem, atque motricem potentiam pertinet, tunc se habent, (sic robustam recteque valentem facultatem cerebrum inhabitantem significant) ut nihil omnino ipsam offensam exinde præmonstretur habuisse. Quod Hippoc. in lib. 2. *aphorism.* 33. nobis indicasse visus est, quum dixerit: *In quovis morbo mente constare & bene se habere ad ea, quæ offeruntur, bonum, contrarium vero*

Facultatum actionum robur, unde cognoscitur?

Animalis facultatis actiones robustæ unde noscuntur?

Vitalis
faculta-
tis actio-
nes ro-
bustæ
unde co-
gnoscun-
tur?

Natura-
lis facul-
tatis fun-
ctiones
robustæ
unde co-
gnoscun-
tur?

malum. Naturaliter itidem homines respirare, atque arteriarum pulsus, magnos, vehementes, æquales atque ordinatos habere facultatis vitalis seu animosæ fortitudinis nobis est indicio. Hoc Hippoc. in 1 *libr. prognosticorum text.* 25. ita expressit: *Spirationis autem facilitatem existimari oportet, perquam magnam vim habere ad salutem in omnibus morbis acutis, qui cum febre sunt, & in quadraginta diebus judicantur.* & Galen. in *commento cap. 7.* naturalem respirationem appellavit spirationis facilitatem, significantem neque thoracem, neque cor, ac pulmonem, neque præcordia doloris quandam habere affectionem, quin etiam neque partes quasdam iis admistas. Et in *lib. 1. de præsag. ex pulsibus*; de pulsibus, hanc facultatem robustam denotantibus, ita habet: *Vehemens enim pulsus a facultatis semper robore fit, ac quo sit vehementior tanto robur majus esse facultatis.* Non secus etiam de naturalis facultatis functionibus dicendum erit, ægrotos namque probe cibos appetere, atque ex ratione sitire, optimum est, exindeque robur facultatis significatur, non minus & partes ad se alimentum recte attrahere, retinere, concoquere, excrementumque per loca convenientia expellere; idem ostendet *com. 2.* Ex quibus naturalis facultatis actionibus duæ sunt præcipuæ, ad hujus potentiaæ robur ac debilitatem denotandam, quippe excrementorum coctio atque excretio. de illa Hippoc. in 1. *text. 45. cap. 9.* & idem ait: *Coctiones celeritatem portendunt judicii, securitatemque salubrem.* Et Gal. in *lib. de constit. art. medicæ* dixit: Quibus omnibus hoc commune est, nunquam morbum solvi posse, nisi prius in excrementis coctionis signa conspiciantur. Unde siue aures male habeant, siue oculi, siue fauces, &, ut summatim omnia dicam, coctiones omnes celerem crisin, salutisque securitatem indicant. & in 1. *de crifibus cap. 8.* scribit, coctionis signa nunquam male apparere. Non minus in *lib. 3. cap. 3.* affirmavit, cum milles, dum crises fierent, interfuisset, neminem unquam vidisse intereuntem, qui præcedentibus coctionibus crisin habuisset. & in 1. *aphorism.* dixit, coctiones naturam morborum causis

causis prævalere perpetuo præmonstrare. Hanc sequitur excretio, quæ post coctionem apparens semper facultatis robur indicat, certamque salutem prænunciat. Natura enim perpetuo hoc ordine procedit, ut prius concoquat, mox expellat. Quo omnis excretio post coctionem apparens optima & salutaris judicatur. Hæc vero duobus modis fit, uno modo, singulis corporis partibus propria excrementa in ipsis genita excernentibus; altero, cum multitudine humorum exsuperantium vel qualitate, vel utroque modo eadem partes gravatæ excernunt. Quam excretionem præmonstrant excrementa probe concocta, atque secundum naturam excreta. Quorum absolutissimam tractationem postea quippe in ultimo libro instituemus. Hæc vero ita prodeuntia excrementa, perfectam, ut docet Hippocrates, partitium, a quibus procedunt, sanitatem indicant. Altera vero excretio, in qua humores quantitate aut qualitate molesti, debito tempore vacuantur, expultricem facultatem robustam, naturamque ipsam morbo prævalere, certo præmonstrant. Cujusmodi sunt criticæ sanguinis eruptiones, urinæ copiosiores, alvi dejectiones, vomitus, spura, atque sudores. Hæ etenim omnes natura cum robustam tum causis morbofis prævalentem significant. De proba sanguinis excretionem Hipp. in 1. epid. comm. 2. text. 65. & idem ita habet: *Febribus autem ardentibus, quibus rite ac largiter sanguis per nares erupit, ea de causa maxime servabantur.* Quod in Cleonactide, Pericle, virgine Abdera, Heropyto, muliere morosa, Larissa virgine, Metone atque in aliis multis ab Hippocrate aphor. 73. fuit observatum, de quibus ait: *Sanguis autem plurimis erupit; præcipue adolescentulis, & adultis. Quorum perit maxima pars, quibus sanguis non erupit.* Et Gal. paulo post com. 3. text. 88. de Metone dixit: *Large de naribus eruptiones sanguinis liberant fere.* Sane enim a sola videtur sanguinis eruptione & judicatus & servatus, quanquam non omnino tuta signa haberet. De urinarum vero probis excretionibus seu purgationibus post coctionem apparentibus. Hipp. in 4. aphorif. 74. inquit: *in quibus ad articulos speratur abscessus, liberat*

Excretio
post co-
ctionem
duobus
modis fit.

berat ab abscessu urina multa, crassa facta. Qua scilicet alba, crassa, & copiosa cum multa subsidentia Nicodemum fuisse judicatum in lib. 3. Epidem. com. 2. text. 2. posteritati tradidit, & Charionem multis biliosis. Nonnunquam etiam nigras tunc temporis excretas multis profuisse Gal. in lib. 3. Epid. com. 3. text. 73. his verbis affirmavit, dicens: *Equidem quandam novi, quæ talibus urinis magna copia evacuatis, auxilium percepit: & de dejectionibus salutaribus, naturam morbo prævalentem præmonstrantibus, in lib. 4. aphorism. 28. Hipp. ita habet: Et, quibus surditas, supervenientibus biliosis dejectionibus, cessat: ac in lib. 6. aph. 17. Lippientem ab alvi profluvio corripere, bonum. De Heropytoque judicato in lib. 2. Epid. com. 2. Circa diem centesimum alvus fuit turbata, multis biliosis, durabantque diu multa talia. Gal. vero clarius de hac excretionem in lib. 1. aphor. 22. ita scribit: Quando igitur post morbi coctionem aliquis humor vitiosus excernitur, tunc corpus a natura expurgatur, & propter hoc atrabilis, & alius omnis humor hujusmodi, ubi signa coctionis in morbi processu apparuerint, bonam significat evacuationem. De ea itidem, quæ per vomitum fit, Hippoc. in lib. 2. Prognost. aph. 15. dixit: vomitio autem utilissima est, quæ pituita ac bile permixta quam maxime est: & de excretionibus in suppuratis ait: Quicumque ex morbo laterali sunt empyi, id est suppurati, si quadraginta diebus purgantur, a die qua fit ruptio, liberantur. & de sudoribus: Sudores autem optimi sunt per omnes acutos morbos, si per diem eveniunt decretorium, & integre sedant febrem, si ex toto corpore prodeant, faciantque, ut æger ferat facilius morbum. Atque hæ omnes sunt excretiones expultricem facultatem robustam præmonstrantes, quæ sic valida contra morbum pugnat, ut interim sola excretionem ipsum superet. Quod de Metone Gal. in 1. prognost. text. 35. animadvertit, de quo ait: Sane enim a sola videtur sanguinis eruptione, & judicatus, & servatus; quamvis non omnino tuta signa haberet. Ex hac prævalida excretrice facultate Hippoc. in iis, qui in secunda epidemica constitutione ægrotarunt, maximam utilitatem cognovit. Nam in libr. Epidem. com. 2. text. 79. hujusce potentiaæ tale*

tale commodum iis fuisse dixit, ut fere omnes, qui forte hac excretoria vi valuerunt, evasisse animadverterit. Quæ res nobis ex ipsius sermone conspicua magis fit, qui est hujusmodi: *At vero hoc statu quatuor his præcipue signis servabantur; quibus enim aut ex naribus probe sanguis erupisset; aut qui per vesicam urinas multas, & multo bonoque præditas sedimento reddidissent; aut per ventrem, turbida biliosa tempestive processissent; aut qui in dysenteriam incidissent. Multis vero usu venit, ut non ab uno illorum judicarentur, sed per omnia plurimi excernerent, qui quidem gravius habere videbantur: Veruntamen omnes, quibus hæc accesserunt, superstites erant.* At de cognoscendis robustis naturæ actionibus, hæc nobis sufficient. Nunc ad debiliū dignotionem declinemus.

C A P. IV.

De naturæ actionibus debilibus cognoscendis, & primo ex animalis facultatis symptomatis.

Validis seu robustis naturæ actionibus, quæ ipsam morbo prævalentem ostendunt, recte perspectis, ad debiliū notitiā descendimus. Quæ * tribus modis prælan- Naturæ
actiones
tribus
modis
prælan-
guescuntguescunt, scilicet ubi omnino tolluntur, aut diminuuntur, aut denique vitiantur. Unde in ipsis varius debilitatis gradus nobis innotescit: etenim maximam naturæ debilitatem actiones sublatae explicant, quippe cum ipsis facultas plane destituitur. Præsertimque si hæ, resoluta aut emortua facultate, aut primo facultatis instrumento læso, tales prodeant, seu deficiant. De his Hippoc. in lib. 4. aphorism. 49. ait: *Si non videat vel non audiat, jam debili existente corpore: quicquid horum evenerit, mors proxima est.* Et in Epidemias: *partes extremæ frigescebant, atque ad calorem amplius non redibant.* Et ex naturali facultate in Hermocrate extincta; *perpetuo a cibo abhorrebat, omnino mente constabat, loqui non valebat, lingua inaruit, non sitiebat.* Minus malum vero portendunt, quod minorem quoque naturæ debi-

C. de morbo animal. lita-

* Gal, in I. de sympt. caus. cap.

litem denotent, quæ fiunt aut cum defectu, aut cum vitio, non tamen ex facultatis defectu vel vitio, neque primo ejus instrumento læso (quando & hæ actiones imminutæ aut vitiatæ magnum periculum præmonstrent) sed læsis tantum instrumentis primo servientibus, cujusmodi sunt furditates, cæcitates, paraplegiæ, tremores, atque aliæ actiones diminutæ, aut vitiatæ, quarum ii affectus symptomata existunt, quæ læsis instrumentis primo quippe cerebro servientibus concitantur. At hanc rem accuratius attingamus & illustremus per singulas tres facultates discurrendo, ab animali exordientes; quæ cum triplicem habeat potentiam, nimirum ratiocinatricem, motricem, ac sensitivam. Nunc de prima agamus. Itaque ut nuper diximus, ægrotos mente constare optimum est, quippe quod facultatem adversus morbum animale viribus maxime valere denotet, ita sublata ratione ac discursu eandem maxime languidam, atque morbo imparem viribus comprehendimus. Ipsamque facultatem, aut primum instrumentum, nempe cerebrum, quod alias ejus sedem esse diximus, aut alia instrumenta, primo subservientia, aut denique omnia simul læsa, cognoscimus. De quibus in *Prorrheticorum text. 8. Prælanguentium desipientiæ pessimæ*, ut & *Trafynonti* contigit, &c. *Tremulæ, obscuræ, blandæque, & contrectabiles desipientiæ, valde phreniticæ*, ut *Didymacho* obvenit. Nec non *a sanguinis*, dixit *Hippoc. in 7. aphorism. 9. profluvio desipientiæ, aut convulsio, malum*. Hæc sane symptomata sunt, quæ facultatem resolutam consequuntur. Sicuti veras omnes phrenitides (quoniam cerebrum primum facultatis instrumentum maxime læsum explicant) Galenus plerumque lethales esse, putat: quo in primo *Prognost. text. 36. omne genus phrenitidis esse exitiosum affirmavit*: & in primo *Prorrheticorum* dixit, *eas, quæ in tremorem finiuntur, quod fiant facultate resoluta nervis supra modum arefactis, exitiosissimas esse*. Idem fere denotare desipientias, quæ cum studio fiunt, *Hippocrat. statuit*, quia a flava bile cerebrum lædente oriuntur: omnium maxime lethales esse a flava

Animalis
facultas
prælan-
guida.
Ratioci-
natricis
faculta-
tis debi-
litas un-
de nosci-
tur?

flava bile, nimio calore ad exustam accedente, concitatas, qua amentes furiosi ferarumque modo effrenes, iracundi ferocesque homines redduntur. Continua itaque hæc desipientiæ cum febre continua (quod & cerebrum pessimo humore lædi, & ea læsione quam brevi facultatem existimam iri præmonstrent) naturam viribus morbo longe infirmiore, significant. Quare cum ratio tum imaginatio admodum læsa, cerebri virtutem maxime debilem ostendit. Memoria quoque eodem modo sublata aut imminuta, aut vitiata, idem fere in morbis acutis denotat: quam memoriam in ea peste, quæ Athenas devastavit, multos peste infectos ita perdidisse, ut neque consanguineos, neque amicos cognoscerent, neque (quod mirabilius est) ipsorum nomina recordarentur. Theucid. historicus narrans, istius quoque potentiæ debilitatem attigisse, visus est. De hac ipsa Hippoc. in lib. 3. *Epidem.* scripsit: *Oblivio sub accessiones, languor, vocisque defectus, & Gal. in Commento. Et oblivio manifesta est, & monstrata frequenter est, de exitalibus esse, & in lib. 1. Prorrheticorum: Ignorantia cum rigore malum; malum quoque oblivio.* Ex quibus actionibus ita læsis licebit facultatis impares cum morbo vires, & maxime prælanguidas cognosci. Ceterum cum hæc recitata symptomata, nonnunquam sint signa iudicatoria, quæ ante salutarem crisin conspici solent, ideo accuratius ab iis, quæ facultatem debilem denotant, erunt distinguenda. Idemque faciendum in aliis omnibus cujuslibet facultatis actionibus læsis, naturam debilem significantibus. De quibus Galenus in primo de Crisibus ita habet. *Quæ vero veluti horum signa indicativa sunt, deliria existunt, atque vigiliæ, & somni graves, & dolores, & lacrymæ, & difficultates spirandi, & tenebræ oculis obortæ, & quæcunque similia, etenim hæc, si absque coctionis signis apparuerint, sunt pessimæ dispositionum indicia. Hæc in morborum principiis, quo tempore natura nondum humores concoxit, & superavit, apparent.* De his Hippoc. in secundo Pognosticorum, in hunc modum scripsit: *Ceterum in principiis febrium sive delirium accesserit, sive ali-*

cujus membri Syderatio periturum hominem, sciendum est, si non omnino aut ex optimis signis aliquod accedat, aut corporis vires adsint. Signa vero crisin indicantia in statu morbi observari Gal. in primo de Crisib. statuit, ac ipsa post signa coctiones perpetuo esse salutaria. At modo ad id, ex quo digressi sumus, redeamus. Cognitaque natura virium ex ratiocinatricis potentia actionibus laxis debilitate, nunc symptomata quoque, quæ motricem facultatem prælanguidam ostendunt, attingamus. Partes itaque corporis motu atque sensu destitute facultatem animalem resolutam indicant. Quo Hippoc. lib. 2. Aphorism. 42. dixit. Solvere morbum, quem apoplexiam vocant, fortem impossibile, debilem vero non facile. Quemadmodum optimum est corpora facile moveri, ita non recte moveri malum. Hipp. in lib. 3. Prognosticor. aph. 36. ait. Qui dolore vexatur, facile convertatur, sitque resurgendo levis oportet, si corpus omne grave est, & item manus ac pedes, majori cum periculo est. Sunt itidem aliquarum tantum partium resolutiones (quas paralyses Græci vocant) prælanguentem naturam præmonstrantes, eæque præsertim, quæ læso cerebro excitantur. Cujusmodi in febribus continuis est aponia, scilicet vocis resolutio, de qua auctor Prorrheticorum habet. Quæ cum exsolutione fiunt & Catochæ, & aponiæ perniciosæ sunt. Fiunt vero hæ non raro etiam ob convulsiones linguæ, vocis nimirum instrumentis multo humore imbutis, aut ab igneo calore admodum exsiccatis, quo pejus malum est. At quæ læso cerebro exsoluta facultate fiunt, lethales existunt, uti in Sileno observatum est, de quo Hippocrates ait. Septimo die obmutuit, & in Philini uxore die septimodecimo. Sed hæ perniciosæ resolutiones apparent semper cum aliquo ex exitiis signis, quando nonnullæ, ut nuper dictum est, aliquando fiunt, partium resolutarum laxis tantum instrumentis, ac aliquando criticæ, qualis in muliere trimestri foetu gravida apparuit, ipsa enim die tertia obmutuit, quæ quinto sudore fuit judicata. Quæ vero læso cerebro fiunt, semper cum aliis pravis signis nobis innotescunt, qualis fuit,

Motricis
faculta-
tis debi-
litas un-
de nosci-
tur?

fuit, quæ in Pythione illuxit, de quo Hippoc. ait: *Altero die sub meridiem extremæ partes frigebant, præter ceteras manus & caput obmutuit, brevispirans, redit calor.* Hanc aphorismam Galen. in commento docuit caloris refrigerationem, & maximam virium imbecillitatem prænotare. Atque sic ex sublato motu, ac diminuto, partium corporis facultatem animalem debilem, viribusque morbo infirmiore cognoscemus. Ex vitiatis quoque motricis potentia actionibus, quarum symptomata sunt convulsiones, singultus, tremores, rigores, & horrores, idem perquirendum est, hæc enim symptomata itidem naturam, & præsertim animalem, morbo infirmiore denotant. De convulsionibus Hippoc. in lib. 4. Aphorism. 66. ita habet. *In acutis febribus convulsiones, & circa viscera dolores fortes, malum; & ubi sanguis multus fluxerit convulsio aut singultus superveniens, malum.* Et postea: *A vomitu singultus & oculorum rubor, malum; & ab ileo vomitus, singultus, desipientia, vel convulsio, malum.* Tremores eodem modo in acutis morbis, quod hanc facultatem debilem præmonstrent, male apparent, omnium vero maxime, si a vehementi phrenitide appareant, lethales existunt, teste auctore *Prorrheticorum in 1. lib. text. 31.* qui ait, *phrenitica in vehementer trementia finiuntur.* Et postea: *Mente ob melancholiam aberrantibus tremores supervenientes, maligni.* Gal. in comm. text. 2. ait. *Cum igitur talem ob affectionem tremor fiat, vehementer exsiccatos ostendit nervos, atque ob id hominem lethaliter habere; & paulo post. Qui ergo ex atra bile, mente aberrantem superveniente tremore, certo moriturum affirmat, non fallitur.* Et de rigore itidem prælanguidam hanc facultatem indicante, in 1 lib. Prorrh. text. 24. *Ignorantia cum rigore, malum; & a rigore refrigeratio non recalcenscens, malum; & post oculorum perversionem in febre laboriosa rigor superveniens, mortem fatetur.* Et Hippocrates in lib. 4. Aphorism. 46. *Si rigor inciderit febre non intermittente agro jam imbecilli, exitialis.* Et in 7. lib. Aphor. 7. *Ex multa potatione rigor & desipientia, malum.* Rigor etiam in febre acuta, quam aut nulla evacuatio sequatur, aut non

bona, facultatem maxime debilem ostendit, veluti mulieri, quæ in foro mendacium decumbebat, evenisse Hippoc. vidit, quam ait ante exitium rigorem habuisse, cum ludore frigido, qui est pessimus, ut posterius ostendemus, idem notant horrores, de quibus Hippoc. *in lib. 3. Epidem. com. 3. text. 3.* scripsit: *Horrebant & sub mortem delirabant, ut Critoni accidit.* Vigiliæ etiam debilem facultatem ea ratione significabunt. Assiduæ enim vigiliæ vires maxime resolvunt cerebrumque siccant. Quo Hippoc ait, *hominem neque noctu, neque interdiu dormire pessimum esse*: hinc etiam addidit: *vigilias, quæ modum exceßerint, malas.* Interdum vero vigilant ægroti non siccato cerebro, atque extincta facultate reddita debili, sed antequam fiant crises salutares, ut Gal. *in lib. 3. cap. 5. de Crisib.* meminit, quod & *ad Sect. 4. Aph. 71.* ita habet: *Vigilant enim magna ex parte & graviter se habent, ac febricitant vehementius ægri, quanto propius ad judicationem accedunt.* Sed, ut alias quoque dictum est, hæc vigiliæ, signis coctionis prægressis, excitantur, illæ facultatem debilem significantes principio morbi, quo tempore omnia cruda existunt. Assiduæ vero & diu durantes pessimæ existunt, quippe naturam partim exsolutam, & partim exsolvi præmonstrantes. Quales in uxore dromeadaï, atque in illo, qui calescens cœnavit, Hippoc. *in 3. Epid. 3. tex. 28. Aph. 18.* vidit. Hic quidem a die sexta usque ad undecimam, in qua obiit, assidue vigilavit. *Pessimam iridem vigiliam in acutis morbis cum convulsione esse,* Hippoc. *in lib. 7. Aphorif. 6.* statuit. A somno etiam hujus facultatis debilitatem cognoscere possumus. Immoderatus enim somnus malus est, & exitialis longas vigilias in acutis morbis secutus. Loquor vero de somno profundo, quem *coma* Græci vocant, & Gal. in somnum delationem sive inclinationem appellat; qua ægri quin dormiant, secontinere nequeunt, atque etiam profunde sic dormiunt, ut vix expergiscantur, statimque in somnum deferuntur. Hos somnos veterinos Gal. *in 6. Epidem. com. 6. in tex. 8.* vocat, qui perpetuo prælanguidam facultatem denotant, omniumque

maxime

maxime, ut diximus, qui calidioribus, siccioribusque morbis succedunt, quoniam frigiditas, ex qua fiunt, est lethalis. Quod Gal. in lib. 3. *Epidem.* hisce verbis expressit, dicens: *Nam insanabilia ea esse demonstratum est frigora, cum calidis & siccis morbis contingunt.* Addimus somnum esse actionem naturæ, qua humores in visceribus concoquuntur, & digeruntur. Quod inde omnis calor ab extra intus feratur, ut Gal. in 6. *Epidem. com. 5. tex. 37.* tradidit. *Cum vero ægri dormiant, morbusque nihil exinde minuitur, maximo eos teneri morbo, quem facultas vincere nequeat, nobis est argumentum.* De quo Hippoc. in 2 *Aphorism.* dixit: *Ubi somnus delirium sedat, bonum, &c.* Quibus in morbis somnus laborem facit, mortale. Si vero non juvet mortale. Somnus itidem nimius simul cum vigilia idem denotabit, quippe facultatem morbo viribus imparem, atque debilem. De his Hippoc. in 3. *Epid. com. 3. tex. 16.* dixit. *Comatosi rursusque insomnet erant.* Et paulo post, *detinebantur aut comate perpetuo, non somnolento, aut vigiles erant cum laboribus.* At ad ea symptomata, quæ actiones sentientis facultatis debiles, quippe, aut sublatas, aut imminutas, aut vitiatas, quibus hæc sentiens potentia debilis significatur, ostendunt, descendimus. De quibus, ut a visu incipiamus, Hippoc. in lib. 4. *Aphorism. 49.* habet: *Si non videat, vel non audiat, jam debili existente corpore, quicquid horum evenierit, mors proxima est.* Symptomata vero omnia, quæ visoriam potentiam prælanguidam morboque imparem viribus, denotant; Hippocrates addidit in primo libro *Prognost.* sic scribens: *Si enim lucem effugiant, aut nolentes illacryment, aut pervertantur, aut alter altero fuerit minor, aut candidum rubidum habeant, aut lividas, aut nigras venulas, aut sordes appareant circa oculos, aut sublimes, tumidive oculi, vel cavi admodum fuerint, & obscuri, quippe sine splendore, vel totius color evariet vultus. Hæc omnia mala esse atque exitiosa censendum est.* Et postea: *Considerari autem convenit hunc in modum suspensiones etiam oculorum per somnum, si quid enim candidæ partis subapparet commissis palpebris, nec alvi fluor aut*

Actio-
num sen-
tientis
faculta-
tis debi-
lium
signa.

medi-

medicamentum in causa est, aut nec ita dormire consuevit, vitiosum indicium, lethaleque admodum est. Idem surditas si fuerit critica, in morbis acutis ostendet. de qua in *Coacis præfagiis tex. 2.* legitur: *In febre acuta aures obsurdescere furiosum esse, & in 1. Prorrheticorum tex. 32.* *Surditas in acutis & turbulentis, malum.* Idem ex aliis sensibus, aut sublatis, aut imminutis, aut denique vitiatis in morbis acutis crudoque exsistente morbo, erit conjiciendum. Quotiescunque etiam ægroti morbos non sentiunt, aut delirium, aut emortuam sentiendi facultatem prænotant. Hippoc. in 2. *Aphorism. 6.* ait: *Quicumque dolentes parte aliqua corporis omnino dolorem non sentiunt, iis mens ægrotat.* Addimus, si id extincta sentiente facultate fiat. Idem partes extremas corporis frigidas sentiri, cum internæ urantur nobis præfagient. Quod Hippoc. in lib. 4. *Aphorism. 48.* ita expressit: *In febribus non intermittentibus, si partes exteriores frigide, interiores urantur, & sitim habeant, lethale.* Pessimum est extrema refrigerata, non amplius recalescere. Quod de Sileno moribundo Hippoc. meminit, dicens: *Extremitates undequaque frigebant, nec jam ad calorem illæ amplius redibant.* Ex iis itaque omnibus actionibus, a suo naturali statu valde mutatis, quippe vel ablatis, vel diminutis, vel maxime vitiatis, facultatem animalem debilem, morboque viribus imparem conjicimus; maximeque, si vel hæ omnes, vel plures eo modo læsæ, sua munera non recte obire comprehendantur. Ad quam rem accuratius dignoscendam, omnia earum actionum cum symptomata, tum instrumentorum ipsis famulantium morbi erunt attendendi. Veluti in videnti actione ablata nuper ex Hippocrate complura exempla adduximus: qui cum nobis ex illa sublata actione prælanguidissimam facultatem visoriam significare voluerit, non solum ægros acuto morbo laborantes non videre, aut diminute quidem, at simul etiam visus instrumenta varia cum symptomata, tum morbos pati docuit in 1. *Prognost. tex. 13.* Nam non solum ægroti, si lucem effugiant, aut nolentes illacryment in acutis morbis, malum est; at longe pejus erit, oculo-

oculorum altero alterum simul convelli, aut intumescere, aut inflammatum albumine rubrum videri, aut cavos admodum, vel sine splendore oculos esse, & alia hujusmodi multa in oculis observari. Quæ & cerebrum, & ei, quæ serviunt, instrumenta maxime læsa ostendunt, atque ex iis facultatem quoque unam periisse. Quæ omnia postea nos accuratius tractabimus, cum speciatim de prædictione a cujuslibet facultatis actionibus, & a partibus corporis agemus. At ex aliis aliarum cognoscendarum facultatum actionibus institutum nostrum prosequamur.

C A P. V.

*De actionibus facultatis vitalis ex ipsius
symptomatis cognoscendis.*

Ex multis symptomatis, quæ potentiam seu facultatem vitalem debilem, quippe aut sublatam, aut imminutam, aut denique vitiatam ostendunt, duo præcipua sunt, respiratio nimirum, atque pulsus a suo naturali statu mutatus, ad quæ nonnulla alia accedunt, uti cordis palpitatio, syncope, & refrigeratio. A respiratione vero exordientes, Respi- dicamus, ipsa nimirum respiratione intercepta animal morandi- ri, uti in anginosi, pleuriticis, peripneumonici, orthopneicis, atque suppuratis observatur. Quæ itaque in morbis actio- acutis respiratio magna est, atque rara, præagit delirium. læsæ. Cujusmodi in Sileno visa est, de quo Hippoc. in 3. Epid. 2. tex. ult. a primo hic ad finem usque spiritum magnum habuit, & rarum, & de Moelibœæ etiam adolescente. Sequentibus diebus spiritus rarus, & magnus per intervallum. Quæ vero rara & parva observatur, exitialis est. De qua Galenus in 3. Epidem. com. 3. in text. 74. ita habet, parvum esse quandam pariter & rarum spiritum, qui, cum refrigeratur, & emoritur jam vitalis facultas, fit. De frigido vero, qui fere extincta facultate editur, ait: Si frigidum e naribus, & ore exspiretur, exitiale jam est admodum. Est etiam parvus & frequens spiritus non minus malus, cum & ipse nativum calorem, ut Galenus docet, extinctum significet. Qualem in Pythio-

Pythione Hippoc. *brevissimum* appellavit. Prævum itidem est, magnum spiritum seu respirationem in parvam, & raram in frequentem mutari, quæ in Dealcis uxore fuit observata, de qua Hippocrates in 3. Epid. 3. text. 85. *Decimoquarto, spiritus rarus, magnus per intervallum, rursusque brevissimus.* Omnium maxime exitialis est etiam respiratio, quæ e folis naribus editur, & non ex ore. In qua cum thorax debilius, quam ad respirationem conveniat, moveatur, neque commode dilatetur, etiam pinnæ narium contrahi, & moveri videntur, quod Gal. in lib. de Loc. Affect. hisce verbis docuit: *Quippe, si videatur laborans inter spirandum totum movere thoracem, ut in parte quidem anteriore ad jugulum, in utroque latere ad summum humerum, in posteriori parte ad scapulas usque motus ipsius ascendat, tres ex hujusmodi spiratione affectiones significant. Una est flammea in pulmone atque corde caliditas, altera in aliquo spiritualium instrumentorum angustia, tertia est facultatis musculos thoracis moventis imbecillitas.* Inæquales itidem respirationes, & interruptæ, quæ convulsionum modo fiunt, perpetuo pessimæ existunt. Respirandi hæ itaque actiones læsæ, vitalis facultatis impotentia nobis sunt indicio. Eodem quoque modo arteriarum pulsationes, vel prorsus sublata, vel maxime imminuta, vel vitiata, seu ut unico verbo dicam, maxime a suo naturali statu mutata, idem præmonstrabunt. Itaque cum vehementes pulsationes omnium maxime robustam facultatem significant, ut Gal. in lib. 2. de Præfag. ex Pulsibus est auctor, ita languida imbecillam, quam rem Gal. ita expressit, dicens: *Vehemens pulsus a facultatis semper robore fit, ac quo fit vehementior, tanto robur majus esse facultatis. Languidus ex facultatis imbecillitate, ac quo fit languidior, eo facultatem quoque imbecilliorē esse demonstrat.* Ceterum omnes pulsus, (ait Gal. in Synopsi, de Pulsibus cap. 7.) qui a naturali symetria multum recedant, non boni sunt. At certe languidissimus & tardissimus, & rarissimus, omnium est deterrimus; post hos autem minimus, & mollissimus, & durissimus, postea frequentissimus, at non celerrimus, neque maxi-

Arteria-
rum pul-
satio-
num
actiones
læsæ.

maximus; sed hi sunt modice periculosi, solus aut in extremis optimus est omnium vehementissimus. Infirmam vero denotant facultatem parvi, angusti, humiles, tardi, languidi, intermittentes, minus deficientes, vermiculantes, fornicantes, atque omnes, qui ad extremum pervenerunt, exceptis vehementissimis. Quare hi omnes pulsus seu articularum pulsationes, debiles ac admodum a naturali statu mutatae, inspectae, facultatem vitalem morbo viribus impari ostendunt, & quæ nullo modo fiunt, eam extinctam prædicant. Atque his non minus, tardissime quæ obveniunt & rarissime, nec nunquam in pulsando sæpius, & multum intermittunt. De quibus Gal. in 2. cap. 4. de Præ-sag. ex Pulsibus ita scribit: *Nam si hætenus procedat, ut unius pulsus, vel alterius videatur tempus quiescere, instar veterni est, aut apoplexiæ cuiuspiam, aut resolutionis actionum voluntariarum, qualia enim hæc in aliud principium sunt, quod sedem habet in cerebro, tale quiddam pulsum est quies adversus principium, quod in corde situm est, & ut recte de illo est dictum, apoplexiæ non posse fieri, ut propulsetur, si ingens sit: si levis sit, non sine magno negotio: ita etiam dicitur hic recte, quies pulsum si sit diuturna, ut tollatur non fieri posse. Si brevis sit non citra negotium. Porro diuturna est, quæ excedit duorum pulsum tempus, brevis, quæ intra duorum pulsum tempus manet. Quies vero temporum unius pulsus inter omnes intermissiones moderatissima est, multique ex ea senes pariter & pueri evaserunt, juvenum autem ne ex hac quidem ullus.* De raris vero ac tardis pulsibus in lib. Synops. de Puls. cap. 33. sit ait: *Quæ igitur est in ipso cordis corpore refrigeratio magna, catenus etiam pulsus languidos efficit & tardos, & parvos, quatenus & ipsa dominatur. Quæ vero ab aliqua alia parte proficiscitur, raritatem plusquam alia prædicta genero a naturali statu amovet. Ubi ergo corpus ipsum cordis refrigerationem suscipiat, mors inevitabilior est, ac raritas quidem pulsum est usque adeo perniciofa.* A respiratione itaque ac pulsibus articularum sic nos vitalis potentia debilitatem discere quimus, tum vero ab animi deliquiis, quæ syncopes Medici appel-

lant, tum a cordis palpitationibus, de quibus Hippocr. *in secunda sect. Aphorism.* 41. ita meminit: *Qui frequenter ac fortiter absque causa manifesta exsolvantur, derepente moriuntur.* Et Galen. *in Commento:* *Sicuti & ille, cui dum exsolveretur, cor fortiter palpitabat, atque hic derepente mortuus est, non aliter quam illi, qui acutissimis cordis affectibus, quos syncoptes vocant, arripiuntur.* Sed de symptomatibus vitalem naturam prælanguidam, morboque infirmiore denotantibus hæc sufficient. Nunc illa, quæ naturalis potentia impotentiam seu debilitatem declarant, itidem spectemus.

C A P. VI.

De debilibus actionibus facultatis naturalis ex ipsius symptomatibus cognoscendis.

Nutritio
quomo-
do perfi-
citur, &
hujus
necessi-
tas.

Dictum est alias, unam præcipuam esse actionem, qua corporis partes omnes conservantur, scilicet nutritionem, ob hanc enim corpora diu vivunt, & sine ipsa contabescunt. Hujus ope humidi substantifici, quod in partibus corporis consumptum, seu exhaustum est, seu resolutum, continue restauratur, atque regeneratur. Huic autem quatuor actiones famulari superius diximus, unam quippe cibum, seu alimentum, seu nutrimentum attrahendo, alteram retinendo, tertiam coquendo, ac quartam excrementum expellendo, seu excernendo. Hisque non minus actionibus robustis existentibus, animal probe nutriri atque vivere. Nunc oppositum illi prælanguidis existentibus fieri statuimus; scilicet in corporis partibus, innutritionem fieri, *atrophiā* Græcis dictam, qua corpora siccantur & contabescunt. Stomachus autem instrumentorum naturali huic potentia servientium præcipuus, antè eas quatuor actiones, alia etiam utitur, sine qua aliarum usus haud recte consisteret. Hæcque cibi atque potus appetentia dicitur, quæ a penuria seu carentia pabuli sensu prodit, atque innotescit. Duplexque hæc appetentia, sive appetitus, unus cibi, quem famem, alter humidi seu potus, quem sitim appellant. His si careant corpora, morbis inculcata, diu non
vivunt,

Natura-
lis facul-
tatis de-
bilitatis
cogni-
tio ex
nutritio-
ne vi-
tiata.

vivunt, in morbis longis nihil cibi inappetentia est deterius. Quo dixit Hippocrates in 2. libr. Aph. 7. in morbo diuturno cibi fastidium, malum. Et Galenus in Commento: *Fastidium cibi per se ipsum prævum est signum in morbis diuturnis.* Nam in iis, qui a talibus morbis sunt evasuri, contrarius affectus solet accidere, vehemens scilicet ciborum appetentia. Quod speciatim de *Dysentericis* Hippocr. in sec. 3. Aph. 3. clarius hisce verbis expressit: *In difficultatibus intestinorum cibi fastidium, malum, & si cum febre, pejus.* In morbis vero acutis nihil est deterius, quam ægrotos cum ciborum omnium, tum potus appetitu carere, etenim duorum alterum necessario sequetur, aut eos mente motos esse, aut naturalem facultatem stomachi extinguere, ut Galen. in lib. 2. Aphorism. 6. affirmavit. De quibus plura apud Hippoc. exempla habentur, quibus in morbis acutis ciborum, potusque sublatum desiderium, seu appetitus, lethalis, dignoscitur, quod in Hermocrate Euryanactis virgine, Pario, muliereque apud frigidam aquam decumbente, & in aliis, qui obierunt, fuit observatum. De Hermocrate Hippoc. in 3. Epidem. com. 3. text. 3. ait: *Toto tempore cibos averfabatur, & paulo post gustare quicquam non valebat;* & de virgine Euryanactis in libro tertio Epid. 3. text. 3. *Quosvis cibos toto hoc tempore fastidivit, neque appetivit quicquam, non sitiit:* & de muliere apud frigidam aquam: *Cibum fastidiebat.* Idem de siti dicendum erit, nimirum sublatam in ardenti-^{Ex siti.} bus febribus aut delirium, aut facultatis naturalis extinctionem, denotare; de hac Galen. in primo Epidem. ita scribit: *Huc accessit ad cumulum aliud signum exitiosum, quod cum antea æstuassent, amplius non sitirent, atqui, quando, qui antea siti flagrarent, postea essent a siti liberi, horum duorum sit necesse est alterutrum, aut morbi solutio, aut virtutis extinctio, ita ut præsentia mala amplius non sentiant.* Uti in Hermocrate atque in aliis moribundis visum est, de illo Hippoc. Com. 2. text. 75. dixit: *lingua inaruit, non sitiebat.* Atque hæc de naturalis facultatis infirmis, seu debilibus actionibus, ex appetitus ratione cognoscendis, nobis sufficiant.

Nunc de reliquis quatuor agamus. Itaque partes corporis, si improbe humores, quibus nutriuntur, attrahant, in innutritionem (quem affectum Græci *atrophiam* vocant) necessario incurrent. Idem, & quæ attractum humorem, quoad concoquatur, non retinent, denotant, facultatemque debilem esse præmonstrant. Uti in lienteriâ seu levitate intestinorum (quod symptoma cum perpetuo malum, tum in acutis morbis, quia sublatam retentricem significat, summe exitiosum est,) observamus. Eodem modo concoctricem, seu alteratricem sublatam, diminutam atque vitiatam (quos affectus Græci *apepsiam*, *bradipepsiam* ac *dispepsiam* vocant,) ejusdem naturalis facultatis debilitatem denotare non minus, quam expultrix itidem læsa faciat, est dicendum. Quare ex quatuor iis læsis actionibus hujus facultatis imbecillitas nobis innotescet.

Quas actiones, quippe attractricem, retentricem, concoctricem, atque expultricem, læsas excrementa e corpore exeuntia maxime ostendent, nimirum, quæ ex ventre, stomacho, pectore, vesica, & ex cutis meatibus rejiciuntur, non minusque a sanguinis eruptionibus. Quibus addimus abscessus tumoresve in corpore erumpentes, qui ad excreticis vim dignoscendam, maxime faciunt. Itaque has quatuor actiones naturalis scilicet facultatis sublatas, imminutas, atque vitiatas, primo ex malis alvi dejectionibus cognoscamus, postea, ex malis itidem urinis, sputis, vomitibus, sudoribus, & a sanguinis eruptionibus, ac vel etiam ab abscessibus erumpentibus. De malis vero dejectionibus actiones naturalis potentix debiles denotantibus, Hippocr. in lib. 3. *Epidem. com.* 33. *text.* 40. ita habet: *Alvus his plerisque turbata erat, atque dejectiones crudas excernebant, & multas & tenues.* Et in libro quarto Aphorismorum: *Quibuscunque tube laborantibus capilli a capite defluunt, iis alvi profluvio superveniente, moriuntur.* Et in libro septimo, *a puris sputo phthisis, & fluxus.* Quod Gal. in *Comm. Aph.* 65. ita est interpretatus: *Fluxum autem vel de capillorum defludio, vel de humida dejectione, protulit:* ambo consueverunt evenire,

Ex dejectionibus malis.

evenire, cum tabidi ad extremum mali, perducuntur: alterum ex siccitate, altera ex potentia debilitate. Eandem facultatis debilitatem, cruentam alvi dejectionem præmonstrare Galen. in primo lib. Prorrhēt. com. 2 docuit. Idem & urinæ profuvium, *diabetem* Græcis dictum, significat, præmonstrare enim magnam retentricis & alteratricis facultatis debilitatem, ait Galen. in 1. lib. cap. 22. de Crisibus: *Copiosæ item dejectiones in principio morborum, biliosæ, virides, lividæ, nigrae, versicolores, merae, pravae sunt.* Cum, Galen. autore in primo lib. cap. 7. de Crisibus: *Decernentia in melius non statim appareant, sed ubi natura humores concoxit.* Hæ retentricem debilem, aut excretricem immaturius, multitudinem aut prava qualitate humorum gravatam excernentem, ostendunt. Pauca quoque in die decretorio apparentes, quæ continuo sistantur, languorem & imbecillitatem expultricis, denotant. De his Hippoc. in primo Epidem. comm. 22. text. 41. ita habet: *Ventres etsi forte humecti essent, statim maligno modo sistebantur.* Aquosas vero candidas, aut admodum croceas, aut spumantes, Hippoc. in lib. 2. Prognost. text. 12 & 29. damnavit; non minusque paucas glutinosas, pingues, candidas, subcroceas, læves, quod coagulationis sint indicia. His esse exitiales nigras, lividas, opimas, & foetidæ. De nigris in lib. 4. Aphorism. 21. Hippoc. dixit: *Dejectiones nigrae, qualis est sanguis niger, sponte venientes, sive cum febre, sive sine febre, pessimæ.* Et paulo post: *Aph. 23. Quibuscunque ex morbis acutis, aut diuturnis, vel ex vulneribus, sive quovis alio modo extenuatis, nigra bilis, sive uti sanguis niger desuper exierit, postridie moriuntur.* Atque hæc pauca obiter de malis dejectionibus naturalem facultatem debilem, ejusdemque actiones maxime læsas præmonstrantibus, diximus. Idem nunc ex urinis Ex urinis malis perscrutemur, quatenus actiones naturalis potentia malis. debiles ostendunt: De his in 3. Epidem. com. 3. text. 41. Hippocrates: *Urinæ multæ tenues, nihilque decretorii, quicquam vel boni.* In Prognosticis scribit: *Urinas nigras in mulieribus & viris, & in pueris aquosas, perniciales esse.* Et

in

in lib. 4. Aphorism. 72. *Quibus urine albæ & perspicuæ male præsertim si in delirantibus appareant.* Has Gal. in *Comment.* dixit, conspici in iis ægrotis, qui exitio proximi sunt. *Tenues aquosæ in biliosis acutisque morbis pessime existunt,* quod omnium maxime cruditatem humorum significant, ut Galen. cum in loco citato, tum in primo *de Crisibus* docuit. Eodem modo crassæ, turbidæ non residentes, quod itidem naturam prælonguidam ostendant. De his Gal. in 4. Aphorismorum 70. cap. 4. *Quæ non resident, si vires adfuerint, longum fore morbum ostendunt, si imbecillitas adsit, ægri mortem prænuntiant.* Et in quarto lib. de Sanitate tuenda: *Si vero vel omnino nulla separatio, vel id, quod subsidit, malum sit, imbecillitas naturæ significatur.* Idem notant, quæ subsidentiam crassam, farinæ crassiori similem habent. Galen. in 4. *Aph. Com.* 31. enim dixit, *tales urinas exitiales esse, quod in acutis morbis exitium, & in mitioribus saltem longitudinem prænuntient, natura crudum humorem longo tempore coquente.* Plurimi vero morte præripiuntur, antequam ægritudo diutius protrahatur, & quicumque ex ipsis sunt liberati, iis omnibus in longum producta est ægritudo. Nigræ etiam omnes pravæ sunt, exitialissimæ cum nigro sedimento, cujusmodi minxerunt Phyliscus & Silenus moribundi. Pingues itidem ac oleosæ, quod liquentem calorem significant, damnantur. Addimus copiosas crudas, quæ concoctricis potentia debilitatem, tum ipsam etiam excretricem læsam indicant. De quibus Hipp. in 3. *Epid. comm.* 3. text. 61. ita meminit: *Urinæ multæ erant, neque erant ille ex potu ingesto, sed illum excedebant, neque enim*

Ex sputis
malis. *inerat crassitudo, vel concoctio, vel purgatio proba.* Idem ex malis sputis comprehenditur, scilicet naturalis facultatis actionum imbecillitas in morbis sane partium spirituosa-
rum. Etenim in pleuriticis, ægrotos nihil exspuere, morbum crudissimum denotare, Galen. in primo *de Crisib.* in 1. *Aph. com.* 12. posteritati tradidit: & sputum suppressi cum in his, tum in suppuratis exitium præmonstrare in lib. de *constit. Art. Medicæ* testatum reliquit. Amplius ex Hippo-
cratis

cratis lib. 2. *Prognosticorum cap. 18.* in suppuratis excreationem biliosam exitialem esse scimus, sive sejunctim bilis & pus, sive simul excernantur. Nigra quoque sputa, flava, viridia, livida & versicolora, pessima existunt. Ex sanguinis quoque eruptione potentia hujus infirmitas cognoscitur, ubi sane parcius, quam sit opus, erumpat, debilis expultricis non raro est nota. Hinc omnes stillæ sanguinis e naribus in febribus acutis ac inflammationibus maxime damnantur, quippe quod nobis expultricis facultatis prælanguescentis sint indicio. Quod Hippoc. in *primo Epidem. comm. 2. text. 17.* ita annuit: *Nec sanguis de naribus nisi paucis & admodum paucis erupit, & postea text. 63.* Nam Phyliscus quidem Epamenon & Silenus, quibus parum quarto die & quinto ex naribus stillavit, mortem obierunt, & Gal. in 4. *Com. 67. de Vict. rat. in acutis:* Novimus enim, quod sanguinis e naribus stillationes, malum semper quippiam esse ait, propterea quod natura quidem incipiat, quod superfluum est, excernere, sed ob propriam imbecillitatem nequeat. Et in *primo Prorrh.* ait: *Sanguinis stillatione naturam collectam in cerebro abundantiam conatam esse, ut expelleret, sed nequivisse.* In morbis siquidem, quorum proprium videtur, ut per sanguinis vacationem solvantur, ubi non eruperit, si tamen per alias vias ægrota corpora non fuerint vacuata, prælanguidæ naturæ expellentis est indicium. Ex quo dixit Hippoc. in *primo Epidem. comm. 2. text. 65.* *Sanguis autem plurimis erupit, præcipue adolescentulis & adultis, quorum perit maxima pars, quibus sanguis non erupit.*

Ex san-
guinis
eruptio-
ne præ-
va.

Idem significat in febribus continuis ægrotos sine sudore, vel alia bona vacatione judicari, ut Hermocrati evenit, de quo scriptum est: *quarto decimo die a febre erat liber, non sudavit:* & paulo post: *Iterum vigesimo die est judicatus a febre liber, non sudavit.* Aut si sudores erumpant, sed tamen pauci, vel morbum non solventes. De quibus Hippoc. in *quarto Aphorism.* ait: *Febricitanti sudor superveniens, febre non deficiente, malum:* vel clarius de prælanguidam expultricem significantibus in *primo Prorrh.* sic habet: Su-

Ex sudoribus
pravis.

dores quoque, qui cœperunt quidem, sed protinus cessaverunt, pravi sunt. Et Hippoc. *Com. 1. de iis, qui non solum febrem, neque ægrotos allevant in eodem libro: Qui in hypochondrio, febre refrigerata, ardores relinquuntur, tum alias, tum cum sudoribus, mali sunt, & in alio libro: inquietatio cum sudore est mala in acutis morbis, & flammans quoque cum sudore facies his mala.* Aut mali sunt, qui non ex toto corpore, sed ex aliqua parte tantum erumpunt. Quos Hipp. in *primo Epid. com. 1. text. 24.* ita meminit: *Sudabant semper quidem, sed non ex toto corpore.* Et auctor Prorrh. in *3. Prorrh. text. 34.* exiguum sudorem cum extremis refrigeratis malignum atque pravum esse voluit: & Hippoc. in *primo Prognosticor. frigidus, & qui circa caput tantummodo eveniunt, vultum & cervicem; hosque cum acuta febre exitiales esse statuit.* Mali itidem sunt, multi non juvantes, de quibus Hippoc. supra in *primo Epidem. com. 2. text. 26.* *Sudores multi his tantum aberant, ut recrearent, ut etiam contra laderent.* Quare tales omnes sudores naturalem potentiam debilem, morboque viribus imparem esse ab excreticis cognita imbecillitate, præmonstrabunt. Nunc ex vomitibus quoque malis idem cognoscamus. Quorum pauci, multique non juvantes, mali existunt, de quibus in *primo Epidem. com. 2. text. 64.* Hippocrates ait: *Phreniticis convulsiones, sed & virulenta vomunt, & ex his quidam subito moriuntur.* Significant enim naturam cœpisse expellere malos humores, & non potuisse, in principio quoque morborum copiosi mali sunt, symptomaticique vocati, omnium pessimi porracei, lividi, nigri, versicolores, graviter olentes, ex Hippoc. in *lib. 2. Prognost. text. 39.* ita scribente: *Si vero vomitio fuerit porracea, livida, aut nigra, quicumque ex his fuerit color, malum esse censendum est, & si idem homo omnes vomuerit colores, exitiale admodum est.* Ex abscessibus itidem mali sunt, non juvantes, etsi magni sint & plures, quia naturam omnem humorum copiam non posse deponere nobis sunt indicio. Parvi itidem non subsistentes, neque venientes ad suppurationem, pravi existunt, præsertim si statim exorti dissolvantur, atque intus recur-

Ex vomitibus
pravis.

Ex abscessibus
malis.

recurrant. De his Hippoc. in 1. Epidem. com. 2. text. 35. dixit: *His succedebant abscessus aut majores, quam ut ferri possent, aut minores, quam ut prodesse quicquam. Sed statim redierunt, & deteriores evaserunt:* & in lib. 6. Epidem. com. 2. text. 10. *Abscessus veluti bubones, signum quidem sunt germina habentium tum aliorum tum præcipue viscerum, maligni.* His facultatem imbecillem esse, aut a morbi vi exsolutam, aut nobili viscere ipsius primo instrumento, in quo sedem habet, valde læso, dignoscimus. De his malis abscessibus satis accurate Hippoc. in 1. lib. Epidem. com. 2. text. 38. ita meminit: *Papulæ parvæ, quæ non essent excernendis morbis, statimque evanescebant, aut secundum aures tumores nigricantes, qui nihil denuntiarent.* Quibus in articulos præsertim in coxendicem decumbebant, paucis decretorie cessabant, statimque superati ad priorem statum redierunt. Atque hæc obiter de actionibus omnium facultatum, quippe, animalis, vitalis atque naturalis a probo statu in malum mutatis, naturam morbo, contra quem pugnat, viribus imparem nobis præmonstrantibus, dicta sint. Transeundum vero nunc est ad morborum virium dignotionem, ut ipsis etiam cognitis, naturamque ac morbi viribus invicem comparatis, & collatis de morborum exitu, certum prognosticum assequi possimus.

C A P. VII.

De cognoscendis morborum viribus, atque inprimis ex quibus ipsorum cum robur, tum imbecillitas cognoscatur.

Cognitis naturæ viribus, morborum quoque nunc sunt cognoscendæ, quæ uti naturæ vim ex actionibus, tum fortibus seu robustis, tum debilibus cognosci, diximus, sic nobis etiam ex symptomatis, quibus morbi ad varias partes corporis oppugnandas, utuntur, innotescunt. Horum quædam una cum morbo, quem sequuntur, apparent, quædam postea. Hæc morem seu modum morbi produnt, illa ideam seu speciem, atque magnitudinem. Ideam vero denotant propria morborum symptomata, quæ *Pathognomonica* Græci appellant, quæque simul cum morbo apparent, ipsum-
Morborum symptomata pathognomonica, & subsequen-

que perpetuo concomitantur, ut in pleura inflammatione, pleuritide vocata, dolor in altero laterum vel in utroque punctorius, febris continua, tussis, respiratio difficilis, pulsus inæqualis, durus, ferrinus nuncupatus, ideam seu speciem istius inflammationis denotant, & phrenitidem, febris continua, & delirium perpetuum explicant, & sic de aliis omnibus. Quilibet enim morbus propria signa seu symptomata habet, quibus ejus species seu idea detegitur, ac

Morbo- ab aliis distinguitur. Hæc itaque recte perspecta ac cognita
rum le- non parum nobis erit adjumenti, ad cognoscendum mor-
vitas & borum cum robur, tum imbecillitatem. Etenim omnes Me-
magni- dici non ignorant, pleuritidem esse morbum, naturam cor-
tudo poris magnis viribus oppugnantem. Quod & partem cor-
cogno- poris, visceri præcipuo, vicinam inflammaverit, cujus febris
scitur ex di, affidua, dolor lateris, tussis, respiratio difficilis propria ac
morbi affidua, dolor lateris, tussis, respiratio difficilis propria ac
ideâ. certa sunt symptomata. Hæc vero vel pauciora, vel parva

Ex sym- ac levia observata, mitem morbum minus natura corporis,
ptomati- cum qua pugnat fortem, declarant. Contrarium indicant
bus pau- plura, magna seu vehementia, quippe magnum, naturaque
cis, vel robustiorem. Uti sunt dolores pungentes, vehementes,
multis, affidui, utrumque vel unum latus vexantes, morbum sane
parvis, magnum ac difficilem detegunt, quod partem tum respira-
vel ma- tionem servientem, tum cordi, nobiliori visceri, proximam
gnis, le- maxime lædant. Viscerum vero nobilium affectus esse ma-
vibus gnos & graves Hippocrat. in secundo Prognost. text. 70. ita
vel for- scribit: *Dolores, qui cum febre fiunt circa lumbos & inferas*
tibus, *sedes, & præcordia attigerint, inferas relinquentes sedes,*

exitiales admodum sunt. Et in lib. 4. Aphor. *In acutis febribus convulsiones, si circa viscera dolores fortes, malum.* Respiratio itidem in his quoque difficilis, tussis molestissima, sicca seu inanis, aut cum sputis perniciosis, seu malignis, egerime eductis, nihil ægrotos juvantibus, pulsusque duri admodumque inæquales, morbum maximum non nisi a robustissima natura superandum, præmonstrant. Crebra enim respiratio, ut Gal. docet in 1. Epidem. cum dolore gravem inflammationem supra septum transversum significat tussis magna sicca

sicca s. sine sputis morbum crudissimum, non secus ac urine aquosæ in febribus ardentibus conspectæ. Gal. *itidem in 1. de Crisib.* auctore, ostendit, de qua in *lib. etiam de constit. art. Medicæ* dixit. *ex Symptom.* ut nihil omnino exspuere perniciosum est, partim quod significet fluxionem in phlegmone quasi devinctam teneri, partim vero, quia ea universa interius contenta, corrumpetur. De quibus Hipp. in *1. Epid. com. 3. in text.* 18. ait: *multi præterea infestabantur arida tussi, nihilque excreabant.* Cum qua etiamsi pauca cruda vel prava excernantur, malum est, magno enim ac difficillimo morbo naturam conflictari, nobis significatur. De his Gal. in *lib. de totius morbi Emor. cap. 16.* ita meminit: *Magnum etiam morbum ostendunt, si etiam sputum pleuritide & peripneumonia laborantibus, vel nigrum vel fulvum vehementer, vel spumans vel impense fætidum est; eoque magis, quod nihil juvat, sed quod dolorem non levar.* ut Hippoc. in *lib. 2. Prognost. comm. 1. text. 12. cap. 6. text. 51.* nobis tradidit. Quare ex hisce symptomatibus, pleuritidem perniciosissimam denotantibus, morbus magis veneno refertus ac propterea difficillimus, præmonstratur. Veluti ab iisdem, ut nuper dictum est, mitioribus ac levioribus, morbum natura viribus infirmiorum, ac quem haud difficulter ipsa natura superabit, comprehendimus. In hac enim pleuritide neque febris magna seu vehemens apparet, neque magnus dolor, neque admodum ægri difficulter respirant, neque valida tussi vexantur, facileque & cito concoctum excrementum exspuunt, neque in pulsu multa durities & inæqualitas observatur. Atque hic est modus prædicendi salutem & mortem ex morborum idea, seu specie, qui penes propriorum signorum, quæ *Pathognomonica* appellant, magnitudinem ac vehementiam, ut recte a Galeno in *3. de Crisib.* proditum est, attenditur, atque nobis ex iis innotescit. Levia & parva, morbum debilem ac levem præmonstrant, magna & vehementia, magnum & curatu difficilem. Idem nedum symptomatum vehementia, & parvitate nobis innotescet, verum etiam numero. Etenim si symptomata Pathognomonica s.

Ex numero
symptomatum.
pro-

propria, præterquam quod magna sint, etiam numero plura exstiterint, utique morbum natura potentio-rem declarabunt, & debilem pauciora. Ceterum non quæ symptomata numero plura in morbo apparent, paucioribus symptomatis ad maiorem morbi vim denotandam perpetuo erunt præferenda. Quandoquidem phrenitidem, quæ cerebri est inflammatio, duobus tantum numero symptomatis simul conspectis, febre nimirum assidua continuaque, ac perpetuo delirio conspectam, nuper dicta pleuritide, quinque symptomatis nobis præscripta & indicata, morbum non minorem esse, neque debiliorem, neminem Medicorum latet. Sed in eodem morbo, quo numerosiora illa prodierint, simul eo majus malum denotabunt. Veluti si una cum pleuritidis signis dolor capitis, vigilia, delirium, aut aliud symptoma illuxerit, graviorem utique morbum ostendet. Idem in phreniticis, si veternosus somnus appareat. De quibus Hippocrates in libro tertio Epid. ait: *Nec phreniticorum valde insanivit quicquam, quod usu venit aliis, sed alia quadam cataphora segni gravati peribant.* In eodem itaque morbo plura conspecta symptomata morbum reddunt graviorem & potentio-rem. Demum a symptomatis in morbis postea apparentibus, quæ morem morborum, auctore Galeno ostendunt, ipsorum cum robur tum imbecillitas cognosci poterit. Galenus in primo de Crisibus cap. 2. ait: *Ex supervientibus symptomatis, si multa, si diuturna & valida atque maligna etiam exstiterint, morbum magnum natura potentio-rem, & si pauca brevi temporis spatio, & parva & simplicia fuerint debilem ac mitem nobis præmonstrari.* Itaque in parvis morbis non perniciosius optima signa illucent, & prava in non salutaribus. In putridis siquidem continuis febribus ad salutem tendentibus, primo in excrementis signa coctionis apparebunt, omniumque maxime in urinis. Hæ itaque mutabuntur in bonum colorem & substantiam, habebuntque bonam hypostasin. Et sic cetera alia excrementa concocta prodibunt. De quibus posterius a nobis accuratius scribetur. A conspectis signis

Ex
sympto-
matibus
subse-
quenti-
bus,

Bonis.

coctionis febres ac symptomata, aut solventur, aut saltem diminuentur, ægrique facilius morbum ferent. Somno enim, exempli gratia, destitutis, somnus redit, veteriosis vigilia, dolores, sitis, inquietudinesque abeunt, & amentes ad mentem redeunt, & male antea respirantes melius respirare incipiunt. Ex oppositoque, morbis naturæ prævalentibus, signa mala postea illucent. Nam præterquam quod excrementa cruda appareant, etiam prava observantur, uti in phreniticis urinæ albæ lucidæ malignitatem denotant. Ex quo Hipp. in quarto Aph. 72. ait: *Quibus urinæ albæ ac perspicuæ, malæ, præsertim si in delirantibus appareant.* Et in febribus ardentibus nigræ cum nigro sedimento, quod morem pessimum significant, ideo morbum naturæ robustiorem significant. Eodem modo ab aliis excrementis pravis conjicitur in morbis malus mos, qui malignos, ac magnos morbos denotat. At qualia sint & dicantur excrementa prava, posterius a nobis dicetur. At non solum prava excrementa in morbis postea apparentia, morbum naturæ potentiores ostendunt, sed omnia itidem mala & prava symptomata. Cujusmodi sunt, exempla causa, deliria, convulsiones, tremores, ciborum abhorrentia, non sitire in morbo calidissimo, si præsertim antea non parum sitierint, lingua squallida & nigra, malus decubitus, inquietudines & similia symptomata. De quibus postea accurate agemus. Ex iis igitur tribus explicatis, quippe morborum idea, magnitudine, atque more morbos prævalidos & debiles cognoscemus.

Malis.

Symptomata morbi malum morem indicantia.

C A P. VIII.

De morbis debilibus ex morborum Idea, magnitudine, atque more cognoscendis.

Nunc speciatim quoque debiles morbos, atque a natura, ut superentur, faciles, ab ipsorum idea, magnitudine ac more intelligamus, ab idea principium facientes. Ideam vero in morbis signa indicantia sunt, ut dictum est, quæ simul cum morbo apparent, symptomata, & morem significantia, quæ postea. Itaque si pauca sint, levia, neque valde

Morbi debiles quomodo ex horum idea nascuntur.

corporibus molesta, mitem sane & debilem morbum explicant, & quem natura haud difficulter superabit. Quos Hippoc. merito morbos simplicissimos, seu, ut Galeno placuit, placidissimos ac mitissimos vocat, quoties securitatis indicia extiterint, parvaque symptomata, pauca, leviaque fuerint. Etenim *in lib. 3. Progn. text. 3.* dixit: *Simplicissimæ enim febres ac signis firmatæ securissimis quarto die aut citius desinunt.* Quæ signa securissima esse post expressit, dicens: *Qui enim convalesciturus est, facilius spirat, sine dolore agit, noctu dormit, & alia signa securissima habet.* In pleuriticis levem ac debilem morbum conjicimus, ubi lateris dolor sit levis, non difficulter spiret, tussis sit parva, neque multum molesta, facileque ægroti sputum, quod neque malignum sit, tussi excernunt, pulsus item neque valde duri neque inæquales sint. Sic in anginosi parvam & debilem comprehendimus esse inflammationem, ubi itidem dolor in gutture aut faucibus sit debilis, exilis, facile respirant, & deglutiant. Quæ sane signa morbum debilem, quem natura non difficulter alteret, denotantia Hippoc. *in 2. Prognost. de suppuratis locutus*, ita expressit: *Bona vero hæc sunt facile morbum ferre, bene spirare, dolore vindicatum esse, sputum facile extussire, corpus æqualiter calidum videri ac molle, sui non detineri, urinas, dejectiones, somnos, sudores, singula intelligere bona, uti præscriptum est, succedere.* Quare pauca parvaque symptomata cum in principio morborum, tum postea conspecta debilem morbum, viribusque natura impari, significant. Addemus vero hæc parva, & levia seu placida ex ratione videri oportere, cum sapius parva placidaque sensibus apparent, licet magna & parva (quod a morbis, causisque fortissimis prodeant) sint dicenda. Complura enim in multis morbis exitialibus symptomata parva ac levia apparent, ut ex ipsis quandoque Medici non leviter eruditi decepti ipsorum maligna natura, putent ægrotos nedum gravi morbo teneri ac conflicari, sed quinimo ipsos ægrotare dubitent. Quæ tamen symptomata a fortissima, & exitiali causa foveri dignoscuntur. Quorum non pauca apud Hippocratem exempla le-

Ex magnitudine,

gun-

guntur. De exitialibus hac nimirum ratione phreniticis in primo *Prorrheticorum text.* 33. hæc habuit: *Tremulæ, obscure, blandæ & contrectabiles desipientiæ valde phreniticæ.* Et si enim hæc symptomata parva ac levia sensibus adjudicentur, tamen a maximis fortissimisque causis oriuntur; quippe, ut Galeno placuit, humore bilioso in cerebri substantia imbibito, ac ipso cerebro ad hæcticam affectionem deducto. Simile exemplum de Hermocrate moribundo in 3. *Epid.* 1. *text.* 8. legitur hisce verbis: *Quartodecimo die a febre liber: non sudavit: dormivit, omnino mente constabat, urina eadem:* Et paulo post; de eodem: *Iterum vigesimo die est judicatus a febre liber, non sudavit, perpetuo a cibo adhorrebat, omnino mente constabat.* Sic quoque magna symptomata existimanda duximus, quæ a fortissimis causis foveantur, sicuti, ut jam dictum est, parva a parvis proficiunt. Sæpius enim magna vehementiave aliqua ipsorum æstimantur seu judicantur, quæ tamen non sunt a Medicis timenda, quod a prærobustissimis naturæ viribus concitentur, præsertim natura corporis pravos humores deponere ac excernere volente. De qua Hippocrates in 6. *Epid. com.* 2. *text.* 23. *Quæcunque tertianam naturam habent, his nox ante accessionem molesta est, a quibus sune accessionibus natura semper aliquam vacationem moliri est solita.* Hinc auctor *Prorrh.* in 2. *lib.* *text.* 17. dixit: *perniciosa sine signis levantia mortem indicare,* & Hippoc. in secundo *Aph.* 27. *His, quæ non ex ratione levant, non oportet fidere, neque multum formidare mala, quæ præter rationem eveniunt. Plurima enim stabilia non sunt, neque multum durare & permanere consueverunt.* Quod Galenum sæpe affectum, ipsius verba in sexto *Epidem. com.* 1. in *text.* 16. scripta, declarant, quæ hæc existunt: *Interdum namque in vehementissima febre adjuncta vigilia, fastidio, siti, impatientia, nonnunquam & delirio omnibus ægrotantibus domesticis perterritis ac flentibus, quempiam licet rigorem & sudorem morbi que solutionem scienter prædicentem Æsculapium esse videri.* Parva igitur ex ratione, levique symptomata, tum simul cum morbo conspecta, tum supervenientia,

seu postea in morbo apparentia, morbos debiles, quos natura facile superabit, præmonstrabunt. Omnino vero salutare, si multa aut aliqua optima signa illuxerint. Nullus enim ægrotus ad sanitatem pervenit, in quo non prius aliquod ex optimis signis illuxerit. Hæc enim ex Galeno *in tertio de Crisibus*, bonum morem in morbis, uti mala malum denotare, nuper diximus, ex quo Medici morbos boni &

Ex more. mali moris appellant. Hos vero comprehendunt, uti dictum est, ex supervenientibus accidentibus seu symptomatis, scilicet, quæ post principium apparent, vel bonis malis, ut meminit Galen. *in tertio de Crisib. cap. 4.* dicens: Si vero benignus aut malignus sit morbus, ex subsequenteribus ipsum accidentibus noscitur. Quæ in ea, quæ morem ostendunt, &

Sympto-
matum
morbum
subse-
quen-
tium di-
stinctio.

quæ crisin futuram, & quæ etiam crisis causæ existunt, dividuntur. Ideo morem significantia, ab aliis erunt distinguenda, aliud quidem quam hæc præfagientia. Etenim vigilia, deliria, lacrymæ involuntariæ, convulsiones, atque alia similia, si cum coctionis signis in morbo, crisi judicando, appareant, crisin denuntiant. De his in *primo Epidem. com. 2.*

Sympto-
mata cri-
sin deno-
tantia.

text. 55. Hippocrates: *In ardentibus ceterisque febribus, quos colli dolor, temporum gravitas, caligo oculorum, vel hypochondrii etiam contentio, neque cum dolore corripit, his e naribus sanguis erumpit.* Et paulo post, *text. 88.* etiam clarius: *Quibus in febribus acutis, atque adeo ardentibus spontaneæ effluunt lacrymæ, his (siquidem reliqua non sint exitialia) e naribus sanguinis eruptio est expectanda. Qui incommode habent, his non sanguinis eruptionem, verum portendunt mortem.* Hactenus debiles parvi atque benigni morbi, qui sint ex ipsorum idea, magnitudine, atque more, didicimus. Nunc eosdem cognoscere ab ipsorum causis discamus.

C A P. IX.

De morbis debilibus ab ipsorum causis cognoscendis.

Morbo-
rum de-
bilium

Ex causis quoque debilium morborum cognitionem indagaturi, ab externis principium faciamus. Itaque varii in primis aëris status, variæ cum annorum constitutiones
tum

tum tempora, atque etiam morborum grassantium ideæ, ^{cognitio} seu naturæ sunt prænoscentæ. Aër quidem nihil aut pa- ^{ab ipso-} rum, quod ad ejus qualitatem & substantiam attinet, mu- ^{rum} tatus, nequaquam magnos sævosque morbos excitat. ^{causis.} E contrario mutatus solet maximos in corporibus morbos ^{Ab Aère;} concitare; Quippe illo maxime a naturali & consueto temperamento recedente, morbos gravissimos fieri observamus. Minus vero morbosus est, minusque graves morbos, ad ^{Ab An?} frigidum quam ad calidum mutatus sive alteratus, homi- ^{norum} nibus invehit. Nam, ut scribit Hippoc. *in tercio lib. Aph.* 17. ^{variis} *Quotidianæ constitutiones Aquiloniæ corpora densant, & robu-* ^{constitut-} *sta, & bene mobilia, coloratiora, & melius audientia faciunt.* ^{tionibus;} *Et calidæ Austrinæ corpora dissolvunt, humectant, auditum obtundunt, & vertigines faciunt. Oculis atque corporibus difficilem motum præstant.* Ex passivis etiam aëris qualitatis vocatis, siccitate aëris præ humiditate, salubriores morbos facere, colligimus ex Hippoc. *cap. 17.* ita dicente: *Ex anni constitutionibus (quod in totum dixerim,) siccitates im-* ^{Ab anni} *bribus sunt salubriores, & minus mortiferæ.* Atque ex anni ^{tempo-} quoque temporibus ver morbos saluberrimos, minime exi- ^{ribus.} tiosos parere, Hippoc. tradidit. Quandoque observantur salutares grassationes, quales Hippocrat. meminit *in 1. Epid. com. 2. text. 9.* ita dicens: *Ante ver ex priore cælo, quod hu-* ^{Grassati-} *ic subcontrarium fuerat, Aquiloniumque paucos ardentes fe-* ^{ones fa-} *bres corripuerunt, eosque admodum stabiles, paucisque sanguis* ^{lutaræ,} *erupit, nec ex his peribant. Tubercula vero multis secundum alterutram aurem, plurimis secundum utramque exstiterunt, febris carebant, erant recti. Nonnullis parum accendebantur, sed exstincta omnibus sunt citra incommodum, neminique suppurarunt cuiquam, uti solent, quæ aliis ex occasionibus extuberant. Erat eorum hæc natura laxa, erant, magna, diffusa, citra phlegmonem, atque citra dolorem obscure omnibus evanescebant.* Venetiis, ac in aliis locis multis Italiæ, anno 1580. complures febres (quem morbum Arietis vulgus appellabat) grassatæ sunt. Quibus tamen paucissimi interierunt, & in Lyguria, quo tempore Genuæ apud Andream Auream Prin-

Victus
ratio
quid ad
morbos.

cipem amplissimum, medicinam faciebam, febres synochæ, ardentes, tertianæ cum paucorum morte epidemicæ fuere grassatæ. Æstate quoque propriam servante naturam maxima ex parte, tertianæ, quæ sunt salutare, vagantur. Febres enim quocunque modo intermiserint, omnino vacare periculo tradidit Hippoc. in *Aphorismis*. Ex proba etiam victus ratione, pauci, minimeque exitiales sunt morbi. Qui enim optimam servant vivendi rationem, quæ præcipue qualitate proba ciborum, idoneaque quantitate absolvitur, raro ægrotant, & morbis minime exitialibus capiuntur. Idem contingit illis, qui somno vigilia, exercitio consueto utuntur, quique hilarem vitam sine molestiis ducunt, solitasque naturæ excretiones nimirum quod ad alvi feces, urinas, sputa, menses, hæmorrhoidas, attinet, habent, non minus corpora humida, succique plena, si veneri temperate operam dent.

Ætates
quid ad
morbos.

Morbi
debiles
ex inter-
nis causis
cogno-
scendi.

Pueri etiam, quod ad ætates spectat, minus quam alii aliarum ætatum homines, morbis gravioribus laborant, quod ipsorum corpora præ multo calore innato & præ cutis raritate plurimum evacuentur, & resolvantur. Ex internis vero causis eodem modo debiles morbos percutabimur, incipientes a naturarum, & habituum corporum dispositionibus, de quibus Hippocrat. ita meminit in 2. lib.

A tem-
pore.

Aph. 34. In morbis minus periclitatur, quorum naturæ, aut ætati, aut habitui, aut tempori magis congruit morbus, quam quibus secundum nihil istorum congruit. Proinde calida corpora periclitantur minus a morbis calidis, quamvis tamen facilius corripiantur contra frigida. Quo ætate febres minus sunt timendæ, quam hyeme. Eodem modo senum, quam juvenum erunt periculosiores. In quo sensu Hippoc. dixit, in morbis minus periclitari, quorum naturæ aut ætati, aut habitui, aut tempori magis congruit morbus, quam quibus secundum nihil istorum congruit. Ex variarum itidem, tum partium temperamento, tum dispositione ad morbos, morborum quoque debilium ratio nobis innotescit. Partes etenim corporis, nihil a sua natura in temperamento

Ex tem-
pera-
mento.

mento mutata, non facile magnis morbis tentari solent. Hæ namque partes recte valentes, plura gigni excrementa, & prava fieri non permittunt, eaque genita consumunt, aut excernunt, aut ad partem aliquam ignobilem transmittunt, quo ne a magnis morbis corripiantur, defendunt. Eadem partes nihil aut parum, ad morbos, quibus tentantur, habentes aptitudinis, fortes sunt, ægreque morbis gravioribus tentantur. Etenim quibus, exempli gratia ad phthysin, aptitudo non est, quanquam sæpe ii capitis distillationibus vexentur, tardissime tamen ac magna difficultate phthysici evadunt, facillime vero ac citissime, habentes aptitudinem seu dispositionem, uti Hippocr. in multis, qui tabe interiere, observavit. De his *in primo Epidem. com. 1. text. 18.* dixit. *Maxime moriebantur, quibus ad phthysin natura vergebat.* Quod *in 3. Epidem. comm. 2. text. 3.* de Euryanactis virgine, quæ tabida obiit, ita expressit. *Erat autem nativum quoddam tabidum.* Qua ratione etiam *in lib. 6. Aphorif. 33.* dixit. *Qui acidum eructant, non valde morbo laterali corripiuntur.* Ab humoribus etiam exsuperantibus debiles ac salutares morbi conjici possunt. Quorum omnium sanguis (quod qualitate sit ceteris aliis humoribus benignior, atque naturæ amicior) morbos minus periculosos parit. Ex quo Hippocr. *in 6. Aph. 53.* dixit: *Desipientiæ, quæ cum risu fiunt, securiores.* Et in pleuriticis sanguinis excreationem morbum monstrare securiorem observamus. Est tamen sanguis quo- vis modo excreatus, malus, non ex sua natura, sed quod plerumque in pulmonibus aut thorace malum irreparabile denotet. Quod Hippocr. expressit *in Aphorif. 51.* cum dixerit. *Sanguis qualiscunque sit per superius malum, & a sanguinis sputo puris sputum, & a puris sputo phthysis.* Nos itaque loquimur hic de sanguine, tanquam causa materiali, ex qua morbi fiunt, ad differentiam aliorum humorum, & propterea dicimus, ab ipso, tanquam ab humore, qualitate benigniori, non fieri morbos magnos ac periculosos. Etsi ipsius plenitudine, & copia exitialissimi non raro fiant, uti sunt angina suffocantes, pleuritides & alii. Pituita vero

Ab hu-
moribus
exsuperantibus,

A san-
guine,

A Pitui-
ta.

A bile
varia.

Ab hu-
moribus
simplici-
bus.

Ab hu-
moribus
quantita-
tate.
Ex hu-
moribus
commo-
tione.

Ab hu-
moribus
ignobili-
bus par-
tes occu-
panti-
bus,

sanguine minus bona existit, utraque tamen bile naturæ est humor accommodatior, quod hæc facile in sanguinem vertatur, majorem quippe coctionem adeptæ, proinde immoderatus nisi fuerit copia aucta, utraque bile morbos benigniores facit. Flava bilis, majores, ac omnium periculossimos, crocea, porracea, æruginosa atque nigra. Hic enim humor omnium est naturæ inimicissimus, difficillimus, & tardissimus, ut a natura coquatur, & superetur. Simplices etiam humores quam misti benigniores morbos concitant, & graviores plures simul misti, quam simplices. Quo Hippoc. in 2. *Progn. text. 4.* dixit, *si vero idem homo omnes vomit colores, exitiale admodum est*: Atque Gal. in lib. de humoribus, & in 1. *Epidem. com. 3.* Ubi æque redundant biliosi & pituitosi, fieri morbos acutissimos & gravissimos, docuit. Humorum quoque quantitas moderata & pauca non pariet magnos morbos, quod natura facilius paucum, quam multum alteret, & superet. Ex humorum item commotione per corpus idem dignosci solet, quandoquidem humoribus ab intro foras motis, salutaris morbus animadvertitur. Quod Hippocr. in 3. *Prognost. text. 30.* ita expressit. *Securissimum vero est, si œdema, aut rubor quam maxime foras veriantur.* Idem, si ad ignobiles partes e visceribus transmittantur. Quod itidem de abscessibus in 2. lib. *text. 67.* ita docet. *Abscessus autem, qui ad crura fiunt in pulmoniis vehementibus, ac periculosis, omnes utiles sunt.* Ab humoribus quoque ignobiles partes vexari idem comprehenditur, nam morbo licet aliqua ipsarum partium pereat, non ob id animal perpetuo moritur, siquidem multi, quibus crura vel manus fuere mutilata, superstites vixerunt. Idem & de lingua, naso, oculis, auribus, genitalibus atque aliis partibus est dicendum. Ex quo febres intermittentes, quod fiant humoribus putrescentibus in parvis capillaribus venis a magnis remotissimis, debiles sunt, ac plerumque salutare, atque quo morbi plus intermittunt, eo benigniores existunt, cujusmodi est quartana febris, quam ob id Hippoc. in 6. *Epidem.* securissimam omnium fecit.

fecit. Addimus quoque iis, morbos ab aliis morbis concitatos sapius in magis salutare mutari, veluti sunt exempli gratia, quæ ex continuis febribus intermittentes evadunt, & a pestilentibus malignisque, quæ benigniores fiunt; morbum quoque simplicem ex multiplici; Convulsioni, Paralyfi, tremori febrem continuam aut intermittentem supervenire; ab Apoplexia, Paralyfin seu Paraplegiam; ab Angina lethali, colli pectorisque tumorem apparentem, atque ita de aliis multis. Ab iis itaque omnibus morbi debiles, naturaque viribus infirmiores nobis innotescunt. Nunc ad eos, qui natura viribus sunt potentiores, descendimus.

A mor-
borum
mutatio-
ne,

C A P. X.

De morbis natura potentioribus ex idea, magnitudine, atque more cognoscendis.

Ex propriis cujusque morbi symptomatis, magnis vehementibusve, morbos gravissimos ac summe periculosos comprehendimus. Cujusmodi in pleuriticis diximus esse magnum lateris dolorem, febrem acutam, tussim molestant, siccam scilicet sine sputis, aut magna cum difficultate ægrotos exspuere, quod etiam pravum sit respiracionem admodum difficilem habere. His omnibus nobis magna inflammatio & pernicialis indicatur, veluti ex febre continua, acuta, & delirio perpetuo, ac vehementi, phrenitis gravissima. Ceterum, quoniam diximus, non tantum illa symptomata magna sive vehementia intelligi, quæ talia sensibus apparent, sed, quæ a fortissimis morbis, atque causis promanant. Qua ratione in continuis febribus, calor exterius mitis & obscurus, cum tamen ægroti interiorum urantur, magnum est symptoma, febris quippe malignæ ac pernicialis certum indicium. Has febres exterius mitiores seu obscuras intus turbantes Græci *typhodes* appellant; quippe quæ naturam multitudine humorum gravatam, ac fere suffocatam, incendium foras transmittere, nequeundem, significant. Hasque vulgus Medicorum appellat, foris

Morbi
natura
poten-
tiores ex
horum
idea co-
gnosce-
di.

foris mites, intus conturbantes; suntque eæ omnes admodum pernicioſæ. Delirium itidem vehemens, aut obſcurum ſine ratione, in his febribus, magnæ malignitatis eſt indicium. De illo Auctor Coacorum *in lib. Præſag. text.*

II. ait: Quæ feroces deſipientiæ in brevi deſinunt, ferinam convulſionem prænuntiant, & de hoc, quippe de obſcuro delirio, Auctor Prorrheticorum: Blandæ, tremulæ, obſcuræ deſipientiæ valde phrenitica. Virium enim languorem ſignifi-

Ex mag- cant. Quare accidentia ſimul cum morbo conſpecta, aut *nitudine.* quod vehementia ſint, aut parva ſine tamen ratione morbum maximis viribus adverſus naturam fulcitum præmonſtrant. De quibus in *I. Epid. Hippoc. ſcribit: at cum febres arden-tes inciperent, annunciabant, quibus exitium impenderet. Si-* quidem ſtatim ab initio febris acuta eos corripiebat, a qua parum ſuperrigebant, inſomnes erant, ſitibundi, ſaſtidiſi. Dolor vehemens in pleuriticis, morbi fortiffimi eſt indicium. Parvus vero, cum prius vehemens fuerit, abſque ratione allevatus, vel etiam omnino ſublatus, aut delirium, aut exſtingui facultatem ſentientem, aut materiam morbificam alio converſam. Morbum eodem modo natura potentiorem comprehendimus, ſi præter ſymptomata propria idem denotantia, alia quoque gravia ſimul illuxerint. Veluti in phrenitide, ſi præter acutam continuamque febrem atque delirium perpetuum, quæ huius morbi ſigna propria, *Pathognomonica* Græcis dicta, exiſtunt, dolor capitis acutiſſimus, perpetuæ vigiliæ, aut convulſio, aut tremor, aut partium extremarum frigiditas, aut aliud ex iis unum appareat, morbum magnis viribus præditum, na-

Ex more. turæ prævalentem comprehendimus. Ex ſupervenientibus demum malis ſymptomatis, quæ morem ſignificare dictum eſt, morbos perniciales eadem ratione comprehendimus. Quæ prava ſigna Hippoc. *in I. Epid. comm. 2. text. 75. ita eſt complexus. Paululum in fronte & claviculis exſudabant, ſed nemo per totum corpus. Multum delirabant, timores, mæſtitia, extremitates ſubfrigidæ, ut ſummi pedes magisque manus. Acceſſiones diebus paribus, plurimi 4. die maxime labo-*

rabant,

rabant, sudores diutissime subfrigidi. Extremitates non ad calorem redibant, sed livide erant, & subfrigide. Nec sitiebant. Ad hæc erant urinae his nigrae, tenues, paucae, & alvi sistebantur. Nec erupit e naribus sanguis, ne his quidem, quibus hæc accidunt, sed parum stillarunt. Neque recidiva ulli horum advenit: Ceterum ad sextum diem cum sudore moriebantur. Hæc tenus multa symptomata prava in multis, qui morbis exitiosis laborabant, ab Hippocrate observata, vidimus, quæ si morbis supervenerint, aut postea in morbis appareant, prævum malignumque morbum, naturæ prævalentem denotabant. Sed, ut lector hic singula legere possit, ad hoc, ut ipsa morbis supervenientia, seu postea apparentia recognoscat, & sciat morbum denotare absque dubio lethalem, utile fore duximus, omnia hic a nobis adnumerari oportere. Hæc itaque sunt, Vigiliæ assiduæ, profundus somnus, veterno-

Mor-
bum le-
thalem
indican-
tia signa.

sus, delirium, oblivio, dolor acutus, ægrotos dolores non sentire, surditas, aurium tinnitus, vertigo, oculis caliginem observari, lacrymæ involuntariæ, oculos lucem effugere, convelli, aut alterum altero majorem videri, aut si candidum rubrum appareat, aut lividas aut nigras venulas habeat, aut sordem circa oculos, aut ipsos sublimes tumidos, ut, vel cavos admodum videri, aut squalentes & obscuros, vel totius vultus color evariet, tremores, convulsiones, resolutiones, palpitationes præsertim cordis, anxietates, inquietudines, singultus, viscerum dolores fortes, extrema frigida difficulter recalescentia, livida, lingua squalida exusta, nigra, livida, crassa, cœnosa, sine siti, aut ægrotos siti ardere inextinguibili, cibos abhorrere, eos stomacho non continere, sed vomitu rejicere. Pulsus arteriarum prælanguidi, duri, inordinati, inæquales, intermittentes, deficientes. Respiratio magna & rara, parva, densa, intermittens inordinata, sublimis, frigida, foetida, & quæ pinnis narium quoque & pectore editur. Mæx excretiones, non allevantes, in die decretorio. Sudores multi non allevantes, pauci, assidui, non ex toto corpore sed ex capite, fronte, claviculis, frigidi. Stillationes sanguinis e naribus nigrae, crassæ in die decretorio, lar-

ga itidem sanguinis vacuationes non juvantes: Vomitus biliosi, flavi, virides, nigri, foetidi, virulenti, æruginosi nihil juvantes: Hypochondrium cum dolore tensum, atque cum ipso ictericus color in corpore, ante diem septimum. Si conspiciantur exanthemata, parva, pauca, numero & magnitudine non augescantia, livida, nigra, intus recurrentia, atque sine ratione evanescentia, copiosa, magna non sublevantia. Tumores quoque post aures, Græci *parotidas* appellant, in inguine, aliisque partibus, parvi, non augescentes, vel magni non venientes ad suppurationem, omniumque maxime cito, nulla prægressa vacuatione, intus recurrentes atque evanescentes. Urinæ item aquosæ, turbidæ non clarescentes, crassæ, nigra cum suspensis nigris, albæ lucidæ in phreniticis, cum suspensio elato, lividæ ictericæ, non juvantes, pingues oleosæ, cum sedimento farinæ crassiori simili. Dejectiones immodicæ, liquidæ, foetentes, quas *colliquativas* Medici appellant, pingues, cruentæ, nigra, lividæ, biliosæ, sinceræ, multæ non minuentes febrim, sputa sincera, biliosa in tabidis & suppuratis, cruenta ex pulmonibus, livida, nigra æruginosa, admodum viscida & magna difficultateeducta, dolorem non sedantia, atque penitus suppressa in viscerum internis inflammationibus, ad respiratoria instrumenta pertinentium. Hæc itaque, atque huiusmodi generis alia, post morbum conspecta, (ni propter crisin futuram fiant, quod nobis signa perfectæ coctionis & alia signa salutaria indicabunt) morbum natura potentiorum, summeque perniciosum, nobis præmonstrabunt.

CAP. XI.

De morbis natura potentioribus ab ipsorum causis cognoscendis.

Morbi
magni ac
pernici-
osi co-
gnosce-
di ex cau-
sis exter-
nis.

Nunc eosdem morbos natura potentiores ab ipsorum causis indagemus, atque ab externis exordiamur. Quorum primo occurret consideranda, quæ ex vario aëris ambientis statu, a variis cum annorum constitutionibus, tum temporibus morbos magnos nobis indicare potest. Itaque aër a suo consueto temperamento ad calidum maxime mu-

Ex aëre.

tatus

tatus, quique diu talis prævaluerit, maximos morbos animalibus invehit. Etenim immodica ipsius caliditas, plurimum nativi caloris in corporibus resolvens, corpora cum in magnos morbos, (magno quidem a suo statu naturali facto recessu) delabi, tum valde languida, & debilia, reddi, est causa: a qua sane immoderata caliditate quandoque pestilentiam gravem concitatum fuisse, Gal. in primo de differ. feb. hisce verbis tradidit, dixit enim: *Contingit autem quandoque præcedere ambientis aëris caliditatem immodicam, quem admodum in ea pestilentia, quæ Athenienses invasit, ut Thucydides inquit: Sed in tuguriis suffocantibus æstatis tempore habitantium corpora corruptione laborabant, & in 3. Epidem. com. 3. text. 71. Æstatem Etesis ventis carentem* (qui sunt septentrionales frigidi) *admodum morbosam esse statuit.* Ex quo Hippoc. in Epidem. com. 3. text. 71. pestilentem constitutionem describens, ait: *Æstas serena erat & calida, magni erant æstus.* Ex calore itaque aëris immodico corpora patiuntur insignes corruptiones, & resolutiones, cerebrumque ipsum insignes noxas a calore patitur. Caput enim incalefactum a toto corpore humorum redundantiam trahit, præsertimque biliosos, qui tali tempore cum multi tum tenuissimi ac acutissimi abundant. Facillimeque ex universo corpore ad caput rapiuntur, quibus cerebrum in morbos symptomataque pernicioſa incurrit. Qualia Hippoc. in 3. Epid. c. 4. meminit. Ubi ergo caliditati aëris etiam humiditas conjungitur, nihil corporibus morbosius, pessimumque aëris temperamentum esse atque pestiferum. Gal. in lib. 1. cap. 4. de temperamentis ita expressit: *Omniū aëris ambientis temperamentorum pessimum id esse, quod humidum est & calidum.* Quod & paulo post ita confirmavit, dicens: *Verum hic minus, utpote uno tantum e quatuor temporibus mutato malum fuit, quod si duo triaue sint mutata, aut etiam totus annus calidus humidusque fuerit, necesse est, magna pestilentia succedat.* Cujusmodi in tertio Epidem. id est, grassanrium publice morborum, narrat. Quid mirum. Cum humiditas in aëre corpora redundare quamplurimis humiditatibus faciat, quæ

Ex an-
norum
constitu-
tionibus
variis.

facile, insigniterque a calore computrescunt. Siccitas vero humiditate minus est mala, quæ etiam acutissimos pariat, tamen humiditate ortis sunt salubriores, & minus mortiferi, teste Hippocrate *in lib. Aphorism.* 15. Ex præimmoderata etiam aëris frigiditate, sic nonnullæ partes corporis læduntur, ut extincto exinde calore, emoriantur. Quæ mala in variis annorum observationibus, quas medici constitutiones appellant, sæpius apparent. Hæque constitutiones aut a multis anni temporibus, aut ab omnibus ad unum idemque conspirantibus temperamentum procedunt. Hippocrat. *in libris Epidem.* quatuor annorum constitutiones descripsit, quarum prima fuit austrina humida, secunda & tertia borealit, atque quarta calida, & humida, quæ perniciosos ac pestilentes morbos mortalibus intulerunt. Quippe *austrina* prima phthyfes, parotides, carbunculos, ardentes febres, pestilentes: & *due boreles* ophthalmias, dysenterias, tenesmos, lienterias, diarrhæas biliosas, febres ardentes, semitertianas, erraticas, malignas, phrenitides, & alias: & *quarta austrina calida*, & humida sine ventis, pluviosa, sacros ignes cito undique depascentes, oris ulcera, *aphthas* Græcis dicta, atque pudendorum, febres ardentes, phrenitides, lippitudines, tabes multas, internas inflammationes, tubercula in pudendis, carbunculos, abscessus ad suppurationem, quæ erat potius corruptio, non venientes, ex qua caro, ossa, nervique integri decidebant multis, item ex maligna fluxione totum brachium, ut narrat Hippocrates, vel totus cubitus, vel femur, vel tibiæ, vel pedes omni carne nudabantur. *Ex inconstantibus etiam anni temporibus inconstantes morbos, ac difficiles judicatu fieri*, Hippocrat. *in sect. 3. Aph.* 8. docuit. Ex propriis item temporum anni temperamentis idem comprehendere nobis *in sect. 3. Aph.* 9. indicavit, ita dicens: *In Autumno morbi acutissimi atque exitiales magna ex parte: ver vero saluberrimum, & minime exitiale.* Et *Aph.* 10. *Autumnus tabidis malus.* Ab iis quoque anni temporibus, non servantibus proprium temperamentum, morbi magni ac perniciales fieri observantur. Anno MDLXXXVI. *Bassani*, & prope ipsum in Villa Novarum nuncupata, pleu-
riti-

ritides pestilentes, contagiosæ, epidemicæ grassatæ sunt, quæ quarta vel ad plus septima interimebant. Hoc itidem anno quo hæc scripta revideo Venetiis, & in aliis multis Italiæ locis, complures ab epidemicis febribus, semitertianis, ardentibus, pestilentibus cum morbillis malignis moriuntur. Hocque genus morbi non in pauperum corpora ex proxima annona exsiccata, sed divitum, quæ multis cibis se impleverunt, sævit. A mala quoque victus ratione diu servata morbi magni, ac perniciosi, excitantur. In gravissimos morbos ii incurrunt, qui crapulis atque ebrietatibus indulgent, quando ex multo cum cibo tum potu calore corporum fere suffocato insignes putredines fiant. Quo Gal. in libro *de caus. morb.* affirmavit: *Immodicum cibum & potum corpora refrigerare, frigidisque & fortissimos morbos facere.* Ex potatione Silenum, Charionem, Nicodemum, adolescentem Mælibæum in pestilentes indicisse febres, Hippocr. in *Epid.* meminit. Cibus vero pravi succi, ac potus perniciosos morbos facere Medicorum neminem latet. Gal. in *lib. de succorum bonit. & vitio.* *Pestem sæpius annonam secutam fuisse scriptum reliquit.* Copia itaque ciborum immodica vel etiam boni succi, & longe plus pravi, concitari magnos ac perniciosos morbos, omnes perspectum habent. Ceterum corpora nedum ipsorum ciborum copia in perniciosos morbos delabuntur, sed quin etiam inopia Gal. in *lib. 8. meth. med. cap. 7.* scribit: *Complures in syncopas fastidiosissimas atque heclicas febres ex jejuniis incidisse, & in lib. 5. de loc. affectis Grammaticum quendam præ inedia sæpius convulsus vidisse, dixit.* Ex immoderato vini potu homines in summe perniciosos morbos delabi. Hippocr. in *sect. 5. Aph. 5.* ita expressit: *Si ebrius quispiam repente obmutuerit, convulsus moritur, nisi febre corripiatur, aut ubi ad horam pervenerit, qua solvuntur crapula, vocem recuperet.* Usus item aquarum palustrium jecur atque lienem durum ac scirrhum reddere, exindeque hydropes, febresque malignas, veluti corruptarum seu foetidarum morbos pestilentes facere experientia docet, & ratio nobis suadet, hæc enim humores nostri

A mala
victus
ratione.

Ex fo-
mno.

Ex vigi-
liis im-
modicis.

Ab ani-
mi passi-
onibus vehe-
menti-
bus.

corporis ad suscipiendam excellentem putredinem faciunt opportunos, illæ sua crassitie obstruendo, viscera debilitant, quæ variis propterea excrementis qualitate pravis abundant, a quibus prædicti affectus concitantur. Alexandriæ in Ægypto habitatores quotannis, autumno aquis ad cibum corruptis utentes, in pestilentes febres exitialissimas incidunt, quibus epidemice complures interimuntur; de qua re nos in libris nostris *de Medic. Ægypt.* editis accuratius scripsimus. Ex somno item diuturno, atque immoderato, homines redduntur vertiginosi, vèternosi, obliuiosi, epileptici, paralytici ac vel etiam apoplectici. Qui omnes sunt affectus perniciosi. Non raro etiam phthysici, auctis scilicet ex capite ad pulmones destillationibus. Non minus & ab immodicis vigiliis, phrenitides fiunt, amentia, convulsiones atque alii pravissimi affectus. De quibus nos satis in opere de pravidendis morbis scripsimus. Ab immoderatis etiam exercitationibus corpora plethorica non raro in insanabiles affectus incurrunt. Non paucis ex iis rupto vase aliquo ex pulmonibus aut thorace sanguis profunditur, quo ad phthysin via fit. Alii in febres, atque in viscerum internorum inflammationes incidunt, ex nimo motu accensis & putrefactis humoribus, atque motis ad viscera. Non minus passiones vehementes animi possunt ad concitandos magnos morbos. *Ex ira multos in acutissimas febres devenisse, Gal. in lib. de sanit. tuenda, meminit. Ab ipsa tamen subito neminem mori in lib. 2. sympt. caus. testatum reliquit. Quod ab ingenti gaudio, atque timore quibusdam contigisse, plures observarunt. Timor metusque magnus sæpe quosdam interemit. Ex hoc complures febres acutæ & lethales invadunt, quibus omnes fere moriuntur. Ab usu veneris cum immoderato, tum ab abstinencia, hominibus gravissimos sæpe morbos contingere in lib. 6. de loc. affectis docuit. Perpetuum tremorem quosdam incurrisse ex immodica venere in lib. 3. Epid. com. 1. in text. 2. posteritati tradidit. Idem interceptis naturalibus consuetisque vacationibus fit. Ex fecibus retentis & exsiccatis sæpe in ileon incidunt. A sup-*pres-

pressis cum menstruis tum hæmorrhoidibus morbi gravissimi solent concitari, iisdemque immoderatis fluentibus. Quod Hippoc. in *sect. 5. Aph. 57.* meminit, dicens: *si menstrua plura fiant, accidunt morbi, & si non fiant, ex utero morbi contingunt.* Et Gal. in *Commen. Quocunque autem horum fuerit, necesse est processu temporis & ipsum uterum pati aut similem inflammationi dispositionem, aut erysipelati aut duro tumori, aut cancro, quibus denuo totum compatitur corpus.* De hæmorrhoidibus. Hippoc. in *libr. 6. Aph. 12.* *A diuturnis sanato hæmorrhoidibus, si una non servatur, periculum est, aquam intercutem, vel tabem advenire.* & Gal. in *4. de præsag. ex pulsibus: ex iis immodice tum fluentibus, tum retentis, aquam intercutem fieri docuit.* Et in *libr. de venæ sectione cap. 9. advers. Erasim.* ab hæmorrhoidibus suppressis nonnullos melancholicos amentes factos, observasse scripsit, alios pleuriticos & alios hydropicos. Urina suppressa brevi hominem perdit, quem longo tempore consumit, diu immoderatusque fluens, uti in *Diabete.* At de cognoscendis morbis natura potentioribus a causis externis hæc nobis sufficiant. Nunc eosdem ab internis causis perscrutemur. Ab ætatibusque exordiamur, quæ & ipsæ ad morbos natura potentiores cognoscendos non parum faciunt, Pueri frequenter ab austrina constitutione pluviosa in variolas atque morbillos malignos incidunt. Quo malo MDLXXXIII. Venetiis Epidemice grassante complures interierunt. In *Juvenibus*, ait Hippoc. in *sect. 3. Aph. 29.* *sanguinis exspuitiones, tabes, febres acutas fieri:* tabes vero ab anno decimo octavo usque ad trigessimum quintum solent concitari. Post juventutem hoc fieri quoque dixit: quippe *asthmata, morbos laterales, pulmonias, phrenitides, lethargos, alvi profluvia, choleras, dysenterias.* Senectus maximos quoque morbos affert. Quos meminit Hippocr. in *3. Aph. 31.* in hunc modum: *Senibus spirandi difficultates, urinae stillicidia, vertigines, apoplexiæ, hydropes, tussēs: & alia, quæ omnia in hac ætate omnino sunt lethalia.* Nam ut dicit Hippoc. in *libr. 2. Aph. 39.* *Senes juvenibus magna ex parte ægrotant minus, qui vero morbi ipsis accidunt longi, maxima*

Ab internis causis.

Ab ætate.

xima

xima ex parte comitantur ad mortem. Et postea Aph. 40. Racedines & gravedines in valde senibus concoctionem non admittunt. Et Gal. in Comment. ait: Neque enim hi soli morbi senes comitantur ad mortem, sed nephritis, id est passio renum, podagra, morbus articularis coxendicis cum dolore, & quæ laxiori intestino ac spleni frigida insunt dispositiones, & præterea crebri anhelitus, (quos Græci asthmata vocant) tusses, dorsi curvationes, recurvationes & obliquationes, demum quæcunque alia morborum genera ex frigidis humoribus ortum habent, quæ in quibusdam juvenibus, nedum in senibus, difficulter coquantur. Et in sexto libro Aph. 57. Apoplectici autem fiunt maxime

Ex habitu corporum non naturali.

a quadragésimo anno usque ad sexagesimum. Ex habitu quoque corporum non naturali graves morbi comprehenduntur. Obesos ac pinguiore, quod hæc corpora minus habeant caloris innati, magnis tentari morbis, quibus etiam ob calorem prælanguidum seu debilem plerique moriuntur. De his Hippoc. in lib. 2. Aphor. 44. ita habet: Qui natura admodum crassi sunt, citius intereunt, quam qui graciles. Corpora itidem calidioris & humidioris temperamenti, febribus, synochis malignis, atque internis viscerum inflammationibus sunt obnoxia, veluti calida & sicca in ardentes febres acutissimasque inflammationes incurrere solent. In hisce corporibus morbi omnes frigidi, admodum graves existunt; veluti in corporibus frigidis, calidi, hocque fit ex magno ab ipsorum temperamento recessu; & hoc est, quod Hippoc. in 2. Aph. 34. dixit: In morbis minus periclitari quorum, naturæ aut ætati, aut habitui, aut tempori magis congruit morbus, quam quibus secundum nihil istorum congruit. Ceterum etsi hoc verum sit, ex eo quod magni recessus, qui perpetuo sunt difficiles, ut a natura ad solitum statum restituantur, in iis corporibus facti denotentur; tamen verum quoque non minus erit, eos, qui ad graves aliquos morbos inclinationem habuerint, si ipsis capiantur, pessime se habere, difficulterque iis morbis resistere. De his Hippoc. in 1. Epidemicorum com. 1. text. 18. ait: Et maxime moriebantur, quibus natura vergebat ad phthysin. Calidioris

et-

etiam temperamenti homines destillationibus calidis acribus a capite in pulmones, sunt obnoxii. Quod Hippoc. in 1. Epid. com. 2. text. 19. quoque dixit: *Qui calidiorē erant temperamento, illos inprimis laborasse ex destillationibus capitis.* Atque hinc etiam fit, quod qui calido siccoque capite sunt facile in phrenitim incidant. Humorū etiam copia seu multitudo graves morbos parit, qui in corporibus debilibus exitiales esse solent, omniumque maxime, si ea multitudo fuerit humorū crudorū & crassorū. Ex his itaque morbi acuti concitati, ni fuerint vires robustissimæ, erunt plane lethales. Natura enim robusta longo tempore eos concoquet & superabit. Ex quo de frigidis sudoribus in continuis febribus apparentibus, (quod significant, teste Galieno, crudorū humorū multitudinem, quæ non nisi longo tempore potest a robusta natura vinci) Hippoc. in sect. 4. Aphorif. 37. scribens, ita habent. *Sudores frigidi cum acuta febre mortem, cum mitiori longitudinem morbi significant.* A vehementia enim morbi vires, etsi etiam validæ sint, collabuntur. Idem præfagit calidorū non minus humorū copia. Neque etiam sanguinis copia est salutaris (quantum ceteris humoribus sit benignior) quando ex ea maxime inflammationes fiant, veluti sunt anginæ, pleuritides, atque aliæ, ut Gal. in lib. de venæ Sect. cap. 1. advers. Erasist. meminit. Idemque & ex bilis multitudine erit æstimandum. Perniciosi item sunt morbi, qui fiunt, ubi in corporibus æque exsuperant crassi, visceri, crudi, & tenues calidi, ut docuit in primo lib. Epidem. Humorū etiam inopia seu defectu morbi magni ac difficiles fiunt, uti sunt, tabes, singultus, convulsionēs, & alii hujusmodi, de quibus Hippocr. in quinto libro Aphorif. mor. 3. *Ubi sanguis plurimus fluxerit, singultus aut convulsio superveniens, malum.* Et Aph. 4. *A superflua purgatione eodem modo singultum atque convulsionem supervenientem, malum significare tradidit.* Ex particularibus quoque humoribus morbi magni, & graves comprehenduntur. Ex quo dixit Hipp. in sect. 6. Aph. 53. *Desipientias, quæ cum risu fiunt, esse securiores: & quæ cum studio, periculosiores.*

Ex humorum copia,

A morbi vehementia.

Ex humorum defectu,

Ex humoribus particularibus.

Quod illæ ex sanguine, hæ a bile exusta oriuntur, a quo humore phrenitides ac pleuritides concitatur, lethales creduntur. Hæ sputa æruginosa, & nigra habent, illæ virulentos seu æruginosos vomitus. Quæ omnia esse lethalia signa Hippocrat. & Galenus in multis locis docuerunt. Sanguis item a pulmonibus, eroso aut fracto vase aliquo, si extussatur, lethalis morbi erit præsagium, atque hoc est quod dixit Hippocrat. *in 4. libr. Aph. 25. Sanguis quidem supra, qualiscunque fuerit, malum.* Galen. itidem *in 4. de loc. affect. cap. 8. scribit: Omnes, qui a sanguinis sputo per tussim purulenta redderunt, tabidos seu phthysicos obisse.* Plurimam quoque bilem sine febre ex pulmonibus tussi rejectam, exitialis affectus nobis esse indicio, scriptum reliquit. Tres ibi narrat fuisse, qui cum plurimum flavæ bilis exspuere tussi cœperint, quin tabidi morirentur, nullo modo effugere potuerunt. Omnium humorum atrabilis (quod maxime naturæ humanæ sit inimica, difficillimaque, & tardissima, ut concoquatur, & superetur) morbos exitiales parit. Hujus succi copia, si ad benignum vel reduci debeat, vel consumi, vel excerni, prævalida facultate est opus. Qua debili existente, casus est pernicialis; quod nobis Hippocrat. *in sect. 4. Aph. 23. expressit, dicens: Quibuscunque, ex morbis acutis aut diuturnis, vel ex vulneribus, sive quovis alio modo extenuatis, nigra bilis, sive uti sanguis niger, exierit, postridie moriuntur.* Pituitosos quoque crudos humores difficillimos concitare morbos quotidie praxin facientes observant. Cujusmodi sunt tenebricosæ vertigines, epilepsiæ, paralyces, apoplexiæ, convulsiones, & alii hujusmodi. Malignam etiam humorum putredinem perniciosos morbos facere, Galen. *in libro quarto Aphorif. 47. scriptum reliquit: etenim humores excellenter putrefacti qualitatem pravam acquirunt, quæ nostris corporibus esset venenum.* Quod Gal. in peste infectis, & in quibusdam etiam mulieribus ex corrupto semine morbis, ac symptomatis perniciosis vexatis, se vidisse & cognovisse in libro sexto *de loc. affect.* scribit: De his Hippocrat. *in primo Epide-*

Ex atra-
bile.

Ex pitui-
tosus cru-
dis.

Ex mali-
gna hu-
morum
putredi-
ne.

mior

mior. a) com. 2. text. 54. dixit: Phreniticis convulsiones, & virulenta vomunt, & ex his quidem subito moriuntur nonnulli. Et in lib. tert. b) Phreniticus primo die vomuit virulenta, & multa & tenuia. Et Galen. in Comment. Nam si phreniticus primo die vomuit virulenta, quod febribus adurentibus vere est consequens. Itaque ut veneno epoto lethali quidam postridie vel tertio die moriuntur, qualitate ejus, non copia mortem afferente. His addimus, humores habentes aptitudinem ad vehementer putrescendum, ex Galeno in 3. Epidem. exitiales morbos, pestemque concitare. Qualibus corpora in quarta constitutione pestilenti, quam in libro tertio Epidem. Hippoc. descripsit, scatuisset Galen. meminit. Humores itidem aut suapte natura, aut ob insignem putredinem tenuissimi, atque ad motum præcipites redditi, sæpius nobile aliquod viscus occupantes morbos lethales faciunt. Quò Hippoc. continuo, ne scilicet præcipites ad aliquod viscus ferantur, purgandos in Aphorismis præcepit. In libro quoque de natura humana c) dixit, parte aliqua principè nostri corporis laborante totum corpus ægrotare, morbosque fieri gravissimos. Et Gal. in lib. de constit. art. Medicæ, cap. 18. scribit: Præcipientes humores in morbis acutis, si in principem partem ferantur, extremum periculum ægrotis facere. Ex quo optimum est in morbis humores a visceribus ad exteriora converti, pessimum ab exterioribus & ignobilibus ad viscera. Quæ ratione Hippoc. in sect. 6. Aph. 25. dixit: Erysipelas ab exterioribus verti ad interiora, non est bonum. Hinc constat morbos, cerebrum, stomachum, jecur, cor, pulmones, diaphragma, atque alias internas partes præcipuas conflictantes esse gravissimos atque difficillimos. A mutatione etiam morborum, idem comprehendimus; quippe in peiores quæ fit, in ipsis magnitudinem & periculum argumentatur, uti cum febres intermittentes in continuas mutantur, atque hæc in malignas ac pestilentes. Simples etiam fieri compositas, phlegmonemque adjungi, malum est. Ardentibus item

A parte aliqua principè corporis laborante.

A mutatione morborum.

H 20

a) 1. Libr. Epidem. Sect. 2. p. 948.

b) P. 1100. Ægr. 4tus,

c) P. 229. lin. 15. & seq.

febris hec ticas succedere marasmus, phreniticis venternum, convulsionem; paralyti, & epylepsia apoplexiam; tonsillarum inflammationem anginam; pleuritidi peripneumoniam, empyema, phthisin; hepatis, & lienis tumoribus hydropem, & alia huiusmodi in pejus facta mutatio: atque hæc sunt, quæ morbos magnos naturaque potentiores nobis præmonstrabunt, atque hic nostræ methodi, qua cum naturam viribus morbo potentior, & debiliorem, tum morbum natura ipsa potentior, & debiliorem cognoscimus, finis esto.

C A P. XII.

De futuri morborum status seu vigoris cognitione ad prædicendi rationem.

Status
futuri
cogni-
tionis
necessi-
tas.

Diximus necessariam esse futuri status præcognitionem ad naturæ & morbi victoriam nobis innotescendam. De qua Gal. in lib. 3. de Crisibus cap. 5. ita habet: *Et quidem sine horum trium exacta dignotione, nihil de salute investigari contingit, non magis quam hoc, nuncquid aliquis portando oneri sufficiat, sciri potest, hominis robore, oneris magnitudine & via longitudine antea non perspecta.* Nam ægri vires portanti onus, morbus vero oneri, tempus autem, quod usque ad statum extenditur, longitudini viæ respondet. Quo pacto igitur de ægrotante sciri potest, num quid sufficiat, si nulla status præcognitio habeatur? Ex omnibus itaque ratio cogit, nil tam studiose esse discendum, quam futuri status præcognitionem. Quandoquidem natura morboque æque viribus constantibus, ubi cito statum seu vigorem morbi futurum conjecerimus, naturæ victoriam, & salutem ægrotis prædicemus. Contra, morbo longius, ad statum ut veniat, retardaturo, morbi victoriam, atque exitium plerumque futurum nobis præmonstrabitur. Itaque de hoc morbi tempore, quod necessario ad prognostici notitiam concurrat, nunc agemus, nonnullis de morborum temporibus in memoriam primum revocatis, & num ægrotantes sanaturi omnia, aut quadam tantum morbi tempora transeant, neque minus morituri,

rituri, quo morbi tempore intereant. Morborum autem ^{Morbo-} tempora nihil aliud esse Medici dicunt; quam mutationes, ^{rum} quæ in toto morbi tempore, quippe a principio ad finem ^{tempo-} usque observantur. Hasque ætates etiam morborum ap- ^{rum dif-} pellant, quæ, perinde ac ætates animalium vitam, ita etiam ^{feren-} totius morbi tempus in tempora seu in partes dividunt. Quæ ^{tia.} quatuor existunt, prout tot mutationes in toto morbi tempore a principio scilicet ad finem usque spectantur, quippe principium, augmentum, status atque declinatio. Quæ omnia quatuor tempora quilibet salutaris morbus habet, ut Gal. in 3. de Crisibus, & in libro de totius morbi temporibus docuit. Morbi exitiales sæpe prius ægros perdunt, sive interimunt, quam nedum omnia at duo tantum prima tempora absol-
vunt, quando eorum, qui moriuntur, quidam in principio, quidam in augmento, quidam in ipso statu seu vigore decedant. Quandoque enim morbi usque adeo sunt vehementes ac perniciosi, ut statim in principio vel tardius in augmento homines interimant, de quibus Hippoc. in 1. Epidem. com. 3. text. 10. a) ait: statim enim continua est, quibus incipiens florescit & viget. Et in 1. Aphorism. 7. Ubi quidem peracutus est morbus, statim extremos habet labores. Hac eadem ratione natura aliquando usque adeo est debilis, ut nedum totum morbum concoquere queat, sed quinimo vix incepta concoctione morbo succumbat. Habent itaque salutares morbi quatuor tempora, & lethales unum aut duo aut tria, quando ægroti, ut postea accuratius ostendemus, aut in principio, aut in augmento, aut in statu moriuntur. Hæc vero tempora, ex Galeno in lib. de totius morbi temporibus cap. 3. a nullo alio deprehenduntur, ac cognoscuntur, quam a cruditatis & coctionis signis in excrementis conspectis ac observatis. Non defuere tamen Medici alioquin doctissimi, qui præter ^{Morbo-} hæc tempora a coctione seu transmutatione materiæ cogni- ^{rum} ta, alia ab essentia morbi, aliaque a symptomatibus deprom- ^{tempora} pta faciant. Etenim inflammationis cutis partem occupan- ^{unde} tis principium faciunt, quod humor ad partem inflamma- ^{perqui-} rendam.

tam confluit, & decumbit, eoque partim fluxo, partim fluente, augmentum seu ascensum, totoque humore affluxo quoad coquatur, statum seu vigorem, atque demum ipso concocto, cum etiam resolvitur, declinationem. Ex quo symptomatum, & materiæ transmutandæ tempora a temporibus morbi maxime differre atque distingui affirmant. Veluti in pectoris, pulmonumque inflammationibus tempora morbi, & symptomatum simul procedere, minimeque cum iis temporibus, quæ a coctione, & cruditate excrementorum attenduntur, observamus. Vigere enim sæpius illa dicunt, nulla in humoribus coctione apparente. Quod tempus principium ex materiæ transmutatione esse statuunt. Quod morbus tunc erit in vigore seu statu, & natura seu materia ipsa, ut concoquatur, in principio, hoc confirmant ex Gal. in 1. de vict. rat. in acutis, scribente; Hippocrat. dicentem: a) (*Si dolor fuerit assiduus, qui fomentis minime cedat, & sputum etiam non procedat, sed lentescat citra coctionem, & pituita sana offeratur, interficitur ægrotus,*) statum intelligere voluisse inflammationis, in quo non debeamus ægrotus nutrire, vigentisque inflammationis, signa esse dolorem assiduum, qui fomentis minime cedit, atque ubi ægri quicquam non exspuunt, cum tamen hoc tempore ad materiæ coctionem comparatum principium sit. Amplius ubi morbus & symptomata vigent, coctionis principium esse dicunt, atque ipsis declinare incipientibus augmentum esse. Quod vel ipsis fuit persuasum, primum ex Galeno, qui in libro 3. de vict. rat. in acut. com. 62. dixit: *Morbi vigorem interdum cum ipsa coctione existere*: ex quo plerumque morbi vigorem absque coctione observari colligunt: Et postea com. 59. cum scripserit. *Nam sæpius affectio ipsa, qua laborant, mitior quidem existit, sed symptomata augentur.* Et in secundo lib. aphorismorum: *Dispositio siquidem, ex qua hæc generantur, quam & morbum nominamus, non omnino dum morbus consistit, est fortior.* Quod etiam confirmant ii dicentes in vigore coctionis morbum aliquantulum declinasse, cum humores concocti ac

fu-

a) Libr. de vict. rat. in acut. p. 386. lin. 3. & seq.

superati minus naturæ molesti, quam antea sint. Non semper igitur a coctione sola tempora morborum perquirenda discimus, at a symptomatibus & a morbi etiam, ut aliis visum est, essentia. Quam rem Gal. meminisse visus est in 1. lib. de Crisib. cap. 29. cum de cognoscendis morborum temporibus ex accessionibus symptomatisque locutus, dixerit: *Ipsorum augmentum judicari non modo ex accessionibus solitum tempus anticipantibus longioribus & gravioribus, verum etiam a propriis morborum symptomatis, quæ ideam morborum notant, atque a supervenientibus non minus, multis assiduis, validis ac malignis.* Hæc vero ita habet: *Ex supervenientibus vero symptomatibus; si multa, si diuturna & valida, atque maligna exstiterint.* Quæ symptomata multa, diuturna, valida, atque maligna sæpius in morbis exitiis observantur citra ullam humorum coctionem. A quibus tempora morbi differre a temporibus naturæ concoquentis (quam Medici tempora materiæ vocant) cuique liquido constabit. Itaque dividimus tempora morborum, quibus utemur ad prognosin, in ea, quæ ad morborum symptomata, & in ea, quæ ad naturam concoquentem, seu ad coctionem & cruditatem, (quæ ob id tempora naturæ concoquentis appellavimus) referentur. Morbi salutare omnia cum morbi tum naturæ tempora fere pertranseunt. Quod in exitiosis non fit. Horum namque nullus est, qui statum percurrat, & ad declinationem perveniat. Horum alii (ut dictum est) in principio, alii in augmento, ac alii in vigore seu statu moriuntur. Differunt vero augmenti statusque tempora in sanandis, & moribundis observata. Illorum enim augmentum, ut docet Galen. in primo lib. de Crisib. cap. 8. *Incipiente humorum coctione fit, & status seu vigor perfecta apparente, lethalius vero morborum augmentum & status signis cruditatis ac lethalibus innotescit.* Quod Galen. in lib. de totius morbi temporibus cap. 6. ita expressit, dicens: *Siquidem initium similiter in morbi generatione constituitur, ascensus non in coquendo, sicut in iis, qui supersites futuri sunt, sed in cruditate, lethalibusque signis consistit.* Ita que sæpe contingit multa ob id tempora diversa in

Morbo-
rum
tempo-
rum di-
visio.

Morbi
princi-
pium
quod-
nam.

Aug-

mentum.

Status.

Declina-
tio.

ægrotis eodem tempore observemus, quorum alia principium, alia summum vigorem, atque alia declinationem demonstrent. Uti pleuritici, qui nihil exspuentes, seu quicquam cum exspuere nondum cœperint, moriuntur, quod ad morbum & symptomata ipsum consequentia pertinet, in augmento aut vigore existunt, atque ad naturam nihil concoquentem, sive ad materiam, quæ omnino est cruda, in principio. Verum Medici distinguere debebunt, quod non illa tempora a solius simplicis morbi vel multorum simul complicatorum ratione fiant. Quod Galen. *in eod. lib. c. 3.* ita meminit: *Nam uno eodemque tempore duobus tribusve morbis homo infestari potest, quorum alius jam declinat, alius principii tempus adhuc vel augmenti primordia occupat.* Itaque morbi principium ex symptomatum ratione, tempus est, in quo ægroti parum ab iis conflictantur, & ex natura concoquente, in quo nulla in humoribus apparet concoctio, & dum accessiones, symptomataque anticipant, augentur, & diutius ægrotos affligunt, augmentum significatur. Idemque, quod ad naturæ tempora spectat, augmentum dicetur, cum humores concoqui manifeste cœperint. Sicuti illis perfecte concoctis morbum in vigore esse dicimus, atque etiam in quo accessiones symptomataque consistunt. Quibus quidem aliquo modo declinantibus, atque humoribus, & concoctis, & aliqua ex parte resolutis, morbum declinare scimus. Sed quæ de vigore seu statu morbi, diximus, forte dubia videbuntur, cum Hippoc. & Galenus, qui de hoc ipso tempore locuti sibi ipsis omnino constare non videantur. Etenim modo dicunt, vigorem seu statum esse partem totius morbi vehementissimam. Et in 1. Aphorism. Sect. 3. Gal. dixit: *Vigorem nihil aliud esse, quam morbi, quandum ad casus attinet, maximum.* Et in 2. lib. de trisibus cap. 8. ut nuperrime diximus: *Circa statum omnia esse fortiora.* Et in lib. de tot. morb. temporib. cap. 3. docet: *Statum sive vigorem inflammationis esse, & dici, quando pars inflammiata maximis doloribus cruciatur, febrisque vehementius solito affligit.* Ex opposito alii negant vigorem esse molestum ac turbantem, at

at potius tunc temporis ægrotos melius quiescere, neque febrem, neque symptomata, neque accessiones auctas videri, sed hæc omnia æqualia esse & consistere; quo ægroti minus, quam cum augmento turbantur & conflantur. Neque immerito, cum Hippoc. in *Sect. 2. Aphorism. 47.* dixerit: *Dum pus fit, dolores ac febres accidunt magis, quam jam confecto.* Nemo tamen negat in vigore ipsum pus factum esse; veluti in febribus humores plane concoctos in statu apparere, observamus. Quod forte etiam Galen. in *2. Aph. com. 29.* intellexit, cum hæc scripserit. *Dispositio siquidem, ex qua morbi generantur, quam & morbum nominamus, non omnino dum morbus consistit, est fortior: verum in his, qui salvari debent, multo melior quam in morbi principio.* Et in *3. lib. cap. 5.* *Sicuti ipsas dispositiones, in quibus hæc fiunt, ubi morbi consistunt, necesse est, esse meliores in his, qui debent sanitati restitui.* Nemo etiam non fatetur, crisin bonam fieri in statu, veluti Gal. in *lib. 3. de Crisib.* affirmavit. Antequam vero ipsa fiat, necesse est vehementes turbationes, & agitationes fieri, non minusque gravia symptomata, critica vocata, crisin illam prænuntiantia; uti sunt vigiliæ, dolor, deliria, inquietudines, & alia. Tunc enim natura, dum concoquit humores atque eos ad excretionem parat, concitat in corpore magnam turbationem. Quod Galen. cum in *3. de Crisib. cap. 5.* tum in *2. Aphorism. Com. 19.* docet. Quare morbi status non sic in ægrotis fortior molestiorque videtur. Quid igitur his auditis erit resolvendum? An non ipsum statum esse fortiorem, vel potius debiliorem ac quietiorem. Utrumque, si accuratius status tempus observabimus, verum erit. Etenim morborum tempus quodlibet habet suam latitudinem, ex qua quodlibet ipsorum tria tempora percurrit, ut puta principium, medium, & finem; status itaque principium est molestissimum, quia in eo tota pugna atque turbatio fit, cum natura maxime concoquat vel expellat, atque hoc est, quod dixerat Hippocr. in *Sect. 2. Aphorism. 47.* *Cum pus fit, dolores & febres augentur magis quam illo confecto.* Quod fit in principio status, atque in fine est confectum. Quo fit,

ut ægroti summos labores ac turbationes patiantur in primo status tempore, quoniam natura valide totam materiam humorum agit, atque alterat. Qua sane concocta seu alterata, quod circa finem factum est, melius ægroti se habent. Quo tempore morbus omnino coctus seu superatus a natura est. Unde ipsam minus turbari & offendi, non est mirum. Dicimus itaque in ægrotis, qui incolumes futuri sunt, totum status seu vigoris tempus cum perfecta humorum coctione non esse, sed ipsius tantummodo partem ultimam seu finem, quam ex symptomatum ratione declinationem aliquo modo nominari liceret. In morituris vero status seu vigor nulla omnino coctione observatur, ob idque pessimum est in morbis vigorem absque ulla coctione observari, quod sane significat morbum esse fortissimum, qui usque ad ultimum cum natura venerit, summas ipsius vires oppugnando, atque naturam ita debilem, ut quicquam contra morbum toto illo tempore facere non potuerit, nihilque humorum concoxerit, & superarit. Quæ si hæcenus facere non potuit, multo minus post faciet, ipso morbo viribus supra ipsam plurimum aucto, ipsaque debiliori reddita. Sed tempus est, ut ad prædictionem ex status observatione, descendamus.

C A P. XIII.

De salutis ac exitii prognostico ex morborum futuri status cognitione.

Morborum status cognitio ad horum prognosticum plurimum facit. **E**um morborum statum, seu vigorem, qui humorum coctione perfecta indicatur, ad morborum prognosticum, plurimum facere, non ignoramus, circaque ejus rationem propterea accuratius versari nunc sit propositum. De altero tam non ex naturæ, sed morbi potius ratione, ut nuper ostendimus, qui symptomatum auctorum consistentia atque vigore cognoscitur, non minus agendum duximus, licet multis ipsum statum seu vigorem appellari non libeat, at potius augmentum, quod nisi ægroti a vehementiori morbo, quem debilis ipsorum natura ferre non potest, tunc temporis interimerentur, morbus procul dubio ac symptomata multo plus

plus augerentur. Salutis vero ac exitii præsagium nobis primo ab illius status celeritate, tarditateque innotescit, atque etiam quod vel solus vel simul cum naturæ seu coctionis statu in ægrotis observatur. Cito autem morborum status seu vigores apparentes, neque valde vehementes, optimi in omnibus ægrotis censentur. Siquidem natura melius morbi insultibus resistet, si brevi tempore sit dimicatura. Non latet etiam nos omnia morborum tempora, ut Gal. do-
Morbo-
rum
tempo-
rum in-
ter se
conve-
nientia.
 cuit, inter se proportionem temporis convenire; etenim breve principium breve tum augmentum, tum status, tum declinatio sequitur, quodlibetque ipsorum æqualis temporis proportionem movetur, a brevi propterea observato principio brevi tempore augmentum atque statum, uti dictum est, expectare debemus. Contra tarde ad statum morbum venturum sperabimus, prioribus duobus temporibus, principio scilicet ac augmento, tarde ad ipsum statum properantibus. Hippoc. in Sect. 1. Aph. 7. *Ubi morbus peracutus est, statim extremos habet labores.* Facilius igitur natura morbi vehementiam cito advenientem, & cito desinentem, feret. Attamen sæpe usque adeo morbi sunt graves, aut a maligna
Morbi
graves
unde sæ-
pe ori-
untur.
 humorum qualitate, aut ab ipsorum multitudine, aut a principe parte corporis læsa, aut ab iis omnibus simul, ut statim in principio ægrotos interimant; uti cum ex venenoso humore, corde insigniter læso, syncope oborta statim moriuntur, & cerebro læso phrenitici: veluti phrenitico, de quo Hippoc. in 3. Epidem. com. 3. a) meminuit, contigit, qui quarta die obiit. Idem in anginosis, pulmonibus non raro observatur, quod ii copia humorum paucis diebus suffocati pereant. Quare quovismodo principibus membris, aut partibus ipsis immediate servantibus, graviter læsis, ut gula, pulmonibus, intestinis, renibus, vesica; aut ab aliqua inflammatione, aut humore crasso & lento obstructis, continuo homines pereunt, etsi etiam brevi tempore sic morbus ad statum festinet. In morbis vero partem vel non principem, vel ipsam leviter offendentibus, vires non nisi longo tem-
po-

Salus vel
exitium
in mor-
bis quo-
modo ex
statutum
naturæ
tum
morbi
præno-
fcitur.

pore resolvuntur, in hisque quanto citius ad statum ægroti veniunt, eo citius liberantur. Qui si longo tempore ac tardissime ad vigorem seu statum veniant, ni ægroti prærobustissima natura valeant, moriuntur. Ex status igitur tardius futuri præcognitione, salutis spes dubia redditur: in prælanguidioribusque corporibus bonum non est, pessimumque, si morbus valde vehemens fuerit. Quod Hippoc. forte intellexit, cum dixit: *a) Sudores frigidi in morbis acutis ac vehementibus, mortem: atque in mitioribus, longitudinem prænunciant*; quando ut Gal. meminit in *Commento*, natura corporum ægrotantium a vehementi morbo longiori tempore confictata, priusquam ipsum, qui non nisi longiori tempore superatur, concoquat, exstinguitur. Celeritati quoque ac tarditati status morborum, si conjunxerimus statum naturæ, judicium magis certum, assequemur. Namque hoc semper erit verissimum ac fidelissimum, si æque tum morbus, tum natura, quod ad sua tempora spectat, simul moveantur, cito quidem, si ex aliis temporibus antegressis statum, seu vigorem morbi & naturæ, seu coctionis seu materiæ, quo modo alii hunc statum vocant, simul futurum conijciemus, morbum sanatum iri, atque omnino salutarem prædicemus. Eodem itidem modo, ubi etiam una tarde morbi atque naturæ vigor sperabitur, salutem futuram pollicemur. Siquidem æque totum offensæ, quod corpori ægroti morbus intulit, natura eo tempore corrigere atque emendare poterit. Et merito sane, etenim cum duo sint, quæ invicem pugnant, morbus quippe ac natura, si æque ambo robusta fuerint, æque simul a principio ad finem usque se habebunt, morbus quidem oppugnando, & natura defendendo, totumque illud, quod a morbo in corpore concitatur, natura æquali robore prædita eo tempore corrigit. Nihil itaque in ægrotis melius creditur, quam tempora omnia tum morbi, tum naturæ a principio ad finem una æque procedere. Ubi vero morbus celeriori motu quam natura ipsa moveatur, malum significat; non obscurum enim est imbecil-

*) In 4. Aphor. 37. & in Prognost. p. 38. lin. 21.

cillitatis naturæ indicium, atque quo magis naturæ tempora a morbi temporibus distant, eo pejus ad prædictionem esse creditur, & quo minus, eo minus malum. Quando enim morbus summum exercet vigorem, & natura adhuc etiam est in principio, utpote quod nondum morbum alterare, & concoquere cœperit, qui spei ad salutem erit? Ni natura sit prærobusta & morbus mitis, certum exitium præmonstrabitur. Sed his de statu morbi præmissis, nunc ^{Naturæ} ad naturæ statum redeamus, qui si cito sit futurus, facultate ^{status} valida existente, brevi salutem certo ostendet. Nam mor- ^{cognitio} bos habere celerem statum, nihil quidem aliud, quam bre- ^{quid ad} vitem, & securitatem, teste Hippocrate, significat. Itaque ^{præsa-} in iis humorum concoctio cito incipit, & cito absolvitur, ^{gium in} & quo citius incipit, eo citius perficitur. Optimumque est in omnibus morbis Medicos signa coctionis observare, hæc enim nunquam, ut Galeno placuit, male apparent, at perpetuo salutem significant, atque eo citius futuram, quo citius signa illa coctionis nobis illuxerint. De his Hippocrat. in 1. Epidemior. a) ait *Coctiones celeritatem portendunt iudicii, securitatemque salubrem.* Et Galen. in lib. tertio de Crisibus cap. 8. *Neminem vidisse intereuntem, qui præcedentibus coctionis signis crisen habuisset,* meminit. Quo citius itaque hæc apparuerint, eo securiorem morbum præmonstrabunt. Contra, quo tardius scilicet illa illuxerint, eo statum tardio- rem, ac morbum difficiliorem, ostendunt; in morbo siquidem graviore, ipso crudo existente, tardissime ex longo antegresso principio ad statum veniente, periculum est, ne, priusquam morbus concoquatur, natura exstinguatur. Quare colligamus ex iis statum morbi ad prædictionem æstimari brevi tempore fore minus malum, quam qui longiori tempore futurus est, ni morbus sit admodum vehemens ac symptomatis naturam prosternens. Majus malum quoque est, si sine statu naturæ appareat, & quanto magis tempora naturæ a temporibus morbi distabunt, eo periculosio- rem morbum præmonstrabunt. Bonum itaque erit, ipsum

I 3 morbi

morbi statum cito futurum prænosci, & eo melius, una cum ipso statum naturæ: Optimumque in morbis ad prognosin esse judicabitur, si perpetuo ambo hi status quippe morbi & naturæ simul procedent, ac una moveri observabuntur. Atque hæc de ægrotantium prædicenda salute ac morte, a naturæ morbique viribus, atque a futuri status præcognitione, a nobis dicta sint. Quibus addamus, ea, quibus alii Medici Empirico quasi modo morbos salutes atque exitiales dignoscunt.

C A P. XIV.

Ex quibus morbos salutes ac exitiales nonnulli cognoscant.

Morbi
Saluta-
res atque
exitiales
quomo-
do co-
gnoscun-
tur Em-
pirico
quasi
modo.

Et si præter nostrum institutum videatur, non velle omnia, quæ alii Medici ad cognoscendos morbos parvos salutes, ac magnos exitiales Empirico quasi quodam modo cognoverunt, prosequi; cum nobis satis ad illud assequendum ea sufficere possint, quæ nos dogmatice ex Hippocrate, & Galeno hæcenus sumus prosecuti: veruntamen ne aliquid omittamus, quod possit hanc nostram prædicendi Methodum illustrare ac ampliare, ea quoque omnia, quibus scio quosdam morborum vires adversus naturam dimetiri & cognoscere, atque morbos exinde salutes & perniciosos animadvertere, accuratius quoque cognoscenda & illustranda duximus.

Morbus
fortis &
perni-
ciosus
unde
conji-
ci-
tur.

Morbi
debiles
unde
æstimantur.

Dicunt itaque hujusce prædicendi modi auctores, illum morbum fortem, ac perniciosum conjici posse, a virtute sive natura profligata, a maximo dolore, calore immodico, inquietudine, morbi difficili tolerantia, mentis alienatione, siti, immodica, vigiliis assiduis, magnis inflammationibus membrorum nobilium vitæ necessariorum, ex medicamentis non juvantibus, copia humorum, turgentia atque ex aliis signis causisque pravis. Et a contrariis debiles facileque naturæ cedentes æstimentur. In his quidem virtutem seu facultatem ajunt prævalidam cognosci, ipsosque vel omnino doloribus vacare, vel saltem levissimis, vel non assiduis confictari, neque si febricitent, vehementem calo-

rem

rem sentire, quîetosque esse, ac facile morbum perferre, mente recte constare immodica siti non ardere, neque plâne eos vigilare, neque somno veterioso teneri: atque si aliqua vexentur inflammatione, ea non sit magna, neque membrum nobile occupet, sed aut a visceribus remotas, aut ignobiles, neque principibus immediate servientes. Qui morbi neque ingenti humorum multitudine neque turgentia, ut illi dicunt, foveantur. Atque demum, si ex medicamentorum usu quicquam fuisse juvatos observemus. Hæcque signa salutaria statuunt, a quibus salutares morbos ipsi prænoscent. An vero ex horum tantummodo accurata observatione in ægrotantibus salutem ac exitium præscire recte quis queat? In morbis acutis istud posse consequi non dubitamus: siquidem omnem morbum acutum, seu febris sit, seu inflammatio, vel aliud tale genus morbi, cum virtute, ut ii dicunt, prostrata seu exsoluta exitialem esse, quis ignorat? Etenim, ut nuper dictum est, virtus prælanguida, naturam cum morbo pugnans, non modo in pugna defecturam, sed jam defecisse ac occubuisse, significat.

At per virtutem omnes facultates intelligunt, quippe vi-
 talem, quam Medici præcipue observant, animalem, atque
 naturalem. De quibus alias abunde a nobis dictum est. Itaque ea, si omnes profligatæ observentur a morbo, natura
 devicta præmonstratur. Reliqua vero signa, quæ observant,
 scilicet calorem, doloremque immodicum, inquietudinem,
 difficilem tolerantiam, ægrotus non dormire, morbum prin-
 cipem partem tenere, a multitudineque humorum aut tur-
 gentia esse concitatum, vehementem quin etiam esse in-
 flammationem, aut febrem, nihilque adhibita medica-
 menta juverint, omnino esse exitiosa signa, putant. Quæ
 si una cum malis vacationibus spontaneis observentur,
 morbum plane lethalem esse affirmant, omniumque certis-
 sime, uti nuper dictum est, viribus prælanguentibus, quan-
 do ab iis morbis non nisi robustissimi evadere soleant. At
 ne hæc nos signa ad judicandum fallant, singula a nobis quo-
 que sunt illustranda, ac distincte magis cognoscenda. Nam-
 que

Morbi
 exitiosi
 digno-
 scendi a
 virtute
 debili.

Morbi
fortes
vel debi-
les co-
gnoscen-
di.
A dolo-
ribus.

que per virtutem prostratam, seu defectam, vitalem facultatem præsertim cum iis maxime debilem prælanguescentemque intelligimus. Perniciosi enim ac maligni morbi continuo solent vires prostrernere. Sed præter vitalem animalis non minus atque naturalis sedulo erunt attendendæ. Quæ quanto debiliores evaserint, tanto morbum perniciosiorem significant. Dolor, calor, inquietudo, & reliqua symptomata, si postea in morbo appareant, malum morem denotabunt, & quo plura vehementioraque fuerint, eo majorem atque maligniorem quoque morbum præmonstrant. Sed nunc de his singulis nos accuratius. Dolores vehementes, assidue morbi fortissimi sunt symptomata, omniumque maxime viscera nobilia obsidentes, seu vexantes. Ex quo meritò Hippoc. in sect. 4. Aph. 66. dixit: *Viscerum fortes dolores, malum significare.* Dolor etiam est ex iis, quæ maxime vires resolvunt. Quare magni dolores in omnibus morbis, tum ut signum, tum ut causam malum prænuntiant, iis exceptis, qui critice aliquando in aliqua partium ignobilium, & remotarum a visceribus excitantur.

A calore.

Dolentes namque pedes, vigentibus morbis, quo tempore non raro dolores ægrotos invadunt, vel etiam ab ignaris mulierculis laudari solent, morbum in pedes nimirum decumbere putantibus. *Qui etiam dolores non sentiunt* (ut Hippocrates in sect. 2. Aph. 6. docet) *peffimo morbo vexantur, ii enim, aut delirant, vel in ipsis facultas exstinguitur.* De calore itidem vehementi magni morbi explicantur, sed quandoque a prævalida natura fit, ideo accurate distinguendum erit, an ex morbo, an ex natura, ut dictum est, forti fiat, & an in toto vel in parte aliqua corporis fit, rursusque an internam vel externam occupet partem, atque an in extremis quidem partibus, aut in visceribus sentiatur. De his Hippoc. a) in Prognost. text. 4. ita habet: *Si vero caput, manus, ac pedes frigida sint, ubi & venter & latera calida sunt, malum est.* Et in sect. 4. Aphor. 48. *In febribus non intermittentibus, si partes exteriores frigide, interiores urantur, & sitim habeant,*

letha-

lethale. Internarum partium insignem caliditatem a magna inflammatione viscus aliquod, vel aliquam ex internis partibus occupante, concitari Gal. docet. Quæ vero vel etiam est vehementissima caliditas, occupans externas partes, atque a visceribus remotas, magni sane vehementisque morbi est indicium; non tamen exitialis. Quinimo in febribus continuis, si in parte exteriori ac longinqua a visceribus, veluti sunt crura, brachia, & pedes, vehemens caliditas concitetur, optimum erit signum. In toto vero corpore vehemens, assidua, diuque durans caliditas corpus colliquat. Sæpe vero Medici decipiuntur a putridarum febrium miti ac leni calore in cute observato. Etenim cum natura opprimitur ac fere humorum multitudine suffocatur, quo calor nativus alioquin ardens sese exinde intus contineat, nec foras moveatur, partes corporis exteriores parum calent. Has febres aliqui fumantes magis, quam suffocantes appellant, quod in ipsis non flamma, seu ardor calorve, foras per cutis meatus moveatur, sed fumida potius neque ita urens exhalatio, seu fumus, uti in igne lignorum viridum vel temere congestorum copia obruto & suffocato pro flamma fumum excitari observamus, aut ubi ita natura deficit, ut nisi ex putrefactis succis calor accensus non multus sit; neque ad cutim copiose perveniat. De quo scribit Galen. in 3. Epid. com. 1. text. 10.^m Hermocratis casum commentans: a) Neque enim septimo decimo accidit nativi caloris ratione, sed sola putredine succensis febriliter humoribus, aut venenose putredinis causa, aut ob insignem visceris inflammationem intus cum sanguine nativo calore recurrente, sive retracto, aut a morbi vehementia, vel malignitate, in externis partibus corporis & remotis resoluta externæ partes parum calent. Quod in moribuntis observatur: Inquieti vero & anxii sunt ægroti, qui Ab in-
loco stare nequeunt, quique decubitus, ut ait Galen. in 1. de hu-
morib. text. 17. ferre possunt, sed formas mutant, jactantur as- quietu-
sidue, inæqualiter moventur, agitantur atque aestuant. Quod illis contingit, vel stomachi vitio, cum præsertim os ventris, dine.

K

ut

a) Quem vide in 3. Epidem. Sect. 1. Ægr. 2.

ut docet Gal. in 2. *Prorrh.* 24. a pravis mordetur humoribus, vel quibus in ore ventriculi propria quædam molesti humoris qualitas continetur, qui humor neque multus sit, neque in ventriculi spatio innatet, sed in ejus tunicis sit immersus, atque etiam a longa inedia, ventre ichoribus (Galenus auctore in 7. *Aphorism.* 56.) repleto; vel a cibo intempestivo gravante, vel a corpore virtutem gravante, aut a febre stabili & æstuosa & maligna, vel ab acrioribus virulentisque humoribus æstu turgentibus, fermentibusque circa præcordia, vel ab insigni alicujus visceris inflammatione, vel erysipellate, aut denique ab infirmitate virium. Quare quandoque ægroti inquieti evadunt, quo tempore humor aliquis calidus vel acris ad excretionem movetur, quod in iis observamus, quos crisis aliqua judicare debet. De quibus Gal. in 2. *Prorrheticorum* 44. hæc habet: *Nam si judicatorius rigor ex inquietatione fiat, morbum solvit supervenientibus sudoribus, vel vomitibus commodis, vel alvo subducta.* Itaque hæc inquietudines, quæ stomacho ex aliquo humore læso fiunt, morbum minime perniciosum denotant: pessimæque sunt, ab æstuosa febre stabili & pestilenti, ab insigni visceris inflammatione, & ab humoribus virulentis æstu turgentibus ac circa præcordia fervescantibus obortæ, atque omnium maxime, quæ propter languorem virium excitantur, hæc summe perniciosos morbos præmonstrant. De his auctor Coacarum in 1. libro text. 2. ait: *Quæ cum refrigeratione anxietates incidunt, pessimæ.* Addamus diu etiam perseverantes, nulla postea illucescente evacuatione. Idem forte de morbi difficili tolerantia videtur dicendum; nam morbum non facile tolerari, inquietudinem significat, a) quam vel a vehementi diuque perseverante febre vel maligna, vel a virulentis succis, vel insigni inflammatione interna vel denique virium infirmitate fieri jam diximus. Ægris igitur morbum non facile fe-

A Morbi
tolerantia,

a) Unde in loco ex Coacis paulo ante citato *δυσφορέαι* legitur, quod vocabulum ab Authore nostro tanquam *Anxietates* expositum, stricte tamen *difficilem tolerantiam* significat.

ferentibus, hoc unum speciatim nobis indicari videtur, quippe naturam morbo imparem viribus esse. Quod Hippocrat. in *Prognosticis text. 56. b)* de suppuratis ad exitium tendentibus expressit, cum dixerit *hos non facile morbum ferre, & facile eos, qui sani futuri sunt.* Somno etiam ægrotos A som. bono carere per multos dies, nobis fortissimi morbi & per-^{no.} niciosi erit indicium, omniumque maxime perpetuæ vigiliæ, quod hæ vires resolvant, cruditatem in humoribus augeant, in desipientiam, & phrenitidem non raro ægrotos deducant, atque non minus in exitiales tremores ac convulsionem. Somnus perpetuo magni momenti erit ad salutem prænoscentiam, si bonus naturalisque sit. Nam paucissimi aut nulli sunt, qui morbo vexentur pernicioso, & probe, id est naturaliter seu secundum consuetudinem, dormiant. At dormientibus etiam non omnino fidere debebimus, cum ex iis non pauci sint, qui etsi sint moribundi, recte dormire videantur. Sed hic, quod una cum virium languore prodeat, a bono distinguetur, atque etiam, quod nedum non juvat, sed quinimo etiam lædit. Quod fit tanta affectione cerebri occupante, quam neque somnus digerere, & consumere queat. Hinc Hippoc. in 2. lib. *Aphorif. 1.* dixit: *Quibus in morbis somnus laborem facit, mortale. Si vero juvat, non mortale.* Alii vero gravioribus somnis & longioribus utuntur, qui non inter somnos, sed soporiferos potius affectus sunt adnumerandi. At de his in sequentibus libris accurate scribemus. Magnas inflammationes appellamus, cum ex ipsarum vehementia, tum si fiant in membris principibus; ex omnes multum sunt merito timendæ; veluti parvæ, atque in ignobili membro, parum aut nihil. Quid læsæ partis varietas ad prognosticum faciat, alias dictum est. Cui hoc unum addimus, partem affectam vel principem, vel non principem tanti momenti esse Galenum docuisse, ut in acutis morbis humores malignos in principem partem recurrentes, exitium; & in non principem ac ignobilem, salutem ægrotis inferant. Gravissimos itidem morbos esse ab humorum

A parte
affecta.

Ab humorum multitudine. multitudine concitatos, omnes medici statuunt, præcipueque si multitudo humorum sit eorum, qui naturæ maxime adversantur, quos ipsa propterea difficillime ac tardissime concoquit, corrigit, aut a partibus affectis expellit, quales sunt bilis æruginosa, usta, atra vocata, summe putridi ac virulenti humores. Non tamen ob id, qui ab humoribus quantitate paucioribus excitantur, omnes periculo vacant. Sæpe enim valde exitiales observamus morbos a paucis, sed tamen virulento humore. Cujusmodi fuit phrenitis, quam ille, de quo Hippoc. scripsit *in tertio libro Epidem. a)* quatuor diebus iateriit. Hoc Galenus *in libro sexto de locis affectis*, exemplo cum ictus scorpionis seu veneni, perquam quantitate exigui, tum seminis corrupti, quibus sævissimi morbi & symptomata concitari solent, verum esse demonstravit.

Turgentia. Ex turgentibus etiam humoribus non minus graves, & periculosi morbi concitantur. Quando hi, præterquam quod turgentes periculum invehunt, ne in partem corporis principem irruentes, morbum gravissimum faciant, id etiam habent, ut ipsorum mala qualitate morbis vim perniciosam addant. Medicamenta etiam, quicquam utilitatis seu juvamenti non afferentia, morbum usque adeo perniciosum, quem natura neque arte adjuta superare queat, præmonstrant. De quibus Hippoc. *in 3. Epidem. com. 3. text. 65. b)* *Et oblata ægre admittebant, nam purgationes multos offende-*
bant. Facta quidem tempore debito in acuto morbo sanguinis vacatione, aut per venæ sectionem, aut per malleolorum sacificationem, aut alio modo, aut medicamentis vel lenientibus, vel purgantibus vomitoriis, aut dejectoriis, purgatione, si ægroti nihil juventur, judicium redditur difficile. Pravorum siquidem humorum crudorum, naturæ minime cedentium, multitudinem significant, unaque naturam morbo longe debiliorem redditam esse, quæ priusquam morbum concoquere queat, succumbit. Hujusmodi vacationis Hippoc. meminit *in lib. 4. Aphorism. 56.* dicens: *Febricitanti sudor superveniens, febre non deficiente, malum.*

Et

a) Sect. 3. Ægr. 4. p. 1100.

b) p. 1086. lin. 13.

Et in 1. *Prorrheticorum text. 7. Qui in hypochondrio febris refrigerata ardores relinquuntur, tum alias tum in sudoribus, mali sunt. Et in lib. 2. a) text. 27. Inquietatio cum sudore, est mala, &c. b) Flammans quoque cum sudore facies in his mala. De sputis in lib. 2. Prognosticorum text. 51. c) Omnes autem excretiones male sunt, quæ non sedant dolorem. Quæ itaque juvare deberent, cujusmodi sunt medicamenta omnia, & non juvant, aut exitii aut saltem difficilis judicii sunt indicia. Quod Gal. in lib. 3. *Prorrh. text. 35.* expressit, hunc in modum scribens: *Sanguinis eruptio non judicans, vel mortalis, vel judicatu difficilis, ita sudor vel copia, tum urinarum, tum dejectionum, tum vomituum, vel quæ per hæmorrhoidas, vel uterum excernuntur, & parotides & ceteri abscessus.* Et paulo post: *Quæ namque ex judicatoriis nihil juvant, sunt judicatu difficilia: Quæ non etiam in contrarium repunt, sunt lethalia.* Alibi dixit lethalia esse, quæ cum signis lethalibus, & judicatu difficilia, quæ non cum signis lethalibus, apparent. Itaque hoc eodem modo remedia ægrotis nihil juvamenti afferentia, difficilis erunt judicii, & quæ nedum juvabunt, sed quinimo etiam ægrotos lædent, seu ab ipsis ægrotis in deterius mutantur, atque abeunt, exitium præmonstrabunt, quod Hippocrat. in *Sect. 2. Aph. 2.* de somno expressit, cum dixerit: *Quibus in morbis somnus laborem facit, mortale: si vero juvet, non mortale.* Quo ex medicis præfidiis, quæ juvant ægrotos, salutarem sane morbum significant. Idem ex omnibus naturæ excretionibus juvantibus, (quas crises Medici vocant) judicari solet, quæ enim juvant, salutari itidem; & quæ non juvant, difficile judicium reddunt; atque quæ lædunt in acutis morbis exitium prænuntiant: omniumque certissimum, ubi aliqua signa prava illuxerint, cujusmodi sunt, in ardentissimis febribus tremores, convulsiones, refrigerationes extremorum cum ardentissima siti, deliria, atque alia multa, quæ alias accurate recensuimus, atque posterius de singulis accuratius agemus. Atque hæc*

K 3 de

a) Lib. 1. 39. tum & in Coac. præfag. text. 53.
text. 67.

b) *Prorrh.* lib. 1.

c) *Libr. Prognost.* p. 41. lin. 33.

de ægrotantium morte ac salute a naturæ morbique viribus, atque a futuri status cognitione præſagienda dicta ſint, & quod hæcenus de iis univerſaliter ſcriptum eſt, nunc in ſequentibus libris ſpeciatiſſimè, de ſingulis ſymptomatis, quibus natura, tum robuſta, tum debilis, adverſus morbum diſcitur, agendum erit, atque his noſtra prædicendi methodus abſolvetur.

FINIS LIBRI PRIMI.

PROSPERI ALPINI
MAROSTICENSIS,
DE
PRÆSAGIENDA VITA
& MORTE ÆGROTANTIUM.
LIBER SECUNDUS.

C A P. I.

De quibus in toto opere ſit agendum.

Prædicendi artificium in quibus conſiſtit.

Cum in primo libro de Ægrotantium ſalute, ac exitio Prognosticum a naturæ morbique cognitione pendere dixerimus, atque etiam ex quibus vires utriusque tum prævalida, tum debiles innotescerent, plane fuerit demonstratum. Superest modo, ut de earundem virium fortitudine, atque debilitate ſpeciatiſſimè agamus. Ex his ſiquidem totum prædicendi artificium nobis innotescit, in ipſorumque accurata obſervatione conſiſtit. De hoc vero agentes, ab iis, quæ naturam morbo vel imparem viribus, vel firmiorem denotant, exordiemur. Itaque de his (quæ facultatem actiones firmas, vitiatas, diminutas, ac omnino extinctas ſignificare alias dictum eſt) ſermonem primo faciemus, & poſtea de illis agemus, quæ tum morbos fortes, exitio-

exitiosos, tum debiles, salutare, denotant, a quibus ad particularium morborum, illorum inquam, quæ hominibus exitium inferre possunt varios eventus judicandos, descendemus. In his vero singulis tradendis, ut ordine non careamus, (quando nos ad dignoscendum prognosticum, singularum facultatum actionibus, uti instrumentis seu mediis, utamur) in primis circa eas actiones, vel sanas, vel vitiatas, vel diminutas, vel plane sublatas, quæ ab animali facultate, & secundo a vitali, atque demum, a naturali proficiunt, versabimur. Sed rem aggrediamur, ab internis sensibus principium facientes, quorum cognitio, quantum ad ipsorum morborum exitus prædicendos Medicis conducatur, ab iis, quæ posterius scribemus, liquido cuique nostrum constabit.

CAP. II.

Quid mente constare in morbis significet.

Ad indagandum morborum prognosticum exordiemur, Animalis facultatis actiones quænam harumque robur & debilitas quid ad præaugurium in morbis.
 ut nuper proposuimus ab actionibus animalis facultatis, quæ imaginatione, ratione, ac memoria perficitur; atque ab iis primo, quæ mentis seu virtutis rationatricis, robur & debilitatem, significant. Hæ si fortes, firmæ, ac perfectæ, vires istius facultatis prævalidas; si vitiatæ, diminutæ, ac omnino sublata, prælanguidas denotant. Itaque multum interest, in omnibus morbis actiones, quæ vim hanc animalem fortem seu firmam significant, atque prælanguidam, sedulo cognoscere. Hæ namque in cerebri malis, exitium, illæ salutem futuram prænuntiant. Quæ nos haud fallent, si cum ipsis facultatum aliarum actiones æque responderint, fit enim aliquando, cum recte tum vitales, tum naturales vires valuerint, ut mens in ægrotis turbetur, quæ non raro salutis crisis fit indicium. Ea quanquam Hippoc. in Sect. 2. Aphorism. 33. dixerit: *In quovis morbo mente constare; & bene se habere ad illa, quæ offeruntur, bonum*: Nihilominus in multis morbis mentis constantia licet ex bonis signis sit, nullo modo salutem prædicat, quandoquidem multi

quibus
morbis
salutem
non præ-
dicit.

Mente
constare
in qui-
bus mor-
bis opti-
mum.

Mente
constare
quinam
dicun-
tur.

multi ex pleuriticis, peripneumonicis, anginosis, hepatis, lienisque, ac aliarum partium inflammationibus atque ex febricitantibus sine ulla mentis vacillatione moriantur. In septi vero transversis, renum, uteri, cerebri, spinalis medullæ, nervorum, partiumque nervosarum juxta cerebrum positarum, aut quibus cerebrum maxime consentit, inflammationibus ægrotos sanos mente esse, non obscurum recuperandæ salutis indicium existimatur. Nullus etenim, aliqua supradictarum partium ex præcipuis, vel multis simul inflammationis, prudens ac sapiens moritur. Ex quo in talibus morbis ægrotos mente constare optimum est, præsertimque si id cum aliis signis bonis appareat: scitu vero dignum censeat ad hoc, ut distinguantur mente recte valentes ab iis, qui modo aliquo vacillant, ut eos, qui mente constant intelligamus, sæpe enim fit, ut medici hac in re plurimum decipiantur, atque errent, putantes quosdam viros prudentes & sapientes esse, qui vere delirant, & aliquos vacillantes, qui recte sapiunt. Mente vero hi constare dicuntur, in quibus omnes voluntariæ actiones plane firmæ, seu illæsæ spectantur, ac in ipsis obeundis partium solitum decorum ad unguem servatur, nec non ubi interni sensus recte atque secundum consuetudinem valent, suæque munera obeunt. Vel mente denique constare eos dicimos, ut Galeno quoque placuit, qui loqvuntur, aguntque singula rationi consentanea. Sed de his nunc satis, in sequenti enim capite istud nos accuratius scribemus.

C A P. III.

Quid sit mente non constare, qualibusque signis, cum præsens de mentis inconstantia, tum futura prænoscat, & de deliriorum differentiis atque causis.

Quemadmodum ægrotos in omnibus morbis mente constare, seu quod ad rectricis facultatis actiones pertinet, recte ac secundum consuetudinem se habere, bonum esse affirmavimus; sic illos quovis modo delirare, seu vacillare, seu

seu non recte secundum consuetudinem sapere, malum fore ad salutis prognosticum signum, dicimus. Quo signo in acutis morbis sæpe exitium prædicimus. Ceterum ad illustrandam prædicendi rationem, primo quid per mentis inconstantiam, & secundo qualibus signis præsens inconstantia nobis innotescat, & futura prænoscat, explicandum; atque tertio de amentiarum seu deliriorum differentiis atque causis, non minus accurate agendum, duximus. Quod itaque ad primum attinet, mente non constantes seu deliros Galen. appellat, qui loquuntur, aguntque nihil ratio-^{Mente non con-} ni consentaneum, qui tamen, non recte omnes deliros, seu^{stantes} mente aberrantes expressisse visus est: quando nedum eos,^{quinam} qui nihil agunt vel loquuntur rationi consentaneum, at^{dicun-} tur, omnes, qui quippiam tantum agunt, aut loquuntur præter consuetudinem, etsi in multis sapientes, videantur, amentes, seu mente aberrantes, seu dilirantes vocari oportere patet: dux etiam primus Hippocrates, ex altera tantum re-^{trici-} triciis facultatis actione læsa, delirium sæpe cognoscit, ut in libro secundo Aphorism. a) ex dolore quem non sentiunt ægri, dixit enim: *Quicumque dolentes parte aliqua corporis, omnino dolorem non sentiunt, iis mens ægrotat.* Et in Prognost. 1. text. 55. b) ex solo decubitu: *In ventrem autem cubare, qui in sanitate non est solitus ita dormire, quo tempore sanus fuit, malum est, delirium enim, aut dolor circa ventris sedes significatur.* Galenusque etiam in 1. Prorrhet. 6. a sola sputatione delirium dignosci tradidit. Et in primo Prognost. c) ex manuum indecora gesticulatione, cum ægri festucas colligunt, frustra-^{que} que venantur muscas: ac non minus ex sermone, & responsione ægri; Auctor enim 1. Prorrhet. 44. d) ait: *Ferocem respon-^{tion-} sionem in homine modesto, atque in feroci modestam, delirium significare, & garrulitatem in taciturno, ac silentium in garrulo.* Hæc & quam plura alia exstant exempla, quibus homines ex una tantum læsa actione deliri reputantur. Quare dicamus nos illos mente aberrantes fore profecto di-^{Signa} cendos, in quibus alia ex voluntariis actionibus præter ra-^{quibus} quibus

L

tio-

a) Text. 6. b) Pag. 37. lin. 48. c) Pag. 38. lin. 1. d) Et in Coac. 51.

deliran-
tes co-
gnoscun-
tur,

tionem vel exsuperans, vel deficiens observatur, & in ipsa solidum decorum non servatur, veluti si manus indecore moveatur, festucas frustra colligendo, aut muscas venando, vel aliquod præter consuetudinem, atque sine causa; ut etiam qui præter consuetudinem, parum, vel multum, vel indecore obscæna turpiaque loqvuntur, verbaque incomposita, & non constantia; & qui tardius, quam necessitas expostulat, respirant; aut pudenda coram astantibus denu-
dant; vel eos deliros dicimus, in quibus sensuum defectus in animo observatur, in animo inquam non advertente sensibilem speciem, quæ iis objiciuntur, vel frustra eas, quæ non ipsis sensibus objiciuntur, sentiant. Ex quibus ii profecto delirant, qui solitis sensibus, sine causa defecerunt, vel iis præter consuetudinem utuntur, aut cum ægri aliqua ex voluntariis actionibus careant, vel abutantur. Quæ notæ, ac delirantium conditiones in Coacis præfagiis 2. *coac. præfag. sec. 1. text. 10. a*) perbelle hisce verbis exprimi videntur: *Facere quid præter consuetudinem, velut instituire, velleque ea, quæ prius non consueverat, aut contrarium iis, quæ fuerunt consueta, malum, & proximum dementiae.* Quævis igitur mutatio, in moribus, in gestu corporis, in voce, sermone in sensuum iudicio, hominem delirum, atque alium a seipso factum denotant. Sed nunc ad particularia magis inconstantis mentis signa accedamus, (quod est caput secundum a nobis propositum) illa in memoriam revocantes quæ variis locis tum Hippoc. 1. *Prorrh. b*) *text. 6.* cum Gal. memoriae prodiderunt. Quæ hæc erunt: *Ferocem respon- sionem in homine composito & modesto, atque in feroci & incomposito modestiam, delirium significare.* Ex 2. *lib. Prorrh. c*) ut nuperrime meminimus, & aspectum audacem, atque ferocem esse phreniticum. Idem quoque significari ab ægrotis dolorem non sentientibus, atque lingua exustis nihil ficientibus, vel exiguum potum exposcentibus. Nec non pulsus hypochondriorum cum frequenti oculorum obtuitu. Quod & oculos sublimes, atque instabiles denotare Gal. *in*

I. *Pro-*

Mentis
incon-
stantis
particu-
laria si-
gna.

1. *Prognost. a)* tradidit. Eodem quoque modo ex decubitu in ventrem præter consuetudinem Hippoc. in *eodem lib. 1. Prognost. text. 23. 24. b)* delirium notari dixit. Et Gal. in *Comment. idem* testari supini cubantis crura admodum reducta, distractaque & insolitum dentium stridorem, quod ibidem *c)* Hippoc. docet, nec non in summo morbi vigore ægrotos velle residere, atque nuper commemoratas manuum gesticationes, quippe ad os manus ferri, aut frustra ægrotos muscas venari, festucasque colligere, aut de veste pilos evellere, aut de pariete stipulas carpere, uti in Dealcis uxore, quæ in Leio decumbebat, Hippocrat. *d)* observavit. Delirantis etiam non obscurum signum erit, modestos ægrotos, omniumque maxime mulieres, assidentibus devorato pudore pudenda sine causâ nudare. Quod & respirationem magnam ex intervallis editam significare tum Hippoc. in *Prognostic. e)* tum Gal. in *2. de respirat. cap. 5. tum in 3. Epidem. f)* text. 3. 19. docuerunt. Idem notat palpitatio hypochondriorum, non minusque ægrotos non agnoscere familiares, ex Coacis præfagiis *g)* delirium testatur. Atque in *1. Coac. præfag. sec. 1. linguas h)* vocesque *i)* obtremiscentes, frequentem *k)* spuitionem, urinasque *l)* mingi in non recordantibus, mictas *m)* prærubras esse cum sublimi. Vocem item *n)* clangosam, linguas *o)* densas, vomitus *p)* æruginosos cum surditate, tinnitus *q)* aurium in acutis febribus, dolores *r)* circa umbilicum palpitantes, atque *s)* laterum raros & *t)* coxæ occultatos, cum urinis suspensionem elatam

L 2 ha-

- a)* Hipp. Prognost. p. 38. lin. 37. & Coac. 227. & 228. *b)* Prognost. p. 37. lin. 48. *c)* Lin. 52. *d)* Epidem. l. 111. Sect. 3. Ægr. 15. p. 1114. Confer. & lib. Prognostic. p. 38. lin. 1. & lib. 1. Prorrh. text. 34. & Coac. 76. *e)* Pag. 38. lin. 8. *f)* Sect. 3. Ægr. 15. & 16. p. 1114. & seq. *g)* Text. 282. 298. 300. 308. &c. *h)* Coac. 233. & 1. Prorrh. 19. & 20. *i)* Coac. 99. & 1. Prorrh. 19. *k)* Coac. 244. & 1. Prorrh. 6. *l)* Coac. 596. & 1. Prorrh. 29. *m)* Coac. 198. & 1. Prorrh. 32. *n)* Coac. 99. & 1. Prorrh. 19. *o)* Coac. 234. &c. Prorrh. 3. *p)* Coac. 169. & 1. Prorrh. 10. *q)* Coac. 131. & 1. Prorrh. 18. *r)* Coac. 300. & 1. Prorrh. 36. *s)* 1. Prorrh. 22. *t)* 1. Prorrh. 37.

habentibus, ipſasque a) urinas aquoſas, albas, cum ſuſpenſo, elato, rotundo, & capitis dolore in turbulentis, vigiliſque mentis aberrationem indicare, quemquam in Hippoc. & Galen. ſcriptis verſatum, non latet. Auctor *Prorrh.* b) addit: *Ex vomitu faſtidioſo, vox clangoſa, oculique concretum pulviſculoſum habentes, inſaniam oſtendunt, ut Hermozygi uxori, quæ vehementi inſania acute correpta, muta obii.* Et in ſequenti textu: *Si in ardente febre aurium ſonitus cum caligine fuerit, proveneritque in naribus gravitas, mente ex melancholia aberrant.* Gal. etiam in *ſ. de loc. affec.* ſcribit: phreniticis delirium non ſubito, ſed paulatim fieri, neque affatim quieſcere, ipſumque præcedere ſolent interim vigiliæ, interim ſomni turbulenti, cum manifeſtis imaginibus, a quibus clamant nonnulli, & exſiliunt; aliquando oblivio irrationalis accedit, ita ut aliqui, cum vas ad mingendum tenerint, mingere non recordantur, aliqui cum tumultu inſolito ac temeritate, ut nuper dictum eſt, reſpondeant, cum antea fuerint manſueti, ac mites; parvo item potu utuntur, reſpirationemque habent magnam atque raram, atque dolet iis nonnunquam occiput, pulſus parvi ſunt & duri. Cum vero propius ad phrenitiam accedunt, oculi apparent vehementer ſqualidi, lachryma in altero oculorum acris, lippitudo, venæque oculorum ſanguinis plenæ cernuntur. Idem ſanguinis ſtillicidium e naribus fit, quo tempore nihil prudenter reſpondent, floccos evellunt, feſtucas carpunt, febris aridior, æqualior, ſine magnis mutationibus uniformis, lingua ſalebroſa, & aliquando ſurdaſtri, aliquando mœſti, & vix quicquam reſpondentes, dolorificumque non ſentientes. Atque hæc ſigna ad dignoſcendos mente non conſtantes ſeu deliros, nobis ſufficiant. Ex quibus multa deliraturòs ægros, ſeu mente caſuros decernent, uti vigilia, quæ ſæpe delirium antecedit: ut in 2. *Prognòſt.* c) Hippoc. meminit: Utrumque enim quippe tum illam, tum delirium excaſſato aut exſiccato cerebro, excitari Gal. in *lib. 4. de præſag. ex pulſibus* prodidit. Somni etiamnum turbati, atque tumultuoſi,

Deliria
futura
ex qui-
bus ſi-
gnis præ-
ſentiu-
tur &
porten-
duntur.

a) Coac. 582. & I. Prorrh. 4. b) I. Prorrh. 17. c) Progn. p. 39. lin. 52.

tuosi, conspicuique, a quibus ægri clamant, exsiliunt, futuri delirii sunt præfagia: de quibus in Coacis præfagiis *a)* *sec. 2. text. 8. Turbulentiæ, ferocesque excitationes e somno delirium adferunt.* Aurium quoque tinnitum, & sonitum insaniam sæpe præcedere Auctor Prorrheticorum *b)* meminit, non minus, & surditatem, *c)* si præsertim cum urinis appareat habentibus suspensionem elatam ac sublimem. Oblivinem quoque sæpe ante phrenitum manifestari, Galenus in *quinto, de loc. affectis*, ut nuper etiam meminimus, prodidit. Dolor item capitis vehemens, & assiduus in acutis febribus delirium portendit, præsertimque in auribus qui observatur, ex Hippocrate in *3. Prognosticorum. d)* Nec non si dolor cum præcordiis revulsis appareat, de quo in *Coacis præfagiis e)* *sect. 1. text. 6. Capitis dolor in acuto morbo, præcordia revulsa, siquidem sanguis non effluet, in phrenitum procedit.* Non minus & vigilia cum aurium sonitu vel tinnitu, vel surditate, ni hæmorrhagiam indicaverint: Et in *f)* *secundo Prorrheticorum*, hæc quoque una observata delirium prænuntiare, ita legitur: *Quibus alvus liquida, lassitudo, capitis dolor, sitis, vigilia, obscuritas & impotentia fuerit, ut hi mente moveantur, spes est.* Dolorem capitis assiduum ad prænuntiandam desipientiam maxime facere, testatur Auctor *libri septimi Epidemiorum text. 100. g)* Idem dolor hypochondrii non raro fit delirii nuncius. Quod in muliere *h)* trimestri foetu gravida fuit observatum, idemque significat palpitatio, nec non qui circa umbilicum continuant in morbo acuto dolores, ex *tertio Epidemiorum. i)* Idem dolores in ignobili parte exorti, qui occultantur fere continuo, ex *primo Prorrheticorum* sparsim: in eodem libro *k)* scribitur: *Rari in his laterum dolores delirium ostendunt:* & in *l)* *secundo libro: Si quippiam in urina sublime petierit, occultato coxæ dolore, delirium portendit, & quæ circa aurium sonitus talia existunt, quod Hippoc. m)*

L 3

La-

- a)* Text. 83. *b)* Lib. I. 18. *c)* Ibid. 32. *d)* Prognost. p. 44. lin. 45.
e) Text. 119. *f)* I. Prorrh. 38. *g)* Forte text. 120. & 121.
h) Epidem. lib. I. Ægr. 13. pag. 990. *i)* Ægr. 3. p. 1067. conf. I. Prorrh. 36. *k)* Text. 22. *l)* I. Prorrh. 37. *m)* Epidem. lib. III. Ægr. 5. p. 1101.

Larissæ calvo vidit accidisse, cui occultato femoris dextri dolore statim delirium accidit. *a)* Lateris quoque dolor in pleuriticis, si absque ratione evanuerit, portendit delirium. Non raro, & sputa rotunda, ex Prorrheticis *b)* frequensque sputatio sine causa idem notant, & Hippocrates in *5. Aphorism.* 40. ait: *Quibuscunque mulieribus ad mammas sanguis colligitur, furorem significat.* Et in quarto libro *Aphorism.* 72. Galenus urinas albas, lucidas, idem portendere tradidit, quod & turbidæ in acutis morbis minantur, maximeque in turbulentis, & vigilibus, habentes, ut alias dictum est, suspensionem elatam, ex secundo libro *Prorrheticorum* *c)* text. 28. 31. Pulsus item in aliis atque in Hypochondriis, magnaue & rara respiratio ex primo *Prognosticorum.* *d)* Et in *Prorrheticis* *e)* hæc de his quoque habentur: *In acutis morbis dolorosa in faucibus gracilia, pusilla, strangulantia, atque cum aeger hiauerit, non facile os tum cogere tum claudere mentis alienationem portendunt.* Vomitus *f)* etiam æruginosi, seu virulenti cum capitis doloribus assiduis, vigiliis, surditateque, certa delirii futuri, tum singula ipsorum per se sola, tum multo magis omnia, & ipsorum etiam quædam simul in febre acuta conspecta, sunt indicia. Atque ex his futura deliria præsentiri, ac portendi, dictum cum sit. nunc deliria in suas species atque differentias distincta spectemus, non minusque ipsorum causas. Quibus quidem neglectis impossibile profecto videtur, nos delirantium Prognosin recte assequi posse. Nominem autem non constantis mentis (ut hæc aggrediamur) nos mentis aberrationem, vacillationem, hallucinationem, amentiam, insaniam, desipientiam, delirium, atque phrenitidem comprehendimus, non constantesque mente ægrotos hisce nominibus intelligimus. Quæ affectio symptomata maxime est ratiocinatricis imaginatricisque potentia. Hæc enim potentia, ut docet Galen. in *lib. de different. symptom. cap. 3.* vel est deficiens, ejusque motus est

Mentis
incon-
stantia
quænam
affectio
& unde.

a) 1. Prorrh. 97. *b)* Lib. 1. 6. & Epidem. Lib. 6. Sect. 3. text. 27. & Sect. 6. 21. pag. 1176. & 1190. *c)* Libr. 1. 4. & Coac. 582. *d)* Pag. 38. lin. 8. & 34. *e)* Lib. 1. 11. & Coac. 275. *f)* 1. Prorrh. 10. & Coac. 169.

est imbecillus, uti in Coma, & Lethargo; vel est resoluta, ut in catalepsi, *caron* vocato; vel denique est vitiata, ubi ejus motus pravus erransque existit, uti in delirio & phrenitide. Eodem modo de ratiocinatrice, nam vel ipsa quoque est deficiens seu diminuta, seu aliqua in parte resoluta, quæ *morosis* & fatuitas dicitur; vel omnino resoluta sublataque, quæ amentia vocatur: vel denique vitiata, ubi ejus motus depravatus erransque existit, quod symptoma delirium quoque appellatur. Accedit etiam haud raro, cum his duabus læsis potentiis, memoria iisdem vitii differentiis læsa. Aliquando in mente aberrantibus sola imaginatio læditur, aliis illæsis, ut Galen. *lib. de symptom. diff. cap. 3.* in Theophilo observavit. Et aliquando ratio sola, illæsa tum imaginatione, tum memoria, quod phrenitico contigisse in libro nuper allegato Galen. memoriæ prodidit. Plerumque vero utraque tum imaginatio tum ratio vitiata simul deprehenduntur, ut in iis, qui cum delirant, imaginantur ea, vel quæ non sunt, vel ea profecto, quæ sunt, non imaginantur, observatur; loquunturque ac agunt nihil rationi ac imaginationi consentaneum. Dividuntur vero omnes mente non constantes in eam, quam proprie amentiam, insaniam, ecstasim, desipientiam, mentis aberrationem, vacillationem, alienationem vocamus, & in eam, quam Græci *paraphrenesin* & nostri delirium dicunt, atque tandem in phrenitidem. Quam Gal. cum Hippocrate ab aliis desipientiis, quod cum febre fiat, distinxit: De qua *in secunda de sympt. causis c. 7.* Nominantur autem ex his, quæ quidem cum febre sunt, phrenitides, quæ sine febre sunt, insanix, Græce *manix*. Quæ a deliriis perpetuitate delirationis distinguuntur, nam etsi deliria seu paraphreneses cum febre fiant, non tamen sunt perpetua, veluti de phrenitide dicitur. Gal. quidem multis locis affirmavit Hippocratem vocare eos phreniticos, qui perpetuo delirant, uti paraphreneses vocat deliria, quæ tantum vel in acutissimarum febrium summo vigore apparent, ipsisque declinantibus declinare observantur; quare continuitate delirii, atque ipso etiam delirio sensim ac sensim

Delirio-
rum di-
visio &
differen-
tia.

Phreni-
tides
quomo-
do a de-
lirio dif-
ferant.

Para-
phreni-
tides
quid.

pro-

Quomodo a Phrenitide distinguuntur.

Phrenitidis variorum differentiarum.

prodeunte, phrenitici a deliriis destinguuntur, iis exceptis, qui septo transverso inflammato mente moventur, huiusmodi siquidem deliria non facile a phrenitide distinguuntur, quod & ipsa cum febre fiant perpetueque existant, ex qua difficultate antiqui putarunt septo transverso inflammato homines phreniticos evadere, atque ob eam suspicionem *phrenas* illi appellarunt, tanquam *φρονεῖν*, id est, sapienti parti conferat quippiam. Distinguit vero ab his phreniticos Gal. quia phrenitici magnam edunt respirationem, atque ex longis intervallis, cum quæ in delirio ex septo transverso observatur, inæqualis sit ita, ut modo exigua appareat, atque frequens, modo magna & angusta, quæ respiratio in phrenitide non fit, nisi pars aliqua respirationi servientium simul, vel inflammatione laboret, vel aliquo dolore vexetur, quam Galen. in 2. lib. de respir. accuratius docuit. Præterea in delirio ex septo transverso statim hypochondria tenduntur, quod in phrenitide posterius fit, eaque statim a principio revelli, proprium est illiusce delirii. Demum ex omnibus accidentibus, quæ phrenitidem sequuntur, uti sunt, oculi rubentes ac inflammati, faciesque tota calore æstuans, & reliqua alias a nobis accuratius exposita, vel nulla, vel pauca, & levia in his apparent. Accedit quod delirium istud veluti repente fit, & in phreniticis delirium paulatim incipit. Phrenitidis etiam aliarum multarum differentiarum observantur, una siquidem est, quæ *μανιώδης* dicitur, in qua ægri calcitrant, pedibus feriunt, mordicus impediunt, excandescunt, eos, qui ingrediuntur, hostes habentes; quod ubi feroces esse incipiunt, ingentiaque mala perpetrant, vehemens dicitur, hancque Græci *Μανιώδην* appellant, & nostri ferinam ac melancholicam. De qua Auctor Prorrheticorum 1. a) Prorrh. 25. *Quæ paucio tempore feroces fiunt desipientiæ, ferinum est.* Altera obscura, mitis, in qua ægri obscure blandeque delirant, uti vix tales dignoscantur: Hi in Coacis præsagiis b) 7. sect.

a) Text. 26. & 123.

b) Text. 65. ubi mentis emotiones cum taciturnitate in eo, qui vocē defectus non est, pernicioſa dicuntur. Vid. &

1. Prorrh. 54.

sect. 2. tex. 13. moti mente cum silentio vocantur, de quibus in *Prorrheticis*: a) *Tremula, obscura, contrectabiles desipientie*, Asapho: des quid. *valde phrenitice.* Græci has (ut alias dictum est) *ασαφoδes* vocant, & nostri obscuras, quæ nedum ab idiotis, verum etiam a doctis Medicis non raro ignorantur. Tales enim ut Galen. in *1. Prorrhetic.* 33. sentit, nedum tumultuose non exclamant, non exsiliunt, sed quieti quinimo jacent, neque prorsus loquuntur, neque figuram decubitus permutant, sapiusque, qui ita affecti sunt, familiaribus opinionem præbent, quod mox sint, si quod fiat silentium, dormituri. Clausis itaque fenestris conquiescunt custodes, tempus in his interdum longum conterunt, dormire ægrum, quod neque loquatur, neque moveatur, arbitrati, ægro ipso non dormiente, & manus quiete movente, non secus quam, qui per levem contrectationem aliquid vel tangere, vel invenire volunt. Horumque alii clausis palpebris hæc agunt, & interrogati de aliquo, neque prorsus oculos aperiunt, alii, postquam aperuerunt, aut paulo post claudunt, aut immoti observant affectionem, Gal. hecticam appellatam. Sed videtur hæc desipientia signis profecto cum ea, quæ ex Comate & Lethargo fit, convenire. Quamobrem mutatio, distinctioque quælibet ipsarum erit dignoscenda. Etenim quæ cum Comate, vel Typho-
Lethargo, (quem Græcorum aliqui ut Galen. ait *Typhomania* mania quid & quo morbi tempore fit. *niam* vocarunt) fit in principio morbi, perseveratque diu: asaphodis, seu obscura, seu ut Gal. placuit, hectica dicta, nunquam in morbi principio, sed morbi progressu, post vehementem aliquam insaniam. Et si veteriosa comatosaque etiam a frigido humore, atque etiam a multo sanguine, post morbi principium sæpe concitetur; quæ aliquando vel bonam vel malam crisin antecedit & apparet, in qua languidos pulsus, duros, angustos atque parvos observamus, quales in illa desipientia non observantur. Sed jam de ipsarum causis agamus. Deliria omnia a calidis mordentibusque succis concitari Gal. in *lib. 2. de sympt. causis* tradidit, præ-
cipueque a flava bile, atque sæpe ex calidiori cerebri intem-
perie

perie. Omnia vero deliriorum genera, vel insanix, vel phrenitides, vel paraphrenitides a cerebri læsione oriuntur. Speciatimque deliria, quæ duplicia existunt, ea inquam, quæ tantum in summo febrium acutarum vigore excitantur, quæque a calidis mordentibusque vaporibus sursum in caput sublati, ortum habent. Alia vero deliria, quæ sine febre manias, seu insanias, Medici appellant, quas cum febre phrenitides Gal. vocat, cum tamen veræ non sint, nisi phlegmonem in cerebro, aut ejus membranis, sanguis biliosus ex Gal. in 2. lib. de sympt. caus. c. 7. efficiat. Hæc vero raro fit, uti frequentius phrenitica illa desipientia, quæ a calidis humoribus in cerebro, vel ejus involucris delatis sine phlegmone concitatur. Quales Hippoc. in 1. Epid. a) comm. 2. text. 73. observavit. Hæcque fiunt tum a sanguine, tum a bile, cerebri locum, in quo princeps animæ pars residet, prehendente, ut Gal. 2. de sympt. causis c. ult. meminit: vela flava tantum bile, quæ etiam febris exurentis incendio exusta, atque in nigram versa, vehementem illam desipientiam, Græcis *Maniodin*, *Tiriodin*, ac nostris (ut alias dictum est) ferocem, furiosam, ferinam, melancholicamque, appellatam efficit, quæ fit ab exusta bile cerebro, membranisque immodice resecatis, cum qua ægri sæpe in tremorem incurunt, atque convelluntur. In hæc sane symptomata non nisi vehementissimas ac exitiosissimas phrenitides illabi Gal. tradidit. Eæ vero desipientiæ cum febre, phreniticæ quoque vocatæ, fiunt nedum ab humoribus calidis, verum etiam ut Gal. in 3. Epid. docuit, a frigidis, nempe pituitosis in cerebro putrescentibus, qui putredine calorem acrimoniamque, quibus in cerebro ejusque membranis læsis delirium concitatur, acquirunt. At hæc deliria, ab iis, quæ calidi humores concitant, somno, atque etiam sopore distinguuntur, quatenus qui ex frigido humore delirant etiam simul dormiant, vel veternosum affectum simul habeant; & a calidis humoribus desipientes vigiliis quoque simul infestentur. Fit etiam non raro, ut tum calidi, tum frigidi simul, humores permisti mistam desipientiam ex delirio & lethar-

go, ut Galen. *in 1. Prorrhetic.* meminit, pariant. Hique ambo contrarii affectus a principio ad finem usque cum continent, ægri tum vigilant, tum ad somnum inclinationem habent; interimque magis phrenitici observantur, prout bilis pituita prævalet, & interim plus lethargici, seu Comatosi, prout pituitosus humor bilioso sit copiosior. Hæque sunt omnes phreniticarum desipientiarum causæ, a quibus quoque vera phrenitis, quæ est ab illis succis in cerebro ejusque membranis orta inflammatio, ortum habet, quæ a pallida bile mitior est, a flavaque vehementior, & omnium maxima ab eodem humore incendio febrilis caloris perassato. Ea vero desipientia obscura, asaphodis Græcis dicta, quæ cum silentio fit, pro causis prælanguentem facultatem animale, atque hecticam quandam, ut Gal. *in Prorrheticis* docet, temperiem habet. Cum enim vel inflammatio, vel flava bilis cerebrum occupat, initio quidem nondum per totum cerebri corpus permiscetur, sed in eo fervens spiritus alterat & agitat, unde clamant ægroti, exsiliuntque; postquam vero imbibita est, atque hecticam cerebrum quandam intemperiem acquisivit, ægroti silent, quietique manent, ut vix etiam deliri a Medicis dignoscantur: hanc superius diximus multis a veteriosa distingui, sed præcipue prælanguidis pulsibus parvis durisque. Quæ vero cum sopore prodit, vel a sanguine fit, sanguineque ac bile permixtis cerebrum invadentibus, vel a pituita bileque simul mistis, aut ab humore crudo pituitoso, putrefacto, caloremque & acrimoniam exinde adepto, vel demum a caloris nativi extinctione.

C A P. IV.

De salute a deliriis prædicenda.

Ex deliriis ea minus mala existunt, quæ non perpetuo ægrotos tenent, sed parvo tempore, atque cum signis bonis, vel non lethalibus, prodeuntia. Quibus vires quominus debent æque respondere, quippe, ut sint valida, quando deliria quoque prævalidas vires exposculent, quæ cum

Deliria
quænam
minus
mala.

prælanguidis natura ægerrime vincit. Nullum vero ex deliriis, ut docuit Gal. 6. *Aph.* 53. securum reputatur. *Minus vero periculosa, quæ cum risu fiunt: sicut temeraria omnium sunt periculosissima. In medio autem ambarum desipientiarum sunt, quæ cum studio fiunt.* Nullum tamen delirium, etsi unum ex maximis malis existat, per se solum certum exitii indicium esse poterit, veluti neque mentis quoque constantiam solam in ægrotis salutem indicare alias meminimus. Simul vero cum bonis signis delirium concitatum minus est timendum, præcipueque si, præterquam quod non est perpetuum, neque vehemens, feroxque existat, sed quinimo magis leve, & parvum, utpote quando ægroti in paucis mente aberrant; magnum siquidem delirium Gal. *in lib. de diff. sympt. cap. 4.* etiam vocat, ubi variæ deliriorum species in ægroto simul observantur. Parva itaque levia in paucioribusque actionibus deliria observata minime omnium sunt timenda, maximeque si tantum per accessiones fiant. Verum neque satis ad mitem benignamque deliriorum naturam denotandum, ut delirium non sit perpetuum, sed etiam est opus, ut omni ferocitate careat, quando auctor *Prorrh. 1. text. 26.* dicat: *Quæ parvo tempore feroces fiunt desipientiæ, ferinum.* De quibus Gal. dixit: *Cum videris quempiam cum ferocitate desipientem, etsi paulo post sedetur, cognosce mentem ejus non febris ratione lesam esse, sed phreniticam subali affectionem, quæ post adaucta ferinata bi videtur.* Itaque delirium intermittens, non vehemens,

Deliri-
um mite
& beni-
gnum
quomo-
do ab
parvo
falso cre-
dito &
exitiali
digno-
scitur.

sed leve, scil. mite, parvumque, quod præsertim fiat per accessiones, nunquam erit exitiale. Sed cavendum, ne parvum miteque falso creditum nos quandoque fallat, etenim multi exitio proximi sic delirare non raro dignoscuntur, quibus *in Prorrh. 1. a) text. IV. n. 13.* *Tremulæ, obscuræ, & contrectabiles desipientiæ, valde phrenitiæ.* Quod facile ex prælanguidis viribus, ac aliis exitiosis simul observatis signis, perpetuitateque ab iis distinguitur. In eo namque vires prævalidæ, non perpetuumque est, atque sine exitiosis signis observatur, quale in *Milidia* vidit Hippoc. *b)* In

hoc pulsus sunt languidi, delirium perpetuum, cum signis exitiosis: quæ sane omnia, inquam, signa, tum cum delirio orta, tum quæ post ipsum illuxerunt, maximopere sunt observanda. Hæc enim non raro salutarem crisin antecedunt. Quæ Galeno in 1. lib. ad Glau. cap. 15. docente, sunt sanguine, vel bilioso humore, ad caput critice recurrente. Apparent vero isthæc deliria, crisin portendentia, aliquando cum capitis dolore, gravitate, surditate, convulsione, atque aliis hujusmodi multis. De his Gal. in 1. Epidem. a) cum in Dealeis horto decumbentis historiam commentatur, scribit: *Nam quæ deliraverit in nona, & dextro oculo strabo fuerit, res sunt, quæ solent in judiciis evenire.* Et in Abdera virgine b) delirium cum surditate iudicium, quod tum pedum doloribus, tum sanguinis e naribus eruptione, est secutum, præcessit. Atque multo clarius id in muliere morosa visum est, de qua Hippoc. in 3. Epidemiorum: c) *Tertio convulsiones conquieverunt, coma, & in somnum inclinatio, rursusque vigiliæ excitaverunt eam, continere se non potuit, multum deliravit, febris acuta, sub hanc noctem sudor multus toto corpore & calidus prærupit, libera febre dormivit, plana mente constitit.* Item delirium, sexta die in virgine Larissæ d) observatum, largam sanguinis eruptionem indicabat, quod etiam in Heropyto Abderæ e) visum est. Cum dolore itaque, gravitate capitis, vigilia, comate, surditate, convulsione, oculorum caligatione, splendore, lachrymis involuntariis, aurium tinnitu, ignorantia, oblivione, tremore, anxietate, inquietudine, clamore, surrectione, spirandi difficultate, urinæ suppressione, rigore vehementi, æstu multo, sitique intolerabili, repente obortis, delirium sæpe iudicium futurum prædicit, vel profluvium sanguinis, de quo in 5. coac. præsaf. f) sect. 1. tex. 36. scribitur: *In quibus morbis ab anxietate delirium de repente fit, profluvium sanguinis significat; vel urinæ, de qua*

Deliria
crisin
porten-
dentia.

M 3

Hip-

a) Vide Hippocr. Epid. l. 3. p. 1066. Ægr. 3. b) Epidem. l. 3. p. 1103. Ægr. 7. c) P. 1108. Ægr. 11. d) Lib. 3. Epidem. p. 1110. Ægr. 12. e) Ibid. p. 1106. Ægr. 9. f) Tex. 184.

Vacua-
tiones
bonæ &
malæ
quomo-
do co-
gnoscu-
tur.

Hippoc. in 6. Epid. a) *Urina multam subsidentiam habens, solvit deliria, qualis fuit Deuxippi: vel per sudorem, de quo Gal. in 3. de crisibz ait: Judicat autem phrenitidem sudor bonus, & præcipue si ex capite multus & calidus fluxerit, sudante simul reliquo corpore. Et paulo post: Contingit autem aliquando, quod etiam per sanguinem e naribus erumpentem phrenitis judicatur. In Coacis vero prædictionibus b) per sudorem atque somnum solvi delirium docetur. Et in 7. Aph. 5. Hippoc. scribit: A furore difficultas intestinorum, vel aqua inter cutem, bonum. Delirium itaque, quod bona aliqua vacuatio subsecutura sit, salutem prænunciat, ac quoddam signum decretorium existit. Veluti pessimum erit, post quod mala sequetur evacuatio; quale est e naribus sanguinis stillicidium, sudores capitis frigidi, & aliæ hujusmodi vacuationes, de quibus posterius nos accurate agemus. Ideo distinguendum, num eæ bonæ malæve sint vacuationes, quod sane ex multis signis innotescit, quippe ab exeuntium quantitate, qualitate, loco, per quem fit, tempore morborum, diebus in quibus apparent, atque morbi allevatione. Bonæ siquidem sunt, si in ea copia, quæ multitudini humorum peccantium respondet, observantur, atque ubi, qualia desiderantur, evacuantur, perque loca convenientia, & congruo tempore, quippe in statu, atque in aliquo dierum decretoriorum, fiant, a quibusque morborum, symptomatumque vel sequitur allevatio, vel iisdem plane ægri liberantur. Sed ad tria præcipue in omni prædictione, (quæ magni perpetuo momenti existunt) animum adhibere oportet, quippe, ad arteriarum pulsationes, respirationem, ac ciborum appetentiam, quæ omnia profectu si inculcata, & firma, etiam si cum exitioso aliquo signo sint, maxime ad prædicendam salutem valent. Quod Galen. in tertio Epidem. com. 3. c) text. 89. de Heropyti agens historia, meminit. Cum delirio namque pulsus vehementes cum inculcata tum respiratione, tum appetentia, non incerta erunt indicia, quod ipsis natura prævalida ostendatur, quæ morbum sine dubio recte feret. Ex his*

his itaque, quæ simul cum deliriis per modum iudicii appa-
rent, quomodo salus interim præsentatur, hætenus vidi-
mus. Nunc ab iis, quæ postea illucent, quæque ipsorum
deliriorum veluti morem significant, etiam perquiramus.
Bonæ igitur post deliria factæ vacuationes, de quibus nu-
per satis a nobis dictum est, quales sunt largæ eruptiones
sanguinis e naribus, de quibus egit Gal. in 3. lib. de Crisib.
cap. 8. Menstruæ item purgationes cum delirio, & post ipsum
consectæ, quales observavit Hippoc. in virgine Larissa a)
& in morosa muliere b) (Galeno docente) simul cum co-
pioso sudore apparuerunt, ex quibus, ut Hipp. meminit, fe-
bre libera dormivit, ac plane mente constitit. Hæmorrhoi-
des quoque delirium secutæ, salutem prænuntiant, quas in
6. Aph. 21. Hipp. meminit hisce verbis: *Ex melancholia insa-
nientibus si varices, aut hæmorrhoides, supervenerint, insanie
fit solutio.* Idem notant dolores vehementes, assidue in co-
xis, cruribus, pedibus atque manibus, qui sentiuntur, quique
humoribus ad partes ignobiles; principibus relictis, decur-
rentibus concitantur, estque iudicium, quod natura per
humorum transfluxionem molitur. De quibus Hippoc.
de Herophonte scribens, ait: c) *Octavo febricitabat, lien
residebat, omnia intelligebat, doluit & inguen primum, secun-
dum lienem, deinde in utramque tibiam demigrarunt.* Qui
sane dolores etiam in uxore Epicratis d) non minimam par-
tem iudicationis habuerunt. Et in eo, qui in Dealcis hor-
to decumbebat e) die decimoquarto plane deliro, quinto-
decimo genu atque tibie doluerunt, ac decimoseptimo post-
ea toto corpore sudavit, ad mentemque rediit: & die vi-
gesimo pedum dolores in virgine Abderæ f) delirium fur-
ditatemque deleverunt. Somnus in ægrotis delirantibus
perpetuo magni erit momenti, maximeque si ipse delirium
sequatur, ipsumque vel resolvat, vel saltem minuatur, de quo
in secundo Aph. 2. *Ubi somnus delirium sedat, bonum.* Idque
merito

a) Lib. 3. Epid. p. 1110. Ægr. 12. b) Ibid. 11108. Ægr. 11. c) Lib. 1.
Epid. p. 974. Ægr. 3. d) Ibid. p. 979. Ægr. 5. e) Lib. 3. Epidem.
p. 1066. Ægr. 3. f) Ibid. p. 1103. Ægr. 7.

merito fit, quandoquidem cum delirio semper vigilia adfit, ab una eademque causa uterque fiat, si itaque a delirio somnus fit, signum est, causam delirii superatam esse: ac accuratius somnus a delatione in somnum, seu coma, seu cataphora, seu lethargo est distinguendus; nam quemadmodum somnus bonum signum censetur, ita quodlibet prædictorum soporiferorum affectuum, malum, excepto veterinoso affectu, qui sanguine in cerebrum iudicii futuri causa irruente concitatur. Dormire itaque ægrotos a delirio semper bonum, præcipueque si quiete dormiant, ut in Herophonte, *a*) uxore Epicratis, *b*) in Metone, *c*) in quo a somno delirium resolutum esse, Hippoc. observavit. Ex quo delirium a somno sedari semper bonum, uti contrarium malum, nam somnus laborem faciens, ut in Aphorismis *d*) habetur, mortalis. Si insomnia quoque delirantibus conspicua apparent, bonum ad iudicandam salutem signum esse in Coac. præfagiis *e*) legitur, præsertimque in phreniticis, quod tamen, (quanquam in Prorrheticis *f*) scriptum sit, insomnia conspicua phrenitidem ostendere) verissimum est, neque error a nobis committetur, si ita distinxerimus, insomnia conspicua, non turbulenta, sed quieta bonum in Coacis significare, quod non nisi sedata in cerebro inflammatione, calore febrili, & motu humorum a vaporibus, ipsa conspicua claraque observentur, ex quo bonum semper creditur signum. Turbulenta vero conspicua, in quibus ægroti expavescunt, exsiliunt, præter id quod ex siccitate fiant, etiam inflammationem, febrilem calorem, & spiritum motum, atque agitationem denotant, ex quo in mente motis ab his phrenitis portenditur. Sed num perpetuo deliriis sedatis, vel plane resolutis, bonum sit? illis quidem omnibus, quæ vel a somno, vel a quapiam humorum transfluxione, ad crura, pedes, aliasque ignobilium partium, vel critica evacuatione sedantur, vel resolvuntur, nobis, ad futuram salutem eamque prædicendam fidendum erit. Ad nunc ad deliria, quæ exitium portendunt, transeamus. CAP.

a) Vide sub lit. a. *b*) Vide sub lit. b. *c*) Lib. I. Epidem. p. 983. Ægr. 7.

d) Sect. 2. Aph. I. *e*) Text. 9c. *f*) Lib. I. 5.

C A P. V.

De morte a deliriis prædicenda.

Deliria, quæ exitium ægrotis minantur, ex ipsorum dis-
 ferentiis, tempore, in quo apparent, virtute prælangui-
 da, atque aliis signis exitiosis, vel una cum deliriis, vel post
 ea apparentibus, dignoscemus. Phrenitica omnia deliria
 lethalia plerumque existunt, etsi omnes phrenitici non mo-
 riantur. Phrenitides vero omnes desipientias esse diximus,
 quas Græci *μανιώδες*, *Θρηνώδες*, atque *ἀσαφώδες*, & nostri fe-
 roces, tumultuosas, furiosas, ferinas, melancholicas, atque
 obscuras, seu blandas appellant. Hæ asaphodes seu obscu-
 ræ dictæ, vel in morbi principio, vel post feroces desipien-
 tias, observantur, & illæ, cum fiant, ut superius dictum est,
 vel a sanguine, vel a bile, vel a bile pituitaque permistis, vel
 a pituita putri reddita, ceteris minus exitiosæ creduntur,
 veluti omnium sunt exitiosissimæ, quæ virium aut languore,
 aut hæctica cerebri temperie concitantur. Ex quo auctor
Prorrh. 1. text. 34. has valde phreniticas desipientias voca-
 vit, etsi dixerit blandas, obscuras, contrectabilesque videri.
 Harum proprium videtur, ut cum silentio fiant. De qui-
 bus in *2. coac. præ sag. a) sec. 1. text. 30.* *In febribus insanie*
vehementes silente ægro, sed non etiam privato voce, lethale.
 Cum his vero triplex silentium observatur, unum quod a
 depravata mente fit, in quo æger loqui potest, & non loqui-
 tur, vel saltem parum; secundum cum veterioso affectu,
 vel extinctione caloris nativi; & demum cum aphonia, id
 est vocis, seu sermonis privatione, facultate animali oppres-
 sa, vel emoriente, aut vocalibus instrumentis convulsis, aut
 interceptione vocis materiæ: desipientia cum silentio, voce
 integra, levi motitatione manuum, pulsu languido, oculis
 ut dormientibus modo clausis, modo leviter apertis, a lan-
 guore facultatis concitatur. De quibus nedum in *Pror-*
rheticis, ut nuper meminimus, sed etiam in *3. coac. præ sag. b)*
sect. 2. text. 13. legitur: *Tremulæ, palpantes, desipientiæ, phre-*

Deliria,
quibus
exitium
ægrotis
minatur,
unde
digno-
scentur.

Silen-
tium in
phreniti-
cis desi-
pentiis
triplex.

niticæ. Et c) *moti mente cum silentio non quiescentes, contentis oculis, vehementer spiritum foras evocantes, perniciosæ.* Ac Gal. de his in *Prorrheticis* dixit: *Atque ob id affectio humorum, ut febrium hecticarum, prava est, quas quidem, cum incipiunt constitui, vix solvi posse, exquisite vero constitutas, absolutasque, solvi non amplius posse, demonstravimus.* Præsertim ubi in ipsis affectus veterinosi calidissimum sævissimumque sequantur morbum, in veterinumque, refrigerato post inflammationem cerebro, ægros delabi, sane est lethalissimum, nam ut in 3. *Prorrh.* docetur, insanabilia ea frigora censeantur, quæ calidis morbis contingunt. In vehementi vero seu ferino delirio, tum propter humoris malignitatem, tum propter immoderatam siccitatem non solum silent, at etiam ἀφωνοί, id est, muti evadunt, ut Hermozygi uxori, quæ vehementer furens, & muta obiit, contigisse auctor *Prorrh. d)* tradidit. Quod etiam Hippoc. phrenitico e) & uxori Dealcis, quæ in læio decumbebat, f) contigisse, meminit, & Gal. in 2. *Prorrh.* Si in febre aphonie, quæ convulsivo modo fiunt, desinant in eam, quæ cum silentio fit, ecstasim, perniciosum. Quædam vero symptomata creduntur propria vehementissimarum desipientiarum, scilicet tremores, convulsiones, sanguinis e naribus stillicidia, urinæ aquosæ lucidæ, manuum gesticulationes, & alia hujusmodi. Tremores ac convulsiones non omnes phreniticas desipientias, sed tantum vehementissimas, utpote ferinas, sequuntur, uti Gal. in 1. *Prorrh. text. 9.* meminit, exitiosasque emotiones sequi solent. Phrenitici vero prius tremuli ac postea convulsi moriuntur. De tremore scribit auctor *Prorrh. g)* *Phreniticæ vehementer affectiones tremula desinunt.* Tremorque, ut Gal. ait, solum vehementissimas phrenitiades sequitur, nempe nervorum infirmitates, propter affectionis siccitatem, phreniticis diutissime insunt. Exsoluta autem virtute, tum vigiliis, tum motionibus multis, simul vero, & nervis supra modum arefactis, tremores fiunt, indicant enim vehementer

Desipientiarum vehementissimarum propria quidem symptomata, Tremores.

*) Coac. præf. 486. d) Lib. I. 17. e) Lib. 3. Epidem. p. 1100. Ægr. 4. f) Lib. 3. Epidem. p. 1114. Ægr. 15. g) Lib. I. 9.

ter ab affata bile cerebro irrigato ficcatos nervos, atque ob id lethaliter se habere. De quibus in 1. *Prorrhēt. text. 14. Mente ob Melancholiam aberrantibus tremores supervenientes maligni. Et paulo post text. 16. Phrenitici modico utentes potu, strepitum tentantes, tremorem incurrunt. Atque etiam text. 19. cum dicit: Vacillationes mentis cum voce clangosa, linguæque convulsiones cum tremore, & voces obtremiscentes, mentis indicant alienationem, duritiesque his perniciofa, & Gal. in text. 20. linguas obtremiscentes in his ob facultatis debilitatem apparere, mentemque ex phrenitide vacillantem significare, tradidit. Ex quo tremulas vocavit phrenitides in Prorrheticis, quæ exstincta fere facultate oriuntur, quæque cum silentio observantur. Vi enim phrenitidis ingravescentis tria supervenire solent, silentium in ecstasi, tremor in vehementissima phrenitide, & convulsio imminente morte. At tremores lethales superveniunt febribus ardentibus, vel vehementibus ab affata bile insaniis, quas ferinas & melancholicas appellari nuper docuimus, quo fit, ut tremores, qui vel ante deliria, vel cum ipsis simul apparent, quandoque (etsi ipsorum nulli, exceptis decretoriis, boni existant) exitium non prædicent, at quinimo sæpe, perinde ac convulsiones, supervenientibus febribus solvantur. Quare tremores lethales tantum observantur, qui deliriis, sive desipientiis, superveniunt. Non paucique in morborum principiis tremantes observantur, qui tamen non moriuntur. Ut Pythioni contigisse Hippoc. in 3. *Epid. 1. a)* scripsit: Neque omnibus etiam deliriis, at solum vehementibus, supervenientes exitium portendent. Perbelleque hoc in 3. *coac. præfag. b) sec. 2.* sic scribitur: *In vehemēti phrenitide tremores mortiferi.* Meritoque Galenum in 1. *Prorrheticorum* dixisse dicimus, non omnes phreniticos in tremorem finire, cum solas phrenitides vehementissimas tremor consequantur. Non tamen uti convulsiones phreniticorum proprii existunt, cum multis ipsorum non superveniant, sed tantum vehementissimis, ac ferocissimis, in quibus tum vigiliis,*

Tremores lethales.

Cuinam Phrenitidi superveniant.

N 2

Convul-
siones
Phreni-
ticorum.

tum motionibus multis, vires exsolvuntur, nervique supra modum siccantur, atque arescunt. Quo fit, ut hi raro ob-
serventur, quando raro etiam phrenitides ex feroces fiant. Omnes vero phrenitici ante exitium convelluntur. Con-
vulsionesque omnes desipientiis supervenientes, atque are-
factis nervosis partibus concitatae, lethales existunt. Vere-
que phreniticos omnes exitiosos definere in convulsionem, affirmamus, uti in tremorem easdem finiri (quod in 1. *Pro-
rhetic. text. 9.* affirmatur) Galen. 1. *Epid. com. 2. text. 52.* ut falsum reprehendit. Quod in multis phreniticis Hippoc. 3. *Epid. text. 3.* observavit, praesertimque in uxore Philini, c) atque in phrenitico, d) de quo ait: *Secundo die mane sine voce, febris acuta, sudavit, non intermisit, palpitationes per totum corpus, nocte convulsiones. Tertio exacerbata sunt omnia. Quarto obiit, & de muliere Cyzici e) Decimoquarto convulsiones multae, extremitates frigidae, nihil amplius mentis compos, urinae defecerunt, obiit.* Gal. quoque in lib. 13. *method. med. cap. 8.* de iisdem dixit: *Succedit maxime exitiali phrenitidi, nec sanatum quempiam ita convulsorum, aut ipse vidi, aut alium narrantem audivi. Et in libr. quinto Epidem. f)* Hippoc. tributo legitur Cononidem famulam phreniticam, quae obiit die quadragesimo, decem dies ante exitum aphonam, & convulsam fuisse. Est & quapiam palpitatio convulsionis co-
gnata, quam aliqui convulsivum tremorem, alii convulsio-
nem non veram, alii sublationem dicunt, in qua partes qui-
dem ad manum subsultant, seu subsiliunt, non secus quam fiat in vellicatis a mordicante aut humore, aut vapore, ner-
vis sese a mordicatione retrahentibus, seu auferentibus. Sic palpitant in arido pisces. Hæque palpitationes, etiam subsequentes vehementes desipientias, lethales existunt, non secus quam tremores atque convulsiones sunt. Sed ta-
men distinguendum erit, quoniam tum convulsiones, tum hæ palpitationes, si a mordentibus aut succis, aut halitibus fiant, perpetuo non essent lethales, quare in iis alia signa simul

Palpita-
tiones.

c) Lib. 1. Epidem. p. 976. Ægr. 4. d) Lib. 3. Epidem. p. 1100. Ægr. 4.

e) Ibid. p. 1114. Ægr. 14. f) Pag. 1160. text. 84.

simul, vel postea, conspecta consulenda erunt, ut consultius ab ipsis præsumamus. Addimus quoque virulentas vomitiones, in quibus bilis assata, æruginosa, vel nigra evomitur, ut Hippoc. meminit in primo Epidem. g) com. 1. text. 52. cum dixit: Phreniticis convulsiones, sed & virulenta vomunt, & ex iis quidam subito moriuntur, ut in Philista h) phrenitico fuit observatum. Exitiali quoque disipientiæ accidunt manuum gesticationes, quas Hippocrat. in 2. Progn. i) 23. sic docuit: De gesticatione manuum hæc cognoscere oportet, qui in febris acuta, aut phrenitide, aut pulmonia, aut capitis dolore, manus ob os fert, aut frustra venatur muscas, aut colligit festucas, aut de veste evellit pilos, aut de pariete stipulas carpit, id omne malum, exitialeque est. Quod symptoma in uxore Dealcis k) in Læio decumbente conspectum est. Stillicidium quoque e naribus exitiosis phreniticis supervenit. Nam Galen. in 3. Prorrhet. text. 49. nedum, ut dicebat eorum librorum auctor, stillicidium e naribus cum surditate, aut ignavia, signum est malum; sed cum omnibus aliis desipientiis, plane lethale judicandum; in primo Prorrhet. text. 8. merito putat. Aquosa item urina, alba, lucidaque item, & faeces albæ, sunt in iis perniciosissima signa: de his Hippoc. in libr. 4. Aphorism. 72. Quibus urina lucida sunt, & albæ, male: maxime vero in phreniticis. Quo in loco Galen. dixit: Nullum siquidem vidi, in quo talis apparuisset urina, salvatum. Et in primo Prorrheticorum text. 29. Urine excretio in non admonitis perniciofa. Et in primo Prorrheticorum text. 13. Alba dejectio, malum. Proprium quoque videtur pessimarum phrenitidum, etsi lingua sit torrefacta, agrotos vel nihil sitire, vel saltem eos uti paucissimo potu, quo in 1. Prorrhet. text. 16. ita expresso utitur: Phreniticos exiguo uti potu, malum; sed nihil sitire, perniciosum. Sed inter deliria lethalia comprehenduntur etiam, quæ circa actiones vitæ necessarias observantur, quod Auctor 3. Coac. præfag. l) sec. text. 23. sic tradidit: Deliria circa necessaria, pessima; quæ ex his exacer-

N 3

ban-

g) Pag 948. sub fin. h) Lib. 3. Epidem. p. 1076. Ægr. 4. i) P. 38. lin. 1. & seq. k) Lib. 3. Epidem. p. 1114. Ægr. 15. l) Text. 98.

Vomitiones
virulentæ.

Manuum
gesticationes.

Stillicidium
e naribus.

Urina
aquosa
alba lucida,
faeces
albæ.

Stitis læsa.

Permuta-
tiones
crebræ.

bantur, lethalia sunt. Tales vero sunt ex deliris, qui cibum abhorrent, potumque, cum tamen linguam habent incendio caloris exsuctam, ac prætorrefactam. Lethalia quoque deliria existunt, in quibus ægroti crebras insignesque habent permutationes, in 12. *Prorrhetic. text. 12. In phreniticis in principio clementer habere, sed cerebro permutari, malum est.* Duplex vero est permutatio, una ex bono ad malum statum, atque altera ex uno malo symptomate in aliud malum; de hoc in 3. *coac. præfag. m) sec. 2. Ubi varii casus subinde incidunt phreniticis, prævum, & convulsionem denunciant.* Quod sane aut turgere humores denotat, aut cerebrum multiplici vexari affectu, uti quando aliqui diu mœsti, silentes, ac quieti jaceant, & post continuo garruli, ridentes, inquietique evadant, quod Hippoc. in uxore Dealcis, quæ in Leio decumbebat, observavit, de qua in 3. *Epidem. com. 3. n) text. 86. dixit: Ab initio cooperiebatur, & perpetuo tacita semper, villos straguli captabat, vellebatque, & scalpebat, plorabat, moxque ridebat, non dormiebat: ac in fine historix: Perpetuo cooperiebatur, aut verba multa, aut perpetuo tacita.* Desipientiæ etiam omnes præ debilitate contingentes sic, Galeno auctore, exitiosæ visæ sunt, ut nullum ex his sanari posse in primo *Prorrhetic. testatum reliquerit.* Phreniticæ namque desipientiæ omnes virtutem robustam exposculant, quæ, si languida sit, morbum ferre non poterit. Quod in 3. *coac. præfag. o) sect. 2. text. 25. sic innuit: Qui jam fractis viribus delirant, pessime habent.* In principio etiam morbi, quæ apparent, pessima deliria creduntur, vereque phrenitidis suspecta. Quæ enim ex his sine signis coctionis apparent, (quod ad principium attinere dicitur,) Galeno in 1. *lib. de Crisibus* docente, pessimarum dispositionum sunt indicia. Sed prosequamur judicium prognostici a signis, vel una cum deliriis concitatis, vel ipsa subsequenter. Mala enim signa simul cum ipsis deliriis apparentia, mortem minari videntur; & lethalia, certum proximumque exitium. Solimus, ut præcipua mala symptomata narrem, plane sublatum,

Signa
mala si-
mul cum
ipsis de-
liriis ap-
parentia.

tus, & qui delirium concitat, aut auget, vel nihil allevat, signum cum delirio forte timendum ex Hippoc. Galenoque colligitur, veluti hianti ore deliri homines si dormiant, perniciosum est. Hippoc. *in 1. Progn. p)* 2. Aph. 1. 2. Sopor item, seu ad somnum summa inclinatio, atque delatio vternosa, post vigilias assiduas, ex cerebri refrigeratione, atque ex virium languore, lethale est; de quo loquitur Hippoc. *in 3. Epidem. q)* text. 20. cum ait: *Nullus autem phreniticorum vehementer insanivit, ut in aliis, sed alia quidam vternosa in somnum delatione capite gravati moriebantur.* Interdum vero, ut posterius docebimus, tales affectus judicatorie apparent, crisin aliquam significantes, qui signis propriis decretoriorum signorum cognoscuntur. Delirium etiam cum notabili oblivione, ignavia, stupiditateque, apparens exitii est indicium, de quo Galen. *in 2. Prorrh. text. 30.* Quod enim non cognoscant familiares, neque factorum recordentur, ex cerebri refrigeratione nasci id constat: cerebri vero refrigerationem sequi calidam affectionem, ex qua ægroti delirant, semper esse perniciosum, superius meminimus. Si vero cum his rigeant ægri, vel frigescant, inevitabile fatum significatur ex Galen. *in 2. lib. Prorrh. text. 13.* phrenitici etiam sunt, quicunque, comatosi cum sint, non sapiunt, sed deliria loquuntur, atque a præsentibus expergefatti stupefactis similes videntur. Summe etiam exitiosum est, si desipientes non videant, ipsis profecto haud longe aberit exitium: oculi etiam lucem efugientes, involuntarieque lacrymantes, aut perversi, aut altero major alter fuerit, aut candidum rubeum habuerit, aut pleni sint sanguine, uti *in a) primo Progn. text. 14. & 33.* Hippoc. docet. Facies quoque flammans, vel qua boni videatur caloris cum mœstitia tamen, *ex secunda Prorrh. b)* idem significat. Capitis viscerumque dolores vehementes atque assiduos, exitium prænuntiare *ex 4. libro Aphorism. 66.*

col-

p) Pag. 37. lin. 46.

q) Pag. 1085. G. H.

a) Pag. 37. lin. 15. & seq.

b) Lib. 1. 49. 67.

colligitur. Non minus quoque verendam esse totius corporis, vel manuum pedumque, gravitatem, item frigiditatem, atque lividitatem, Hippoc. *in 2. Prognost. c) text. 7. 8. & 9. meminit.* Nec non aphoniam, ægrosque taciturnos, vocem clangosam, linguam exustam & præaridam sine siti, fridorem dentium insolitum, convulsionem, palpitacionem, singultum, horrorem, rigorem, tremorem, frigiditatem extremorum, crebrasque in his partibus permutaciones, exitium significare exinde constat. Idemque facit inquietudo, anxietas, spiritus difficultas, cibos omnes abhorre, nullumque potum sustinere, vomitus virulenti, sudores frigidi, cervicis, colli, scapularum, atque assidui in toto corpore, quas desudationes Medici appellant. Item stillicidium sanguinis, urinæ aquosæ, albæ, lucidæ, fæcesque albæ, ut nuper diximus, alvusque turbata multis crudis pituosis, vel etiam biliosis dejectionibus, nihil delirium levantibus. Item abscessus intro recurrentes, non minusquam exanthemata, aliæque cutis pustulæ, atque efflorescentiæ præter rationem evanescentes. Dolores etiam in ignobili parte oborti, statim desinentes. Cum his igitur vel multis vel paucis una apparens delirium, lethale est, maximeque phreniticum. Non minusque, etiam si istorum aliqua vel multa ipsum consequantur delirium, exitium significatur, omniumque maxime, ut nos alias meminimus, si deliria in tremores, convulsiones, singultus, vel aphonias desierint, cum urinis, ut dictum est, albis, clavis, lucidisque, quales quinta die *Silenus d)* minxerat; omnium vero maxime pulsus prælanguidi, respiratio mala, ciborumque appetentia extincta, ita ut quoscunque abhorreant cibos, nullam sitim sentiant, etiam si lingua præarida & multo calore adusta sit, post ipsum delirium observata, exitium denotant. Hæc siquidem tria postremo posita (pulsus scilicet prælanguidi, cibos potusque abhorre, ac mala respiratio) magni momenti sunt in quocunque morbo ad mortem prænotandam; maximeque, si cum ex prænarratis signis, simul quæpiam illu-

Signa
mala de-
liria sub-
sequen-
tia.

illuxerint, & quo plura, & principaliora erunt, eo certius citiusque exitium fiet. At ex iis omnibus, tria tantum nuperrime dicta signa, inter multa ambigua ex bonis iudicata, ad exitium prædicendum maxime valent. Quemadmodum his opposita, pulsus quippe vehementes, bona respiratio, probaque tum cibi tum potus appetentia, inter perniciosæ multa signa maxime ad sanitatem prædicendam valere, Gal. in Heropyti historia satis demonstravit. Atque hæc sunt, cum quibus, si deliria apparuerint, vel ipsa quoque sequantur deliria, exitium præcognoscemus. De quibus hic brevis quidem sermo est habitus, cum de iisdem ipsis accuratius uberiusque suis locis sit a nobis agendum.

CAP. VI.

Quid fatuitas & oblitio in morbis significet.

Fatuitatem & oblitioem principis facultatis, in cerebro ^{Fatuitas} sedem habentis, rationis scilicet atque memoriæ, sym- & obli-
ptomata esse, ab una eademque causa proficisci, Galen. ⁱⁿ *de sympt. causis cap. 7.* memoriæ prodidit. Quæ sympto- ^{vio quid}
mata plerumque simul apparent, & aliquando sola fatuitas ^{unde.}
vel oblitio, prout una cerebri pars aut altera læditur, in
quibus speciatim hæc duæ resident potentiæ, atque exercen-
tur. Stultitiam vocat Gal. *3. de locis affect. c. 18.* ubi simul ^{Stultitia}
fatuitas & oblitio apparet, quæ nota est magni in cerebro ^{quid}
temperamenti recessus, in homine præsertim ingenii perspi-
caciore, atque firmæ memoriæ, quando hæc cerebrum re-
frigeratum denotant, cum ab ipsius frigida intemperie fiant,
ut in *Prorrh.* hisce verbis exprimit: *Quod enim non cognos-*
cant familiares, neque factorum recordentur, ex cerebri refri-
geratione id nasci constat. Cerebri siquidem facta refrigeratio,
uti Galen. *3. loc. affect. 5.* docet, animales actiones torpidas
efficit, atque tum ad memorandum, tum ad ratiocinandum
inæptas. Ex quo cum rerum species ægre ad imaginatio-
nem, & rationem ferantur, mirum non est, ægrotos facto-
rum non recordari, atque exinde, spiritibus animalibus
frigore torpidis effectis, fatuos stultosque evadere. Acce-
dit

Fatuitas
& obli-
vio unde

In mor-
bis quid
signifi-
cant.

dit non raro ad horum generationem, ut in *lib. 2. de sympt. causis* c. 7. nuperrime citato Gal. meminit, humor frigidus pituitosus. Quod etiam affirmare videtur in *libro artis medicinalis*, cum dixerit, optimam memoriam firmam cerebri substantiam, & oblivionem fluidam indicare. Fiunt quoque fatui atque obliviosi cerebro una refrigerato & exsiccat; aliquibus enim ob laborem in studiis & ob assiduas vigilias, non minus quam nonnullis ob labores, etiam agricolis, cum læsa ratione oblivionem accessisse, Gal. in *3. de loc. aff.* c. 5. tradidit. Verum siccat cerebro ex laboribus eum oblivione delirium, non tamen fatuitas, concitatur, hæc enim ab humiditate magis quam a siccitate, hacque homines potius ingenii perspicacioris fiunt, ut in melancholicis observamus, & auctor *Prorrh. a)* in phreniticis (quod in ipsis cerebrum ficcius fiat) insomnia conspicua observari, tradidit. Fatuitas igitur atque oblivio in homine quoque non ægrotante est timenda, tanquam futuri morbi gravissimi prænuncia; præsertimque si ambo hæc symptomata simul prodeant. In morbis vero acutis sapientes alioquin viros stultos videri, vel illorum, quos recte valentes plurimum amabant, non recordari, summe est perniciosum, si modo id non ex delirio, sed deperdita tum ratione, tum memoria, seu extincta facultate fit. Quod sane tum ex prælanguidis viribus, tum & signis aliis exitiosis comprehenditur. De quibus in *1. Prorrh. 64. Ignorantia cum rigore mala, mala quoque & oblivio.* Et Gal. in comment. nam cum rigore ignorantia & oblivio victum calorem nativum ab ea, quæ symptomatrica est, refrigeratione indicant. Et de oblivione Hipp. in *Epidemiis, b)* oblivio sub accessiones, languor, vocisque defectus: quæ sane ex exitiis signis esse etiam Gal. in comment. *3. Prorrh. text. 37.* statuit. In acutis vero morbis, quæ post æstuantem calorem refrigerato cerebro fit, semper est perniciosa, victumque, ut nuper dictum est, calorem nativum significat. Non minus quam ea, quæ a principio morbi usque ad finem perseverat, cum

malis

a) Lib. 1. 5.

b) Lib. 3. p. 1085. E,

malis signis exitium denotat, maximeque in phreniticis, de qua mentionem Apollonii faciens, Hipp. in 3. Epid. c) 84. ait: *Extremæ partes undique subfrigidae, aliquantum delirabat, omnium obliviscebatur, quæ locutus esset.* Verum ex delirio videntur nonnunquam ægroti obliviosi, quod sane minus periculi habet, modo delirium, cum quo una oblivio apparet, non sit lethale: quod quomodo dignoscatur, superius docuimus. Hi quidem cum minime sint obliviosi, tamen ex delirio videntur factorum non recordari, quod etiam in nonnullis aliarum facultatum actionibus observatur; veluti cum aliqui putant se videre muscas observari oculis, festucas adeste multas, vel alia, quæ colligere manibus student, vel respirare cum desipientes obliviscantur & bibere, quamquam multum sitiant: nec non etiam mingere, vel alia operari hujusmodi. Sæpe etiam repente vel facti vel obliviosi fiunt, sanguine in caput decretorie decurrente, quæ symptomata crisin tunc temporis futuram indicant: quod iudicii nobis ex aliis decretoriis signis innotescit, vel demum oblivio fit aliquando collecto in cerebro pituitoso humore, veluti in comatosis & lethargicis. Sunt alii, a gravissimo morbo sanati, quibus oblivio supervenit, quod multis, qui a peste superstites remanserunt, accidisse, Thucydides historicus mortalium memoriæ commendavit.

C A P. VII.

De prædictione ab externis sensibus.

Quomodo ab internis sensibus animalis facultatis cum in-
 firmitas, tum robur, dignosci queat, atque ab ipsis quo-
 modo sit præsagiendum de ægrotantium salute ac morte, hæ-
 tænus satis compertum est. Nunc vero idem ab exter-
 norum quinque sensuum ratione prosequimur. Horum enim (qui sunt visus, auditus, odoratus, gustus, & tactus) cognitio, atque accurata observatio, apprime nobis ad mor-
 borum exitus prænoscentes conducet; quandoquidem in

Animalis
 faculta-
 tis robur
 & infir-
 mitas
 quomo-
 do ab
 externis
 sensibus
 digno-
 scatur.

acuto morbo hi recte valentes magni momenti ad prædicendam salutem esse soleant: neque immerito; cum ab ipsis, recte ac secundum consuetudinem editis, proba cerebri atque partium aliarum sanitas indicetur, & nobis firma vis animalis exinde innotescat. Cerebro quidem atque animali facultate læsa, sensus vel omnes, vel plures, vel aliquis saltem immunis a vitio esse non potest; necesse enim est, ut æger tunc vel non recte ac secundum consuetudinem videat, vel non audiat, vel cum vitio odoret, gustet, aut tactum læsum habeat. Non est tamen necessarium, ut, sensibus omnibus recte valentibus, semper salus sit futura; quando in multis acutis morbis a cerebro illæso, etsi alia viscera patiantur, actiones nedum externorum sensuum, at quinimo etiam internorum, recte obeantur. Sed hæ omnes in perniciosis morbis, ad exitium inclinantibus, perpetuo, morbi tempore, firmæ ac illæsa non observantur. Viscere enim aliquo præcipuo perniciose ægrotante, cerebro quoque læsio necessario communicatur, & in ipsis ante mortem sensuum aliqua vitia apparent. Plane enim singulis sensibus recte valentibus, homo quidem mori posse non videtur. His tamen actiones diminutas vel deperditas, vel cum aliquo vitio edentibus, cerebro ipso læso, aut facultate vitiata (exceptis actionibus sensuum, ex futuræ alicujus crisis turbatione vitiatis, quæ cum signa decretoria sint, crisin salutarem prænunciant, bonæque ob id existunt, de quibus posterius speciatim agemus) pessimum est; veluti non ita timendum erit, cum id ratione instrumentorum sensuum, neque cerebro læso, neque facultate vitiata contingat, ut quando, crasso humore occlusis opticorum nervorum meatibus, ægroti non vident, & meatibus auditoriis non audiunt. Ubi vero sensus non recte ex cerebro, seu facultatis vitio secundum consuetudinem obeuntur, in morbis acutis exitium prænunciant, & procul dubio si actiones plane sublata videantur, vel cum virium languore si apparuerint; tunc enim de salute plane erit desperandum. Sed de his nunc sigillatim etiam agamus,

mus, ut ab ipsis sensibus particularibus accuratius prædictionem percutari possimus.

C A P. VIII.

Quid in morbis ægrotos non videre, tenebricosam visionem, visus obscuritatem habere, splendoresque oculis apparere, atque oculos lucem ferre non posse significet.

Agrotos non recte, ac secundum consuetudinem videre, semper est malum, etsi aliquando exinde nihil certi scire queat, cum ægroti visu aliquando propter instrumentorum vitium deficient, seu vitiose videant, visoriis scilicet nervis aut obstructis, aut in oculis orta suffusione, visu vel impedito, vel vitiato: quin visus aliquando tollitur iisdem instrumentis a causa critica læsis, vel quando crisi ægroti perturbati vel non vident, vel tenebricosam habent visionem, aut caligo, seu obscuritas, seu obtenebratio, aut splendor insolitus oculis obversatur, quo interim expavefcunt, vel lucem ferre non possunt. De his in 1. *Coac. præfag. a) sect. 2. text. 8. Quibus surditas cum capitis gravitate, & hypochondrii tensione, & splendore oculi, profluvium sanguinis significatur.* Et Galen. in 3. *de Crisibus sect. 1. text. 18.* erupturi e naribus sanguinis, motum fulgoris oculis apparentem cum visus obscuritate, signum constituit; cum his vero sæpe, ut Gal. voluit, involuntarie lachrymantur, præcordia tenduntur sine dolore, difficulterque respirant. De quibus in 3. *Prognost. b) text. 35. quibus per talem febrem dolet caput, & pro tenebris ob oculos effusis hebetudines subeunt oculorum, ac splendor obvertitur, & pro ventriculi dolore circa ilia, aut læva parte, aut dextra aliquid contenditur, neque cum dolore, neque cum inflammatione, sanguinem de naribus in his fluere pro vomitione expectandum est; magis tamen in adolescentibus sanguinis fluorem expectare oportet.* At paulo post c) oculos rubros addidit, cum ait: *Cervicis dolores impensè, oculi rubri, sanguinis eruptiones ostendunt.* Ex quibus signis Galen. ut in *lib. de præfag. ad Posthumum cap. 13.*

Visus læsus, quid in morbis significet, & unde.

Visus læditur a critica causa.

Ubi sanguis e naribus erupturus.

O 3

a) Text. 195.

b) P. 46. lin. 16. & seq.

c) Lib. 1. Prorrhet. 137.

testatur, erupturum sanguinem in juvene coram multis Medicis prædixit. *De quo, dum Medicis hæc admiranda videntur, æger e lecto se sustulit, tanquam prosiliturus, interrogatusque, cur exsilire voluisset, cum nihil adesset, ob quod id facere debuisset, rubri coloris serpentem per laquearia repentem a se visum expavisse respondit.* Addidit Galen. ruborem in dextra nasi parte usque ad malam conspexisse. Oculus enim rubeus per se cum capitis dolore sanguinis e naribus eruptionem, ut in *Coacis prædict. d) sect. 1. text. 17.* scribitur, prænuntiat. Vertigines vero obortæ cum iis, quæ obijciuntur oculis tenebrosos, & cum agitatione labri inferioris, & multa saliva, orisque ventriculi morsu, atque capitis dolore vomitum futurum (Galeno docente) indicant. Quæ in 3. Prog. e) 30. Hippoc. ita habet. *In febre non exitiosa tenebrososum aliquod ob oculos obversari, vomitum biliosum indicat.* De quibus Gal. in 3. de Crisib. *Et tenebrosa quedam oculis obversantur, & hallucinantur, & vertiginem patiuntur, & caput dolet, vaporante re aliqua ex humore bilioso, & præterea facta ex nervis compassione.* Sed hæc visus symptomata cum coctionis signis, atque cum virium robore, si ad salutem crisis inclinaverit, apparent. Sine quibus vel non fit crisis, vel si fit, est perniciosa. Summe vero perniciosum observatur, post crisin aliquam ægrotum non videre, vel tenebrosam habere visionem, aut caliginem seu obscuritatem, seu obtenebrationem oculis obversari, aut offundi splendores aliquos, aut illos lucem ferre non posse, præsertimque ubi mala evacuatio subsequatur, uti est sanguinis e naribus stillicidium, sudor frontis, temporum, colli, frigidus, assiduus etiam ex toto corpore, vomitus virulenti, atque aliæ hujusmodi vacuationes, non minus quam si post aures, vel in aliis corporis partibus ignobilioribus humores aut exanthemata statim intro recurrant, vel crurum dolores incepti, continuo desierint. Quod si vires etiam prælangvidæ, & præsertim vitales, quæ maxime pulsibus prælanguidis comprehenduntur, fuerint, non longe aberit exitium: de his in *Coacis prælagiis, f) Tumores juxta aures*

Ubi vo-
mitus
futurus.

Visus
læsus
quando
summe
pernici-
osum
observa-
tur.

d) Text. 166. e) P. 45. lin. 54. f) Text. 105.

in morbis longis, parvi, si inde fluor sanguinis e naribus, & tenebræ oculis offusæ moveantur, lethale. Non vident ægroti ante exitium, extincta animali facultate, quod cæterarum facultatum actiones fere deperditæ denotant; omnium maxime pulsus prælanguidi, mala respiratio, atque appetentia tum ciborum tum potus deperdita, quomodo si ægri non videant, cito morituri sunt, Hippoc. in 4. libro Aphorism. 49. tradidit, quod etiam in 2. coac. præsag. g) sect. 1. text. 36. sic scriptum est: *Jam labescentibus viribus, siquidem æger non videat, aut non audiat, vel a labro, oculo, nare, distorqueatur, lethale.* Sed jam ad auditum descendamus.

C A P. IX.

De surditate in morbis acutis.

Ex auditus actionibus mutatis surditas, atque in auribus Surditas quid notat in morbis acutis. sonus seu tinnitus observatus ad prodendum ægrotantium prognosticum magni momenti esse solent; maximeque surditas, quæ etsi per seipsam nunquam bona censeatur, quando caput læsum, ut Gal. in primo Prorrh. docuit, perpetuo denotat; vel quod pejus est, extinctam nonnunquam sensitivam facultatem. Fit vero surditas (Galen. in Unde 1. Prorrh. 32. scribente) & ob humorem quendam in auditoriis meatibus impactum infarctumque, nihil quod malignum sit habens, & interdum ob extinctam facultatem, quam in acutis turbulentisque morbis contingere cernimus. Verum tametsi occlusis meatibus auditoriis surditatem obortam dicat Gal. nihil habere malignitatis, nihilominus in acutis morbis semper mala, illa excepta, quæ ex critica perturbatione excitatur: nam hæc non secus, quam deliria, convulsiones, comata, vigilia, anxietas, dolores, & alia hujusmodi symptomata, per se perpetuo mala, aliquando facta in corpore critica perturbatione, optimam aliquam evacuationem præmonstrant; soletque aliquando crisis esse indicium. De qua in 3. Prorrh. a) text. 55. Hypochondrii tensio cum capitis gravitate, & surditate, quæ con-

Critica.

sequi-

*sequenter fatigant, sanguinis denunciant profusionem. Sed certius surditas fit indicatoria, si assidua cum aliis signis judicatoriis fuerit, qualis in virgine Abdera b) fuit observata, quæ ab octavo die usque ad decimumseptimum, in quo multum sanguinis e naribus fluxit, protracta est, neque plane etiam soluta adhuc perseverans, priorem crisin imperfectam denotabat, aliamque pro morbo resolvendo futuram prænuñciabat, quæ reiterata sanguinis eruptione, sudore, atque ad pedes noxio humore decumbente, postea die vigesimo est subsecuta. Quibus vacationibus neque etiam penitus illius febris causis sublati, die vigesimoquarto rediit surditas cum aliis symptomatis, quæ crisis absolutissimæ die vigesimoseptimo futuræ fuit prænuñcia. Sed non erit inutile historiam istius ægrota hic subungere, quam Hippoc. epid. 3. text. 78. c) ita scripsit. Octavo surditas, febris acuta, in somnis fastidiosa, horrebatque, mentis erat compos, urinæ similes, nono nihil est mutatum, nec proximis diebus, mansit item surditas; quartodecimo mens perturbata fuit, febris remissior, septimodecimo multum fluxit ex naribus, surditas est nonnihil imminuta. Sequentibus diebus eam fastidium surditasque tenebant, eratque delira, vigesimo ei pedes dolebant, surditas & delirium eam deseruerunt, aliquantum e naribus erupit, sudavit, febre fuit liberata. Quarto & vigesimo repetiit surditas, pedes assidue dolebant, mente excidit. Vigesimo septimo multum sudavit, febre caruit, surditas eam reliquit. Aliquando post aures abscessus futuros aures obsurdescere significat, maximeque ubi morbus ex crasso frigidoque humore foveatur, ex quo recte quidem Auctor 3. Prorrh. a) 67. dixit. Surdis mansuetæ parotides fiunt, tum alias, tum si fastidiosi quippiam supervenerit, & comatosis magis. *) In capitis dolore coma & surditas abscessum aliquem post aures eructant. Sed distinguere debemus surditatem hanc criticam bonam a symptomatrica & mala, per signa concoctionis & cruditatis. Cum hac quidem nullum apparet concoctionis signum:*

Abces-
sus futu-
ros post
aures ali-
quando
signifi-
cat.
Surditas
critica
quomo-
do a
sympto-
matica
distinguitur.

b) Lib. 3. Epid. p. 1103. Ægr. 7. c) Vide locum modo citatum. a) Lib. 1. Text. 159. *) Ibid. Text. 168.

signum: cum illa coctio in excrementis observatur, quod Gal. in virginis *Abderæ historia* meminit; optima est omnium surditas, quæ decretorie resolvitur, optima evacuatione subsecuta, de qua Hippoc. in 4. Aph. 60. meminit. Quibus per febres aures obsurduerint, is sanguis e naribus profluens, aut perturbata alvus solvit morbum, vel alvi biliosa dejectione evacuat, ut in eodem libr. Aph. 28. hisce quoque verbis docuerat. Quibus dejectiones sunt biliosæ, superveniente surditate cessant; & contra, quibus surditas adest, biliosorum dejectione finitur: aut etiam si humor ad ignobiles quasdam partes demandetur atque propellatur, in quibus decubuisse dolores oborti significant, quique propterea boni sunt, decretoriique appellantur: cum his certo tolli surditatem obortam semper bonum erit; uti in virgine c) *Abderæ* fuit observatum. Atque hæc de illis surditatibus, quæ salutem Surditas mala. prædicant, dicta sint. Mala vero, ut jam dixi, per se semper est surditas, quando, ut Gal. docet, cerebrum læsum denotat; lethalis vero, quæ fit extincta facultate, de qua Hippoc. d) meminit, cum inquit. In febre continua, si non videat vel non audiat, jam debili existente corpore, mors proxima est. Hæc quidem cognoscitur primo ab aliarum facultatum Lethalis quænam languore, atque etiam quod necessario una cum surditate huiusmodi aliquod lethale signum illuxerit, quam ægrotis in acutis turbulentisque morbis sæpe contingere, auctor *Prorrheticorum* in 1. Text. 33. memoriæ tradidit. Est illa quoque surditas lethalis, quæ a criticis malis vacuationibus apparet, & merito sane, cum tales vacuationes sint ex signis judicatoriis non judicantibus lethalibus; namque ex vacuationibus, quæ juvare deberent, nedum non juvant, sed etiam lædunt, lethales existunt, ut Gal. in *Prorrhetic.* 3. text. 35. docuit. Cum itaque ægroti ab evacuationibus nedum non juventur, sed etiam lædantur, ita ut exinde vel cæci, vel surdi, vel vigiles, vel deliri tunc evadant, sine dubio lethaliter se habent. De his in 3. *Prorrhetic.* e) text. 43. Quæ ex naribus cum surditate & ignavitate parva est destillatio, dis-

P

ficile

c) Loco præced. pag. citato, d) Aphor. Sect. 4. 49. e) Lib. I. text. 141.

ficile quippiam habet. Sed Galen. in commento, stillationem illam cum surditate nedum difficilem, sed exitiosam ita habere statuit, ut propterea surditas sit lethalis cum evacuatione aliqua: itaque vel post evacuationem apparens surditas in acuta febre, plerumque est lethalis, modo non ex humorum copia fiat, qualis fuit in Horophonte, *b)* qui tamen, ut quoque Galenus annotavit, ex aliis signis in principio moriturus conjiciebatur, qui etiam præter artis spem superstes evasit. Eodem quoque modo, ut dictum est, si evacuatio subsequatur, qualem in Philista Hippoc. in *Epid.* 3. *c)* observavit, de quo ita scribit: *Primo die biliosa, pauca vomuit, flava illa primo, sed deinde virulenta, pluraque alvo stercorea excrevit, noctem habuit molestam. Altero die surditas, acuta febris, dextrum hypochondrium est contentum, ac intro inclinabat, urinæ tenues, pellucidæ, & cetera; qui quinto obiit phreniticus.* Si vero surditas, præterquam quod sequantur vacuationes, etiam una cum illa alia signa perniciose illuxerint, multo plus exitii iudicium confirmabitur. De qua in 1. *Coac. præfag. d)* *sect. 2. text. 10.* legitur: *Valde surdi,prehendendo tremuli, lingua resoluti, torpidi, malum. Quæ postea e)* clarius fere repetuntur sic: *capite dolentes, surda stri, intremiscentes manibus, dolentes a cervice, meientes nigra condensata, vomentes nigra, lethaliter habent. Quæ surditas cum lethalibus signis in Philista f)* moribundo, ut nuper dictum est, illuxit. Omnium vero maxime exitialis est, quæ fit cum prælanguidis viribus, de qua 5. *coac. præfag. g)* *sect. 1. text. 27.* sic scriptum est. *Fam labescentibus viribus, si quidem aeger non videat, aut non audiat, lethalis.* Sunt demum quædam surditates, quæ delirii seu phrenitica signa existunt, de quibus auctor *Prorrheticorum in 1. Prorr. 10.* habet: *Qui in capitis doloribus æruginosos vomitus habent, vigilantque cum surditate, cito vehementer insaniunt.* Sed hæc surditates, cum exitiosæ phrenitidis, ut nos superius docuimus, sint præfagia, propterea sunt exitiales. De his etiam

Omnium
maxime
exitialis
quænam.

text.

b) Lib. 1. *Epidem.* p. 974. *Ægr.* 3. *c)* P. 1070. *Egr.* 4. *d)* Text. 197.

e) *Coac. præf.* 176. *f)* *Loco præc. pag. allegato.* *g)* Text. 72.

text. 32. *Surditas, urinæque absque residentia prærubræ, & sublime petentia, mentis aberrationem portendunt.* Galen. quoque in eodem lib. in acutis turbulentisque morbis surditatem inter signa phrenitica reposuit, & auctor Coac. prælag. b) in 1. Prorrh. 18. ait: *in iisdem acutis febribus aures obscurdescere, esse furiosum.* Hæc itaque surditas delirii prænuncia eodem quidem modo judicatur, quo alias deliria fore judicanda prodidimus. Sed ad sonitum aurium in iisdem morbis observatum sermonem convertamus.

C A P. X.

De tinnitu aurium in morbis acutis.

Aurium sonitus in acutis morbis sæpe apparet, atque aliquando ægroti falso de aurium sonitu conqueruntur, utpote eo modo delirantes ipsorum læsa imaginatione scilicet, quod imaginentur sonos audire, etsi vere non audiant, hinc ipsorum aliqui tibicinas abigi contendunt. Sed de his nunc non agimus, cum satis in capite de prædictione ex delirio a nobis dictum sit. Hos vero aurium veros sonitus, pro varia editi soni forma seu figura, Medici quandoque appellant *bumbos*, a sono quem apes edunt; aliquando *tinnitus*, ab illiusce soni cursu interrupto, aliquando *trismus*, id est, sibilos, qui fiunt ex tenui flatu exiliter in aures delabente, sibilorumque modo prodeunt; atque demum *ichos* seu strepitus, prout cum strepitu edi videntur. Gal. *in primo Prorrheticorum* docet, ex flatuoso spiritu propter cerebri inflammationem, ex humiditate, quæ in capite redundat, aut ex assidua acuta febre in biliosa materia, quæ per venas fertur, concitato, atque se in auditorios meatus insinuante, tales in febribus tinnitus habere ortus putavit: a quibus causis etsi fiant, non tamen semper, quando etiam ab humoribus tenuioribus in caput elatis & etiam ad auditorios meatus motis, ita ut hic tinnitus symptoma sit cerebri male affecti tenuiori humore, vel sanguine vel bile, agitato ac commoto, exitum non habente, ex quo mirum non est, si sanguinis e naribus eruptiones non raro aurium

Aurium
veri sonitus
quomodo a medicis
quandoque vocentur.

Quod
quid no-
tant in
morbis
acutis.

Quinam
sunt ti-
mendi.

Sangui-
nis eru-
ptionem
quando
signifi-
cant.

hi sonitus, vel tinnitus, vel sibili præcedant, qui a sanguine exitum non reperiente agitato, ac ad auditorios meatus commoto fit, non autem ex flatu: quid enim sonitus hi, si ex flatu fiant, ad profluvium sanguinis e naribus erumpendum? Hoc quoque Galenus videtur innuere, cum in *secundo Prorrheticorum* dixerit: *Humorem ad caput ascendentem facere tum desipientiam, tum aurium sonitus*. Hujusmodi autem sonitus in auribus in acute febricitantibus duo præcipue notare solet, delirium quippe sæpe phreniticum, ubi præsertim ab humore in caput ascendente fiant, qui sane cum signis cruditatis, neque in die decretorio apparentes, cum viribus prælanguidioribus, lethalem phrenitidem denuntiant. Atque hoc modo fortasse tales tinnitus auctor Coacorum prælag. intellexit, cum in 1. *Coac. prælag. a) Sect. 2. text. 6.* dixerit: *Bombus in acutis & sonitus aurium lethalis*. Hujusmodi vero iudicium fit de tinnitu permanente, atque non de continuo silente, seu cessante, quod genus sonituum in auribus in febribus hac ratione non fore timendum, Galen. in *tertio, de Composit. Medic. Cap. 1.* secundum loca prodidit. Assidui itaque sunt timendi, utpote qui vel delirium denotant, vel sanguinis e naribus futuram eruptionem. Delirium quidem denotant in morbi principio, atque etiam morbo prægresso plane crudis existentibus humoribus, phreniticum, si cum signis phrenitidis, quæ superius prodidimus, atque gravitate aliqua in capite observata, præsertim in naribus, hoc enim humore repletum caput ii indicant, ex quo fit phrenitis, quæ plerumque, ut alias docuimus, est lethalis. De his auctor *Prorrheticorum b) Si in ardente febre aurium sonitus cum caligine fuerit, proveneritque in naribus gravitas, mente ex melancholia aberrant*. In morbi tamen vigore, sæpe sonitus aurium sanguinis eruptionem significant, qui tunc temporis fit, sanguine in caput ascendente, qui, ni excernatur a natura per nares, remanat in caput, inflammationemque ac delirium phreniticum parit. Vaporibus vero in caput ascendentibus tinnitus obor-

tus

tus simplex delirium tantum denotat, id ipsumque *paraphrenesin* Græcis appellatum; quæ affectio non est continua, sed in accessionum declinationibus cessans. Decretorii vero aurium sonitus propriis signis cognoscuntur, quippe quod fiant in die aliquo decretorio, humoribusque, vel plane, vel magna ex parte concoctis, una cum viribus constantibus. Aliquaudo aurium sonitus indicant cum delirium tum sanguinem e naribus fluxurum, ut in 1. *Coac. prælag. c) Sect. 2. text. 7. Sonitus aurium cum hebetudine visus, & gravitate narium, mentem movet, & sanguinem e naribus brevi stillaturum esse significat.* Sed recte quoque postea auctor eorum librorum d) scripsit: *In ardentibus superveniens sonus aurium, cum hallucinatione oculorum, & narium gravitate ex melancholia mente aberrant, nisi sanguis effluerit.* Quod sane videtur esse verum, quando sanguine in caput ascendente, nisi foras excernatur, delirium cum inflammatione concitatur.

Decreto-
rii quo-
modo
cogno-
suntur.

Demum sunt, qui desipientes læsa imaginatione, tum Ab ima-
sonitus in auribus, tum alios sonos se audire contendunt, ginatione
hinc aliquos tibicinas abigi, ut Galenus observavit, jubere. ne læsa.
Hi vero in numero delirantium reponuntur, ab ipsisque
perinde, ac a deliriis iudicium de futura salute fiet. In mor- In mor-
bis vero longis, vel in iis qui adhuc non ægrotant, sonitus bis lon-
aurium plerumque gravem morbum minatur, magisque sigis quid
cum capitis dolore, gravitate, aut vertigine, aut vocis tardi- notant.
tate, vel manuum torpore appareant, vel ab ipsis hæc fue-
rint subsecuta. Cum quibus auctor *Coac. prælag. e) 5. Coac. prælag. Sect. 1. text. 12. sæpe apoplexiam, epilepsiam, vel obli-
vionem portendere tradidit, neque immerito, cum frigi-
dorum crassorumque in capite humorum multitudinem de-
notent; ex qua singula prædicta mala fieri posse, nemo in
arte medendi exercitatus ignorat.*

CAP. XI.

Quid fœtores in morbis, quidque cibos potusque graveolentes, insipidos, vel mali saporis ægrotis videri significet.

Fœtores
in mor-
bis quid.

In morbis duobus modis fœtores observamus, in ægrotis scilicet, quod spectat ad affidentes, quorum adoratus offenditur, atque in oblatiis cum cibis, tum potibus, tum pharmacis, quæ ægrotantium adoratus vitium detegunt. Affidentes vero sentiunt odores ab ægrotantium corporibus, vel in excrementis, vel in respiratione, vel in ore, vel in naribus, vel in aliis partibus. In excrementis fœtores semper mali, ex Galen. in *tertio Epidemiorum*, qui fœtida semper exitiosa esse affirmavit, & Hippocrates in *Prognosticis a)* vomitiones omnes fœtidas maxime damnat: idque, quod, ut Galen. docet, graveolentia omnia putredinis sint indicium, quam sane cum nigro atque livido humoris colore exitium prædicere Hippocrat. in *secundo Prognosticorum b)* tradidit; quoniam, ut meminit Galen. extinctionem caloris nativi indicat. At scitu dignum existimo, prænoscentos esse tum graveolentiæ gradus, tum humorum seu excretorum varietatem, quæ varium prædictionis iudicium reddent. Nam etsi dicat Hippoc. in excretis per vomitum omnes putres graveolentesque odores esse malos; attamen non omnes lethales existunt, sed qui impense graveolent, cujusmodi sunt alvi fluxus colliquativi vocati, quos in pestilentibus febribus observamus. In morbi vero vigore, cum signis coctionis interim summe putres & graveolentes humores critice excernuntur. Respirationes autem graveolentes maxime exitiales observantur. Sed de his hæc obiter dicta sufficiant, verum suis locis de his accuratius, ubi præsertim de graveolentia excrementorum sermonem instituemus.

Cibos,
potus,
medica-
menta,
graveo-
lentia vi-
deri,

Ægrotis vero omnes tum cibos tum potus, tum medicamenta oblata putrida atque graveolentia videri, malum, quod summe putridos humores intus in corporibus redundare denotet, quandoquidem odoratus non secus quam gustus vaporibus a variis humoribus putridis ad linguam &

a) Pag. 41. lin. 10. b) ibid.

nares, seu cerebrum exhalantibus, vitiatur, intusque quod quid in morbis significat. est vel odoris vel saporis, ut Philosophi dicunt, prohibet extraneum, quod offertur odoris atque saporis, quin recipiatur & dignoscatur. Ex qua re, tum naribus, tum lingua, vapore a summe putridis humoribus exhalante infectis, omnia quæ tum odorantur, tum gustantur, putrida videntur. Ægrotos quoque prorsus, ut etiam dictum est, destitui gustu, etsi malum sit, non tamen nisi extincta animali facultate id fiat, mortem præsagire poterit; quare hæc ex aliis signis, aut bonis aut malis, iudicii capient certitudinem.

Eodem modo etiam, cum ægroti omnia sibi oblata, amara, vel salsa, vel acria, esse putant, hæc enim non nisi redundantium humorum qualitates notant, nihil ad præsigium ipsorum observatione faciente. Sed jam ab actionum sensus tactus symptomatis Prognosticum persequamur.

C A P. XII.

Quid stupor, seu torpor, & sensus tactus deperditus significant?

In acutis morbis sæpius partes corporis torpescunt, seu Torpor unde. stupida redduntur; qui affectus duplex est, scilicet vel animi vel corporis, atque hic, vel aliquarum partium, vel totius corporis, estque sensus obscurus, seu diminutus partis sentientis, qui *stupor* appellatur. Etenim quæ partibus sensum adimunt, stupefacientia propterea vocamus, veluti motum diminutum *torporem* aliqui dicunt, etsi non pauci velint, confundentes utrumque, tam stuporem, quam torporem, sensum motumque diminutum denotare, ut iis accidit, qui altero crurum compresso sedentes illud ipsum paulo post ægerrime movent, & fere sensu destitutum sentiunt. Fiunt vero, vel ut Galen. 2. *Prorrh.* 36. docuit, cerebro humefacto, vel refrigerato, vel ex humiditate atque frigiditate ipso læso, (quæ cerebri frigiditas duplex est, scilicet aut intemperies frigida simplex, vel cum materia frigida, aut extinctio caloris nativi,) vel quocunque modo intercepto spiritu, ne ad partem affluat, ut si nervi obstruantur, si ta-
Stuporis & torporis differentia. Horum causæ.
men

men verum sit, eos pervios esse, vel si incrassentur, aut comprimantur, veluti renibus inflammati crura stupeſcunt, compressis ab inflammatione nervis. Itaque si in principio pars aliqua obſtupeſcat, periculum eſt, ne vel paralyſis vel apoplexia oriatur, quod in 7. *Coac. præſ. a) ſec. 2. text. 1.* ſic legitur: *Torporēs & ſenſus privationes, præter conſuetudinem ortæ, futuras apoplexias denuntiant.* Quod ſane in acutis morbis maxime erit exitioſum, ni febris magna ſuccedat, quæ humidum tum abſumat, tum frigidum cerebrum caleſciat. Unde Hippoc. in 5. *Aphor. 5.* dixit: *Si ebrius quiſpiam repente obmutuerit, convulſus moritur, niſi febre corripiatur.*

Stupor
quid in
morbis
ſignifi-
cet.

Verum ut certe præſagias ex ſtupore in aliqua parte conſpecto, alia ſigna conſulito, cum a ſolo ſtupore nihil certi ad præſagium ſciri queat. Prægreſſo vero morbo, ſi a læſo nervorum principio ſtupor fiat, ſemper erit timendum, nam vel exſtinctum calorem nativum, vel noxium humorem ad cerebrum decubiſſe, erit indicium. Ex quo in *lib. 1. Sect. 1. text. 14. Coac. præſag.* merito dictum eſt: *Torporēs a multis rigoribus maligni,* quod hi fiant exſtinctione caloris nativi. A calidiſſimo morbo partes refrigerari, ſumme eſſe exitioſum Gal. in 3. *Epidemiorum* docuit. Non minus pernicioſum forte eſt, noxios humores ad cerebrum nobile viſcus decumbere, ut Gal. in *lib. conſtit. art. Med. cap. 18.* ſcriptum reliquit. Cognoscitur vero a cerebro læſo hoc malum fieri, quod præcipue capitis partes torpeant & ſtupidæ videantur. De quibus Gal. in 7. *Aphor. 14.* ſcribit: *Stupor vero eſt, cum neque loquuntur, neque agunt quicquam, ſed aperti oculis immoti manent, iis, qui metu & timore percuſſi & attoniti ſunt, ſimiles.* Quem ſtuporem a vulnere aliquando fieri, atque malum quoque eſſe Hippoc. *b)* docuit. Mentis non minus ſtupor fit ab iisdem jam dictis cauſſis cerebro læſo, Galeno in *libro quinto Aphoriſmorum* docente. Ignaviaque eſt mentis ſtupor. Si partes vero infernæ, quibus nervi ex ſpinali medulla procedunt, ſtupore afficiantur, minus eſt malum, a quo nequaquam exitium, niſi una illuxerint alia lethalia ſigna, timendum erit. Tamen interdum cerebro, ſanguine

Stupor
quando
critice
fit.

a) Text. 476. b) Aphoriſm. Sect. 7. 14.

ad

ad ipsum per modum iudicii ascendente, læso, partes aliquæ superiorum stupent, sanguinis eruptionem denotantes, & inferiorum aliquæ etiam, eodem modo natura critice noxios humores ad ipsos deponente, stupidæ effectæ, humoris metastasin, id est, transmissionem criticam præmonstrant. Distinguentur vero decretoriæ ab aliis, quæ exitiosæ sunt, signis coctionis, virium robore, facili ægrorum tolerantia, atque morbi, symptomatumque allevatione.

C A P. XIII.

De prædictione ex corporis caliditate.

Quoniam ad sensum tactus spectant caliditas, frigiditas, siccitas, humiditas, mollities, asperitas atque colores, quæ omnia cum non minus quam alia nobis ad prædictionem faciant, optimum erit, de hisce quoque nos agere, quod quidem nunc faciemus, a corporis ægrotantis caliditate exordientes, ab ea enim tum salus, tum exitium, aliis non neglectis signis, præsentiri potest. Caliditas vero, quam nos ^{Calidi-} ad Prognosticum observamus, aut mitis tepidave, aut vehemens & acuta existit, atque ipsa rursus vel æqualiter in ^{tas, quæ} toto corpore, vel in quapiam tantum parte observatur. ^{ad Pro-} Mitis ac placida, perpetuo bona, si præsertim cum æquali ^{gnosti-} totius corporis, (ut in Prognosticis a) Hippec. docuit) molli- ^{cum ob-} tie, aut quæ bene valentis calori sit similis. Alios siquidem ^{servatur,} recte valentes carnes subfrigidas, alios temperate calidas, ^{qualis} atque alios intense calidas habere, observatur. Ex quo cum ^{est.} ægrotantes, si calorem similem recte valentium habuerint calori, bonum est. Hincque vehemens acutaque interdum caliditas, & aliquando moderata & subfrigida in ægrotis laudari solet, ea inquam, quæ caliditati corporis antea benevalentis proxima videtur. Non secus quam urinæ, atque alia excrementa, si sanorum excrementis similia prodeant, bona existunt. Bonum igitur est ægrotantium corpora, ^{Calor in} quod ad calorem spectat, vel nihil vel parum alterata, aut ægrotis ^{quinam} mutata esse. Ex calore febrili, de quo fusius posterius lo- ^{bonus.} quemur, optimus est, temperatus, sãvis, æqualis in omni-

bus corporis partibus, cum quodam humido, qui maxime nativo calori sit similis, quique ut Gal. in 2. de natur. hum. meminit, non modo temperate calidus, sed etiam humidus existit, ad differentiam ignei acutique, qui a nativo maxime est differens. Ille itaque temperatus calor, optimus perpetuo erit, nisi nos morbi malignitas fallat. Nam sunt ex malignis morbis plures, calorem blandum naturali apprime similem habentes, intus nimirum concluso calore, neque foras libere diffuso; quamobrem bono illi calori corporis una totius æqualem molliem conjungi oportebit, de quibus Hippoc. b) 2. Progn. 5. ait: *Optimum vero est, si corpus omne æque calidum, molleque est*, æqualis enim totius corporis mollieties distinguit bonum calorem ab aliis, qui boni non sunt. Potest enim caliditas in aliquo ægrotante temperata æqualisque videri, cum tamen a morbo malignissimo proficiscatur. Hanc vero denotabit corporis inæqualis mollieties, quippe quod dura hypochondria plerumque observentur, minimeque etiam caliditas ea æqualiter in universo corpore est diffusa: uti cum extremæ partes minus calidæ sint, quam ventres, qui his sunt calidiores. Itaque caliditas temperata æqualiter in toto corpore, cum æquali quoque mollietie, semper bonum signum erit, siquidem fieri non potest, quod corpus tali caliditate ac mollietie observatum existiose ægrotet, id enim viscera phlegmone, obstructionibus, intensaque putredine carere, nobis certum erit indicium. Molle etiam æqualiter corpus observatum, distinguet a bona caliditate hecticam, quæ forte quod mitis placidaque sentiatur, aliqui decepti sæpe hecticos non dignoscant. Hæticorum caliditati non mollieties, sed squaliditas potius solet conjungi. Hæctica vero febris non iis solum cognoscitur, at etiam ipsiusmet caloris inæqualitate; quando ab assumpto cibo Hæctice febres, ut in 2. Progn. text. 60. Galen. meminit, exacerbentur. Optimus igitur erit calor temperatus, æqualiter per totum corpus diffusus, cum æquali quoque mollietie. At nedum hic, sed quin etiam intensus vehementisque calor per omnes corporis partes diffusus in ar-

Hæticorum caliditas quænam.

Calor in ægrotis quænam optimus.

dentibus febribus, quum proprium ardentium malignarum sit (Gal. in 3. *Prorrh. text.* 61. docente) ut ex summas partes non calefaciant; vel non malignarum, ut totum corpus usque ad summas partes æqualiter exurant: significant enim hæc, ut Gal. scripsit in 7. *Aphor.* viscera vehementi carere inflammatione. Partes etiam quasdam corporis plurimum in acutis morbis incallescere, sæpe optimum est ad prænoscentiam salutem, maximeque cutaneas, ad quas sæpe natura tum caloris æstus, tum humores noxios deponit. Extremas corporis partes valde calidas, in talibus morbis sentiri optimum non minus est, veluti oppositum si observatur in his, magnum malum: hinc pessima est extremorum frigiditas in morbis acutis; itaque harum partium caliditas bona, ut signum existit, quod denotet interna viscera neque magno phlegmone, neque inflammatione, neque intensa aliqua humorum putredine offendi, neque naturam multitudine crudorum humorum gravari, atque etiam significet calorem febrilem viscera reliquisse, partesque longinquas invasisse, vel noxios humores ad easdem detrusos fuisse; ad pedes enim caliditas deducta morbum declinasse in multis indicat: ex quo Hippoc. a) dixit, in declinatione febris, calore ad pedes descendente, ægrotis cibum esse offerendum. Extremarum partium caliditas quoque, cum rubore atque inflammatione, in acutis morbis, bonum. De qua Hippoc. in 3. *Progn.* b) *text.* 18. *Maxime vero juvantur, si cervix at pectus traxerit ruborem, nec sacer ignis intro recurrat.* Et paulo post *text.* 22. c) *Securissimum vero est, si rubor quam maxime foras vertatur.* Sed jam, his præmissis, quomodo

Caliditas
quænam
mala in
ægrotis.

a) Lib. de rat. vict. in morb. acut. p. 386. lin. 52. & seq. & p. 398. lin. 28. & seq. b) P. 45. lin. 14. c) Ibid. lin. 20.

pio non cognoscunt. Diximus vero superius Galenum hujusce caloris tale signum docuisse, quod in 2. *prog.* 60. ita habet. *Per febres heclicas partes ipsæ corporis solidiores ignita evadunt, ob id igitur assidue febris in seipsa manet, calorem obtinens perinde ut calx, debilem contingentibus.* Itaque quoties esitant ac bibunt, simile quiddam accidit, quod in calce evenit aqua perfusa, quo fit, ut contingentes exterius ægrum multo calidiorem persentiant. Hæc vero totius corporis uniformis caliditas, quæ cum assidua febre est tepida, vel subfrigida apparens, suspecta erit, quod indicet totum incendium intra viscera contineri. Galen. ex Hippoc. in secundo de ratione victus in acutis, & in primo libro Prognosticorum d) dixit: *Corpus in acutis febribus non admodum pro ratione febris calere, membraque frigida vel tepida nudare, perinde ac si incendio conflagrarent, malignitatis esse signum.* Hujusmodi tepida caliditas, etsi nunquam bona, tamen per se sola nihil certi præfagit, veluti etiam vehemens facit caliditas, quæ etsi per se mala semper sit, non tamen certi quicquam ad exitium prædicendum habet, ac quinimo non raro post rigorem corpus valde incalescere, crisis proximæ nobis est indicium, proinde ex aliis signis certitudinem capiet. Vehemens vero corporis totius, vel thoracis tantum, vel ventris calipitas, perniciofa, si diu durat; resolvit enim vires, ficcatur, colliquatque, a qua quidem, si corpora convellantur, exitium prædicat, quando exinde ortæ convulsiones, quod fiant ficcatis nervis, omnes sint lethales, ex quo Hippoc. in septimo Aphor. 13. dixit: *Ab æstibus fortibus convulsio, aut tetanus, malum.* Vehemens quoque caliditas tum in facie, tum in hypochondriis, tum in thorace, pessima existit: hæc enim visceris alicujus, illa autem cerebri phlegmonem indicat, quanquam non semper flammans facies phlegmonis signum existat, & quinimo sanguinis critica eruptionis indicium, cui signo signa alia deteriora respondere debebunt: si vero hæc signo aliquo apparuerit pernicioso, perniciem ostendet. De qua in 2. *Porrh.* e) 14. legitur.

Quæ-
nam per-
niciosa.

legitur. *Facies color bonus, & mœstitia multa, malum.* Etenim, ut ait Galenus, cum florida quidem facies apparuerit, ægerque valde tristis fuerit, quædam in cerebro valde calida affectio esse videtur, quæ sanguinem exurit. Cum sudore vero facies valde flammans, malignitatem Galen. indicare prodidit; & merito exitium præmonstrabit, cum ea cerebri magnum phlegmonem denotet, qui inter lethales morbos recensetur, sicque sudor, qui nihil juvat, unum ex signis exitialibus est. De hac auctor Prorrheticorum in 2. Prorrh. *) 33. *Estuosi rigores quadantenus perniciosi, flammans quoque cum sudore facies in his mala.* In ventre vero atque thorace æstus, seu intensa caliditas semper mala, nam ibi adeste testatur morbum sæpe magnum, ac lethalem, ut quando ex visceris magno malignoque phlegmone procedit; quod si est, extremæ partes vel tepescunt, vel frigescent, de quibus in primo Prorrhetic. text. 7. *Qui in hypochondrio refrigerata febre ardores relinquuntur, tum alias, tum in sudoribus, mali sunt.* Et Hipp. in 4. aph. 48. *In febribus non intermittentibus, si partes exteriores frigide, interiores urantur, & sitim habeant, lethale.* Circa ventriculum vero cum cordis morfu æstuosus calores perniciosos esse Hippoc. quarto libro Aph. 65. tradidit. Item æstus laterum cum dolore, atque rigore, damnat auctor Prorrh. in 2. Prorrh. a) 32. *Lateris siquidem æstus (ait Galen.) cum dolore signum est phlegmonis, quæ partem eam infestat, si vero & rigor ipsis supervenerit, suppuraturum exspecta phlegmonem.* Viscerum autem phlegmonum suppuratorum rari sunt, qui sanentur: nulli, viribus jam prælanguidioribus factis. Corpora etiam cum ex aliqua prægressa evacuatione, si nedum calore febrili liberentur, at magis recalescant, malum esse tradidit auctor Prorrh. 2. Prorrh. b) 32. quum dixit. *Si ex perfrictione sudantes recalescant, malum.* Ex his quoque æstus dolorosus, & rigor superveniens, malum. Gal. enim in comm. ait: *Si in morbo quis, postquam sudaverit, frigidior quidem protinus, quam nature conveniat, fiat, rursusque febricitet, non sine periculo*

Q 3

*) Lib. I. 67. a) Lib. I. 66. b) Lib. I. 66.

riculo afficitur. Sicut auctor Prorrheticorum paulo post. c) *Si in sudoribus vigiles recalescant, malum.* Quod in 2. coac. præfag. d) sec. 1. text. 4. hisce verbis expressum est. *Exsudantes, vigiles, recalescentes, malum.* Sed de his nunc satis; addamus refrigerata corpora vix recalescere, summe in morbis acutis esse perniciosum; extincto enim nativo calore vel resoluta, vel suffocato, id fit: non minus etiam lethale videtur, si in extimis summisque partibus observetur, quippe eas refrigeratas vix recalescere. Hinc in primo Epidemiorum e) Hippocrates ait: *Frigeabant his multum extremitates, vix his calor revocari poterat.* Corpora quoque cito incallescere & frigesieri, malum itidem est signum. Significat enim, ut Galen. docet, morbum summe malignum, quod si non lethalem, morbum saltem longum fore præfagit: in acuto vero morbo, qui cito vires resolvit, exitium portendit. Sed jam tempus est, ut ad prædictionem ex corporum frigiditate veniamus.

CAP. XIV.

Ex frigiditate corporum quid præfagiendum.

Frigiditas corporis, quæ potius sit moderata caliditas, post aliquam bonam evacuationem, pulsu reddito meliori ac vehementiori, apparens, optima est. Sublatam enim febrem esse critice denotat. Item refrigerata seu sedata febris caliditate, cum urinis coctionem denotantibus, vel sputis, vel alvi dejectionibus, (ubi morbus vel venosum genus, vel partes spirituosas, vel ventrem occupavit) pulsu ut jam dictum est meliori reddito, optimum est, tuto enim sanitatem rediisse significat. Frigiditas vero nunquam critica observatur, optimam crinem præcedens, de qua postea. Sed raro tamen contingit, ut quicquam boni corporis frigiditate præfagiamus. Hæc vel in toto corpore, vel in externis partibus observatur; plerumque continuus febribus est exitialis: attamen in quibus-

Frigiditas corporis quænam optima.

Raro bona.

busdam corporibus robustissimis non exitium, sed longitudo-
 nem præmonstrat. In prælanguidis vero perpetuo lethali-
 lis; si scilicet morbus præsertim magnus vehemensve fue-
 rit: quæ vero sit extincta facultate, exitium proximum
 prælagit. Sed ab hac causa fieri, signa alia exitiosa præmon-
 strabunt. Aqua inter cutem laborantes non pauci obser-
 vantur, præsertim ascite & leucophlegmatia, qui corpus fe-
 re totum frigidum habent, & non minus in suppuratis, mor-
 ribundis. Illi enim fere totum corpus algidum habent,
 quod iis contingit, plurimo innati caloris resoluti, vel uti
 illis ex frigido humore evenit. Verum in extremis parti-
 bus ea frigiditas nihil certi perpetuo prodit ad Prognosti-
 cum. In quibusdam enim ægrotis non acute ægrotantibus
 huiusmodi frigiditas non est admodum verenda. In mor-
 bis enim, ait Galenus, qui sunt sine febre, & hyeme, &
 in ætate senili partes extremas corporis, veluti nares, aures,
 pedes, manus frigesieri, nihil absurdum; quippe, ut ait Gal.
 2. *Prognost. text. 4.* quæ carne vacant ex natura, longeque
 sunt a visceribus positæ: non tamen in acutis, mediocre
 est malum; per illas enim calor natus, præ debilitate ne-
 quaquam permeat ad extremas corporis partes; in morbis
 vero acutis, propter inflammationis magnitudinem in vi-
 sceribus fatigantis, parum sanguinis in omne permeat cor-
 pus. In his itaque morbis corpus algidum esse, & nedum
 ipsius extrema, sed totum inquam pessimum est, nisi ab ac-
 cessione id fiat: ea enim vel extinctum, vel multitudine
 humorum fere suffocatum calorem naturalem nobis indi-
 cat, cum qua frigiditate multa alia simul lethalia aderunt
 signa. Frigidi quidem multi ex moribundis apparent, cum
 desudationibus, viriumque languore. Hi quidem vehe-
 menter tum frigidi, tum duri apparent, si ab extinctione
 caloris, ex quo auctor Prorrheticorum a) dixit. *Refrige-
 ratio cum duritie, malum.* Idem accuratius ab extremis cor-
 poris partibus frigescentibus rursus nunc perscrutemur.

Quando
lethalis.

In qui-
busdam
ægrotis
non ve-
renda.

C A P.

De prædictione ex frigiditate extremarum partium corporis.

Extre-
marum
corporis
partium
frigidi-
tas unde.

Extremæ corporis partes, quas Hippoc. in 2. *Prognost.* a) *text.* 4. vocat *caput, manus & pedes*. & Gal. distinctius 7. *aph.* 1. *nares, aures, pedes ac manus*, in acutis morbis frigescere solent, ex nativi caloris vel contractione, vel resolutione, vel oppressionē, seu suffocatione, aut demum extinctione. Contrahitur intus ad viscera calor, extremasque corporis partes relinquens, mediasque quippe thoracem & ventrem calefaciens, vel ob inflammationis ac erysipelatis magnitudinem in visceribus fatigantis, ut Gal. meminit, caliditateque sanguinem per modum cucurbitulæ ad affectam partem attrahentis, vel propter fortem dolorem in corde, in ventriculo, in colo, in tenuibus intestinis, in utero, in renibus, aut demum in accessione, ubi natura in internis partibus copiam humorum foras extrudendam aggredditur, ex quo aliquando salutem, & aliquando exitium præscimus, prout prævalidam naturam, & prælanguidam tunc esse contingit. Resolvitur vero a maximo calore, vel ab ingenti dolore, aut ex immodica evacuatione, vel a venefico succo aliquo cor atque os ventriculi lædente, vel ab immoderata lætitia continuo oborta. Opprimitur etiam nativus calor, vel suffocatur in visceribus, ex quo ceteræ aliæ partes ab ipsis remotæ, solito calore carentes, refrigerantur, aut copia plurimi alimenti, seu ciborum ore ventriculi gravatō, seu vehementer a mordentibus humoribus (Galenō in *secundo text.* 45. *de ratione victus in acutis* docente) commorso, vel a multitudine vitiosorum seu crudorum humorum in visceribus contentorum, calorem fere suffocantium, vel exinde insigniter oppresso; non secus atque fit, si supra ignem viridum lignorum magnam copiam conjeceris, qua is nedum non augetur, sed suffocatur atque diminuitur: eadem etiam copia humorum in visceribus concluditur calor, quo minus ad extimas partes permeare queat, quippe

quippe venis, arteriisque exinde obstructis, per quas calor a visceribus ad illas partes diffundebatur, febresque hoc modo obortas *typhirias*, alii *asaphodes*, id est, obscuras, & latentes, atque alii foris mites, intus conturbantes, appellant, quippe cum a multitudine putridorum humorum, vel a multis frigidis, crudisque, & crassis, humoribus calorem suffocantibus, vel in visceribus ab oborta phlegmone, vel ex venefica putredine fiant, omnes cum partium extremarum frigiditate, vel saltem subfrigidis, vel non calidis iisdem partibus, apparent. Exstinguitur quoque, ut jam diximus, nedum per strangulationem, suffocationemve natus calor, sed non minus ab intensa tum frigiditate, tum venefica qualitate nobis occulta, qua vita nostra corrumpitur, quod devoratis venenis cum frigiditate, tum ex proprietate totius substantiæ interimente observatur. Demum calore naturali in solidis partibus qui sedem, ut Galen. meminit, habet, a majori vel flammea caliditate humorum, quo ipse calor conservatur ac vivit, absumente, resoluto ac dissipato, ut in hecticiis, vel a visceris alicujus ingenti dolore calorem naturalem visceris corrumpente ac resolvente, de quo merito scripsit Hippoc. 7. Aph. 60. *In forti dolore ventris, partium extremarum frigiditas, malum.* Vel denique a quapiam immodica corporis, aut arte procurata, aut sponte facta vacuatione, ut in Syncope fit, homines refrigeratis extremis moriuntur, atque demum ex apertis arteriis resoluto calore. Sed jam his auditis, ad frigiditatis partium corporis extremarum prognosin descendamus. Quæ si frigescant, natura crisin cum bonis signis aggrediente, salutare erit. Verum in accessione periodica, & in morbis longis quicquam certi ad prognosin frigiditas partium extremarum non habet, neque in senibus; per hyememque extrema frigescente non est exitiale. *In acutis vero non mediocre est malum, sed valde perniciosum symptoma, utpote, quod magnis superveniat viscerum inflammationibus.* ut Gal. 7. Aph. 1. tradidit. Excipitur tamen frigiditas extremorum a cibo intempestive assumpto, vel ab accessione aliqua ortum habens, in qua

Extre-
marum
partium
corporis
frigidi-
tatis Pro-
gnosis.

nedum extrema, ut Galen. *in secundo Prognost.* docuit, sed cutis quoque circum costas & ventrem posita frigida redditur. Extremorum vero frigiditas aliquando in principio una cum morbo incipit, quod symptoma in vagantibus hoc anno febribus malignis multis vidimus, quæ vel ab intensissima putredine, perinde ac a veneno viscere aliquo læso, atque exinde naturali calore vel admodum resoluta, vel intus ea de causa retracta, vel a multitudine valde putridorum humorum fere suffocata, aut denique ex crudis pituitosisque humoribus succensa febre, veluti in amphimerinis observatur. Quare extremorum frigiditas perpetuo in febribus continuis est mala, quæ ni exitium, saltem morbi malignitatem denotet, plerumque vero exitium. Malignitatem tantum præfagit in principio una cum febre apparens, quæque non admodum vehemens sit. Symptoma propterea esse malignarum febrium pathognomonicum, Medici affirmant, cum qua sæpe ægroti non multum sitiunt, neque linguam habent admodum siccatam, & ipsa interim æqualis temperata per totum morbi tempus, interim inæqualis, modo parva, modo aliquantulum aucta observatur. Quæ vero non in principio apparet, sed postea in die critico cum signis decretoriis, crisin prænuntiat, aut febris continuæ mutationem in intermittentem. Cum malis vero signis, perpetuo mala, pessimaque in die decretorio est frigiditas intensæ, diu durans. Itaque extrema refrigerata, vix recalcere, lethale est. De quibus Hipp. *in 1. lib. Epidemior. a) com. 2. text. 28. Frigebant his multum extremitates, ac vix calor his revocari poterat; atque in 3. lib. b) com. 3. text. 38. Extrema pedum ac manuum his frigidiora erant, & multo maxime circa accessiones, quibus calor pedetentim, nec probe redibat. Et de tabidis ad exitium inclinantibus. c) Multum vero frigus erat, & vix eis calor revocari poterat. Et in 2. Prorrhetic. d) text. 66. Ex rigore refrigerationes, quæ non recalc-*

a) Pag. 940. lin. 5. b) Pag. 1085. E. c) Ibid. pag. 1089. E.

d) Lib. 1. 65.

calescunt, male. Quod in *Philisco Hippoc. Epid. 1. text. 18. e)* observavit, de quo ait: *Extremitates undequaque frigebant, nec jam ad calorem istæ amplius redibant.* Quod, & *Sileno f)* & aliis evenisse ante exitium Hippoc. in *Epidemii* memoriæ prodidit. Frigiditas vero in proxime moribundis non secus quam in marmoreo lapide observatur, atque non raro cum duritie & livore. Durities siquidem cum vehementi frigore in corporibus ex lethalibus signis habetur, ut in 2. *Prorrh. g)* docetur, de qua Gal. in *comm. 2. text. 5.* *Refrigeratio autem si ita violenta fuerit, ut tota omnino refrigerentur corpora, indurescantque, extinctionis signum existit.* Non minus cum ea frigiditate extrema livida spectari, exitiosum est; etenim hoc symptoma omnium esse exitiosissimum, alias demonstrabimus, atque in foribus mortem denotare. Significat autem in his lividus color extinctionem caloris nativi, ut Galen. docuit, qui in 3. *Epidem. text. 8.* extremarum partium frigiditatem, una cum lividitate, in febribus acutis, mortis apertum esse signum affirmavit. De quibus Hippocr. in 2. *Prognost. h)* text. 9. *Si corpus adeo grave, & ut ungues ac digiti lividi sint, expectanda continuo mors.* Et postea: *Si digiti ac pedes omnino nigrescant, minus pestiferi sunt, quam si liveant.* Idque non immerito, nam lividitas in his partibus semper ab extinctione caloris nativi fit, nigredo non semper, quandoque enim a nigro humore ad illas partes decumbente. Quare cum extremarum partium refrigeratione lividitas quoque si accesserit, signum erit maxime lethale, pauloque post exitium futurum, præmonstrabit. Quod Hippoc. in *Philisco, i)* *Sileno, k)* muliere anginosa apud Aristionem decumbente, l) *Erasino, m)* *Filia Eurynactis, n)* *Adolescentulo, in foro mendacium, o)* moribundis observavit. Sitis quoque intensa cum calore vehementi in thorace, vel in ventre, extremis quidem parti-

Extre-
morum
frigidi-
tas una
cum ma-
lis sym-
ptomati-
bus exi-
tiosa.

e) Pag. 966. Ægr. 1. f) Lib. 1. Epidem. pag. 969. Ægr. 2. g) Lib. 1. 77. h) P. 39. lin. 36. & seq. i) Lib. 1. Epidem. p. 966. Ægr. 1. k) Ibid. p. 969. Ægr. 2. l) Lib. 3. Epid. pag. 1075. Ægr. 7. m) Lib. 1. Epid. p. 984. Ægr. 8. n) Lib. 3. Epid. p. 1073. Ægr. 6. o) Ibid. p. 1076. Ægr. 8.

bus agentibus, maxime pernicioſa judicatur, quod in viſceribus vehementiam inflammationis, ut ait Galenus, ſignificet, qui *in 7. Aphorism.* hujusmodi ſymptomata accidere magnis viſcerum inflammationibus ſcribit. Quam rem Hippoc. prodidit in 2. *progn. a)* 4. dicens. *Si caput ac pedes frigidi ſunt, ventre coſtiſque calentibus, malum.* Et Galenus in commento ait, *nedum malum hoc eſſe, ſed lethale.* Quod Cornelius Celfus ad unguem ſic expreſſit. *Cui febre æque non quieſcente exterior pars friget, interior ſic calet, ut etiam ſitum faciat, lethale.* Ex pernicioſis quoque ſignis cum refrigeratione extremorum quam plura alia exiſtunt, partim a nobis alias dicta, & partim inferius ſuis locis dicenda, cujuſmodi ſunt, capitis aut viſcerum dolor vehemens & affiduus, vigilia, coma, delirium ferinum vel obſcurum, amentia, obliuio, ſurditas, cæcitas, convulſio, tremor, aphonia, ſingultus, inquietudo, anxietas, reſpiratio difficilis atque frigida, ex ore præſertim, atque e naribus, urinæ turbidæ non clareſcentes, nigræ, cum nigro ſuſpenſo, albæ, aquoſæ, lucidæ, interceptæque, ſtillæ ſanguinis e naribus, vomitus virulenti, dejectiones malæ ac copioſæ, nihil conferentes, & hujusmodi alia. Hæc ſingula cum extremorum frigidityte conſpecta exitium nobis portendent, & quo plura ſimul, eo certius ac citius. De his in *Sileno* Hippocrates 1. *Epidem.* 3. *b)* *Sexto caput parum exſudavit, extremitates algebant, liveſcebant, multum ſeſe jaſtavit, alvus nihil excrevit, urinæ reſtiterunt, febris acuta:* Et de *Pythione* in *Thaſo* mortuo *c)* decem diebus: *altero die ſub meridiem extremæ partes frigeant, præter ceteras manus & caput, obmutuit, voce deſectus eſt, diu brevi ſpirans, rediit calor, ſitiit; nocte quievit, circa caput modicum ſudavit.* Ex omnibus vero his ſignis diximus perpetuitatem refrigerationis, magnitudinem ſeu vehementiam, duritiem, lividitatem ſigna eſſe longe omnium maxime pernicioſiſſima, extinctionemque caloris nativi denotare. A ſymptomatis etiam, quæ præceſſerunt, exitii prognosticum indagatur, ut quando a rigore frigeſcunt eæ partes,

a) P. 39. lin. 30. b) P. 969. Ægr. 2. c) Lib. 3. Epid. p. 1098. Ægr. 3.

partes, minime recalescentes, de quibus, ut dictum est, in *secundo Prorrhetic.* a) *Ex rigore refrigerationes, quæ non recalescunt, male.* Ex malis vacuationibus extrema admodum algere, est perniciosum: præsertimque si eæ quoque fuerint lethales, quales sunt stillæ sanguinis e naribus, sudores frigidi, in capite desudationes, urinæ aquosæ, lividæ, ictericæ, turbidæ non residentes, lividæ, nigræ cum nigro suspenso, & plane suppressæ, dejectiones pingves, liquidæ valde foetidæ, assiduæ, vel in immodica copia exeuntes, sputa nigra, livida, viscida, maxima difficultate educta, atque plane intercepta. Similiter ab omnibus malis symptomatibus, quæ nuper, dum mala symptomata recensuimus, prodidimus, refrigeratio in extremis est perniciosa. Quod sane nedum ab his signis malis, quæ præcesserunt, at simul etiam cum refrigeratione concitatis, non minus & ab his, quæ extrema refrigerata sequuntur, cognoscitur. At extremorum refrigerationem multa symptomata exitium cum ipsa significantia subsequi solent. Et quod ad refrigerationem: primum est, ut si frigiditas ea, primum moderata, mox admodum vehemens atque intensâ reddatur, quod, ut ex Gal. meminimus, signum prælanguidæ facultatis existit: secundum quod illa frigiditas nunquam amplius aut parum recalescat. De quo in *Philisco* moribundo Hippoc. in *1. Epid.* b) 3. text. 18. *Extremities unde quaque frigebant, nec jam ad calorem amplius rediebant.* Et in *Sileno*: c) *Septimo obmutuit, extremæ partes non amplius redierunt ad calorem.* Demum pars vehementer refrigerata livescit, atque aliquando indurescit; quod si fiat, diuque permaneat, in foribus, ut dictum quoque est, scito esse exitium. Idem prædicant subsequuta, & coma, amentia, oblitio, surditas, cæcitas, convulsio, tremor, aphonia, sudores, frigidi, præsertim in iisdem extremis partibus refrigeratis, qui sane solius syncopes ac mortis proprii videntur, vacuationes non bonæ, ægros non sublevantes, vel interceptæ, respiratio difficilis, atque alia huiusmodi, quorum multa in *Sileno* moribundo Hippoc. post

Extremorum
frigiditas cum
malis
subsequen-
tibus
symptomatibus
exitiosa.

R 3

extre-

extremorum refrigerationem observavit, quæ hisce verbis expressit. *Sexto caput parum exsudavit, extremitates algebant, liveſcebant, multum ſeſe jaſtavit, alvus nihil excrevit, urinæ reſliterunt, febris acuta. Septimo die obmutuit, extremæ partes non amplius redierunt ad calorem, nihil minxit. Octavo frigidus toto corpore ſudor, papulæ cum ſudore rubentes, rotundæ, parvæ, varis ſimiles permanebant, nec abſceſſum efficiebant, alvus parvo irritamento ſtercora tenuia, veluti incocta, multa, cum labore reddidit; urinæ reddebat cum dolore mordaces; extremæ parum recaleſcebant; ſomni tenues, comatoſi; obmutefcebat; urinæ tenues, perlucidæ; obiit undecimo.* Quare ſi extremorum refrigerationem pernicioſa hujusmodi ſymptomata, vel præcedant, vel ſimul illuceant, vel ſubſequantur, ſine dubio exitum prædicendum erit.

C A P. XVI.

De caloris ad frigus, & frigoris ad calorem in corporibus acute agrotantibus mutatione.

Corporum ad frigidum mutatio quando mala.

Sæpe in acutis morbis fit, ut interim totum corpus a calido ad frigidum, & a frigido ad calidum mutetur, atque hoc aliquando ſenſim, & aliquando repente. Repente mutari ad frigidum corpora, niſi acceſſione id fiat, ſemper malum: aut enim, ut nuper dictum eſt, calorem nativum reſolutum, aut multitudine crudorum humorum ſuffocatum, vel impeditum, quo minus, vaſis obſtructis, foras expandatur, vel denique maligni humoris viſcus nobile laceſſentis, vel vehementis inflammationis ratione intus totum collectum eſſe ſignificat. Reſolutum conjicimus, ſi prius reſolutionis aliqua cauſa præceſſerit, uti febris vehemens, affidua, vigiliæ item affiduæ, dolores ingentes, immodicæque vacuationes cum ſanguinis, tum humorum. Suffocari plenitudo indicabit, crudorum humorum multitudine, venas arteriaſque obſtruente. Foras non expandi, notæ omnes hanc humorum multitudine ſignificantes. Intus vero acri vel maligno humore os ventriculi, cor, vel aliquod aliud membrum nobile affligente, retrahi, dolores juxta affli-

afflictæ partis regionem, fastidia, angores, nausææ, vomitus virulenti, biliosi, animi defectiones, anxietates, vigiliæ, pulsus summe inæquales, prælanguidique, contracti, ac hujusmodi alia præmonstrant, uti in iis, quibus a vermibus, vel acri succo, os ventriculi mordetur, observari potest. Ubi retractionis caloris causa est inflammatio quæpiam interna, ex calore partium internarum, atque a propriis signis cognoscemus, quod Cornel. Celsus ex Hippoc. ut superius diximus, expressit, cum dixerit. *Extremarum refrigerationem internis partibus sic caloris incendio æstuantibus, ut ægroti sint, esse lethalem.* Hæc namque refrigeratio inflammationem internam, & eam quidem maximam pro causa habet. Quocunque vero modo, ut diximus, corpus refrigeretur, nunquam bonum, sed sæpius summe exitiosum erit existimandum, omniumque maxime, si diutius frigus persistat intensiusque, & tandem cum duritie, vel lividitate, uti dictum est, prodeat. Nam tunc in foribus esse exitium denotabit. Continuo etiam seu repente partes calidas refrigerari, semper malum, illa excepta extremorum refrigeratione, quæ, natura critice humores ad excretionem invadente, prodit; sæpe enim ante crisin futuram, maligno humore ad viscus nobile irruente, atque defluxo, refrigerantur extrema, qui exinde a natura aliunde ad ignobiliorem partem compellatur, fere nunquam ea tollitur in extremis refrigeratio aut tarde, & parum quidem partes eæ refrigeratæ recalescunt. Contra refrigerata corpora æque sensim ad calidum mutari, optimum est: nam neque intus laceessere malignum, vel acrem, humorem nobile viscus, neque aliquam adesse inflammationem, & nihil intus fieri impedimento calori, quin ad quamcunque partem corporis æque defluat. Inæqualiter vero corporis partes calefieri, nunquam bonum, & sæpe pessimum symptoma creditur. Repente etiam sæpius extimas corporis partes, crebriusque modo ad calidum, modo ad frigidum, & contra modo ad frigidum, modo ad calidum permutari, in malignis morbis pessimum esse, Hippocrat. statuit, veluti

Corpora
refrige-
rata æ-
que sen-
sim ad
calidum
mutari.

veluti etiam minus malum existimatur, in aliis symptomatis etiam consimiles fieri mutationes. De his auctor *Prorrh.* * ita habet: *Summæ corporis partes si celeriter in utramque conditionem permutentur, malum.* Sitis quoque hujusmodi mala est. Et Gal. in *commento* ait. In morbis autem summe malignis, permutatio harum hora una ad contraria efficitur, interdum quidem ut hyeme frigescent, interdum vero tanquam æstate calefiant. Id autem contingit cum propriam caliditatem non habuerint, atque a febrili calefiant quæ a corporis medio incipiens, flammæque similis corpus totum depascens, extrema concalefacit, quæ & cum transpiraverit, statim ea refrigescunt, extincta scilicet naturali caliditate. Hujusmodi vero corporis celeres caloris frigorisque mutationes, item coloris, ac cujuslibet alterius symptomatis, sæpe multiplices affectus in corpore collectos præmonstrant, quos devincere natura quum non nisi longo tempore queat, ideo morbi longitudinem ostendunt, quod in 4. libr. *Aph.* 40. ab Hippocr. hunc in modum scriptum est: *Et ubi in toto corpore mutationes, ut scilicet corpus refrigeretur, vel rursus calefiat, longitudinem morbi significat.* In morbo vero acutissimo ac vehementi naturæ cito a vehementia morbi extinctæ tempus subtrahitur, ita ut prius ipsa morbo extinguatur, quam morbum vincere possit. Et hinc est quod in morbo summe maligno hujusmodi mutationes Gal. in *Prorrh.* dixit esse lethales, easque extinctione naturalis caliditatis fieri. Aliorum etiam symptomatum mutationes observari, ut sitire & non sentire, & contra; ex quietudine in inquietudinem & contra; ex vigilantia in somnum, & contra; sapientes ægrotos in deliros, & e deliris sapientes fieri. Mutari etiam symptomata, ita ut modo capitis adsit dolor, modo ventris, modo crurum, modo dolor desinat, & delirium accedat, & hoc cessante, aliud symptoma appareat. Horum symptomatum permutationis causa generalis est *μετάπλωσις*, id est humorum transfluxus; vicissim namque facta migratio modo in hanc corporis partem, modo in illam, quasi humoris turgentiam

Caloris
frigoris-
que ce-
leres
mutatio-
nes.

Sympto-
matum
mutatio-
nes quid
notant.

Horum
causa ge-
neralis.

hanc, μετέπλωσιν dicas, quæ per se sola nullum aliud, quam turgens humor, faciat prognosticum denotat. Verenda vero semper quælibet humoris turgentia, quod principis alicujus partis læsionem minatur, ex quo Hippoc. atque cum eo Galen. & omnes alii Medici, turgentes humores, ne irruant in partem principem, continuo vel etiam in principio morborum, quo tempore omnia cruda existunt, medicamentis purgari oportere, in *aphorismis a*) præceperunt. Cum signis vero coctionis illa permutatio caloris, frigoris, coloris & aliorum etiam symptomatum, criticam humorum perturbationem ostendit, atque in hunc sensum forte in *Coacis præsagiis b*) illud erit intelligendum, quod sic scriptum est: *Color, qui sæpe cum calore variat, utilis.* In malignis morbis hæ mutationes solent esse utiles, si in melius fiant, quod Hippoc. in *Epidemiis c*) ita dixit: *In morbis, qui παδιμῶσιν, d*) id est, dolosi sunt, mutationes juvare.

C A P. XVII.

De prædictione ex humiditate corporis, & siccitate.

Ex humiditate totius corporis, atque partis, sæpius in acutis morbis eventus præscimus. In purulentis phthisicisque, sæpe ante exitium multa humiditatis copia aliquando totum corpus, & aliquando crura, ventremque repleri observamus, ex quo aquam inter cutem, quod ex magno oriatur caloris languore, in acutis, vel ex acutis morbis, lethalem esse, Hippoc. docuit: *Aqua enim inter cutem, (ait in Prognosticis e) text. 1. comm. 2.) omnis, si ex acuto morbo existit, mala est, non enim sedat febrem, sed dolorem admodum infert, ac mortem.* Eodem modo siccitas, ariditas, duritiesque totius vel alicujus partis corporis sæpe infelicem morbi præscit eventum. Siccitatem siquidem totius, & gracilitatem ab ardente febre longa secutam, corporis he-

Humiditas quid præscit in morbis.

Siccitas quid in morbis notat.

S

Cti-

a) Hippocr. Aphor. Sect. I. 22. b) Text. 125. c) Lib. v. Sect. 6. Text. 16. d) Foesius scribit ἐν τοῖσι παδιμῶσιν, & vertit, in instantibus, aut refractariis. e) Pag. 39. lin. 16.

cticum habitum, ac ab eo postea exitium præſagire, nemo eſt in medicina verſatus, qui ignoret. Ex fronte, lingua & aliis partibus admodum ſiccatis, non raro nobis exitium præmonſtratur, ut Hippoc. in *Mælibæa* a) *adolefcente* moribundo obſervavit, in quo ante mortem cutis frontis præarida, ac tenſa viſa eſt. Sed de his accuratius nos poſterius ſuis locis, præſertimque ubi de prædictione ex partium corporis obſervatione ſermonem inſtituemus.

CAP. XVIII.

De prædictione ex doloribus, qui in acutis morbis obſervantur.

Dolor
multi-
plex ob-
ſervatur
in mor-
bis.

Pulſati-
vus quis.

Græcis.

Dolorem, quod voluptati opponatur, triſtem moleſtum-
que eſſe ſenſum, Galen. in 1. *de Elementis* docuit. Hic
vero multiplex obſervatur, alius enim cum pulſu, alius
cum ponderis incumbentiſenſu, alius cum tenſione, alius
cum eroſione, incifione, punſtione, perforatione (quæ dif-
ferentiæ ſubacuti doloris nomine comprehenduntur,) alius
denique cum torpore affligit. Primum Medici appellant
pulſativum, qui ut Gal. in 2. *lib. de loc. affect. cap. 3.* ſcribit,
ſequitur inflammatorios affectus notatu dignos, idque ſem-
per in iſſis arteriis, atque in partibus iſſas continentibus,
quas & ob anguſtiam premunt, & cum attolluntur, modo
pars affecta ſentire nata ſit, veluti percutiunt. Nonnun-
quamque in abſceſſibus ad ſuppurationem venientibus do-
lores cum pulſu obſervantur. Secundum gravem vocant,
quod veluti cujuſdam ponderis loco incumbentiſenſum
invehat, atque carnoſa ſubſtantiæ, renum, hepatisque, in-
flammationem, (Galen. in 6. *Aphoriſm. Aph. 5.* docente.) Ta-
lemque dolorem renum eſſe proprium Hippoc. b) in *com. 1.*
text. 1. nobis prodidit, & Galen. in 2. *de loc. affect. cap. 4.* hos
dolores in renibus, in hepate, in ſplene, in cute, in adenis &
in pulmonibus fieri meminit, ex ſiquidem partes (ut ipſe
docuit) vexantur eo dolore a diſtenſione, qvoniã mem-
brana viſcera illa circumvolvẽs gravata, & diſtenta dolet.

Ten-

a) Lib. 3. Epidem. Ægrot. 16. p. 1117.
Text. 5.

b) Epidem. Lib. v. Sect. 1.

Tensivum vero dolorem dicunt, (quem distendentem *Ar-*^{Tensivus.}
chigenes vocat) ubi partes, quæ vel sunt nervosæ, vel muscu-
 losæ, vel membranosæ distenduntur, convellunturve. Quod
 ipsis, vel ex humore, vel ex flatulendo spiritu, vel phlegmo-
 ne accidit. Quartus, qui acutus vocatur, comprehendit ^{Acutus.}
 illum, qui fit exesione, punctione, perforationeque: quæ
 nimis aut acria, aut salia, abstergunt, abraduntque, ex quo
 acutus oritur dolor, qualem patiuntur dysenterici atque alii,
 quibus exeduntur aliquæ partes. Punctorii proprii mem-^{Puncto-}
 branarum existunt, ab acuta bile vexatarum, quales in pleu-^{rius.}
 riticis observamus, pleura quippe vocata membrana in his
 a bile inflammata. His similes videntur, quum vitreo hu-
 more, partes incidente seu perforante, intestina concitantur.
 Cum torpore demum prodientes, seu torporem inducentes, ^{Cum torpore.}
 vel ab ipsorum vehementia resoluta partis calore, aut phle-
 gmone arterias nervosque maxime comprimente, ex quo
 calor ad partes profilire nequit aut paucus, uti in renum do-
 lore, ex inflammatione orto, crura sæpius stupefcunt. Sunt ^{Dolores}
 præterea dolores aliis fixi, alii mobiles, atque vagantes, qua-^{varii.}
 les non raro turgentibus humoribus observamus, alii per-
 petui, alii intermittentes, alii vehementes, atque alii parvi
 existunt: rursusque nonnulli in principio morbi, atque
 alii postea apparent, aliquando in die decretorio, & aliquan-
 do non: quorum etiam aliqui occupant externas partes,
 aliqui internas, aliquique nobiles, atque demum ignobiles
 aliqui. Has omnes dolorum differentias ad Prognosticum
 ægrotorum plurimum facere, Gal. in lib. 6. Aph. 5. meminit.
 Dolores vero omnes fieri ex qualibet re parti noxam infe-^{Unde.}
 rente, non opus est, ut demonstretur. Galen. qui accuratius
 omnes dolorum causas cognovit, pluribus in locis ab al-
 tera duarum eos concitari tradidit, quippe aut a subita par-
 tis alteratione, seu a temperamento continuo parti illato,
 aut ab unitatis dissolutione. Alii unam tantum causam fa-
 ciunt, scilicet unitatis solutionem, quando neque caliditas,
 neque frigiditas dolorem concitat, ni solvat continuum, at-
 que omnes immodicas qualitates ii ex Galeno continuum

solvere affirmant. Ipse sapius fatetur ac docet qualitates has solvere continuum, præsertimque in 4. de simpl. meden. facult. cap. 2. in 3. de fract. in text. 34. & in libro de inæquali intemp. cap. 6. Ex quo mirum non dicentem. Quare dolorum causa erit continuitatis partium solutio, aut ab immotico temperamento confertim parti illato, aut ab incisione, aut ab exesione, aut a fractione, aut denique a tensione, facta. Partes vero internæ dolent interim propter febris vehementiam, nervosas partes siccando convellendoque, aut propter inflammationem, aut erysipelas, aut fortem obstructionem, aut abscessum in visceribus, aut propter flatulentum spiritum. Cum vero ab istis causas dolores fiant, merito, nedum cum aliis morbis, at soli quoque mali sunt; omnes siquidem vires resolvunt, cruditates foveant, humorumque coctiones impediunt; pessimi, in visceribus partibusque nobilibus concitati; longeque omnium perniciosissimi existunt, vehementer viscera vexantes, perpetuo longoque tempore durantes, a quibus viscerum nativus calor destruitur, seu resolvitur, quo adempto visceri quis de aliquo bene sperare potest? minus mali censentur, parvi, mobiles, brevi tempore durantes, quique neque a viscerum quopiam læso prodeunt, sed ab ignobili potius parte quapiam. Quando boni. doque vero in acutis morbis dolores, etsi suapte natura semper mali, bonum prædicunt, non parumque ad salutis prædictionem conferunt, veluti qui, in aliquo dierum judicatoriorum cum signis coctionis, aliquam ignobilem partem, uti crura, pedes ac alia hujusmodi, pervadunt. At de bonis ac malis doloribus, quatenus in acutis morbis bene ac male de ægrotis sperandum, significant, nunc accuratius agamus.

C A P. XIX.

De doloribus salutem prædicentibus.

Dolores aut in principio morborum, vel postea apparent; qui in principio, plerumque pathognomonicorum signorum rationem habent, viscusque phlegmone obsessum

notant, uti quando dolor cum febre, tumore vel tensione partem quampiam exerceat, inflammatoriique hi vocantur dolores. Optimum erit, si neque admodum vehementes, neque assidui dolores sint, brevique tempore, vel tollantur, vel saltem remittantur, atque simul cum ipsis aliud exitiosum signum non illuxerit. Qui vero horum fidelius, seu cum ratione, tolluntur, seu finiuntur, aut remittuntur, optimi sunt: cum ratione vero sublatos dicimus, ubi ipsi ex optima, aut natura, aut ab arte facta evacuatione, remiserint, aut plane finierint, ut cum vel ab emissio per venam sectam sanguine, vel sponte erumpente e naribus, vel a sudore, vel ab alvi dejectione, vel a sputis dolor remittitur, atque etiam si febris eos subsecuta suo calore ipsos resolverit: de quibus Hippoc. in 6. Aph. 40. *Quibus dolor circa hypochondria fit absque inflammatione, his febris superveniens morbum solvit.* Et postea 7. Aph. 52. *Quicumque hepar circumdolent, his febris superveniens solvit dolorem.* De iis vero, qui ex aliqua vacuatione tolluntur in 3. Prorrheticorum a) text. 60. sic ait: *Quibus capitis dolores, cervicis labor, atque totius corporis cum tremore infirmitas, hæmorrhagica solvunt. Ceterum & tempore ita solvuntur: & in 2. Prognost. b) text. 25. Dolorem, qui in iliis affligat, ac turberculum si recens fuerit, nec non inflammatione, solvit murmur incidens circa ilia, sed potissimum ubi cum stercore, & urina ercernatur; & in 2. Coac. prælag. c) sec. 1. text. 32. Quibus in febribus dolores lateris fiunt, iis, alvo multa aquosa bile permixta deiciente, remissio est. Postea in 5. Coac. prælag. d) sec. 1. text. 23. Capitis dolorem solvit pus per nares effluens, sputa crassa, & sine odore, solvit quoque ulcerum eruptio aliquando & somnus, & alvi profluvium. Ac in Aphor. Sect. 6. 10. Quibus capitis dolor gravis cum calore inest, e naribus interim humidum, ex auribus, atque ex faucibus, cum utilitate effluere, veluti Echecrati contigit. De quo in 7. lib. Epidem. text. 65. sic scribit: Echecrati cæco capitis dolor gravis, præcipue in posteriori parte, & cervicis, ubi connexio, & in verticem procedebat, progrediente autem tempore, & ad aurem sinistram,*

Dolores
quinam
optimi.

S 3

& di-

Quinam
abscessus
prænun-
tiant.

Et dimidium capitis dolebat. Mucosa semper prodibat, leniter combusta, et calor comitabatur tenuis, et cibum capere non poterat, interdum facilius, noctu vero dolebat, postquam autem pus per aurem erupit, cessaverunt omnia, erupit vero per hyemem. Hinc Hippoc. in 2. Prognost. a) text. 51. damnavit excreationes omnes, morbum non tollentes, aut non minuantes, præfertimque illas, quæ dolorem non sedant, veluti sedantes dolorem laudat. Quare dolores, qui cum ratione, scilicet ex quibusdam optimis vacuationibus, abeunt, optimam salutis spem nobis pollicentur. Qui vero non tolluntur, seu diu persistunt, sapius abscessus prænuntiant; qui autem boni existunt, posterius, cum de ipsis præsertim agemus, dicemus; hoc unum in præsentia dicam, quippe illos bonos fore a nobis putandos, qui in ignobilibus partibus fiunt, dummodo etiam alia signa id non negaverint. Eorum vero dolorum, qui morbo progressu ostenduntur, illos optimos esse dico, quos judicatorios seu decretorios Medici appellant, utpote quod partim ut signum, & partim ut causa, crisis optimam denuntiant, ut signum, veluti dolores, sanguinis eruptionem, vomitum, vel aliquam aliam vacuationem indicantes. De quibus Gal. in 1. Epidem. comm. 2. text. 55. In ardentibus autem, ceterisque febribus, quos colli dolor, temporum gravitas, caligo oculorum, et hypochondrii etiam contentio, neque cum dolore corripit, his e naribus sanguis erumpit. At vero quibus totius capitis gravitas, tum autem cordis dolores, et fastidia sunt, biliosa post ac pituitosa vomunt. Et Hippoc. in 3. Progn. b) text. 13. Si vero sine talibus (scilicet malis) indicibus fatigans dolor vigesimum transeat diem, et febris detineat, expectari oportet sanguinis eruptionem e naribus, aut suppurationem, si dolor alioqui circa tempora ac frontem affligat. Et in 3. Prorrhetic. c) text. 45. Cervicis dolores, impense rubri oculi, sanguinis eruptionem ostendunt. Et d) text. 50. Quibus ex rigore febres laboriosæ fuerint, muliebria his decurrunt, cervix autem in his dolens sanguinis indicat eruptionem. Ac etiam post e) text. 55. Hypochondrii tensio cum capitis gravitate, et sur-

surditate, & quæ consequenter fatigant, sanguinis pronuntiant profusionem. Et in 4. Coac. præf. *) sec. 1. text. 30. *Quibus febricitantibus rubores in facie, & capitis vehemens dolor, venarumque pulsus, iis ut plurimum fluor fit sanguinis.* Hique sunt dolores, qui optimam crisin denotantes maxime faciunt ad salutis Prognosticum. Longe omnium vero optimi existunt, qui (hos enim decretorios Medici, ut causa, vocant) ignobiles partes, atque a visceribus remotas, pervadunt, atque diu exercent; idque maxime (quod de aliis quoque intelligi volumus) apparentibus signis coctionis, qui in decretorio die cœperint. Ab his quidem doloribus certam salutem præsumimus, si modo, ut dictum est, coctionis signa una illuxerint, nullumque ex lethalibus signis illuxerit. Naturam enim præcipua membra exonerasse, atque noxios humores procul a se protrussisse, nobis sane non obscurum erit indicium. Quo enim longius a principe membro natura propellit noxios humores, eo citius salus speranda, maximum naturæ quod robur denotet, exinde sapius tumores ipsi accersunt, qui, ut inferius docebimus, optimi existunt. De his Hippoc. in 1. Progn. a) text. 67. *Abcessus autem, qui ad crura fiunt in pulmonis vehementibus ac periculosis, omnes utiles sunt.* De quibus Galen. in com. ait, eos optimos esse, si maxime deorsum & quam longissime ab ægrotatione absistant. Et in 3. Coac. præfag. b) sect. 2. text. 4. *in longis febribus vel tubercula, vel in articulis labores fiunt, & si fiant, non inutiles.* Ex quo pedum, crurum, genuum, coxendicum, ingvinum dolores diu durantes, optimi erunt, atque non minus etiam in brachiis, manibus, atque post aures, critice observati. Sæpe fit in febribus acutis, ut natura, parte humorum, quos ad aliquam supradictarum ignobilium partium expulit, exonerata, fortior supra residuum facta, aliquam vacuationem aggrediat, ex qua postea atque doloribus ipsis, trahentibus continue ad ignobilem partem, perfecte a febre judicat. Plurimumque vero fit, ut hi, qui doloribus judicantur, in recidivam

*) Text. 142. a) P. 43. lin. 18. b) Coac. Præf. 118. & Aph. 44. sect. 4.

divam recidunt, quod neutiquam materia illa ad crura, vel ad aliam quampiam ignobilem protrusa, totam causam morificam adimat; si vero illis copiosæ copulentur vacuationes, iudicium totum perficietur: oportet vero partes illas, si debeant ad febrem juvare, vehementer atque diu dolere; siquidem tales dolores plurimum humoris noxii attrahentes, magnam quidem causæ partem revellendo adimunt, ut in *Heropyto* observatum est, de quo in 3. *Epid. a)* text. 80. Hippoc. *Circa diem sexagesimum e naribus quidem substiterunt eruptiones, sed dextra coxendix admodum dolebat, febresque increverunt, haud multo post partes inferiores omnes dolebant, fiebat autem, ut vel febres majores essent, majorque surditas, vel hæc quidem remitterentur allevarenturque, verum partes inferiores ad coxendices sitæ vehementius dolerent. Jam vero circa diem octuagesimum cuncta remissa sunt, nihil tamen destitit, etenim urinæ boni coloris, & copiosiores subsidentias habentes, exstiterunt, deliriaque imminuta sunt. Et uxori Epicratis b)* crura decima die laboriose doluerunt, quem dolorem altera die optima vacuatio, per sudorem secuta, febrem allevavit. Hoc unum in iis doloribus notandum, quod nuper quoque diximus, dolores raro recte judicare morbos per se ipsos, nisi ipsis aliæ humorum vacuationes opem ferant, atque hinc eos, qui doloribus judicantur, recidivare, quia dolores totam noxiam materiam nequeunt a visceribus avellere, sed tantum partem, ex quo reiterari pugnam a natura, si totum morbum expugnare debeat, necesse est. Hinc multæ recidivæ, uti in uxore *Epicratis*, c) *Cleonectide*, d) *Abdera Virgine*, e) Hipp. 3. *Epid. text. 79.* accurate observavit, de qua præsertim dixit: *Vigesimo ei pedes dolebant, surditas & delirium eam deseruerunt, aliquantum e naribus erupit, sudavit, febre fuit liberata. Quarto & vigesimo repetit, rediit surditas, pedes assidue dolebant, mente excidit. Vigesimo septimo multum sudavit, febre caruit, surditas eam reliquit. Restabat pedum dolor, ceterum fuit exacte judicata.*

Hypo-

a) P. 1106. Ægr. 9. b) Epid. lib. 1. p. 979. Ægr. 5. c) Loco ante allegato.

d) Lib. 1. Epid. p. 982. Ægr. 6. e) P. 1103. Ægr. 7.

Hypochondrium etiam finistrum, atque lien in acuto morbo dolere atque intumescere, non inutile esse, Galen. in 3. Epid. com. 1. text. 19. meminit. In ventre vero inferiori; acrioribus humoribus intestinis commorſis, dolores concitati, sæpe iudicium per alvum futurum significant: post aures etiam oborti dolores diu perseverantes cum virium robore criticum tumorem futurum (quem *parotidem* vocant) denotant. Optimi vero non minus ii erunt dolores, qui supernas sedes derelinqnentes, inferius descendunt, ad inferasve delabuntur. Morbum enim quocunque modo longe a principibus partibus recedere, optimum est. De quo Hipp. in 2. Epidem. sect. 5. text. 10. a) Si caput doleat, in pectus descendit, deinde in hypochondrium, deinde in coxam, omnia autem non possunt dolere. Et in 3. Prorrhet. b) text. 23. Dolores, si ad infernas dilabuntur partes, facile ab his feruntur. Ut in Herophonte fuit observatum, de quo Hipp. in 1. Epid. c) Octavo febricitavit, lien residebat, omnia intelligebat, doluit ei inguen primum, secundum lienem, deinde in utramque tibiam dolores. Noctem facilem habuit, urine erant melioris coloris, & residebant in iis pauca. Die nono sudavit, iudicatus est, intermisi. Die quinto rediit, simulque splen intumuit, febris acuta, surditas iterum, post recidivam die tertio, residebat lien, imminuebatur surditas, crura dolebant, recte sudavit, iudicatus est die decimosextimo. Atque hæc de bonis doloribus, de quibus, ut boni sint dicendi, hæc observari debent; primo eos in aliquo decretoriorum dierum incipere cum signis coctionis, ipsosque vel sequi, vel antecedere optimam evacuationem, vel per sanguinem, vel per vomitum vel per ventrem, vel per urinam, vel per sudorem, vel per sputum: demum si boni sint, ab ipsis vel statim vel paulo post ægrotos melius se habere, vel ex toto sanari, est necessarium. Adde quod hi omnes, non parvi, at quidem magni ac laboriosi existunt, neque paululo momento temporis cessant, ac tolluntur, sed quinimo diu vigere debent. Sed jam ad illos, ex quibus præscitur exitium, descendamus.

T

CAP.

CAP. XX.

De doloribus exitium prædicentibus.

Dolores
quinam
mali.

In parti-
bus no-
bilibus.

Capitis
affidui
vehe-
mentes.

Mali omnes sunt dolores nobilem partem corporis ex-
mercentes, tum qui una cum morbo prodeunt, quique
pathognomonica signa existunt, tum qui postea apparent;
ii enim cum aliis signis pathognomonicis, seu propriis, pro-
gnosticum indicant, veluti in phrenitide capitis dolor ve-
hemens atque assiduus, cum aliis phrenitidis signis propriis
exitiosis, lethalis est; sed de his aliis accuratius, quando
de singularum inflammationum prognostico sermonem ha-
bebimus. Sunt vero ex his aliqui ex partis præstantia, qui
plerumque exitium inferre soleant, utpote qui cor invadunt,
os ventriculi, fauces strangulantes, caput, aures, pectus, ac
vesicam. Semper enim in hisce membris dolores sunt per-
niciosi, maximeque cum febre assidua atque aliis sævis sym-
ptomatibus, ex quibus phlegmone illarum partium signi-
ficatur, qui plerumque lethalis existit. De quo Hippocr.
in 4. Aphor. 64. dixit: *In febribus circa ventriculum fortis
æstus, & oris ventriculi dolor, malum.* Et Aph. 65. *in acutis
febribus convulsiones, & circa viscera dolores fortes, malum.*
Ac de faucibus in 1. Prorrh. a) text. 54. *Fauces dolentes abs-
que tumore cum implaciditate, strangulantesque supra modum,
perniciosæ.* Et 3. progn. b) text. 11. Hipp. ait hujusmodi do-
lorem cum orthopnæa, sine apparente in faucibus vel collo
tumore, summe exitiosum: ex tali siquidem dolore guttu-
ris internam atque magnam inflammationem, ut alias quo-
que dicemus, significari, Galen. in comment. docuit, quæ si-
ne dubio lethalis est. Capitis item affidui, vehementes-
que cum febre continua ac magna dolores admodum sunt
timendi, hi siquidem vires resolvunt, vigiliasque & deliria
inducunt, atque demum convulsiones lethales. De quibus
Hipp. in Progn. c) text. 36. *Capitis dolor vehemens, & continuus
cum febre, si quod ex indicis exstiterit exitiosis, lethalis admo-
dum est:* quales Hipp. in Philista, d) Polyphante e) atque

Eual-

a) Text. 86. b) P. 45. lin. 4. c) P. 44. lin. 34. d) Epid. lib. 3. p. 1070.
Ægr. 4. e) Epid. lib. 7. Text. 120. p. 1238.

Eualcide f) famula, phreniticis observavit. De aurium vero dolore in eodem lib. g) text. 36. *Aurium dolor acutus cum febre continua, ac vehementi, difficilis est, periculum enim delirii abolitionisque imminet.* Et de ventre in *Coacis prædictionibus*. h) *A dolore ventris laborioso febris ardens, lethale.* Et de pectore in 1. *Prorrh.* i) *Dolor pectoris firmatus, & ægre auferibilis cum torpore, malus, super febricitantes hi si acute ardent, moriuntur.* Et de vesica in 2. *Prognost.* k) *Si vesica dura est, & dolore vexatur, difficilis omnium & exitialis est: exitiosissima vero est, quæcunque cum febre continua affligit, qui enim ex ipsa vesica fatigat dolor, interimere hominem sufficit.* Quare dolores partium nobilium, si magni sint, in principio morborum acutorum admodum sunt periculosi, & cum malis signis lethales. Qui vero non in principio acutorum, viscerum ac partium nobilium dolores, sed posterius, morbo prægresso, manifestantur, si magni, assidueque sint, perniciosissimi judicari debent; nam hi magnam phlegmonem præter febrem de novo nobile viscus accessisse ostendunt, quæ non nisi a robustissima natura vinci poterit: ex quo merito hos dolores sævissima sequi solent symptomata, quippe extremorum frigiditas non nisi fortem dolorem sequi solet, ut Hippoc. in *Aph.* 26. *sect.* 7. expressit: *In dolore forti ventris, partium extremarum frigiditas, malum.* Deliria sequuntur dolores capitis, phrenitides lethales, vomitus virulenti, convulsiones, abscessus & suppurationes. De iis in 1. *Prorrh.* text. 10. *Qui in capitis doloribus æruginosos vomitus habent, vigilantque cum surditate, cito hi vehementer insaniunt.* In his etiam vomitus virulenti sunt lethalissimi, ut ait Hipp. in 1. *Epid.* 2. text. l) 54. *Sed & virulenta vomunt, & ex his quidam subito moriuntur.* Quod & in 1. *Coac. præsag.* m) *sect.* 1. text. 76. legitur. Convulsiones quoque vel exsiccatis partibus nervosis, vel attracto multo ad dolentem partem humore, non raro videntur, de quibus n) in 3. *Prorrh.* ait: *In capitis dolore Coma* &

f) Ibid. text. 121. g) Progn. p. 44. lin. 45. h) Text. 130. i) Text. 70. k) P. 43. lin. 42. Coac. præf. 471. l) P. 948. sub finem. m) Text. 169. & 176. n) Hiatus hic apprehendet lector attentus, qui hac ratione

Et surditas * abscessum aliquem post aurem eructant. Suppurationem vero indicant continui dolores, ut Hipp. meminit in 7. Aphor. 22. A ventris dolore diuturno, suppuratio. Et in prognosticis, a) dolores, qui circa thoracis ac pulmonis sedes diu consistunt, quique neque sputorum purgationibus, neque ventris dejectionibus, neque venæ sectionibus, neque medicamentis ac victus ratione desinunt, suppurationem significare, dummodo nullum ex exitiosis signis adfuerit, nobis Galen. prodidit; ut in *Egispolis puerotabido* ab Hipp. in 7. Epid. b) text. 48. fuit observatum. Quare hoc modo dolores viscerum, seu partium nobilium, judicandos fore putamus, quibus si aliquod lethale signum simul accesserit, vel eos dolores sequatur, exitium præmonstrabitur, atque non minus, si vel alii fuerint dolores, nobiles partes affligentes, vel alia gravia diversi generis simul illuxerint symptomata; hæc enim (quum plures simul affectus graves ostendant) simul cum gravi dolore, vel multis doloribus si illuceant, perniciem prædicunt: vix unum quidem simplicem morbum magnum natura expugnat, quid cum multis? certe succumbet, nisi robustissima fuerit. De his in 2. Prorrh. c) inquit: *Quibus alvus liquida, lassitudo, capitis dolor, sitis, vigilia, obcuritas & impotentia fuerit, ut hi mente moveantur spes est.* Et in 2. Prorrh. d) text. 40. *Quibus manus*

ratione repleri posse videtur: *De quibus in lib. 1. Prorrh. Text. 115. ait.* In febribus tenuiter exsudantes, cum capitis dolore & alvo intercepta, ad convulsiones proni sunt. *Quod & in Coac. præf. text. 154. & 177. iisdem pene verbis repetitur. Et text. 171.* In acutis capitis doloribus, & torporibus cum gravitate, convulsiones fieri in proclivi est. *Adde & text. 174. Et lib. 1. Prorrh. text. 104.* Faucium gracilium dolores suffocantes convulsivum quid habent, præcipue si ex capite oriantur. Et text. 106. Lumborum dolor, & capitis, & oris ventriculi, cum forti excreatione, convulsivum quid habet. *Quibus ex locis Hippocratis & plurimis aliis patet affatim, dolores partium vehementes aliquando excipi à convulsionibus. Abscessus autem dolorum quoque sequela sunt, de quibus in Lib. 1. Prorrh. text. 168. ait.* In capitis dolore Coma & surditas &c. *lege porro in initio sequentis pag. post * asteriscum.*

- a) Pag. 41. lin. 35. & seq. b) Pag. 1225. text. 60. c) Lib. 1. text. 38. d) Ibid. text. 95.

manus tremulæ, capitis, cervicisque dolores, subsurdique fiunt, & nigra densataque meijunt, his ventura expectare nigra, perniciosum. Et de pluribus simul nobiles partes eodem tempore occupantibus doloribus in lib. e) 2. *Stomachi dolor cum hypochondrio contento, dolorque capitis, malignum.* Sed jam ad dolores partium ignobilium accedamus, quos superius diximus sæpe bonos esse, modo fiant cum humorum quam concoctione, diuque partes illas affligant, neque brevi tollantur, atque ab ipsis febris, ac alia gravia symptomata vel plane tollantur, vel, quod plerumque fit, mitiora reddantur, atque ab ipsis ægroti melius se habeant. Tales vero in diebus decretoriis incipere diximus, nullaque ab ipsis symptomata gravia fieri, neque augeri. Mali vero in ignobilibus partibus in principio morbi, quo tempore omnia cruda existunt, incipientes, a quibus nedum symptomata gravia membrorum nobilium tolluntur, vel mitiora evadunt, at quinimo magis nova sævissimaque tales dolores sequuntur, obortaque sæviora redduntur. Pessimi vero ii sunt, quos in longinqua ignobilique parte obortos, uti in pedibus, cruribus, genubus, coxendicibus, inguinibus, atque in aliis hujusmodi partibus, febris continua sequitur, graviaque non minus ac sæva symptomata, a quibus ægroti in deterius labuntur. De quibus in *Coacis præfugis.* f) *Convulsio in febre, manuum pedumque dolor, maligna sunt: malignus quoque doloris impetus e femore.* Sed nec genuum dolor bonus, ac etiam surarum dolor malignus est, & mentem emovet, tum alias, tum si urinae sublimamentum elevent. Quales fuere prorsus in *Critione*, & *Larissa Calvo*, qui eo morbo interiere. De *Critione* enim Hippoc. in 1. lib. *Epid. g) com. 3. text. 26.* ait, *Critioni in Thaso recto ambulanti pes dolere ex pollice cepit: decubuit eodem die horrescens, fastidiosus, parum calens, nocte desipuit, altero die tumor toto pede, & ad talum subrubens cum contentione, pustula nigra, febris acuta, valde insaniens, &c. postridieque quam ægrotare ceperat,*

Dolores
partium
ignobili-
um
quinam
boni.

Dolores
quinam
pessimi.

T 3

rat, periit. Et de Lariffa Calvo *a)* Dextrum femur doluit repente, nihil ex iis, quæ offerebantur, juvabat. Primo die febris acuta ardens paulatim, neque comitabantur dolores, febris non increvit, implacidior erat, non dormiebat, extremæ partes frigide, multa urina neque ea bona reddebatur. Tertio femur desit dolere, mentis alienatio, & turbatio, multumque sese jactavit, quarto ad meridiem periit. In ambobus his ægrotis dolores pedis, atque coxendicis pessimi exstiterunt, tum quia primo in principio (quo tempore Gal. in 1. de crisi- bus cap. 8. omnes dolores apparentes pessimos vocat) apparuerunt, a quibus febris acuta, delirium, anxietas, vigilia, & alia gravia symptomata prodire, quæ multitudinem humorum præmonstrabant, quæ varias lædebat partes, varia symptomata ac morbos faciebat: idemque in eo, *b)* qui calefcens cœnavit, cui post sævum tum morbum, tum symptomata, decimo die crura doluerunt, a quo omnia exacerbata sunt, & paulo post obiit. In muliere vero apud frigidam aquam *c)* die 27. coxendix diu doluit, a qua febris accessit, & in deterius mulier abiit. Sunt vero non minus mali ignobilium partium dolores, tum qui cito evanescunt atque occultantur; tum qui primo a longinqua parte incipientes postea ad viscera ascendunt, indicio sunt humorum ad nobilia membra delabentium. De his Auctor *Prorrh. in 3. prorrh. d)* 78. dolores absque iudicatione soluti, inutiles: quibus Galenus in comment. addidit, occultati, de quibus ipse sic ait: Repente vero occultari dolorificas affectiones absque hoc, quod in alia quadam, quæ manifesta sit, abscessus fiat, transmigrationem contristantium succorum ad viscera ipsa factam, ostendit. Hi quoque, qui cum inceperint, statim evanuerunt, sed aut qui, cum magni fuerint, diminuuntur, pessimi existunt; nobisque sunt vel naturæ prælanguidæ, quæ totam

a) Epid. lib. 3. pag. 1101. Ægrot. 5. *b)* Epidem. lib. 1. p. 988 Ægrot. 12. *c)* Epidem. lib. 3. pag. 1096. Ægrot. 2. *d)* Lib. 1. text. 170. Ubi Autor noster, Galenum secutus, πᾶς οὖς, omisit, quod tamen Foësius, juxta exemplarium fidem, adjungendum putavit. vide omnino hujus, adnotat. in hunc Aphorism.

tam noxiam materiam a se propellere nequeat, vel multitudinis humorum, quam pars dolens nequeat in seipsam capere, indicia, ut de *Critone* Gal. prodidit. De iis in 1. *Prorrh. text.* 36. *Suræ dolores absque ratione derepente occultati, desipientiam in ipsis parere.* Et in 2. *lib. e)* *Si quippiam in urina sublime petierit, occultato coxæ dolore, delirium portendit.* Atque in *f)* *tertio: Lateris dolor ex sputis biliosis, si absque ratione evanuerit, in furorem aguntur.* Quod neque, ut *Galenus* monuit, semper, neque sapius fit, possunt tamen nedum deliria, sed alia sæviora quoque symptomata prænunciare, ex humore quippe sursum in cerebrum ascendente. Quare pessimi existunt dolores in partibus ignobilibus facti, cito vel repente occultati. Quibus non minus, ut dictum est, timendi sunt, qui in remota a visceribus, seu longinqua parte, concitati ad supernas partes ascendunt. Quos expressit *Hippoc. in 3. lib. Progn. g)* *text.* 70. dicens: *Dolores, qui cum febre sunt circa lumbos, & inferas sedes, si præcordia attigerint, inferas relinquentes sedes, exitiales admodum sunt. Itaque consideranda alia signa. Nam si quod & horum prævum exstiterit, desperandum de ægro est. Si vero, ascendente in præcordia morbo, alia signa parva non exstiterint, talem fore purulentum admodum expectabis.* Ex quo semper humoris ad supernas partes ab ignobilibus e longinquis recursio, mala: uti in 2. *Prorrh. h)* *text.* 51. ait: *ex lumborum recursione, oculi perversio, mala.* Et postea *text. i)* 58. *Ex lumborum dolore ad os ventriculi recursiones febriles cum horrore, aquosa, tenuia, & multa evomentes, mente aberrantes, voce privati, nigra vomentes, moriuntur.* Et in 3. *lib. k)* *Quibus lumborum tenues & diuturni dolores ad hypochondria euntes, & ciborum aversio cum febre, dolor his valens contentusque ad caput perveniens, cito cum quadam convulsione perimit.* Et in 2. *coac. præ sag. l)* *com. 1. sect. 5. text.* 30. *Qui dolores acuti paulisper in claviculas, & in superiores partes transeunt, lethales.* Quamobrem dolores partes lon-

e) Lib. I. *Prorrh. text.* 37. f) *Ibid. text.* 97. g) P. 43. lin. 32. & sq.

h) Lib. I. 69. i) *ib. text.* 83. k) *Prorrh. lib. I. 100. l) Text.* 70.

longinquas exercentes, tam qui occultantur, quam qui ad superas sedes recurrunt, pessimi existunt, ac cum signo pravo lethales. Demum dolores etiam quamcunque partem occupantes, ac affligentes, qui ab ægrotis non sentiuntur, perniciosi existunt, quod vel delirium, vel sentientis facultatis extinctionem denotans. De his Hipp. in 2. Aph. 6. *Quicunque, dolentes parte aliqua corporis, dolorem non sentiunt, his mens ægrotat.*

C A P. XXI.

De prædictione ex lassitudinibus.

Lassitudinum
differentiæ.

Ex lassitudinibus homines sæpius in morbos acutos incidere, neminem in Medicina velatum latet, quod *Sileno m)* contigisse Hippocrat. meminit. De spontaneis itaque lassitudinibus, quas non simpliciter lassitudines vocari Gal. voluit, sed spontaneas, interius causas habentibus, tantum agendum est. Harum autem lassitudinum triplex est differentia, una, quæ ulceris, altera, quæ tensionis, tertia ex ambabus composita, quæ inflammationis sensum præ se fert; prima ex Cacochymia, altera ex plenitudine, tertia ex utrisque una coeuntibus habet originem. Hæ vero plerumque universum corpus, quippe omne genus musculosum, & cutem ipsam, occupant, aliquando dorsum ipsum, quod multis acute ægrotantibus accidisse quisque nostrum sæpius in praxi vidit, aliquando caput, aliquando, ut docet Galen. in libro de curandi rat. per sang. missionem. Jecur, aliquando lienem, quandoque ventrem, interdum costas, septum transversum, vel os ventriculi, vel aliud ex internis membris occupat. Aliquando etiam ex lassitudines in brachiis, aliquando in coxendicibus, cruribus, vel pedibus observantur, quædam etiam ipsarum in principiis ortæ diu durant, & aliquæ in augmento vel statu, atque demum aliæ morbo declinante sentiuntur. Bonæ vero ad prædicendam salutem æstimantur, quæ in brachiis cruribusque apparent, cum signis coctionis; forte enim decumbentis ac propulsi

Lassitudines
quænam
bonæ.

fi

fi humoris a præcipuis membris ad longinquas ignobileque partes, perinde ac dolores etiam, indicant, quæ nedum in hisce partibus, si una cum signis coctionis, at quinimo etiam in universo corpore, præsertimque in dorso observentur, bonæ sunt judicandæ; sæpe enim metastasin, seu transmutationem humorum ab internis membris ad externa, quippe ad musculos & ad cutem factam, sequuntur: ignaræ etiam mulierculæ id scire putant, cum audierint ægrotos lamentari de corporis gravitate tensiva ac phlegmonosa, morbo jam aliqua ex parte declinante, (quod lassitudinis genus frequentius tunc temporis sentitur) eos solantur, dicentes optimum signum esse, atque ~~ex~~ iis nobis significari morbum foras exire: sæpius enim ægroti, qui prius a vehementia morbi vexati, cutaneas illas partes lassatas non sentiebant, lassitudine fracti observantur vel ideo ut jam dictum est, quod vere morbus internas sedes deserat, ad externas exeat. Una quidem omnium est conspiratio partium, atque confluxus, sæpeque noxii humores quocunque modo a natura concocti, e magnis vasis ad parva delabentes, sese in musculos tandem atque vel etiam in cutem recipiunt, lassitudinem efficientes. Hæc enim aliquando abscessus præcedunt, de quibus Galen. in lib. 4. Aphor. 31. scripsit: *Quomodo in febribus facta sit lassitudo, ad articulos, & maxime circa maxillas fiunt abscessus: hoc vero ideo usu venit, quia a calore febrili sublata in caput est humorum copia, quam inde postea ruentem maxillarum adenæ suscipiunt, quomodo fit, quum in alas, & inguina a superioribus partibus aliquid pervenerit.* Optimæ quoque existunt, quæ aliqua vacuatione vel arte procurata, vel sponte præstita, evanescent; optimam quidem vacuationem ac criticam denotant, qua ægroti juvantur; de qua in Coacis prædictionibus. a) *Qui comate pressi, & lassitudine fracti, obsurduerunt, erumpente alvo rubra dejiciunt circa crisin, idque juvat.* Quæ vero vel in toto corpore vel in dorso, vel in aliqua alia par-

Quænam
malæ.

U

te, humoribus nihil concoctis, omnes malæ sunt judicandæ, omniumque maxime cum malis signis prodeuntes, atque si una multa alia sævaque fuerint symptomata. Non minus etiam ex erunt suspectæ, quas nulla vel arte vel a natura facta vacuatio levat, de quibus forte Auctor Prorrheticorum in 2. Prorrh. b) text. 3. *Quibus alvus liquida, lassitudo, capitis dolor, sitis, vigiliæ, obscuritas, & impotentia fuerit, ut hi mente moveantur, spes est.* Et in 1. coac. præf. sect. 1. text. 35. *Delassati caliginosi, pervigiles, in somnum inclinati, desudantes, realescentes, malum:* Et 2. Coac. præf. c) sect. 1. text. 7. *lassitudine fracti cum horrore, cum exsudaverint iudicii modo, & recaluerint celeriter, malum, cum alias, tum si eo tempore sanguis e naribus stillaverit.* Ubi vero multa simul adsint symptomata, cum his pessimum est; multitudine enim humorum naturam undique gravatam, ac oneratam significant. De quibus in 3. Coac. præf. d) sect. 1. text. 34. *Lassati, singultuosi, stupore occupati, malum.* Et postea: e) *Ab oculorum perversione cum lassitudine, & febre, rigor lethalis: coma quoque in iis accidere, malum.* Cum multis itaque symptomatibus lassitudines malæ, lethalesque, si morbo plane crudo sentiantur, & cum aliquo signo pernicioso. Sed de his satis, atque de prædictione a vigilia, somno, comate, ac aliis soporosis affectibus, nunc agamus.

C A P. XXII.

De vigilia, quidque ipsa morbis præagiat.

Tamet si vigilia, & somnus ad primum ac communem sensum, ut Galen. meminit, pertineant, de cuius symptomatibus superius partim egimus, atque nunc agere putamus; nobis vero placuit, absoluto de sensibus particulare prorsus sermone, de vigilia & somno, soporiferisque affectibus, quatenus ad Prognostici cognitionem faciant, hic agere, priusquam a motricis facultatis symptomatis Prognosticum indagaremus. Vigiliam autem ac somnum hic primo naturalem statum non excedentes consideramus, quando hi nihilo tum alterati, tum mutati, quippiam etiam

no-

b) Lib. I. 38.

c) Text. 36.

d) Text. 45.

e) Text. 221.

nobis ad morborum prædictionem afferant. Uterque enim bonus est, optimumque ad præsagiendum erit, si ægroti vigilent, tum dormiant, ut antea, cum recte valerent, consueverant. Impossibile siquidem videtur, hominem ex morbo aliquo mori, vigilia somnoque inculpatis utentem, seu his non aliquo modo mutatis, de his Hippoc. in *Prognosticis* a) 2. *Prorrh. text. II. De somnis autem quemadmodum & ex natura in consuetudine nobis est, interdum quidem vigilare, nocturno vero dormire convenit. Si vero hoc fuerit transmutatum, pejus est.* Et in Aphorismis: b) *Ubi somnus delirium sedat, bonum.* Sed jam ad vigiliam, de qua sejunctim nunc agendum duximus. Ipsa quidem est, ut Gal. docet, animæ extensio a principio ad omnes partes corporis, quam contingit aliquando multam, aliquando paucam esse, quod diutius ac multum quandoque a suo principio extendatur, ac quandoque brevius atque parcius. Quare vigilia exinde fit multa ac pauca: hanc sub sermone de somno, posterius absolvendo, comprehendimus. De illa vero nunc agimus, quæ est multa innaturalisque animæ extensio, ac effusio a suo principio ad singulas partes corporis, quam cerebro exsiccato fieri, a calidis mordentibusque succis, vel halitibus, Galen. multis in locis tradidit, ut in 3. *de loc. affect.* in 4. *de rat. vict. in acut. text. 4.* Propriumque esse vigiliæ, ait in 1. *Prognost. cap. 8.* Et in 4. *de præsag. ex pulsibus cap. 5.* in 1. *pro 5.* ac in 3. *de loc. affectis*, atque alibi, ut a siccitate fiat, veluti somni ab humiditate; uti proprium est caloris, desipientiam deliriumve movere, ita siccitatem vigiliam facere, ex quo eos, qui cerebrum nedum calefactum at simul siccatum habent, cum vigilia etiam delirare, Galen. in 4. *de præsag. ex pulsibus cap. 8.* nobis prodidit, atque senes ex siccitate vigiles fieri in 3. *lib. Aphor. 31.* Sed ex his nunc vigiliarum prognosticum intelligamus, ac inprimis illarum quæ salutem præfagiant. Sunt enim aliqua, etsi omnes malæ sint, optimum significantes, utpote quæ antecedunt bonas crises, quas præcedunt in ægrotis nedum vigiliæ ipsæ,

U 2

at

a) Pag. 39. lin. 47. b) Sect. 2. Aph. 2.

at inquietudines, anxietates, deliria, convulsiones, dolores, ac alia, ut docuit Gal. *in lib. 3. de Crisib.* Tales vero vigiliæ apparent in augmento vel in vigore morbi, quo tempore præsertim ægrotos magna ex parte vigilare, graviter se habere, & vehementius febricitare, quo proprius ad judicationem accedunt, Gal. *in 4. Aph.* 70. docuit. At quinimo Gal. quoque *in 3. lib. de Crisib.* statuit in morbis acutis vigiliam cum signis coctionis crisin significare. De his *in 3. Prorrh.* c) *text.* 40. 43. 44. *Qui compositi perturbantur, pervigilant, naribus stillant, sexto die levantur: & capitis affecti gravitate: & sincipite dolentes, pervigilesque sanguinem profundunt, & qui pervigilaverint, repente cum inquietatione quadam sanguinem profundunt, tum alias, tum si quippiam antea fluxerit, atque etiam d) text.* 57. cum dicit: *Qui in horrore simul judicatorie sudant, postridie vero ubi inhorruerint, præter rationem vigilant, hos sanguinis eruptionem incurfuros, puto.* Et *in Coacis prædictionibus: e) Quæ statim turbulentum ægrum vigilemque reddunt, & alvi excrementa nigra & compacta, sanguinis eruptionem e naribus quibusdam adferunt.* Hæ igitur ex vigiliis salutis spem ægrotis promittunt, non alia ratione, quam faciunt dolores, convulsiones, deliria, anxietates, crisin prædicentes. Hisque exceptis omnes, quocunque modo fiant, ac prodeant, malæ, siquidem vigilia siccat universum corpus, atque, ut Gal. *in 7. meth. med. cap. 6.* docuit, iis est infestissima, qui ex siccitate laborant, quos ipsa, si diu duret, at convulsionem consumptionemque deducit. Ex quo mirum non est, si in ardentibus febribus assiduæ vigiliæ convulsiones lethales accersant, quod immodice alia corpora inflamment, ut in quibusdam febres concitare soleant, maximeque, ut Gal. *in 1. de sanit. tuenda* animadverit, in infantibus. Refrigerant etiam interna viscera, ipforum calorem resolvendo, quod expressit Hippoc. *in Epidemiis f)* dicens: *Evidenter vigilans calidior exterius, interius autem frigidior.* Ibique corpora etiam digerere, ac resolvere vigiliæ, do-

Vigilia
fere
omnes
malæ, &
quare.

e) Lib. 1. text. 132. 135. 136.

f) Lib. 6. sect. 4. text. 12.

d) Lib. 1. Prorrh. 149.

e) Text. 110.

docuit, ex quo vires illis diu perseverantibus valde dejecti, ac exsolvi, Galen. *in lib. 12. meth. med. cap. 8.* prodidit. Ad- damus quoque, vigilias cruditates humorum, ex Galen. *in 1. de vic. rat. in acutis*, fovere, atque augere. Quamobrem hisce de causis vigiliæ in acutis morbis omnes malæ judi- cari debent, omniumque perniciosissimæ perpetuæ, quæ cum omnia prædicta mala ægrotis inferant, quis exitium ab ipsis non prænoscet? Hæ sane familiarius convulsionem accer- sunt, atque delirium, quæ bifariam ab his fiunt, uno modo exsiccatō, ac inflammato cerebro, atque altero humore ca- lido oppleto; quatenus vigilia quævis, ut nuper docuimus, cerebri aut vacuitatem seu exsiccationem, aut humorum ca- lidorum repletionem, seu phlegmonem adesse denotat: ex hac quidem causa cum vigilia deliria & convulsiones concitantur, non omnino lethales; quando interdum vacuato, ac resolutō, aut at aliam partem propulsio calido humore, resolvantur, de quo *in 3. Coac. præ sag. g) sect. 1. text. 36. Pue- ris acuta febris, alvi suppressio cum vigilia, adhæc exaltatio, & caloris mutatio, multus rubor, convulsionem significat.* Timen- dæ tamen cum his maxime sunt, etsi perpetuo non sint le- thales, ex quo probe Hippoc. de his *in 7. Aphor. 18.* dixit: *In vigilia convulsio, & desipientia, malum.* Ex illa vero, cum vigilia, aut post ipsam, convulsiones, aut deliria plane lethalia existunt. Non secus atque convulsiones ardentibus fe- bribus supervenientes, de quibus posterius dicemus, irrepa- rabile exitium prædicant. Qualia in phrenitico tribus die- bus mortuo Hippocrat. observasse, *in tertio Epidem. h) com. 3. text. 75.* meminit. Hæ vero cum aliis signis, quippe cum vomitibus æruginosis, capitisque dolore, delirium ferinum, ac lethale præsagiunt. De quibus auctor Prorrhæ. *in 1. Pror- rhæ. 10.* dixit: *Qui in capitis doloribus æruginosos vomitus ha- bent, vigilantque cum surditate, cito hi vehementer insaniunt,* ut phrenitico nuperrime dicto accidit. Assiduæ itaque vigi- læ ac perpetuæ plane in acuto morbo lethales existunt, qua-

Quænam
lethales.

lēs in *phrenitico*, i) in *uxore Dromeade*, k) quæ a prima die ad quartum usque infomnis. Infomnes multos ardentibus febribus ægrotos obiisse, Hippocrat. in *primo Epidemiorum com.* 2. l) *text.* 29. prodidit. Ex quo merito in 2. *Progn.* m) *text.* 12. dixit: *Pessimum vero est, si neque interdium, neque noctu dormiat.* Dolor enim ac labor, vel desipientia, ab eo indicio significatur. Cum vigilia vero si aliquod ex exitiosis signis etiam illuxerit, plane exitiosum erit. Considerandæ vero sedulo sunt vacuationes, simul cum vigilia non definente observatæ, quæ omnes malæ sunt, quod vel symptomaticam naturæ excretionem, inutilemque, vel pravam præmonstrent, certum exitium denotabunt. Malæ sunt, si sudor capitis frigidus, atque copiosus, assiduus. De quo in 2. *Coac. præfag.* n) *sect.* 1. *text.* 4. *Exsudantes, vigiles, recalciscentes, malum.* Excretionesque aliæ nihilo sublevantes cum signis cruditatis, pessimæ, stillæ narium, vomitus virulenti, existunt. Seqvuntur vigilias aliquando vacuationes, quæ cum nihil juvant, pessimæ judicantur, sæpiusque ægros offendunt, morbum adaugent, quod in omnibus tum vacuationibus, tum symptomatis, ægros juvare debentibus, perniciosum esse, Galen. in *Prorrheticis*, atque alibi docuit, ex eo, quod in morbis acutis excretiones, & alia quæ juvare solent, ni juvant, mala dicuntur; atque si, præterquam quod non juvant, etiam lædant, omnino lethalia dici debent. Sæpe vero, quemadmodum assiduas vigilias in illis morbis diximus sequi convulsiones perniciosas, phrenitides ferinas, ac tremores, ita aliquando comata lethalia subsequuntur: si etenim, ut superius meminimus, a vigilia somnus longus, qui tamen ægros meliusculos faciat, si quatur, optimum; qui vero nihil nedum juverit, sed quinimo ægrum oblæserit, lethalis erit; de illoque in 2. *Aphor.* 2. Hippocrat. dixit: *Somnus delirium sedans, bonum.* Et de hoc: o) *In quo morbo somnus laborem facit, mortale. Si vero somnus juvat, non mortale.* Comata vero, assiduas vigilias secuta, plerumque ex-

i) Vide sub lit. a. k) Epid. lib. 1. Ægrot. 11. pag. 987. l) Pag. 954.

m) Pag. 39. lin. 52. n) Text. 41. o) Aphor. 1. Sect. 2.

exitiosa existunt; quia resoluta, ac refrigerata nativo calore fiunt. Quod summe exitiosum esse Gal. in 4. lib. Aph. 67. scriptum reliquit: insanabilia enim esse frigora, quæ calidis ficcisque succedunt affectibus, ibi docuit. Accidunt vero vigiliis aliquando comata, aut resoluta bile & sicca evaporatione, quæ vigiliarum causa fuerat, remanente pituitoso humore, qui cerebrum humectat ac diluit. Hæc cum signis coctionis, viribus valde consistentibus, haud perniciose apparent. De his (cum de vigiliis abunde scripserimus) nunc accuratiorem sermonem instituemus.

C A P. XXIII.

Quid somni in morbis præsentiant.

Somnos veternosos appellamus omnes, a quibus ægri aut non expergiscuntur, aut non minima difficultate, habentes ad somnum maximam propensionem, quod quidem observamus in Comate seu Cataphora, Caro, Catoche seu Catalepsi, atque in veterno seu Lethargo. Ut vero ex his somnis, ac vel etiam ex naturalibus, scite Prognosticum indagemus, quædam ad horum soporiferorum, ut ita vocemus, affectuum notitiam in primis sunt a nobis cognoscenda; & primo diviso somno in naturalem atque non naturalem: de naturali loquimur, qui nihil aliud est, Galeno auctore in primo Prognost. comm. 12. quam animæ delatio secundum naturam a finibus ad principium, vel est quies vacatioque ab animalis actionibus. In hoc enim calor nativus labore fessus, ac per vigilias exsiccat, copioso humido indigens, in viscera & ventrem convertitur, ibique existente humido recreatus foras erumpit, atque vigilias inducit. Hinc Hippocrat. in 6. Epidem. comm. 4. text. 12. ait: *Evidenter vigilans calidior exterius, interius autem frigidior, dormiens e contrario*: quod in ejusdem libri comm. quinto a) scripserit: *sanguinem in somno ad interiora magis refugere*, ex quo Galen. in comm. text. 30. scribit: *vigilanti exteriora magis calent, interiora magis frigent, & contra*; ex eo quod, ut paulo post, Hippocratis sententiam confirmans, scripsit, in

Somni
veternosi
quinam
dicun-
tur.

Somnus
naturalis
quid.

somnis sanguinem & cum eo naturale calidum interius abdi, & in vigiliis ad extima profundi. Fit vero calore nativo intus retracto, ut exterioribus refrigeratis omnes sensuum actiones atque opera fileant: ex frigidityte hac obstructis meatibus nervorum, per quos calor & facultas exterius profunditur, animalia cessant, ut ait Galen. ab omnibus animæ actionibus; atque hic est somnus naturalis, qui fit, ut dictum est, calore per vigilias exsiccato in viscera ac ventrem recurrente, ut recreetur: hinc ab assumtis cibis somnus solet familiaris fieri, atque etiam, quæ particularis somni quoque erit causa, quod tunc temporis plures vapores humidi & crassi, petentes caput, cerebri meatus obstruunt, a quibus obstructis calor intus clausus, quousque vapores ii non fuerint extenuati ab ipso & excussi foras, ad vigiliam conciliandam profundi nequit. Quare colligamus somnum fieri, aut ubi calor per vigilias exsiccat, humido indigens, ad viscera, ut recreetur, convertitur, aut a vaporibus ciborum cerebri meatus obstruentibus: sed hic somnus ad innaturalium somnorum naturam accedere aliquibus pervidetur; atque ille plane est naturalis, & eo magis, ubi vapores ii copiosiores sunt, quales in ebriis observantur, qui cerebro vini epoti vaporibus oppleto profunde diuque dormiunt. Quod Hippoc. in 5. Aphor. 5. ita meminit, *si ebrius quispiam repente obmutuerit, convulsus moritur, nisi eum febris arripiat, aut ad eam perveniens horam, qua crapulae solvantur, vocem proferat.* Namque hi, nisi a calore vinum ejusque vapores digerantur & discutiantur, suffocantur; hinc merito ait, *hos superveniente febre juvari,* quod calor febrilis, longe naturali efficacior, digerat vapores vini: atque hic unus est ex somnis non naturalibus, quos Medici ex causarum diversitate variis nominibus appellant, licet hos omnes *veter-nosus* vocent. Hic vero affectus foras progredi non potest, sed intus detinetur, aut ob multam humiditatem cerebrum occupantem, aut ob solum frigus, aut ob utrumque, aut ob virium languorem. Somnus is *veter-nosus* proprie dicitur, qui in *Lethargo* concita-

Somnus
veter-
nosus

tur,

tur, veluti qui *Caros*, in affectu *Caro* Græcis, & Arabibus ^{quinanti} *Subeth* dicto, & qui in *Catoche* seu *Catalepsi*, aut, ut vulgo ^{proprie} *Coma* ^{dictus.} *Cataphora* dicitur. Hi omnes sunt somni præter naturam, quorum quoque non minus cognitio est illustranda. Cum hæc ad præsagiendum ex somnis magni momenti sit. Primo hoc supponemus, quippe omnes, qui innaturaliter dormiunt, *comatosos* & *veternosos* vocari. Vocat enim *comatosos* Galenus in *tertio Epid. com. 1. text. 7.* qui habent in somnum delationem ac propensionem. Vocat vero in somnum propensionem, cum ægri vigilare nequeunt, non apertos habentes oculos, sed conniventes. In *secundo vero Aph. 3.* Hipp. *Coma* vocat somnum longum, qui habet difficilem ^{Coma} expergefactionem, qua quidem difficili expergefactione a quid. somno longo naturali distinguitur, uti Gal. prius in hoc eodem libro 2. *Aph. 1.* ita docuerat: *Sed falsos esse quamplures, quod veternosos incipientes affectus longum sibi persuaserint somnum esse. Verum ii a nobis edocti, veternum* (^{νομα} Græcis appellatum) prius dici non posse, quam in expergefaciendo difficultatem habeant conjunctam, nobis somnum recte longum appellari concedunt, qui tempore quidem naturalem superet moderationem, sed nondum ad expergefaciendum difficultatem habeat. Quare lethargicos ac veternosos somnos appellamus, qui habent difficultatem ad expergefaciendum, quippe ubi ægri in somnum ita inclinant, ut oculos apertos non habeant, sed conniventes, palpebras claudere cupientes, simul dormire sperantes. Distinguuntur vero somni veternosi species ex eo, quod quidam somni ^{Somni} ^{veterno-} ^{si specus} ^{quomo-} ^{do di-} ^{stinguun-} ^{tur.} nullum aliud quam ad somnum propensionem præ se ferunt, cujusmodi vere *coma*, *cataphora* & *marcorem* dicimus; alii vero nedum habent in somnum delationem, sed *marcorem* & *inexpugnabilem* pene dormiendi necessitatem, qualis in *lethargo* observatur: & alii una congelationem seu deprehensionem omnium corporis partium ostendunt, cujusmodi sunt in congelatis, qui affectus Græcis *Catoche* & *Catalepsi* dicitur; alii denique una cum somno vel difficili, aut

fere inexpugnabili dormiendi necessitate, una motu omni ac sensu destituuntur, mensque non minus vitiatur, quales *Caros* Græcis, & *Subeth* Arabibus affectus, ostendit. Differunt etiam hi veternosi somni, quia ipsorum alii simplices ac tales exquisitæ sunt, & alii vigiliis misti. Proinde coma distinguitur in *coma* simpliciter, & in *vigil* appellatum, quod Græcis *Coma ἀγερτων*, hoc est absque somno dicitur, veluti alterum *Coma hypnoticum*, hoc est, somniculosum. Veluti *Typhomaniæ* affectionem appellamus ex lethargo ac phrenitide mistam, in qua dormiunt, vigilant, delirantque. De qua Hippoc. in *Epidemiis*: a) *Nec phreniticorum ullus valde insanivit, sed alia quadam Cataphora segni graviter interibant.* Sed jam causas veternosi somni differentiarum his præmissis prodamus. Comatis seu Cataphoræ Galen. in *tertio Epidem. com. 1. text. 7.* quatuor esse causas statuit, quippe primam ubi multum humecta pars sit, quæ est sensus fons; in qua vel etiam Aristot. fieri somnum recte demonstravit, ut nonnullis ebriis usu venit. Secundam ait esse solum frigus, ut fit ex narcoticorum usu. Sed frigus aut principio obsedit, aut postea ab immodico calore flammeo naturali fere consumto, quod mortiferum esse, post ea intelligemus. Tertiam esse tum frigus, tum humiditatem simul, quinimo his duabus concurrentibus causis fit somnus comatosus. Quartam esse virium infirmitatem, quod genus comatis fit in moribundis, ut ibid. Galen. habet, propter infirmitatem virium, apertas palpebras servare non valentibus, ac ita affecti hoc habent, ut postquam oculi conniverint, aut nihil prorsus aut parum dormiant, sed vigilent, nec attollere tamen palpebras queant. In *lib. 2. aph. 3.* ac in *3. de locis affect. cap. 3.* & in *4. de præfag. ex pulsib. cap. 8.* & in multis aliis locis docet Galen. siccitatis propria signa esse vigilias, & humiditatis profundum somnum, & frigiditatis fatuitatem itidem cum somno profundo, ut ex usu narcoticorum apparet, cum humiditatis tum refrigerationis cerebri lethargicum somnum, veluti frigidi-

Somni
veterno-
si diffe-
rentia-
rum
causæ.

giditatis & ficcitatibus Catalepsin, id est, deprehensionem seu congelationem, ex quo affectu non sunt comatosi, sed sub-
latis oculis intuentur inconniventer. Atque tot sunt ex
Galeno causæ soporiferorum affectuum exquisitorum. Ubi
vero misti sunt affectus ita, ut comatosi vigilent, ac vel et-
iam delirent, mistas quoque habere causas necesse est. Di-
ximus Coma observari somniculosum, & vigil; illius au-
distis causas; hoc vero fit, Galen. auctore in 1. Aph. & in
eodem lib. 4. de præsa. ex pulsibus, cap. 8. ubi cerebrum cum
humiditas tum caliditas occupaverit: eodem quoque mo-
do ubi humores calidi & pituitosi fuerint in cerebro, ex
quibus mistis humoribus fit mista illa affectio ex phreniti-
de ac lethargo, quam Græci *Typhomaniā* appellant; in
qua quidem ægroti perpetuo dormiunt & vigiliant, de qui-
bus Hippocrates in 3. Epid. comm. 3. a) text. 16. *Nec phre-
niticorum ullus valde insanivit, sed alia quadam cataphora se-
gni graviter interibant, & comatosi diu, rursusque insomnes
erant.* Galenus in commentariis ait, fieri coma vigil, ubi et-
iam humores frigidi in cerebro putrescent, ab humiditate
enim comatosi, & ab acrimonia ex putredine concitata vi-
giles atque deliri evadunt. Atque tot hi affectus habent
causas, quibus præmissis reliquum est, ut ad somnorum
prognosticum descendamus, a naturali facto principio.

Nam quemadmodum innaturalis omnis malus, ita natura-
lis omnibus bonus; hic enim humores concoquit, ut Ga-
lenus docuit in lib. 4. Aph. Hippoc. in 6. Epid. com. 4. text.
12. a calido interiora petente: per somnum enim aucto in-
terius calore, ut ait Gal. in 3. de caus. pul. cap. 9. In Vent.
in venis arteriisque ac in toto animali meliores fiunt con-
coctiones, ob quam causam in principio internarum inflam-
mationum sunt fugiendi, quod materiam ad profundum
& ad viscera trahant, eodem Gal. docente, in eodem 4. Aph.
67. in quibus affectibus Galenus dicit, somnos esse plane
perpetuo fugiendos propter allatam causam, nisi coctionis
ratione plus afferant utilitatis: utiles sunt in morbi decli-
natione, quo tempore si lædant, sunt perniciosi, ex Gal. in

Somni

unde

cogno-

scuntur

boni &

utiles.

2. *Aphor. 2.* Cognoscuntur vero boni ac utiles ex eo, quod vel inflammationem, vel febrem, vel dolorem, vel delirium sedant, quod faciunt, ubi materiam noxiam concoquunt, & digerunt, de quibus Hippoc. in 2. *Aph. 1.* ait: *In quo morbo somnus laborem facit, mortale, si vero somnus juvat, non mortale, sed utilis est & bonus; in plegmonum, dolorum & febrium declinatione, si juvat, est salutaris: ac ut uno verbo dicam, perpetuo ille somnus dicetur bonus, qui juvabit, ex eo, quod significat calorem humores concoquere ac digerere; quo sensu dixit Hippoc. in eodem libro Aphorismor. a) Ubi somnus delirium sedat, bonum.* & Gal. in *comm.* somnum commendat, ubi inflammationem, vel febrem, vel dolorem, vel delirium sedat. Cognoscitur vero bonus vel ex eo, quod, uti in 5. *Coac. præfag. b)* 1. habetur, sit profundus neque turbulentus, hi enim habent firmum judicium. Optimus est somnus, qui plures vigilias sequitur, ubi ægroti suavius dormiunt, etiam si diu perseveraverit. Gal. siquidem in 1. *prorrh.* narrat quosdam, qui cum tribus quatuorve diebus vigilassent, per diem noctemque dormiisse magno juvamento: omnium maxime pueris auxilio esse solent, atque in ipsis laudantur. Atque hæc de somni naturalis judicio; nunc de iis, qui præter naturam sunt, dicamus. De quibus in *Coac. præfag. c)* legitur: *Sopor ubique malus.* Nam etsi in ebriis, ut aliqui dicunt, somnus neque plane commendetur, neque damnetur, tamen plures ipsorum cum diem sopore profundo duxissent, itidemque & noctem, nunquam amplius revixerunt. Proinde divine quidem Hipp. de his ita habet in *Aphorism. d)* *Si ebrius quispiam derepente obmutescat, convulsus moritur, nisi febre corripiatur, aut qua hora crapula solvitur, vocem recuperet.* Sed utrum ex comatosi somni quicquam boni possit significari? Certe quidem, quando non raro crises, quæ sanguinis e naribus aut parotidum eruptione fiunt, præcedant, sanguine quippe in caput sublato: sed hujusmodi judicium coctionis signa in excrementis, & alia critica signa confirmabunt. De quibus

Somni
unde co-
gnoscon-
tur boni
& utiles.

Somni
comato-
si ali-
quando
boni.

bus in 3. *Prorrh. a*) legitur. *In capitis dolore coma & surditas abscessum aliquem post aures eructant: & postea: b*) *Hypochondrii contentio cum comate fastidioso & capitis dolore parotidas effluere faciunt.* Sed ad malos somnos, qui omnes tales censentur, ubi modum naturæ excefferint, & Hipp. in 2. *Aphor. 3.* ita scribente: *Somnus atque vigilia utraque, si naturæ modum excefferint, malum.* Sed maxime dormiendi spectanda erit consuetudo, cum sit altera natura. Mali præterea omnes haberi debebunt, qui nihil juvant, & omnium maxime qui lædunt. Hipp. de his in 2. *Aphor. 1.* ait: *In quo morbo somnus laborem facit, mortale: & Gal. in comm.* ait: *quemadmodum somnus in accessionum declinatione est utilis, si juvet ægrotum, ita si ipsum lædat, esse lethalem.* Docet Somni vero ibi Gal. somnos lædentes esse in febribus, a quibus vel quinquam febres, vel symptomata non diminuuntur, sed augentur, vel in febribus exacerbantur, aut nova fiunt; uti cum dolores concitantur, vel deliria, vel ubi ante somnum ægroti deliria loquuntur, dunt. exasperfacti etiam perseverant in delirio, aut si ex somno coma evadit, quippe ubi post somnum difficulter, vel non, excitantur. Hujusmodi omnia fieri propter humorum malignitatem, qui cum calore naturali non concoquuntur, ad viscera recurrunt, eaque aggravant, ut Galenus ibidem nobis prodidit. Comata vero in principiis morborum, ut- Comata exitiosa. pote quod soleant fieri a multa humiditate, cerebrum diluente, non nisi gravis ac periculosi morbi erunt indicia, cum tantam humorum multitudinem significant, atque ea cerebrum lædi cœpisse, quæ clarius judicabuntur ab iis, quæ post ea illucent. Nam si lethale signum illuxerit, perniciosum est, sicuti in uxore *Olympiadæ*, ut ex 7. *Epid. text. 49. c*) constat, fuit observatum. Hæc enim quinta die facta comatosa excitantes non sensit, voxque, quæ ei defecerat, non solvebatur, nec quicquam allevabatur, spiritusque aderat sublimis, qui per nares trahebatur, a quibus, coma fuisse perniciosum, præostendebatur. Coma itidem, quod non in principio, sed in vigore post calidissimum sævissimumque

X 3

mor-

morbum apparet, est exitiale non minus quam ex virium languore concitatum, quale in *Hermocrate* fuit observatum, de quo Gal. in 3. *Epid.* a) ita habet: *Reliquum ergo est, per refrigerationem insignem cerebri, aut facultatis imbecillitatem Hermocrati Coma induxisse die undecimo. Utrum autem sit horum, extreme est perniciosum. Nam insanabilia ea esse demonstratum est frigora, cum calidis morbis ac siccis succedant. Sed quod virium imbecillitas facit, exitium proximum notat.* Diximus aut cognosci hoc genus comatis ex Gal. in 3. *Epid. Com.* 1. *text.* 7. ex eo, quod ita affecti, postquam oculi con- niverint, aut nihil prorsus aut parum dormiunt, sed vigi- lant, nec attollere tamen palpebras possunt. Demum exiti- osum non minus esse coma illud constat, in quo, ut Gal. in 3. *Progn. text.* 11. Comatosi sublati oculis intuentur inconniventer. Cujusmodi in congelatis seu deprehen- sis observatur, de quo ibi Gal. ait: *Considerari autem convenit hunc in modum suspensiones etiam oculorum per somnum: Si quid enim candidæ partis subapparet commissis palpebris, nec alvi fluor aut medicamentum in causa est, nec ita dormire consuevit, vitiosum indicium, lethaleque admodum est. Quod fa- cultatis moventis palpebras extinctionem significet. Quod in uxore Theodori, ut ex 7. *Epid. text.* 27. b) apparet, fuit obser- vatum. De qua Hipp. ait: *Similiter oculi demissi ad infer- nam palpebram magis inclinantes rigide ac stupide intuentes, albæ ocularum partes pallidæ & mortales.* Hoc modo spe- ctant congelati, qui affectus Græcis *Catochi* & *Catalepsis* di- citur, seu *Catocho* vexati, ut Gal. in *Prorrh.* de quibus Au- ctor ille in 3. *lib.* c) scribit: *cum virium exsolutione cum ca- tochas tum aphonias esse perniciosas.* Ceterum ex comate li- cebit iudicium facere non tantum ex ipsius causarum varie- tate, sed etiam ab iis, quæ præcesserunt, & una cum coma- te illucet, atque ab iis non minus, quæ postea apparent. Veluti a prægressis signis, ubi a longa vigilia, exempli gra- tia, ex calidissima siccissimaque causa oborta, coma postea fiat,*

a) Vide historiam in Hipp. lib. 3. *Epid.* Ægr. 2. pag. 1062.

b) P. 1216. c) *Prorrh. text.* 96.

fiat; hoc enim esse lethale signum, alias a nobis dictum est, quando nuper fuerit demonstratum, lethalia esse frigora, quæ succedant calidis ficcisque morbis. Hinc Medici omnes colligunt veternum a phrenitide esse exitiosissimum morbum. Quare & coma vigilias secutum, nisi criticum sit, perniciem ostendit. Eodem modo ex signis, quæ simul cum ipso comate, bonis & malis, bonum malumque fiet iudicium. Nam cum simul alia gravia symptomata illuxerint graves affectus, simul & iudicium erit difficile, ut quando comatosi sunt, simul etiam vigilant, qui affectus solet denotare haud parvam malignitatem; ubi etiam comatosi vigilantes quoque & deliria loquuntur, quod iudicium notasse Hippoc. in 3. Epid. a) dicemus. Cum vero cum comate etiam gravia symptomata illuxerunt, grave redditur iudicium. Nam auctor Prorrh. in 2. Prorrh. b) text. 57. ait: *Coma cum oculorum perversione, malum*: & in lib. 1. comment. 5. text. 32. & 33. Coac. præfag. c) *Qui comate oppressi, ab initio exsudarunt leviter, urinis coctis ardentes citra iudicium refrigerantes, brevibus intervallis ardore redeunte, torpidi, oppressi comate, convulsione subinde capti, perniciose habent*. Neque mirum, cum concursus notet multorum lethalium signorum: & in sequenti ait: d) *Somni similes iis, qui comate laborant, & perfrigerationes lethales*. Sed hoc erit in feбри ardente intelligendum, in qua ægri intus uruntur, exterius algent, in quibus coma semper perniciosum erit. Ab iis vero, quæ postea sequuntur, probe quoque sciri potest, quid ipsum coma mali portendat. Aliquando enim criticum esse ostenditur, cum ipsum bona aliqua evacuatio sequatur, aut aliqua excretio. Proprium vero comatum esse videtur, ut critice parotides futuras soleant portendere, de quibus in lib. 5. com. 1. text. 25. Coac. præfag. e) *Comate pressi, fastidiosi, ab Hypochondrio dolentes, pauca vomentes, in aures abscessus habent*. Prius autem tumores circa

Comata
quid cri-
tice so-
lent por-
tendere.

fa-

a) Sect. 3. pag. 1085. & sparsim in historiis Ægrotum illo in libro expositis. b) Lib. 1. text. 89. c) Text. 180. d) Text. 181. e) Text. 183.

faciem cum comate. Aliquando vero purgationem per alvum; de qua etiam in eodem libro* legitur: *Qui Comate pressi, labore & lassitudine fracti, obsurduerunt, erumpente alvo, rubra dejiciunt circa crisin, idque juvat.* Auctor Prorrh. a) lib. 6. Coac. præfag. com. 1. text. 33. & lib. 1. text. 1. dicit, *stillas sanguinis in comatosis esse lethales*: idemque significant ceteræ aliæ omnes malæ evacuationes, & omnia mala symptomata: si enim talia post coma illuxerint, judicium erit periculosum, veluti si in comatosis succedant convulsiones, deliria, aphonia, anxietates, dolores viscerum fortes, atque alia, quæ nedum non bona, sed quinimo apprime pernicioſa existunt. Atque his claudatur sermo de Prognostico a somnis judicando susceptus.

FINIS SECUNDI LIBRI.

PROSPERI ALPINI LIBER TERTIUS.

C A P. I.

*Quantum ad prædictionem cognitio motricis facultatis
Medicis conducat?*

Probe cognita firmitate, imbecillitatem facultatis rationatricis, atque ab ea quoque modo, quo prædicendum sit in ægrotis, perspecto, restat, ut tantundem quoque in motrice laboremus. Cujus quidem facultatis cognitio ceteris ad prognosin non minus est utilis. Hanc vero recte valere, & robore non carere, denotant partes corporis, ubi recte ac secundum naturam moventur; & impotentiam seu imbecillitatem actiones diminutæ, aut vitiatæ, aut prorsus sublatae declarant. Est vero motricis actio læsa, qua imbecillitas facultatis dignoscitur, triplex: quippe aut imminuta, aut sublata, aut denique vitio quopiam affecta. Diminuta hæc facultatis actio in senibus maxime obser-

Motricis
facultatis
cognitio
quantum
ad præ-
dictio-
nem,

* Text. 182. a) Lib. I. Prorrh. text. 1. & Coac. præfag. text. 179,

servatur, qui sane caloris innati defectu ægre partes corporis movent, sæpiusque in his partes ob eam causam tremunt. In resolutis & congelatis prorsus tollitur; vitiaturque in convulsis & epilepticis. Partibus itaque corporis secundum naturam admodum se habentibus, facultatem recte valere, roboreque non carere, scimus, quod in morbis perpetuo bonum sit, licet ex hoc solum non debeamus iudicium de morborum eventu facere: sed tempus exoptulat, his præmissis, ut sigillatim præsagium ex singulis huiusce motricis facultatis symptomatis persequamur, a decubitu ægrotantium exordientes, cum ex ipso motricis facultatis robur atque infirmitas maxime nobis innotescat.

C A P. II.

De prædictione ex decubitu, & primo de optimo, qui salutem præsagit futuram.

Decubitus in ægrotis motricis facultatis potentiam ac infirmitatem, seu debilitatem omnium maxime ostendere, neminem Medicorum latet; & merito sane ex ipso decubitu possumus, quanta ea sit facultas, conijcere. Decubitus quid in ægrotis notat. Motus enim, qui in decubitu fit, a duobus quidem pendet; a facultate quidem membra movente, atque ab ipso quidem corpore, ejusque membris per se motis. Hoc in cadaveribus spectatur, & moribundis, qui ex gravitate deorsum moventur; illud in recte valentibus, & in ægrotis ad sanitatem inclinantibus. Recte sane Diocles dicebat animalium corpora ἐκ τῆς φέροντος καὶ τῆς φερόμενης, id est ex ferente, & ex eo quod fertur, constare. Nam anima quidem seu virtus ipsa est, quæ fert; corpus vero id, quod fertur; hoc naturaliter deorsum movetur a gravitate, illa sursum deorsum, ante, retro, in latus movet ad arbitrium, aut quasi suspensa in aere membra continet, dum musculos contrahit, tendit; sistit, ne proprio & elementari motu deorsum delabantur. Ubi itaque corpora vix moventur, convertuntur, eriguntur, sed præ gravitate facilius deorsum delabuntur, nobis significant facultatem animalem majiori ex parte esse

Y

ex-

Decubi-
tus qui-
nam bo-
ni.

extinctam ac resolutam. Hac enim integra existente, nihiloque diminuta, corpora facile quomodo libet ab ægrotis moventur, convertuntur, eriguntur, brachia, manus, caput in aëre sustinentur, atque hoc est vivere, seu vita, quæ eatenus est, quatenus anima ipsa corpori firmiter copulata manet, qua disjuncta a corpore mors succedit, seu interitus. Ubi itaque plurimum ipsa anima in corpore valet, optimos decubimus spectamus, eaque prælangue, pessimos. Sed age de bonis modo agamus, & quomodo in acutis morbis ab ipsis liceat prælagii rationem habere. In 7. *Coac. prælag. a) sect. 2. text. 27.* scriptum est, optimum esse decubitum, veluti quis sanus solitus fuit decumbere. Neque mirum, cum ii, qui gravi morbo laborant, non possint eo modo decumbere, ut antea per sanitatem solebant. Fracti viribus supino decubitu oblectantur, distentis cruribus, ac brachiis jacent, inquieti ac anxii in uno decubitu consistere nequeunt, nullamque formam decubitus servant. Delirantes se ipsos foras e lectulo projiciunt, pedes ac etiam pudenda nudant, aliquando profiliunt. Moribundi præ facultatis impotentia ad pedes deorsum delabuntur. Quare decubitus, qualis fuit per sanitatis tempus, seu qui sanorum sit similis, merito optimus erit, & significat ægrotos non vexari maligno, aut periculoso morbo. Quem Hippoc. quoque in primo *Prognost. b) text. 16.* laudavit, cum ita dixerit: *At ita cubare ut sani solent, saluberrimum est.* c) Optimum vero est, ubi corpus, quod laborat, facile convertatur, assurgendoque alacre sit, decumbat, stet, membra sustineat. Hæc enim actio prompta ac expedita nervorum robur, spirituum copiam, & facultatis animalis integritatem denuntiat. Atque hoc est, quod Autor præf. *Coac. d) lib. 7. sec. 1. text. 20.* ita habet: *Converti autem facile ægrum oportet, alacremque esse, dum se attollit, exsurgitque.* Hipp. vero in primo *Progn. e) text. 16.* de optimo locutus, ita habet: *Cubantem offendi ægrum a Medico oportet in latus dextrum aut sinistrum, ac manus, cervicem & crura*

a) Text. 497.

b) Pag. 37. lin. 33. & seq.

c) Progn. pag. 39. lin. 33.

d) Text. 493.

e) Vide sub litera b.

Et crura paululum reducta habentem et omne corpus molliter positum: ita enim plerique bene valentium cubant. At ita cubare, ut sani solent, saluberrimum est. Ex quibus colligitur tria ad optimum decubitum expeti, primum ut ægroti in alterutrum latus cubent, quod sane, ut Galen. docet in *commento*, talis decubitus indicat robur facultatis per musculos firmantis corpus; veluti debilitatem ostendit, ubi in latus æger cubare nequit. Secundum, ut manus, cervicem, & crura paulum reducta habeat; hoc enim consuetum plerisque benevalentium est. Tertium, ut corpus molliter positum jaceat. Galen. vero in *primo libro de Humoribus text. 24.* ait, ut totum corpus non siccum, sed humidum sit. Non ut putant aliqui, quod corpus omne aque calidum molleque esse debeat, sed ut recte Galenus docuit in *primo Prognosticorum* loco citato, quod secundum declaret, quippe corpus ægri debere manus, cervicem, cruraque paulum reducta, minimeque immoderatus aut reducta aut extenta habere; & quod intensa sicca omnia videantur, propterea laudavit corpus molliter positum, id est, ut non siccum, sed humidum.

Quod Galenus in *Comment.* ita expressit: *Igitur immodici habitus, extentis admodum nervis, officiunt, quomodo libro de motu muscul. jam definitum est.* Qui vero inter habitus immodicos incidit, nequaquam intentus est; quo circa talem vocavit mollem, quia corpora molliora intendi non solent. Quam rem clarius quoque declaravit in *lib. 1. de Humoribus com. 24.* Quo circa oportet, ut ipse consulit, brachia, & crura parum reducta esse, ut totum corpus jaceat extra figuras extremas; extremas autem figuras intelligo, in quibus longa extensio aut flexus, sive artuum, sive spinæ sint, quæ nervis supra modum extentis fiunt. Atque hi sunt optimi decubitus, qui cum aliis bonis signis salutem prænuntiant. Nunc ad significantes contrarium declinemus.

CAP. III.

De malo decubitu in acutis morbis, exitium denotante.

Decubi-
tus qui-
nam ma-
lus.

Malum omnem esse decubitum, qui recte valentium non est similis, ex præmissis cognoscitur. Quemadmodum etiam dictum est, optimum esse, si quis ægrotus alacriter assurgat, aut in lectulo convertatur, quod vigere facultatem animalem, motricem appellatam, indicat; ita si cum labore, & gravitate moveatur, prælanguidam ostendit. Ex quo in *Coacis præsagiis a) lib. 7. sect. 2. text. 21.* legitur: *At gravitas totius corporis & manuum ac pedum mala est*; præsertimque non oppressis musculis plenitudine, nec subita aliqua vacuatione aut occasione manifesta prægressa. Cum gravitate vero hac, (quæ motricem læsam denotat) si digiti (addidit auctor *Coac. præsag. b) in text. 22.) lividi sint, & ungues, mors est in propinquo*, quod gravitas corporis animalem defecisse facultatem, & lividitas digitorum, & unguium, caloris conspicuam, qui a corde manat, extinctionem significet. Damnatur quoque decubitus propterea supinus ab Hippocrate, qui extremas figuras ostendit, quod in *primo Prognosticorum text. 17. c)* ita expressit: *Supinum vero cubare manibus & cruribus extentis, minus bonum est: sed in Coacis d)* rectius scriptum est, *bonum non est.* Et Galen. in *comment.* dixit, talem habitum jacentibus omnino bonum non esse, idque vel etiam ita esse, ex *Hippocrate* demonstrat, cum ipse dixerit ibidem, si vero proclivior fuerit, & subinde ad pedes delabatur, majori cum periculo est; tanquam enim prædictus habitus cum periculo sit. Hunc vero decubitum, Galeno visum est, neque ad sanitatem, neque ad mortem prædicendam, vim insignem habere.

Decubi-
tus supi-
nus qui-
nam ma-
lus.

Ceterum non desunt, qui cum putent supinum decubitum esse bonum, & primo, quod ingenti labore fatigati eo decubitu maxime recreentur; quoniam omnes muscoli (Thoracis exceptis) quiescunt, atque etiam, quod, supino corpore, in partem imam ac gravissimam, ceu navis carinam,

a) Text. 493. b) Textu eod. c) pag. 37. lin. 39. d) Text. 497.

nam, homines procumbant; non minus etiam, quod resolutæ vires animales non alio decubitu magis tueri possint, ac etiam ad excludendos calculos e renibus, e vesica, hic jacentis habitus conducatur. At si hac ratione bonus decubitus vocetur, quis dubitabit etiam malum esse? Cum musculi Thoracis, ascendentes inter inspirandum, supino homine magis laborent, quam ipso erecto, aut alio modo decumbente. Hic etiam decubitus, si diu servetur, multos morbos vel etiam gravissimos parit, ut epilepsiam, incubum, paralyfin, atque apoplexiam. In supino enim decubitu humores, vaporesque ad postremum cerebri ventriculum omnium dignissimum, destillationesque facilius ad thoracem, atque ad renes deducuntur. At hoc modo nos non consideramus, quatenus nimirum causa vel boni vel mali ad corpus esse possit, sed ut signum sit ad prognosin faciens. Qua ratione perpetuo dicimus significare facultatis debilitatem; omnes enim, qui supine jacent, nisi sane ita consueverint jacere, debiles sunt. Hic vero decubitus, quippe supinus, aliquando est arbitrarius, & fit præ molliæ quadam & langvore animi, vel præ mœrore: ita aliquando decumbunt ægroti, aut præ accessionis vehementia, aut denique ex insigni vacuatione. In his quicquam certi supinus decubitus ad præsagium non habet. Ubi vero ab iis non fit, sed supine jacent, manibus cruribusque extensis, malum est; malumque itidem est, teste Hippoc. in *text.* 21. *primo prognost.* a) si crura cubant supini admodum reducta distractave fiant: delirium enim significare Gal. docuit. Si vero, ait Hippoc. b) *proclivior est, ac deorsum delabitur subinde ad pedes, majori cum periculo est.* Nos vero dicamus, hunc esse exitialem decubitus. Pessimus vero erit, ubi etiam corpus supine decumbit, quasi projectum cadaver, ita ut omnia membra postrata sint, caputque in pulvinare erectum reflectatur, aut sublato mento, quicquid est anterioris colli, emineat, aut mentum claviculis contiguum sit. Proximæ enim mortis est argumentum. Soluta enim ani-

Quænam
mala
produ-
cit, si diu
servatur.

Decubi-
tus qui-
nam pes-
simus.

Y 3

ma

a) P. 37. lin. 39. & 47.

b) Ibid. lin. 41.

mæ potestate grave corpus in dorsum jacet, projectis cruribus & manibus ad pedes devolvitur, vel existente mento & gutture caput in posteriorem partem recidit, vel quasi annuens claviculis incumbit. Quo sane decubitu in foribus exitium esse significatur. De quo Galen. *in lib. 1. de Humoribus text. 24.* ita habet: *Scito igitur nunc defectionem appellari, cum quis modo hominis viventis decumbere non potest, sed tanquam mortuum inanimumque corpus deorsum fertur.* Cum enim quis jacens ad pedes sublabitur, ut Hippoc. sensit, signum est virium ad extremam imbecillitatem perductarum; non posse aut stare, vel sedere, vel exsurgere, est certe minus grave; sed defectum esse modo inanimi corporis, cum robur universum est ex omni parte exsolutum, & perditum, ἐξερπίσσει vel Erriphte, scilicet defectum, idem *in sexto Epid. a) com. 1. text. 33. cap. 4.* docuit. Quem decubitum ad pedes, Galen. demonstrat *in libro 3. de motu musculorum*, exemplo cadaverum, esse exitiāissimum; quod si corpus hominis mortuum sic inclinaveris, non enim ne minimo quidem tempore manebit, sed supinum aut prorum statim fiet, quocunque gravitate verget.

Decubitus ad pedes pessimus

Oris hiatus interdormiendum, pessimus.

His addamus eos non minus perniciose se habere, qui hiant ore dormiunt, teste Hipp. *in primo Progn. b) text. 20.* qui dixit: *Si vero hianti dormiat ore, exitiosum est.* Quod præsagium diverso modo expressit Auctor *Coac. præf. c) 7. lib. sect. 7. text. 30.* cum dixerit: *lethale autem est, & hianti ore dormire semper & crura supini jacentis valde incurvata esse ac complicata.* Oris hiatus fit vel propter facultatis maxillam inferiorem moventis imbecillitatem, vel propter ingens cordis incendium, aut ex utraque hac causa, vel propter particularem resolutionem musculorum, qui maxillam inferiorem cum superiori committunt. Galen. *in 7. lib. text. 29.* vero ait: multo majorem noxam significare oris hiatus citra somnum: & *in secundo, de motu muscul. cap. 4.* scribit: supinum jacere & hiare, stertoris, aut exsolutionis, aut

a) Sect. 1. text. 19. ubi voce ἐξερπίσσει utitur ad oculorum projectionem denotandam. b) P. 37. lin. 46. c) Text. 497.

aut ebrietatis, aut ignaviæ signa esse. Ceterum non minus perniciosum est, alios in delirio, alios extra manifestum delirium, quod ex oratione intelligitur, provolvere se ad margines lecti, ac primum pedes excludere, deinde quasi desurgere, corpus erigere, ac nisi cohibeantur, vel excidere vel surgere. Ex quo obscuro delirio, ex hoc signo edito, Hollerius in *Coac. præfag.* testatur, se, qui convaluerit, vidisse neminem. Addimus nos ex Hippoc. in *eodem primo Prognost.* *) *text. 25.* erectum ægrotum velle sedere, in acutis, malum esse, pessimum autem in peripneumonicis & pleuriticis. Hoc vero Hippoc. hisce verbis expressit: *Si vero velit residere æger in ipso morbi vigore, in omni morbo acuto, malum; pessimum vero in pulmonia est.* Qui pulmonia infestantur, (ait Galenus in *comment.*) ii dicunt sentire magnam in thorace angustiam, dum supini cubant, residentes vero fieri spirantiores; decumbit enim ad spinam, per supinum jacendi habitum, pars in pectore thoracis, a qua pulmo artatur, nec idoneum accipit aërem inspirando: per alios vero morbos, quoties vigent (id enim maxime considerandum est, tanquam non sit temere additum) exitiosissimum esse, velle ægrum residere in ipso consistendi vigore. Amant enim tantisper, maxime perpeffi, immoti cubare, & si quis eos excitat, conflictantur. Itaque arbitrare propter vehementem spirandi difficultatem, aut inquietationem, aut delirium, residere ægrum aggredi per consistendi vigorem ægrotationis. Huic similis videtur decubitus, quem Hippoc. in *eodem libro a) text. 9.* ita tradidit: *Si vero nudos habeat pedes nec admodum calidos, ac manus, collum & crura dispergat inequaliter, malum est; significat enim inquietationem.* In iis vero, qui animo molles sunt & delicato, quicquam certi non habent, cum hi vel etiam ex levissima febre ita decumbant: at in aliis scito fieri vel vitio oris ventriculi, vel propter virium imbecillitatem. Hoc idem in *Coac. præfag. b) lib. 7. sect. 2. text. 72.* ita legitur: *At pedes nudos habere & manus, si quis non vehementer calidus sit, &*

Decubi-
tus mali.

CRATA

*) Pag. 37. lin. 51. a) P. 37. lin. 43. b) Text. 497.

crura disjecta, malum est; anxietatem enim significat. Sed de hac anxietate in sequenti capite nos accuratius. Demum in ventrem quoque ægros cubare, nequaquam solitos ita dormire, malum esse, scripsit Hippoc. c) deliriumque aut dolorem circa ventris sedes significare: atque hæc de prædictione ex decubitu malo dicta sint. Nunc de anxietate & inquietudine, quæ decubitus est species, accurate agemus.

CAP. IV.

Quid inquietatio & anxietas, seu jactatio in acutis morbis significet?

Inquietationis
synoni-
ma.

Anxietas
quid.

Cum inquietatio sit jactatio quædam, quæ ad motricem facultatem videtur pertinere, quatenus est motus depravatus seu vitiatum, idcirco de hoc quoque symptomate ad præsagium nos accurate agemus, etsi de hoc etiam in capite præcedenti quædam attigimus, non inutilia tamen ad prædicendi nostram methodum hæc quoque erunt. Ceterum inprimis quid per inquietationem Medici intelligant, quidque ipsa existat, atque a quibus fiat causis, nos cognoscemus. Quatuor vero nomina synonyma, cum in *Prognosticis* tum in *Prorrheticis*, in aliisque omnibus libris Hipp. ad præsagii rationem facientibus, leguntur; quippe anxietas, inquietatio, implaciditas atque jactatio. Idemque hæc singula significant; tametsi anxietudinem ad respirationem læsam, quippe ad frequentem ac inordinatam, attinere quidam voluerint, tamen ad decubitus figuram vitiatam vere pertinere, ex Galeno facile deprehendimus, cum ipse in *libro de Humoribus text. 17.* ita scripserit: *Anxietatem autem vocavit, quanquam plerique tedium sui nominant, ajunt enim eos ægrotos anxios esse, qui decubitum ferre non possunt, sed formas mutant, quia præsens eis semper molesta est.* Et in 2. lib. *Aphor.* eodem modo & ægros illos anxios esse, qui acubitum non ferentes. jacendi figuram evariant, quia semper præsens aggravat eos. Nihil aliud vero his nominibus intelligimus, quam decubitum vitiatum, quippe cum morbi

bi malignitate, aut vehementia in varias figuras decubitus æger transformatur, nec ullo consistit loco, sed varie se jacet, movet, rapit, modo sese attollens, modo se deturbans, modo in latus alterum, modo in ventrem, modo in dorsum sese provolvens, nec ullum locum, nec ullam figuram decubitus nanciſcens. Anxii vero seu in-
 etii fiunt ægroti, vel stomacho male affecto; aut a copia unde fi-
 ciborum oppresso, cum nausea; aut magno alicujus inter- unt ægri.
 ni visceris phlegmone, vel virium imbecillitate, quæ non sustinet morbum; aut occulta malignitate, cor, uti in pestilente febre, obsidente; aut materia in venis, quæ sunt circa præcordia turgentes, huc & illuc agitata; aut denique critica vehementique perturbatione, seu humore ad excretionem turgente. Stomachi vero vitio redduntur anxii, Ex sto-
 aut ipso ab intempestivo cibo gravato, Hippoc. atque Gal. machi
in lib. 2. de Victus ratione in acut. a) docentibus; veluti quan- vitiis.
 do ægri post longam inedia, morborum non transacto vi-
 gore, copiosius nutriuntur, aut ubi in ore ventriculi, ut Gal.
in 2. Aph. & in 1. lib. de Humoribus, propria quædam mole-
 sti humoris qualitas continetur, qui humor neque multus
 sit, neque in ventriculi spatio innatet, sed in ipsius sit tuni-
 cis immersus; aut demum, quod forte idem est, quando,
 ut ex Gal. *in 2. Prorrh. text. 42.* habetur, os ventris a pravis
 mordetur humoribus. Cognoscitur vero, quod anxii ex
 stomacho affecto, ut Gal. ibidem affirmavit, sint nauseabun-
 di. Morbi etiam vi anxii redduntur homines, ardentibus Inque-
 æstuosisque febribus vexati, præcipueque in vigore, quo tatio ex
 tempore ex maximo caloris æstu anxii fiunt, atque etiam Morbi
 (quod non levis malignitatis est signum) tales efficiuntur a vi.
 maligna humoris biliosi corruptione, in magnis venis tur-
 gente, atque æstuante. Quæ anxietas præsertim apparet,
 ubi viscerum aliquod magna phlegmone, aut erysipelate ve-
 xatur: hi non admodum in extimis ac extremis partibus
 calent, cum interius tamen urantur. Ex virium quoque Ex viri-
 infirmitate, ut *in 2. illo Prorrh. comm. 17.* Gal. docet, cum um infir-
 virtus mitate.

Ex criti-
ca per-
turbati-
one.

Ex sup-
puratio-
ne.

Inqueta-
tionis
progno-
sis.

Inque-
tationes
quæ-
nam
haud
mali-
gnæ.

virtus a corpore gravatur; veluti ubi immodicæ vacuationes præcefferint, aut quod virtus morbi malignitate exstinguatur. Demum humoribus ad excretionem titillantibus seu commotis anxii & inquieti fiunt ægroti. Ex quo merito Hippoc. in 2. lib. Aphor. 13. dixit: *Quibuscunque judicatio fit, is nox gravis ante accessionem.* Ubi enim natura vult humores excernere, fit in toto corpore commotio, ac perturbatio, a qua anxietas & inquietatio. Addamus suppuratos quoque sæpius inquietari, aut oppreßis viribus & natura fatifcente, aut sublato usu respirationis, aut ex æstuantе thorace, aut acrimonia puris, sensilibus partibus commorßis, aut destillatione acri ex capite ad os ventris descendente. Atque ab his causis hujusmodi symptoma proficiscitur. Quibus auditis ad prælagium descendimus. Dicimus itaque omnem inquietationem, cum Auctore a) *Prorrheticor.* perpetuo malam esse, (critica excepta) quæ crisin optimam antecedit. Verum ex inquietudinibus quædam hujusmodi sunt, quæ quicquam certi ad prælagium non habeant. Cujusmodi sunt, quæ vitio stomachi fiunt; hæ quidem etsi malæ sint, tamen nunquam per se solæ quicquam certi significant de morte ac vita ægrotantium prælagienda; has vero, quippe stomacho affecto excitatas, ab aliis distinguere nausea vel vomitu, Gal. in 2. *Prorrhet. com.* 42. tradidit, propterea quod ea causa inquieti nauseabundi sint, & vomant. Ex quo Auctor *Coac. prælag. b)* merito dixit: anxietatem cum fastidio & nausea ventriculum læsum significare. In febribus vero intermittentibus, & in aliis morbis multis, cum nausea & fastidio inquietationes haud sunt malignæ, cum sæpe abortu vomitu inquietatio tollatur. Quod Hippoc. in *Theotimi uxore* vidit, de qua ipse in lib. 7. *Epidem. c)* text. 85. *Uxor Theotimi in semiteriana anxietates & vomitus & horror simul, cum febris inciperet, & sitis. Procedente vero, cum febris inciperet, & calor ingens, cum melicratum potasset & vomisset, horror & anxietas sedata sunt.*

Quare

a) Text. 39. 76. lib. 1. & aliis locis. b) Textum hunc nusquam in Coacis reperire licuit. c) Pag. 1234. text. 102.

Quare anxietas & inquietatio cum nausea & fastidio non est admodum timenda, omniumque minime, quæ ex vomitu, natura arteque procurato, sedatur. Veluti, quæ a vomitu augetur, malignitatis non expers esse solet. Eodem modo etiam in febrium ardentium vigore, calore æstuante, inquieti ægroti timeri non debebunt, & quando illud ejusmodi febrium symptoma proprium sit. Bonæ etiam non raro apparent, ante crisin futuram optimamque; nam ut alias est demonstratum, antequam crisis principium appareat, ægri anxii, inquieti, turbulenti fiunt, & merito quidem, cum universum corpus commoveatur, ac turbetur, natura humoris morbifici excretionem tentante. At hæ inquietationes criticæ criticis etiam signis ab aliis distingvuntur, maximeque cognoscentur, ubi rigor anxii supervenerit, ac ab ipsoque copiosorem sudorem ægroti sudent, aut plurimum vomant, aut alvus multa dejiciat, aut sanguis critice fluat copiosius. De quibus in 1. Coac. præf. com. 1. text. 19. legitur: *inhorrescentes, anxii, lassitudine pressi, lumbis dolentes, in profluvium alvi incidunt*: & in lib. *) 4. com. 1. text. 40. *Qui a pervigiliis anxietate repente capiuntur, sanguinem profundunt e naribus*. Anxii quoque non raro ægri fiunt, natura ad cutim putridos malignosque humores movente, ut in exanthematum apparitione, quibus erumpentibus cessat in ipsis anxietas. Et hæ sunt inquietationes in morbis non timendæ. Contra vero, veluti dictum est, non malas esse cum ardentibus febribus inquietationes, omniumque maxime in vigore, quo tempore omnes, febris, calore nimis æstuante, anxii redduntur: malignæ ex his dicuntur, in febre, quæ exterius non admodum sit calida, cum tamen intus uri ægrotos observemus. Hoc enim malignarum febrium proprium videtur, cum hæ exterius placidæ ac mitiores appareant, interius maxime turbantes: quod fit, uti dictum est, aut propter visceris alicujus insignem inflammationem, aut erysipelas, aut ob summe putridos humores in venis circa præcordia æstuantes, aut propter virium infirmitatem,

*) Coac. prælag. text. III.

mitatem, aut etiam propter insignem crudorum humorum copiam, qua obrui natura videtur. Hi enim anxii sese jactant in febre, quæ exterius est parum calida, quod non levis malignitatis nobis est indicium. Omnium vero pessimæ existunt inquietationes, ut in primo Coac. prælag. com. 1. text. 2. legitur: *Quæ cum refrigeratione anxietudines incidunt, partium præsertim extremarum, scil. pedum, manuum ac aurium.* De quibus Hippoc. in 1. lib. Progn. a) text. 10. ait: *Si vero nudos habeat pedes, nec admodum calidos, ac manus, collum, & crura dispergat inæqualiter, malum est. Significat enim inquietudinem.* Quæ vero extremis partibus corporis refrigeratis non recalescentibus sunt, maxime exitiales habentur, quæ in foribus exitium esse commoneant. Quales in Sileno, b) & in muliere decumbente in foro mendacium c) Hippoc. vidit. Non minut etiam exitiales habentur, quæ cum sudore malo, die decretorio, apparent. Mali sudores sunt ex Hippocrate, ut pøsterius docebimus, frigidi omnes in febre continua superiorum corporis partium, quippe capitis, colli, clavicularum. De quibus in 1. Prorrh. text. 27. scriptum est: *Quæ cum refrigeratione, non sine febre, superioribus sudanti partibus, sunt implaciditates, inquietationesque, phreniticæ existunt, & perniciosæ, ut Aristagoræ: & Hippoc. in primo Epid. com. 3. d) text. 13. de Sileno moribundo: Sexto caput parum exsudavit, extremitates algebant, livescebant, multum sese jactavit: & de muliere in mendacium foro decumbente e) ait: Septimo superriguit, febris acuta, sitis ingens, se jactavit, sub vesperum per totum corpus sudavit frigidum, frigus partium extremarum, nec redibat illis calor.* Quare inquietudines in refrigeratis cum malis sudoribus sunt exitiales. Quod idem est, ac si dixerimus; cum malis signis malas & cum perniciosis esse perniciosas & lethales. Sudores vero capitis frigidos, extremorumque refrigerationes, esse ex signis perniciosis, docuit Hipp. f) Inquietationes quoque

a) P. 37. lin. 43. b) Lib. 1. Epid. Ægr. 2. p. 969. c) Epid. lib. 3. Ægr. 12. p. 1080. d) Ægr. 2. p. 969. e) Lib. 3. Epidem. Ægr. 12. pag. 1080.

f) Quoad primum vide Coac. prælag. 572. & 573. Lib. Prognost. p. 38. lin. 21.

quoque in diebus criticis apparentes certius habent judicium, pessimæque existunt, quæ criticis diebus, nulla optima subsecuta evacuatione, aut sanguinis, per nares, aut per alvum, aut per vomitum, aut per urinam, aut omnium maxime sudoris, de quibus in 2. Prorrh. a) text. 27. scriptum est: *Quæ in judicatoriis diebus cum projectione & inquietatione, & absque sudore perfrictiones fiunt, malæ existunt.* De his vero, quæ cum malis dejectionibus, Hippoc. b) in 3. de Vict. in acut. text. 14. ita habet: *Dejectiones autem hujusmodi habent quidem & alias magnas offensas, neque hypochondriorum exstingvent ardorem, sed excitant inquietationem & jactationem membrorum faciunt: & Galenus in comm. ait, hæc esse flammantis in hypochondriis ipsis affectionis symptomata: & de his quæ cum vomitibus apparent, Auctor Prorrh. c) text. 28. dixit: Vomitiones sinceræ atque implacide, malæ.* Quæ non ab immodicis evacuationibus, jam exinde natura prælangvente ac viribus fere collapsis, prorsus perniciales existunt. Hæque in moribundis multis apparent. De his Hipp. in lib. 7. Epid. d) text. 11. in hist. Char- tadis ait: *Anxietates autem circa cor & sudor exiguus per totum fere corpus, & febricula, frigescere videbatur, & primum quidem mente constabat, procedente autem die & anxietas major & inquietudo, & spiritus paulo densior, & confidentius & benignius, quam pro tempore, alloquebatur, & excipiebat, & quædam animi deliquia videbantur supervenire, offerentibus autem quibusdam succos, & ex farina aquam, non solvebantur, sed spiritus ad vespèram valde erat multus, & jactatio multa, & in dextra ac sinistra convertens sese nullo tempore quiescere poterat.* In morbis quoque acutis, si cessante dolore aliquo, A cessati-
partem aliquam ignobilium tenente, anxii homines fiant, one do-
malum significatur. Quod de Larissæ calvo Hipp. in 3. lib. loris in
Epid. com. 3. e) text. 76. ita habet: *Tertio femur desit dolere,* parte ig-
nobili,
mentis

Z 3

lin. 21. & lib. de Crisib. pag. 54. lin. 8. Quoad alterum vero vide lib. Prognost. pag. 39. lin. 30.

a) Lib. 1. text. 61. b) P. 393. lin. 9. c) Lib. 1. text. 62. d) P. 1212. text. 12. e) Ægr. 5. pag. 1101.

Ex vul-
nere.

In Phre-
niticis.

mentis alienatio & turbatio, multumque sese jactavit. Quarto ad meridiem periit. E vulnere quoque ac percussione homines anxios reddi, malum esse Hippocrates, ut ex 5. lib. Epid. b) text. 55. constat, in illo observavit, cui caput lapide percussum fuit, & in illo, c) cui hepar jaculo fuit percussum. In phreniticis quoque exitialibus inquietationes non raro spectari, Auctor Prorrhet. in 1. lib. text. 12. ita habet: In phreniticis in principio simpliciter & clementer habere, sed cerebro permutari, malum. Ex his ergo colligamus omnes inquietationes, seu anxietates, malas esse, iis exceptis, quæ optimas crises antecedere solent; & quæ ex stomacho affecto fiunt, cum signis non perniciosis, aut ante, aut simul conspectis, aut subsecutis. Quales fuere observata in Sileno; d) muliere in foro mendacium decumbente, e) Larissa calvo, f) atque in Chartade. g)

C A P. V.

De prædictione ex tremoribus.

Tremor
quid.

De Prognostico a tremoribus acturi, primo quid hæc sit affectio, & a quibus causis prodeat, cognoscendum est. Galen. in 3. Epid. com. 1. text. 2. tremorem speciem affectionis facit motionis, non secundum naturam, sed secundum arbitrium diminutæ, quod symptoma est ejusdem facultatis, moventis partes corporis lasas, in quo partes contrario motu moventur, quando facultas conatur partem movere, quæ, præ imbecillitate aut pondere gravata, motionem facit ex motu contrario mistam. Cujusmodi affectio differt a motu convulsivo, quem plures in acutis febribus pro tremore accipiunt; ex quo Hippoc. in multis ægrotis tremorem pro motu convulsivo accepisse, quibusdam fuit suavisum; qualis fuit, qui in virgine illa pulchra Nerei, ut 5. Epid. a) text. 47. colligitur, apparuit: quomodo forte ex Medicis antiquis Sabinus atque Metrodorus dixere, tremorem esse parvam convulsionem; quasi affectionem mistam ex tremo-

re

b) P. 1155. text. 59. c) Ibid. p. 1156. text. 61. d) Lib. 1. Epid. p. 969. Ægr. 2. e) Epid. lib. 3. p. 1080. Ægr. 12. f) Ibid. p. 1101. Ægr. 5. g) Epid. lib. 7. text. 1212. d) P. 1154. text. 50.

re & convulsione intelligere voluerint, quem tremorem motum convulsivum, atque convulsionem ex materia non proportionata, vulgus Medicorum etiam appellat. Alii etiam putant Hippoc. aliquando tremorem pro rigore accepisse; veluti cum in 4. *Epid. b*) dicat *de adolescente peregrino* sexta die iudicato: *Septima rediit & dimisit cum tremore*: id est, ut ii volunt, cum rigore; quod tamen verum esse non videtur, quando vere ibi Hippoc. tremorem, minimeque rigorem, intellexisse, nobis vel ex eo persvadetur, quod in eo crisis, sexta die facta, perfecta non fuerit, sed partim excretionem & partim transmissionem materiæ morbificæ pituitosæ, quæ musculos nervosque gravans tremorem faciebat. Sed Tremor de his satis, atque ad tremoris generationem nunc decline-^{ris unde} mus, de qua Galen. *in lib. de tremore, rigore palp. & convuls.*^{causæ.} agens, scribit tremorem fieri a virium infirmitate, seu ab motricis facultatis imbecillitate, quæ aliquando per se propria ratione est imbecilla, ut in senibus, qui jam viribus defecerunt, & aliquando propter alias causas, quatenus contingit, ex ipsis ut motiva hæc facultas dissolvatur. Proinde Virium Gal. dixit hujus facultatis imbecillitatem fieri aut alimenti^{infirmitas.} inopia, ut in cholera, valido alvi profluvio, largo sanguinis fluxu, atque in magno jejunio, a quibus alimentum absumitur, & exinde facultas evadit imbecilla; aut vitali robore soluto, ut fit in stomachicis, cardiacis, animo defectis, frigore violento; aut denique plenitudine pondere gravante musculos, nervosque. Idem vero in 3. *Epid. comm. 1. text. 2.* nobis prodidisse visus est, cum tremoris causam fecerit musculorum virtutis imbecillitatem, eamque aut propria ratione fieri, aut ob copiam humorum gravantem, aut ob famem, lassitudinem, vigilias, curas, immoderatam venerem dixerit, quæ omnia calorem nativum, seu vires, resolvunt. Verum consultius erit, ipsum Galen. clarius adhuc tremoris causas, & generationem, in hoc loco tradentem audire, qui ita habet: *Fit igitur tremor non solum ex laborantibus tum musculis, tum nervis; verum quoque & valentibus, ubi supra vires quis grave aliquid aggreditur, vel manibus portans cerni-*
-b) Pag. 1125. text. 13. *tur.*

tur. Itaque adolescentes quidam validissimi; dum prægrave quippiam gestant, cruribus obiremiscere, & præsertim ubi scalas ascendere tentaverunt, quod illis & ex gravissimo pondere, senibus vero atque aliter imbecillis ex minore accidit, nempe & hoc imbecillis grave: & paulo post ita causas omnes tremoris complectitur, dicens: Jure igitur optimo, in comm. de trem. convuls. & rig., tremorem ex virium infirmitate perpetuo fieri demonstravimus. At quoniam interdum quidem virtus ipsa per se imbecilla est, interdum ob animi affectum, atque etiam, quod nullo modo sua propria ratione affecta, ex gravi pondere hoc patiatur: tres itaque causarum differentiarum tremoris existunt, instrumentorum scilicet arbitrio deputatorum intemperies, passionum animi, & grave onus. Intemperies vero cum calida, tum frigida, tum humida, tum sicca poterit musculos ita reddere imbecillos; ut exinde partes obtremiscant; caliditas quidem resolvens, seu dissipans partis nativum robur; aut frigiditas violenta, extinguens calorem nativum; aut humiditas, musculos imbibendo gravans; aut siccitas demum, humidum absumens, quo calor servatur, & alitur; hinc plures lethaliū phrenitidum in tremores, nervorum principio, nervisque ipsis immoderatus siccatis, desinere observatur: Animi vero passio, veluti timor, tristitia, immoderatum gaudium, & alii affectus animi, qui vires dissolvunt: aut denique grave onus, quo musculi gravati nequeunt secundum voluntatem recte moveri. Sed his præmissis ad prognosin descendamus. Itaque dicimus quosdam tremores in principiis morborum apparere, & quosdam postea; nunc de iis, qui observantur in principiis. Hi enim, ut docuit Galen. in 3. Epid. com. 1. text. 2. nunquam in morbi principio citra validum morbum, vel famem, vel lassitudines, vel vigilias, vel immoderatam venærem, aut ob humorum copiam gravantem. Quare cum ex tremoris causæ non præcesserint, humorum multitudinem tantum significant, nihilque certi ad Prognosticum per se soli; tametsi morbos graves significant, ex eo, quod omnis humorum multitudo difficilem reddat morbum. De hujus-

Tremoris causarum differentiarum.

Tremores in morborum principiis quid præstent.

jusmodi tremore Hipp. ait in *Epid. b*) *Pythion; qui prope tel-
luris sacrum habitabat, cepit primo die tremor a manibus, fe-
bris acuta, delirus: qualis etiam tremor fuit observatus in
Cherione tertia die, ut Hipp. in 3. Epidem. c*) *text. 2.* Ceterum
etsi in morborum principiis tremores copiam humorum,
musculos aut nervos gravantem, nisi aut propter vigiliam,
aut nimium jejunium, aut lassitudines, aut vigilias, aut im-
moderatam venerem, aut animi curam evenerint, signifi-
cent; tamen ægroti periculo non vacabunt, si gravi ac ma-
ligno morbo, vel etiam longo, vexentur, quando nedum hi,
sed vel etiam omnis morbus sit timendus in homine, qua-
cunque de causa debilitato. Dixi illos, ob copiam humo-
rum, per se solos quicquam certi de salute ac morte ægro-
tantium minime præmonstrare, verum si una alia sympto-
mata gravia illuxerint, reddetur judicium difficile: cujus-
modi in uxore *Emmyrrhis* ab Hipp. fuere observata, de quibus
in *4. lib. Epid. d*) *text. 125.* *uxor Emmyrrhis modo non morboſa
videbatur sine febre, fatua esse, deinde in tremorem venit totius
corporis & liquationem, & fastidium & sitim, & frigida erat.*
Quod præſagium quoque illuxit in *sene illo*, de quo Hippoc.
in *eod. libro Epid. e*) scripsit, post recidivam tremulum fuisse
in initiis, in labiis & voce, quo tempore cutis corporis est
observata circumtensior, frigida extrema fuerunt, quique
merito obiit, tametsi hujusmodi tremorem is forte a ver-
mibus, ut aliis quoque visum est, passus fuerit. Atque hoc
præſagiunt tremores in morborum principiis. Quandoque
vero sine alio morbo apparent, seu morbis statim incipien-
tibus, ubi neque ebrietas, neque aliqua externarum nuper
dictarum causarum præcesserit, apoplexiæ signum esse so-
lent. Quod præſagium indicavit Hipp. in *eod. 4. Epidem. f*)
text. 102. hisce profecto verbis, dicens: *Incipientibus veluti
subiremuli, & digiti & labia cum loquerentur, itidemque alie
partes: & proterve lingua citiori ac volutiore præditi. Ru-
bor in facie præcipue his erat. Hi vinum bibebant, aut vomitu*

A a

com-

b) Lib. 3. Ægr. 1. p. 1059. c) Ibid. Ægr. 5. p. 1072. d) Pag. 1138.
text. 39. e) Pag. 1139. text. 41. f) Pag. 1136. text. 36.

Tremores quid in morbis significent, *commodo usi intumescebant.* Idque tremores in morborum principiis præsagunt. Ex iis vero, qui postea apparent, quidam criticam humorum transmutationem, natura a visceribus ad musculos propellente humorum molestorum partem, qui optimi sunt, modo una cum coctionis signis apparuerint. Cujusmodi fuit tremor in *adolescente peregrino*, sexta die judicato, ut 4. *lib. Epidem. g) text. 24.* apud Hippoc. habetur, quem febris septima die cum tremore dimittit, quippe noxiis humoribus a principibus partibus ad musculos critice transmissis. Sæpe vero fit, ut instante crisi per vomitum, tremor labium inferius teneat, quem tremorem Gal. inter signa futurorum in morbis vomituum in *lib. 3. de Crisibus cap. ult.* recensuit. Atque hi sunt tremores in morbis post principium observati, minime timendi. Sunt vero alii omnes in febribus ardentibus & in cerebri inflammatione exsiccatis nervis, aut quovis modo læso principio nervorum, quippe cerebro, obortis, lethales; a siccatis quidem nervis in phreniticis tremores sunt mortales; proprii enim videntur tremores exitiosarum phrenitidum. Ex quo merito Auctor *Prorrh. b)* dixit: *Phrenitice affectiones vehementer, tremulæ desinunt*, aut lethales sequuntur phrenitides Galen. enim in *com.* ait: *Tremorem sequi vehementissimas phrenitides; nervorum enim infirmitates propter affectionis siccitatem phreniticis diutissime insunt, exsolutaque virtute tum vigiliis, tum motionibus multis, simulque nervis supra modum arefactis, tremores sunt.* Quare in phrenitide tremores perpetuo lethales existunt; multoque magis, si una cum convulsis partibus apparent, quæ omnia sequi solent vehementes phrenitides. In principio vero phrenitidis lethales non sunt: tremores enim linguæ, & voces obtremiscentes deliriorum tantummodo futurorum esse signa, Auctor *Prorrh. lib. 1. text. 19.* docuit. In obscuris & blandis phreniticis, exsoluta virtute animali, solent etiam tremores observari, qui quidem omnes sunt exitiosi. De quibus in 1. *Prorrh. text. 34.* scribitur: *Tremulæ, obscuræ, blandæque & contrectabiles*

Quinam
valde timendi,

biles desipientiæ valde phreniticæ, ut Didymarcho in Co evenit. Hæ enim exsoluta virtute fiunt, ut nos superius, ubi de phreniticis egimus, ostendimus. Ex gravi quoque cerebri læsione, eadem ratione reddita infirma vi motrice, fiunt tremores lethalissimi, quales fuerunt in virgine illa pulcra Nerei, ab Hippocrate observati in 5. Epid. a) text. 47.

C A P. VI.

De palpitationibus, quidque in morbis præfagiant.

Palpitationem proprie dictam Galen. ac alii Græci Medici intelligunt, quendam motum depravatum, ut Galen. doctio quid. cuit in 2. lib. de symb. causis, cap. 2. non autem arteriarum pulsus, quomodo quosdam Antiquorum palpitationem intellexisse, Galen. in 3. Prorrh. text. 52. nobis memoriæ prodidit, ipsamque esse particulæ alicujus præter naturam dilationem, ac distensionem, ibidem tradidit: veluti in lib. de trem. convuls. & palp. cap. 5. scripsit, palpitationem esse distentionem quandam atque subidentiam, quæ aut in toto corpore fit, qualis in phrenitico ab Hipp. b) fuit observata, aut in una parte, aut in multis simul; in una parte veluti ventris, hypochondrii, cordis & aliarum partium generantur seu concitantur palpitationes, ut nobis Gal. est Auctor. in nuper citato lib. & in omnibus corporis partibus, quæ dilatari possunt, maximeque in cute, sive loco, qui inter cutem, & carnem subjacet; atque in musculis facilius hic affectus etiam concitatur, quod meatus satis magnos habeant, in quos commode flatus crassos, palpitationum causas recipiunt. Hos affectus vero concitari ex vapore crasso, cui non sit transitus, Galen. in loco nuperrime citato ita docet: Palpitationum causam esse pronuntio spiritum crassum, & vaporosum, cui non sit transitus, hunc autem colligi oportere dico in cavitate quadam non admodum exigua, si pars distentionem sensibilem habitura sit: Quod in primo Prorrh. text. 29. confirmavit, dicens palpitationem a flatuoso spiritu proficisci. Quos sane flatus a crassioribus crudisque humoribus fieri,

Palpitationum
causæ.

A a 2 non

non minusque hos flatus atque humores propter frigiditatem congeri, ibidem prodidit. Ex biliosorum vero ac summe putridorum humorum morfu, nec non a vaporibus venenosis, os ventriculi, & omnium maxime cor infestantibus, cor & ventriculum non raro palpitare, *in lib. de tremor. palp. convuls.* nuper citato, Gal. docuit, quem affectum *Cardialgiam & Cardiacam passionem* quidam faciunt, cumque palpitatione confundunt, cum tamen vera non sit. Sed his præmissis ad Prognosticum descendamus, & primo hoc sciamus, quippe an in morbis acutis quædam observetur palpitatio, ex qua salus ægrotis indicetur. Certe res maxime videtur dubia; quando leves quarundam partium palpitationes per se quicquam certi non prædicent: ceterum solent aliquando critice concitari eo modo, quo vertigines, dolores, anxietates & hujusmodi alia critica, antequam fiat in corpore perturbatio, concitari solent. Proinde quandoque palpitationes critice apparere solent, quæ facile ex futuræ crisis signis ab aliis interstinguntur. De quibus *in 1. Prorrh. text. 36.* legitur: *Circum umbilicum dolores palpitantes, quod mentis permutationem ostendat, quippiam habent: circa judicationem vero his spiritus universus cum vehementi contentione penetrat.* Et postea *in 3. Prorrh. a) text. 52.* *Ventris quoque palpitationes cum hypochondrii tensione sublonga & tumente sanguinis indicant eruptionem, inhorrescunt autem hi.* Ex quibus colligamus, dari quasdam palpitationes criticas salutares. His itaque exceptis, omnes palpitationes in morbis sunt malæ, ac non solum in morbis acutis, sed vel etiam absque alio morbo hujusmodi affectus sunt timendi; præsertimque, quæ in corde ac ventriculo observantur, & omnium maxime in cordis passione, ex venenosis cum humoribus tum vaporibus oborta, quæ in syncopen definunt, de quibus forte Hipp. *in 2. Aphor. 41.* *Qui frequenter ac fortiter absque causa manifesta exsolvuntur, derepente moriuntur.* Et Galen. ait: *Sicut & ille, cui, dum exsolveretur, cor fortiter palpitabat.* Atque, ut uno verbo dicam, omnes palpitationes fortes, cor invadentes sapius, cum alia sine causa manifesta

Palpitationes
critice
apparentes.

Palpitationes
omnes in
morbis
malæ.

nifesta exsolutione, ad mortem breviter homines deducunt, ut Auctor est Galen. *in lib. 5. de loc. affect. cap. 2.* neque hi, qui hoc symptomate vexantur, multos annos vivere possunt. Sed age, dicemus in morbis quidem acutis omnes palpitationes (criticis exceptis) esse malas, omniumque maxime perpetuas, totumque corpus aut nobile viscus infestantes, aut plures partes simul; idque, quod nobis refrigerationem caloris naturalis indicent, quando propter refrigerationem, ut Gal. affirmavit, *in 1. Prorrh. text. 29.* omnem vero refrigerationem calidis siccisque morbis maxime esse timendam, alias a nobis est demonstratum. Ex qua causa comatosos lethargicosque affectus phreniticis supervenientes lethales esse, superiori libro a nobis fuit demonstratum. Cujusmodi Hippoc. ut ex *Epidemiis* constat, in multis moribundis observavit. De *Sileno a)* autem, qui obiit, scripsit: *A primo hic ad finem usque spiritum magnum habuit, & rarum, hypochondrii perpetuam palpitationem.* Quæ vero in toto corpore fiunt, sunt pessimæ, quod maximam caloris nativi diminutionem testentur, de quibus *in 1. Prorrhet. b)* scribitur: *Palpitationes per totum an voce destituti moriantur: & Galen. in comment. ait: Cum igitur corpus totum palpitaverit, fieri potest, ut qui ita affectus sit, propter frigiditatem voce destitutus pereat, non amplius moventibus gutturis musculis, aut iis, qui in eos proruunt, nervis, suo fungi munere queuntibus.* De qua palpitatione forte Hipp. *1. Epidem. comm. 3. c) text. 21.* cum de *Philini uxore* loqueretur, dixit: *Circa diem decimum quartum, palpitationes, totum corpus dolebat, (quasi dixerit per totum corpus palpitantes dolores) multum loquebatur, aliquantisper mente constitit, brevi rursus desipuit, circa diem decimum septimum obmutescibat; vigesimo obiit: & de phrenitico adhuc clarius d) text. 25.* *Postridie mane vocem amisit, febris acuta, sudavit, non intermisit, palpitationes per totum corpus, nocte convulsiones. Tertio cuncta exacerbata sunt, defunctus est.* Quare pessimæ & lethales omnes in mor-

Quenam
pessimæ.

A a 3 bis

a) Epid. lib. 1. p. 969. Ægr. 2. b) Text. 30. c) Pag. 976. Ægr. 4.

d) Lib. 3. Epidem. pag. 1100. Ægr. 4.

bis acutis sunt palpitationes, quæ diu, & maxime totum corpus vexant; ex iis vero, quæ partes quasdam tantum occupant, exitiosæ non minus sunt, quæ in cordis regione eo modo observantur: cum in eo calidissimo morbo refrigerationem factam esse signant, quæ perpetuo, in acutis morbis, quasi caloris extinctionem testatur, qualis forte fuit, quam in *Adolescente Melibææ* Hipp. vidit, de quo a) ait: *Cordis palpitatio ad finem usque perpetua, minxit oleosum.* Ex quibus colligamus, palpitationes omnes (criticis exceptis) in acutis morbis malas esse, perniciosasque esse maxime, quæ diu totum corpus vexant, aut nobile viscus. Has vero perpetuo malas esse confirmabunt signa alia mala, & cruditatis, & exitiæ. Quibus malis signis judicari poterant lethales, quæ in *Sileno*, in *uxore Philini*, in *phrenitico*, atque in *Melibææ adolescente* ab Hipp. fuere observatæ, cum omnes una cum aliis signis perniciosis, ac morbo plane crudo, illuxerint.

C A P. XII. De convulsionibus, quidque in morbis præfagiant.

Sed age de convulsionum etiam præfagio agamus, ex namque cum solæ, tum una cum aliis morbis, etsi perpetuo malum, raro salutem, sæpius exitium Medicis indicant. Quales esse videntur, quæ in febribus, resiccatis nervis, concitantur. Quæ vero repentinæ ac in principio morbi fiunt, quicquam certi ad prognosticum non habent; non paucæ etiam in febribus apparent, & ex se ipsis, præter multitudinem humorum, nihil certi ad salutem (criticis exceptis) præmonstrantes. Sed de omnibus nunc accuratius, postquam quid convulsionem sint, ipsarum differentias atque causas noverimus, agendum erit. Convulsio, *spasmus* Græcis dicta, est, ut Gal. auctor est in *libr. 2. de sympt. caus. cap. 2.* ubi nervi & muscoli præter voluntatem tenduntur, in eumque veniunt affectum, quem in motibus secundum arbitrium factis assumerunt. In libro etiam *definit. medic.* scribit, convulsionem esse affectum, qui nervis ac musculis accidit,

Convul.
sio quid.

accidit, cum modo corpus totum, modo pars, voluntatis injussu, trahitur, ex quo merito *tentio* & *distentio*, hoc genus a multis appellatum est: sed quidam convulsionem seu spasimum a distentione distinguunt, ex Hippoc. in 4. Aphor. 57. ita scribente: *Si cui convulsione, aut distentione nervorum, detento febris successerit, morbum solvit.* Sed hoc Gal. *in comm.* probe explicavit, quippe cum ex tribus convulsionum differentiis, Græce *tetanos* dicta, proprie magis distentio, & non convulsio, vel ex eo dicatur, quod in ipsa non appareant partes convulsæ; quoniam æqualiter ante & retro tenduntur, atque ideo præcipuum illi nomen est datum distentio. Duplex vero est convulsio, una permanens perpetua ac sine motu conspicuo, cujus triplex est differentia, una quidam *distentio* Latinis, *Tetanos* Græcis, Celsi *rigor* appellata, quippe ubi cervix una cum reliquo corpore immobilis manet, & in neutram partem inflectitur, sed juxta utramque recta intenditur, cui proprie magis nomen est datum ab Hippoc. distentio, quasi a convulsione differat, quod in ipsa, ut ex Gal. dictum est, partes convulsæ non appareant. Altera *Emprosthotonos* dicitur, quæ fit, cum caput, cervix, reliquumque corpus in pectus contrahitur, quæ ob id dicitur etiam *tentio ad anteriora*. Tertia *Opisthotonos*, ideo dicta a Græcis, & a nostris *tentio ad posteriora*, quando caput in scapulas flectatur. Has vero Gal. in *lib. medicarum definitionum* his verbis complexus est: *Nam & ii, quos in itinere usque ad mortem frigus oppressit, talibus rigoribus corripiuntur, quales Græci Emprosthotonos, Opisthotonos ac Tetanos appellant, quoniam modo in anteriorem, modo in posteriorem, modo in nullam flectitur partem, sed rectum atque immobile corpus intenditur.* Altera vero cum crebro motu & interrupto. Has vero Medici appellant *motus convulsi- vos*, ac vel etiam convulsiones ex materia non proportionata, cum a morsu, & vellicatione nervosarum partium, aut violenta contentione ac labore, qualis est *Epilepsia* Græcis dicta, atque illa, quæ per consensum ab ore ventriculi demorso, aut cerebro primo læso venit. Hanc postremam convulsio-

Convul-
sionum
differen-
tia.

Perma-
nens
quid.

Motus
convulsi-
vi quid.

Convul-
sio quas
nam
partes
afficit.

vulsionis speciem minime exquisite, & per se convulsionem dicimus, sed potius motum convulsivum, cujus quædam universalis, ubi cerebrum primario affectu læsum est, & quædam particularis, prout particularis nervus aut musculus vellicatur: non secus quam etiam permanens, & sine motu; ubi totum corpus læso cerebro occupat, universalis dicatur, atque illa particularis, quæ est partis cujuscpiam convulsæ. Quaratione quidam *spasmus cynicum* appellant, oris torturam, aut melius, ubi oris partes convelluntur. De partibus vero, quæ convelli & distendi possunt, ac de loco in convulsis affecto, Galen. *in 3. de loc. affect. cap. 6.* ait, omnes corporis partes convelli posse, quæ aptæ sunt moveri: etenim partes in corpore, quæ moventur, ope nervorum ac musculorum moventur. Quibus convulsis motio vitatur, veluti dentium in vita concussio, *Trysmos* Græcis dicta, musculorum mandibularum est convulsio, ut Galen. *in 2. de loc. affect. cap. 2.* docuit. Ex convulsis vero partibus, an spinalis medulla, an cerebrum, an nervi, & quales læsi sint, *in lib. 3. de loc. affectis* ita docuit: *Convulso enim universo corpore, omnes quidem autumant affici talem quampiam partem, quæ, ut in arbore caudex ramorum, sic ipsa sit omnium nervorum communis velut caudex, non paucorum in una parte, quemadmodum ramus, veluti, quando vel crus, vel altera manus forte fortuna convellitur, totius membri convulsio, nervorum, qui ad ipsum perveniunt, originem affectam fuisse, declarat, rami cujuscpiam in arbore exemplo.* Quando autem universum corpus afficitur, communem originem omnium infra faciem nervorum, quæ arboris caudici proportionem respondet, affectum esse putandum est, qui sunt primi spinalis medullæ: verum etiam cerebrum ipsum putamus; etenim labra quoque sæpenumero convulsæ videmus, item oculos, frontis cutem, totas mandibulas, similiter & lingvæ radicem. At, quia omnes jam dictas partes a musculis ex cerebro nervos suscipientibus moveri, ex anatome didicimus, cerebrum ipsis sic laborantibus, credimus esse affectum: ubi vero ipsis illæsis, ceteras partes convelli viderimus, dorsalis

me-

medullæ initium affectum esse fatemur. Sed cognitis læsis ^{Convul-} partibus ex convulsis partibus, nunc causas, a quibus partes ^{sionis} convelluntur, proponamus; atque primo convulsiones per- ^{causæ.} petuæ, & permanentes sine manifesto motu, de quibus Hippoc. in lib. 6. Aphor. 39. ita scripsit: *Convulsio fit vel ex repletione vel inanitione.* Idem Gal. in 2. § 3. de loc. affect. in 4. § 6. Aphor. in lib. de trem. palp. convuls. ac ferme innumeris aliis locis idem confirmavit, sed præsertim in 2. lib. de sympt. causis ita dicens: *At convulsio in eandem dispositionem nervos musculosque ducit, in quam, cum pro naturæ lege se habebant, ab animali virtute ducebantur.* Sive igitur ad principium tensis, sive flatus influxu impletis musculis voluntarii motus erant, hæc eadem in convulsione accident, tum spiritu flatuoso in musculis gigni potente, tum multis, qui tensionem creent, (e quorum numero phlegmone est) affectibus. Quorum caput (sicut Hippocrates dixit) duplex est; impletio vacuatioque: in phlegmonarum generis vitiis impletio; in ardentissimis, siccissimisque febribus vacuatio. Porro quod, impletis, vacuatisque plus justo nervosis corporibus, omnia tendantur, docent, quæ in instrumentis musicis intentæ sunt chordæ, quippe, quæ sive in humidam, humectamve, sive in siccam & squalentem domum repositæ, disrumpantur, ideoque eas artifices, priusquam reponant, relaxant. Quam convulsionum generationem Gal. in 3. de loc. affect. cap. 6. hisce verbis illustravit, dicens: *Etenim si videris nervosa corpora, vel chordas ob ambientis aëris immodicam intemperiem, adeo vehementer, ut rumpantur, intentas, haud difficulter intelliges idem in animantium quoque nervis posse contingere.* Sed quomodo affecto aëre tenduntur chordæ, ut rumpantur? Si vel nimis aridus vel admodum humidus fiat: nempe humor madefacit ipsas, ut in tumorem præter naturam attollantur, qui mox eas tendit; ac velut sol, tergora arefaciens, contrahit, ita siccitas chortas, & trahit, & tendit; sic lora quoque, quum ad ignem siccantur, contrahi tentique videntur. Galen. his duabus convulsionum causis, tertiam addidit in lib. 3. Aph. 25. quippe nervosarum partium infirmitatem, qua ratio-

Convul-
siones
Reple-
tione.

ne facile puerulos convulsionibus tentari, tum propter crudum, quo exsuperant, alimentum, tum quod nervosas partes nondum validas habeant, nobis prodidit. Replentur vero nervosæ partes humore sapius crudo, a quo convelluntur, ut ex Gal. *in 2. de symp. caus. cap. 2.* habetur, velut in pueris fit, qui cum exsuperent crudo alimento, & habeant nervosas partes non usque adeo validas, facile distentionibus tentantur, ut Hipp. *in lib. 3. Aph. 25.* docuit, hincque *in 2. Epid. comm. 5. a) text. 8.* scripsit: *Si pueris spasmus fiat, ignem fac; qua ratione ipsarum convulsiones, vel etiam in febribus factæ, non sunt perpetuo periculosæ:* ad quam causam reducuntur convulsiones tum ex humido aëre, qua ratione, ut Gal. nobis est auctor, *in 1. Epid. com. 2. b) text. 24.* in humida & frigida aeris constitutione Hippoc. scribit, multos & maxime pueros convulsionibus laborasse; tum ex immodico vino factæ. Aliquando etiam sanguine, ac biliosis excrementis, nervosæ partes imbutæ tenduntur ac convelluntur, aliquando flatu, atque non raro phlegmone aliquo aut primigenio, aut consensu proximarum partium. Quales sunt hypochondriorum tentiones propter aut septi transversi, aut pleuræ membranæ, aut hepatis, ingentes inflammationes. Ad quod genus pertinere videntur convul-

Siccatione & inanitione.

siones ex vulnere factæ cum phlegmone. Siccantur vero partes, seu, ut Hippoc. verbis utar, inaniuntur, evacuantur, tum propter caloris incendium, tum propter immoderatum frigus. De his Hippoc. *in 5. Aph. 17.* ait: *Frigidum autem convulsiones, distentiones.* Et paulo est: *c) ulceribus frigidum mordax, cutim obdurat, dolorem insuppurabilem facit, denigrat, rigores febriles facit, item convulsiones & distentiones:* & Gal. *in comment.* ait: *immodicum scilicet frigus has facit convulsiones, & distentiones, & nervorum refrigerationem; sicuti enim non oportet ipsorum substantiam ab immodico calore dissolvi, sic neque ultra modum convenientem refrigerari, & in*

unum

a) Pag. 1040. inter C. & D. Videtur enim juxta mentem Foëssii, non *pueris* sed *puerperis* legendum esse: quum nuppiam in Epidemicis hæc ita dicta de *pueris* reperire licuerit. b) Pag. 944. sub finem. c) Aphor. 20.

unum cogi ac cohiberi. Frigus enim in excessu invadens nervos ac musculos, tendines, ligamenta, primo in cute parit inæqualitatem, repulso introrsum humido ac calore, deinde siccatur exprimendo, quod tenue est, cogit, densatur, induratur, cogendo sinus interiores & poros, prohibet distensionem, & effluvium, atque alimenti receptionem, sic rigida manent partes, duræ & distentæ: de quibus in *Coac. præfagiis: a) Rigor convulsionem in posteriora inferens, interficit: & Gal. in libr. definitionum medicarum* ait: *Nam & ii, quos in itinere usque ad mortem frigus oppressit, talibus rigoribus corripiuntur, quales Græci emprosthotonos, opisthotonos, ac tetanos appellant.* Idem & multo efficacius immodicus calor, seu caloris incendium agit; omnem enim musculorum nervosarumque aliarum partium humidam substantiam resolvendo, eam caloris incendio maxime resiccantur, arescunt, ac propterea distenduntur, ac convelluntur. Quomodo ardentes febres, veluti ignis, nervos siccantes, eos distendunt, ac convellunt, atque ut Gal. in 4. Aph. 66. docet, *perniciosas afferunt convulsiones.* Eodem item modo phrenitides exitiosæ, substantiam nervorum immodico calore dissolventes, in convulsiones definire solent. Atque magni ætus, eadem prorsus ratione, idem, Gal. in 7. Aphor. 13. docente, siccando faciunt, non minus & assiduæ vigiliæ, atque omnes insignes seu immodicæ cum vacationes tum purgationes, ut ex Gal. in lib. quinto Aph. 3. & 4. sexto, atque in septimo Aph. 9. colligitur. Ipse vero has omnes siccarum, ut ita loquar, convulsionem causas in 3. de loc. affect. cap. 5. hisce verbis est complexus, dicens: *Quippe quum convulsio fit vel a labore, vel vigiliis, vel fame, vel solitudine, vel arida æstuantique feбри, qualem in phreniticis videre est, causam ejus ariditatem vacationemque recte putaveris.* Quare tot causas habent convulsiones, perpetuæ ac permanentes, quippe aut nervosarum partium repletionem, aut siccationem, evacuationem seu inanitionem. Quæ vero cum manifesto motu sunt, quales sunt epilepticæ, ac quas motus convulsivos vocant, alias causas habent. Aut enim ab humore crasso

A frigore.

A calore.

Ab evacuationibus.

ac viscido ventriculos cerebri obstruente, quo modo universalẽ convulsionem, quam Græci *Epilepsiam*, alii morbum comitialeẽ vocant, oriri, Gal. in lib. 3. de loc. affectis cap. 7. ita scripsit: *Atque morbus quoque comitalis convulsio est omnium corporis partium non perpetua, ut in Emprosthotono atque Tetano videre est, sed quæ ex temporum accidit intervallis, atque hæc convulsio cerebro primario, & per se læso fit, veluti per consensum ipso quoque læso corpora sæpius pati convulsiones observamus cum universales tum particulares.*

Galen. enim ore ventriculi læso nedum convulsiones fieri, cerebro nervorum in principio læsione communicata, sed vel etiam gravissimos alios affectus demonstravit in lib. 5. de locis affect. cap. 6. Grammaticum enim, narrat, juvenem, qui quoties vel nimis vehementer doceret, aut cogitaret, aut inediam sustineret, aut irasceretur, comitali morbo corripiebatur, quippe ex bilioso acrique succo os ventriculi mordente. In lib. vero 5. Aph. 1. Gal. narrat, quandam Adolescentem ab humore æruginoso, os ventriculi mordente, sæpius universali convulsione fuisse tentatum, eamque ipsum non reliquisse, quoad per vomitum æruginem excerneret, & in libr. de venæ sect. adversus Erasist. Diodorum Grammaticum, cum diu jejunos mansisset, convulsio-

Ex contentione
& labore.

nibus obeam causam fuisse tentatum. Ex contentione quoque ac labore, qui fit cum ventriculus aliquod infestum expellere conetur, convulsio fit, non secusque fit vera epilepsia, dum expultrix in cerebro conatur a ventriculis expellere succum crassum ac viscidum, ipsos obstruentem, ac viam spiritibus animalibus prohibentem. Qua ratione recte quidem dixit Hipp. ab Elleboro albo, ex ejus infestissima qualitate os ventriculi mordente, fieri convulsionem, quam nos Patavii, ubi Medicinæ operam daremus, vidimus in quodam juvene, cui album veratrum, seu elleborus, a fatuo quodam pharmacopœo, nigri loco exhibitus est, in aliis multis, quorum ore ventriculi aut a biliosis aut ab æruginosis humoribus, aut ab aliquo venenorum erodentium læso. Quare per consensum etiam ex ore ventriculi læso

Ex partium
um consensu.

læditur

læditur cerebrum, & homines convelluntur, ac nedum ubi hujusmodi membrum læditur, sed maxime etiam uterus læsus convulsionem concitat, cerebro ab ipso communicata læsione, ex quo merito plures ex hystericeis mulieribus convulsionibus non raro tentari solent. Galen. scribit *in 6. libr. de loc. affect. cap. 5.* Viduam quandam mulierem ex semine retento, utero læso convulsione fuisse tentatam, excretoque semine crasso, foetido, fuisse liberatam. Hinc Auctor Prorrheticorum *in 3. Prorrh. 27.* ait, *convulsiones in hystericeis mulieribus esse faciles*, quales Dorcadi contigisse meminit. At & ab hoc membro, quippe ab utero, atque ab aliis partibus venefica & maxime infesta aura ad cerebrum adscendente aliam epilepsiæ speciem Gal. in duobus pueris (ut ex *3. libr. de loc. affect. cap. 7.* colligitur) observavit, atque ab his causis concitari convulsiones non permanentes, sed cum motu quæ fiunt, nobis esto persuasum, omnium vero cum convulsionum tum motuum convulsivorum causas omnes Gal. *in lib. 12. Methodi med. cap. ult.* has esse perstrinxit, quippe has fieri aut a siccitate, a repletionem, a magna phlegmone, a mordente humore, atque ab ingenti frigore. Sed satis accurate cognitis causis convulsionum, modo signa, a quibus possunt futura præcognosci, de quibus *in lib. 5. Coac. præsag. text. 5.* hæc leguntur: *Leviter feroces insaniæ ferinæ sunt, & convulsionem significant*: Et paulo post *text. 13.* *Qui capite dolent firmiter, delirantes, alvo suppressa, feroci aspectu, rubore in facie efflorescente, in posteriorem partem convelluntur.* Has sequi cerebri exitiosas inflammationes rationi quadrat, cum illa signa phreniticorum lethalium sint, propriumque, ut a Galeno *in primo Prorrh.* habetur, ipsos, antequam moriantur, convelli, convulsosque mori. Auctor vero Prorrheticorum *in 1. lib. text. 22.* ait: *In phreniticis frequentes permutationes convulsionem indicant.* In eodem vero *5. libr. Coac. præsag. text. 9.* scribitur: *In acutis doloribus capitis, isdemque torpidis cum gravitate, convulsiones fieri solent*: Et paulo post *text. 22.* *Capite dolentes leviter & exsudantes, intercepta alvo, in convulsionem incidunt.* Atque

Convul-
sionis fu-
tura si-
gna.

que hæc de notis convulsionum futurarum; quarum colores tantum capitis vehementes, & vehementia seu ferina deliria certe possunt prædicere convulsiones; reliquæ vero notæ in certius ac infidelius, sed Hippocrat. in 3. *Prognosticor. text. 34.* de puerorum futuris prævidendis convulsionibus ita scripsit: *Pueris autem convulsiones accidunt, si febris acuta fuerit, nec alvus deiciat, ac si vigilant, paveant, lugeant, calorem mutent, & viridem, aut lividum, aut rubidum trahant. Hæc igitur nuperrime editis pueris promptissime accidunt ad septimum usque annum. Adultiores vero pueri, virique non item in febribusprehenduntur convulsionibus, nisi aliquod indicium exsistit validissimum ac deterrimum, qualia per phrenitidem accidunt.* Sed de his satis, nunc ad prognosticum ex convulsionibus sumendum declinemus, & primum de iis, quæ citra febrem affligunt, pauca attingamus. Convulsionum itaque earum, quæ sunt repletis humore crudo nervosis partibus, minus periculi afferunt ægrotis, quam quæ siccatis arefactisque nervis musculisque concitantur: cognoscuntur vero a repletionefactæ, eo quod repente fiant. Ceterum ex tribus convulsionum differentiis, *tetanus* vocata; affectus ex acutissimus; sæpiusque cito interficiens, quippe tribus aut quatuor diebus, cum convulsis musculis tum mandibularum, tum gulæ, non possint deglutire, neque nutriri cibis, neque medicamentis devorandis juvari, sed ubi morbus indies protrahitur, de salute bene sperandum est. Quod Hippoc. in 5. lib. Aphor. 6. ita expressit: *Quicumque a distentione corripuntur, in quatuor diebus pereunt, si vero has effugerint, sani sunt.* Hipp. convulsiones omnes solent quam maxime a febribus, si supervenerint, juvari, quod absumat calor febrilis humores nervosas partes replentes, de quibus Galen. in 2. Aphor. 26. ita scripsit: *Quum ergo secunda valetudine quempiam derepente convelli accadat, talem a plenitudine proficisci convulsionem necesse est, ita enim infarciuntur, viscidis & frigidis humoribus, quibus etiam aluntur, ut spasmus patiantur, cui superveniens febris, frigidus illos calefacere,*

Convul-
siones
quid
præsa-
giant.

Convul-
siones,
quæ ci-
tra fe-
brem af-
fligunt.

Convul-
siones in
quibus
de salute
speran-
dum.

facere, & lentos attenuare humores, & discutere solet. Hoc-
 que est, quod Hippoc. in 4. Aphor. 57. dixit: *Qui a con-*
vulsione aut disentione nervorum tenetur, febre superveniente,
liberantur. Ex quo merito ipse quoque in 2. lib. Aphor. 26.
 dixerat: *Febrem convulsioni supervenire melius est, quam fe-*
bri convulsionem. Hinc recte ab ipso in 2. Epid. com. 5. text.
 8. sancitum est, quod si pueris spasmus fiat, ignem exer-
 ceamus seu inuramus, quod crudos crassosque humores
 calefaciat, extenuet, & discutiat. Quo itaque convulsis suc-
 cedens febris vehementior erit, & vehementiore rigore eo
 efficacius eos sanabit, qualis esse solet quartana, quæ cum
 frigus intensum habere solet, tum calorem efficacissimum
 merito ipsa liberat a magno morbo, si Hippocrati atque ex-
 perientiæ credimus, & merito sane, cum ipsa calorem ha-
 beat ceteris aliis febribus efficacior, quod ipse in terre-
 na crassiori ac densiori materia fundetur, atque hoc est, quod
 nobis Hipp. innuit in lib. 5. Aph. 70. hisce verbis: *A quar-*
tana capiti non admodum a convulsionibus capiuntur, si vero
prius capiuntur & quartana supervenerit, liberantur. Hoc-
 que nedum ob calorem, qui efficacissime repletionem ner-
 vosarum partium discutit, sed quin etiam ob frigus cum in-
 tensum, tum diu quatiens corpora, quid a nervosis par-
 tibus humoris eo motu digeritur, quare convulsis su-
 perveniens febris, bonum, quatenus repletionem discuti-
 endo tollat. Quod de convulsis ab ebrietate Hippoc. ita
 confirmavit, in sect. 5. Aphor. 25. dicens: *Si ebrius quispi-*
am repente obmutuerit, convulsus moritur, nisi febre corripiat-
ur. Atque hæ sunt convulsiones, in quibus de salute spe-
 randum erit, ac multo plus, si in pueris fiant, qui quo fa-
 cilius adultis, cum ob crudum alimentum, quo abundant,
 tum quia partes nervosas infirmas, (ut Gal. in 3. lib. Aph. 5.
 est auctor) habent, convelluntur, eo minoris periculi ma-
 lum decernunt, at multo facilius hos superveniens febris
 juvabit. Ex quo neque convulsiones in febribus hos ca-
 pientes ita sunt detestandæ, in adultis vero solent esse per-
 niciosæ, quatenus fiunt plerumque resiccatis atque arefa-
 ctis a febrili calore nervosis partibus, quo nihil pernicio-
 sius,

sius, ut Galen. visum est, qui de ipsis in lib. 12. Meth. med. cap. 8. ita scripsit: *Scire namque licet ejusmodi affectum, si modo curabitur, humectationem poscere. Ceterum curatu perdifficilem esse, vel potius, qui curari omnino non possit, si febris occasione est contractus, succedit maxime exitiali phrenitidi. Nec sanatum quempiam ita convulsorum aut ipse vidi, aut alium narrantem audivi.* In pueris vero febricitantibus non sunt ita malæ detestandæ, ut paulo post clarius ex Hippoc. in 2. Epid. com. 2. demonstrabimus. Ceterum in aliis omnibus atatibus a siccitate factæ convulsiones sunt perniciosæ. Hinc timendæ esse videantur convulsiones, quæ in febribus fiunt, ex quo merito Hippoc. dixit, melius esse, si convulsionibus febres succedant, quam convulsiones febribus, quæ a purgatione, vacuatione insigni, quod omnes hæ siccent, pessimæ sunt; de quibus Auctor Prorrh. in lib. 3. ita scribit: *Quibus ex naribus copiosa violenta, & multa fluunt, ad convulsiones trahi interdum deducuntur: & in 5. Aph. Hipp. Ubi sanguis multus fluxerit, singultus aut convulsio, malum: & paulo post quippe in Aph. 56. ait: Ex fluxu muliebri si convulsio & animi defectus advenerit, malum, quod repetit in lib. 7. Aph. 9. cum dixerit: A sanguinis profluvio convulsio, malum: quam rem clarius egit in lib. 6. Aphorism. Galen. cum dixerit, convulsionem ab evacuatione esse acutissimam & perniciosissimam, eadem ratione in lib. 7. Aph. 13. Hippoc. scripsit: *ab æstibus fortibus convulsionem, aut disentionem, malum: & paulo post Aph. 18. in vigilia convulsio, malum; quod cum fortes æstus, vel febres ardentes vel inustiones tum vigiliæ immoderatæ substantiam humidam dissolvant, evacuentque. Eodem itidem modo immoderatæ purgationes siccando convulsiones perniciosas pariunt, quod Hipp. in 5. lib. Aph. 4. affirmavit, cum scripserit: Ex immodica purgatione convulsio aut singultus, malum: Et in sect. 7. Aph. 25. Ex medicamento potione convulsio, lethale: Et in sect. 7. Aph. 5. Convulsio ab elleboro, lethale.* Atque hæc de Prognostico convulsionum perpetuarum. Nunc pauca de iis, quæ aut contentione, aut morsu fiunt, dum natura conatur ventriculis cerebri excutere humorem viscidum*

Convul-
siones
quænam
timendæ.

Convul-
siones a
conten-
tione aut
morsu.

dum & crassum, attingamus, cum hæc cumulatius sint posterius a nobis tractanda; *Epilepticos* vocamus illos. Gal. in lib. 5. *Aph.* scribit, Epilepsiam neque acutissimum, neque periculosissimum esse affectum: & merito quidem, cum quod chronicus morbus sit, tum quod plures ab ipso evadunt; uti pueri, quos Hippoc. in *Secl.* 2. *Aphor.* 45. sanari ita scripsit: *Quicumque juvenes morbo comitiali laborent, mutatione maxime ætatis & temporum & locorum & victuum quoque liberantur.* Expressit vero, quibus sanari possunt & non possunt in 5. lib. *Aphor.* 7. dicens: *Quicumque morbi comitiales fiunt ante pubertatem, mutationem accipiunt. Quibus vero accidunt viginti quinque annos natîs, hi plerumque moriuntur.* Galen. scribit in lib. de pueri epileptico, se plures pueros sanavisse, atque in lib. de purg. medic. facult. plures vel etiam ex iis, qui non sanantur, in vere purgatos, atque sanguinis missione præcavisse: ceteræ vero aliæ convulsionæ, quæ aut per consensum ab aliquo acri humore aut veneno, aut vapore venenoso, & maligno concitantur, curantur. Cujusmodi fuit, quam patiebatur Grammaticus ob amaram bilem, & Adolescens, ab ærugine os ventriculi mordente, qui, excreta per vomitum ærugine, liberatus fuit. Itemque & alia a malignis vaporibus; sed hæc sufficient nobis ad judicandos eventus convulsionum sine febre concitatarum: nunc de iis, quæ in febribus acutis fiunt, agamus.

CAP. VIII.

Quid convulsionæ in febribus acutis significant.

Convulsionæ omnes, quæ in principiis morborum acutorum sunt, multitudinem humorum significant, quæ partes nervosæ repletæ contenduntur seu convelluntur. Hæ quidem in quicquam certi in morbis non indicant, gravissimum tamen morbum testantur, neque prorsus periculo vacantem, quando omnes morbi a multitudine crudorum humorum graves sint, nec periculo careant. Qualis fuere, quæ Hipp. ut ex libro *Epidem.* constat, in multis, qui sanitati fuere restituti, fuere conspectæ. Quippe in muliere, trimestri foetu

Convul-
siones
quid in
morbis
signifi-
cant.

Quænam
minus
timen-
dæ.

gravida, in littore decumbente; in *Pythione*, qui prope tel-
luris ædem habitabat, in eo qui in horto *Dealcis* ægrotabat;
in *Charione*, qui apud Demetum, atque in morosa muliere,
quam prima die quasi repente convulsio invasit. Hæ enim
omnes (iis exceptis quæ in eo, qui in horto *Dealcis* ægrota-
bat conspectæ sunt, quæ Crisin futuram indicabant) multi-
tudinem humorum signabant, nec quicquam certi ad salu-
tis exitiique præsagium. Ceterum in *Pythione* ac *Charione*,
quod una cum urinis aliquam coctionem præ se ferentibus
apparuerint, non ita erant timendæ. Criticæ fuere in illo,
quæ in horto *Dealcis* conspectæ sunt: quod Galen. in 2. *Epi-
dem. text. 39.* hisce verbis expressit dicens: *Nam & quod de-
liraverit in nona, & dextro oculo strabo fuerit, res sunt quæ so-
lent in judiciis evenire.* Quæ etiam in febribus ex ore ven-
triculi per consensum cerebro læso fiunt, non sunt timen-
dæ, qvum vomitione facta tolluntur. Qualis ab Hippoc. in
filio Hermophili fuit observata, de quo in *lib. 5. Epid. text. 27.* ita scripsit: *Hermophili filius ægrotavit undecim dies, fe-
bris autem tenebat ipsum, & non descendebant cibi, & primum
quidem deliravit, nocte vero cessavit, sequenti autem die sine
voce jaciebat, stertens, distortos habens oculos, febricitans: Pen-
na vero immissa vomuit bilem atram & clistere immisso stercus
multum subiit.* Eodem quoque modo in utero sanatu sunt
faciliores: quare in *lib. 3. Prorrheticorum* ita legitur: *Con-
vulsiones in hysteriis mulieribus faciles sunt, ut etiam Dorcadi
contigit:* In febribus etiam, quæ pueros invadunt, quod non
magni recessus, a sano ipsorum statu propter multum cru-
dum alimentum quo abundant, & nervosi generis infirmi-
tatem, nobis indicio sint, non admodum sunt periculosa.
Quod Galen. in 1. *Epid. comm. 2. text. 24.* expressit, dicens:
*Pueri autem propter nervosi generis infirmitatem convulsionibus
sunt opportunissimi.* Quo facilius etiam parvis de occasio-
nibus hoc genus iis mali accidit, minusque est periculofum,
ex quo mirum non est, si vel etiam, cum in febribus pueri
convelluntur, non sit usque adeo, uti in aliis ætatibus, ti-
mendum. Quod Hippoc. in pueris observasse in 2. *lib. Epi-
dem.*

dem. comm. 2. text. 24. hisce verbis prodidit: *Multos convulsiones & maxime pueros ab initio tentabant, & febricitabant febribusque convulsiones succedebant. Erant hæc plerisque diuturniora & innocua, præter eos quibus etiam alia cuncta pernicialia essent, quod in 4. Coac. præ sag. sect. 2. text. 31. ita fuit confirmatum: Convulsio in febre, lethalis, minime vero pueris: quibus etiam convulsionibus succedit febris, aut si est, fiat vehementior, bonum est, quoad convulsionem, modo ex nervosarum partium repletione profecta sit. Hinc in Coac. præ sag. lib. 4. sect. 2. text. 10. legitur, convulsionibus remedio esse acutam febrem supervenientem, quæ prius non fuit, aut siquidem prius exstitit, jam invalescentem magis. Nec non juvare urinam multum vitream, & genituræ similem, atque etiam alvi fluxum. Convulsiones quoque in febrium principiiis factæ, si febres augeantur, ægroti rigere minus solent: cujusmodi fuit, quæ in uxore Eracilitis visa est, de qua in 7. Epid. text. 108. ita scripsit: Philistidi Eracilitis uxori incepit febris acuta, rubor faciei sine ulla causa manifesta, paulo post eadem die riguit, non recalescebat, convulsio facta est in digitis manuum, & pedum, paulo vero post hæc invaluit, 2. superriguit, paulo plus incaluit, & rubor minor, & convulsiones supervenerunt moderatiores.* Demum addamus quasdam convulsiones in febribus, aliquando febres ipsas diminuire & sanare, quæ critica dici debebunt, quæ fiunt per materiæ transmissionem a venis ad nervos musculosque, quæ si febrem in primis diebus solvant critica, & bonæ erunt, quod in 5. lib. Coac. præ sag. ita scriptum est: *Convulsio in febre mota, febrem solvit eadem die, aut altera, vel certo tertia, quod si tempus transgrediatur, quo ab initio tenebat, nec acquiescat, malum.* Hoc vero fit, ut etiam dictum est transmissa materia morbifica a venis ad partes nervosas, quæ transmissio materiæ potest quidem febrem minuere, vel etiam prorsus tollere humoribus a venis excretis, non amplius in ipsis putrescentibus. Sed hæc de iis convulsionibus, quæ etsi non bonæ (cum perpetuo per se omnes malæ sint) tamen aliquando salutem indicare, contingit: quibus perspectis ad malas per-

Convul-
siones
criticæ.

periculosasque convulsiones descendamus. De quibus in febribus observatis Hippoc. in 2. lib. Prognost. text. 10. scribit: *Si autem testes, & pudenda revelluntur, dolor vehemens, vel*

Convul- *mors.* Perpetuo in adultis in febribus acutis convulsiones
fiones sunt malæ, omniumque maxime in ardentibus, ut Gal. in 4.
quænam lib. Aphor. 66. testatum reliquit, quod hæ ardentibus febres
perni- veluti ignis nervos siccent ac perniciosas convulsiones fa-
ciosæ. ciant. Dictum est omnes convulsiones a siccatis partibus

A siccitate. nervosis profectas, esse sanatu nedum difficiles, sed impossibiles, itaque in febribus acutis eæ omnes erunt perniciosæ, quippe, quæ ab igneo calore febris humido consumto, siccatis nervis fiunt. De his Galen. in 4. lib. Aphor. 35. ait: *Si vero ex febribus adurentibus totum corpus exsicce- tur, & nervis deinde ex siccitate convulsio accidat, maximum est malum, & pene insanabile, quoniam longum quidem tempus exigitur ad siccitatem nervorum removendam, vehementia autem morbi tempus non concedit naturæ, sed cito vires dissolvens exitium affert.* Ex quo Hippoc. merito in Sect. 4. Aphor. 66. dixit: *In acutis febribus convulsiones, & circa viscera dolores fortes, malum.*

Cum virium debilitate. Quæ si cum virium debilitate fiant, in foribus exitium prædicant. Quod Hippoc. perbelle in Aphor. 49. expressit, ita scribens: *In febre non intermittente, si labrum vel palpebra, vel supercilium, vel oculus, vel nasus pervertatur, vel non videat, vel non audiat, jam debili existente corpore, quicquid horum evenerit, mors proxima est.* Quod observavit Hippoc.

In mente captis. in uxore Dromedai, quæ post convulsiones a capite inceptas subito obiit. Quæ etiam in mente captis fiunt, maxime suspectæ erunt, sed omnium perniciosissimæ, quæ in phreniticis fiunt, proximum enim exitium significant. Nec istorum convulsorum quempiam sanatum vidit Gal. neque alium narrantem audivisse, in lib. 12. meth. med. cap. ult. mortalium memoriæ commendavit. Hipp. in illa epidemica constitutione, quam in 1. Epid. comm. 2. text. 53. descripsit, plures phreniticorum meminit, qui convulsi subito moriebantur. De quibus ait: *Phreniticis convulsiones, sed & virulenta vomunt, & ex his quidam subito moriuntur.* Quod ac-

accuratius observavit in phrenitico, de quo apud ipsum *lib. 3. Epidem.* scribitur: *Postridie mane vocem amisit, febris acuta sudavit, non intermisit, palpitationes per totum corpus, nocte convulsiones, tertio die cuncta exacerbata sunt: defunctus est.* Proprium esse exitialium phrenitidum, ut in convulsiones definant, alias a nobis ex Hipp. atque Galen. demonstratum est. Veræ enim phrenitides id habent, quod paulo ante mortem convulsiones faciant, quippe ab inflammatione cerebri siccatis nervis; in ipsis vero, ubi hæ apparent, in foribus exitium denotant, quod Hipp. in Cononis Sexua phrenitica, ut apud ipsum *in 5. Epid. text. 81.* legitur, observavit, quæ quidem cum diebus quadraginta mortua esset, per aliquot dies ante voce destituta, & convulsa est. Tremores in convulsiones definentes, seu ex tremoribus convulsiones, lethalissimas esse, Gal. *in 3. Prorrhet. 9.* affirmavit. A doloribus quoque & assiduis vigiliis, perniciosæ sunt, nec non in febribus acutis, quæ observantur convulsiones, ut Hipp. *in Sect. 7. Aph. 18.* nos docuit. Ab immoderatis vacuationibus & purgationibus eodem modo malas esse convulsiones in aphorismis nobis significavit, veluti cum ait *in Sect. 5. Aph. 4.* *Ex superflua purgatione convulsio aut singultus superveniens, malum.* Et postea *Aphor. 56.* *Ex fluxu muliebri si convulsio & animi defectus advenerit, malum.* Ita ut omnes cum evacuationes tum purgationes immoderata, a quibus ægroti convelluntur, siccant universum corpus, atque convulsiones siccatis nervis efficere alias dictum est. Hinc Galen. *in 7. Aphor. 70. comm.* dixit: *Ab evacuatione convulsionem acutissimam & perniciosissimam esse.* Ab ilei inflammatione convulsiones esse perniciosas Hipp. quoque *in lib. 7. Aph. 10.* tradidit: *In vulneratis etiam convulsiones plerumque lethales esse consueverunt,* etsi non necessario in omnibus ex vulnere convulsis mors succedat, ut Galen. *in 5. Aphor. 68.* etsi Hipp. *in Aph. 2.* dixerit, *e vulnere convulsionem lethalem.* Plerumque vero lethales sunt, quod vel etiam ipse Hipp. ut apud ipsum *in Epid.* libris legitur, in multis observavit, quippe in Scammandro a sectione, in eo, qui ex jaculo sauciatus con-

In veris
Phreni-
tidibus.

A tremo-
ribus.
A dolo-
ribus.

Ab im-
modera-
tis va-
cuatio-
nibus.

Ab ilei
inflam-
matione.
Ex vul-
nere.

vulsus est, in illa Nerei virgine pulcra ex percussione, in Gubernatore navis ex fracto digito, atque in alio ex luxato digito, qui omnes convulsi obierunt. De Scamandro vero in 5. lib. Epidem. text. 15. ita habet: Scamandrus in Larissa & in coxa marcorem habuit, & os diu luxatum. Hic sectus est sectione magna, etiam ad os ipsum, & deinde ustus est, & tunc die duodecima post sectionem spasmus cæpit, & obtinuit multum: contrahabatur autem crus hoc usque ad costas, transiliebat autem & in alteram partem convulsio, contrahabatur autem crus, & extendebatur: & alia membra movebat, & maxille adducebantur. Hic mortuus est, convulsus octava post invasionem convulsionis. Et de illo, qui a jaculo percussus est, postea text. 44. Qui jaculo acuto percussus est posterius, paulo infra cervicem vulnus accepit, aspectu quidem non dignum mentione, non enim in alto fiebat, non autem multo tempore post extracto telo, posteriora tractus, ut opisthotonici, & maxille ligatæ sunt, atque si quid humidum in os acciperet, & id conaretur bibere, rursus relidebatur ad nares, & reliqua statim pejora fiebant, & die 2. mortuus est. Sed audiamus casum virginis illius Nerei pulcræ, a percussione convulsæ, de qua text. 47. ita habet: Virgo illa pulcra Nerei, quæ quidem erat viginti annorum, a muliercula amica ludente, lata manu percussa est secundum sinciput, & tunc quidem vertigine tenebrosa correpta est, & responsione, & respiratione caruit, & cum domum venisset, ilico febris vehehens tenuit & doluit caput, & rubra circa faciem erat. Cum autem septima jam esset dies per aurem dextram pus exiit feridum, subrubrum plus cyatho & videbatur melius habere, & sublevata est. Rursus intendebatur febris, & deferabatur in somnum, & loqui non poterat & dextra faciei pars trahabatur, & respirationem habebat difficilem, & convulsionem, & tremebat lingua, oculus stupidus: nona mortua est. Et postea text. 70. adjunxit casum satis spectandum, cum ait: Magnæ navis gubernatori ancora digitum indicem, & os infernum confregit dextræ manus, inflammatio successit, & sphacelus, & febris, subpurgatus est moderate, calores mites & dolores. Digiti quoddam decedit, post septem dies exibat sanies moderata: post hæc

hæc dixit se non posse omnia lingua enunciare. Prædictum est fore opisthotonicum, conferebant in hoc buccæ consertæ deinde in cervicem. Tertia die totus convellebatur in posteriora cum sudore. Sexta die a prædictione mortuus. Eodem modo de Harpali filio ex magni digiti convulsione 3. die mortuo, ita scripsit: Filius Harpali, qui ex Telephane liberta luxationem infra magni digiti accepit: inflammatus est, & cum dolore: & ubi repositus est, projectus est in agrum, rediens lumbus doluit, lavit: maxillæ ad noctem conserebantur, & opisthotonus aderat. Spumosa saliva vix per dentes extra exibat. Tertia die mortuus est. Eodem modo & Tychon, in obsidione circa Datum percussus in pectus a catapultâ, 3. die convulsus subito obiisse in eod. lib. 5. text. 92. nobis prodidit. Ex horum itaque historia apparet plerumque convulsiones ex vulneribus esse lethales. A medicamentis quoque cum prævali-
de purgantibus tum venenosis, convulsiones permanentes
sunt lethales, unde Hipp. dixit in 5. lib. Aphorism. 1. Ab elle-
boro convulsionem esse lethalem. Et in lib. 7. Aphor. 25. Con-
vulsionem ex medicamentorum potione eodem modo esse lethalem,
in quam sane lethalem convulsionem, puellam quandam a
medicamento foetum corruptorio incidisse Hipp. in 5. Epid.
text. 50. vidit, de qua ita scribit: Ei, quæ vigesimum ætatis an-
num agebat, & pharmacum corruptorium biberat, accidit labor,
vomitus biliosorum, multorum pallidorum & porraceorum. Cum
bibisset, convulsio tenebat, linguam mandebat, cum ad quartam
veniret & ipsa lingua erat magna, nigra, oculorum autem alba
pars rubra: insomnis, quarta die, ad noctem mortua est. Hipp.
scribit, in eod. lib. 5. Epidem. text. 82. juvenem ex devorato
serpente quoque convulsus periisse. Cujus historiam ita
expressit: Adolescens quidam, cum multum meracum bibisset,
supinus dormivit in umbraculo quodam. Huic serpens Arges in
os ingressus est, atque cum sensit, non valens loqui, stridit den-
tibus & serpentem devoravit, & dolore magno tenebatur, & ma-
nus offerebat, ut qui strangularetur: & jactabat seipsum, & con-
vulsus mortuus est. In libro vero 7. text. 19. Anginosam mu-
lierem die 7. convulsam interiisse. Atque hæc sunt lethales
con-

Convul-
siones fa-
lutaes
unde a
lethali-
bus di-
gnoscu-
tur,

convulsiones in acutis morbis observatae, quae, ut jam diximus, in acutis ardentibusque febribus sunt perniciosissimae, omniumque maxime, quae phreniticis succedunt, multum quoque a vulneribus convulsiones esse timendas, praedictorum ex Hipp. narratae historiae satis vos docent. Sed dicitis illas, quae, cum fiant in principiis acutorum morborum, ex repletis nervosis partibus ipsas concitari necesse est, atque alias, quae quovis modo ab eadem causa in iisdem acutis morbis concitantur, qua ratione vel salubres vel lethales esse, cognoscimus. Ex signis aliis tum, quae praecesserunt, tum una quae illuxerunt, aut postea sequuntur. Omniumque maxime coctionis & cruditatis signa erunt attendenda, apparentibus enim convulsionibus, morbo plane crudo existente, semper nobis malum minantur, eodem modo perniciosae nunquam solae, sed aliis cum signis perniciem indicantibus apparere soleant. Qua ratione convulsiones, quas in uxore Philini primo, & postea in uxore Dromedai, in Philista, in phrenitico, muliere Cyzichi, atque in muliere apud frigidam aquam decumbente Hippoc. vidit, lethales omnes fuerunt. In muliere enim Philini, ut ex 1. *Epidem. Comm. 3. text. 21.* habetur, multae convulsiones dolorificae, cum magno delirio die 8. apparuerunt, quae & diebus nono & undecimo eadem manentes, cum urinis crassis, albis, turbidis, multo tempore non residentibus, mortales absque dubio fuerunt iudicandae. Non minus & quae in uxore Dromedai. De qua Hipp. in *Epid. 2. text. 1.* *Sexto die mane superriguit, cito percaluit, toto corpore sudavit, extrema frigida, deliravit, spiritus magnus, & rarus, paulo post convulsiones, a capite caeperunt, Urinis oleosis apparentibus paucis, & cum stillis sanguinis, quae praecesserunt. Mortua est.* Quae omnia simul certum exitium indicabant. Idem iudicium ex hypochondrii tensione in Philista, 5. obiit, ante diem, cum ex septi transversa magna inflammatione facta esset convulsa, simul cum pessimis signis. In phrenitico etiam (praeterquam ut nuper a nobis ex Galeno est demonstratum, quod omnes convulsiones in phreniticis exitiales) etiam id convulsiones ipsius

ipſius habuerunt, ut lethalia ſigna ſimul cum convulſionibus tunc illuxerint, quando virulenta vomuerit, febris eſſet horrida, ſudor copioſus prima die, aſſiduus toto corpore, multum delirium, ſecunda die aſſonia, febris acuta, ſudavit, non intermiſit, quo tempore exitiaſſimæ factæ ſunt convulſiones, quæ in febribus exitium certe prædicabant. Eodem itidem modo, & quæ in muliere *Cyzichi* die decimoquarto, cum extremorum frigiditate, delirio, crudoque plane exiſtente morbo: atque hæc ſunt, quæ de prædictione a convulſionibus fuerant dicenda, ſub quorum genere cum & ſingultus comprehendantur, de ipſis agendum non videretur tamen cum ſingulares ſtomachi ſint ſingultus convulſiones, de illis quoque ſigillatim agendum merito duximus, atque eo magis, quod Hippocrates de ipſis diſtincte quidem a convulſionibus ſcripſerit.

C A P. IX.

Quid ſingultus in morbis prædicant?

A ſingultu quoque eventus morborum venemur, tamenſi idem ſit ipſius iudicium, atque convulſionis, ſiquidem & ipſe quædam convulſio ſtomachi eſt, ut Gal. docuit in 5. *Aphor. 3. in lib. vero 4. de vict. rat. in morb. acut.* ſingultus appellat motus convulſorios: de qua clare ſatis in *Comment. 6. Aph.* ita habet: *Singultus vero concedatur convulſionem ſtomachi nominari, quando aliud fuerit ſermonis propositum, ut ſingultus ſubſtantiam cognoscemus, melius fortassis fuerit non convulſionem ipſum nominare, ſed quendam motum ejusdem quidem generis, cujus vomitus, intentum autem eſt illo vehementiorem. Nam ſtomachus appetens eorum aliquid, quæ in ipſo continentur, expellere, ad duos movetur caſus, vehementiorem quidem in ſingultibus mediocriorem illo in vomitibus, ſiquidem in vomitibus appetit ea tantum, quæ in ventriculi ſpatio latiori continentur, expellere, in ſingultibus autem ea, quæ ſunt in ipſo ventriculi ore penitiora.* Ex quibus apparet ſingultum eſſe motum expultricis ſtomachi, aliquod noxium expellentis. Veramque ſtomachi convulſionem ſingultum dicimus, ſed eum, quæ cum motu ſit,

Singultus quid.

Dd

qualis

Singul-
tus causa

qualis in epilepticis læso cerebro observatur: aut melius dicamus, singultus, ut Gal. *in sect. 4. de vict. rat. in acut. text. 69.* nobis tradidit, esse quosdam motus convulsivos. Concitantur vero ex Hipp. *in 6. Aph. 39.* vel ex repletionem, vel inanitionem, scilicet partium nervosarum, particulatimque oris ventriculi. Replent vero cibi multi, potus, humores, phlegmones, flatu. Siccant calor igneus, immoderatæ omnes vacuationes, purgationes, vigiliæ, jejunia, atque alia hujusmodi. Ceterum singultum fieri ab iis causis, uti veræ convulsiones concitantur, præcedit Hipp. de vera stomachi convulsione locutus, quæ ab altera harum causarum fit. Quod vero sæpius fiant singultus propter mordicationem oris ventriculi, qui motus sunt similes convulsionibus, quos convulsivos motus, multi merito appellent, minimeque convulsiones, proinde mirum non est, si ab aliis causis fiant, ab illis quippe omnibus, qui vel copia gravantes stomachum, vel molesta quapiam qualitate ipsum lædentes. Nam cum ventriculus copia humorum, vel ciborum pravorum, opprimitur, aut acrimonia mordetur, aut distenditur flatu, aut calore aut frigore aliave qualitate irritatur, aut resiccatur, vel revellitur eo motu convulsioni haud absimili, noxam nititur expellere. Quæ Gal. videtur *in lib. 8. de comp. med. c. 8.* attigisse, cum ait: *Similiter, & singultus stomacho interdum ob frigiditatem, aut repletionem accedit, interdum ob mordacitatem humorum acrium, & medicamentaria qualitate præditorum: & paulo post: Singultum autem sine his fieri video, acribus humoribus aut serosis & medicamentis stomachum mordentibus quos ubi vomitu rejecerint, statim singultu liberantur.* Quia & multi devorato pharmaco ex tribus piperis generibus constante, si statim vinum superbibant, omnino singultiunt, ex quorum numero etiam ego sum. Amplius autem & cibo in mordacem qualitatem corrupto aliqui singultiunt, & quod a vomitu statim liberantur, omnibus notum est. Quidam etiam ex rigore oris ventris singultiunt. Verum pueros maxime singultire contingit, tum ob corruptionem alimenti in ventre, tum ob partis frigiditatem, atque ab iis causis singultus fiunt. Verum in febribus singultiunt homines quandoque propter

per-

perniciolam aut stomachi, aut cerebri, aut intestini tenuis aut hepatis, inflammationem, aut presso ore ventris a cava hepatis parte in tumorem elata, aut propter hepatis fervoris communicationem, aut acri humore e parte inflammata in os ventriculi defluente, & ipsum mordente, itemque acris exhalatio irritans stomachum, sed hæc satis sint de causis, quibus singultiunt. Hinc illis cognitis ad prognosticum declinemus, dicamusque ex singultibus eos tantum non esse timendos, qui Singul-
tus quid
præagit. citra febrem ac alium morbum, ex vino aut cibus fiunt, aut etiam ab humoribus acrioribus, vel frigidis, vel calidis, vel corruptis. At in febribus quemadmodum & convulsiones perpetuo timendi sunt, omniumque maxime febris supervenientes. Quædam febres dicuntur etiam singultuosæ, ex eo quod in ipsis homines fere perpetuo singultiant, augenturque aucta febre & remittantur eadem remissa, quas febres Græci *lygodes* appellant. Quarum quidem Hippoc. meminit in *Sect. 4. lib. de rat. vict. in acut. text. 69.* Et Gal. in *Comment.* dixit, febrem singultuosam appellari, in quo singultus permanet, ac per totum morbum simul cum febre exacerbatur, ut plurimum vero eæ non parum suspectæ haberi debent, quod fiant inflammato aut stomacho, aut tenui intestino aut hepate. *Cornel. Celsus* scribit, frequentem singultum jecur inflammatum significare; non tamen simpliciter hepate inflammato singultiunt ægri, sed quando hepar ad maximam attollitur inflammationem, ex Gal. in *5. lib. Aph. 3.* licet Hippoc. ibidem dixerit simpliciter: *Hepati inflammationem patienti singultus advenit.* Quare in hepatis inflammatione singultus exitialis esse solet. Non minusque fit cerebro ac ventriculo inflammato, omniumque maxime, si a vomitu fiat, de quo Hipp. in *7. lib. Aphor. 3.* scribit: *A vomitu singultus, & oculorum rubor, malum.* Gal. de ipso ita sentit: Qualis passio est convulsio musculis, talis est singultus stomacho, qui humoribus infestatur, convenit nonnunquam totum ventriculum, nonnunquam os ejus & gulam. Quos per vomitiones abjiciens statim a singultu liberatur, qui si neque per istas cessaverit, duorum alterum ostendit,

vel cerebrum nervorum principium, vel ventriculum pati non mediocrem inflammationem, quare a vomitu plerumque perniciem ostendit concitatus singultus, omniumque maxime in ilei affectu, ex quo Hipp. in *sect. 7. Aph. 10.* dixit: *Ab ileo vomitus, singultus, convulsio, malum.* Et Gal. in *Comment.* dixit: *Non semper in iis vomitum adesse, sed quando exitiales sunt, & si vehementius distorqueantur, stercus eis ascendit, atque singultiunt.* Quare in acutis febribus a vomitu & præsertim malo singultus ascendens, mortalis erit iudicandus; qualis fuit observatus ab Hippoc. in *3. Epid. com. 2. text. 9.* in muliere ægrotante in mendacium foro, de qua ait: *Duodecimo vomuit multa, nigra, fætida, singultus multus, suis laboriosa: quæ postridie obiit.* In quacunque vero febre acuta singultus frequentior & molestior, futuri exitii nobis erit indicium, omniumque maxime, si a vomitu malo, dico vomitum malum ex humoribus aut fœtidis, nigris virulentis aut sinceris, qui evacuantur. Ex quo merito in *Sect. 4. Coac. præfag. sect. 3. text. 15.* in vomitionibus sinceris damnatur singultus. Ab immoderata etiam cum evacuatione tum purgatione singultus solet esse exitialis, quod resiccatis nervosis partibus stomachus convellatur. De quibus Hippoc. in *Sect. 5. Aph. 3.* *Ubi sanguis multus fluxerit, singultus aut convulsio, malum:* Et in sequenti Aphorism. *Ex superflua purgatione convulsio aut singultus superveniens, malum.* Omniumque exitialissimi sunt singultus, qui immodice purgatis corporibus, ac vel etiam suapte natura debilibus. De quibus Hipp. forte in *lib. 7. Aph. 41.* dixit: *Si senioribus supramodum purgatis singultus supervenerit, non bonum.* Similiter solent singultus in ictericis ex tumore aut inflammatione hepatis concitari. De quibus in *Coac. præf. lib. 7. sect. 2. com. 1. text. 17.* hæc habentur: *Qui fœdati morbo regio non adeo acriter sentiunt, siquidem singultiunt, alvi iis exturbantur, fortasse supprimuntur atque ii valde flavescent. Non singultiunt hi, quovis modo affecto hepate, sed ita pleno aut inflammato, ut vel præcopia exundatis bilis totus ventriculus aut stomachus gravetur, aut mordeatur, vel præ magnitudine inflam-*

Singultus exitialissimi.

matio-

mationis ac fervore opprimatur, quod tum demum evenire so-
let, cum affectus maximus est. Verum, ut lethaliū seu ex-^{Singul-}
 itialium singultuum iudiciū confirmetur, signa alia per-^{tus exiti-}
 niciosa, cum quæ præcesserunt, tum quæ una illuxerunt,^{osi unde}
 tum quæ postea, quando singultus exitiales nunquam soli
 erunt, sed alia ejusdem perniciosæ naturæ aut ante aut simul
 conspecta habebunt signa. Quæ auctor Prorrheticorum
in I. lib. expressit, dicens: Aphonia cum singultu, pessima.
Et in Coacis prælagiis: Lassati, singultientes, stupore de-
renti, mali. Pessima signa erunt, sudores frigidi, extrema
 frigida non recalescentia in febre ardentissima, non sitire,
 cibum abhorrere, sudare copiosius, & febrem non inter-
 mittere: stilla sanguinis e naribus, & alia hujusmodi mul-
 ta, quæ quisque videre poterit, in historia illius mulieris,
 quæ in mendacium foro decumbebat, de qua, ut dictum
 est, Hipp. *in libr. 3. Epidem.*

C A P. X.

De rigoribus, atque quid in morbis significent.

De rigoribus quoque in præsentia quatenus ad progno-
 sticum judicandum maxime faciunt, acturi, in pri-
 mis ipsorum cognitionem, juxta nostrum ordinem præmit-
 temus, neque inutiliter, cum non possit, eis non probe co-
 gnitis, de morbis iudiciū certum ex rigoribus haberi.
 Rigor itaque est naturalis caloris subita ac violenta, sive, ut
 ait Gal. *in lib. de tum. palp. convuls. & rigore.* Dolorifica per-^{Rigor}
 frictio cum quadant^{quid.} inæquali totius corporis concussione, agita-
 tioneque ab expultrice facultate partium sensibilium, conante
 foras expellere humores noxios, oborta. Distinguitur a tremo-^{A tremo-}
 re, quod tremor sit unius tantum membri vibratio, rigor &
 totius corporis. Ab horrore, quia hic sit totius cutis & horrore
 rigor totius corporis. Ceterum dicemus hoc paulo post
 accuratius. Rigor quandoque fit citra ullam febrem, ple-^{quomo-}
 rumque cum febre una: absque febre rigorem concitari
 docuit Gal. *in lib. nuper citato cap. 7. & in Sect. 2. de caus.*
symptomatum cap. 5. atque in libr. de inæquali intemperie cap.

8. qui contra antiquos fieri absque febre rigores demonstravit. Viditque ipse Alexandria juvenem citra febrem ex dactilorum immaturorum esu, quippe ex humore crasso venas obstruente, riguisse. Antiquis vero cognitum haud fuit, citra febrem corpora rigere. Non tamen Hippocrati, cum in primo libro Epid. comm. 3. text. 22. de uxore Epicratis hoc aperte scripserit, dicens: *Epicratis uxor, quæ ægrotabat apud Archegetem instante jam partu, rigore correpta est, non incaluit, ut ferebant, postridie eadem erant.* Datur itaque rigor citra febrem, quia Gal. in sect. 6. comm. 3. text. 9. rigor non potens calefieri & a Græcis *anechtermeton* nuncupatur, veluti ille, qui potest calefieri, quippe quem febris subsequitur, validus concutiensque ac morbidus dicitur. Sed quomodo cum a frigore, tum ab horrore rigor distinguatur. Gal. in libr. nuper citato de trem. palp. convuls. & rig. cap. 6. his verbis expressit, dicens: *In ægrotantibus sane non idem videtur cum eo, quod est horrere, aut frigere.* Dicimus igitur subinde accessionis insultum, huic sane cum rigore, alteri cum horrore, alii cum frigiditate sola oboriri, & in omnium Medicorum commentariis idem usus verborum existit. Ita cum quis cum nulla concussione corporis & agitatione perfrigescit, non hic riget, verum si affectus rigor appellari debeat, inæqualem & præter voluntatem motum ei accidere oportet, quod si non accidat, sed cutem quidem inæqualiter commoveat, perfrictionem nominant: si autem hanc quidem perturbet, quatiatque per quosdam insultus, corpus autem totum non commoveat, horrorem nominant, ut hic cutis solius affectus talis existat, qualis totius corporis rigor. Causæ rigorum sunt primo immoderata cum caliditas tum frigiditas. A calore immodico & frigore confertim corpus alterari horrore & rigore, ii, qui balneum nimis aut calidum aut frigidum ingrediuntur, probe sciunt, & a Gal. in lib. secundo de caus. sympt. cap. 5. demonstratum est. Ex quo merito ab Hipp. scriptum est: *Ulceribus frigidum quidem mordax cutem obdurat, dolorem insuperabilem facit, & rigores febriles.* Quidam etiam ex vehemen-

Perfric-
tio, &
horror
quid.
Rigo-
rum
causæ.

hementi timore horrent. Veluti alii tremunt ab ulceribus & abscessibus suppurantibus, nec non rigere corpora aliquando ab inuisione & sectione, Gal *in sect. 6. Epid. comm. 3. text. 19.* nobis prodidit: cum dicit: *Sed ab his causis rigent, tanquam ab aliquo acri sensibilem carnem ledente.* Ex quo merito præcipuas rigorum causas, biliosos, acres humores Galenus statuit. Hi enim admodum sensibiles partes mordicantes, sunt in causa, ut calor naturalis ad ipsos quidem ejiciendos, magno impetu exsurgens, motum illum inæqualem concussivumque in toto corpore efficiat, quod Gal. *in sect. 2. sympt. caus. cap. 5.* docuit. Hujusmodi rigores clare apparent in febribus biliosis, omniumque maxime in iis, quæ intermittunt. In quibus idem, quando humores biliosi tenues admodum mordaces extra venas expulsi ab omnibus sensibilibus particulis continuatim expellantur, quippe ab hac in aliam partem, atque ab illa in aliam, quousque humores, vel ad cutim ferantur, per ejusque poros, scil. per sudorem vacuantur, aut ad stomachum pervenerint, ex quo vomitu rejiciuntur, aut ad alvum, per quem foras demittuntur. Hinc rigores biliosæ vacuationes sequi solent. Quod a Gal. *in lib. 6. Epid. comm. 2. in text. 6.* hisce verbis scriptum est: *In sermonibus de rigore ostensum est amaram bilem, quæ cum impetu per sensibilia corpora ad excretionem fertur, consequi rigorem.* Rigor vero hujus est generatio. Acres enim ac infesti humores a venarum expultricibus pelluntur extra ad partes, a quibus non minus ii expelluntur, cum has ipsorum acrimonia infestet, & excitet expultricem, vicissim in alias, hæque in alias, quousque aut, ut nuper dictum est, ad cutim, aut ad stomachum, aut ad ventrem venerint, & dum conantur partes læsæ humorem expellere, calor naturalis ad eas, ut opem ferat, evocatur. Ex quo extremæ partes algent eo destitutæ. Finitaque humorum expulsionem, quod est ubi ad cutim, aut ad alium locum extimum, per quem excerni possint, deventum sit, rursus calor foras effertur. Quo tempore extrema denuo incalescunt, & multoque magis

A bilio-
sis &
acribus
humori-
bus.

Ab hu-
more
crasso.

Rigo-
rum
prædi-
ctio.
Rigores
boni
quinam.

si calor naturalis robustus fuerit. Quo prælanguido exsistente tarde & parum incalescunt. In hac itaque humorum expulsiōe fit illa corporis totius inæqualis concussio ac vibratio, quæ rigor est. Dumque fit hæc, extrema calore intus recurso frigescent. Hinc dum rigent corpora, una etiam frigent. Quare rigores ab acribus humoribus concitantur. Quandoque vero fiunt ab humore crasso venis obstruente. Cujusmodi fuit ille, quem Gal. Alexandria in juvene observavit, de cujus sane rigoris generatione, *in nuper citato lib. cap. 6. Gal. ita habet: Nunc autem naturalis calor is vi impedita rigor occurrit, cupit enim tanquam nec substantia nec robore oblesus tum expandi, tum in omnes partes corporis distribui. Prohibitus autem & vi in altum repulsus ad proprium principium refugit: Cum autem ibidem manere nequeat (nam substantiæ semper mobili loco consistere mos est,) sese ligans ac veluti in unum congregans, æqualiter sane non intro libero motu protenditur. Sed vehementi latione utens, & veluti a carcere exsiliens nonnunquam insurgit motu adversus ea, quæ transitum ipsius occupant; illa sane impetuosæ cohibetur, totum autem corpus cum incidit, perturbat. Nam præter alia etiam vaporosus nunc redditus, dum illiditur in ea, quæ obsistunt, intro rursus resilit, seu ictu reperiussus ac iterum ad principium revertitur. Inde rursus erumpens incidit violentius, iterumque resilit etiam in hoc il-lapsu, idque frequenter per successionem fit, quamdiu noxa perseverat. Incipiunt vero rigores a dorso & lumbis, quod Hipp. in sect. 5. Aph. 62. ita habet: Rigores incipiunt mulieribus quidem ex lumbis magis, & per dorsum ad caput, sed & viris parte corporis posteriore magis quam anteriore. Velut ex cubitis ac femoribus. Sed & cutis viris rara. Hoc quidem pilus indicat.* Sed hæc satis pro rigorum illustranda notitia, nunc ad ipsorum prædictionem, quam sane primum a bonis rigoribus veniunt. Boni itaque rigores sunt eorum, qui in febribus observantur, periodici, febriumque propria qui sunt symptomata. Periodici, qui aut quotidie aut alternis diebus aut ternis, omnes salubres, febres intermittentes antecedunt, quas omnes periculo vacare Hipp. in lib. 4. Aph. 43. tra-

tradidit, eoque magis, quo major est intermissio, & quo minus est molestiarum tempus. De his enim in *Aph.* 63. ait: *Quibus quotidie rigores fiunt, quotidie febres solvuntur.* Cum enim, ut Gal. docet in Commento, per omnem corporis habitum mota rigores accidunt, atque ideo singulis accessionibus expurgetur, atque evacuetur, non absque ratione ad infebrecitationem pervenit talium febrium intermissio. Hoc igitur est, quod nunc dictum est ab eo, quotidie rigores fiunt, quotidie etiam febres cessant, sic videlicet si & per tertium diem vel etiam per quartum. Quod scilicet fieri videtur & in tertianis, & in quartanis circuitibus, in quibus febres solvuntur, & rursus redeunt, quarum proprium est, ut cum rigore redeant. Omnium vero optimi sunt rigores judicatorii optimi. Cujusmodi sunt, qui febribus superveniunt continuis in aliquo dierum judicatoriorum, cum signis concoctionis, a quibus aut sudores optimi copiosi, aut vomitiones, aut alvi dejectiones aut sanguinis e naribus eruptiones succedunt, atque ex ipsis febres aut prorsus tolluntur aut maxime minuuntur. De quibus Hipp. in *quarto lib. Aph.* 58. ait: *A febre ardente habito, rigore superveniente, fit solutio.* Duo vero optimi rigoris videntur esse propria, Rigoris optimi quænam propria, primum, ut corpora a rigore maxime incalescant, idque fieri triplicem ob causam, ut Galen. in *libr. de trem. palp. rigore cap. ult.* docuit, primo quia calor naturalis ab ambiente repressus in altum colligitur, ut particulis conantibus noxios humores expellere, opem ferat, atque deinde, ut in *Secl. 3. lib. de temp.* docuit, humore intus existente enutritus & auctus, totus vehementer foras expanditur. Secundo quod calor ob violentam illam ad partes corporis permansionem, motionemque non parum accendatur, veluti lapides ferumque ex mutuo contritu atque assiduo motu valde incalescunt. Demum calor dum ex alto redit, ferventis aliquid humoris secum ducit, quo incalescit corpus. Quo vero corporis nativus calor fuerit robustior, eo corpus a rigore calidius fiet, & quo minus fortis eo minus est calidum. Hinc corpora probe calefieri a rigoribus, bonum est, qui

naturam firmam ac viribus potentem significet, veluti e contrario, ut paulo post videbimus, quum nihil aut parum incalescunt, ex rigoribus pessime eos se habere naturamque prælanguidam testatur. Quare a rigore corpora maxime calefieri, quocunque fiat modo, optimum erit. Quod in omnibus, a quibus cum optimæ vacuationes, tum purgationes fiunt, observatur. Alterum est optimorum rigorum proprium, quippe quod optima aut evacuatio aut purgatio succedat. Addamus quoque, quæ aut febrem prorsus tollat, aut saltem diminuat. Quales sane in multis agrotis Hipp. observavit, quippe in uxore Epicratis, quæ apud Archegetem decumbebat, in Charione, in Larissæ Virgine, in sorore apud Timeneum decumbente, Philistide. De Epicratis uxore in primo *Epidem. Comm.* 8. text. 22. ait: *Die decimo quarto superriguit, febris acuta. Quintodecimo vomuit biliosa, flava, subcrebra, sudavit, libera febre, sub noctem non febris acuta, urina crassa cum candido sedimento.* Et de Charione in lib. 3. *Epidem. Comm.* 2. text. 2. *septimo superriguit, febris acuta, per totum corpus sudavit, judicatus est, & eodem modo postea in recidiva, septimo decimo superriguit, febris acuta, sudavit, febre est decretorie liberatus: & de Virgine Larissæ Epid.* 3. *Sexto ex naribus largiter multum fluxit, inhorruit, ac mox sudavit toto corpore multum & calidum, sine febre est judicata. In libr. vero quarto Epidemior. text.* 83. meminit sororem, quæ erat apud Timeneum cum rigore judicatam: & in *Secl.* 7. quoque libr. text. 66. Philistidem Eraclidis uxorem eodem modo cum rigore judicatum. Aliquando in sanguinis profluvio rigor est bonus. De quo in *Secl.* 3. *Prorrhæ. text.* 168. legitur: *Quibus in principio largum sanguinis profluvium, rigor fluxionem sistet.* Neque immerito aliquando ex immodica vacuatione calore toto una cum sanguine intus recurrente. Nihilominus in morbis hujusmodi rigores longitudinem prænuntiant, nam ut Galen. ait in *Comm.* *Ubi morbum non sedaverit sanguinis eruptio, exceperitque eam rigor, utrumque longum redditur ex eo, quod corpus difficulter calefat:* Aliquando etiam decretorie per tremores judicium de-

declarant, ut in *Coacis præsagiis* I. libr. Comm. I. text. 27. habetur, atque hi boni censentur rigores in morbis. Mali ^{Rigores mali.} vero e contrario sunt, a quibus primo corpora minime incallescunt aut parum, quod naturam prælanguidam significant, de quibus in I. *Prorrh.* scriptum est: *A rigore refrigeratio non recalcenscens, malum.* Idemque in *secundo libro* habetur, quod, ut Gal. scribit in *Commen.* caloris extinctionem significat, quod in muliere in foro mendacium decumbente Hipp. observavit. Sunt etiam perniciosi, quos aut nulla sequitur vacuatio bona, aut mala, meritoque dicuntur Critici, sed mali, qui non judicant. De iis Gal. in *sect.* 2. *Prorrh.* scribit: *Nam qui universaliter de rigore intellexerunt, perpetuo eos meminisse oportet, quod si vel tertio vel quarto die fuerit, talium febrium peculiare est symptoma. In morbis vero postea apparens, si judicationem non intulerint, deterrimum existit.* Deterrimi sunt, qui cum mala aliqua excretionem ^{Deterrimi.} apparent, quod sint ex judicatoriis non judicantibus, qui aut mortalia, ut Gal. affirmavit, aut iudicii difficilis esse solent. De quibus in *sect.* I. *Prorrh.* 31. *Si ex perfrictione sudantes non recalcenscant, malum; ex his quoque laterum æstus, cum dolore rigor superveniens, malum.* Sudores vero malos esse cum frigidis omnes, tum maxime partium superiorum, tum copiosos minime febrem tollentes. De his Hippoc. in *primo Epid. comm.* 3. text. 28. de uxore Dromedai scribens, ait: *Tertio die circa meridiem superriguit. Febris acuta. Urinæ eadem: hypochondrii dolor: fastidiosa ac nauseabunda, nox molesta, non dormivit. Sudavit per totum subfrigida.* Et Mulier quæ in foro mendacium decumbebat, itidem sæpius ante mortem riguit, & cum sudore frigidus. Copiosus quoque etsi non frigidus, crudo existente morbo, neque febrem neque symptomata tollens, lethalis est; præcipueque si aut die sexto aut octavo conspiciatur. Cujusmodi observatus fuit ab Hipp. in eo, qui incallescens cœnavit. De quo in *primo Epid. comm.* 3. text. 79. Hipp. *Octavo riguit, febris acuta, sudavit multum, febre carere visus est, non multum dormivit, a somno frixit. Qui die undecimo obiit: Et in Coac. præ-*

sagis legitur: Qui subinde exsudant & rigent, lethale est. Quare rigores omnes mali sunt, quos aut nulla vacuatio, aut mala subsequitur. Qui ad febrem vero spectant, deterrimi sunt, febrem non tollentes, aut non minuentes. Quod apud Hipp. legitur in sect. 4. Aph. 56. hisce verbis: Febricitanti rigor superveniens, febre non deficiente, malum. Omnium vero maxime ex aliqua copiosa vacuatione si id fiat, ut Galen. in quarto libr. Aph. 46. meminit, ita dicens: Nam si aliqua evacuatio rigorem subsequatur, quæ nullam febris facit intermissionem, propter utrumque dissolvi hominem verisimile est, & quia vis imbecilla ferre non potest rigoris agitationem, & quia ab evacuatione dissolvitur. Quod si vires prælanguidæ fuerint ex morbo, huiusmodi rigorem lethalem esse, Hipp. in eo lib. 4. Aph. ita scripsit: Si rigor incidat febre non deficiente, ægro jam debili, lethale est. Omnes enim rigores quicumque fuerint prælanguentibus viribus, sunt perniciales, quoniam extinctionem nativi caloris nobis indicant. Cujusmodi intellexit auctor Prorrh. in 1. Prorrh. text. 57. cum dixit: Refrigeratio cum rigore non recalescens, malum. Et in sect. 2. lib. post oculorum perversionem in febre laboriosa rigor superveniens mortem fatetur. Forte & de his Hipp. cum in lib. 7. Aph. 7. ait: Ex multa potatione rigor & desipientia, malum. Rigent enim, auctore Galeno, ubi calor multitudine exstinguitur. Cognoscuntur etiam rigores deterrimi, qui sunt ex aliis malis signis vel ante ipsos, aut una cum ipsis apparentibus, aut quæ postea apparent. Cum malis enim in febribus continuis perpetuo timendi sunt. De quibus Hipp. in sect. 1. Epid. scribit: At, cum febres ardentes inciperent, annunciabant, quibus exitium impenderet, siquidem statim ab initio febris acuta eos corripiebat, a qua superrigebant, insomnes erant, graviter angebantur, sitibundi, fastidiosi. In phreniticis, in quibus albæ urinæ aut fæces apparent rigores sunt perniciosi, ut in sect. 1. Prorrh. text. 13. scriptum est. Scribitur etiam in sect. 2. lib. text. 29. cum rigore non agnoscere familiares, seu ignorantiam, malum esse: itemque & oblivionem, Gal. in comm. ex insigni refrigeratio-

Cum vi-
ribus
prælan-
guenti-
bus le-
thales.

Rigores
deterri-
mi unde
cogno-
scuntur.

ratione & victum esse calorem judicandum: & postea scribatur: a) *Æstuosi rigores quadantenus perniciosi, flammans quoque cum sudore facies in his, mala.* Et postea text. b) 56. etiam de hujusmodi rigoribus scribit: *In oculorum perversione cum febre & lassitudine rigor perniciosus. Comatosi in his male habent.* Et in primo Coacorum præsagiorum: c) *Rigores, quibus multa in somnum inclinatio inventa est, utcumque lethales, quod si cum iis facies flammæ in modum exardescit cum sudore, malignum est.* Et postea d) *malignos esse rigores* scribit, *torporem inferentes.* Quod extinctionem caloris denotent. Et postea: e) *E rigore cum capitis dolore exsolutiones, lethales sunt.* Quod significant cerebrum insigni phlegmone teneri. Quare ex aliis symptomatibus malis augetur Rigores malorum rigorum judicium. Quemadmodum quoque in-
 exitiales. tellexit auctor Coacorum præsagiorum, f) cum ait: *Quibus rigor in noctem incidit, tumque affligantur magis & sine somno agunt, multum exæstuant.* Aut quod in 3. lib. Prorrh. g) text. 27. sic clarius legitur: *Supervenientes rigores & nocte magis quodammodo exacerbantes cum vigiliis & venarum agitationibus in somnis, atque urina præter arbitrium excernentes, in comatosas aliquando finiunt convulsiones.* Sed dicamus nos lethales esse hujusmodi rigores cum eis malis signis conspectis. Quare in acuta febre rigores cum signis malis, judicium exitii augent. Sunt etiam pravi ex Coacis præsagiis, h) rigores continui, aut frequentes: qui aut interni visceris suppurationem indicant, aut frustra tentatam Crisin, aut denique nativum calorem exstingui. Cujusmodi fuere in muliere in foro mendacium decumbente, cujus historia illustre satis nobis erit exemplum ad illustranda ea, quæ de exitialibus rigoribus hactenus diximus. Cum hæc sæpe in eo morbo riguerit, atque semper cum signis perniciosis. Quam quidem Hippoc. in libro tertio Epid. i) text. 9. hisce verbis est complexus: *Mulierem, quæ decumbebat in mendacium foro, primum enixam cum dolore masculum, corripuit fe-*
 bris.

a) Lib. 1. Prorrh. 67. b) Ibid. 89. c) Text. 7. d) Text. 14. e) Text. 22. f) Text. 20. g) Lib. 1. Prorrh. 101. h) Text. 9. 10. i) P. 1080. Ægr. 12.

bris. Initio statim sitibunda cor illi dolebat, fastidiosa, lingua arida, venter turbatus tenuibus paucisque, non dormivit. Altero die aliquantulum riguit, febris acuta, modicus secundum caput & frigidus sudor. Tertio cum dolore deiecit alvus cruda, multa, tenuia. Quarto subriguit, omnia irrita sunt in somnis. Quintum diem laboriose transegit. Sexto eadem erant, alvus reddidit humida, copiosa. Septimo superriguit, febris acuta, sitis ingens, se iactavit, sub vesperum per totum corpus sudavit frigidum: frigus partium extremarum, nec redibat illis calor. Iterumque nocte superriguit, extremitates calorem non recipiebant, non dormivit, nonnihil deliravit, statimq; ad mentem rediit. Octavo circa meridiem rediit calor, sitibunda, comatosa, fastidiosa: Vomuit biliosa, pauca, subflava. Nocte graviter se habuit, nihil quievit, multum affatim minxit inscia. Nono omnia fuerunt remissa. Sub vesperam comatosa, aliquantulum superriguit, vomuit amara, biliosa. Decimo rigor, febris exacerbata est, nihil dormivit: Mane multam, in qua nihil subsideret, reddidit urinam, extremæ partes receperunt calorem. Undecimo virulenta biliosa vomuit, non multo post riguit, rursusque extremæ partes frigescebant. Sub vesperam rigor, sudor frigidus, multum vomuit, nox gravis fuit. Duodecimo vomuit multa, nigra, fetida: singultus multus, sitis laboriosa. Tertiodecimo nigra virulenta vomuit, rigor: Circa meridiem muta. Quartodecimo die sanguis de naribus. Defuncta est. Huic perpetuo venter erat lubricus, horrebat. Sed tempus est, ut quædam etiam de prædictione ab horroribus subiiciamus.

C A P. XI.

De horroribus & ipsorum prædictione.

Horror
quid.

Horrorem affectum esse pravorum humorum per cutim discurrentium. Gal. in 1. lib. de humoribus text. 17. docuit: Hic vero affectus motus inæqualis, sive concussio totius cutis est, veluti rigor totius corporis. Ab horroreque ex hoc distinguitur, atque etiam quia horror est motus parvus, vehemensque, ac magnus rigor. Ex quo merito horrorem parvum rigorem plures fecere: Galen. in lib. 2. de diff. feb. di-

xit

xit medium esse inter rigorem & frigesactionem. ^{Unde.} Fiunt horrores ab omnibus causis rigorum, quippe observamus in balneis horrores cum a calido tum a frigido, ab humoribusque commordentibus ad cutim motis Ex Galen. in 7. Aph. Omnes enim mali succi plenos, cum vehementer calefiunt, horrore vexari Gal. in 6. Epidem. com. 3. text. 67. tradidit. Calefiunt enim cum in febribus ex febrili quidem calore, tum in phlegmone. Hinc ex interna phlegmone vel etiam hos concitari in lib. 2. Prorrh. a) text. 42. scribit, præsertim ii, qui celeriter transmutantur, uti ægri etiam implacidi sint: sed nedum a febribus, sed quovis modo humores commotos horrores concitare, Gal. in sect. 2. de caus. sympt. cap. 5. ita scripsit: *Ac mihi quidem sic videtur. Eundemque hominem sicuti quiescentem quidem solam inæqualitatem sentire, ita motum horrore & exercitatum rigore concutiente urgeri.* Et paulo post: *Jam aliquos, qui cruditate laborarunt, scimus, cum quievisent, nullo affectos dolore: Cum balneum fuissent ingressi, aut in sole stetissent, excrementa, quæ prius quieverunt, calefaciendo, attenuando, ac in spiritum vertendo, ad motum excitant, quemadmodum ex animi affectibus ira.* Ubi vero excrementa, ut pituitosa aut biliosa acria sint, cujusmodi ex præexcellenti putredine fieri solent, ad cutim mota atque discurrentia horrores ægrotis sunt in causa. Sed his præmissis ad Prognosticum. Horrores primo statuamus nunquam bonos, continuos febribus succedentes, iis exceptis, a quibus continuæ febres intermittere cœperunt, boni enim hi sunt, veluti si etiam in ardentibus febribus, qua hora fiebat exacerbatio, frigus, horror aut rigor appareant, indicio enim sunt, naturam prævalidam esse, pravosque humores expellere a venis foras. Optimi quoque sunt judicatorii boni, qui concocto quædantenus morbo apparent, ubi bona quæpiam vacuatio aut purgatio successerit. Quod in Larissæ virgine Hipp. vidit, de qua in lib. 3. Epid. b) com. 3. text. 83. ita scripsit: *Sexto die ex naribus multum fluxit, inhorruit & mox sudavit in toto corpore*

Horro-
rum
pro-
gno-
sticum.
Horro-
res boni.

Optimi.

pore

pore multum, & calidum, sine febre est judicata. Apparentibus itaque coctionis signis, simulque & aliis judicatoriis signis, si horreant ægri, bonum; Criticas enim vacuationes atque purgationes præcedere solent: De quibus in *sect. 1. Coac. præf. com. text. 19.* Inhorrescentes, anxii, lassitudinem pressi, lumbis dolentes, in profluvium alvi incidunt. Non particulatim, ut nos putamus, sanguinis eruptionem denotant, sed generatim criticam perturbationem, veluti & auctor Prorrh. a) ait: *Qui ab horrore simul critice sudarunt, postridie vero ubi inhorruerunt, præter rationem vigilant, eos sanguinis eruptionem incursumos, puto.* Quod quicquam certi non habere Gal. in *Com.* affirmavit. Quare boni tantum horrores sunt, a quibus continuæ febres intermittere incipiunt, atque judicatorii boni. Mali vero sunt primo, qui purulentos ac tabidos explicant, judicatorii mali, atque ubi in principio pestiferorum morborum fiunt. Qui cum propter maximam humorum pravitatem, atque ob naturæ infirmitatem fiunt, tentantem movere humores, at nequeuntem. Quod clarius explicare videntur, ubi ab horroribus parum incaluerint. De quibus Hipp. in 3. lib. *Epid. com. 3. b) text. 69.* scribit: plures eorum, qui febribus pestilentibus laborarunt, horruisse: ait enim: *Horrebant, & sub mortem delirabant.* Quod in Critone, qui tertio die ex tumore pestilenti interiit, observatum est, de quo Hipp. in 1. epid. 3. c) text. 26. ait: *Decubuit eodem die horrescens, fastidiosus, parum calens:* Eodem quoque modo scripsit in lib. 7. *Epid. d) text. 39.* Aristocratem, qui die tertio ex carbunculo pestilenti est defunctus, principio horruisse. Ex judicatoriis malis, qui ex Gal. aut difficilis sunt iudicii aut lethales. Cujusmodi est ut in *sect. 7. Aphor. 4.* Hipp. ait: *a sudore horror, non bonum:* Et auctor Prorrh. e) in 2. lib. text. 30. *Ex lumborum dolore ad os ventriculi recursiones febriles cum horrore, aquosa tenuia & multa removentes, mente aberrantes, voce privata, nigra vomentes, moriuntur.* Et in

a) Lib. I. 140. b) P. 1089. G. c) P. 984. Ægr. 9. d) P. 1222. Text. 52. e) Lib. I. 83.

in Sect. 1. Coac. præf. com. 1. text. 8. *Qui frequentibus e dorso levibusque horroribus desudant, difficili morbo laborant.* Ex quibus colligitur horrores, qui vomitus malos & exitiosos sequuntur, esse judicatorios malos, qui ut dictum est a Gal. in 7. Aph. 4. aut sunt difficilis judicii, scilicet ubi non adsunt signa lethalia; aut lethales, ubi unum aliquod lethale illuxerit signum, ut in ea adducta oratione apparet, in qua delirium, vocis defectio, & nigra excrementa vomitu excreta. In Coacis vero præfagiis, a) difficiles esse illos horrores, qui sæpius fiunt, id est, crebros seu frequentes, quique etiam celeriter permutantur. Quod in Pror. b) lib. 2. text. 42. ita expressum est: *Ex dorso frequentes horrores, celeriter in aliam transeuntes conditionem, implacidaeque urinae interceptionem cum dolore indicant.* Quod recte magis in Coaco nuper citato præfagio declaratur, cum legatur ibi: *difficiles sunt; etenim urinae suppressionem & laboriosum morbum significant, atque iis tenuis sudor obortus, pessimus.* Sed de lethalibus hisce horroribus Hipp. in 3. lib. Lethales Epidem. com. 3. c) text. 65. ita scribit: *Omnes hæc cum multa tuobatione erant conjunctæ. Ventres enim plerisque turbati, horrores, sudores non decretorii, cum urinis multis supra positum, nullam concoctionem & crassitudinem habentibus.* Quales Hipp. d) vidit in muliere apud frigidam aquam in Thasso decumbente; atque tales sunt horrores decretorii mali, qui cum signis lethalibus perpetuo exitium portendunt. Demum sunt horrores quoque mali, qui nedum febre non tolluntur, sed cum pessimis apparent vacuationibus, de quibus in 1. Coac. præf. com. 1. text. 36. scribitur: *Lassitudine fracti cum horrore, cum exsudaverint judicii modo & recaluerint celeriter, malum, tum alias tum si eo tempore sanguis e naribus stillaverit, tabisque indicia:* Quos in maxima & gravissima illa tabe, quæ plurimos peremit, crebros apparuisse. Hippoc. in 3. Epid. com. 3. e) text. 66. scripsit, de quibus ait: *Horrebant & sub mortem delirabant.* Sed non

a) Loco modo allegato. b) Lib. I. 75. c) Pag. 1089. B. d) Lib. 3.
Epid. p. 1096. Aegr. 2. e) P. 1089. C. D.

Quando satis sunt crebri horrores ad suppurationem & tabem ex-
 suppur- inde denotandam, sed alia quoque signa desiderantur, nimi-
 tionem rum anhelitus difficultas, febris assidua, quæ noctu augetur,
 & tabem eum sudoribus & tussiendi cupiditate, dolore, atque aliis si-
 denotant gnis, quibus Hipp. in 2. lib. Prognost. a) text. 60. purulentos
 cognosci docuit. Sed tamen in febre continua aut cum
 phlegmone interno, vel materia in pulmonibus putrescente,
 perpetuo indicabunt suppurationem seu purulentiam
 horrores multi, frequentes, inordinati cum dolore & respi-
 ratione difficili. Quod in Coac. praesag. b) scriptum vide-
 tur, cum legatur: *Frequens horror & difficultas spiritus in*
doloribus, tabis indicia sunt, quatenus indicant pus, & ab
 eo tabem futuram. In sputis enim sanguinis malignis, aut
 ubi humores in pulmonibus, aut inflammatio in suppura-
 tionem vertitur, horrores inordinati, & tusses sunt. Qui
 membranis pulmonum aut thoracis a putri humore acri
 reddito commotis fiunt.

C A P. XII.

De praedictione a torporibus ac paraplegiis.

Torpor quid. **P**er torporem affectum quidem alias intelligendum dixi-
 mus facultatis animalis cum sensus motusque difficul-
 tate, & aliquando quendam obtusum sensum & motum par-
 tis alicujus. Hujus causa est, ut docuit Gal. in 1. de caus.
 Unde. *sympt. cap. 5.* obstructio, seu incrassatio, seu obscuratio ner-
 vorum, quibus causis spiritus impeditur, perinde enim ner-
 vi a frigidis crassisque humoribus solent obscurari, ut lu-
 to aqua & nubibus aer obscuratur; aut qualitas frigida aut
 exterior aut interior. In febribus vero has quoque habet cau-
 sas, a quibus torpescere partes solent, quippe phlegmonem,
 scirrhum, luxatas intro vertebrae, quibus nervi compressi
 obstruuntur, seu angustiores ad meatus redduntur. Illius
 vero, quippe animalis facultatis affectus cum motus & sen-
 sus difficultate, causae existunt cerebri refrigeratio tum po-
 sitiva, ut ajunt, tum per extinctionem caloris nativi. Sed
 torporum causis perspectis, quid in morbis portendant, vi-
 deamus

a) P. 42. lin. 25. & seq. b) Text. 17.

In mor-
bis quid
porten-
dit?

deamus, quando in sanis apoplexiam prænuncient: de quibus in *Coacis præsagiis* *) ita scriptum est: *Torporēs & sensus privationes præter consuetudinem ortæ futuras apoplexias denunciant.* Et paulo post, a) ait: *Apoplecticis perfrictiones & torpores, prævum indicare.* Ceterum in febribus continuis perpetuo torporem malum, omniumque maxime mentis, quem ignaviam appellant. Hi enim in acuta quidem febre plane sunt perniciales, cum ex cerebri refrigeratione, aut caloris nativi extinctione proveniant, utrumque enim perniciosum est. A rigoribus torpores malignos dici voluit auctor *Coac. præsag. lib. 1. text. 14.* cum dixerit: *Rigores multi torporem inducentes, maligni.* Item in b) *lib. 3. text. 16.* torpores animi seu ignaviam in phreniticis esse exitialem prodidit; neque immerito, cum aut refrigerato cerebro in phrenitide, quod perniciosissimum esse signum alias ostendimus, aut extinctione caloris nativi fiat. Eodem modo in *lib. 1. c)* damnat torporem cum surditate, a qua prodeant stillæ sanguinis e naribus. Quod nos nedum difficile quippiam, sed prorsus exitiosum affirmamus. Nec minus in aliqua phlegmone interna, ignavia mentis perniciose esse videtur, quæ tantum a flammeo calore, discusso nativo calore, fiat. De qua forte etiam in *lib. 3. Coac. præf. d)* ait: *Dolor in pectus firmatus cum torpore, malus in febre.* Ex inflammatione etiam interna, neque resoluta, neque suppurata, neque per exspuitionem solum perniciosum est, torpentes ægros videre. De qua forte in *lib. 7. Coac. præsag. e) sect. 2. text. 13.* ita scriptum est: *Ex angina citra iudicium hypochondrii dolor, cum impotentia & torpore, insidiosè occidit, etiamsi valde modeste habere videantur.* Quare mentis ignavia seu animæ torpor in acutis morbis perpetuo lethalis erit. Alicujus vero partis corporis sensum, & motum obtusum reddi, qui affectus torpor est partis cujuscunque corporis, nunquam bonum, nisi critice aliquando appareat, morboque concocto. Non enim impossibile est, critice humorem a venis ad nervos transmissum, torporem iis partibus

Mentis
torpor
quando
omnium
maxime
malus.

Torpor
alicujus
partis
corporis
nunquam
bonus.

*) Text. 476. a) 478. b) Coac. præf. 91. c) Text. 208. & 334. d) 315. e) 374.

Paraplexia quid.

tibus inducere, quæ hisce nervis, utuntur, veluti & tremorem aliquando videri criticum superius fuit demonstratum. Sed hoc raro contingit, et ex signis criticis facile cognoscitur. Eodem modo paralyfin, seu paraplexiam, seu particularem apoplexiam judicabimus; quas in morbis quandoque utiliter concitari, humore a venis protruso, aut ad spinalem medullam, aut ad partium particularium nervos, quibus obstructis paralyfis fit; sed ubi cerebri vitio fit in acutis morbis, id plane est perniciosum, propterea in vulneribus nuper illatis, ubi partes aliquæ resolvuntur, haud procul abesse exitium prædicant. Minus periculosum post apoplexiam aliquas partes motu privari, quas proprie Hipp. paraplexias vocare solet. Fit vero aliquando, ut materia paraplexias faciens, prout ab una ruit ad aliam partem, eas resolvat paraplectico modo, & has mutet in convulsiones. Quas mutationes auctor Prorrh. lib. 3. Prorrh. a) text. 26. vidisse his verbis, meminit: *Quæ ex lumbis ad collum, caputque redundant, resolvuntque paraplectico modo, convulsiva & mentis vacillationem patientia, an & talia convulsione solvantur? Ex his varie egrotant per ea profecti.* Hocque ex vario humorum motu fieri affirmandum est. Quod & Gal. fateatur se vidisse hisce verbis: *Nempe & semel ego ita affectum quendam, permutationemque varie sese mutuo excipientium symptomatum habentem vidi. Fiebant autem & illi hæc prægressis lumborum, collique, & capitis doloribus, manus tota ab his ægrum sentiebatur, tum movebatur, sicuti & in dictione dictum est paraplectico modo, quum non esset exacta paraplegia, mox superveniens convulsio sensiliorem eam, atque ad motiones expeditiorem fecit, placata autem convulsione sensim rursus deterior reddebatur. Deinde rursus tum lumborum, tum colli, tum capitis dolore correptus, universam subitamque habebat paraplegiæ in manu adauctionem, atque rursus postea non parum convellabatur. Quæ etsi verissima sint, tamen quicquam certi non docent, neque enim convulsio paralyfi superveniens affectum solvit, neque contra. Quocunque modo ægroti ex acutis febribus paraplectici evadunt, perpetuo malum.*

Omnium vero maxime apoplexia, & in ægrotis & in sanis timenda erit, de qua Hipp. in 6. Aph. § I. ait: *Quicumque sani dolore capitis repente capiuntur, & statim muti fiunt, & sterunt, in septem diebus pereunt, nisi febris eos apprehenderit.* Sed de his affectibus, cum posterius seorsum acturi fusius simus, sermonem hunc claudemus, & quoniam linguæ resolutio seu defectio solet esse magni momenti ad venandum prognosticum in acutis morbis, propterea de hoc symptomate sigillatim quoque agendum duximus.

C A P. XIII.

De prædictione ex aphonía, id est, vocis interceptione, nec non ex aliis vocis differentiis.

Cum ex omnibus partibus corporis resolutis ac torpescentibus, linguæ resolutio, quam teste Gal. in 1. Prorrh. text. 23. Græci aphoniam appellant, non parvi sit momenti ad assequendam in morbis prædictionem, ideo de ipsa in præsentia agendum quoque duximus. Cæterum, quia aphonía vocis privationem seu interceptionem denotat, veluti vox tremula, clangosa, acuta, querula seu plorabunda ejus vitium, idcirco, clarioris hujus symptomatis notitiæ causa, de voce pauca præmittemus. Hæc enim aut prorsus tollitur, aut minuitur, aut vitatur. Vitiatam vocem dicimus raucam, clangosam, acutam, stridulam, interruptam, quam plorabundam vocant, querulam, lugubrem, tremulam, quæ omnes sunt vitiatæ vocis differentiæ, veluti obscura, balba seu balbutiens, tarda, imminutæ sunt symptomata. Prorsus vero ubi ægri loqui non possunt, silentium, sed proprie magis linguæ privationem, interceptionemque dicimus. Silentii vero nomine nedum sublatam vocem, atque ægros voce defectos, seu mutos, intelligimus, sed eos quoque, qui cum nullo vocis vitio teneantur, loqui tamen non volunt. Proinde silentium ac taciturnitas, quod cum affectum melancholicum declaret, merito in *Prorrheticis a)* insanix signum in multiloquis habetur, mutos vero ac voce defectos dicimus, qui loqui non possunt, Rauca vox & balbutiens,

Linguæ
resolutio.

Vocis vitiatæ
quales
differentiæ.

butiens, acuta, tarda, tremula, nulli est non cognita. Non usque adeo nobis notum est, quæ clangosa, stridula, interrupta, seu effracta, plorabunda, querula, lugubrisque dicatur. Clangosa enim stridula, querula, plorabunda, ejusdem generis cum acuta esse videntur, quando teste Gal. *in lib. 2. Prorrh. text. 12.* cum ficcatione vocificorum organorum, meatu angustiore effecto, in acutum maxime vox efferatur: nam acuta in morbis fit, maxime organis ficcatis, aut ficcatione asperæ arteriæ communicata, quæ, cum magis acuta fit, clangosa dicitur, & adhuc magis, querula, plorabunda, stridula. Arteria enim humiditate irrigata rauca vox editur, ficcitate exarescens, primum quidem clara, deinde acuta redditur, quia in angustum coguntur vocalia instrumenta, hinc si magis adhuc intendatur ficcitas, *κλαγγώδης* clangosa, ac stridula exauditur, qualis est gruum, aut qualis a gravi tono inchoata in acutam definit. Alii intercissam, inæqualem & obscuram appellant, eique similem faciunt, quam temulenti edunt. Postrema aucta adhuc ficcitate evadit lugubris, aut flebilis, aut querula, ac plorabunda, aut suspiriosa, cujusmodi flentibus pueris editur, quæ voces fiunt, ut nobis auctor est Gal. *in lib. 6. Aphorism. 49.* eo modo quo luctuosæ, intercissæ, atque offensantes fiunt respirationes; quas Hippocrat. *a)* luctuosa suspiria vocat; quippe aut potentia ipsa fatigata, aut duritie instrumentorum, quæ causa est præcipua, aut ambabus causis concurrentibus, aut propter aliquam musculorum voci servientium similem convulsioni dispositionem. Effractas quoque ejusmodi esse voces dicunt, ubi videntur voces in faucibus confractæ eliso quodammodo spiritu. Quomodo & in follibus, qui musica organa spiritu implent, si imbecillior is est, qui folles movet sonus, interrumpitur. Ceterum jam satis circa hæc vocis differentias. Nunc priusquam ad aphoniam descendamus, brevi oratione prognosticum perstringamus. Omnes enim ex voces vitiatæ in continuis acutisque febribus malæ sunt, omniumque maxime in phreniticis & in febribus ardentibus. In quibus summum vitæ discrimen

Voces
vitiatæ
quid in
malis
præfagi-
unt.

a) Aphor. Sect. VI. 54.

minantur,

minantur, cum maximam ficcationem vocalium instrumentorum sequantur, & aliquando prælangvidam potentiam, aut dispositionem convulsioni similem, quæ cum a ficcitate fiat, pernicialis erit. Proinde auctor Prorrheth. a) in lib. 2. text. 22. ait: *Vox acuta, clangosa, mala est.* Galenusque in Comment. tanto peiorem esse clangosam & plorabundam, quanto maiorem indicant ficcitatis affectionem. Antea de acuta b) in text. 10. dixerat: *Quibus vox acuta est, his hypochondria introtracta sunt.* Galenusque ait: *Plerisque, qui in morbis vocem mittunt acutam, ad infernam sedem trahi hypochondria, septi transversi aut propter inflammationem, aut cum propter igneam caliditatem arescit, aut cum a pleura membrana inflammata, aut ficcatione indurata trahitur.* Ex quibus colligito in morbis cum voce acuta, ubi intro hypochondria tracta sunt, esse perniciosum, quod si cum lethali aliquo alio signo fuerit, periculi iudicium quoque una augeri necesse est. Utpote legitur in lib. 1. Prorrheth. text. 17. *Ex vomitu gravi, fastidiosoque, vox clangosa, oculique concretum pulvisculosum habentes, insaniam ostendunt, ut Hermozyge uxori, que vehementer furens muta obiit.* Neque mirum, ut posterius declarabitur, ab acuta clangosaque voce, postea morbo in pejus abeunte, mutos fieri, quippe aut a ficcitate induratis, convulsisve vocalibus musculis. Meritoque hinc Auctor Coacor. præfag. c) scripsit: *Acuta vox & lugubris, & oculorum obscuratio, convulsiones accersunt.* Quod indicent hæ voces maximam ficcationem, a qua convelluntur partes nervosæ. Clangosam vero vocem, cum linguæ convulsione, vehementi insania, cum tremore, & duritie, prorsus esse pernicialem in lib. 3. Coac. præf. d) memoriæ proditum est. De tremula vero voce in lib. 2. Coac. præfag. sect. 2. text. 31. e) scribit: *Cum voce tremula alvi præter rationem solutio in iis longiore tempore corpus male habentibus, lethale.* Sed jam satis de prædictione ex voce vitiata ac imminuta. Nunc de iis scribamus, qui prorsus voce defici-

unt;

a) Libr. 1. 47. b) Libr. 1. 45. c) Text. 257. d) Text. 99. & Lib. 1. Prorrheth. 19. e) Coac. præf. 258.

Aphoniæ
causæ.

unt; Græci *aphoniam*, & nostri vocis privationem, seu interceptionem appellant. Gal. in primo *Prorrh. text.* 23. & in 24. scribit: vocis privationes fieri, & propter voci asserventium instrumentorum læsionem, & propter principium nervorum affectum. Principium nervorum cerebrum est, atque principium spinalis medullæ. Quo affecto mutescere ægros cognoscimus, vel ex eo, quod cum voce aliæ simul functiones lædantur, quippe sensus, motusque; idque fit cerebro oppresso, ut in apoplexia & in comitali morbo; aut quia venæ crasso sanguine intercipiuntur, ac organa valde resiccata sunt, aut ipsò cerebro resolutò. Voci partes servientes, quarum læsione vox læditur, atque interceptitur, est larynx, ejus muscoli, atque thoracis, nec non pulmones, nervi recurrentes. Quibus convulsorio modo læsis, vox interceptitur aut læditur, manentibus aliis functionibus integris. Addunt alii vitalis spiritus resolutionem, ut in iis, qui nimio gaudio afficiuntur, qui resolutò calore loqui non possunt, aut suffocatione, ut in hysteriis affectibus, aut contractione, ut in metu, ex quo multi tremuli & aphony evadunt, aut demum ipsius refrigeratione, aut extinctione, eodem itidem modo & animalibus spiritibus ita affectis. Quibus quidem ita præmissis reliquum est, ut quid particulatim aphonia in morbis portendat, explicemus. An vero aphonia quicquam boni aliquando significet? non per se, cum omnis aphonia mala sit, sed aliquando quidem salutem prænuntiat. Critica quæ est, a qua optima vacuatio fit, qualem meminit Hippoc. in lib. 7. *Epid. text.* 26. in Theoclis cognata, in qua sudor non multo post judicatorius erupit. Auctor vero Coac. præfag. in lib. 1. *Coac. præf. text.* 27. scribit, quandoque tremores solve-

Aphonia
quid in
morbis
porten-
dit.

Aphoniæ
quænam
non ita
malæ.

re aphonias ex rigore concitatas. Quæ etiam brevi tolluntur, non ita malæ censeri debent, neque eæ, quas sequantur urinæ copiosæ. De quibus, in lib. 4. *Coac. præfag. sect.* 2. *text.* 35. a) scriptum est: *In convulsionibus aphonia diutius durans, malum: quæ durat brevius, vel lingvæ resolutionem vel brachii, & partium dexterarum significat. Solvitur autem*

a) Coac. præf. 359.

derepente

derepente prodeuntibus urinis multis affatim. In iis etiam, qui suffocantur, aponia, a qua postea recte loquantur, non lethalis esse solet. De qua Hippocrat. in quinto Aphorismorum 5. ait: *Si ebrius quispiam repente obmutuerit, convulsus moritur, nisi eum febris corripiat, aut ad eam horam veniens, qua solent solvi crapulae, loquatur.* Quæ etiam in principiis fiunt morborum, tametsi nunquam bonæ, tamen aliquando solam multitudinem humorum testantur. Cujusmodi in muliere, quæ trimestri fœtu gravida in littore habitabat, conspecta est. a) Nonnunquam solent aponi reddi ægroti ventriculo ab aliquo humore læso, quo aut sponte, aut arte vomitu rejecto, liberantur, de qua Hippoc. in lib. 5. Epidem. text. 39. b) scribit: *Hermophili filius ægrotavit undecim dies, febris autem tenebat ipsum, & non descendebant cibi, & primum quidem deliravit, nocte vero cessavit, sequenti die sine voce, jacebat stertens, distortos habens oculos, febricitans. Penna vero immissa vomuit bilem atram, & clystere immisso, stercus multum subiit.* Quomodo etiam plures a vermibus aphonias observavi sine periculo. Non perpetuo etiam ex vulneribus aphonix sunt perniciales, eaque præsertim, quæ parum durant, & a quibus vox probe restituitur ægrotis, qualem vidit Hippocrat. (ut in lib. quinto Epidemiorum text. 51. c) legitur) in puella, quæ a rupe ceciderat, voce statim privata. Indicat tamen læsum cerebrum cum vomitu & sanguinis fluxu. Non tamen ita affectis perpetuo aphonix malæ existunt, ut auctor *Coacorum præfagiorum* docet d) in lib. primo sec. 2. text. 27. 28. & 29. Pessimæ vero sunt, quæ Quænam sunt ex judicatoriis non judicantibus, pernicialissimæ, quæ pessimæ. cum lethalibus signis apparent, juxta illam universalem Epidemiorum Lib. 2. e) propositionem, quod judicatoriorum non judicantium quedam lethalia, & quedam difficilis judicii. Quare aphonix judicatorix non judicantes pessimæ sunt. De
qvi-

a) Lib. 1. Epidem. p. 990. Ægr. 13. b) Pag. 1152. Text. 40. c) Pag. 1155. Text. 55. d) Coac. præfag. 77. e) Pag. 999. lin. 1.

quibus in septimo Coac. præfagiorum text. 51. f) *Quibus vox in febre intercepta sine judicatione, cum tremore moriuntur.* g) *Subinde rigentibus mutitates lethales sunt, iis vero moderatus capitis dolor est: & in sequenti textu: Mutitates in febre acuta cum exsolutione non sudanti quidem lethales, minus autem exsudanti, diuturnitatem significant: & in secundo Prorrheticorum text. 58. h) Ex lumborum dolore ad cor recursiones febriles cum horrore, aquosa tenuia, multa revomentes, mente aberrantes, voce privata, nigra vomentes, moriuntur: hæc est aponia ex non judicatoriis lethalibus, quod vomitiones nigrae & deliria exitium portendentia, simul illuxerint, & postea i) text. 59. In febribus ad hypochondrium dolores sine voce, sudore si k) solvantur, maligni, his ad coxas dolores cum ardente febre, & si alvus eruperit, perniciosum: & postea: l) Quibus voces cum febre deficiunt, post judicationem, hi tremantes & comatosi pereunt: & Galen. in Comm. clarius ait: Quibus apparente solum febre aponia fit, & post judicationem, hi tremantes & comatosi pereunt. Febribus scilicet, non sine signis, sed cum mala judicatione, visis: & in libro 3. Prorrheticorum ex Galeno: m) Si ex capitis dolore aponia fiat, febriente ægro cum sudore absque arbitrio superflua excernantur, & si repetitio quædam symptomatum pari modo fiat, in longius excidunt ejusmodi morbi tempus. Cum signis perniciosis prorsus lethales. Qvalia sunt sudores capitis in febre vehementi, sudores frigidi, extrema livida, cum intus urunt, vehementia deliria, comata, catochi, convulsiones, tremores, difficilis spiritus, frigidus, sublimis & alia hujusmodi multa. De quibus Hippoc. in Philisci historia n) ait: Extremitates undequaque frigebant, nec jam ad calorem ille amplius redibant, minxit nigra, aliquantum dormivit. Sub diem obmutuit, frigida sudavit. Extremæ partes liveſcebant. Cum vehemente delirio, aut in delirium vehemens desinentes, aut a vehementi*

f) Coac. præf. 247. g) Ibid. 255. h) Lib. I. Prorrh. 83. i) Lib. I. Prorrh. 90. k) Addunt alii non, ut fit, si sudore non solvantur. l) Text. 91. m) Textum Hippocratis reperies lib. I. Prorrh. 94. n) Lib. I. Epidem. p. 966. Ægr. I.

menti delirio, aphoniæ sunt lethales. De quibus in 2. libr. *Prorrheticorum*, o) ex Galeno legitur: *Si in febre aphoniæ, quæ convulsivo modo fiunt, desinunt in eam, quæ cum silentio fit, ecclasin, perniciosum.* Auctor vero *Coacorum præfag.* p) in 2. *Coac. præfag. sec. 2. text. 27.* insanias vehementes, cum vocis interceptione, lethales esse scribit. Cujusmodi fuere, quæ in phrenitico Hippoc. q) observavit, atque in Hippia sorore phrenitica ante mortem, ut in *Epidemiis* r) legitur. Quem affectum, scilicet aphoniæ cum vehementi delirio conjunctam, & ab exsoluta facultate animali provenire e mortuis aut languentibus instrumentis, quæ vocem edunt, affirmamus, veluti in phrenitide, tremore, palpitatione spectatur. De quibus auctor *Prorrhetic. in primo lib. text. 24.* ait: *Quæ cum exsolutione fiunt aphoniæ, pessimæ.* Sed hic videtur de vitalis facultatis resolutione loqui. Sunt non minus lethales, quæ una cum spiritu sublimi phænomeno quoque, id est, apparente, de quo Galen. in *primo Prorrheticorum* s) dixit: Videntur autem omnes, qui talem inspirant inspirationem, scapulas movere totas, ita, ut per vestimenta motio conspicue appareat, tanquam valide ipsi superioribus thoracis partibus operentur. De quo etiam Auctor *Coac. præf. t)* in lib. 2. *sec. 2. text. 25.* scripsit: *In vocis interceptione spiritus veluti iis, qui suffocantur, commotis sursum scapulis redditus, malus.* Qui ita respirant, sublimes thoracis partes ad omoplotas usque movere videntur. Nam cum inspirando diaphragma satis esse non potest, thoracis muscoli superiores, qui e collo in thoracem protenduntur, una adjuvant. Etiam cum brevi spiritu vocis interceptio est lethalis, cuiusmodi fuit, quæ altera die in Pythione visa est. u) Ex convulsionibus etiam, quæ resiccatis nervis fiunt, aphoniæ lethales sunt. In quo sensu Auctor *Prorrhetic. libr. primo text. 23.* habet: *Aphonias cum singultu esse pessimas.* Quæ etiam ex

Gg 2 hu-

- o) Verba Hippocratis lege lib. 1. *Prorrhetic.* 54. p) Text. 254. q) *Epidem. lib. 3. p. 1100. Ægrot. 4.* r) Libr. 7. pag. 1225. Num. 62. s) Huc pertinet lib. 1. *Prorrhetic. text. 25.* t) Text. 252. u) *Epidem. lib. 3. p. 1098. Ægrot. 3.*

Aphonia
minus
perni-
ciosa,
quomo-
do a le-
thalibus
digno-
scuntur.

humorum multitudine fiunt convulsiones, si aphony fiant anginosi, lethaliſſimum eſt. Cujusmodi fuiſſe anginoſam, de qua Hippocrat. in quinto Epidem. text. 101. a) ſcriptum reliquit: *Quarta die convulſa, ſine voce, ſtertor, dentium contritio, maxillarum rubor, mortua eſt quinta die.* Ceterum aphoniæ, quæ una convulſis partibus ex copia humorum fiunt, perpetuo lethales non ſunt, veluti & tremores, convulſiones, & alia hujusmodi ſymptomata, a copia humorum in morborum principiis facta: Cujusmodi fuere obſervata ab Hippoc. b) in muliere arimeſtri fœtu gravida, in littore decumbente, quæ tamen cum ſignis aliis exitioſis præter artis, ut Galen. viſum eſt, exſpectationem evaſit. Sed perpetuo in exitioſis morbis virium robur attendere oportet, bonam reſpirationem & recte ægrotum ſe habere ad omnia, quæ ei offeruntur. Nam his apparentibus, ut Galen. teſtatur in Heropyti hiſtoriæ commento, vel etiam in moribundis, prorsus non eſt deſperandum, indicant enim robuſtiſſimam naturam.

Quæ vero fiunt reſoluta facultate animali, ac vitali vel maxime langvente, exitium in foribus prænuntiant, cujusmodi fuere, quæ in Philini uxore, c) in phrenitico, d) in muliere apud frigidam aquam decumbente, e) in phrenitica muliere f) ante mortem obſervatæ ſunt. Cum catoche quoque ſunt pernicioſæ, ut docet Auctor Prorrh. g) in lib. 3. text. 4. Cum comate non minus frequentes; quæ in unico morbo fiunt, ut in 2. lib. Coac. præſag. ſec. 2. text. 33. h) ſcriptum eſt. Ex capitis quoque dolore pernicioſæ, nam phlegmonem in cerebro factum teſtantur, de quibus in 2. Prorrh. text. 20. i) ſcriptum eſt: *Quibus ex dolore aphoniæ, moriuntur:* & in 2. Coac. præſag. k) ait: *Qui ex dolore muti fiunt ægri, moriuntur.* Iis etiam aphoniæ, quibus caput percuf-

a) Text. 104. p. 1162. b) Lib. 1. Epidem. p. 990. Ægr. 13. c) Lib. 1. Epidem. p. 976. Ægr. 4. d) Lib. 3. Epidem. p. 1100. Ægrot. 4. e) Lib. 3. Epidem. p. 1096. Ægr. 2. f) Ibid. p. 1114. Ægrot. 15. g) Lib. 1. 96. h) An Coac. præſag. 259. Conſer. & lib. 1. Prorrh. 91. i) Lib. 1. Prorrh. 55. k) Coac. præſag. 249.

cussum est (quod cerebri insignem læsionem denotant) exitium prænuntiant. Cognoscuntur vero cerebri insigni offensa aphonix, ex aliis functionibus sublatis. Quod Hippoc. in quinto Epidem. l) ita expressit: *Cui caput lapide percussum est a macedone cecidit, tertia sine voce erat, anxietas, febris tenuis, nihil audiebat, neque sapiebat, non sine tremore.* Chirurghi ad cognoscendum cerebrum vulneratum, vocis interceptionem, sanguinem ex ore aut ex auribus, vomitum, observant. Ut vero ex his colligam, aponia lethalis, perpetuo cum malis exitiosisque signis, observabitur, aut ipsam aphoniam præcedent, aut subsequenter, veluti in Sileno, m) uxore Philini, n) phrenitico, o) muliere apud frigidam aquam, p) anginosa, q) atque Pythione ab Hippocrate, fuit observatum. Sed Pythionis historiam prodamus, qui sæpe in morbo aponus evasit. De quo ita in 3. Epidem. r) text. 55. scripsit: *Lingua inaruit, sitibundus erat, biliosus, non dormivit: Urinæ subnigræ, suspensio sublimis, non subsidebat. Altero die sub meridiem extremæ partes frigeabant, præcipue circa manus & caput, obmutuit, voce defectus est, diu brevisspirus, rediit calor, sitiit. Nocte quievit, circa caput modicum sudavit. Die tertio interdum quievit. Vesperis sub solis occasum aliquantum frixit, turbatio. Nox laboriosa fuit; nihil dormivit, ab alvo pauca compacta stercora descenderunt. Quarto mane quievit, ad meridiem omnia irritata sunt, frigus, mutus, sine voce, in deterius, & sic porro. Octavo frixit, voxque eum defecit, spiritus exilis & imminutus, & decimo mane sine voce, multum frigus, febris acuta, multus sudor. Obiit.* Sed age finem huic libro imponamus.

FINIS TERTII LIBRI.

- l) Lib. 1. Epidem. p. 969. Ægrot. 2. m) Lib. 1. Epid. p. 976. Ægr. 4.
 n) Lib. 3. Epid. p. 1100. Ægr. 4. o) Ibid. p. 1096. Ægr. 2.
 p) Ibid. p. 1075. Ægr. 7. q) P. 1098. Ægr. 3. r) Sect. 3. Ægrot.
 pag. 1059.

PROSPERI ALPINI
DE
PRÆSAGIENDA VITA
& MORTE ÆGROTANTIUM
LIBER QUARTUS.

C A P. I.

*Quantum vitalis facultatis cognitio ad venandum in ægrotis
Prognosticum conducat?*

Vitalis
facultatis
cognitio-
nis uti-
litas.

Robur
unde no-
scitur.

Actio-
nis
vitalis

Meminem Medicorum latere arbitror, cognitionem facultatis vitalis maxime facere ad illustrandam in morbis prædictionem. Addimus nihil hac ipsa cognitione esse oportunius, ad denotandum naturæ totius robur, atque infirmitatem. Hanc facultatem sedem habere in Corde, Medici omnes fatentur, veluti in Cerebro animale & in Hepate naturalem fundari diximus: non minusque etiam hujusce facultatis (quam vires vulgus Medicorum appellat) robur seu firmitatem, ad futuram salutis spem in ægrotis prædicendam, magni profecto esse momenti. Ex quo merito Galen. *in libro de Pulsibus cap. 34.* dicebat: *Si facultas vitalis potest morbi ferre vigorem, necesse est, servari hominem, atque ipsa nequeunte, mori.* Cognoscitur vero facultatis hujus firmitas, seu robur, a robustis, nulloque modo læsis, actionibus, veluti ab infirmis languor, seu infirmitas, nobis quoque innotescit. Vitales vero actiones & operationes sunt arteriarum pulsationes, quas vulgus pulsus simpliciter vocat, atque respirationes. Ex ipsisque facile vitæ status, qualis sit futurus, intelligitur, præsertimque a pulsibus. Vita enim nihil aliud est, quam actio quædam ipsius animalis in partibus, quæ vivunt; actio vero omnis prodit a propria ejus facultate, idcirco vitæ actio a propria venit facultate, quæ vitalis appellatur. Facultas autem omnis veluti actione in-

indiget, ut innotescat, ita & actio instrumento: actionis ve-
 ro vitalis primum instrumentum est spiritus vitalis, qui cum <sup>instru-
 menta.</sup> a corde ad omnes corporis particulas confluat, ut cum il-
 lis communicetur, aliis quoque opus habuit instrumentis,
 scilicet arteriis, per quas ipse ad quasvis corporis partes du-
 citur. At quoniam vitalis hic spiritus calidam maxime ef-
 fervescentemque naturam habuit, ideo, ut conservaretur,
 aliqua ipse opus habebat refrigeratione, alioquin seipsum
 ocyus consumpsisset, vitæque privasset animal. Siquidem
 corpus aliquod actu calidum sine aliqua eventilatione, &
 refrigeratione diu manere incorruptum non potest. Ita-
 que & vitalis spiritus a natura, ut diu conservaretur, pluri-
 es ventilandus, ac refrigerandus erat. Hinc natura (quæ
 nunquam in necessariis defecit) alia instrumenta animali
 concessit, quippe asperam arteriam, & pulmones, qui cum
 dilatarentur, intus aërem frigidiorẽ exciperent, cordique
 per arterias communicarent, quo cordis caliditas, atque
 igneus spiritus refrigeretur, compescatur; & cum compri-
 merentur, ipsum quoque calorem eventarent: expellunt
 enim compressione vapores, seu fumos fuliginosos a cor-
 de, purioremque reddunt vitalem spiritum. Erant igitur
 necessaria omnia hæc instrumenta facultati vitali. Quæ
 quidem a quolibet vel etiam illorum vitiato læditur, & in-
 firma redditur. Quod sane a pulsuum accurata observatio-
 ne nobis maxime innotescit, non minusque & a respiratio-
 nibus. Nulla vero operatio spectatur, quæ robur & infir-
 mitatem hujus facultatis vitalis præclare magis manifestat,
 quam pulsus & ipsa respiratio. De quibus in hoc libro, ut
 una cum ex aliis superius illustratis, prognosticum in ægro-
 tis venari possimus, accurate a nobis est agendum.

C A P. II.

*Quid sit pulsus, atque quot generibus pulsus omnes
 comprehendantur?*

U^t ex pulsibus prognosticum in ægrotis venari possimus,
 hæc primo nos novisse oportet; scilicet quid pulsus ^{Pulsus}
 dicatur, atque pulsuum differentias, & causas. Pulsus ve-^{quid.}

ro nihil quidem aliud est, quam sensibilis cordis & arteriarum motus, quo hæ attolluntur & submittuntur. Dividitur pulsus primum in motum dilatationis, quem *Diaſtolen* nuncupant, atque in motum contractionis, quem etiam *Syſtolen* Græci dicunt. Ab hisque duobus motibus cordis, arteriarumque, natus calor generatur, ac conservatur. Diaſtolis enim motu aer frigidus ad cor attrahitur, qui vitale robur, unde spiritus quoque vitalis generatur, excitat, ac recreat. Syſtolis vero motu humidum excrementum, quod ex humorum deſtione generatur, expellitur. Quamobrem ex dilatatione cordis & arteriarum perpetuo quantum calor cor habeat, facile deprehenditur, atque non minus, quibus excrementis fuliginosis exuberet, ex motu contractionis nobis innotescit. Comprehenduntur vero omnes pulsus ex Galeni doctrina, *in primo de Pulsuum differentiis*, decem generibus. Quorum primum ex motus quantitate accipitur, tresque habet differentias, utpote quoniam ipsorum alius est magnus, parvus, atque demum alius mediocris, quippe neque magnus omnino, neque parvus, sed medio modo se habens. Dividitur vero quilibet ipsorum rursus in latum, longum, profundum, angustum, brevem, humilem. Magnus dicitur longitudine, latitudine, ac profunditate, vel omnibus iis una junctis. Veluti parvus dicitur, angustia, brevitatem, humilitatem, vel omnibus iis una copulatis. Mediocris vero dicitur, qui neque parvus, neque magnus, quod ad latitudinem, longitudinem, profunditatem, angustiam, brevitatem atque humilitatem attinet, existit, sed qui medio se habet modo. Secundum genus in motionis tempore, vel ut Gal. ait in motus qualitate consistit, cujus tres sunt differentiae, quod alii ipsorum sint celeres, alii tardi, & alii medio se habeant modo. Celeres quidem fiunt pulsus, quando arteria modico tempore movetur, atque e contrario, cum longiori movetur tempore, tardi evadunt, mediocris vero, cum medio modo se habet arteria ad temporis motum. Tertium ex ictus qualitate, vel melius a virtutis potentia accipitur, cujus etiam tres observantur

Pulsu-
um dif-
ferentia
habetur.
Ex mo-
tus
quanti-
tate.

In mo-
tionis
tempo-
re.

Ex ictus
quali-
tate.

vantur

vantur differentiæ, utpote vehementia, languiditas, seu infirmitas, seu humilitas, & quæ ad has medio modo se habet; scilicet pullus vehemens, languidus, seu remissus, seu humilis, atque mediocris: vehemens autem est, qui tangentis manum valide percutit, & pulsât, & ex opposito languidus, humilisve, sive remissus, qui perdebiliter, tactum ferit: mediocris, qui mediam servat ad utrumque proportionem. Quartum vero genus ex tunicæ arteriæ qualitate spectatur, quippe aut prima aut secunda; prima quando ex temperamento arteriarum alii calidi, scilicet a calida arteria, alii frigidi ex frigida, alii humidi ab humida, alii sicci ex sicca, sentiantur. Ex qualitate secunda, alii duri ob arteriam induratum, alii molles ex arteria molli, aliique medii inter utrumque ex arteriæ duritie, & mollitie temperata: duri pulsus dicuntur, qui tactui valide resistunt, & e contrario plurimum cedentes, molles. Hi a vehementibus distinguuntur, quod duri valide tactu pressi humillimi reddantur, & vehementes perpetuo digitis pressa arteria valide percutiant, & pulsent. Quintum pulsum genus a tempore quietis accipitur; tresque itidem habet differentias; quippe una crebritatis seu frequentiæ, altera raritatis, & tertia mediæ conditionis: pulsus creber dicitur, qui breve habet tempus quietis, contra rarus, qui longum. Sextum genus spectatur penes arteriarum, quæ digitis tanguntur, plenitudinem atque vacuitatem. Ex qua pulsus alii pleni, alii vacui appellantur, ex eo quod ii plenam & isti vacuum arteriam denotent. Septimum genus a rythmi ratione accipitur, qui quidem spectatur comparato ictus tempore cum tempore quietis, quæ proportio, ut Gal. *in sect. 1. de differ. puls.* docuit, temporis est ictus ad tempus quietis. Alii rythmum in pulsibus ordinem dixerunt, alii convenientiam duorum esse temporum inter sese, ictus & intervalli. Hujus generis duæ spectantur differentiæ, quippe quæ *Eurythmus* dicitur, & *Arythmus*. Idem ac si dixerimus consonum & dissonum, seu ordinem servantem, atque ordine turbatum. Eurythmus pulsus appellatur, qui secundum vel

Ex tunicæ arteriæ qualitate.

A tempore quietis.

Ex plenitudine, & vacuitate arteriarum.

A rythmi ratione.

Ex pul-
suum
æquali-
tate.

Pulsuum
inæqua-
litas du-
plex.
Prima.

ætatem, vel tempus anni, vel regionem, temporis proportionem servat; veluti, qui temporis proportioni non respondet, Arythmus dicitur, cujus tres spectantur differentia, prout tribus sane modis in ipso rythmum vitari contingit. Primus scilicet, qui mediocrem Eurythmi digressionem habet, pararythmusque ob id appellatur, & qui multum a rythmo recessit, heterorythmus vocatur, veluti Echyrythmum vocat Gal. qui plane omnem rythmum seu consonantiam corrumpit. Octavum genus pulsuum spectatur penes ipsorum æqualitatem & inæqualitatem, hujusque duplex est differentia, scilicet æqualitas & inæqualitas. Æqualis pulsus dicitur, ubi multorum vel unius tantum pulsus differentia ad se invicem pares ac æquales existunt, & contra inæqualis. Pulsuum vero inæqualitas duplex observatur, quippe, una in uno tantum pulsu, atque altera, quæ in multis pulsuum generibus spectatur. Rursus inæqualitas in uno pulsu, aut in una parte arteria, aut in multis fit. His propositis, de iis modo agamus pulsibus, qui in uno pulsu & in una tantum arteria parte sentiuntur: qui duobus modis considerantur, uno modo penes arteria motum situm spectantur, uti quando arteria sursum, deorsum, antrorsum, retrorsum, sinistrorsum, ac dextrorsum deducta. Atque altero, in motu, cum aliter inceperit, & aliter finierit moveri, juxta unum digitum citatior, & desinens tardior, aut e contra incipiens tardior, & desinens citatior. Hocque fit tribus modis, quippe aut cum motus continuus apparet, vel cum intercidit, vel cum recurrit, atque veluti bis ferit: si itaque manens continuus, & non interpolatus, a celeritate ad tarditatem transierit, aut a tarditate ad celeritatem fit pulsus a nostris *impar citatus* dictus. Quemadmodum si quiete intercisis, systole ac dyastole citatior seu velocior appareat, capras salientes imitatur, quæ cito ad aliquam arborem saliant, inibique morantes, mox cito deorsum præcipitantur, ex qua merito similitudine pulsus *caprizans* a priscis Medicis fuit appellatus. Est & alius hujusce generis pulsus *dicrotus*, atque bis feriens dictus, quod digitos arteriam

com-

comprimentes aliquando bis feriat, & pulset: qui aliquando a robusta facultate fit, arteria tamen vitiata, utpote immodice indurata. Nunc de ea pulsuum inæqualitate agamus, quæ etsi in unico pulsu fiat, tamen in multis arteriæ partibus etiam spectatur. Hæc vero bifariam fit, uno modo, quum motus manet continuus, & arteria juxta aliquos digitos moveatur celerius, & juxta aliquos tardius. Secundo quum motus intercidit ita, ut aliqui digiti motum sentiant, & aliqui non. Juxta autem diastolis quantitatem in pluribus quidem arteriæ partibus inæqualitas est manifesta. Ex quo genere plane sunt myuri, sive decurtati, in una dyastole, atque illi quoque, qui innuentes, sive circumnuentes, appellantur, veluti ejusdem generis quoque sunt pulsus hi, quippe undosus, vermiculans, formicans, hæcticus, convulsivus, vibratus, sive turbulentus & ferratus. Sunt vetro myuri sive decurtati hi, qui magnitudine in una diastole diminuuntur, & decurtantur, ut, si primum manu magnum latitudine quis tetigerit, paulo post angustiores illum evasisse, viderit, ac perinde myurum illum vocavit, quod caudæ modo imminuatur. Circumnuentes vero significant dyastolis brevitatem cum extremorum utrorumque veluti mutatione. Undosus pulsus, a quibusdam fluctuosus appellatus, fit, quando non simul universa arteria dilatatur, attolliturve, sed per se ejus prima, deinde secunda, mox tertia, ab hac quarta, motu continuo manente, in modum undarum sese elevantium, sic quidem, ut altera unda semper priorem excipiat. Undosus vero, si totus in parvitatem desinat, ac minuatur, vermis gressui fit similis, ex quo vermicularis & vermiculans vocatur. Formicans quoque dictus fit, cum motibus multis amissis in unum prorsus exiguum desierit, estque omnium pulsuum languidissimus, & creberrimus. Hæcticus etiam habita ad febrem hæcticam similitudine est appellatus, quoniam veluti hæctica febris nullam magnam habet mutationem, ita & hic pulsus hæcticus dicitur, quod perpetuo sibi similis constet, sed duret. Convulsivus, qui

Pulsuum
inæqua-
lium al-
tera spe-
cies.

Ex pulsi-
bus inæ-
qualibus
in multis

convulsionis modo retractus videtur, aut ubi arteria retracta sit. Vibratus motui jaculorum maxime comparatur, atque digiti ab arteriis quasi jaculorum modo feriuntur. Ser-ratus quoque dicitur, quando alia pars arteriæ magis & alia minus præ duritie dilatatur, qualis in pleuriticis obser-vatur. Sed his pulsibus cognitis, tempus est, ut ad illos inæquales declinemus, quorum inæqualitas non in uno ge-nere pulsuum fit, sed in multis, quæ æqualitas a nostris col-lectiva, & a Græcis *ὀνυμωτική* dicitur. Hoc vero genere comprehenduntur pulsus, deficientes, intercidentes, decur-tati, Græcis *myuri* dicti. Hi tamen differunt a myuris, quos nuper explicavimus, quod hi in uno tantum pulsuum ge-nere fiant, atque isti in multis. Deficientes autem pulsus fiunt, ubi non solum in uno aut etiam in multis magnis unus minor apparet, sed aliquando totus motus ab arteria aufertur. Hos Galen. proprie magis in 1. lib. de diff. puls. intermittentes appellato. Tollitur vero motus arteriæ quan-doque totus ita, ut per duas & plures pulsationes arteria maneat immobilis. His contrarii seu oppositi sunt inter-cidentes, quippe cum expectata quiete in medio tanquam superflua quæpiam intercitat percussio. Myurus autem, five mutilus, five decurtatus pulsus vocetur, ille quidem est, ubi primo secundus pulsus paulo minor fit, & tertius secundo, & tertio quartus, & ita usque ad plures pulsus magnitudine ac vehementia fit minutio. Horum alii ad ar-teriæ immobilitatem perveniunt, ipsique myuri deficientes appellantur. Alii post arteriæ immobilitatem denuo pul-sare incipiunt, qui ob eam causam deficientes recurrentes nuncupantur; & alii non ad absolutam immobilitatem ve-niunt, sed ubi valde imbecilli & obscuri, languidissimique evasere, postea rursus paululum augeri incipiunt, hique myuri recurrentes vocantur. Demum ad postremum pul-suum genus accedamus, cujus quidem generis sunt, ordi-nati & inordinati. Ordinatus dicitur, qui ordinem pulsando aliquem servat, etiamsi fuerit inæqualis. Neque obstat, esse inæqualem pulsuum, & ordinem posse servare: contra inor-dina-

Ex pulsi-
bus or-
dinatio
& inor-
dinatio.

dinatus est cujusvis ordinis expers, tametsi etiam ex æqualium sit numero. Et hæc sunt, quæ breviter hic de pulsibus perstringenda duximus, ex Galen. *lib. 1. de diff. puls.* de prompta. Qui de ipsis plura desiderant, legant libros *Galenii*, quos *de diff. puls.* scripsit, accuratius: sed his pulsuum differentiis præmissis, atque sedulo perspectis, ipsorum modo causas consideremus, ut nihil ad pulsuum notitiam desideretur.

C A P. III.

De causis pulsuum, & quales robustam facultatem, & quales imbecillam indicent?

Præcipuæ causæ pulsuum tres numero, ex Galen. *in 1. de caus. pulsuum*, existunt, quippe pulsandi necessitas una, Pulsuum
causæ
præci-
puæ. secunda facultas ipsa vitalis, & tertia instrumentum facultati serviens. Necessitas pulsandi, sive usus animalis caloris insiti tuendi gratia est factus, ut scilicet ab eo refrigeretur, & si quid halituum fuliginosorum ex humorum usti-
one contractum sit, excernat; ad gignendum enim vitalem spiritum, ut calor cordis perfrigeretur, animalis caliditas, quæ ignea est, desiderat, quod diastole sive dilatatione facile sit, perinde ac systole sive contractione fuliginosum excrementum expellitur. Ex caloris autem spirituosi seu vitalis varia quantitate, varia quoque in pulsibus fit dilatatio, veluti cum maxime igneus est spiritus, frequenter, maximeque ac celeriter dilatantur, pulsusque fiunt celeres, veluti calore a frigidityte commoderato atque imminuto oppositus pulsus efficitur, quippe rarus, tardus, parvus. Simili etiam modo facultas pulsationem efficiens, si multa sit, & robusta, magnum pulsuum ac vehementem efficit, & exilis, imbecillave languidum & parvum. Instrumentum quoque vitiatum pulsus evariat, etenim dura arteria durum, mollis mollem, plena plenum, & vacua vacuum pulsuum reddit. Possunt vero hæc causæ pulsuum cum a multis causis extrinsecis, tum intrinsecis impediri, atque exinde & pulsus mutari. Extrinsecas intelligimus causas, quas vulgus Medi-

Pulsuum
singula-
rium
causæ.

corum res non naturales & Gal. *in lib. artis medicinalis* conservatrices appellat, a quibus omnibus causæ pulsuum, & pulsus ipsi possunt mutari: & intrinsecus vero sunt ætates corporum, temperamenta, humores qualitate, aut quantitate, aut putredine, viscera gravantes, lædentesque, & omnes morbi ac symptomata, quæ pulsus permutant. Sed age singularium pulsuum causas nunc spectemus; quas qui accuratius scire desiderant, legant libros Gal. *de puls. caus. cap. 2.* Nos circa has pauca quidem scribemus, eaque solum, quorum cognitio ad prognosin ex pulsibus indagandam nobis visa est opportuna. Sed rem ipsam aggrediamur, a pulsu magno incipientes. Magnus itaque pulsus fit ex vitalis facultatis magno robore seu firmitate, ex multo calore in corde exsuperante, five ex usu multo, accedente quoque arteria facile dilatabili, seu quæ facile dilatari, & comprimi possit. Veluti parvum contrariis a causis fieri, Gal. *in 1. lib. de præ sag. ex pulsib.* prodidit, quippe ubi aut facultas infirmior aut imbecillior evaserit, aut propter arterias induratas vel denique propter paucum usum, id est paucum calorem in corde exsuperantem. Mediocris cum medio ad hæc omnia se habet modo, atque ita de aliis omnibus, qui mediocres appellantur, utpote quorum natura, & causæ mediæ sunt inter extremas. Pulsus longus fit ob corporis seu arteriæ gracilitatem, & virtutis firmitatem, atque ob caliditatem etiam colliquantem, ut Galen. *in 2. lib. de præ sag. ex puls.* docuit. Ab oppositis vero causis, scilicet a crassitie arteriarum, facultatis imbecillitate, ac a refrigeratione pulsus brevis efficitur. Angustus prodit nobis ex angustia circumpositarum regionum arteriæ, facultatis imbecillitate, atque ab instrumenti duritie, atque cutis rugositate & crassitie; veluti latus ab oppositis fit, sed potissimum propter exsuperantem humiditatem, & secundum naturam, vel ab externis causis. Altus ob auctam facultatem, & ob arteriarum mollietiem. Humilis a diminuta & infirma facultate, & ab instrumenti duritie. Celeres, & propter facultatis robur, & propter usum multum, id est,

est, plurimum calorem. Tardi, e contrario propter facultatis infirmitatem, diminutum calorem, præsertimque ob frigiditatem. Dicebat enim Gal. *in eodem nuper citato lib. cap. 2.* Celeriores pulsum calidum ostendere temperamentum, veluti tardiores frigidius. Freqventes vero fiunt ob multum usum, id est, multam caliditatem, & rari ob paucum usum. Vehemens pulsus a facultatis robore semper fit, cujus & languidi causas Gal. *in eodem 2. lib. de præf. ex pulsibus cap. 7.* hisce præsertim verbis expressit, dicens: *Vehemens pulsus a facultatis semper robore fit, ac quo fit vehementior, tanto robur majus esse facultatis; languidus ex facultatis imbecillitate, ac quo fit languidior, hoc facultatem quoque imbecilliores esse demonstrat.* Durus vero, uti Gal. nobis auctor est *in libello de pulsibus*, fit ob arteriæ corpus ab immoderato frigore congelatum, vel ab excedente siccitate, vel ab alicujus visceris scirrhus, vel a magna phlegmone, vel denique a convulsiva aliqua passione, in nervosa aliqua parte facta. Mollis ab humectato instrumento, quippe arteria: quæ humectatio sæpius fit arteria ab extrinseca aliqua causa humectata, veluti ab usu dulcium balneorum, ab otio & somno multo, & ab humida victus ratione: veluti & ab intrinsecis causis, omnes cum morbi tum symptomata, ab humiditate concitata, arterias humectare possunt, qualia sunt comata, lethargi, hydropes aquosæ, ac alii humidi affectus. Pulsus plenus proficiscitur, aut ab humorum copia, aut a vini potatione, aut denique a maxima ciborum repletionem. Veluti a fame, inedia, evacuationeque pulsus inanis seu vacuus fit. Rithmum habentes in motu, & in quiete æqualem probamque corporis adesse temperiem testantur, veluti qui diastolen systole habent celeriores, calorem ostendunt corpori prævalere. Sed ad inæqualium generationem declinamus. Fiunt omnes inæquales pulsus, ut Gal. docuit *in 2. de præfag. ex pulsibus cap. 4.* ab obstructionibus, aut ex compressione instrumentorum, aut humorum abundantia ad facultatem quidem collata, aut demum ex cordis inæquali in temperie. De causis ve-

ro intermittentium, quos etiam alii deficientes vocant, Gal. ibid. hisce verbis scripsit: *humorum copia creat impedimenta, quominus motum debito tempore ausspiceretur, vel per crassitudinem, vel per copiam humorum, quæ obruat, aut oscilla cordi vicinarum arteriarum, qua attrahit materiam, rursusque emit, aut ex oscillis quadantenus universam vasorum capedinem, sæpe etiam foris illis, quasi vinculum sit, copia ejusmodi effunditur, nonnunquam instar oneris gravat, interdum etiam spatia, in quibus distenduntur, occupat. Intercidentes quoque pulsus ab iisdem causis proficiscuntur, minori tamen cum noxa fiunt, quam intermittentes. Recurrentes ex facultate quadam imbecilla, sed renuente ac resistente tamen, oriuntur. Myurorum causas Gal. in nuper citato libello de puls. ad tyrones cap. 5. ita complexus est: Constat autem omnes tales pulsus fieri ob imbecillitatem facultatis, quæ interdum quidem ipsa sola ex propria ratione infirma sit, interdum vero & ob aliquam multitudinem, vel compressionem, vel obstructionem arteriarum cordi vicinarum, ita, ut mixta efficiatur affectio. Et intercurrentium causas in 2. de præf. ex pulsib. prodidit, dicens, nam intercurrentes ex crebritate fit in æquali, quod functionem cor obit minus plenam, ac postularet usus. Jam id ipsum fit, ubi a copia humorum oneratum cor sit, aut instrumenta obstructa, aut in artum coacta. Caprizans pulsus ex inæqualibus interdum cordis intemperiebus efficitur: & Dicrotus, sive bis feriens ex instrumenti duritiæ, atque a virtute valida nascitur, & nonnunquam etiam ob inæqualem cordis temperiem. Undosi pulsus & ipsi fiunt arteria quidem humectata, & facultate aliquando forti, seu robusta. Ex qua solent non raro ejusmodi pulsus undosi sudorem fluxurum prænunciare. Aliquando etiam a prælangvida facultate fiunt, qui facile in vermiculantes transeunt, utpote quando facultas magis ac magis est diminuta; ob id Galen. in libello de pulsibus cap. 22. ait, vermiculantes fieri pulsus prælangvente facultate, quæ si in pejus labatur, nulloque modo restauretur, & vivificetur, facillime in formicantes mutari, qui omnium sunt exitiosissimi, quod ad extremum facultatem venisse denotent.*

notent. Convulsi excitantur principio nervorum inflammationem aliquam sustinente, & turbulenti, quum usus pulsandi magnam sublationem requirit, & vitale robur sua functione uti non potest. Vibrosi ex facultate, robore, atque caloris copia ortum ducunt. Et serrati a nervosarum partium aliqua oborta inflammatione, hinc pleuriticorum proprium esse pulsus, non paucis visum est, quoniam pleura dicta membrana costas subcingens inflammatur. Atque hæc de pulsuum causis sufficiant. Quibus præmissis facile agnoscemus, quales pulsus facultatem robustam, & quales præimbecillam significant. Firmam & robustam facultatem, quæ in corde quidem sedem habet, judicant hi pulsus, quippe magnus, longus, latus, celer, vehemens, dicrotus, vibrosus, undosus, atque major, altior, longior, vehementior. Ex extremis vero solum vehementissimus robore valere facultatem demonstrat. Horum pulsuum primo vehemens, vehementior, vehementissimusque, & secundo loco magnus, tertio altus, quarto vibrosus, quinto undosus, atque omnium postremo bis feriens, robur in facultate denotant. Vehemens enim pulsus, Gal. in 1. de præf. ex puls. c. 7. docente, a facultatis robore semper fit, ac quo fit vehementior, tanto robur majus esse facultatis: & paulo post ait: at robustissima cum vehementissimum, tum etiam majorem, excitat pulsus, simulque, si nihil variet usus, rariorem. In libello de pulsibus scribit Galen. vibrosum pulsus, quoniam robur facultatis significat, calorisque copiam, idcirco optimam aliquando Crisipin prænuntiare. Horum vero pulsuum majores, & auctiores majorem quoque virium firmitatem denotant, & ad extremum deducti, excepto vehementissimo, qui omnium maxime robur perpetuo testatur, infirmam facultatem significant. Pulsus prælanguidam facultatem denotantes hi profecto existunt, scilicet, parvi, angusti, humiles, langvidive, intercurrentes, myuri omnes, vermiculantes, formicantes, atque ad extremum qui pervenerunt, vehementissimo excepto. Istorum quoque vim imbecillam declarantes, alii diminutam, alii humorum multitudine, aut vitio, gravatam ac oneratam esse decernunt, & alii cum per se infirmitatem,

Pulsus
quinam
faculta-
tem vita-
lem ro-
bustam,
signifi-
cant.

Quinam
prælan-
guidam.

tum ab humoribus, ut dictum est, auctam, denotant, uti Galen. demonstravit *in libello de pulsibus nuper citato cap. 34.* Ex se ipsa imbecillam facultatem ostendunt pulsus, nullam habentes inæqualitatem, veluti ab inæqualibus gravatam coarctatamque aut ab humoribus, aut ab aliquo morbo, facile dignoscitur. Horum vero omnium inæqualium vermiculantes, formicantes, intermittentes, & myuri deficientes; & ex æqualibus, languidi, parvi, submissi, maxime sunt exitiosi, virtutemque maxime langvere decernunt, omniumque maxime languidissimi, minimi, tardissimi, humillimi. Quare ii omnes prælangvidam facultatem ostendunt, alii ipsorum magnam, alii majorem, atque alii maximam, cuiusmodi sunt formicantes, & languidissimi.

CAP. IV.

De pulsibus salutem & exitium indicantibus.

Pulsus
optimi
quinam.

Pulsus optimi, qui salutem in ægrotis pollicentur, hi profecto existunt, quippe parum aut nihilo a statu bene valentium mutati, atque æquales, ordinati, magni vehementes, & languidi, parvi inæquales, ac inordinati, si minus languidi, majores, æqualiores, atque ordinatiores evadant, quod ipsi virtutem languentem augeri atque instaurari significent, veluti exitiales habentur, magni, vehementes, æquales, ordinati, qui minuuntur, & languidi evadunt, inæquales atque inordinati. De quibus Galen. *in lib. 3. de crisib. cap. 9.* ita scripsit: *Sed manifestissime ex pulsibus cognoscuntur, neque enim parvo intersitio differunt, qui mortis ratione citius, quam sperabatur, ad quandam falsam declinationem perveniunt, ab iis, qui vere declinant.* In utrisque enim febrilis calor dissolvitur. Fit vero hoc ex causis maxime contrariis, siquidem naturæ robori maxime contraria est imbecillitas. Vehementior igitur fit continue magis pulsus & æqualior, atque ordinatior in bona declinatione, expellit enim natura fortis omnem subito febrilem calorem. Debilior vero atque inordinatior & inæqualis est pulsus in mortalibus declinationibus. Languidi itaque inæquales, inordinati, qui continuo subito fortiores, æqualiores, atque ordinatiores

eva-

evadunt, si modo in melius ipsorum mutatio constans sit, salutem non obscure promittunt. Sed illorum sermonem prosequamur, qui non ex accidenti salutem prædicere videntur, sed per se, cujusmodi sunt primo adnumerandi magnus atque vehemens pulsus, qui facultatis roboris nobis indicio sunt, omniumque maxime, si probam in ipsorum differentiis servaverint æqualitatem. Ad hoc quoque genus attingere videntur hi omnes, quippe altus, longus, latus, celer, major, longior, altior, latior, celerior, vehementior, non tamen ad extremitatem in sua specie aucti, vehementissimo excepto, qui omnium certissime salutem præagit futuram. Salutares quoque judicantur, vibrosus, undosus, & dicrotus, de Undoso Galen. in libello de pulsib. ad tyr. cap. 35. ita scribit: *Hic enim pulsus undosus, inquam, sudorem ut plurimum nuntiat, ac tanto magis, quanto mollior quidem fuerit, non tamen tenoris vacuus, si vero ipsi intercurrat altus, firmissimum habebis sudoris signum, semper enim hic aliquam excretionem significat: cum undoso quidem vel absolute magno, non tamen duro, criticum sudorem, cum vibroso autem, vel absolute duro, menstruorum potius, vel eruptionis sanguinis e naribus, vel per hæmorrhoidas, vel alvo exturbata.* Ceterum cum dictum a nobis sit, pulsus omnes, sanorum pulsibus similes, bonum prænuntiare, distinguendum erit, in quo morbo fiant, siquidem in quibusdam usque adeo malignissimis febribus perquam sanis similes apparent, atque quando exitio quoque proximi existunt. Sed de iis posterius accurate. Nunc de illis, qui exitium præagiunt, sermonem habeamus. Sed id memoriæ prius mandandum, ut nunquam ex solis pulsibus malis iudicium feramus; sed aliis signis una conspectis, ac simul collatis. Nam pulsus parvi, humiles, tardi, atque alii facultatem impotentem significantes, si una alia mala signa illuxerint, exitiosi judicabuntur. Cauti quoque esse debemus, ne ii ex aliqua extrinsecarum causarum tales prodierint, ne iudicium fallax reddatur. Hinc rogatos velim Medicos medicinam facitantes, ne pulsus ægrotorum tangant, ni prius causas præcæticæ seu prægres-

Pulsus
exitium
præagi-
entes.

sas intellexerint, atque cognoverint, quales ex iis pulsus fieri debeant, atque ut si corpus ægrotum, omni prorsus alteratione animi vacuum. Hinc prudentes Medici perdocti, antequam pulsus in ægrotis tangant, non parum temporis conterunt, ut prius jucundas historias, vel aliqua jucunda, referant, ad sedandum alteratum in ægrotis animum. Quique postea pulsus tangunt, neque subito ex eo pulsu judicant, sed ad minimum, ubi quindecim aut plures pulsationes observarint, cum plerisque ægrotorum principio pulsus a Medico contactus, vel a timore, vel aliqua alia alteratione appareat alteratus, proinde non nisi plurimis observatis pulsibus de salute aut de morte erit judicandum. Sed ad propositum redeamus. Pulsus itaque nuper scripti, si una cum signis malis observantur, exitium certum portendent. Ad extremitatem quoque omnes deducti, excepto vehementissimo, qui perpetuo salutarior, lethales sunt. Minimi vero languidissimi, tardissimi quoque omnium exitiosissimi habentur. De quibus Galen. in libello de pulsib. cap. 22. ita scribens, ea, quæ a nobis sunt dicta confirmavit: *Sed omnes pulsus, qui a naturali symetria multum recedunt, non boni sunt, at certo languidissimus & tardissimus & rarissimus omnium est deterrimus; pulsus autem minimus, & mollissimus, & durissimus, postea frequentissimus, at non celerrimus, neque maximus, sed hi sunt modice periculosi, solus autem in extremis optimus est omnium vehementissimus.* Sunt vero alii ex inæqualibus valde exitiosi, scilicet formicantes, vermiculantes, intermittentes, intercurrentes, rari & inyuri. Formicantes enim omnium sunt exitiosissimi, quoniam, ut Galen. nobis in eodem citato lib. cap. 4. est auctor, ad extremum naturam venisse denotant. Atque si ipsi postea augeantur, in foribus exitium significant. Pulsuum vero intermittentium alii prorsus lethales, atque alii ad exitiosos proxime accedunt, horum etiam alii in uno tantum pulsu intermittunt, ac alii in multis, & alii intervallo unius pulsationis, atque demum alii multarum. Qui in uno tantum pulsu intermittunt, maxime timeri debent, præsertimque si subsequens ipsorum motus

tus anteriori sit minor, quemadmodum qui motum subsequenter habent majorem anteriori, minori cum periculo observantur, eoque etiam minus periculi portendunt, si quies intervallum unius pulsationis non superaverit. Namque Galen. in 2. de præ sag. ex pulsib. multos cum iis pulsibus evasisse mortalium memoriæ prodidit. Ex hisque pulsibus maxime senes atque pueri evadunt, nam in juvenibus plane sunt exitiosi, ut Galen. ibidem tradidit, dicens: *Quies vero tempore unius pulsus inter omnes intermissiones moderatissima est, multique ex ea senes pariter & pueri evaserunt. Juvenum autem ne ex hac quidem ullus. Qui vero duorum aut plurium pulsuum tempus arteriam quiescentem habuerunt, certum semper exitium indicarunt.* Ex pulsu vero unius pulsationis intervallum intermittente plures evaserunt, puerique & senes facilius. Cayri in Ægypto dominicum a rege pharmacopolam quinquagenarium vidi, qui ex mala victus ratione cum copiam vitiosorum humorum coacervasset, sine febre in tantam corporis debilitatem incidit, ut vix moveri, ac vel etiam loqui posset. In ipso pulsus intermittens per plures dies fuit observatus, qui eo usque perseveravit, quoad probe medicamentis purgatus atque vacuatus sanguine vires recuperavit, quo tempore cessavit intermissio. Quare senes atque pueri ex hoc pulsu non ita pessime se habent, ut juvenes, in quibus plane exitiosos esse hos pulsus intermittentes voluit Galen. Tamen, etsi plerumque hoc verum experiatur, Bassani juvenem annos natam supra viginti, pleuriticam abhinc multos annos apud Hermetem Furcaturam Jurisconsultum clarissimum vidi, in qua usque ad diem quintam pulsus ita intermittebat, ut prima die singulis septem aut decem pulsibus intermitteret spatium unius pulsationis, & secunda singulis sex aut quatuor, & tertia singulis tribus, & quarta (qua die morituram quisque merito judicasset) cum delira prorsus esset, nihil exspueret, difficilima respiratio, inquietissima, & cum pulsus singulis pulsationibus ita intermiserit, ut immobilis multo intervallo arteria maneret, pulsusque subsequentes lan-

guidi exilesque essent. Nihilominus præter omnium spem simul cum urina multa materia crassa pituitosa excreta, nulla alia observata vacuatione, aut iudicio a natura facto. Sed huiusmodi casus raro fiunt, suntque in arte medendi veluti monstra. Sunt vero plerisque juvenum ejusmodi pulsus intermittentes exitiales, quod in juvenibus maximum recessum a statu salubri declarent, idque propterea, quod juvenes ob validum virium robur non nisi a fortissima causa in talem affectum incidunt, indicio enim nobis sunt, naturam magna humorum multitudine aggravari, quos curatione sanari maxime est difficile, cum fortissima causa morbifica ægerrime tolli possit, veluti levis causa facili negotio tollitur, a qua senes ob invalidum facultatis robur facilius juvenibus in morbum labuntur, qui etiam ob id facilius (quod facilius levis quam fortis causa adimatur) sanantur. Ex intermittentibus etiam, qui subsequentes motus sive pulsus anteriori habent debiliores, apprime sunt perniciales, tametsi arteria in ipsis minus, quam sit unius pulsus intervallum, conquiescat. Ex ipsis facultatem magis ac magis debilitari nobis indicatur. Hisque pulsibus myuri maxime comparantur, quod ipsi semper magis ac magis diminuantur, ex quo & ipsi creduntur perniciales, ipsorumque maxime myuri deficientes, sive intermittentes, quippe qui eo usque decrescunt, quoad immobilis arteria remaneat, veluti qui ad imperfectam venerunt immobilitatem, quippe myuri deficientes appellati, & qui ab arteria reddita immobili denuo pulsare incipiunt, minus sunt timendi, modo signa alia meliora una illuceant. Quidam etiam observantur, qui ex natura hos pulsus vel etiam recte valentes habeant, ex quo caute Medici ad iudicandum agere debent, ne decipiantur: exitiosissimi quoque sunt, languidissimi, minimi, tardissimi, atque rarissimi, de quibus Galen. *in lib. 2. de præfag. ex pulsibus*, ita scripsit: *Est autem eorum pulsuum ingens frigiditas causa generandorum, quæ occupet vel corpus cordis, vel spiritum, vel sanguinem, quem continet ejus sinus, vel partem aliquam vicinam. Atque si corpus ipsum cordis teneat*
ingens

ingens frigiditas, ita languidissimos reddit pulsus, & tardissimos, & minimos, ut maxime hæc viget. Quæ vero proficiscitur ex parte alia, raritatem longius, quam cetera, quæ diximus, genera a natura avertit. Itaque quidam in illis sunt, cum pulsus habeant non longe minores justo, ad tardiores languidioresque, tamen e vestigio pereunt. Mors autem tum minus potest declinari, cum teneat frigiditas corpus ipsum cordis. Repentina porro & in altera differentia fit. At moriuntur priores illi inter dormiendum potius, ut jam non amplius expergiscantur, alteri hi cum illo modo tum etiam inter loquendum nonnulli eorum, ut imperitis commode videantur habere, subito, ut qui animo deficiuntur, expirant. Quorum quibusdam simul prorupit sudor, aliquibus non prorupit. Quamobrem ex iis apparet, raros pulsus, multoque magis rariores, simulque minores, languidioresque, exitiales utique esse. Sed age dicamus, cur pulsus sæpius in moribundis sanis similes appareant. Ex quibus Medici plane decipiantur, necesse est.

C A P. V.

Cur pulsus in quibusdam febribus exitiosis appareant aliquando recte valentium similes?

Sæpius fit, ut in ægrotis, malignis morbis laborantibus, pulsus ita sanorum similes observentur, ut non raro vel etiam doctissimi Medici decipiantur; non minusque urinæ, cum boni coloris, tum substantiæ, tum etiam in quibus laudabilia contenta resideant, in exitiosis morbis apparent: quæ artis medicæ ignaris mira, seu monstra in natura, videntur, cum tamen hæc docti Medici, quibus rerum causæ non sunt ignotæ, non admirentur. Nunc de pulsibus agemus, & quomodo, etsi bene valentium similes ac optimi appareant, futurum exitium significant, dicemus. De urinis vero, cum hic de his loquendi non sit locus, postea suis locis agemus. Sed modo rem ipsam de pulsibus dicamus. Hujusmodi pulsum observatio non in omnibus morbis fieri solet, sed in malignissimis tantum, & præfer-

Pulsus in
exitiosis
morbis
unde ali-

quando recte va-
lentium
similes.

Februm
pestife-
rarum
distin-
ctio.

tim in febribus pestilentibus, neque in omnibus: Gal. *in lib. 3. de pres. ex pulsib. cap. 3.* ait, hujusmodi pulsus in pestiferis febribus observari, quas heclicas pestilentes Medici vocant, quod æquales, exterius obscuræ, sine ulla alteratione, calore quidem exili appareant, ex quo ægrotantes se febre vexari neque putent. Distinguuntur etiam pestiferæ febres in ephemeræ, putridas, atque heclicas. Ephemeræ vocant, quæ ephemerarum modo invadunt, atque cordis spiritibus corruptis generantur; putridæ quoque putrefactis humoribus cordis fiunt, ab ephemeris maxime distinguuntur ex eo, quod putridæ putredinis signis non careant, nam in ipsis, urinæ crudæ, tenues, turbidæ, subjugales, cum contentis aliquando crassis malis apparent: in ipsis quoque aliquando exanthemata apparent, aliquando tumores. In ephemeris vero, quæ spatio unius diei interimunt, aut saltem tribus ad plus, nullum putredinis in humoribus signum apparet. Gal. itaque vult in heclicis cum pulsus tum urinas bonas videri, propterea quod aut arteriæ sint corde frigidiores, aut quod temperamentorum in corde sit pugnantia, de illa ita scribit: *Quocirca contingit aliquando, ut arteria, quæ frigida est, sed a corde calefit, nec parvum pulsus, qui frigidus est, edat, nec magnum, qui calidus, sed inter utrumque medium, qui moderatus est, & naturalis. Et celeritate etiam moderata pulsus erit horum affectuum, itemque & vehementia moderata.* Pugnantia vero temperamenta in corde hos facere posse non est mirum, siquidem, ut ait Gal. aliquando cordis corpus æquo sit frigidius, & humores, seu substantia contenta in ventriculis calidior, quod forte fit in pestiferis febribus, ubi ingens putredo cordis corpus affecit, ex quo calore fere extincto redditur corpus cordis frigidius, cum humores tamen contenti inflammati sint, aut aliquando contra, quippe ubi humores æquo sint frigidiores, & cordis corpus calidius, quovis horum modorum contingit fieri pulsus moderatos & fere naturales, de quibus Gal. ita scripsit: *Qui sane affectus, vel optimos Medicos fallunt, quod nunc quoque in maxima pestilen-*

ſilentia accidit. Quidam inde ab initio ad finem uſque, alii per totum morbum, probum pulſum habebant, qui perparum deflexiſſet de natura, qui quidem præter ceteros perierunt. Animadvertimusque eos primis ſtatim diebus & peſtilentia laborare, & peſſime affectos eſſe ex acredine caloris, atque ipſa caloris ſpecie, denique quod pulſus, parum præter naturam immutati, iis in eo ſtatu perpetuo maneant; nam in ſpeciem præcipue hecticarum, quas vocant, febrium incidunt huiusmodi pulſus. Si qui eſſent inter ægrotos, qui ſe negarent febricitare, his febris, occupato ipſo cordis corpore, plane erat confirmata, & ut ita dicam, in habitu. Demum tertiam cauſam pulſuum moderatorum in peſtiferis quibusdam & exitioſis morbis, ita expreſſit: *Quod vero in ſermone præterivimus, ubi aer, quem ſpirando attrahimus, infectus putredine ſit, ac putredo corpus cordis attigerit, illi pulſus ſiunt.* Nec jam quicquam habet admirationis, ſi eos pulſus, quos memoravimus, tali affecti peſte habeant, ob peſtilentem reſpirationem; nec ſi omnino morituri ſint: atque propter hæc cauſas in febribus, vel etiam lethiferi pulſus recte valentium ſimiles obſervari ſolent.

C A P. VI.

De prædictione ex reſpiratione, quidque primo ipſa ſit, atque quot ipſius differentie obſerventur?

Variarum in ægrotis reſpirationum obſervationem ad prædictionem nedum utilem eſſe, ſed quinimo multum neceſſariam, neminem latere, certe ſcio; ſed ex ipſa firmiorem quoque quam ex pulſibus haberi in morbis prædictionem, non paucis viſum eſt, ac vel etiam eſſe certior, quod pulſus facile a qualibet etiam cauſa extrinſeca mutantur, hinc Medici, ſi alterationes extrinſecus pulſibus illatas incaute perſpectas habuerint, sæpe decipiuntur. Hinc Hipp. nulla, vel ſaltem pauca, de pulſibus ſcripſiſſe, non paucis eſt perſuaſum. De reſpiratione vero, quod ab ipſa certior ad prognofin notitiam Medici aſſequi poſſint, ſatis accurate multa nobis tradidiſſe, & varias non minus

Respira-
tio quid.

in multis ægrotis (ut apud ipsum in Epidemiis legitur) spirationum differentias ad prognosis judicium adnotasse. Quare de hac quoque ad prædicendi rationem accurate nobis in præsentia est agendum. Sed antequam de prædictione a respirationibus agamus, primo quid ipsa sit respiratio, quæque ipsius sint differentia, atque causa, cognoscamus. Quid vero sit non æque omnes sentiunt. Asclepiades respirationem esse animæ generationem affirmavit. Praxagoræ vero animæ dici corroborationem placuit. Sed Philistion, & Diocles caloris innati esse ventilationem, & refrigerationem voluerunt. Ex Hipp. rectius caloris nutritionem atque refrigerationem. Porro hi, cujus tantum gratia respiratio fiat, enarrant. Nos vero dicemus respirationem nihil quidem aliud esse, quam pulmonum pectorisque sensibilem motum, quo pulmones dilatantur, ac comprimuntur. Ex quo duplex apparet, primo inspiratio quippe & exspiratio. Atque his duabus respirationibus duplex quies, sive ut Galeno placuit, duæ cessationes æque respondent, una scilicet, quæ est ante dilatationem, at post ipsam altera, quæ ante quoque compressionem est. Dilatatione enim frigidus aër inspiratur, quo sane innati caloris (si Gal. *de libro causis respirat.* credimus) symmetria conservatur, animalisque spiritus substantia nutritur. Galenus scripsit *in primo libro de respirat. differ. cap. 3.* respirationem calori, qui circa cor est, esse utilem, ac pulsus calori, qui per totum animal est dispersus; hic quidem a pulsibus refrigeratur, veluti cordis calor a respiratione. Expiratione vero fumosum halituosumve excrementum a corde expellitur. Ceterum, ut recte fiat respiratio, cerebrum recte valere est necesse, utpote, quod septum transversum, thoracem, ac omnes musculos respirationi servientes facultate moveat, itemque cor, pulmonesque. Quibus quidem membris seu partibus læsis, respirationem vitiari, est necesse. Ex quibus medicinæ scriptores triplicem respirationis causam faciunt, unam quidem animale faculatem, moventem musculos, septum transversum, pectus, pulmones, & quæ in cerebro sedem

sedem habet; alteramque instrumenta respirationi servientia prænarrata; atque tertium usum, qui est innati caloris refrigeratio, spiritus naturalis nutritio, atque genitarum fuliginum expurgatio. Sed his præmissis ad respirationis notitia pertinentibus, respirationis quoque differentias in medium afferamus. Primo itaque per respirationem tum inspirationem, qua frigidum aërem attrahimus, tum expirationem, qua fuligines excernimus, intelligimus. Cujus quidem respirationis duæ inprimis apparent differentia, quippe quædam motum respicientes, & quædam quietem: ad motum attinentes penes magnitudinem, parvitatem, velocitatem, tarditatem, spectantur, quatuorque numero existunt, quippe magna, parva, velox & tarda: ad quietem vero quæ referuntur, sunt frequentia respirandi, atque raritas. Ex quibus colligamus respirationis differentias esse, magnitudinem, parvitatem, celeritatem, tarditatem, frequentiam, & raritatem, quas Galen. in 1. de differ. *respirat.* complexus est. Sunt vero hæ omnes aut in tempore motus, uti est velox & tarda respiratio, aut in quantitate distentionis, veluti magna, & parva, aut in quantitate contractionis, veluti est etiam magna, & parva, aut denique in quiete respirationis, quæ est frequentia atque raritas, atque hæ simplices sunt respirationis differentia: quibus varie complicatis octo compositæ differentia depromuntur, quippe magna velox, magna tarda: parva velox, parva tarda: frequens magna, frequens parva: rara magna, & rara parva. Magnam illam dicimus respirationem, in qua magnam copiam aëris attrahimus, atque magnam fuliginum copiam expiramus, sive expellimus, atque e contrario parvam, in qua exiguum aëris inspiratur, & parum fuliginum genitarum expiratur, seu expellitur. Celer vero est, in qua parvo quidem tempore pulmones moventur, & tarda, quæ longo tempore fit. Frequens etiam seu densa appellatur, cui breve est tempus quietis, contra cui longum est, rara. Addamus alias respirationis differentias, quarum una penes æqualitatem atque inæqualitatem accipitur, & altera penes ordinem, prout respirationum alia servant

Respirationis
differentia.

In tempore
motus.

In æqualitate &
inæqualitate.

In respi-
rationi-
bus or-
dinatio,
& inor-
dinatio.
In Ryth-
mi ratio-
ne.

vant ordinem, & aliæ non, atque tertia penes caliditatem & frigiditatem, quod quædam calida sit, & quædam frigida. Æquales respirationes illas dicimus, in quibus multarum quidem respirationum vel unius tantum pares differentiarum, mutuoque æquales existunt. Inæqualesque, ubi inæquales respirationes observamus. Ordinatarum quoque hæ sunt, quæ aliquem ordinem servant, atque contra, inordinatarum. Et calidæ item dicuntur respirationes, ut posterius accurate intelligemus, in quibus halituosus calidusque spiritus expellitur; & frigida, ubi frigidus. Sunt denique aliæ quoque rythmæ, & arhythmæ, id est, quæ rythmum servant, & quæ non. Ex proportionatam habent respirationem tempori, annis, locis, regioni, ætati atque temperiei, & ex opposito arhythmæ. Ex quibus omnes vidimus respirationis differentias, quas Hipp. cum *in lib. 2. a)* tum *in 6. Epid. b) com. 3. text. 11.* ita perstrinxit, dicens: *Densi spiritus, parvi, magni, rari, exit extra magnus, intro parvus, hic quidem tardans, ille festinans, duplex intro revocatio velut super inspirantibus, calidus, frigidus.*

C A P. VII.

De causis respirationis.

Respira-
tionis
causæ
commu-
nes.

Nunc causas respirationis attingamus, quæ duplicis sunt differentiarum, quippe quædam communes, & quædam particularium respirationum, quæ particulares existunt; de communibus primo agamus, quæ ex Gal. in lib. *de caus. respirat.* sunt facultas voluntaria motiva, quæ organa movet respiratoria, instrumenta voluntati ac respirationi servientia, atque demum usus seu utilitas, in cuius gratiam respiratio fit. Ab his quidem causis omnis fit respiratio, ac optima ipsis nihilo a naturali statu mutatis, & vitata vel omnibus, vel aliquibus ex ipsis a naturali statu mutatis. Ex voluntariarum quidem motivarum facultatis observatione, naturæ cum robur tum imbecillitas nobis innotescit, non minusque ab instrumentorum respirationis, & utilitatis, seu usus notitia.

Sed

a) P. 1025. b) Sect. 2. Text. 8. p. 1169. ubi quædam addita sunt.

Sed quomodo fiat respiratio, quibusque instrumentis ad ipsam agendam facultas utatur, ac ad respirationis utilitatem, Galen. in 1. lib. de differ. respiration. cap. 4. ita docuit: *Facultas quedam animalis movet thoracem, cum hoc simul pulmo movetur, ad hujus vero motus ubi distenditur, sequitur inspiratio, ubi contrahitur, expiratio.* Demonstratum etiam ibidem est, maximam & principalissimam respirationis utilitatem esse insitæ caliditatis conservationem, jam vero & animalis spiritus nutritionem. His itaque sic habentibus, siquidem facultas, & utilitas, & unumquodque organum recte ac prospere habuerint, juxta naturæ legem animal respirat. Si vero quid ex eis vitiatum fuerit, juxta illud etiam respirationem impediri necesse est: & hæc de causis respirationis in communi. Quibus præmissis ad singularium respirationum causas attingendas declinemus, si-
Singula-
rium re-
spiratio-
num
causæ.
ne quibus ex respiratione quicquam certi ad prædictionem habere non possumus. Exordiamur vero a simplicissimis respirationum differentiis, & primo a magna parvaque respiratione. Magna vero respiratio, ut Galen. in eodem li-
Respira-
tio ma-
gna unde
bro docuit, ab urgente fit utilitate, & parva ab utilitate exsoluta, aut ab aliquo dolore partis, moventis thoracem. Ceterum cavendum est, ne decipiamur, nimirum ut magnam illam esse respirationem credamus, in qua plurimum pectus dilatatur, sed in qua plurimus spiritus attrahitur; nam quibus vel tumor, vel angustia sine flammeo calore, spiritalibus membris insidet, in his thoracis quidem dilatatio maxima est, id vero, quod inspiratur, parum est. Aliquando etiam maxime usu urgente, sed facultate extincta fere fit maxime thoracis dilatatio, in qua aliquando moventur scapulæ, nares, quam spirationem sublimem, & phœnomenam, id est apparentem, Medici appellant. Quare prudenter se gerere debent Medici, per magnam quidem respirationem ut non magnam thoracis dilatationem intelligant, sed in qua plurimus spiritus attrahitur, & contra parvam, in qua parum spiritus suspiratur, tametsi thorax maxime dilatetur ac distendatur. Velox vero respiratio fit
Velox
unde.

Tarda
unde.
Fre-
quens
unde.

& ipsa ab urgente utilitate, seu a magno calore, ac facultate ei servire potente, id est, robusta, atque nullo organorum reluctantante. Tarda a contrariis fit causis, utpote a diminuta utilitate, ac virtutis imbecillitate. Frequentem vero respirationem, aut dolorem, aut inflammationem supra septum transversum, Gal. cum in 1. Epid. com. 3. text. 18. tum in tertio libro com. 3. text. 74. tum alibi testatum reliquit, quod ab Hipp. accepit, qui in primo libro Prognost. a) de frequenti respiratione ita habet: *Spiritus autem, qui creber est, signat dolorem aut inflammationem in regionibus, quæ supra præcordia sunt*: quæ fit a dolore frequens seu densa, ex dolore in parte affecta nobis innotescit: ab inflammatione simplici, phlogosi Græcis dicta, perinde si dixerimus a flameo calore, cognoscitur ex eo, quod spiritus, præterquam quod densus est, etiam calidus appareat. Addamus nos densum seu frequentem reddi spiritum propter vel aliquam phlegmonem, aut humorem, aut tumorem, naturam gravantem, & angustiam inducentem, quæ quidem respiratione solet una cum stertore observari. Quæ vero longo intervallo fit, rara dicta, aut cordis refrigerationem, aut delirium significat; atque hæ sunt primarum simplicium respirationum differentiarum causæ, quibus tamen quicquam certi ad prognosticum Medicis non ostendi, Gal. in primo de diff. respirat. cap. 22. nobis prodidit, quo loco docet, iudicium fieri tantum oportere a compositis, ut possimus certum de salute ac morte ægrotantium ferre iudicium. De

Rara unde.

Respira-
tionum
compositarum
causæ.

compositarum vero respirationum causis ibi ita scripsit: *Itaque ad solas illas compositas respirandi difficultates animum intendere nos oportet, in quibus simplices quidem communes sunt plurium affectionum, & ob id nihil certi indicant, conjugate vero aliis quibusdam ad certum ac minime fallax discrimen veniant. Magnitudo enim respirationis ipsa per se respirandi difficultas quædam est simplex, verum nullius certæ cognitionis est signum, siquidem & urgente utilitate, & læsa mente fieri solet. At vero si cum densitate consistat, ingentem vitalitatem, si cum raritate, delirium indicat. Similiter autem*

& parvitas, ipsa quidem per se ipsum, aut dolore afflictam aliquam particulam, aut utilitatem exsolutam ostendit. Itaque neque ipsa aliquid certi indicat. Quando vero componitur, cum densitate quidem dolorem, cum raritate vero, facultatis exsolutionem portendit. Quin etiam si ipsam densitatem per se solam aut raritatem in manus sumas, ipsarum neutram per se inveneris quicquam certi significantem, nisi hoc discrimen accedat, ut videlicet cum altera quapiam respirandi difficultatis specie copuletur. Densa enim simulque magna utilitatis augmentum indicat. Densa vero simulque parva organi alicujus, quod cum respirationibus commovetur, dolorem: ipsa etiam rara, quæ ad deliria & perfrigerationes consequitur, si quidem cum magnitudine fuerit copulata, prius ex prædictis, si vero cum parvitate, posterius indicat, & ob id sane omnium compositarum respirandi difficultatum hujusmodi conjugationes utilissimæ sunt, utpote & manifeste & constanter unamquamque affectionem indicantes. Densitas quidem cum parvitate, dolorem, cum magnitudine vero, utilitatis augmentum. Raritas autem cum magnitudine, delirium; cum parvitate, facultatis exsolutionem notat. Hactenus Gal. de simplicium compositarumque respirationum causis. Nunc ad æquales, ordinatas, & inæquales, & inordinatas descendamus, ipsarumque causas spectemus. Æquales enim, & ordinatæ respirationes fiunt a facultate vitali recte valente, nulloque instrumentorum servientium respirationi vitiato, aut quovismodo læso. Veluti inæquales inordinatæque contrariis a causis efficiuntur. Non secus quam & pulsus inæquales inordinatosque fieri diximus. Quarum quidam respirationum eadem est generatio, ut Gal. in eod. lib. de differ. respir. cap. 17. hisce verbis tradidit: Visum est autem aliquando, raro tamen, non alteram tantum, sed ambas totius respirationis partes in uno & eodem homine ita habere, & maxime hoc fieri, cum humorum copia in asperis arteriis coacervata hominem suffocet ex pleuritide pernicioosa, aut peripneumonia non expurgata, aut suppuratione istic consistente, ita ut in hac parte respiratio cum pulsibus conveniat. Monstratum est, & in illis

illis propter obturationes organorum, compressionesque, & omnino coarctationes inæqualitatem fieri. Hoc idem etiam clarius scripsit *cap. 19.* ita dicens: *Quare omnium inæqualitatum, tum quæ secundum unam actionem, tum quæ circa plures ex ordine consistunt, aut asperarum arteriarum coarctatio, aut thoracis musculorum aberrans motus, aut facultatis ipsam efficientis debilitas, causa fiet.* Ab iisdem ipsis causis & inordinatæ respirationes, sed ab aliis etiam quippe convulsis musculis, moventibus thoracem; cujusmodi esse videntur luctuosæ suppurationes appellatæ, *Gal. in 6. Aph. 54.* docente. Rythmum etiam respirationes quæ servant probam continuitatem naturalis caloris significant, veluti rythmum non servantem fiunt a caloris corrupta seu vitiata symmetria: Calidæ omnes respirationes a calore maxime aucto oriuntur, veluti a spiritu frigido exspirato illum admodum defecisse, exilemque effectum esse declarant quippe frigidæ respirationes. De his *Hipp. in Prognost. a) text. 24.* *Qui vero frigidus de naso, & ore exspiratur, admodum exitialis jam est,* quod emortuâ facultatem, seu calorem extinctum, denotat. Sed caute est agendum, ne per respirationem frigidam intelligamus parvam & raram, cum & ipsa infiti caloris refrigerationem significet, sed exspirationem frigidam: atque ita de calida, ubi ex ore & nare calidum exspiratur, & non, quæ magna & frequens est, tametsi calida & ipsa, quod magnum calorem denotet, dici possit, non tamen actu calida est, de qua *Hipp. & Gal.* intelligunt. Sed jam satis circa respirationum causas versati sumus, nunc de prædictione ab ipsis petenda scribamus.

C A P. VIII.

Quid bene, & male, spirare in morbis significet?

Bene spirare in morbis, quid significet.

Bene ac recte secundum naturam ægrotis spirare ad salutem prædicendam perpetuo magni momenti esse, neminem latere, arbitror. *Hippoc. in 1. Prognost. b) text. 25.* ita de hoc scripsit: *Spirationis autem facilitatem existimari oportet perquam magnam vim habere ad salutem in omnibus*

a) P. 38. lin. 10. b) Ibid. lin. 11.

morbis

morbis acutis, qui in quadraginta diebus judicantur. Neque immerito quidem, cum, Galen. ita in comment. docente, bona respiratio thoracem, cor, pulmones, septum transversum, pleuram membranam, & denique omnes partes servientes respirationi recte valere demonstraret: neque enim fieri potest, aliquo ipsorum membrorum respirationi servantium læso, ut ægroti naturaliter respirent. Ex quo merito quoque Galen. bonam respirationem in lib. 1. de Crisib. inter bona signa recensuit. Ceterum, ut a respiratione bona quicquam certi judicemus, duo alia quoque signa attendere debemus, quippe pulsus prævalidos, atque ægrotos recte se habere ad omnia, quæ illis offeruntur. Hæc enim tria signa, simul observata, quippe ægrotos recte ac secundum naturam respirare, bene se habere ad ea, quæ illis offeruntur, atque demum ubi pulsus satis robusti apparent, magni momenti esse ad salutem prædicendam, Galen. in 3. lib. Epidem. memoriæ prodidit. Hisque hæc signa, vel etiam in moribundis, salutis spem indicasse, non raro vidimus. Quare recte spirare in omnibus acutis morbis, bonum est, atque contra, malum; quod necessario significetur, aliquod organum respirationi destinatum non recte valere: non tamen exitium hoc solum signum exprimere potest, sed una cum aliis exitialibus, omniumque certissimum exitium prælagit, si una ægrotus cibum abhorreat, non sitiat, tametsi lingua præarida maximeque exusta sit, cum pessimis excrementis, pulsusque prælangvescant, satis tuto ex his mors prælagiri poterit. Quare respiratio mala, semper mala est, tametsi non semper in acutis morbis lethalis; pessima vero, ubi cum pessimo aliquo signo apparet, & multo plus si cum multis. De quibus Hippoc. in 4. libr. Aphorism. a) ait: *In febre non intermittente, si spiritus difficultas acciderit, & desipientia, lethale est.* Ceterum dicet Lector, quales malæ respirationes existunt? Cuius has esse respondebimus, quippe magnam raram, parvam frequentem, quam in moribundis Hipp. consuevit dicere brevissimam, spiritum exilem, spiritum imminutum: pessimam

Male spirare in morbis quid significet.

Respirationes quænam malæ.

quoque sunt, quæ cum strepitu thoracis spectantur, veluti quomodo hi respirant, qui ex submersione spirant, hæque obscuræ, stertorosa, interruptæque dicuntur, de quibus Hippoc. in eod. libr. Aphor. 68. scribit: *In febribus spiritus offendens, malum; convulsionem enim significat.* Per quem spiritum offendentem, Galen. auctore in ejus Aphor. comm. intelligit spiritum, qui medio sui interruptus subsisterit; luctuosæ itidem respirationes pessimæ haberi debent, quod Hippoc. in 6. lib. Aphorism. 54. nos docuit. Omnium pessimæ, quæque in moribundis observantur, sunt frigidæ, quippe cum ex naribus ac ore frigidum expiratur: demum sublimes, obscuræ, urgentes, quem spiritum in lib. 2. Coac. præfag. b) sect. 7. text. 39. ita expressit, dicens: *Pessimus autem morti propinquus, extendens, urgens, & obscurus:* quibus verbis intelligit, primo spiritum sublimem & phænomenon, seu apparentem appellatum, in quo pectus maxime distenditur, atque aliquando scapulæ, & pinnæ narium nasi moventur, quod vero inspiratur, ita parum est, ut vix sensu percipiatur, densissimum tamen est propter urgentissimam caliditatem: atque hæ sunt malæ respirationes, de quarum quidem Prognostico sigillatim a nobis erit agendum, ut accuratius ab ipsis singulis prædictionem assequi quisque studiosus possit.

C A P. IX.

Quid respiratio magna velox, magna tarda, parva velox, parva tarda, & magna frequens, magna rara, in morbis significet?

Respiratio magna & velox respiratio, quanquam in corporibus, ut Galen. scribit in lib. 1. de difficult. resp. cap. 20. plurimum fuliginosorum excrementorum adesse declarat, facultatem tamen integram esse, viribusque potentem, nullumque organum ex respiratoriis vitiatum denotat, siquidem magna simulque velox fit, si utilitas urget, & organa sint prompta, & facultas integram sanitatem servet, similiter autem, & magnam simulque tardam in delirantibus fieri, nuper

per ostendimus, sic & parvam ac velocem, quibus est con-^{Parva &}
gregatum fumosum excrementum, & dolet simul aliqua^{velox.}
particula, quæ circa respirationem movetur, aut quæpiam
inflammatio; ut Hippocrat. 1. *Prognostic. a) text. 24.* & Ga-
len. in 3. *Epidem. comm. 3. text. 74.* de Pythione, ^{b)} qui super
Herculis fanum, docent, parvam simulque tardam iis fieri,^{Parva &}
quibus nullum fumosum excrementum est coacervatum,^{tarda.}
cum dolore, ut dictum est, alicujus organi ex respiratoriis,
aut inflammatione: hæ duæ differentiæ respirationis cum
malis signis plus duabus prioribus sunt timendæ, quod fa-
cultatem prælanguidam, aut exsolutam, aut denique partem
quampiam thoracem moventem dolore, denotent. Magna
& velox respiratio plurimum fuliginum, & incendii, sed
cum facultate integra, & forti significat. Quæ vero simul
& tarda melior est, cum ipsa ad recte valentem plus accedat,
integramque & fortem facultatem, sine calore multo & abs-
que fumosis excrementis. Hæ omnes cum aliis signis erunt
a Medicis spectandæ, & ex ipsis simulque cum aliis, quæ il-
luxerint, judicium deliberari. Sed ad magnas simul fre-^{Magna &}
quentes respirationes, & ad magnas simul & raras decline-^{frequens}
mus, cum ab ipsis præsagiendi ratio magis illuceat. Magna
respiratio, & simul frequens ea est, in qua plurimus spiritus
trahitur, & calidus, & fervens ex ore & naribus efflatur.
Quæque fit aut, uti docet Hipp. in 1. *Prognostic. c) text. 24.*
quod aliqua pars ex respiratoriis seu thoracis inflammatio-
nem aut dolorem patitur. Cujusmodi sunt cor, septum
transversum, pulmones, aut pleura membrana, aut muscoli
etiam thoracis: nam hæ partes dolentes, ac inflammatæ,
quod non, ut opus est, dilatentur, spiritum frequentem seu
densum fieri necesse est. Signant vero ex magnitudine cum
facultatis robore hæc fieri. In quo non levis salutis sit spes.
Quæ vero cum magnitudine etiam raro fit, nobis in acutis
morbis delirium subesse declarat. De quibus quidem Hip-
pocrat. in primo *Prognosticorum d) text. 24.* ita scripsit: *Qui*
vero

L l 2

a) Pag. 38. lin. 7. b) Lib. 3. Epidem. pag. 1098. Ægr. 3. c) Vide
loc. modo allegat, d) Pag. 38. lin. 8.

vero spiratur magnus multoque interposito tempore, delirium indicat. Sed quomodo magnum spiritum intelligemus? an ubi magna thoracis fit dilatatio? nequaquam magna thoracis dilatatione magnam fieri respirationem observamus, nam, ut unquam dictum est, quibus vel tumor, vel angustia sine flammeo calore spiritalibus membris infidet, in his thoracis quædam dilatatio maxima est, id vero quod inspiratur parum est. Ex quo magnam dicimus respirationem magni inspirati aeris, atque inspiratarum fuliginum multarum, ratione. Quod vel ipse Hipp. expressisse visus est, cum dixerit, qui vero spiratur magnus, quæ de spiritu, qui effertur, magnitudinem intelligendam denotant, minimeque de thoracis dilatatione. Addamus in differentiis respirationum sublimem ac phænomenam

Magna &
rara.

vocatam respirationem, in qua maxime thorax dilatatur, parvam atque exilem esse, ex Galen. constare. Quare dicatis spiritum magnum & rarum delirii nobis esse signum? Galen. in lib. 2. de difficul. respir. uberiori sermone demonstravit hoc verum esse, quippe hujuscemodi respirationem delirium significare. Verum non exinde necessarium, ut omnes, qui delirant, eo modo respirent, fore dicamus; quando hæc fieri simul possint, quippe delirantes ut simul angustiam thoracis, vel dolorem sentiant, vel virium languorem. Quæ omnia in ipsis quidem deliris parvum atque rarum spiritum efficiunt. Omnes vero, in quibus magnus & rarus fit spiritus delirare non erit dubitandum. Cujusmodi in Philisco, Sileno, uxore Dromeadaï, atque in aliis ab Hippocr. fuit observatum. At quid ad prognosticum hac respiratione? magni semper ad id erit momenti, idque præsagiet, quod delirium perpetuo malum est, non tamen semper exitiale, sed solummodo ubi una alia signa prava & lethalia illuxerint, quæ cum respiratione in Philisco, Sileno, uxore Dromeadaï, adolescente Mœlibeæ phrenitico, illuxerunt. De Philisco Hippoc. in 1. Epidem. 3. a) text. 18. ita habet: *Spiritus huic erat perpetuo quasi revocatus, rarus & magnus. Lien in tumorem rotundum elatus erat: sudores*

a) Epidem. Lib. I. Ægrot. I. pag. 966.

dores

dores perpetuo frigidi, accessiones diebus paribus. In hoc sudores frigidi, ut suis locis demonstrabimus, fuerunt ex signis exitiis. Et de Sileno b) text. 19. A primo hic ad finem usque spiritum magnum habuit & rarus, & hypochondrii perpetuam palpitationem, quæ in processu fuere lethalia, quippe primo inter initia urinæ nigrae cum nigro se dimento, delirium, dejectiones pingues, sudor capitis sexto die, extrema frigida lividaque, atque alia, quæ cum illa respiratione magna ac rara, miserum Silenum nedum delirum esse, sed certe moribundum, proculdubio denotabant: & de uxore Dromeadae: c) Sexto mane rigit, cito percaluit toto corpore, sudavit, extrema membra frigida, deliravit, spiritus magnus & rarus. Paulo post convulsiones a capite cæperunt, subito obiit. De adolescente vero Mœlibæ d) in lib. 3. Epid. comm. 3. textus ult. spiritus rarus & magnus per intervallum. Hypochondrii contentio submollis ex utriusque oblonga, perpetua cordis palpitatio, reddidit urinam oleosam. Sed age de aliis respirationum differentiis agamus, præsertimque de parvis.

C A P. X.

Quid respiratio parva frequens, parva rara, significet?

Parvum spiritum Galen. in 3. Epidem. comm. 3. text. 74. appellat exilem, atque imminutum, atque etiam obscurum, vix enim respirare ægrotos videmus. Hujusmodi respiratio perpetuo mala est, ut quod propter caloris nativi, seu naturæ exsolutionem fiat: quæ si etiam frequens sit, ut Galen. docet, eodem in loco dolorem signat, vel inflammationem supra septum transversum. Sed auctor Coacorum præfag. e) in libr. 2. Sect. 2. text. 34. ait: Spiritum frequentem inflammationem & dolorem in locis principibus significare. Hujusmodi respiratio in acuto morbo maxime est timenda, & plus ea etiam, si post magnam quidem respirationem fiat. Nobis sane denotat, aut naturam resolutam esse,

Respiratio parva & frequens in morbis quid significat.

L 1 3

b) Epidem. Lib. 1. Ægrot. 2. pag. 969.

d) Epidem. Lib. 3. Ægrot. 16. p. 1117.

c) Ibidem, Ægrot. 11. p. 987.

e) Text. 260.

esse, ut dictum est, aut principem aliquam partem maxime lædi aut dolore aut inflammatione, aut utrisque simul vexari: judicium vero ex sola hac respiratione certum non erit, nisi fuerit aliis signis confirmatum. Plures enim fuere ita in acuto morbo respirantes, qui incolumes evasere. Sed ubi alia signa illuxerint prava, proculdubio ex ipsa exitium erit timendum; omniumque maxime, si e frequenti parva evaserit, qualis postremo in tabidis solet observari: frequens itaque & parva cum pravis signis, lethalis est. Qvalis ab Hipp. a) in sorore *Temenei* fuit observatus: in qua die decima sexta spiritus gracilis factus est & densus, & mortua est. Sed Respirationes parva & rara. age de parva & rara agamus. Quæ omnium fortasse est pessima, quod naturam viribus exsolutam morbo succumbere nobis declaret. Ex quo hunc spiritum Medici frigidum merito appellant, quia summum frigus & naturæ extinctionem ostendit, quod Galen. in 3. *Epidemiorum comm.* 3. text. 74. ita meminit: Parvum esse quendam pariter & rarum spiritum, qui cum refrigeratur, emoritur jam vitalis facultas, & hoc symptoma esse quoddam admodum lethale, hisce verbis expressit: b) *Si frigidum e naribus exspiretur, exitiale jam est admodum.* Cujusmodi fuit observatum in *Pyrbione* c) moribundo, atque in aliis, ab Hippocrate. Sed his perspectis respirationum judiciis, breviter eas omnes perstringamus respirationes, quæ in moribundis solent observari.

C A P. XI.

De respirationibus exitialibus, quæ in moribundis sunt.

Respirationes exitiales. **D**e respiratione rara & magna, magna & frequenti, parva, frequenti & rara, quomodo aliquando exitium portant, satis dictum est: nunc reliquum, ut exitiales adnumeremus, cujusmodi est, frigida, sublimis seu Phænomena appellata, stertorosa, quæ cum strepitu fit, & aliquando luctuosa & interrupta. De frigida omnium exitialissima, quæ non, nisi in proxime moribundis attenditur, Hipp. in lib. 6. *Epid. com.* 4. text. 27. d) ita habet: *Signa mortifera per cutem,*

a) *Epidem. lib. 4. p. 1131. text. 28.* b) *Hipp. Prognost. p. 38. lin. 10.*

c) *Lib. 3. Epidem. Ægr. 3. p. 1098.* d) *Pag. 1181.*

tem, nares, calidus vapor, si prius nares frigidum spiritum reddunt: quæ melius Gal. hisce verbis expressit: *Maxime signa mortifera, per cutem calidus vapor exiens post frigidum spiritum, prius expiratione egressum. Sed calido vapore expirato per nares & per cutem, non in omnibus mors erit prædicenda.* De quo quidem Gal. ibidem ita scripsit: *Illis enim solis id evenire comperies, quorum mortem calidissima febris antecessit, quæ corpus ipsum totum torruit, atque ideo postremo ipsum refrigeravit.* Vitali ergo tenore, moriente jam corde, evanescente, in aliis quidem sudores syncopen inferentes proveniunt, multis scilicet humoribus pleno corpore; illis autem, qui ex præservida febre antea exaruerunt, pro sudoribus calidus vapor tangenti tibi diffuari videbitur; hinc in *Coacis præsagiis a)* merito scribitur: *lethalis autem est & febrilis & fuliginosus, verum minus quam frigidus:* ex quo Medici tria mortifera solent hæc vocare, quippe febrem urentem: frigidam expirationem cum raritate: atque tertio vaporem in cute calidum, aliquando sudorem seu madorem, qui in febribus mortem prænuntiat. Obscuram quoque respirationem, ut quando vix respirare æ- Obscura. groti dignoscuntur, perinde atque frigidam esse exitialem, de qua quidem, ubi de parva & rara egimus, satis dictum est. Ceterum per obscuram respirationem intelligimus eam, quæ fit, ubi vix aliquis spiritus ex ore & naribus expiratur. Nam fieri potest, ut obscurissima sit, & tamen manifestissima omnibus appareat, ubi scapulæ, thorax, nariumque pinnae ad spirationem moveantur, quam respirationem sublimem & phaenomenam, id est, apparentem, Medici merito appellant, tamen paucissimus spiritus expiretur, & hac ratione sit obscurissima. De qua in 2. *Coac. præsag. b)* sect. 2. text. 39. scriptum est: *Pessima autem & morti propinqua, extendens, urgens, & obscura.* Sed jam de stertoro- Sterto-rosa. roso, & qui cum strepitu fit: intelligimus autem per stertorosum spiritum, quando inter respirandum sentitur in gutture quædam veluti ebullitio, aut strepitus, nimirum, ster- tor,

tor, hoc est, cujusmodi fit in stertentibus. Hic strepitus, seu sonus, seu ebullitio latinis, Hipp. vero βόρυγ^ς atque βέγγις, & alias κέεργ^ς dicitur. In acutis morbis perpetuo ante exitium per diem, & parum plus, hic fervor gutturis in multis auditur. Indicat enim plane facultatem exstinctam, ut neque valeat a faucibus excrementa expellere; in aliis vero, pectoris morbis laborantibus, uti in pleuriticis, peripneumoniceis, fit stertor ille propter angustiam, aut sputi retentionem, cum & spiratio est parva, & non raro orthopnoica, id est, maxime difficilis. Proprium est fere omnium morientium, ut ante exitium eum fervorem, seu stertorem, patiantur; sed omnium maxime, pleuriticorum, & peripneumonicorum, suppurationumque. Quibus omnibus fervor seu stertor ille, antequam moriantur, fit: est itaque unum ex lethalibus signis. Sed accurate tamen distinguendum, quo tempore incipiat, aut in morbi principio, aut postea ingravescente morbo; nam si exitiosum est, nunquam apparet priusque alia illuxerint signa exitialia. Cujusmodi visum fuit in *Antiphonis filio* pleuritico, a) atque in *Menone* pleuritico. De Menone enim pleuritico Hippoc. in lib. 7. Epid. text. 47. b) habet: *Die decimasexta, spiritus jam stertorosus, sudor circa frontem & cervicem, raro ad pectus, extrema & frons moderate perseverabant frigida, saltatio vero venarum circa tempora detinebat. Somni comatosi & nocte & die postremis temporibus.* Quare stertorosus spiritus in morbis acutis plerumque est pernicialis, omniumque certissimum, ubi signa lethalia simul, aut antea, illuxerint, cujusmodi ab Hipp. in *Menone* pleuritico fuit observatum; in quo præter alia signa, sudor circa frontem & cervicem apparuit, quem Hipp. in *Prognost.* c) lethalem in acutis morbis esse affirmavit, & extremorum perseverans frigiditas, quo nihil perniciosius. In principio vero pleuritidis & peripneumoniæ, & febris (ut vocant) catharralis, quæ catharrum sequitur, vel una cum ipso fit, aliquando ob excrementorum multitudinem, seu (ut dicunt) ob catharri

a) Epid. Lib. VII. Text. 28. p. 1217. b) P. 1220. c) P. 38. lin. 21.

tharri defluentis ad fauces atque ad pectus copiam, non lethaliter stertunt; non secus quam asthmatici & orthopnoici multi, qui postea humore aut excreto, aut resoluti, liberantur. Ceterum in his stertorem non lethalem a lethali distinguemus, quod hic nedum incipiat, sed indies magis morbo quippe augescente augeatur, & magis sentiat. Hic enim prorsus lethalis est, neque aliquo lethaliu signorum carebit. Ille vero, cum in principio stertere incipiunt, & paulo post augescente morbo, aut humore multo pertussim excreto, aut ab igneo calore febris consumto, stertor amplius non accenditur, & fit ex multitudine humorum, neque admodum timendus stertor ille est, præsertim ubi ex ratione desierit. Verum ille, qui in principio, licet ex multitudine catarrhi factus, non cessat, sed indies magis augeatur, pernicialis utique est, quod naturam multitudine humorum gravatam, & oppressam ita esse, ut nequeat excernere excrementa, & quasi exinde suffocari, nobis certo significet. Cujusmodi in uxore Polemarchi Hipp. ut ex lib. 5. Epid. a) colligitur, vidit, de qua ait: *Circa quintam genū dolor, tumor sinistri, & circa cor videbatur aliquid esse collectum, & respirabat, ut qui ex submersione respirant, & ex pectore substrepebat. Quæ obiit die septima. Antiphonis itidem filium suppuratum Hipp. in 7. Epid. text. 28. b) spripit, cum stertore obiisse. Cui addamus, quod Hippoc. in 1. Prorrh. 25. scripsit: Spiritusque in aponia veluti hū, qui strangulantur, promptus, perniciosus.* Atque hæc de sterterosa respiratione, quam *regmon* & *cerchmon* quoque aliqui appellant. Nunc de sublimi, atque phænomena, seu apparente appellatione, quæ non nisi in moribundis quoque apparet. Vocant atque hunc spiritum alii sublimem, alii prænomenon, scilicet apparentem, alii promptum, alique perperam magnam respirationem dicunt, quod thoracem maxime dilatari & moveri observemus. De qua Gal. in 1. Prorrh. ita habet: *Strangulantur jure optimo, quoniam aëris copia non fit, estque ipsi consuetudo, ut talem spiritum Phænomenum, id est, appa-*

M m

rea-

rentem, dicat. Videntur autem omnes talem inspirationem habentes scapulas movere totas, ita, ut per vestimenta motio conspicue appareat, tanquam valide ipsi superioribus thoracis partibus operentur; μετεώρον itaque, apparentem, at sublimem spiritum vocavit, quoniam, qui ita respirant, altiores sublimioresque thoracis partes movere videantur, addidit hujus respirationis causas, ita dicens: *Potest sane respiratio huiusmodi fieri & propter respirationi delegatorum instrumentorum angustiam, & ob affectum nervorum principium. Quod si laesum fuerit, magnam efficere respirationem, recte Hippocratem existimare, ostendimus; rectius dixisset, non magnam respirationem, sed magnam thoracis dilatationem, ex quo decepti quidam hanc falso magnam respirationem appellant, etsi in hac parum exspiretur.* Addamus nedum hanc Galenum, & Hippocratem dicere sublimem respirationem, sed vel etiam, quando, & pinnae, seu alae narium musculique circa scapulas manifeste moventur, quae respiratio fit in acutis morbis propter virium absolutam infirmitatem, aut prostrationem. De qua respiratione Gal. in lib. 3. Epid. text. 24. ait dicens: *Equidem illas eum respirare puto significare summis naribus, qui respirando narium pinnae movent, siquidem multos nos aegros sic vidimus spirare, ut eas in exspirando contraherent, inspirando vero dilatarent.* Quod quidem incidit iis, qui ab angina suffocantur, vel a peripneumonia vel suppuratione, praeterea iis, qui infirma sunt facultate, idque fiebat, quod ex arteriae inflammatione praclusum esset via spatium, nec jam spiritus attractio posset in pulmonem fieri, & propterea compelluntur, ut, qui ita respirant, continue omnique thorace peragant respirationem, contenduntque etiam qui suffocantur exsurgere, & toto thorace extremum aërem magna vi attrahere; ex quo forte etiam Hipp. spiritum sublimem vocavit, quod sublime aegri velint se erigere, atque haec sublimis respiratio anginosis, pneumonicis, suppuratis; atque has habet causas. In aliis vero morbis acutis, in quibus aegri non suffocantur propter angustiam instrumentorum, respirationi distinatorum, summis

summis naribus respirare aliam causam habet, quam Gal. in 1. de diffic. respir. cap. 23. sic habet: *Quod si quis ipsius respiratorie facultatis egrotantis, atque in communi, omnis facultatis animalis, propria signa habere velit, & maxime perfrigeratum is alarum nasi motum habebit, & omnium musculorum circa scapulas actionem & coacervatam thoracis collapsionem.* Quando enim hæc debilius, quam convenit, movetur, circa inspirationem quidem spiritus ductum juvant alæ nasi, externum aërem etiam ipsum simul attrahentes eodem modo, quo per os aliquid attrahere volentes, labia contrahimus; rursum vero circa expirationes coacervata fit thoracis collapsio non paulatim demissio. Quare ex iis statuamus respirationem sublimem, quomocunque fit, perpetuo lethalem esse, aut quod summam instrumentorum respiratoriorum angustiam, ex qua natura suffocetur, aut virium seu naturæ obsolutissimam infirmitatem ac extinctionem denotet. Ex quo non nisi in moribundis apparent. Verum exitialia alia signa, antea aut simul aut postea apparentia maxime confirmantur, cum ea respiratio nunquam sine aliquo signorum exitialium appareat. Hanc intelligens, etiam auctor 2. Coac. pref. sect. 2. a) text. 39. dixit: *Pessima autem & morti propinqua, extendens, urgens, obscura.* Diximus tamen, etsi solum hoc signum mortem certam significet, perpetuo ipsum alia exitialia concomitari. Uti in uxore Olympiadis Hipp. vidit, de qua in lib. 7. Epid. text. b) 36. ita habet: *Oculi tristes, spiritus sublimis per nares trahebatur, color prævus, sudor circa pedes, & crura, cum jam circa mortem esset.* Non minus & in Aristocrate moribundo hæc visa sunt, de quo Hipp. 7. Epid. c) 39. paulo post sic scripsit: *Ad noctem spiritus sublimis est factus, sudor exiguus circa frontem, inferne partes frigide, anxius.* Addamus respirationem luctuosam, sed parvam & raram, Luctuo-
sa. quæ ex exitialibus quoque est respirationibus, ut ex Hipp. in 6. Aph. 54. ita legitur: *In acutis passionibus, quæ cum febre sunt, luctuosa suspiria, malum:* eodem modo & interrupta exitialis est, quæ forte eadem est cum luctuosa. Quod & Gal.

M m 2

a) Text. 260. b) Text. 49. p. 1221. c) Text. 52. p. 1222.

Gal. nuper propositi aphorismi commentario affirmare videatur, cum dicat: *Infantes sæpe videntur, quo plorant, tempore inspirantes, inspiratione interrupta, stante interim thorace, deinde rursus id quod deest, adjiciente*: accidit hoc nonnunquam, ut ait Gal. potentia fatigata, nonnunquam ex duritie instrumentorum, nonnunquam vero ambabus causis simul convenientibus, sed & aliquando propter aliquam musculorum pectoris similem convulsioni dispositionem. Quæ vero in febre acuta fit, luctuosa & interrupta respiratio, alias causas habet, ut Galen. placuit, quippe aut duritiem instrumentorum, vel virium imbecillitatem, vel convulsioni similem dispositionem; quicquid vero horum in causa sit, pravum est, si in morbo acuto contingat; maxime perniciosum, si cum virium langvore ægri ita spirant. Sed hujusmodi respiratio etiam una exilis est, & duritiem quoque aut dispositionem convulsioni similem habet in acutis ardentibusque febribus, & perpetuum prava dicitur. Non minus quam convulsiones, siccatis partibus nervosis ab ea causa, exitiofas merito esse antea monstraverimus. De qua spiratione Hipp. in lib. 4. Aph. 68. dixit: *In febribus spiritus offendens, malum. Convulsionem enim significat*: quæ a siccitatibus in calidissimis morbis concitata, curabiles non sunt. Ex quo etiam lethales esse in morbis acutis superius nobis fuit demonstratum. Ut vero ex ipsis recte de futuro morborum exitu prædicere queamus, alia signa cum antea, tum simul posteaque conspecta, erunt consulenda, quorum nulla si prava erunt, ad perniciem judicium pendebit. Atque hæc sunt, quæ ex vitalis facultatis actionibus, ad morborum prognosin deprompta conducunt. Nunc idem ex naturalis facultatis actionibus eodem modo perscrutabimur.

C A P. XII.

Quæ a naturalis facultatis cognitione ad intelligendam præsagii rationem sit utilitas?

Ad naturalis facultatis robur, impotentiamque cognoscendam nunc etiam declinemus, cum ipsa ceteris aliis

aliis ad prædicendi rationem non minus sit utilis. Aliæ quidem facultates, animalis quippe ac vitalis, a naturali videntur procedere; cum ipsa materiam cordi cerebroque subministret, a qua vitales in corde, animales in cerebro, vocati spiritus generantur. Præterea excrementorum in ægrotis corporibus, plurimum ad præfagii rationem facientium, causa ad naturalem facultatem maxime attinet: itaque de hac ipsa quidem facultate, nostro quippe ordine servato, accuratius in præsentia est agendum. Quod ut probe fiat, videndum primo est istius facultatis robur ac impotentia, ex quibus nobis innotescat. Scimus vero ipsius vim a variis facultatum operibus, quæ propriis actionibus obeuntur, cognosci. Tres sunt actiones præcipuæ facultatis naturalis, ut Galeno visum est *in libro naturalium facult.* quippe *generativa, augmentativa, & denique nutritiva.* De hac magni interest, ut ad prædictionem assequendam agamus; de aliis vero duabus nequaquam, cum ad institutum nostrum parum, aut nihil faciant. Ad nutritionem itaque corporum, partiumque ipsarum agendam omnium quatuor naturalium actionum, quippe *attractivis, retentivis, concoctivis seu alterativis, atque demum expultrivis,* opera requiritur, seu istarum omnium operatione nutritio omnis in corpore perficitur. Proinde ex ipsarum operatione apparet, seu cognoscitur, quanta in ipsis sit vis, aut impotentia, aut extinctio, vel denique vitium. Ex quo naturalem facultatem, aut viribus potentem, aut vitiatam, aut aliquo pacto deficientem, aut denique prorsus collapsam & extinctam, cognoscimus. Quæ cognitio, quantum ad prædictionem salutis & exitii in morbis, Medicis conducatur, ex iis, quæ superioribus libris dicta sunt, liquido cuique nostrum constabit. Sed age, rem ipsam aggrediamur, ab appetentia ciborum & potus in ægrotis principium facientes.

C A P. XIII.

De appetentiæ symptomatis ad prædicendi rationem.

Natura, ut docuit Gal. *in primo lib. de sympt. caus. cap. 7.* animalibus alimenti penuriæ sensum est impertita, ut

Appetentia duplex.

Appetentia innaturalis Symptomata.

ipso ad cibum potumque proritata in tempore expleantur: vocaturque ejusmodi implendi desiderium, *appetentia*, quæ a penuriæ sensu ortum habet, cum scilicet venæ ab ipso ventriculo veluti emulgentes fugentesque aliquid trahunt, non ferens autem eum suctum ventriculus, sed veluti offensæ medelam cibum comparat, quippe venæ hoc pacto ad objectos cibos convertuntur, atque ex his nutrimentum trahunt. Fitque post cibi consumptionem, ut venæ simul ad cibos se convertant, & ventriculus ex iis, quantum prius in venis collectum est, in seipsum trahat. Duplex vero dicitur appetentia, quippe cibi una, quæ *fames* appellatur, altera potus, *sitis* & ipsa vocata. Cibi vero appetentia alimenti, & sitis humoris fit inopia. Dividitur quoque appetentia utraque in eam, quæ est naturalis, ac in non naturalem. Illa perpetuo ex alimenti penuriæ sensu excitatur, innaturalis vero est, quæ præter naturæ fit desiderium. Cujus quidem symptomata, auctore *Galen. in lib. de diff. sympt. cap. 4.* vel in actionibus non obitis, vel male obitis consistunt; in non obitis aut cum prorsus non appetunt, aut parum & pauca quidem. In male obitis sunt immoderate appetentiæ, & ubi quicquam vitiosum appetunt. Ex quibus fit, ut quidam nedum nullos cibos appetant, sed quini- mo, ut quosvis cibos ita abhorreant, & odio habeant, ut mori malint, quam cibum aliquem assumere, quod *Galen. in lib. 3. Epid. com. 3. in text. 58.* multis contigisse, tradidit. Aliquando non ex toto appetitu privantur, quod detegit aliquis cibus, quem ipsi non abhorrent. Nihil vero appetentiæ adesse, vel ex eo scimus, cum ægri prorsus omni careant appetitu, quicquamque nequeunt imaginari, quo appetitus excitetur, de quibus *Hippoc. in eodem lib. Epid. a)* de virgine *Euryanactis* filia moribunda scripsit. *Quosvis cibos toto hoc tempore fastidivit, neque appetivit quicquam. Non sitiit, & nihil effatu dignum bibeat.* In similem vero inappetentiam veniunt ægroti, aut, ut *Galen. docuit in 3. Epid. com. 1. text. 11.* quando os ventriculi ab aliqua humorum aliena

a) Lib. 3. Sect. 2. Ægr. 6. pag. 1074.

aliena qualitate afficitur, aut propter insignem plethoram, seu plenitudinem, ex qua nulla in ventriculo fit consumptio, neque sensus suctus ullius in ipso sentitur, aut denique, quod in acutis morbis plerumque evenit, propter ipsius facultatis extinctionem, cujus erat in secunda valetudine munus, indigentiam alimenti sentire. Ceterum nos interstingere debemus veram extinctionem facultatis, quæ sæpe in delirantibus quibusdam observatur, qui quosvis cibos etsi abhorreere videantur, tamen id ex delirio, non ex facultate diminuta fit. Quemadmodum ii, qui etsi intensissimum calorem sentiant, quo maxime sitiunt, tamen potum non postulant. Quam rem Gal. in eodem tertio Epid. com. I. text. II. ita expressit, dicens: *Nam, quoniam sitiunt, nec potum appetunt quidem in morbis, vel propter delirium non sentiunt, quæ patiuntur, aut propter extinctionem naturalis in ventriculo facultatis, si id citra delirium habeant, facultatem relinquetur eorum naturalem exslingui.* Vitiatur vero

appetentia cibi & potus cum in quantitate tum in qualitate. In quantitate vitium appetentiæ inesse cognoscitur, cum ægroti plus quam ipsis conveniat appetunt, quippe qui copiosius, quam ferat ventriculi facultas, cupiunt, atque devorant, idque aut ex humore frigido, aut ex frigidityte ventriculi fieri, Gal. in lib. 6. Epid. nobis tradidit, qua ratione frigus appetentiam augere dixit. Ex quo frigidiorum ventriculorum proprium esse, Gal. in libr. artis medicin. docuit, ut plus appetant, quam concoquere possint; idem & de potu, cum immoderatus potui indulgent præ multo febrili incendio, aut ex humore falso, aut bilioso, os ventriculi occupante. In qualitate etiam ciborum & potuum vitiatam habere appetentiam dicuntur, qui alienam cum in cibo, tum in potu, qualitatem desiderant, & appetunt, ut quædam uterum gerentes mulieres propterea sunt, quæ carbonem, aliæ terram, aliæ calcem, & aliæ lunæ flores avidissime appetant & esitent; quidam vinum ardentius, quod in multis pleuritici observari solet: ex quo vini desiderio plures, vel etiam mulierculæ, ægroti pleuritici esse suspicantur; alii

Appetentia cibi & potus, quomodo vitiatus.

alii libentius aquam, quidam omnia calida, alii actu frigida, exposcunt. De harum vero vitiatarum appetentiarum causis Gal. in lib. 1. de sympt. caus. perbelle ita scripsit: *Vitiosæ appetentiæ, quæ in quantitate modum excedunt, vocanturque a quibusdam caninæ, tum existunt, vel cum acidus quipiam vitiosus succus ventriculum mordet; vel totum corpus immodico digestu inops alimenti redditur vitiosum; namque succus, qui frigidus est, similem succui morsum infert, appetentiam vero proritat naturalis affectus similitudine, alimenti at non potus desiderium excitat propter frigus, at vitioso succo, qui salus & biliosus sit, ventrem mordente, potio magis quam cibus appetitur.* Hinc merito Hipp. quoque in 6. Epid. com. 4. text. 20. a) dixit: *Aqua edax, quasi caninæ appetentiæ frigiditatem pro una caussarum indicarit.* Et in lib. 2. Aphor. Aph. 21. dixit: *Famen thorexis solvit,* hoc, Galeno docente, vini potio, quasi illius appetentiæ medelam esse expresserit. Sitis quoque augetur, aut ex calore immoderato, cujusmodi fit in ardentibus febribus, aut ex siccitate, quæ præcipua sitis est causa, ex quo ubi corpora plurimum exsiccantur, plurimum sitiunt, qualem Gal. in primo de sympt. caus. quibusdam epota aqua marina contigisse vidit. Sed age ad optimæ appetentiæ in morbis jam prognosticum veniamus.

C A P. XIV.

Quid cibi & potus optima appetentia in morbis significet?

Prius consideremus, quid optima appetentia in morbis ostendat, & mox de non obita & vitiata agemus. Maxime utile nobis erit supponi, ægrotos rectius agere, cum actiones omnes utriusque facultatis recte, perinde ac in optima valetudine esse solent, obeant. Scimus enim, urinas, dejectionesque optimas esse, si fuerint similes iis, quæ antea per sanitatem excernebantur. Eodem quoque modo bona erit in ægrotis illa cum cibi tum potus appetentia, quæ ad bene valentium appetentiam accedit, eiqve maxime est similis. Ægrotos vero bene se habere ad ea, quæ ipsis offeruntur, perpetuo bonum, recte enim facultatem

Appetentia cibi & potus quænam bona.

naturalem exinde valere, non minusque & ventriculum. Itaque agrotos integram habere appetentiam, bonum est, omniumque maxime in morbis diuturnis, ut docuit Gal. *in lib. 7. Aphorism.* a quibus qui sunt evasuri, vehementem appetentiam solent habere. Ceterum distincte cognoscenda erit optima appetentia, cum sapius in ipsa judicanda plures decipiantur, vitiatam ac exitialem bonam putantes. Bona autem est, quæ naturalis est, quæque fit a causâ naturali, quippe a penuriæ sensu: quandoque ægroti videntur bene appetere, ipsorumque creditur appetentia optima, propterea quod cibum avidè appetant, & assumant, quæ tamen in multis moribundis sæpius observatur, aut propter vitiosum humorem, quod minus malum est, ad os ventriculi defluxum, quippe frigidum & acidum, aut, quod summe est perniciosum, ubi natura a morbo maxime est resoluta a nimia substantiæ corporis digestionē. Hinc plures, priusquam moriantur, cibum avidè postulant, ac assumunt. Potus vero appetitus, etsi bonus censetur, qui benevalenti est similis, & moderatus seu temperatus, nihilominus in quibusdam optima erit censenda sitis, nimirum in æstuosis ardentibusque morbis, in quibus non sitire, ut posterius dicemus, perpetuo malum, & quandoque mortale, ubi scilicet linguam ægroti habuerint præaridam, squalidam, & nigram, in his melius est, ut multum sitiant, sicut etiam optimum est, ut febris exterius appareat, inprimis cum urinæ coloratiores spectentur. Veluti in iisdem morbis excrementa discoloratiores spectari, & ægros non sitire, summe est exitiosum, quod aut ex delirio fit, aut quia naturalis facultas exstinguitur. Non sitire vero in iis perpetuo malum, sed hujus signi perniciem alia exitialia signa tunc conspecta declarabunt. Intensissimam tamen sitim nunquam utilem fore ægrotis, addimus, quæ viscera interna ardentissimo incendio uri declarat; aut maximam siccitatem; aut ex utraque simul, de qua Gal. *in 1. de caus. sympt.* ait: *Inexplebili vero novimus cruciari siti, ex qua etiam tum eum, qui viperam commederat, (erat autem fortasse dipsas) tum messorēs, qui vetus vinum*

usque ad ebrietatem, non minus eum, qui pertinaciter sustinere sitim sibi imperaverat. Ad hæc alii in navigio, cum deficeret eis aqua dulcis, quorum qui ausi sunt marinam bibere, cum immodice supra ceteros sitirent, & alvi fluxum haberent, nec id sine morsu vehementi & celerius quam alii perierunt. Sed age agamus de abolita cum cibi tum potus appetentia.

CAP. XV.

Quid in morbis ciborum appetentia prorsus sublata significet?

Appetentia ciborum sublata perpetuo mala in morbis.

Ciborum sublata appetentiam perpetuo malam, omniumque pessimam esse, quæ prorsus periit, ratum est. Hæc in iis, qui recte valent, gravissimum morbum minatur, quod aut ab insigni plethora, aut cacochymia fiat, quippe natura multitudine excrementorum aggravata. In iis qui agrotant, lethalis primo in morbis longis, quod significet naturam a morbo consumptam iri, priusquam morbum superare queat: de qua inappetentia Gal. in libro 6. Aphorismorum Aph. 6. ait: *Fastidium cibi per seipsum prævum est signum in morbis diuturnis, nam in iis, qui a talibus morbis sunt evasuri, contrarius affectus solet accidere, vehemens scilicet ciborum appetentia.* Idem fere Hippocrates scripsit in sexto Aphorismorum, Aph. 3. dicens: *In difficultatibus intestinorum cibi fastidium, malum, & cum febre pejus;* in longis difficultatibus intestinorum cum hic casus, ait Galen. evenierit, mortificationem quandam ipsi jam advenisse ventriculo compatiendi ratione significat, ex qua omnino interiiit appetentia, opus ad vitam necessarium. In morbis quoque acutis cibi fastidium, perpetuo malum, omniumque maxime cum prorsus appetentia fuerit extincta. De qua Hipp. de Euryanactis filia in tertio Epidemior. a) ait: *Quosvis cibos toto hoc tempore fastidivit, neque appetivit quicquam.* Huiusmodi fieri inappetentiam, docuit Gal. in 3. Epid. com. 3. text. 11. aut ore ventriculi, ab aliqua humorum qualitate affecto, aut ab ipsius facultatis extinctione, cujus erant in secunda valetudine munera indigentiam sentire, & quæ

a) Sect. 2. Ægr. 6. pag. 1074.

sunt

sunt se curatura appetere. De hac Hippoc. in 1. Epid. com. 1. text. 30. b) de tabidis in Epidemica constitutione mortuis, ait: *cibos quosvis perpetuo fastidiebant, non sitiebant.*

Hanc inappetentiam notant alia signa lethalia, & quod perpetua sit, quando & si quidam quosvis cibos fastidiant, ta-
 men non semper: addamus inappetentiam summe exitia-
 lem, ubi ægroti maxime oderint quosvis cibos. Narrat Gal. <sup>Inappe-
tentia
exitialis
signa.</sup> in 3. Epid. com. 3. text. 58. se quosdam vidisse in quadam pestilenti constitutione, qui mori maluerunt, quam cibum aliquem assumere. Quidam tamem, ut Galen. ait, fortiores quippe, qui vim sibi ipsis afferentes cibum oblatum assumerunt, superstites fuerunt. Sed præterquam quod ciborum fastidium & odium in acutis morbis perpetuo sit per se solum satis efficax signum ad exitium prædicendum, tamen simul alia signa perniciofa, aut una, ante, aut postea conspecta aderunt. De quibus in Coac. præfag. c) legitur: *Quibus vero fastidia cibi accedunt, & sudores cum bono faciei colore, & liquida alvo, aut dolore cordis, hi peripneumonicorum aut pulmonariorum more intereunt, posteaquam longius ægrota-verint.* Et in 3. Epid. d) com. 3. text. 5. de Herm. moribundo ait: *Vigesimo perpetuo a cibo abhorrebat, omnino mente constabat, loqui non valebat, lingua inaruit, non sitiebat, obdormiscebat aliquantisper, comatosus periit vigesimo septimo.* Idem fere visum est, & in Euryanactis filia virgine, e) quæ quicquam gustare non sustinebat, de qua ait: *Quosvis cibos toto hoc tempore fastidivit, neque appetivit quicquam: neque sitiit, etsi acri & calida destillatione vexaretur;* quibus Gal. auctore in libr. 1. de Symptom. causis, siticulosos fieri ægrotos, observatur. Idem in Pario f) observasse scripsit, atque non minus in muliere, quæ apud frigidam aquam decumbebat. g) De qua: *Tertio a partu die, febre correpta est acuta, horrida, multo tamen ante partum febriculosa decubuerat, cibumque fastidierat. Quarto cibum fastidiebat:* Et paulo post: *Cæ-*
 N n 2 *terum*

b) Pag. 940. lin. ult. c) Text. 67. d) Sect. 1. Ægr. 2. pag. 1063.

e) Vide locum supra allegat. f) Lib. 3. Epid. Ægr. 1. Sect. 3. p. 1093.

g) Lib. 3. Epid. Sect. 3. Ægr. 2. pag. 1096.

terum ad cibos averso animo se habuit : Et demum ait : *Hæc perpetuo cibum fastidierat, animo linquebat, quæ & ipsa obiit.* Ex quibus ægrotantium exemplis confirmamus, quæ diximus, quippe ægrotos quosvis cibos in acutis fastidire & abhorre, exitiale esse signum, cujus quidem perniciosam naturam confirmare solent prava alia signa, quæ aut ante, aut una cum illa inappetentia, aut quæ postea illuxerant; cujusmodi sunt, alvus fluida, sudores mali, vomitus virulenti, æruginosi, nigri, urinæ nigræ, turbidæ non clarescentes, claræ, albæ, perspicuæ, deliria, vigiliæ, lethargicæ passionnes atque alia hujusmodi omnia, quæ nunquam bona sed plerumque lethalia existunt, atque ita ex inappetentia ciborum in morbis prognosticum judicabimus. Nunc quid potus quoque sublatum & extinctum desiderium ægrotis portendat, consideremus, præmissis inprimis sermone de intensa siti.

C A P. XVI.

Quid sitis intensa in acutis morbis significet?

Sitis immoderata quid in morbis acutis notat.

Cum dixerimus superius, ægrotos in acutis ardentibusque febribus sitire, ratione fieri, qui morbis quippe calidioribus atque siccis consisterentur. Quando multo pejus, uti paulo post dicemus, sit, hos ægrotos siti carere, non secusque esse, quam urinis discolorationibus, ardente febre homines vexari. Quare bonum est, (quod omnia præstat ex ratione fieri) ut calidis morbis affecti sitiant. Immoderatus vero eosdem sitire nunquam bonum, quod interna viscera incendio intensissimo flagrare denotat, sed plerumque malum est & periculosum, quod morbi vim prævalidam expugnatuque difficillimam nobis denotet, cui facile natura languidior facta succumbat. Ex quo tuto proferre istud possumus, quippe immoderatam sitim, quod maximum morbum significat, perpetuo esse timendam in acutis morbis: sed pessimam & exitialem illam, quæ aut sequitur signa pessima, aut una cum ipsa appareant, vel denique postea. Certum enim exitium proculdubio portendet. Ex sola ve-

ro fiti nedum in acutis, sed vel etiam in aliis, licebit iudicium præfagii desumere, cum ipsa non nisi morbi maximi sit nota. De qua Hippoc. in 1. lib. Epid. Com. 2. a) text. 75. ita scripsit: *At cum febres inciperent, annunciabant, quibus exitium impenderet. Siquidem statim ab initio febris acuta invadebat, a qua parum superrigebant, insomnes erant, graviter angebantur, sitibundi, fastidiosi.* Qvalis fuit observata in Philisco, b) de quo Hippocr. ait: *Tertio mane ad meridiem usque febre visus est liber, sub crepusculum autem acuta febris invasit una cum sudore, sitibundus, lingua inaruit, nigrae urinas reddidit,* quæ fitis cum nigris urinis atque aliis morbum exitialem, quippe, quem natura minime posset vincere, denotabat. Similem quoque fitim Hippoc. in Pythione, qui supra Herculis fanum decumbebat, observavit, de quo 3. Epidem. com. 3. text. 18. c) ait: *Magnus cepit rigor, febris acuta, lingua inaruit, sitibundus erat, & biliosus, non dormivit, urinae nigrae, suspensio sublimis non subsidebat,* quam fitim usque ad diem quintam habuit, additis aliis signis perniciosis, quippe frigore partium extremarum, aponia, seu mutitate. Quare fitim intensam, una cum aliis pravis signis, pessimam esse dicimus. Cujusmodi forte fuit, quam uxor Ermoptolemi passa fuit, de qua Hippoc. in lib. 7. Epidem. comm. 3. text. 74. d) habet: *Tremores autem in manibus fiebant, & caput concutiebatur, & oculorum intuitus pravi, & fitis fortis, & cum potasset, rursus petebat, & rapiebat, ac largiter bibebat, avelle- re autem non poterant, lingua sicca & manus ambas in os ferens manducabat, cum esset tremula.* Non dissimilis fuit, quæ in Aristocrate, e) qui ex pestifero carbone quatuor diebus obiit siticulofus. Quare colligamus fitim in acutis morbis immoderatam nunquam bonam, sæpe malam, & cum signis aliis malis pessimam & exitialem.

N n 3

CAP.

a) Pag. 954. lin. 8. b) Lib. I. Epidem. Ægr. I. p. 966. c) Ægrot. 3. pag. 1098. d) Pag. 1212. Text. 13. e) Eodem, lib. pag. 1222. Text. 52.

CAP. XVII.

Quid sitis sublata, seu non sitire in morbis, significet?

Quid sitis in morbis significet, dictum est. Nunc contrario modo se habentes ægrotos, quippe non sitientes, vel absque siti esse, quid in morbis prænuntiet, cognoscendum est. Perpetuo in morbis ægrotos moderate sitire, bonum erit, atque ex ratione sitire & multum & parum, prout natura morbi aut calidioris aut minus calidi postulat. Nunquam tamen, ut dictum est, in morbis intensa siti affluæque ægros vexari, bonum erit; veluti pessimum est ac summe exitiale, eosdem, si calido & sicco morbo confluentur, prorsus potus desiderii esse expertes, sitique omnino carere, & præsertim, qui antea sitiebant, si absque ratione sitis illa tollatur. De qua Auctor Prorrheticor. a) in 2. lib. text. 22. hoc expressit, dicens: *Sitis, quæ non ex ratione in acutis morbis solvitur, mala est.* Gal. in comm. hujus rei rationem docens ita scripsit: *Cum igitur neque per vomitum, neque per sudorem, neque per dejectionem, neque etiam per abscissum judicatorium solvi sitim contingat, non quod affectio sedata fuerit, sed quod sensus elanguerit, id si fiat, signum bonum non est, quod & si, & lingua sicca manente, urinæque crudis existentibus, sitis tollatur, certius adhuc malitiam affectionis dignoveris, atque adhuc si Medicus nihil tum refrigerantium, tum humectantium exterius adhibuerit; quandoquidem talia in acutis morbis magis sitim non tollere, sed mitigare nata sint: prorsus autem in acutis morbis malum, si sitis perfecte tollatur.* Ex quibus Galeni verbis, liquido fatis cuique constabit, in morbis acutis pessimum esse, si sitis non ex ratione, quod est, ubi nulla optima præcesserit vacuatio aut purgatio, crudoque morbo existente, tollitur: omnium vero maxime exitiosum erit non sitire, si exitialia symptomata una apparuerint. De qua quidem extincta siti, Galen. in primo lib. Epidem. Com. 2. text. 75. hæc addidit: *Huc accessit ad cumulum aliud signum exitiosum, quod cum antea æstuassent, amplius non sitirent, atqui quando, qui antea siti flagrarent, postea essent*

Sitis sublata absque ratione in morbis acutis mala.

sent a sui liberi, horum duorum sit necesse est alterutrum, aut morbi solutio, aut virtutis extinctio, ita ut præsentia mala amplius non sentiant. At non contingit a morbis his vindicari, siquidem exitialia erant symptomata. Non sitiunt vero ægroti in morbis acutis, aut propter humorem frigidum & humidum, ad ventriculum ex capite distillantem, ex quo merito Hippoc. a) dicebat, qui tussunt, non esse admodum siticulosos, quod in his pituita ex capite ad ventriculum distillans sitim tollat; quæ carentia sitis in nonnullis pleuriticis & peripnevmonicis observatur, in quibus ab hoc signo quicquam certi ad prognosticum habere nequimus. Sed hos ab ea causa non sitientes ab aliis distinguet lingua non sicca & arida, sed humecta, & mollis ex pituita humectante ipsam. Secundo non sitiunt in morbis calidissimis, vel etiam æstuantes ægroti, aut propterea quod delirantes, quæ patiantur, ut Galen. in 3. Epid. com. 3. text. 44. docet, non intelligant, aut quod facultas stomachi appetitrix extinguatur, aut propter utramque causam. De phreniticis auctor Prorrh. in lib. 1. b) ait: Phrenitici modico utentes potu, strepitum tentantes, tremorem incurrunt. Et Gal. de his in comm. Prorsus item βραχυπότοι sunt phrenitici, id est, bibendi desiderium his exiguum est, quanquam affectionem habeant calidam & siccam, ita ut & linguam præ multa siccitate asperam habeant. Sed docuit nos Hippoc. mentem his ægrotare in eo Aphorismo, c) qui ita habet: Quicunque parte aliqua corporis dolent, atque ut plurimum dolorem non sentiunt, his mens ægrotat. Ex quo merito de phreniticis in 3. Epidem. d) dixit: Sane hi nihil sitiebant. Cujusmodi fuisse ait Melibææ adolescentem phreniticum in eod. lib. e) prodidit. In his vero non sitire, grave est, & si cum signis pravis, exitiale; tamen ab hoc tantum signo quicquam certi non haberi potest, nisi alia, ut dixi adjunxerimus symptomata prava. Nam plures sunt, qui, etsi delirent, potum non petant, tamen sanantur. Hique sunt quorum neque delirium ita magnum est, neque

Sitis unde tollitur in morbis acutis.

a) Aphor. Sect. IV. 5. b) Text. 16. c) Sect. 2. Aph. 6. d) Sect. 3. p. 1085. lin. 22. e) Pag. 1117. Ægr. 16.

que alia exitialia affuerint symptomata, atque multo facilius, si lingua neque arida sit. In quibus vero nedum præarida, sed maxime nigra & squalida, summe exitiosum erit non sitire, maximum enim morbum adesse denotat, quo ægri laborant, naturamque ferme superatam. Quibus vero absque delirio in morbo calidissimo, linguaque præarida & adusta existente, adest hæc carentia sitis, proculdubio exitium portenditur, quum exinde facultatem extinguere, ac esse extinctam, nobis demonstretur; omniumque maxime, cum prius sitierint, absque ratione siti carere incipiunt, extinguere enim facultatem certo significatur. Neque abs re hoc dicimus, quando naturam extinguere a morbo fieri non possit, ut plura alia exitialia non etiam spectentur. Uti *Erasino* contigit, de quo Hipp. in 1. lib. Epid. comm. 3. f) text. 25. hæc habet: *Habebat hic febrem cum perpetuo sudore, hypochondria sublimia contenta cum dolore, urinae nigrae, suspensiones continebant rotundas, non subsidebant: lingua præarida, non valde erat sitibundus: & de Hermocr. in 3. Epidem. com. 1. g) text. 5. Lingua initio adusta fuit, statim obscuruit, somnum non habuit, sitibundus non admodum: Et paulo post: Vigesimo perpetuo a cibo abhorrebat, omnino mente constabat, loqui non valebat, lingua inaruit, non sitiebat, obdormiscebat aliquantisper comatosus. Idemque & in Euryanactis filia virgine h) observavit. Ex quibus colligamus, perpetuo non sitire ægrotos in acutis morbis, malum esse, modo sine ratione sitis in ipsis tollatur. Ex ratione vero sitis sublata, minime mala, sed optima est, qualis fuit visa in eo, qui in *Dealcis* horto decumbebat, sanato, qui cum pluries in eo morbo fuerit sitibundus & delirans, postea ex ratione sublato morbo amplius non sitiit, de quo Hippoc. in 3. Epid. com. 1. i) text. 14. ita habet: Vigesimo dormivit, plane mente constabat, sudavit, liber erat a febre, non sitiebat. Hic plures crises habuit, quæ antequam fierent, sitiebat, lingua inarescebat, delirabat, & postea allevabatur, sitisque diminuebatur, & hoc est*

Sitis
quando
ex ratio-
ne tolli
dicitur,

f) Pag. 984. Ægrot. 8.

g) Pag. 1062. Ægrot. 2.

h) Eodem libr. p.

1073. Ægr. 6. i) Pag. 1067. Ægrot. 3.

est sitim ex ratione minui, & tolli. Cum signis vero aliis pravis, pessimum & mortiferum est non sitire. Quæ nobis sufficiant de prædictione ex non sitire in morbis acutis.

FINIS QUARTI LIBRI.

PROSPERI ALPINI

MAROSTICENSIS,

*Philosophi & Medici in Gymnasio Patavino Medicamentorum
simplicium Professoris ordinarii,*

DE

PRÆSAGIENDA VITA
& MORTE ÆGROTANTIUM

LIBER QUINTUS.

C A P. I.

*De partibus corporis, quarum observatio facit ad prædicendi
rationem.*

De partibus corporis, quarum observatio facit ad prædicendi rationem, cum ex appetentia docuerimus, quomodo de morborum exitu sit præsagiendum, nunc ex nutritione idem faciendum: quam maxime enim istud nobis indicabit cum totius corporis, tum singularum partium accurata inspectio ac observatio. Habitum etenim, temperamentum, atque colorem eæ partes ex nutritiva facultate, aut recte, aut male dispositum habent. Ex quo, ut dictum est, cum totius, tum partium singularum va-
Partium corporis observatio quid ad præsagium in morbis facit.
rii habitus, temperamenta, colores, figuræ, atque alia, quæ ad prædictionem a Medicis observantur, ad naturalem quidem facultatem pertinebunt, quatenus ex ipsa aut sana, aut male affecta prodeant, aut quatenus hujus facultatis, sed potissimum nutritivæ, robur ac debilitatem nobis ipsa de-

notare possunt. Quare ab inspectione externarum corporis parium salutis, exitiique futuri iudicium nunc quoque indagabimus. At priusquam hoc agamus, cognoscendæ sunt partes eæ, quarum inspectio ad prædictionem maxime facit. Primum universi corporis inspectio, an scilicet ipsum Et quaturumnam naturalem cum habitum tum colorem, tum calorem habeat; an gracilius, aut crassius, aut felle suffusum: post corpus, faciem spectabimus, mox sigillatim oculos, maxillas, nasum, os, labia, dentes, fauces, linguam, pectus; dorsum hypochondria, jecur, lienem, testes, adenes, extrema, atque partes, in quibus tumores ac abscessus fiunt. Caput enim universum in ardentibus febribus, in phthisicis suppuratis, gracillimum spectatur; in iis vero, quibus calor naturalis in hepate maxime resolvitur, corpora intumescere observamus, ut in cachecticis atque hydropicis. Facies vero, oculi, tempora, maxillæ, nasus, os, lingua, dentes, aures, in acutis morbis plurimum lucis addunt, ad vitam aut exitium prævidendum, veluti fauces, cervix, collum, pectus, in anginosi, pleuriticis, peripneumonicisque utilissime spectari solent. Hypochondria itidem, ac denique extrema, maxime possunt futuri præ sagii rationem illustrare. Sed age, hæc jam aggrediamur.

C A P. II.

Quid corpus bene valenti simile, & dissimile in morbis prænunciet?

Corporis ægrotum simile naturali seu recte valenti habitu, colore, caloreque, optimum est, atque eo laudabilius, quo similis, quod in morbis necesse sit corpora pati, aut quidem extenuari, gracilescere, contabescereque a morbo consumente & corrumpente partes corporis carnosas, aut, ut scripsit Gal. calore nativo debilitato, qui non extendi ad extremas corporis partes queat, sed in visceribus solis exiguis observetur. Ex quo tantum sanguinis aut spiritus non affluat, quantum antea affluebat. Hinc cessare seu minui nutritionem. Quamobrem in omnibus morbis, sed præ-

præsertim in acutis, bonum est, corpora habitu, colore, caloreque recte valentibus spectari similia. Verum ex hoc tantum signo prognostici judicium non erit attendendum, sed si una alia omnia conspecta cum symptomata, tum signa, idem confirmarint. Optimum tamen est, non parumque ad spem sanitatis concipiendam faciens, ut dictum est, corpora habitu, colore, atque calore recte valentibus esse prorsus similia. Quemadmodum dissimilia spectari, etsi non magnum malum sit, quod omnes, qui ægrotant, necessario habitu, colore, caloreque mutantur, tamen nunquam bonum. Pessimumque in principio acutorum morborum est, corpus extenuatum ac maxime contabescens videri, vultusque præsertim seu facies, quod facilius ipsa aliis partibus mutetur. Ceterum, ut ordinatim in prædictione hac ex habitu corporis, colore, atque calore cognoscenda procedamus, primo videndum erit quid squalidus, siccus, excarnis, ac tabidus in morbis præfagiat. Mox ex mutato ipsius cum colore, tum calore, idem perscrutabimur.

Quinam
pessimus

C A P. III.

Quid in morbis corporis emaciatio, seu extenuatio, & quid ejusdem partes tumescere, significet?

In morbis quandoque corpora extenuari, gracilescere, atque in tumorem attolli observamus, quæ habitus cogniti-
o ad prædictionem magni momenti, atque usus est. Proinde primo quid corporum habitus gracilis, squalidus, tabescensque significet in morbis, dicemus, & mox de opposito quippe tumescente: corpora vero gracilescere & contabescere, ob innutritionem, quam Græci *atrophiā* vocant, cuique liqvido constat, ex quo hunc affectum Græci *atrophiā*, etiam nostri innutritionem, merito appellarunt; in qua, teste Gal. in libro quarto, cap. 13. de sanit. tuenda, corpora ex alimento fructum non sentiunt. Quod sit altera-
trici-
virtutis imbecillitate, attrahente vi infirma, aut excretice immoderatus motus. De hac Hipp. in secundo Aph. Aph. 8. ait: Si quis a morbo cibum assumens non corroboretur,

Corpo-
ris emaciatio
quid in
morbis
significat

pluri alimento corpus uti significat: quod si non assumenti cibum hoc accadat, scire oportet, quod indigeat evacuatione. Et postea a) cum dixit: Ejus qui ex aegritudine bene cibatur nihil proficere corpus, malum: atque hæc est atrophia, seu innutritio, quæ potius in corporibus spectatur, quæ aut non febricitant, aut febre leni, sed diutina teneantur. Quamobrem in morbis longis & diutinis, etsi proprium sit corpora emaciata, atque excarnea videri, tamen si morbo declinante, nihil, etsi cibum assumant, reficiantur, malum est, quod plerumque humorum plenitudinem, atque exinde recidivam, prædicit. Sed in hecticis, phthificis, peripneumoniacis, corpora nunquam carne repleri & restitui, pessimum est: a sputo sanguinis, ubi orta febre leni, sed assidua, corpora contabescunt, nunquamque habitum carnosum recipiunt, exitiale est. Hocque est, quod in suspectis ad phthisin omnes Medici suspectum quam maxime habent, quippe febre continua laborare, ipsorumque gracilitatem ac extenuationem non emendari, atque mutari. Qui etiam febribus ardentibus diu vexati maxime emaciantur, ad marasmodes febres accedentes, insanabiles redduntur. Quare tabescentiam in corporibus, seu gracilitatem, seu extenuationem in pleuriticis, peripneumoniacis non recte purgatis per sputa tussi ejecta, nunquam emendari, lethale est, phthificosque evasisse nobis sunt indicio. Sed age, agamus de extenuatione in acutis morbis, & per initia in corporibus observata. Quæ sane ad prædictionem magni momenti esset solet. De qua Hipp. in 2. lib. Aph. 28. ita habet: Febricitantium non omnino leviter permanere corpus, & nihil minui, vel etiam plusquam ratio postulat contabescere, malum. Hoc siquidem virium imbecillitatem, illud morbi diurnitatem significat. Hippocrates, & Galenus in commento voluit, eam, quæ est cum ratione, extenuationem, signum esse imbecillitatis.

Cum ratione
quando
fit.

Cum ratione vero est, ut febres magnæ & intensæ citius corpora extenuent, sicut & morbi diurni idem faciunt, omniumque facillime puerorum, atque decrepitorum. Hæc enim,

enim, test. Gal. propter potentia imbecillitatem, illa propter temperamentum calidum & humidum, quo multum defluunt, & cito extenuantur. Addamus & regiones ac anni tempora calida & sicca. Quare cum ratione hæc extenuantur: non minusque etiam, si præcesserit multum sanguinis profluvium, aut sudores multi, urinæ copiosæ, vomitus aut alvi profluvium, aut longa inedia, vigiliæ, animi curæ, addit Galen. corporis raritatem, humorumque tenuitatem, causam esse, cur cito & multum corpora dissidentur & extenuentur. Hæc itaque omnia corpora consumunt, atque extenuant, quorum extenuatio quicquam certi non ostendit ad futuram prædictionem. Sed in initiis morborum, nulla illarum externarum causarum præcedente in corporibus frigidis, siccis, in hyeme, frigidaque cœli constitutione, in ætate vigente, atque in corporibus crassiorum humorum, densioris cutis, pessimum est subito extenuari corpora. Quam rem Gal. in commento hujus Aphorismi ita ex Hipp. a) expressit, hujus rei causam reddens: habet enim: *Febricitantium non omnino leviter permanere corpus, & nihil imminui, vel plusquam ratio postulat, contabescere, malum.* Nam permanere ex cutis spissitudine accidit, & crassitudine humorum, & propterea longitudo morbi significatur. Ceterum ex omnibus corporis partibus prima est facies, quæ extenuetur in morbis acutis, quoniam calor acris instar flammæ sursum ascendens, absumit parvas carunculas, cartilaginibus & ossibus incumbentes, atque in facie evidentius ea macies apparet, quod ipsa minus carnis habeat. Quam Hipp. in 4. Prognost. b) ita expressit: *Fuerit autem huiusmodi nasus acutus, cavi oculi, tempora adstricta, aures frigida, contractæque & fibræ eorum versæ, & item cutis circa frontem dura, intenia, arida. Color totius viridis aut niger.* Hæc in hecticis & phthificis maxime extenuatis apparet. Hanc vero faciem intra biduum aut triduum ita extenuatam, quam vulgus medicorum Hippocraticam vocata quære solet, pessimam esse, si nulla extrinseca causa præcesserit, acutis morbis.

O o 3

a) Lib. 2. Aphor. 28.

b) Prognost. pag. 36. lin. 30.

Facies
cur ex
omnibus
corporis
partibus
prima
extenua-
tur in
morbis
acutis.
Facies
extenua-
ta quæ-
nam pes-
sime in
acutis
morbis.

rit, quippe nulla insignis vacuatio aut sanguinis, aut per sudores, aut per alvum, aut denique per urinas; nulla etiam vigilia, nulla inedia, nullaque animi cura, non in pueris & senibus decrepitis, qui facile vel etiam levi causa resolvantur, sed in corporibus adultis, spissi habitus, omniumque maxime in frigidis & siccis, in hyeme, constitutione frigida & humida, & simili cœlo. In his itaque faciem ita extenuatam spectari, summe est perniciosum. Gal. enim ait *in commento*, fieri hujusmodi affectiones ob aliquam causam consumentem, & corrumpentem partes animalium carnosas, aut ob debilitatem nativi caloris, qui non insuper extendi in extremas corporis partes queat, sed in visceribus solis exiguus observetur, ex quo tantum sanguinis, aut spiritus, ad extremas corporis partes non affluat, quantum antea affluebat. Quare ex morbo, humidum nativum statim aut calore præ intenso resolvente, aut præ malignitate corrumpente, nativoque calore a morbi vi statim langvescente, aut reddito imbecillo, fit hæc in facie extenuatio: si itaque non ex ratione, quippe ubi nulla inedia, nulla vigilia, nullaque animi cura præcefferit, hujusmodi facies ita conspecta, exitialis erit; quod Hipp. a) *text. 8.* expressit hisce verbis: *Si igitur per initia morbi talis fuerit vultus, necdum scrutari aliis signis possibile sit, interrogare oportet, num vigilaverit homo, an alvus resoluta admodum fuerit, an fame affectus, & si quid horum comprobet, minori cum periculo est: judicantur vero talia per diem & noctem, si ob has causas talis fuerit vultus, si vero nullum horum dixerit, neque prædicto tempore destiterit, exitiosum est.* Quo pacto vero quis possit cognoscere absque eo, quod interroget ægrotum, num homo vigilarit, num fame affectus sit, aut aliquam immodicam vacationem purgationemque passus sit, hisce profecto verbis *in comm.* docet Gal. dicens: *Quapropter licebit statim aspicienti hominem definire vehementem existitisse insomniam: etenim videbis oculos ejus admodum squalidos.* Qui vero propter evidentes & immodicas vacationes, perinde ac propter insomniam, tales redduntur; porro videbis palpebras

Facies
unde co-
gnosci-
tur mu-
tata a vi-
gilia,
absq; eo,
quod in-
terroge-
tur æger.
Ut ab
immodi-
cis eva-
cuatio-
nibus.

pebras resurgere difficulter, & item talem habere formulam in connivendo, atque etiam & instabiles haberi, quales per somnum obstupidum, (ita enim *coma* interpretor,) existunt: quin etiam ubi nunc primum tibi appareat æger, tum vero nullo pacto, cum inspexeris, talia signa, atque ea, quæ ex pulsu percipiuntur, aliquam indicabunt dijudicationem: per immodicas enim excretiones servabit aliquod adhuc (quanquam exiguum sit) indicium formulæ significans eas, vel ab inedia. per insomniam vero chordulæ extentæ speciem referet. At si propter inopiam duntaxat in talem vultus venerit affectionem, ex dictis indiciis neutra adsunt, neque insomniæ, neque excretiones, & ob eam rem potius ex accidentibus, quam ex propriis signis, in illis præsagire conveniet, propter inopiam alimenti deductum esse eum in talem affectionem, & adhuc magis, quoties febris proprietatem caloris discutientis, exquisita ratione consideranti tibi, nequaquam importet. Ex quibus quisque perdoctus poterit cognoscere, quibus vultus fuerit aut propter vigiliam, aut inediam, aut propter evidentem & immodicam evacuationem, extenuatus. Quare in acutis morbis per initia, absque aliqua causarum extrinsecarum, faciem extenuatam spectari, exitiale est. In Chronicis vero aliquibus, veluti in hecticis, id est, consumtis, phthificisque, nedum facies ossea fere redditur, sed universum corpus excarne, squalidum & siccum redditur. Sed age etiam, quid corpora tumida in morbis fieri significet, consideremus. Inflari enim ac tumescere corpus, nunquam bonum: in morbis enim acutis tumescit facies, aut propter sanguinem in vasis, qui venas distendit, sanguinisque plenitudinem, ac vapores, unde etiam totius corporis gravitas existit, ut in synochis febribus; vel propter inflammationem cum humoris affluxu, ut in parotidibus; denique propter cruditatem vaporosam, refrigerato hepate, ac vitiata sanguificatione, ut in pituitosis febribus, & leucophlegmatia, seu anasarca hydrope. Ex primis duabus causis tumesceri non usque adeo malum est, neque ex hac quicquam certi ad prædictionem habere.

Corpora
tumida
in mor-
bis quid
signifi-
cant &
unde.

habetur; veluti postrema causa, quippe a crasso vapore, hepate cum refrigerato, tum vitata sangvificatione, cutim distendente, non raro exitium prænoscitur. Qua ratione ait auctor Coacorum præfagiorum in 4. *Coac. præf. a) com. 2. text. 25.* lethargicos esse subtumidos, ipsisque genas inflari. Non minus etiam, hac eadem causa refrigerato hepate in morbo calidissimo, ejus visceris calorem innatum dissolvente, in acutis morbis hypochondria, venter, pedes, coxendix, faciesque vitiantur non sine magno ipsorum vitæ discrimine. Cujusmodi sunt, qui in hydropem incidunt. De qua Hipp. in 2. *Prognost. b) text. 1. 2.* *Aqua inter cutem omnis, si ex acuto morbo existit, malum est: non enim sedat febrem, sed dolorem admodum infert ac mortem; fereque incipit ex parte inani, ac lumbis, jecoreque.* Quid de Empyis seu suppuratis, phthificis, in quibus moribundis multis pedes, crura, faciesque tumida, & cadaverosa spectatur; quod non aliunde evenit, quam ex calore hepatis prælangvente, vitata sangvificatione. Plures ex iis cognovi propius ad mortem accessisse, cum corporis universi molem inflatam ac tumidam habuerint. Ex quibus colligo in morbis acutis corpora inflari, nunquam bonum; in Empyis, sive suppuratis, atque in phthificis, maxime exitiale. Sed tamen, neque in acutis, neque multo minus in diuturnis morbis, tumidas partes spectari, perpetuo malum: in his quidem multis, longo quippe morbo debilitato calore, pedes intumescunt, qui calore postea invalescente rursus discussis vaporibus, vel humoribus siccatis, pristino habitui restituuntur. In illis vero sæpius natura humores decretorie ad crura pedesque demittere solet. Aliquando etiam in iisdem acutis morbis facies tumet, vapore, ut dictum est, febrili calore concitato, neque discussio, quo cito postea discussio inflatione liberantur. Proinde caute ex his prædicendum erit in morbis, & non nisi ceteris aliis signis vultus probe conspectis, & consideratis. Atque hæc erant a nobis cognoscenda ad prædictionem ex corporibus, ipsorumque partibus extenuatis, contabescen-

Facies
unde tu-
met ali-
quando
in acutis
morbis.

tibus, atque in tumorem elatis. Nunc ex colore mutato idem perscrutemur, quæ forte cognitio non erit minoris usus ac momenti, ad præfagiendi rationem assequendam.

C A P. IV.

De prædictione ex coloribus corporis ægroti.

Cum ex habitu corporis, quomodo sit prædicendum, dixerimus, nunc idem ex variis coloribus indagemus. De quibus acturi, primo a caloris mutatione incipiemus, quidque hæc coloris mutatio in morbis præfagit, docebimus; mox stabiles ac permanentes colores considerabimus. Corpora colore mutari dicimus, cum vel crebrius, aut rarius ex proprio nativo colore in alium mutantur, ut cum color floridus in pallidum, aut album, aut flavum, aut æruginosum, aut viridem, aut plumbeum, aut denique nigrum mutatur. Hæc vero coloris mutatio, quandoque ex ratione fit, quandoque citra rationem, quæ est pessima, nunquamque bona, nisi criticum signum fuerit. Tunc enim corpora morbo oppugnata cum in suo robore persistunt, morbi que pugna non succumbunt, nativum ac proprium calorem habent, sanguineque propterea rubram faciem, biliosi pallentem; cum vero morbo fere oppugnantur, ex florido colore pallidum, aut flavum, aut alium colorem recipiunt. De quibus, quid potissimum singuli significant, postea dicemus. Cognoscitur critica hæc coloris mutatio ex signis aliis criticis, ac signis coctionis, quando, si Gal. credendum sit, nulla crisis bona appareat, cruditatis signis conspectis, quod necesse sit, crises coctiones præcessisse. Gal. *in lib. de præfag.* ad Posthumum in *juvene quodam Romano* ex facie prærubra, præsertim erupturum critice sanguinem e naribus præscivit. Ex ratione vero color corporis quandoque mutatur, variatis quidem morbi accessionum temporibus, ut cum in principio rigentibus, aut horrentibus, aut refrigercentibus, pallidum, ali- quando album ac fuscum colorem contrahunt, ex quo aut- gescente accessione ad pristinum redeunt, & mox vigente coloratiores redduntur, ac denique ad solitum redeunt colo-

Corpora
quando
colore
mutari
dicuntur

Corpo-
ris colo-
ris muta-
tio cri-
tica.

Unde
cogno-
scitur.

Corpo-
ris color
quando
ex ratio-
ne muta-
tur.

Corpo-
ris colo-
ris muta-
tio quæ-
nam
bona.

rem. Mutari itaque colorem ex ratione caloris, bonum: mutari itidem sapius ratione bonæ crisis futuræ, bonum: quæ etiam aliis signis produntur, sed præsertim, ut dictum est, coctionis, ac aliis bonis signis simul, aut antea conspectis. Melior quoque erit coloris mutatio, si ex colore malo in bonum fiat, uti cum partes nigrescentes aut livescentes, vel flavæ, vel virides in pallidum, aut floridum nativum quippe restituantur. Contra vero omnes mutationes nulla ratione aut coloris aut crisis factæ, erunt damnandæ, omniumque maxime cum malis signis, speciatimque cruditatem explicantibus, conspectæ, & quæ ex bono colore in deterioreni fiunt. Sed age explicemus, quid colores modo

Corpo-
ris color
ruber
unde &
quid
notat.
Facies
rubra
quid in
acutis
notat.
Quæ-
nam
mala.

in corporibus significant, a rubro exordientes. Hic color ab uno humore fit, quippe a multo sanguine, cutim afficiente seu tingente, ex quo merito Gal. in 4. lib. de sanit. tuend. tradidit, rubrum colorem sanguinis abundantiam significare. Ex quo rubram faciem, vel inflammationem testari ad cutem illatam, aut crisin sanguinis e naribus fluxuri, cujusmodi diximus Galenum in juvene illo Romano coram aliis Medicis prædixisse. Sed hoc non fiet, ni prius coctionis signa quædam & bona illuxerint. Ceterum, crudo morbo existente, si facies rubeat, timenda erit inflammatio capitis, atque præsertim phrenitis, cum demonstretur sanguinem sursum in caput agi, ipsumque inflammare; de qua re Auctor Prorrhæ. a) in 2. lib. text. 74. & in 1. de hum. b) com.

Quando
Phreni-
tidem
præ-
monstrat

1. scripsit: *Faciem rubram cum mæstitia, malum*: propterea quod calidæ affectionis sit signum, Galeno docente, qui ita de hac scribit: *Cum itaque florida quidem apparuerit facies, æger autem valde tristis fuerit, quædam in cerebro valde calida affectio esse videtur, quæ sanguinem exurit, eaque causa bilem atram, ut demonstratum est, gignit*. Plerumque absque signis coctionis, & cum malis signis phrenitidem præmonstrat; neque immerito, cum sanguinem ferri in caput, ipsumque inflammare rubra facies significet: quod signum

a) Lib. 1. 49. b) Lib. de Humoribus. p. 47. lin. 1. ubi ait: *Color humorum, nisi hi ad interiora rescripti sint, velut efflorescit in cutem.*

signum erit satis manifestum, ubi per alvum, aut per menses, aut per hæmorrhoides sanguis profluxerit, manentē tamen eodem rubro colore in facie. Quod perbelle in *Coacis præsignis c) com. 2. text. 16.* ita scriptum est: *Dysenterica rubra, limosa, larga excrementa alvi, in flammeis valde rubicundis coloribus, soluta, insanie timorem inducunt.* Aliquando significat convulsionem, ut in pueris, de quibus in *lib. 3. Coac. præsign. d) com. 1. text. 45.* hæc leguntur: *Pueri acuta febris, alvi suppressio cum vigilia, ad hæc ex calcitratio & coloris mutatio, multus rubor, convulsionem significat.* Solet vero rubor faciei, ut dictum est, si signa coctionis fuerint conspecta, denotare crisin futuram per sanguinem e naribus: aliquando post aures judicatoriorum abscessuum est signum, ut Gal. in *eod. 2. lib. Prorrh. text. 14. e)* scripsit: *de quo signo in Coac. præsign. f)* *Rubores, qui ad aures ex priori dolore fiunt, in febribus signum quidem sacri ignis, qui exstiterit in facie. Sed & convulsionem ex iis incidunt cum privatione vocis & virium exsolutione.* Sed hæc esset admodum improbanda, nimirum si ei prædicta symptomata copularentur. Rubor etiam in faucibus, cervice ac pectore, in anginosi solet esse admodum salutaris, si cum tumore multus appareat, de quo Hippoc. in *lib. 7. Aph. 49.* habet: *Ei, qui ab angina corripitur, si tumor & rubor in pectore supervenerit, bonum; extra enim veritur ægritudo.* Et in *lib. 5. Progn. g)* *Si quibus vero fauces rubent, & cervix simul, hæc angina diuturniores sunt, & maxime ex eis servantur, si & cervix, & pectus traxit ruborem, nec sacer ignis intro recurrat.* In anginosa tamen, quæ ab Hippoc. in *lib. 3. Epid. h)* describitur, etsi lingua & collum & pectus una cum rubore intumuerit, nihilominus, quoniam tota inflammatio extra non fuit versa, mortua est. Addamus in acutis morbis, si rubores in brachiis ac cruribus fiant erysipelatodes, bonum erit; quippe quod naturam fortem esse, ac longius, ad ignobiles

Pp 2 scilicet

c) Text. 465. d) Text. 109. e) Hippocratis textus huc spectans legitur 1. Prorrh. 165. & Coac. præsign. 183. f) Text. 200. g) Pag. 45. lin. 12. h) Pag. 1075. Ægr. 7.

Corpus
color fla-
vus un-
de, &
quid
notat.

scilicet partes, noxios humores propellat. In febribus ardentibus, synochis malignis, non raro maculis rubris dorsum ac aliæ partes corporis infectæ spectantur, quæ quo copiosiores eo peiores, ni morbum minuant. Ceterum de his posterius nos accurate, ubi ad prædictionem abscessus, tumores & exanthemata considerabimus. Colorem vero flavum fieri a bile flava, cutim afficiente, non est dubitandum. Ceterum solet esse aliquando bonus, ubi critice ad cutim flava bilis pellitur, cujusmodi fit in ictericis, de quibus in sequenti capite agemus; aliquando malus & perpetuo, ubi non critice, unaque aliis malis signis apparentibus. De quo Hippoc. *in 1. Prognost. a) text. 10.* de facie exitiosa loquutus, scripsit, & *color totius vultus viridis aut niger*, & Galen. minus malum esse, vultum chlorum

Viridis.

seu viridem videri, quam nigrum. In venenatis solent virides colores spectari, cum a summa humorum fiant corruptione. Ex quo Galen. *in lib. 5. de loc. affect. cap. 7.* quempiam meminit vipera demorsum, cujus corpus peracri calore infectum se vidisse testatur. Album vero & pallidum

Albus.

fieri, aut calore intus recurrente, aut quod corpora sanguine frigido & pituitoso abundant, sed in acutis morbis corpora expalescere solent, nedum calore intus recurrente, sanguinisque inopia, aut ipso calore extincto, qui color propter hanc causam mortuis solet esse familiaris. Auctor. Coac.

Pallidus.

præfag. b) ait, vultum pallidum esse exitialem. Sed hoc erit cum aliis signis confirmandum. Pallor vero extincto calore qui fit, & paucio sanguine, vel ex eo cognoscitur, quod postea in lividum, & tandem nigrum mutetur, quod in emortuis corporibus facile spectari poterit, quæ primo putrescunt, mox livescunt & nigrescunt; qualis ab Hippoc. *in quinto Epidem. c) cap. 5. text. 57.* in eo, cui hepar jaculo percussus est, fuit observatus, de quo ait, *statim color, qualis mortuorum, diffusus est*, qui statim obiit. De livido colore,

Lividus.

& nigro, quid dicemus? pessimos esse colores in morbis acutis, atque exitiales, qui non nisi a summa humorum putre-

tredine nascuntur, aut calore nativo extincto. Sciunt Medici omnes praxin facientes, in acutis morbis in dorso, lumbis, pudendis, naribus atque aliis partibus, maculas cum lividas tum nigras sævam ac veluti pestilentem putredinem humorum testari; inque peste affectis has esse ita familiares, ut ex ipsis tantum merito pestilens natura comprehendatur, quod inspectis maculis lividis, aut nigris, in iisce partibus corporis, sed potissimum in pudendis, (quod signum ex Hippoc. in 1. Coac. præfag. d) sec. 2. text. 29. Thucydide, & Galeno pestis proprium esse, quo inspecto in emortuis corporibus, pestem grassari sit dicendum, ut Franciscus Stabilis in particulari quodam discursu de hac re habito, doctissime demonstravit) pestiferam denotet corruptionem, summeque venenosam. Hæc eadem signa in venenatis solent spectari, quod & Gal. in lib. 6. de loc. affect. nobis tradidit. Cum scripserit corpora, a venenis emortua, maculis lividis, nigricantibusque, infecta spectari. Qvare dicamus lividum colorem & nigrum esse fere perpetuo malum; etsi quandoque critice appareant hæ maculæ, quibus plures quoque servati fuerint, tamen hoc raro contingit, & illis non fidendum prorsus, ni coctionis signa apparuerint, viresque maxime constiterint; in aliis vero morbis, quippe non pestilentibus, colores lividi calorem nativum suffocari denotant, atque etiam nigricantes. De quibus auctor Coacorum præfag. e) com. 10. ait: *Quod si vel labrum, vel palpebra, vel nasus liveat, in propinquo est mors.* Quidam in morituriis multis genas lividas observant. Extrema frigida, & livida, in acutis morbis propter eandem causam esse exitialia, posterius, ubi de prædictione extremarum partium agemus, accurate demonstrabimus, quod hæ partes non nisi extincto calore liveant. Non minoris sed majoris periculi erit color niger conspectus, qui fiat a majori quoque nativi caloris extinctione, de quo Galen. in 1. Prognost. com. 9. ait: *At vero coloris mutatio pessima est, quoties ad nigrum existat, utpote sanguine refrigerato, quemadmodum ubi foras effusus sanguis*

P p 3

d) An Text, 66. aut 489?

e) Text. 212.

guis congelatur. Demum dicemus, nigrum lividumque colorem non solum a corruptela humorum, aut a caloris nativi extinctione, (quod omnium est pessimum, quibus ita conspectis mors sit inevitabilis :) sed conspecti hi colores a venenosa putredine, aliquando, ubi natura critice propellit, spem salutis nobis videntur polliceri; aut humore melancholico atro ad cutem transmissio, quæ transmissio si critica fuerit, bonum prænuntiabit: quo tempore necesse est, coctionis in humoribus signa illuxisse, & quæpiam item bona signa; quod si ita non fiat, magnum quoque malum minatur in acutis morbis. Sed quo pacto quis dignoscere queat, nigrum colorem ex humoris decubitu factum, ab eo, qui emoriente calore fit, Galen. in 2. Prognost. ita docuit: *Nam interdum pars nigrescit, quia materia eo decumbit, interdum, quoniam moritur, sed quonam modo aliquis internoscat, eam rem perspicue iudicabit; si enim facile ferre malum appareat, id est, facile se habeat æger, & item aliquod aliud salutare adsuerit signum, materie decubitus est; sin contrarium, mortificatio.* Atque hæc sunt de coloribus, deque ipsorum iudicio. Nunc unum restat, quod frequentissime accidit, intelligendum, quippe quid ægrotos felle suffundi in acutis prælagiat.

CAP. V.

Quid morbus Regius in morbis prænuntiet?

Morbi
regii va-
ria deno-
minatio.

Unde
produci-
tur.

Quod ex ictericia in morbis plurimum veritatis capiat, tur ad futuram prædictionem, ideo sigillatim de hac agendum duximus. Hunc vero affectum *morbum regium* aliqui appellant, quod in Aulis regum molliter curetur ludis, lasciviaque, per quæ mens exhilaretur; alii *arcuatum* a colore, teste Celso, arcus cœlestis æmulo; *icterumque* a volucris galbula concolore; alii & *auriginem* a colore bilis auro concolore. Symptoma est in cutis colore vitiatum, quod fit bile utraque ad cutem effusa, hinc ex colore duplex ictericia spectatur, quippe flava & nigra, a flava quidem ac nigra bile, qua cutis suffunditur; cutis vero corporis eo humore, aut una cum sanguine non excreto neque purgato

ac-

accedente, aut sola natura e visceribus ad cutim protruso.
 Quod Galen. in 4. libr. *Aphorism.* Aph. 62. ita docuit: *Morbus*
Regius fit aliquando criticos, id est, judicatorie, natura in totum
corpus, & præcipue ad cutem, flavam bilem deponente. Fit au-
tem & hujusmodi casus, hepate male se habente. Atque ejus
affectiones malæ, ex quibus morbus Regius solet advenire, tres
sunt, tumor durus, inflammatio, & obstructio. Aph. 64. Quo-
 modo vero hic affectus generetur, paulo post ita expressit,
 dicens: *Expurgatio enim in ipso sanguine & bile translata ex*
ipsius venis ad meatus bilem recipientes, à Græcis cholodochos
appellatos, sive obstructio fuerit in locis, ad quæ transfertur, sive
inflammatio aliqua, vel durus tumor, necessarium omnino, non
expurgari sanguinem, sed una cum ipso bilem per totum corpus
differrri, hinc morbum Regium generari. Ex qua quidem per-
 specta generatione apparet, ictericiam in morbis neque
 omnem bonam neque malam esse, atque ex ipso affectu
 quandoque salutem, quandoque mortem præsciri posse: exiti-
 um, ubi apparet, crudo plane morbo existente, cumque
 signis aliis malis; salutemque, eodem affectu conspecto,
 signis coctionis antegressis, atque cum bonis signis. Sed
 cum isthæc cognitio ad iudicium prognostici magni sit mo-
 menti, merito accuratius, quando & salutem, & quando
 exitium prænuntiat, dicendum. Primo bonam esse icteri-
 ciam in febribus dicimus, quæ fit, natura biliosum humo-
 rem ad cutem critice propellente, quod hic motus fit criti-
 cus, & ex recte juvantibus, judicantibusque. Hunc mo-
 tum antecedunt signa coctionis, a ceterisque ictericiis, non
 a natura critice excernente bilem crassiolem, sed aut vesi-
 culæ fellis attractricis facultatis imbecillitate, aut ejusdem
 meatuum attrahentium, sive pellentium, obstructione, aut
 demum hepate læso vel ab obstructione, vel ab inflamma-
 tione, vel denique a scirrho, factis, distinguitur. Primo,
 quod in critica ictericia, urinæ neque sunt ictericorum mo-
 do coloratæ, neque croceo colore tingentes, & fæces mini-
 me candidæ apparent, ictericorum signorum alterutro pa-
 thognomico. Secundo, hypochondria, sed potissimum dex-

Prognos-
 ticon ex
 ictero
 dubium.

Quando
 bonum.

Icteri
 Critici
 notæ.

Quo
morbi
tempore
bonus
malusve
Icterus,
& cur?

Auto-
rum ab
Hippo-
crate dif-
fensus.

Icterus.

dextrum, prorsus, tumore & calore vacant. Tertio, coctionis signa præcessisse. Quarto, ubi auriginosus ille color in aliquo dierum decretoriorum illuxerit, atque demum æger recte pertulerit morbum, id est febrem, aut ex toto solverit, aut saltem aliquatenus. Quare criticus motus hic est, qui die critica & antegressis coctionis signis, incidit, sine hypochondrii duritie, cum excrementis & urinis secundum naturam se habentibus, a translatione bilis crassioris in cutem, quæ ad discutiendum contumacior est, siquidem tenuior abit in sudorem, & per insensibilem transpirationem expurgatur: atque hoc est, quod Hippocrat. *in libr. 4. Aphorism. 64.* scripsit: *Quibus in febris morbus regius septimo, vel nono, vel undecimo, vel decimoquarto supervenerit, bonum, nisi dextrum Hypochondrium induruerit, alioqui non bonum.* Hippocrat. itidem superius Aphor. 62. dixit: *Quibus in febris morbus regius ante diem septimum accidit, malum.* Quare regulam præscripsit, ut bonus sit ictericus color post diem septimam, & ante nequaquam. Galenus in comment. binos eos jungens aphorismos talem judicii regulam fecit, dicens: *Ante septimum quidem diem morbum accidere regium, malum omnino, post septimum vero, optimum, nisi dextrum ilium obduruerit, id est, nisi aliquis malus affectus ex his, quos antea diximus, visceri seu hepati acciderit.* Quare ex Hippocrate morbus regius bonus erit non ante septimum, sed post septimum, neque id perpetuo, nisi ilium dextrum tumore prorsus caruerit. Significat enim hujusmodi color ictericus, naturam critice ad cutim crassiorem bilem deponere, minimeque id fieri propter aliquem hepatis, vel vesicæ fellis, vel denique meatuum affectum. Diocles non voluit ictericiam a septimo ex toto prodesse. Averrhoes *in lib. 4. collig. cap. 82.* scripsit, se in locis calidioribus vel etiam die quinto criticam bonam ictericiam vidisse. Idem & Celsus: ac vel etiam Plinius, historicus naturalis, ausus est ab Hippocrate dissentire, cum *in lib. 26. hist. natur.* ita scripserit Hipp. *Icterus ante septimum diem in febre mortiferum signum esse docuit.* Hos scimus vixisse aliquos etiam ab hac disparatione.

zione. Sed Plin. est falsus; cum Hipp. non mortiferum esse, sed malum, ante septimum in febre morbum regium conspici, dixerit. Sed ratio quidem videtur Hippocrati non favere, cum idem sit, dicere ictericiam post septimum diem videri in febribus, bonum; & ante hunc diem, malum; perinde ac si dixerimus, bilem crassiores in febribus bonam esse post septimum ad cutem critice demandari, & ante hunc diem, malum. At aliquis dicet bilem hanc posse ante diem septimum & concoqui a natura, & propelli ad cutem, ex quo ante hunc diem ictericia non erit mala. Resolvemus conciliantes hos medicinarum proceres, quod fieri quancumque potest aut ratione loci calidioris, aut temporis, corporis humorem biliosum ante septimum concoqui, & decretorie expelli ad cutem, veluti idem humor per id tempus concoctus solet non raro per ventrem decretorie expelli, aut evomi, aut per sudorem. Hippocrat. tamen regulam constituit, quod ictericia post septimum, seu septimo, & non ante, optima sit, quod plerumque eo modo recte fiat, atque etiam quod biliosus hic humor crassior, qui ad cutem deponitur, raro ante septimum probe coquatur, & cum crudo humore existente non possit critice & utiliter expelli, idcirco prudenter statuit, bonæ ictericiæ terminum esse a septima die. Neque ignoravit Hippocrat. quosdam auriginosos ante hunc diem conspectos sanitati fuisse restitutos. At non scripsit quosdam sexto die auriginosos, sed tamen alia purgatione adjutos, evasisse. De quibus in primo Epidem. com. 2. a) text. 65. ita habet: *Erant qui sexto die morbo regio afficerentur, sed his purgatio profuit per vesicam, vel turbata alvus, vel larga sanguinis eruptio, ut Heraclides, qui apud Aristoclidem decumbebat, cui per nares sanguis erupit, alvusque fuit turbata, & per vesicam est purgatus, vigesimo autem die judicatus, longe aliter ac Phanagoreon servus, qui, cum ipsi horum eveniret nihil, periit: quod in quarto de ration. vict. in acutus b) text. 8. confirmavit, cum dixerit: Cum rigore, in biliosa febre, ante septimum, morbus regius febrem solvit. Forte*

Conciliatio.

Qq

Galenii
sententia.

& ii, quos Averrhoes, Celsus, Plinius & alii ante septimum sanatos viderant, alias evacuationes habuerant, illisque adjutos evasisse credendum est. Galen. vero regulam non in die constituit, sed in concoctione humorum, siquidem ait, regulam bonarum excretionum cognoscendarum, ut dictum est, esse concoctionem; quæ si citius appareat, etiam ante septimam diem si conspiciatur in regio morbo, bonum erit: sed quia crassior bilis, cujusmodi est, quæ icterum facit, raro aut nunquam in nostro hoc cœlo (quod forte in calidioribus locis nihil prohibet aliquando fieri posse) minus quam septem dierum spatio excoquitur; quare criticus morbus regius salutem ostendit, si diebus septimo, aut nono, aut undecimo, aut decimoquarto apparuerit, dextro hypochondrio minime indurato. Hippoc. etiam (ut nuper meminimus) in lib. 7. de vict. ratione in acut. c) text. 8. hæc habet: *In biliosa febre, morbus regius cum rigore ante septimum diem enatus, morbum solvit, si vero absque rigore præter temporis occasionem supervenerit, perniciosum*: quod idem a nobis prædictum, & declaratum, ostenditur, quando in febribus biliosis, ut alias a nobis demonstratum est, rigores judicatorii appareant, testantur bonam aliquam evacuationem futuram, aut expulsionem, aut depositionem humoris ad cutem, aut ad aliam partem ignobilem, de quo Hippoc. merito in 4. Aph. 58. scripsit: *Si febre ardente laboranti rigor superveniat, febris solvitur*. Bona quandoque est etiam sexta vel alia die, ubi una aliqua alia vel plures excretiones biliosæ apparuerint. Cujusmodi Hipp. in 1. lib. Epidem. com. 2. d) text. 65. ut dictum est, observavit. Addamus, nos debere judicium ex ictericia bonum cum aliis bonis signis confirmari. Sed age dicamus, quando ictericia mala & exitialis sit. Plerumque, ait Hipp. e) text. 18. ante septimum visa est mala, non tamen dixit esse mortiferam, ut quibusdam visum est. Sed cum non bonis signis, nullaque alia copiosa vacuatione, exitialis erit, si ante septimum appareat.

Icterus
quinam
malus,

Cu-

c) Loco modo allegato. d) Pag. 951. e) Lib. 4. Aphorism. 62. & lib. de Crisibus p. 53. & lib. de vict. rat. in acut. p. 402. lin. 49.

Cujusmodi fuit in *Bali filio* teste Hipp. in libr. 7. Epid. text. 19. & in *Marito Lechus*, qui prope *Sitodochi* ædes habitabat, f) non parum damnanda. Quod Galen. in lib. 3. Epid. com. 1. text. 5. ita expreſſit: *Nullum abſceſſum nedum auriginosum ante concoctionem proficere, is enim impeditam ſignificat bilem, quo minus ex viſcere expurgetur, & evacuetur per ventrem, vel propter oppilationem ejus, vel inflammationem; morbo autem concocto decretorie interim natura ad cutem excrementum repōnit, cum quorundam aliorum humorum, tum flavæ bilis.* Quo re crudo morbo exiſtente, mala eſt, & hinc ſexto die, quod tunc non concoctus ſit morbus, malam eſſe dicimus, cum- que ſignis cruditatis, verendam, & cum malis aliis ſignis inſpectam, prorſus exitialem. Cujusmodi fuit, quam *Hermocrates* habuit, qui obiit eo morbo. De quo Hipp. in 3. Epid. 1. g) text. 5. *Quinto die reddidit tenues urinas, ſuſpenſionem habebant, nec ſubſidebant, ſub noctem deliravit. Die ſexto auriginofus evaſit, omnia exacerbata ſunt, mente non conſtabat.* Addidit Hippocrat. malas nedum eſſe ante ſeptimum diem, ſed poſt ipſam etiam, ubi dextrum Ilium obduruerit, ictericias, ſtatuit lib. 4. Aph. 64. qui ita habet: *Quibus in febribus morbus regius ſeptimo, vel nono, vel undecimo, vel decimoquarto, ſupervenerit, bonum: niſi dextrum ilium obduruerit alioqui non bonum.* Cum hypochondria tenſa, & dura ſint, adhuc etiam, ſi una dolent, ſine dubio morbum regium fieri non a natura excernente humorem ad cutem, ſed propter affectum illud viſcus, aut inflammato ſcilicet jecore, aut obſtructo, aut in tumorem ſcirrholum elato. Qui affectus perpetuo malum denotat, atque una cum malis ſignis, exitium. Nam ictericia ex hac cauſa ſine febre quoque periculofa admodum eſt, ex Hipp. in ſexto Aphoriſmorum 52. ita ſcribente: *Morbo regio laborantibus, ſi fiat hepar durum malum.* Multoque magis augebitur mali judiciunt, in febris apparente ictero, quando febris calore digerat, & diſcutiat plurimum illius humoris, cutem deſœdantis; qui cum perſeveret, cauſam ſane, a natura minime vincibilem, ad- eſſe

Qq 2

esse denotat. Cujusmodi Hipp. observavit in *Marito Lechus*, de quo in *libr. 4. Epidem.* *) ita scripsit: *Maritus Lechus, qui prope Sirodochi aedes ictericus, ad quem septimo die veni, octavo moriebatur, neque urinam, neque defectionem dimittens, hypochondria magna & dura & spiritus densus.* Verum in omnibus auriginosis attendendum erit, num præcesserint signa coctionis, an quæpiam signa mala illuxerint, hoc enim & crudo morbo existente, si aurigo fiat, exitiale est; veluti cum antegressis coctionis signis, atque cum bonis signis, nullo tumore in illis conspecto, perpetuo, quovis etiam die ictericia apparuerit, salutem prænuntiat: sed hisce notis, quod ante septimum appareat raro, merito Hipp. affirmavit, ante septimum regium morbum malum esse. Superesset, absoluto sermone de prædictione ex colore corporis mutato, agendum de ejusdem corporis calore quoque mutato, de quo cum accuratius in *lib. 2. text. 63.* scripserimus, nihil sane aliud dicemus. Ex quo ad singulas partes corporis spectandas descendamus, cum satis cum a toto corpore, tum a tota facie, præsagium perscrutari fuerimus.

De prædictione ex faciei mutatione in morbis.

Ut e singulis quoque partibus præsagium venemur, a facie exordimur, de qua etsi nuper plura scripserimus, nunc pauca quoque, quasi ex dictis quædam præcipua ad prædictionem colligentes, addemus. De qua primo Hipp. in *lib. 1. Progn. a) text. 8.* scribit: *Considerari convenit hunc in modum per morbos acutos principio vultum ægroti, sit ne similis bene valentium, potissimum sui: Ita enim optimus erit: si vero quam maxime contrarius simili sit, exitiosissimus est.* Gal. in *com.* ait: *Conferendas esse partes affectas cum bene valentibus, quæ si similes appareant, bonum, veluti contrarium ex dissimilibus prædicitur.* At breviter dicamus. Ex facie salutem sperari, quæ in acutis prorsus similis bene valentium appareat. Significat enim morbum neque vehementem,

Facies
sanæ si-
milis
bona.

*) Text. 25. pag. 1130.

a) Pag. 36. lin. 26. &c.

tem, neque malignum admodum esse. Ex mutata vero facie, quod ad habitum ipsum spectat, extenuata, in morborum non principiis, sed ubi indies magis progressus sit, quicquam certi non habetur, neque etiam, ut Hipp. in eodem libro a) meminit, si talis non ex morbo, aut ex alia externa quapiam causa mutata apparuerit, scilicet ex immoderata animi passione, vigilia, aut alvi dejectione, aut fame, five inedia, aut animi passione, qua antea fuerit usus; a quibus sane causis sapius facies extenuatur. Proinde quicquam certi ad prædictionem isthæ faciei ab istis causis facta extenuatio non habebit. Ex colore vero, facies coloratior quandoque bona erit, utpote cum nobis criticam sanguinis excretionem e naribus futuram prænuntiat, quod quidem firmitus denotare sperabimus, si notæ fluxuri e naribus sanguinis aderunt. De quibus in 4. lib. Coac. præ sag. b) text. 30. scriptum est: *Quibus febricitantibus rubores in facie, & capitis vehemens dolor, venarumque pulsus, iis ut plurimum fluxor sit sanguinis.*

Sed alia omnes erunt attendenda simul, cujusmodi esse solent, splendores & fulgores, caliginesque, oculis obversari cum facie rubra, capitis non raro dolor tensivus, & gravans, hypochondria tensa sine dolore, difficilis respiratio. Quod præ sagium olim Galen. in *juvene Romano* coram Romanis multis Medicis habuit, de quo in lib. de præ sag. text. 13. ad Posthumum hæc habet: *Dum Medicis hæc admiranda videntur, æger lecto se sustulit tanquam profiliturus, interrogatusque, cur exsilire voluisset, cum nihil adesset, ob quod id facere debuisset; rubri coloris serpentem, per laquearia repentem, a se visum expavisse respondit, ne si aliquo modo aberrasset, supra se ferretur, atque idcirco e lectulo aufugere velle: reliquis nihil ad futurum sanguinis fluxum conferre visum est; mihi vero cum alia singula perpendenti, tum ruborem, qui prius in dextra nasi parte ad malum usque obscurus fuerat, auctum valde inveni, sanguinis paulo post e dextra nare fluxuri, manifestum id attulit indicium.* Ceterum, ut jam dictum est, cete-

Diffimilis incerti prognostici.

Coloratior quando bona.

Nonnunquam hæmorrhagiam narium notat, & quando.

Aliquan-
do paro-
tides.

ra alia signa fluxuri sanguinis cum rubra facie erunt attendenda, omniumque maxime signa coctionis. Nam in crudo morbo raro recte sanguis erumpit, & plerumque stillatim, quæ vacuatio in ardentibus febribus, omniumque maxime in phreniticis, est suspecta. Addamus rubram faciem abscessum aliquando post aures, scilicet parotides, significare, de quibus Hippoc. intellexisse in 6. Epid. *) 2. 18. text. 60. Gal. voluit, cum dixerit: *Ita vero se habent ex his plurimi & valde rubentes, & natura albidioris modi, neque de naribus sanguis erumpit, aut paucus erumpit*, & Gal. in com. ait: *Istis valde rubentem faciem habentibus, cum salubris ægritudo perdurat, per abscessus judicationem fore sperandum est, nisi de naribus sanguinis profluvium redundantem sanguinem evacuatione prævertat, qui in aliquem articulum impetum facturus erat*. De hac itidem Auctor Prorrh. a) in lib. 3. text. 73. hæc habet: *Quibus comatosa, fastidiosa, hypochondria dolentia, & vomentia exigua, in iis parotides excitantur; antea autem faciei signa: & Gal. in comm. ait: Ante parotidum generationem faciei signa considerare oportet; sunt hæc, robur, tumor præter naturam, oculorum humiditas, caliginosa visio, & quæcunque talia*. Colligamus itaque faciem rubram non raro bonam ex accedenti esse, criticumque signum dici, ubi nimirum e naribus sanguis est fluxurus. Plerumque vero apparet hæc facies in accessionum vigore, præsertimque in synocho, & ardenti febre, aut ubi pulmonum adest inflammatio, in qua maxillæ [teste Hipp. in 2. lib. Prognost. b)] ruborem contrahunt. At ab hac sola facie nihil certi ad prædictionem habetur, nisi ejus indicium aliis, vel bonis, vel malis, signis fuerit confirmatum. Atque hæc de bona facie: nunc de mala, quod ex eadem mutata prælagiri potest.

Primo ait Hippoc. in 1. Prognost. c) eam, quæ nulla externa causa concurrente, principio morbi, dissimilis a recte valenti evasit, mali esse indicii, atque maxime contrariam esse perniciosam, in acutisque morbis exitium portendere.

Cujus-

*) Sect. 2. text. 11. pag. 1169. a) Lib. 1. text. 165. b) Pag. 42. lin. 31. c) Pag. 36. & 37.

Cujusmodi est, in qua [ait Hippoc. d)] *nasus est acutus, cavi oculi, adstricta tempora, aures frigidae contractæque, & fibræ earum versæ, & item cutis circa frontem dura, intenta, arida, & color totius vultus viridis, aut niger, aut lividus, aut plumbeus.* Hanc enim faciem cadaverosam merito Medici appellant, quæ si in principio morborum acutorum, quippe intra tri-duum, appareat, pernicialis erit.

Tumidam quoque eandam visam in morbis quibusdam longis, hepate refrigerato, vitiataque sangvificatione, observamus, non minusque in phthificis, & suppuratis, quando in ipsis fere moribundis conspici solet. De rubra vero facie, quæ mala est, Auctor *Prorrhæ. e)* in lib. 2. text. 14. *Facies bona cum mæstitia multa, malum:* & Gal. ait in *commento*, significare calidam affectionem, exurentem sangvinem, ex quo facies illa florida quibusdam credatur propria melancholici affectus. Sed in rubra facie attendenda erunt alia signa, quæ si mala fuerint, pernicialis erit. Nam cum malis signis rubra facies aliquando phrenitidem ostendit, & exitiosam, quæ in convulsiones desinit. Nam si una cum rubore faciei adsit intuitus ferox, delirium, aut aliquod phreniticum signum, lethale est. De qua in *Coac. præsag. f)* *Qui capite dolent firmiter, delirantes, alvo suppressa, feroci aspectu, rubore in facie efflorescente, in posteriorem partem convelluntur.* Sed alias text. 7. demonstratum est, has convulsiones esse lethales. Cum vero præter calorem etiam colorem flammeum habet, pejor adhuc erit, cum malis signis. De his enim Auctor *Coac. præsag. i. g)* text. 33. scribit: *Rigores, quibus multa in somnum inclinatio juncta est, utcunque lethales sunt, quod si in iis facies flammæ modo exardescit cum sudore, malignum est.* Sed melius hoc expressum est in lib. 2. *Prorrhæ. b)* hisce verbis: *Æstuoſi rigores quadantenus pernicioſi, inflammans quoque cum sudore facies in his mala:* & Gal. in *commento text. 60.* ait: *Neque ignoramus flammantem, sine rigore, & cum sudore, faciem malum esse signum, quoniam &*
unum

d) Prognost. pag. 36. lin. 30. e) Lib. 1. 49. f) Text, 162.

g) Text. 71. h) Lib. 1. text. 67.

unum ex judicatoriis sudor sit, cum igitur non judicaverit, malignitatem morbi ostendit. Quare cum signo aliquo judicatorio, veluti cum sudore aut vomitu, aut alvi fluxu, aut sanguinis vacuatione, facies flammea, signum erit malignitatis, & plerumque lethale: sed age addamus faciem rubram apparere in pulmonariis; sed ruborem in iis maxillæ contrahunt, ex quo in febribus signo merito suspicamur, aut peripneumonicos fieri, aut suppurari. Hipp. enim in 2. progn. *) ait: purulentos habere maxillas rubras; idemque & in pulmonia spectari, docuit Gal. in 1. lib. prognost. com. 3. *Indicat enim fuliginem sanguinis in pulmone ferventis, quæ eo descendit propter rectum situm, recipiturque in laxitate, & raritate & tenuissima maxillarum cute, ceu per vitrum oculis representante ruborem.* Qui quidem color in iis, si una cum malis signis, & præsertim judicatoriis malis, id est, non judicantibus, appareat, mortem prælagit. De quo auctor Coac. præf. a) in lib. 2. text. 33. scripsit: *Quibus vero fastidia cibi accedunt, & sudores cum bono faciei colore, & liquida alvo ac dolore cordis, hi peripneumonicorum aut pulmonariorum more intereunt, postquam longius ægrotaverint; veluti uxori Policratis evenit, de qua in lib. 7. Epid. b) scriptum est: Tussis, & excretio statim ab initio similis purulentis, intus circa arteriam, & fauces sibilus erat. Facies boni coloris, in genis rubor non abunde coloratus, sed moderate floridus.* Hæc fuit prior peripneumonica, post suppurata, atque demum obiit tabida.

Maxilla- Maxillarum itaque rubor assiduus in longis lentisque febribus, aut pulmonis inflammationis, aut suppurationis, ac demum ad tabem proficiscentium, erit signum, modo tussis vel etiam levissima & inanis adfuerit: adde, modo hæc febris habeat inæqualis caloris exacerbationes, nunquam tamen immunes.

Maxilla-
rum ru-
bor in
longis
morbis
quid no-
tat.

C A P. VII.

De prædictione ex oculis.

Ex oculis quoque iudicium prognostici venemur, idque accuratius, quod in prædicendis eventibus morborum inter

*) Pag. 42. lin. 31. a) Text. 67. b) Text. 9. pag. 1211.

inter partes corporis primatum obtineant. Juxta illud divini Hipp. præceptum: *c) oculi ut valent, ita & corpus, & color in deterius aut melius labitur*. Si quidem oculi recte valentes, & robusti, corpus quoque recte valere indicabunt. Nam, teste Galen. *in commento*, si bene colorati oculi sint, totum corpus salubriter se habere significant. Ceterum, ut nos totum, quicquid ad morborum, salutis & mortis, prognosticum facit, ordine scribamus, primo oculos salutem pollicentes, & postea exitium, accurate considerabimus.

Primo itaque dicemus, oculos bonos videri, & spem salutis non exiguam polliceri, qui recte valentium magnitudine, figura, situ, colore, motu, visione, & splendore sunt similes; siquidem optimi & robusti perpetuo boni sunt indicii, hique sunt, qui florido colore (teste Gal. *in nuper citato comm.*) spectantur, pleniori mole, & splendidum humorem habent. Hos robustos ac optimos vocat Galen. propterea, quod istud fiat ex plurimo animali spiritu luminoso, qui e cerebro in oculos proficiscitur, ac e contrario infirma ex morbis corpora non sic pati, nobis indicant, neque exinde multum periculi præmonstrari. Quare boni sunt similes recte valentibus, & floridi coloris, pleni, splendidi, eminus, & ante, & in aëre sine molestia luminosum videntes, palpebras recte aperientes, & claudentes, nullo rubore, livore, aut nigrore infecti, sine lachrymis, atque sine excrementis, quæ *lemas* appellant, ipsorum angulis adhærentibus. Hi enim perpetuo boni existunt, cum caput speciatim, tum reliquum corpus recte se habere indicantes: sed ut securius ex ipsis judicetur, alia signa conspecta simul erunt consulenda, quæ si bona sint, proculdubio salutem prædicemus. Soli autem oculi non valent judicium præmonstrare, neque quicquam certi, cui tantum ad prognosticum sit fidendum, habent. Cum in aliquibus febribus continuis aliquando boni oculi appareant, cum tamen febris ad exitium inclinet; hoc tamen raro accidit, quippe oculos recte se habere, ægro ad exitium tendente. Proinde ex bonis oculis

R r

ple-

c) Lib. VI. Epidem. Sect. 4. text. 26. pag. 1181.

plerumque non levis futuræ salutis spes habetur. At non modo hi boni crediti, sed etiam aliquando mali, possunt ex accidenti tamen salutis nobis argumento esse futuræ: utique lucem refugientes, eamque ferre nequeunt, lachrymantes, intense rubri, splendidi, caliginosi, obtusi, hebetes, distorti, tumidi, cavi, clausi, si ita ex crisi futura fiant. Ab his excipio, qui ita non ex morbo redduntur, sed extrinsecus fiunt, a quibus quicquam certi habere nequimus, quos ex eo cognoscimus ita esse mutatos, quia tales statim in principio mutati appareant, qui per id temporis minime possunt critice mutari, ex quo Hipp. a) ait, triduo aut quadriduo ex morbi vi oculos malos fieri ac conspici. Externæ quoque causæ facile ab ægrotis intelliguntur. De his Gal. in 1. *prognost. com.* 2. *text.* 80. ita habet: *Igitur ex multa vini potione, nonnunquam, & vomitione vehementi, inter initia morbi, lucem refugiant, itidem lachrymant, & pervertuntur oculi, aut sublimes fiunt, aut tument, aut venulas habent rubras.* Ubi vero crisis est futura, natura quippe ac morbo invicem colluctantibus, in oculis mala isthæc concitantur symptomata; lachrymantur enim exempli gratia ipsorum alii aliquando, sanguine critice e naribus fluxuro; de quo Hipp. in *lib. 1. Epid.* b) ita habet: *Quibus in febris acutis atque adeo ardentibus spontaneæ effluunt lachrymæ, his (siquidem reliqua non sint exitialia) e naribus sanguinis eruptio expectanda; si etiam alia perniciosè non habeant: nam his, qui incommode habent, non sanguinis eruptionem, verum portendunt mortem.* Sed distingvamus lachrymas in voluntarias atque in non voluntarias, quas & spontaneas vocat; hæ cum signis criticis criticam sanguinis eruptionem indicant, & illæ quippe voluntariæ nunquam quicquam certi ad Prognosticum præmonstrant, quod Hipp. nobis expressit in *lib. 4. Aph.* 52. ita scribens: *Quicumque in febris, vel in aliis morbis, sponte lachrymantur, nihil absurdum: quod vero non sponte, absurdius, aut absurdum, uti Gal. in com. visum fuit.* Sed ne Hipp. sententia obscoretur, quod in hoc Aphor. dixerit, sponte

Lachry-
marum
disting-
ctio, &
quid in
acutis
morbis
notat.

a) Pag. 37. lin. 10.

b) Sect. 2. pag. 956.

sponte lachrymantes nihil absurdum, quod vero non sponte, absurdius: & superius in loco citato, spontaneas effluentes lachrymas, ubi non crisin, mortem significare: & in 6. *Epid. a)* *lachrymæ in acutis male habentibus spontaneæ, quidem bonæ; involuntarie defluentes, malæ;* difficultati occurreremus, dicentes spontaneas bifariam lachrymas intelligi: uno modo, ubi nullo intercedente ægrotantium desiderio defluunt, & hoc est, quod Hipp. sponte & spontaneas appellat, quæ invitis ægrotis effluunt sponte, id est, absque ægroti voluntate; altero modo sponte effluere dicimus, ubi ægrotis ita volentibus effluunt. Gal. vero in 1. *Epid. com. 1. text. 131.* Hipp. lib. comm. non dixit spontaneas, sed involuntarias, quo clarius & verius sententia & veritas explicatur. Sed sponte aliquando ad ægrotum, & aliquando ad morbum refertur. Sed, uno verbo, distingvamus lachrymas in voluntarias, & in involuntarias, quas quandoque spontaneas dixit Hipp. *b)* *com. 2. in text. 80.* quod sponte, ut dictum est, nullo ægroti intercedente desiderio, effluant; & illas non spontaneas, quæ ex ægrotis utpote fiant. Sed de his satis. Ad propositum reversi dicamus, voluntarias lachrymas quicquam momenti non habere ad futurum Prognosticum, atque ita in morbis acutis ægrotos lachrymare, ait in 4. *Aph. c)* Hipp. nihil absurdum, nullumque malum significare, & merito quidem, cum non ex morbo, sed ita volentibus ægrotis, effluant.

Involuntariæ vero, quæ invitis ægrotis exeunt, perpetuo malæ, nisi crisin portendant ac antecedant. Atque hoc est, quod Hipp. in 1. *Epid. d)* *text. 85.* de his ita scripsit, Galeno sic in comment. scribente: *Quibuscunque in acutis febribus, magis autem ardentibus, involuntariæ lachrymæ cadunt, his de naribus sanguinis profluvium expectandum est, nisi alia perniciosè habeant: in male autem habentibus non sanguinis profluvium, sed mortem significant.* Sed ut lachrymæ criticæ judicentur, necesse erit, ad hoc, ut optima sit crisis, coctionis

Lachry-
mæ vo-
luntariæ.

Lachry-
mæ in-
volunta-
riæ.

Lachry-
mæ cri-
ticæ.

Rr 2

signa

a) Sect. 1. text. 16. pag. 1165. b) Lib. 1. Epidem. Sect. 2. pag. 956.

c) Text. 52. d) Sect. 2. pag. 956.

signa fuisse antegressa: atque hæc sunt critica nullo modo in morbis damnanda.

Sanguinis fluxuri signa ex oculis,

Idem sapius demonstrant fulgoris motus oculis apparentes, obtusiones, ac rubores in oculis, quæ oculorum signa, itemque lacrymas, Gal. in lib. 3. de Crisib. cap. II. inter notas sanguinis fluxuri recensuit, ita dicens: *Propria vero signa profluvii sanguinis, quidam fulgoris motus oculis apparentes, quoniam humor est flavus; obtusiones autem, quoniam multus, & totus simul elatus ad superiora spiritus meatus obferat, ita ut & oculi lachrymentur, ob fluxus multitudinem, quod etiam accidit in inflammationibus oculorum.* Eodem modo rubidi aliquando videntur, cum malis nonnunquam & naribus. Hebetudines itidem oculorum solent aliquando eruptionem sanguinis e naribus denotare, si modo etiam caput doluerit, quod Hippoc. in 1. Progn. a) text. 32. ita habet: *Accidit his in prima circuitione e naribus fluor, atque admodum juvat, sed requirendum est, num doleat caput, an hebetudines subeant oculorum, si quid horum fuerit, eo tendet.* Non minus etiam ex perturbatione ad splendorem oculorum, una cum surditate capitis, gravitate, atque hypochondrii tensione, profluvium sanguinis significari, in Coac. præfag. b) habetur. Oculos vero rubentes illud idem significare, docuit primo Auctor Prorrh. in lib. c) 3. dicens: *Cervicis dolores, impense rubri oculi, sanguinis eruptionem ostendunt.* De quibus etiam in Coac. præfag. d) sect. 2. text. 8. ita scriptum est: *Quibus caput dolet, stupore detentis, dolorosis, prærubro oculo, sanguinem profundunt e naribus.* Sed hoc perpetuo verum erit antegressis signis coctionis, quoniam in principio, crudo quidem existente morbo, oculi rubri nunquam bonum prænunciant: sed de hoc paulo post accuratius. Aliquando etiam pervertuntur, & distorquentur ex futura crisi oculi, veluti contigit ei, qui in Dealcis horto decumbebat, de quo Hippocr. e) *Nono superriguit, febris acuta, sudavit, infrixit, deliravit, dexter oculus distor-*

a) Pag. 38. lin. 46. b) Text. 195. c) Lib. I. text. 137. d) Text. 166. e) Lib. 3. Epidem. Ægr. 3. pag. 1066.

tus erat, lingua arida, sitibundus erat, insomnis. & Galen. in comm. Nam quod deliraverit in nona, & dextro oculo strabo fuerit, res sunt, quæ solent in judiciis evenire. Clausi etiam oculi, subinde conniventes, aliquando sanguinis eruptionem significare in lib. 3. Coac. præf. f) text. 2. in hunc modum legitur: Qui in febre continua muti jacent, clausis oculis, subinde conniventibus, siquidem e naribus sanguis effluxerit, & vomuerint, atque ex eo loquantur, & ad seipsos redeant, servantur: quod si nihil horum evenierit, in difficilem spiritum redacti, brevi moriuntur. Siquidem hæc plurimum humorem in caput sublatum demonstrant, atque ubi sequitur insignis purgatio, critice servantur: natura quippe excretionem copiosa ab ea humorum multitudine sublevatur.

Quare oculi non raro vel etiam motus eorum mutati, vitiumque patientes, crisin solent antecedere, non esseque propterea hæc oculorum symptomata mala, sed critica bona denotare, quorum judicium confirmabitur, si nullum unum malum signum illuxerit, atque antea fuerint conspecta coctionis signa: quæ omnia ni una fuerint visa, nedum mala, sed plerunque perniciem significantia signa ostendunt. Tria vero criticis bonis signis observantur, primum signa coctionis antegressa, alterum mala alia signa non illuxisse, ac tertium, ægros ab aliquibus subsecutis vacationibus fuisse non parum juvatos; & hoc est, quod Hippoc. in 1. Epid. g) text. 85. de lachrymarum præsagio locutus, dixit: Lachrymas involuntarias in acutis morbis sanguinis eruptionem significare, nisi alia perniciose habeant. In male autem habentibus, non crisin, sed mortem. Sed age tempus est, ut ex oculis quoque exitium præsagiamus, cum de oculorum signis salutaribus satis scripserimus. Malum itaque & exitiosum est in acutis morbis, malos oculos spectari, cujusmodi sunt lucem refugientes, lachrymantes, rubri seu inflammati, quorum in albo venulæ intensæ rubeant, liveant, aut nigricent, feroces seu fixi, seu torpide spectantes, hebetes, delassati, debiles, seu non robusti, cavi, tumidi, prominentes, consum-

Oculi ante crisin non vero solent mutari.

Oculi quomodo exitium præsagiant in morbis.

Rr 3 ti,

ti, emarcescentes, squalidi, pulvisculosi, clausi, semiclausī si-
ve suspicientes, palpebris non conniventibus, sublimes, in-
stabiles, concreti, stupidi, minus, nimis splendentes, obscura-
ti, seu obtenebrati, splendore carentes, & in quibus pituito-
sum excrementum spectatur. Hos enim oculos perpetuo
malos, nunquam per se bonos esse, ex infra allegandis locis
patebit, ni aliquando, quatenus accidit, critice natura &
morbo colluctantibus, hos ita fieri, crisin prænuncient, in-
ter criticaque signa recenseantur, quæ quomodo distincte
cognoscantur, nuper a nobis monstratum est.

Hæc omnia oculorum signa itaque suspectum acutorum
morborum iudicium reddunt. Quorum quædam plane sunt
exitialia, utpote venulas in albo oculi lividas & nigras vi-
deri, ægrotos non videre & non audire, oculos omni splen-
dore esse destitutos, & omnia nuper dicta cum exitiali ali-
quo signo, omniumque maxime in die iudicatoria conspe-
cta, cum signis iudicatoriis non iudicantibus. Sed præsta-
bit, ut de singulis oculorum hisce signis agamus, &
primo prodamus signa oculorum præcipua ad exitium præ-
dicendum, quæ in 1. lib. Prognost. a) text. 35. Hippoc. ita est
complexus, dicens: *Si enim lucem effugiant, aut nolentes*
illachrymentur, aut pervertantur, aut alter altero fiat minor,
aut candidum rubidum habeant, aut lividas aut nigras venu-
las, aut pituita appareat circa obtutum, aut sublimes tumidi-
ve oculi, vel cavi admodum fuerint, aut obtutus squalidus, &
sine splendore, vel totius vultus color evariet. Hæc omnia ma-
la esse & exitiosa, censendum est. Addamus si non ab aliqua
causa externa hæc fuerint, utpote, neque a vigilia, neque
inedia, neque immodico alvi profluvio, neque ebrietate, ne-
que ab aliqua alia simili causa. Sed, ut dictum est, singu-
la propriis capitibus contenta accuratius consideremus, a
visione ac visu ipso incipientes. Quandoque in acutis mor-
bis fit, ut lucem refugiant, minimeque aërem lucidum oculi
intueri possint, quod signum olim in peste Patavina multis
fuit familiare, paucique peste infectorum, in quibus hoc
signum fuerit observatum, fuerunt, qui superstites evaserint.

Quod signum Hippoc. inter exitiosa recensuisse nuper vidimus. Neque immerito: cum ex Gal. oculi lucem refugiant propter debilitatem visoriæ facultatis, quæ nonnunquam affectione laborat orificiorum, veluti per lippitudines; & interdum ipsa facultas visoria affecta est, quod exitiale quoque est: hæc vero ab illa causa ex eo distinguitur, quod oculorum orificia minime affecta conspiciantur. Ægrotos vero in acutis morbis non videre, exitiosum est: Si non omniumque maxime, si debili jam existente corpore id evenideant. niat, ut Hipp. *in lib. 4. Aphor. 49.* hisce verbis expressit: *In febre non intermittente, si vel non audiat, vel non videat, jam debili existente corpore, mors proxima est.* Galen. in oculo totius lucis impedimentum, quod *Amaurosis* dicitur, signum imbecillæ facultatis esse, in 3. *Prorrh.* scriptum reliquit. Obscuraciones quoque oculorum malas esse, ex eod. Hippoc. *in lib. 6. Epidem. b)* constat; in acutis enim morbis ait Gal. *in comm.* obscurari oculorum aciem, infirmitatem & interitum visoriæ potentix significare, nisi critice id fiat, quod indicabunt coctionis signa, cæteraque alia signa, critice significantia. Ubi vero mala alia illuxerint, ac speciatim cum iudicatorio aliquo non iudicante, cujusmodi sunt omnes vacuationes nihil conferentes, aut has vacuationes obscuratio hæc oculorum fuerit secuta, exitiale est: de qua forte Auctor *Coac. præfag. c)* ita habet: *Tumores juxta aures in morbis longis pravi, si inde fluor sanguinis e naribus & tenebræ ob oculos effusæ moveantur, lethale.* Ipsos vero oculos hebetes videri, extrinsecus quippe spectantibus oculos acie hebetes apparere, interioresque mortuorum oculis similes, lethalissimum esse, Gal. *in 2. Prorrh. com. 2. text. 16.* tradidit: & hoc forte est, quod Hippoc. *in 2. Epid. d)* dicit: *Quorum oculi non sunt robusti, mors in proximo.* Veluti uxori Theodori contigit, teste Hippoc. *in lib. 7. Epid. e)* Eodem quoque modo carentes splendore, perniciales esse in primo *Prognost. f)* docuit. Excæcatos videri in morbo mortali, proximum exitium demonstrari, *Antiphonis filii suppurati ex-*
em-

b) Sect. 1. text. 16. p. 1165. c) Text. 105. d) Sect. 6. pag. 1053. E. F.
e) Text. 27. pag. 1216. f) Pag. 37. lin. 21.

Oculi
deliran-
tium
proprii.

emplum docet, de quo in lib. 7. *Epid. a) text. 26. § 27.* scriptum est: *Oculus sinister excacatus est cum tumore sine dolore, non multo autem post etiam dexter, & pupillæ valde albæ & siccæ fiebant, & mortuus est post cecitatem.* Moribundis astantes morituros cito ægrotos, ex oculis splendorem amittentibus animadvertunt, cum quo & visus prorsus perit; & hoc est quod Hipp. in 1. *Progn. b) dixit: aut obtusus, squalidus, & sine splendore.* His opponuntur oculi feroces, horridi, audaces, Hipp. in 6. *Epid. c) text. 15.* Hosque proprios esse delirantium ac phreniticorum, plerumque convulsionem accercentes, aut mortem, cum aliis malis signis, Hippoc. in loco citato expressit, dicens: *Oculi audacia, delirii signum est: & dejectio, & fractio, malum.* Et in 2. *Prorrh. d) com. 1. text. 31.* Hos in phreniticis conspectos oculos convulsionem denotare scriptum est, atque exinde mortem; cum phreniticis convulsionem succedere, esse perniciosum, alias demonstraverimus, atque exitiales phrenitides in hæc finiri convulsionem. Propterea hos ægrotos Auctor *Prorrh. in lib. 3. e) Prognost. text. 56.* magis natura quam medicamentis, si Galen. credendum est, esse tractandos, statuit, cum dicat: *Nigra vomentes, cibos fastidientes, deliros, quibus oculus ferox, claususque, purgare non oportet, perniciosum enim.* Quo exemplo plures Medicorum egregie perdocti sibi proposuerunt, ut in moribundis prorsus a similibus medicamentis abstinerent, ne ars Medica ab ipsis infamaretur. Sed ex magnitudine quoque oculorum, quo in morbis quandoque alter altero aut minor aut major appareat, exitium prænotescitur. Inter perniciofa signa Hippoc. *f) notat, oculorum alterum fieri minorem, & Galen. in comm. indicare nobis, exstingui facultatem regentem, statuit.* Non minus malum est, si majores appareant, in morbo pernicioso, qui & multitudine humorum caput gravari, & facultatem exstinctam, quod nimirum quicquam non repugnet humori ad oculos fluenti, indicat; quod signum in puero Nicolai, Hip-

Oculo-
rum inæ-
qualis
magnitu-
do mala.

a) Pag. 1217. text. 28. b) Vide sub lit. e. c) Sect. 1. text. 19. p. 1165.
d) Lib. 1. text. 88. e) Lib. 1. Prorrh. text. 71. f) Progn. p. 37. lin. 17.

Hippocrat. in 7. *Epidem.* b) text. 85. moribundo vidit, cujus sexta die dexter oculus major dum conspiceretur, septima mortuus est; quodque etiam in *Ermoptoleni uxore* c) moribunda notavit. Sed prominentes seu tumidos quoque oculos, in acutis morbis, Hippoc. d) inter signa oculorum lethalia statuit: cujusmodi apparere solent in validis capitis doloribus inflammatoriis, qui commoto multo spiritu, & calore, ex inflammatione repleti intumescunt. Sed de cavis quoque dicamus, qui, nisi ab externa causa, per triduum, aut quatrimum, si in acutis appareant, perniciem notare, Hipp. est Auctor in 1. *Prognosticorum* e) text. 15. Quos ita cavi fieri Galen. in *comm.* docuit, propter virium quidem imbecillitatem, non omnem, ad vehementem, quæ nec minimum quid alimenti oculorum abunde concoquere potest, quod explicat morbum usque adeo favum, cui naturam succumbere sit necesse: cum oculi vero emarcescant prorsus quasi alimento destituti, caloris nativi imbecillitate, qui in solis internis partibus exiguus manet, nec ad extimas usque diffundi possit, ut possit aliquid ad alimentum oculorum concoquere, quo ipsi nutriantur; addo & spiritus eadem ratione, qui paucissimi cum sint in corde ac in aliis internis membris manentes, ad ipsos quidem oculos ideo non defluere, & merito inde oculos contabescere, ficcari, caviisque conspici est necessarium: ex eo enim, quod hepatis percussus sit, statim oculos cavi evasisse Hippoc. f) vidit: & observatum est in multis ante exitium, quandoque dextrum, & quandoque sinistrum oculum emarcescere.

Ex motu quoque oculorum elucet in acutis morbis signa lethalia: oculos enim sublimes ex signis perniciosissimis Hipp. esse statuit in eodem primo progn. g) text. 15. qui sunt, teste Galeno, in *comm.* instabiles, & subinde commoti, delitium aut tremorem portendentes; alterutrumque est exitio-

b) Pag. 1234. text. 100. c) Lib. 7. *Epidem.* text. 13. pag. 1213. sub finem historiae. d) Prognost. pag. 37. lin. 20. e) Pag. 37. lin. 21. f) Lib. 7. *Epid.* text. 33. p. 1217. g) Pag. 37. lin. 20.

tiosum: sed perpetuo, ut Medici firmum iudicium exinde colligant, debent alia quoque signa, quæ illuxerunt, attentius cognoscere, quando oculis instabilibus exitiose conspectis, necesse sit, aliquod aliud lethale signum una illuxisse. Clarior vero Galen. in 2. *Prorrh. comm.* 11. explicat oculos instabiles, dicens, esse non secus, quam, qui equum instabilem habent, nunquam conquiescentes, contraque concretos & stabiles nunquam moveri, & esse immobiles. Ex quo merito de his in *Coac. præfag. b) sect. 2. text. 38.* legitur, oculos assidue nictare, esse perniciosum; non minus quam fixos, quos concretos, firmos, stabiles, immobiles vocant. Hos perpetuo esse malos, Auctor *Prorrh. i) in lib. 2.* hisce verbis: *Hebetatus oculus, vitiatusque, & concretus, immobilisque, & tenebrosus si fuerit, malum.* Sed rectius dixisset, *exitiosum*, quod perpetuo fere lethales sint in morbis acutis, ni ex critica aliqua causa tales evaserint. Gal. in *comm.* scribit, concretos oculos fieri propter moventium oculos musculorum immobilitatem, immobilitatemque eam propter omnium ipsius musculorum vel resolutionem in neutram partem, vel aliquam, quæ in neutram partem vergit, tensionem proficisci, vel propter exactam moventis musculi potentia imbecillitatem, quod sane admodum est exitiosum, si propter virium languorem hoc fiat, ac etiam convulsis musculis læso principio nervorum in morbo acutissimo, in quo convelli partes perniciosum esse alias demonstratum est: Gal. in 6. *Epidem. comm. 2. text. 2.* scribit concretos oculos, quos Hippocrat. *k)* in textu maxime damnavit, hoc est immobiles, perfectissimam ejus potentia extinctionem significare, a qua muscoli, cum naturaliter affecti erant, movebantur. Hipp. in 5. *Epidem. l) text. 47.* de *Virgine illa pulchra Nerei*, quæ a muliercula lata manu percussa obiit, scripsit, ante mortem oculum stupidum habuisse. Ex situ quoque oculorum, perversiones admodum sunt lethales, ni critice appareant, cujusmodi fuit oculus nono die in eo, *m)* qui in *Dealcis hortis* fra-

Ex situ
oculo-
rum.

b) Text. 227. *o)* Lib. 1. text. 46. *k)* Lib. 6. Epid. Sect. 1. text. 16. p. 1165. *l)* Text. 50. p. 1154. *m)* Lib. 3. Epid. p. 1066. Ægr. 3.

strabo & distortus. Hipp. 1. *Prognost. n) text. 15.* enim inter pernicioſa oculorum ſigna perverſionem recensuit. Sed tamen hoc diſtinctione opus habet, qvòd aliquando oculi (teſte Galeno, in 1. *Prognostic.*) pervertantur, muſculis ipſos moventibus convulſis; & ſæpius fit in febribus propter humorum multitudinem, qvam cum hæc perverſio oculorum tantum denotet, quicquam certi ex oculorum perverſione ſimili non poterit aſſequi. Plerumque vero pervertuntur oculi in acutis morbis, non ex hac cauſa, ſed affecto principio nervorum, quippe cerebro, eſtqve ſumme exitioſum. In febribus itaque acutis oculorum perverſiones perpetuo malæ ſunt, cum aut humorum plenitudine ſeu multitudine, qvòd minus malum eſt, aut ſiccatis muſculis, oculos moventibus, qvòd ſi ardentibus febribus, aut phreniticis eveniat, prorſus exitioſum eſt; omnium vero erit exitiaſſimum, has ita perverſiones videri cum facultatis exſtinctionis ſignis, quæ languorem virium nobis fieri innotefcent, aut aliquem ſenſum diminutum aut ſublatum.

De quibus Hippoc. perbelle in libro quarto *Aphoriſmorum* 49. dixit: *In febre non intermittente, ſi labrum, vel palpebra, vel ſupercilium, vel oculus, vel naſus pervertatur, vel non videat, vel non audiat, jam debili exiſtente, quicquid horum evenerit, mors proxima eſt.* Quæ clarius in 1. *Progn. o) text. 15.* ita habentur: *Si pervertitur, aut livida palpebra eſt, aut labrum, aut naſus cum aliquo ſigno, mortem prope eſſe, ſciendum eſt.* Quare perpetuo malum, ni critice, ut dictum eſt, appareant oculorum perverſiones, ſignificat, non tamen neceſſario lethale; qvòd videns divinus Hippocr. in 6. *Epid. p) com. text. 22.* ita ſcribit: *Quibus palpebra circumtenditur, malum eſt.* Fiet vero certum iudicium ex ſignis antegreſſis, & una conſpectis, & longe melius ex iis, quæ poſtea appareant. Sunt etiam malæ oculorum perverſiones, ſi morbo infernas ac debiles opprimente partes fiant, qvòd denotent, humorem ad partem nobilem quippe cerebrum ferri; quam

Ss 2

rem

rem forte Auctor *Prorrhēt. q) text. 49.* ita expreſſit: *Ex lumborum reuerſione oculi perverſio, mala.* Cum malis vero ſignis, lethales judicabuntur. De quibus *in eodem. libr. r) Prorrhēt.* ita habet: *In ardentibus febribus cum aliquantula perfrictione, dejectionibusque aquoſæ bilis, multisque, oculorum perverſio, ſignum malum, tum alias, tum ſi catochi ſiant.* Sed rectius exitioſum dixiſſet; cum perfrictiones in ardentibus febribus, cum evacuationibus non juvantibus, ſed lædentibus, ſive ex quibus ægroti in pejus delabuntur, quæ profeſſo ſunt ſigna judicatoria non judicantia, lethalia, juxta illud Hipp. *) & Galen. *ſi quæ juvare debent, nedum non juvant, ſed ægroti ab ipſis in pejus abeunt, lethale eſt:* ſuntque ex judicatoriis non judicantibus lethalibus. Quare ſi cum his appareant oculorum perverſiones nedum malum ſignum, ſed pernicioſum erit dicendum. De iisdem paulo poſt *Prorrhēt. s) Auctor* ita quoque habet: *In oculorum perverſione, cum febre & laſſitudine, rigor pernicioſus, Comatoſique in his male habent.* Quare oculorum perverſiones cum malis ſignis, & præſertim judicatoriis malis, lethales merito judicantur: cum lethalibus vero proximum exitium aſeſſe ſignificant. Cujusmodi fuit oculus diſtortus in altera ex abortu deſuncta ab Hipp. obſervatus; de quo *in libr. 3. Epidem. t) text. 57.* ita habet: *Quarto deliravit, metus, mæſtitia, dexter oculus erat diſtortus, ſudor ſecundum caput, paucus, frigidus, extremitates frigide, quæ in acutis morbis lethalia ſunt ſigna.* Sed ex clauſione quoque oculorum ſigna prava & exitialia perſcrutemur. Cum enim oculi in acutis clauſi maneat, neque aperiri queant, aut propter quandam humorum multitudinem, convellentem muſculos oculorum & palpebrarum, aut ſiccatis, aut reſolutis virium infirmitate muſculis: quæ ſane clauſio palpebrarum perpetuo in acuto morbo lethalis, & ſi aliquando, uti critica, non exitioſa ſit, ubi ipſam ſequatur inſignis aliqua vacuatio & bona; quod

ni

Ex oculorum clauſione.

q) Lib. 1. text. 69. r) Text. 81. *) Sparſim in ſingulis fere Hippocraticis libris, cum in genere, tum in ſpecie, hoc pronuntiatum reperitur. s) Lib. 1. text. 89. r) Pag. 1079. Ægr. 11.

ni fiat, plane erit exitialis. Quod in 3. libro Coac. præfag. u) text. 2. perbelle ita docetur: *Qui in febre continua multi jacent, clausis oculis subinde conniventibus, siquidem e naribus sanguis effluxerit & vomuerint, atque ex eo loquantur, & ad seipsos redeant, servantur; quod si nihil horum acciderit, in difficilem spiritum redacti brevi moriuntur.* Raro vero fit, ut, cum illis signis, clausi oculi critice appareant, & non nisi in robustissima facultate; proinde majori ex parte lethale est signum. Cum signis vero malis clausos oculos videri, perpetuo lethale, ut Auctor *Prorrhetic.* x) meminit, qui ait: *Nigra vomentes, cibos fastidiente, deliros, quibus oculus ferox claususque, purgare non oportere, id est, medicamentis opus non habere, & prognostico soli propterea esse relinquendos.* In his enim claudi oculorum palpebras contingit, ut Galen. in *comm.* expressit, vel propter claudentium oculos musculorum tensionem, vel propter aperientium imbecillitatem: utrumque in iis est perniciosum. Sed age addamus quoque, oculorum suspensiones, pravum ac summe exitiosum signum in acutis morbis esse. De quibus Hipp. in 1. *Prognost.* y) text. 14. ita habet: *Considerari convenit hunc in modum suspensiones etiam oculorum per somnum, si quid enim candidæ partis subapparet non commissis palpebris, nec alvi fluor, aut medicamentum in causa est, aut nec ita dormire consuevit, vitiosum judicium exitialeque admodum est.* Hoc signum visum fuit in *Guadagnina olim carissima mea uxore*, antequam moreretur, quod fuit exitiosum, tametsi per sanitatis tempus consueverit aliquando ita dormire, sed una alia signa exitialia fuere, quippe comata, extremorum frigiditates, inquietudines, carentia sitis cum lingua scabra & nigra. Quare in morbis acutis perpetuo erit timendum, quod & Auctor *Coac. præfag.* z) text. 28. ita indicavit: *Et extremitatum palpebrarum curvitas, & oculi fixi & assidue nictare, & colores permutare, & palpebras inter dormiendum non committere, perniciosum est.* Ex calore quoque oculorum mala signa erunt.

Ex oculorum suspensionibus.

Ex oculorum calore.

Ss 3

Al-

u) Text. 77. x) Lib. I. text. 71. y) Pag. 37. lin. 24. &c.
z) Text. 218.

Album oculi rubrum spectari, ni critice sanguinis eruptionis sit signum, quod superiori capite, quibus notis distinguatur, dictum est, exitiale est. Ubi itaque minime criticum est signum, in acutis oculos rubros videri, perpetuo malum. Quod signum Hipp. *in Prognosticis* a) recensuit inter signa pernicioſa, quoniam vel ex copia sanguinis fiat, quæ in cerebro & in membranulis stagnet, ut Gal. *in comm.* docet, aut inflammationem insignem cerebri & membranarum, quæ in continuis febribus perpetuo sunt pernicioſa, non minusque, si una cum malis signis, in diebus judicatoriis, aut quomodocunque appareant, omniumque maxime in phreniticis sævis. De quo signo Auctor *Coac. præſag. b)* ita habet: *Qui morbi succuſſionem aut pulſationem inferunt capiti, & prærubros oculos habent, deliriumque movent manifestum, pernicioſi.* A ſingultu quoque, & vomitu, timendum eſſe hoc signum *in lib. 7. Aphor. 3.* ſtatuit; quod, teſte Galeno, rubor oculorum vel cerebrum, vel ventriculum pati non mediocrem inflammationem, explicet. Utrumque in febribus continuis exitioſum apertiffime Galen. *in 3. lib. Prorrh.* ſcribit: *In febribus continuis oculorum ruborem accedentem aut copiam ſanguinis oſtendere in capite, ex qua oculi rubescunt, veluti in lippitudinibus, quæ ex eo diſcernitur, quod cerebro inflammato venulæ tantum, quæ in albo oculi ſunt, rubræ apparent, & ventriculo una quoque ſingultus aut vomitus appareat.* Ex quo merito Hipp. *in primo Prognost. c)* text. 15. non dixit ſimpliciter ruborem oculorum, ſed venulas in candido oculi rubras apparentes, perniciem demonſtrare. Omnium vero maxime erit pernicioſum ſignum, ut ſcribit Hipp. *in loco citato, d)* venulas has aut lividas aut nigras ſpectari: nam, Gal. ita interpretante, lividæ apparent, & nigreſcunt venulæ oculorum refrigeratæ; refrigerantur exſtincto calore nativo. Addamus, ut finem præſenti capiti imponamus, ex iis etiam, quæ in oculis apparent, excrementis, poſſe exitium judicari. In acutis lachry-

a) Pag. 37. lin. 18. b) Text. 163. c) Pag. 37. lin. 18. d) Ibid. lin. 19.

chrymas involuntarias inter exitiola signa recenset Hippo-
 crat., a) quarum quidem causam Gal. refert, aut ad aliquam
 lippitudinem; aut fluxionem ex capite in oculos; sed in
 acutis febribus hoc fieri propter facultatis retentoriæ debi-
 litatem, quod summe est perniciosum. Ubi itaque invo-
 luntarie profluunt lachrymæ in acutis morbis, neque signa
 crisis futuræ per sanguinem, præsertim excretionem e na-
 ribus, mortem certo exspectandam, Hippoc. in 1. Epidem. b)
 tradidit. Pituitam quoque in oculis conspectam notat in-
 ter signa perniciofa. c) Gal. vero in comm. text. 2. 80. tam-
 etsi aliquando hic humor, seu excrementum, in oculis
 spectetur ex aliqua fluxione, ut aliquando in lippitudinibus
 fit, tamen in acutis morbis propter imbecillitatem regentis
 oculum facultatis naturalis, quæ impos oculorum conco-
 quere alimentum nequit. Aliquando in oculis apparet
 quoddam simile excrementum ficcum arefactumque, quod
 Auctor *Prorrhetic. in 1. Prorrh. text. 17.* scripsit, signum esse
 phrenitidis; Galenusque in comm. docet, conspici quando-
 que in tabescentibus, quod ex calore nimio colliquetur id
 omne carnosum, quod cum in facie, tum in temporibus,
 factis una & cavis admodum oculis; in phreniticis vero
 hujusmodi resiccatum & pulvisculosum absque cavitate
 videri. Ex qua re merito Hipp. in 6. Epid. d) mala oculo-
 rum signa recensens, ait: *Malum est autem & increfcens vel-*
uti spuma, quod Galen. in comm. 1. text. 23. interprete, fit in
 morbis acutis, cum summe aridi sunt, & vires imbecillæ,
 præexiguus lachrymulis ab oculis excidentibus; deinde
 ubi in arefcentibus imbecillitate retentricis lachrymulæ in
 oculos excidentes, ab intenso calore cerebri inflammati re-
 ficcata, in pulvisculosa excrementa, quæ Lemas Græci ap-
 pellant, hisce de causis signa exitialia, mutantur. Sed tem-
 pus est, ut relictis oculis ad alias partes spectandas decli-
 nemus.

CAP.

a) Prognost. p. 37. lin. 16. & Epidem. lib. 1. Sect. 2. p. 956. b) Sect. 2.
 p. 956. c) Lib. Progn. p. 37. lin. 19. d) Sect. 1. text. 16. p. 1165.

CAP. VIII.

De prædictione ex genis, auribus, naso, labiis, atque dentibus.

Quomodo hæ partes mutantur.

Maxillarum seu genarum mutatio quid in morbis notat. Ruber color.

Cum genarum, aurium, nasi, labiorum, atque dentium observatio quandoque non parum in ægrotis præsagium illustret, merito paucis quoque de ipsis agendum duxi. At quoniam hæ partes non, nisi a suo statu naturali mutatae, nobis ad prædictionem usu veniunt, idcirco has mutatas considerabimus. Quamquam non negandum sit, has nullo modo a suo statu mutatas, bonum quippiam significare; tamen nunquam certi quicquam ad præsagium habebunt: multi enim moriuntur, hisce partibus parum mutatis a naturali suo statu. Mutatae vero multum faciunt ad illustrandum præsagium in ægrotis. Mutantur vero aut colore, aut figura, aut denique magnitudine; colore inquam, ubi hæ partes aut rubrae, aut lividae, an nigrae apparent: rubras videri quandoque capitis inflammationem, quandoque criticam fluxionem denotat, quod iudicium distinguunt propria utriusque signa. Livescere partes has, atque nigrescere, perpetuo malum, quod caloris aut extinctionem, aut suffocationem, aut summam putredinem nobis denotent. Mutatae vero figura, magnitudine, quippe cum maxime aut extenuantur, convelluntur, plurimum ad prædictionem faciunt. Sed de singulis nunc accuratius agamus, a maxillis exordientes. Diximus maxillas, seu genas, plerumque rubras videri, aliquando liventes & nigrescentes. Rubrae significant aut inflammationem internam vel capitis, vel pulmonum, vel pleurae, costas cingentis membranae; aut crisin futuram; aut pus fieri in pulmonibus: quæ capitis inflammationem ostendunt (quarum iudicium cetera alia signa pathognomonica aperient) solæ non sunt, ita ut non solum genæ rubrae, sed aliæ faciei partes una rubore suffundantur: addatis propria capitis inflammati signa adesse, quippe dolorem, calorem, & reliqua, uti in *anginosa, quæ apud Metonem*. De qua in 7. *Epid. a) text.* 19. scripsit: *Quarta convulsa, sine voce, stertor, dentium contritio, maxilla-*

rum rubor, mortua est quinta die. Peripneumonicorum vero, & pleuriticorum maxillas rubras proprium esse signum, ex Galeno colligitur, qui in lib. 2. *Prognost. text. 11.* dixit: *Has & propter calorem in pulmone & propter tussim acrem rubescere, hæc enim ambo calefaciunt vultum, & totum caput, quia ex defluxione in pulmones decumbente vapores in ipsum ferantur.* Quare neque hæc quicquam certi ad prædictionem afferre possunt: non minusque & quæ in suppuratis apparent; plerumque enim fit, ut in pulmone suppurationem futuram decernant, cujus judicium pendebit a propriis signis: sed quoniam pauci sunt suppuratorum, qui servantur, plures enim phthifici pereunt, ideo maxillæ hac de causa minantur suppurationem, phthisin, & exitium. Sed ipsarum colorem ^{Quomo-} exinde fieri distinguunt suppuratorum propria signa, quæ, ut ^{do in} Hipp. docet in 2. *Prognost. **) *text. 61.* sunt, *si principio febris* ^{suppura-} *non demittat, sed interdum tenuior, noctu vehementior sit; si* ^{tis co-} *copia sudoris eliciatur, ac tussendi adsit cupiditas, nec quic-* ^{gnosci-} *tur.* ^{tur.} *quam tamen dignum commendatione exspuant; si oculi cavi reddantur, maxillæ vero ruborem contrahunt, ungues manuum curvantur, digiti vero potissimum summi incalescunt, atque in pedibus tumores consistunt, neque cibum appetunt, & pustulæ circa corpus erumpunt.* Cujusmodi fuisse uxorem Polycratis primum peripneumonicam, a) & Metonem pleuriticum, scripsit Hippoc. in lib. 7. *Epid. b)* de quo ita habet: *Apprehendebant autem quandoque illum calores tenues, exiguum tempus, sudores exigui fiebant ad noctem, spiritus in febre densus, maxillarum rubor, circa latus gravitas, & sub axillam, & ad humeros, tusses tenebant.* Eos vero suppuratorum, qui servantur, ait Hipp. in 2. *Progn. c)* *a febre subito liberari, puris optimi, non bile permisti, multam copiam neque difficulter exspuere, cibumque appetere & rectius spirare, & reliqua: postremo di-* ^{Quando} *ximus maxillas rubras reddi, non raro sanguine e naribus cri-* ^{crisin} *tice erupturo, qui color non tantum maxillas, sed totam fere* ^{notat.} *faciem, nasumque præsertim, occupabit; cujusmodi colo-*

T t

rem

*) Pag. 42. lin. 25. & seq. a) Epidem. lib. VII. pag. 1211. text. 9.

b) Pag. 1234. text. 101. c) Pag. 42. lin. 45. & seq.

rem Galen. vidit in *juvene Romano*, febricitante paululum, antequam sangvis e naribus erumperet, ut ex libro de *Præf. ad Posthum.* constat. Ubi vero futura sit crisis vel per sanguinem, vel per sudorem, alia quoque critica signa apparebunt, quorum præcipua signa sunt in excrementis concoctio apparens, morbi tempus, quod statum & vigorem vocant febris, aucta graviæque symptomata, vel de novo oborta, vel plurimum aucta. Cujusmodi fuerunt observata in *Teoclis cognata*, de qua Hipp. in eod. lib. 7. *Epid.* *) text. 27. ita habet: *Teoclis cognata, quæ superius habitabat, sub Pleiades febris acuta: sexta videbatur cessasse: lavit veluti sedata febre. Septima mane maxilla valde rubicunda, utra non memini. Vespero febris venit multa: Lypothymia & aphonia erat: non longe vero postea sudor, & quies*

Lividus
vel niger

cessante morbo septima die. Maxillæ itidem apparent aliquando lividæ & nonnunquam nigrescentes, quæ si cum malis signis illuxerint morbo, mortem prænunciant; nam hæ caloris extinctionem denotant. Sed de his coloribus superius satis

Aures
quid ad
præfagi-
um in
morbis
faciunt.

accurate egimus. Nunc de auribus agamus, quæ & ipsæ aut colore livido in morbis exitiosis apparent, aut contractæ, aut frigidæ, aut cum pure, aut dolore acuto, aut tinnitu, quæ itidem multum ad prædictionem faciunt. Lividæ & nigræ spectantur in acutis morbis, calore nativo extincto aut suffocato: frigidæ & contractæ in acutis sunt lethales, Hipp. in 1. *Progn.* a) text. 7. scribente. Dolores in auri-

Lividæ &
nigræ.

bus acutos non carere periculo docuit Hipp. in 3. *Progn.* b) dicens: *Aurium dolor acutus cum febre continua ac vehementi difficilis est, periculum enim delirii abolitionisque imminet.* Sed

Aurium
dolores
acuti
quid.

tamet si hujusmodi dolores non perpetuo observatum sit difficillimos morbos præmonstrasse, ut pauci sint, qui ab ipsis evadunt; perpetuo tamen cum febre continua & acuta perniciosi esse solent, ob inflammationem ratione visceris nobilioris malignam: plures vidi ita affectos periisse, & speciatim *Guadagninam meam dilectissimam uxorem*; in ipsa enim, ardenti febre maligna vexata, principio hujusmodi dolor acutissimus apparuit: sed ad rem nostram. Dolor itaque

*) Text. 26. p. 1216. a) P. 36. lin. 32. b) P. 44. lin. 45.

itaque cum *Hippoc.* aurium acutus in acuto morbo perpetuo difficilem morbum ostendet. Sed tamen non raro fit, ut aures suppurentur, ab ipsisque decretorie effluat pus, atque ægroti dolore liberentur. Cujusmodi fuit *Emyris filius*, ut scribit *Hipp. in 4. lib. Epid.* *) qui critice pure erumpente septima die fuit judicatus. Sonus quoque aurium in iisdem morbis magni momenti esse solet ad præsagium indagandum, sed cum de hoc symptomate alias scripserimus, pauca attingemus: hocque præsertim, scilicet in acutis febribus, principio tinnitum ægrotos sentire, pravum signum esse, quod aut cerebri inflammationem, aut futurum delirium ostendat, vel bilem, quæ per venas fertur, in ipsis exstare, ex qua concitati spiritus ad caput transmittuntur. In statu vero, conspectis signis coctionis, critice sæpe hujusmodi symptoma apparere solet. De quo signo legitur in *lib. 4. Coac. præsag.* †) *text. 18.* *In ardentibus superveniens sonus aurium cum hallucinatione oculorum & narium gravitate, hi insaniunt, nisi sanguis e naribus fluxerit.* De palpebris, naso, labiis, *Hippoc. in 1. Prognost. a) text. 15.* ita habet: *Si pervertitur, aut livida palpebra est, aut labium, aut nasus cum aliquo alio signo, mortem prope esse sciendum est.* Et merito sane dixit cum aliquo alio signo, utpote pernicioso, cujusmodi est, quod alibi expressit, ut non videant, aut audiant ægroti, jam scimus exitium in foribus esse. Hoc idem *Hipp. in 4. Aph. 49.* ita expressit: *In febre non intermitte, si labium, vel oculus, vel nasus, vel supercilium pervertatur, quicquid horum fiat, mors proxima est.* Quandoque labium tremulum criticum præcedere crisin per vomitum, *Gal. in 3. de Cris. cap. 1.* docuit. Veluti in *Charione b)* fuit observatum, & *Hipp. in 6. Epid. com. 8. c) text. 36.* ex *Valesii* divisione, scripsit: *labia in tertianis febribus critice ulcerari*, quod signum criticum omnibus, vel etiam ignaris mulierculis, notum est. Neque *Avicenna*, neque alii *Arabes* ignorarunt. Sæpe vero fit, ut critice hæ partes convellantur, quippe crisi proxime

T t 2

xime

*) Pag. 1138. text. 40. †) Text. 131. a) Pag. 37. lin. 29. & seq.

b) Epid. lib. 3. p. 1072. Ægr. 5. c) Text. 41. p. 1201.

Dentium
convul-
sio vel
stridor
exitialis.

xime futura, quod critica signa prope præmonstrabunt. Dentium vero convulsionem exitialem esse cum Hippocr. tradidit in *Prorrh. d)* tum ego sæpius in praxi vidi: Hipp. in 1. *Prognost. e)* text. 21. de his ita habet: *Si quis strideat dentibus, non consuetus a pueritia ita efficere, insania significatur, ac mors, sed in utrisque futurum prædicere periculum, necesse est. Si vero mente commotus ita efficiat, admodum exitiosum jam est: & Galen. in comment. Stridere dentibus, quibus ab initio non erat consuetum, futuri delirii accidens est: si vero abeundo interdum agrum offendas, utrumque perpeti, delirare & stridere dentibus, hunc jam esse prope mortem arbitrare. Idem fere in lib. 2. *Prorrhet. f)* text. 13. ait: Dentium stridorem, quibus non est sanitatis tempore assuetus, experiri, perniciosum. Cujusmodi vidit in anginosa, quæ apud Metronem habitabat, quæ per diem, antequam moreretur, [ut refert Hippoc. g)] dentium habuit contritionem, & cum exitialibus signis. Itaque dentium stridores perpetuo in acutis morbis exitiales sunt, quod fiunt læso nervorum principio, aut temporum, maxillarumque musculis ab igneo calore immoderate ficcatis, ac exinde convulsis, quas convulsiones esse insanabiles alias a nobis fuit demonstratum: sed aliquando contractum labiorum alvi biliosam eruptionem significare, in 2. *Coac. præfag. h)* legitur, & Gal. in 3. *de Crisibus*, labium tremulum inferius crisin per vomitum. Sed nunc ad linguam descendamus, quæ in morbis acutis ad præfagium assequendum utilissime a Medicis observatur.*

C A P. IX.

De prædictione ex linguæ observatione.

Lingua
quan-
tum ad
præfagi-
um facit.

Linguæ inspectio in acutis morbis ita utiliter observatur, ut non parvam in quibusdam ægotis partem præfagii habeat. Hippoc. in 6. *Epid. com. 5. i)* text. 14. scribit: linguam variis coloribus varios humores exsuperantes ostendere. Quod hisce verbis explicavit: *lingua lotium signat.*

Lingue

d) Lib. I. text. 48. e) Pag. 37. lin. 52. & seq. f) Lib. I. text. 48. g) Lib. VII. *Epid.* text. 20. p. 1215. h) Text, 240. i) Text, 13. & 15. pag. 1185.

Linguae virides biliosæ: Biliosæ autem a pingui, rubræ vero a sanguine, nigræ ab atra bile, aride a fuliginosa exustione, & ab uterino membro, albæ vero a pituita. Ex quibus sane facile est, humores noxios prævalentes dignosci, quippe quod quisque color, quo lingua infecta conspicitur, humorem denotet particularem. Sed distinguendum erit, an lingua huiusmodi mutationem ex vapore aut humore obtinuerit, aut ex potu, aut cibo, aut medicamento, aut ex destillatione e capite, cum ipsa totis iis causis immutatur: idcirco necesse erit, ut dignoscatur a nulla prædictarum causarum, sed tantum a vapore aut humore e venis, & arteriis, in linguam sublatis; facilius enim ipsa iis tingitur, quod habeat substantiam flaccidam, laxam, mollem cum amplitudine venarum. De qua re Gal. in nuper citato ita habet: *Et enim grandioribus venis prædita lingua, & inani substantia spongiam referens, aliis duris densisque particulis paratior est, ut serosos intra se humores admittat, ab illisque colores instar lanarum suscipiat.* Sed, his præmissis, linguæ præsagium attingamus. In omnibus acutis morbis lingua, bene valenti similis, optima est, dummodo non ex aliqua externarum causarum, quippe a potu, cibo, medicamento, aut ex destillatione ex capite, fiat. Hæc in temperatis corporibus erit, quo colore subrubra, mollis, proportionata magnitudine, quæque nullo, & ad gustum, & ad loquelam, vitio tenetur. In acutis itaque morbis, ac maxime in febribus ardentibus, & synochis, linguam ita videri, est bonum; color enim ipsius subru-
Linguae color subru-ber quid notat.
 ber si apparet, significat humorem noxium ac morbificum neque plurimum esse, neque admodum putridum ac accensum, quo ita affecto, lingua necessario fit aut flava, aut crocea, aut nigra, aut admodum rubra; quando, ut ex Hippocrate dictum est, necesse sit, humorum in corpore exsuperantium biliosorum, aut adustorum, aut pituitosorum, linguam ipsorum vaporibus infici, ac tingi. Mol-
Lingua mollis quid notat.
 lis itidem non ex cibo, potu, aut medicamento, aut destillatione capitis conspecta, interius viscera multum calorem non occupare denotat, ut propterea ægroti, propter hanc

causam, neque multum sitiant. Ex pituitosa vero e capite ad fauces destillatione cognoscitur ac distinguitur propriis signis, quorum est præcipuum si ægroti plurimum dormiant, plurimumque interius sentiant calorem. Hæc enim destillatio, irrigans fauces & linguam, facit, ut nedum lingua minime exarescat, sed vel etiam sitim ipsius demulceat. Hinc Hippoc. *a)* dicebat, tussientes non valde sitire, ac propter hanc causam expedite quoque ægroti loquuntur. Atque hæc est lingua non mala in acutis morbis. Aliquando mutata a suo statu naturali solet etiam boni iudicii esse indicium, nimirum critice, ubi in periculosis anginis, humore ad fauces & ad ipsam linguam transmissio, admodum inflammata, & mole aucta apparet; itidem quandoque convulsa & tremula hoc modo apparet; sed ea est propriis signis criticis iudicanda, quæ præcessisse est necesse; atque hæc de bona lingua, nunc de mala. Quæ est, quovis modo mutata ac vitiosa, aut colore, aut magnitudine, aut substantia: colore quidem mala, in acutis morbis, est alba, crassa, cænosa, quam vidi in quadam febrium Epidemicarum, olim *Genuæ in Lyguria* grassatarum, constitutione, quæ nobis fuerat argumento, in his corporibus multitudinem pituitosorum crassorumque humorum prævaluisse, atque magnum quoque viscerum calorem adfuisse. Sed tamen hæc in iis quicquam certi de salute & interitu non denotabat. Quare hæc tametsi bona non sit, quod morbos ex multa copia pituitosorum & crassorum humorum, biliosis mistorum, & putridorum, tantum foveri explicet; tamen ex hac ipsa, nisi conjunxerimus alia prava symptomata, minime mortem prædicemus. Sequitur flava, quam viridem Hippoc. vocat. Hæc multitudinem bilis, ac ab hoc ipso humore putrefacto morbum profectum significat, illumque periculosiorem. Hæc nigra est periculosior, quæ adusti sanguinis copiam, ceteris humoribus, ut a natura corrigatur, difficiliorem, præmonstret. Hæc ignearum seu ardentium febrium cum summo squalore est propria, perpetuoque non parum timenda, omniumque maxime, si

Lingua
quænam
mala.

Cænosa.

Flava
vel viri-
dis.

Nigra,

una adfuerint signa alia pernicioſa. Solet itidem ardentēſ peſtilentēſ detegere. Ex quo, ut dictum eſt, propria acutorum morborum eſſe merito videtur, quod perbelle in *Coac. præſag. a) ſect. 2. text. 20.* ita habetur: *Quæ vero valde nigreſcit, iudicium fieri in quatuordecim diebus indicat.* Subdidit *Nigra & pallida.* *periculoſiſſimam eſſe nigram & pallidam,* forte eam, quæ ex pallida nigreſcat: & merito ſane, cum in jecore incendium augeri nobis ſit indicium; quippe, cum prius bilis, ſanguinis loco, progenita eſſet, ex qua ad flavum lingua tinge-
batur, poſtea aucta inflammatione, aduri ſanguinem, atrumque evadere, qui eſt omnium deterrimus. Tertio nigram *Nigra cum tremore.* quoque cum tremore, ſeu tremulam, ut poſtea quoque docebimus, damnat Auctor *Coac. b) præſ.* ita dicens: *Tremula lingue quibusdam album liquidam reddunt. Nigro vero in iis factò colore, mortem denunciant.* Lividi coloris lingua *Livida.* omnium maxime eſt lethaliſ, quod fiat in ipſa lividus color, vel ex mutatione a flavo aut rubro in nigrum, propter ingentem viſceris alicujus inflammationem, & caloriſ extranei abundantiam, cum defectu innati, vel exſtinctione caloriſ nativi. Hanc declarant reliqua ſigna, facultatem exſtingui demonſtrantia, quæ alias ſcripſimus. Rubram quoque ſæpius in anginoſis affectibus & peripneumoniciſ peſſimam eſſe, Medici obſervant. Sed hujus malitiam augent & confirmant pernicialia alia ſigna. Cujusmodi fuiſſe linguam illius *anginoſæ,* quæ apud *Ariſtionem* agebat, quæ quinta die obiit, ut meminit Hipp. in libro 3. *Epid. c) text. 18.* & filii *Baliſ,* de quo itidem ipſe in libro ſeptimo *d)* ſcripſit, qui obiit die nona. Mole aucta lingua in anginiſ aliquando ita viſa eſt, ut vix ore poſſit contineri; ſed plures, recte curati, ſanitati fuere reſtituti, non pauci ſuffocati. *Mole aucta.* E contratio multis uſque adeo imminutæ linguæ, præ nimio calore, humido omni fere exhausto, (quod eſt ſignum intenſiſſimi caloriſ, morbi que maxime timendi:) apparent; ſed ad rectum iudicium faciendum alia ſigna erunt conſulenda. Sed magna & nigra lethaliſ eſt: quod exſtinctum *Magna & iri nigra lethaliſ.*

a) Text. 229. b) Text. 233. c) P. 1075. Ægr. 7. d) Text. 19. p. 1215.

iri innatum calorem significet; qualem habuit *jūvenis*, quæ vigesimum ætatis annum agebat, & a pharmaco corruptorio, ut refert Hipp. *in lib. 7. Epid. *) text. 37.* quarto die periit. Quod ad substantiam linguæ attinet, quædam admodum molles sunt, combibita multa humiditate: quædam admodum siccæ, asperæ, inæquales, horridæ, scissæ, ulceratæ; quædam cum parvis tumoribus; quædam harum calidæ; quædam frigidæ tactui apparent; quædam cum portione siti respondente; quædam sine siti. Siccantur & arescunt linguæ in omnibus febribus, sed omnium maxime in ardentibus, ac non minus phreniticis: propria videtur sicca & aspera ardentium febrium, ut Gal. *in 1. Prorrh. text. 3.* monuit; quæ fit calore febris vehementer sicca, immoderateque caloris est nota: hæ linguæ primum siccæ, & aridæ fiunt, mox inæquales, duræ & horridæ, & demum immoderate siccitate scinduntur & ulcerantur; non secus quam terra, nimis siccata a sole, rimis ac fissuris sæpius scindatur immoderate siccitate: duræ & horridæ pessimæ sunt, phreniticorumque propriæ, cum propter proximam inflammationem lingua maxime siccetur. Hinc Auctor *Prorrheticorum a)* linguas densas, seu duras & aridas, phreniticas appellavit. De his *in Coacis præsagiis b)* ita legitur: *Lingua, quæ in principio quidem inhorruit, in colore vero permanet, progressu autem temporis exasperatur, livescit & rumpitur, lethalis est.* Ceterum ex aridis lingvis quicquam recte, nisi aliorum quoque signorum judicium adjunxerimus, de præsagio non habetur, cum ex non sint sufficiens signum ad mortem prædicendam; plures enim, qui tales linguas habuerunt, gravi morbo etiam conflictati, convaluerunt. Cujusmodi fuit, quam in *muliere trimestri fœtu gravida, c)* in *litore habitante, & in virgine Larissæ, d)* & in aliis Hipp. vidit.

Hæ

*) Text. 83. p. 1229. quanquam hoc loco de *Tesmi conjuge* isthæ prædicentur; haud tamen alium casum hic ab Autore nostro innui patebit legenti subnexas Foesy Adnotat. & Epid. Lib. V. text. 53. p. 1155.
 a) Lib. 1. text. 3. b) Text. 229. c) Epid. lib. 1. Ægr. 13. pag. 990.
 d) Epidem. lib. 3. Ægr. 12. pag. 1110.

Hæ si nigræ quoque sint, perniciales magis; sed ut dictum Nigra: est, debemus quoque, ex iis ut exitium prænoscat, alia pernicialia signa una observare, quæ in uxore Dromeudai, e) & in illo, qui calefscens cœnavit & potavit largius, f) Hermocrate g) & in aliis multis Hipp. una cum lingua nigra vidit. In anginis quoque ita præliccatæ, pessimæ sunt, quod inflammationem internam maximam denotent, qua omnes suffocantur: qualem vidit Hipp. in illa *anginosa*, h) quæ apud Aristionem agebat, quinta die mortua. Hæ quoque fissæ atque ulceratæ apparentes argumento sunt, malignioris inflammationis, ac efficacioris. Ego in multis, malignis febribus vexatis, squalore obsitas, scissasque, ac pustulis refertas vidi linguas, quæ non omnes perierunt. Rhasis in libro decimo cap. 31. ad Regem almans scribit nihilominus: Cum lingue apparuerint pustula, ciceribus magnitudine æquales, fuerique febris vehemens & acuta, æger in principio sequentis diei morietur. Quare aridæ, duræ, adustæque, & maxime nigræ, si cum aliis signis malis appareant, exitium præsagiunt, omniumque certissime, ubi, linguis ita arefcentibus, asperisque existentibus, ægroti non sitiunt. Hoc enim in ardentibus febribus esse signum perniciosissimum, in superiori libro satis a nobis est explicatum: hoc quidem apparens signum, nota est aut delirii, aut extinctæ facultatis, ut Galenus in primo Epidemiorum tradidit. Ubi itaque lingua adusta & sicca sine siti apparuerit, proculdubio aut delirium, aut mortem, prædicemus: mortem si una alia fuerint pernicialia signa, qualia in eo, qui calefscens cœnavit, & in Hermocrate moribundis Hipp. vidit. De illo quidem in primo Epid. com. 3. i) text. 29. ita habet: Quidam calefscens cœnavit & potavit largius, vomuit cuncta nocte, febris acuta. Hypochondrii dextri dolor, submollis in partibus internis inflammatio: noctem moleste transigit, urinae ab initio rubræ, crassæ, depositæ non subsidebant, lingua

Præliccata.

Fissa & ulcerata.

Adusta & sicca sine siti.

e) Epidem. lib. I. Ægrot. II. pag. 987.

f) Ibid. Ægrot. 12. pag. 988.

g) Epidem. lib. 3. Ægrot. 2. p. 1062.

h) Ibid. Ægrot. 7. pag. 1075.

i) Ægrot. 12. pag. 988.

gua præarida: non valde erat sitibundus. Et de Hermocrate b) cum primum dixisset, habuisse initio linguam adustam, fuisse surdum, vigilem, non admodum sitibundum, cum urinis crassis & turbidis, postea addidit: *Die 20. est judicatus a febre liber, non sudavit, perpetuo a cibo abhorrebat, omnino mente constabat, loqui non valebat, lingua inaruit, non sitiebat, obdormiscebat, aliquantisper comatosus. Circa diem vigesimum quintum incaluit, alvus lubrica, cum fluxione tenui & multa, proximis diebus acuta febris, lingua combusta est, vigesimo septimo defunctus.* Hujus ægroti linguam adustam sine siti, unum fuisse ex iis, quæ extinguere facultatem indicant, multa una visa symptomata certo affirmarunt, quippe non sitire, a cibo perpetuo abhorruisse, & reliqua. Quare lingua adusta, absque siti, in acuto morbo, uti dictum est, vel delirans, vel moribundum corpus præfigit. Sed caute tamen ex his duobus signis erit prælagiendum, quando, ut in principio hujus capituli docuimus, sæpe lingua exarescat, ac adusta videatur, ægrotique non sitiunt, atque neque hos delirare, neque extinguere facultatem observemus. Hoc fit ex humoris pituitosi e capite distillatione, irrigante fauces, sitimque comepescente. At hoc cognoscimus ex hac causa fieri, vel eo quod tota lingua in his non arescat; nam ubi in ardente febre destillat humor pituitosus, linguæ non tota substantia arescit, sed pars juxta radicem tantum, atque cito humore abluta lingua emollescit. Addatis hos non vigiles esse, sed somno uti convenienti, quod partes corporis superiores plurimum humiditatis habeant. In quibusdam vero apertissime destillatio ad fauces dignoscitur ex crebra, qua coguntur uti, excreatione, humore multo descendente e capite. Quare ubi, non destillante e capite humore, lingua in ardente febre, sicca, aspera, atque adusta sine siti appareat, aut delirium, aut extinguere facultatem, prædicandum erit. Addamus aridam linguam quandoque calidam, quandoque tactui frigidam apparere; hanc exitialem esse, quod non nisi in magnis inflammationibus, con-

Arida
quando-
que cali-
da quan-

tracto

b) Lib. 3. Epidem. Ægrot. 2. pag. 1062.

tracto intus calido innato atqve humido, propter penuriam
 & extinctionem nativi : calida tactui aspera qve apparens, ^{doque}
 non ita est periculosa, sed in principio periculosior, qualis ^{tactui}
 in *Hermocrate* c) in principio fuit ab Hippocrate observata. ^{frigida}
 Tremulæ, seu trementes, qvoqve in acutis morbis apparent, ^{apparet.}
 quæ, si intensissimam siccitatem secutæ sint, prorsus exitia- ^{Tremu-}
 les erunt: nam ea ratione, quippe propter siccam ex igneo ^{la.}
 affectu intemperiem, animali facultate debilitata, linguas
 tremulas reddi, Galen. in *primo Prorrheticorum* docuit. In
 phreniticisqve exitiosis hoc symptoma apparere solet. Hinc
 Auctor *Prorrheticorum* in 1. lib. d) dixit: *Linguas obtreme-*
scantes, signum esse non constantis mentis. Ex phrenitide quip- ^{Convul-}
 pe cerebro patiente, calida qve existente affectione, lingua ^{sa.}
 quiescere non potest. Eadem ratione convelluntur linguæ,
 ex quo ægroti balbutiunt, neqve recte loqui possunt sæpe
 ante mortem: & hæc duo symptomata, linguam scilicet
 tremulam & convulsam, in perniciali phrenitide Medici de-
 prehendent familiarius. De quibus Galen. in *primo Pror-*
rheticorum text. 19. ita habet: *Tremor igitur linguæ accidit,*
debilitata propter siccam prædictæ affectionis intemperiem ani-
mi facultate. Convulsiones vero siccitatem musculorum
 ipsius, una cum capite affectorum, consequuntur; sicut &
 vox obtremiscit propter infirmitatem, quæ ab humorum
 contracta est intemperie: prædicta autem hæc omnia sym-
 ptomata, quæ ob siccitatis capitis intensiorem fiunt, mentis
 motionem fieri qvoqve indicant. Universis autem muscu-
 lis induratis, linguam tremulam & balbutientem fieri, est ^{Tremu-}
 perniciosius, quippe propter immoderatam eam, quæ in ce- ^{la & con-}
 rebro facta est, siccitatem. At ne nostrum nos fallat præ- ^{vulsa}
 sagium, distinguendæ sunt causæ linguæ trementis & con- ^{quando}
 vulsæ; siquidem veluti dictum est, si fiant immoderate sic- ^{non exi-}
 catis musculis, ipsorumque capitibus ac nervis, exitiale ^{tialis.}
 profecto erit; & si in iisdem nervosis partibus, humore
 aliquo repletis, lingua tremat, & convellatur, non exitio-
 sum: ex qua causa tremunt, & convelluntur non raro lin-
 gua

U u 2

guæ in principiis morborum, propter humorum multitudinem; ut *Pythiori* contigisse scripsit Hipp. e) & quando crisis aliqua sit futura. Qvi tremores & convulsiones inter iudicatoria signa merito recenseri debebunt. Sed de his alias, cum de prædictione a tremoribus & convulsionibus egerimus. Distinguiamus itaque de iis ad prælagium lin-
guarum symptomata a ficitate profecta, quæ perpetuo erunt exitialia, ab iis, quæ repletionem fiunt: hæc vel in principiis morborum fiunt, aut una cum signis decretoriis aliis; illa vero non nisi calidissimum ficcissimumque morbum consequuntur.

C A P. X.

De prædictione ex faucibus, & dorso.

Fauces
quid ad
præsa-
gium fa-
ciunt in
morbis.

Fauces in gutturis inflammationibus, quos affectus Medici *Anginas* appellant, solent non raro magni momenti esse ad prælagium, cum in iis affectibus optimum fit fauces tumidas & inflammatas spectari, quod morbum foras verti significant. De quo Hipp. in lib. 3. *Prognosticorum*, f) ait: *Securissimum vero est, si tumor & rubor quam maxime foras vertatur.* At non semper, in acutissimis periculosisque anginis, satis est ad salutem prælagiendam, fauces rubentes ac inflammatas spectari, cum sæpius etiam in exitialibus appareant, ex magna sane inflammatione, nedum internas gutturis partes, sed quoque externas fauces, opprimente. Proinde optimum erit una cum faucibus, pectus, cervicem, aut collum rubrum ac maxime inflammatum spectari. Quam rem Hipp. in eodem lib. g) text. 20. ita expressit: *Quibuscunque simul fauces rubent, & cervix, sunt hæc angine diuturniores, maxime vero ex ipsis servantur, si & cervix & pectus traxit ruborem, nec sacer ignis intro recurrat. Exitialissimas vero anginas esse, ac celerrime interimentes, ait, h) quæcunque nec in cervice, nec in faucibus, conspicuum aliquid efficiunt, plurimum & doloris ac spirationis difficultatem inferunt.*

e) Epidem. lib. 3. Ægr. I. p. 1059. f) Pag. 45. lin. 20. 21. g) Pag. 45. lin. 12. & seq. h) Paulo ante, lin. 4.

runt. De his doloribus Auctor Coac. præf. i) *lib. 2. sect. 2. text. 43.* ait : *Faucium dolores sine tumore, suffocantes : & Hipp. in 4. Aphor. 34. Si a febre detento, tumore non existente in faucibus, strangulatio repente supervenerit, lethale.* Sed de his satis. Nunc ad dorsum descendamus, cujus quidem inspectio & ad naturam malignarum febrium cognoscendam, & non minus ad præsagium, Medicis omnibus est satis familiaris, & præsertim in febribus acutis.

Dorsum
quid ad
præsa-
gium in
morbis.

Certum est dorsum in iis aliquando pustulis parvis, milio similibus, & aliquando maculis parvis, pulicum mor-
fibus persimilibus, aliquando magnis latisque refertum,
conspici. Quod spectari, aliquando bonum, ubi natura
præsertim critice excernit humores summe putridos; quan-
doque malum & exitiosum. Bonæ solent esse, cum pustula,
tum maculæ ipsæ, si una cum signis coctionis appareant,
quas omnino sequitur morbi allevatio. Ægroti enim ab
ipsis erumpentibus maxime juvantur. Ex colore, rubra
exanthemata meliora censentur, quæ sanguinis copiam, ne-
que ipsum igneo calore exustum, denotent. Bonæ itaque
sunt criticæ, quæ cum signis coctionis apparent, & quæ, cum
inceperint, numero atque magnitudine augeantur. De quibus
legitur in Coacis præsagiis : k) *Quibus in febre continua pustula toto corpore excitantur, lethale, nisi superveniat purulentus abscessus.* Galen. scripsit in lib. 5. meth. med. In quadam
pestilentia illos evasisse, quibus exanthemata nigra toto
corpore multa confertim apparuerint. Raro tamen quicquam
certi ad salutem prædicendam ex iis habetur; ubi
plerumque exitialia signa sunt. Sunt vero perpetuo mala,
cum malignissimam naturam morbi significant; pestiferorum
enim morborum sunt indicia, quod & Thucydides non
ignoravit, cum in ea sævissima pestilentia, quæ Athenas devastaverat,
observavit, corpora eo malo infecta scatuisset his
exanthematibus. Colore deteriores sunt lividæ & nigræ.
Has enim maculas insignem humorum putredinem, & caloris
extinctionem denotare, nos alias ostendimus. Cum

Uu 3 ad

ad copiam, parva intus recurrentia, & evanescentia exanthemata pejora existant, quod naturam coepisse humores excernere, præ imbecillitateque non potuisse, denotet. De quibus Hipp. in 1. *Epid. a*) dixit: *Exanthemata parva, & non pro dignitate excretionis morborum, & cito rursus evanescentia, mala.* Addamus pustulas, ac exanthemata, mala quoque esse parva, nec augescencia & pauca, quæ meminit Hipp. in *Epid. b*) de Sileno, dicens: *Frigidus toto corpore sudor, papule cum sudore rubentes, rotundæ, parvæ, varis similes permanebant, nec abscessum efficiebant.* Demum perniciofa sunt, quæ una cum perniciosis signis erumpunt. Qualia in Sileno atque in Critone c) moribundis apparuerunt.

C A P. XI.

De prædictione ex hypochondriis, & primo de iis, quæ salutem significant.

Hypo-
chondri-
um quid
vocatur.

Ex hypochondriis præsagium venaturi, primo quid nomine hypochondrii intelligendum sit, dicamus. Siquidem Gal. in 2. *lib. Aph.* 35. scribit: epigastrium, id est, abdomen dividi in hypochondrium, præcordium, atque ventrem inferiorem, *ἡγεον* Græcis dictum; per hypochondrium vero eam partem intelligit, quæ a costis spuriiis ad umbilicum usque pervenit; & clarius in *lib. 2. Prorrh.* scripsit, partes supra umbilicum utrimque ad latera, spuriiis dictis costis subjectas, hypochondria proprie dici. Ex quibus dicamus & nos quoque, hypochondria, sive præcordia, ex partibus externis abdominis eas proprie dici, quæ nothis costis & iliis; (hæc vero in imo ventre inter costam & pubem [*Capari* Gal. vocat] posita sunt:) continentur, supra umbilicum, & in latus utrumque, aut partes cartilagineas supra loca inania fitas, quæ occupantur ab hepate dextra, a splene vero sinistra. Latius vero sumta voce, interiora omnia sub hac regione comprehenduntur, quippe ventriculus, hepar, lien, septum transversum, quæ nomine hypochondrii intellexit Auctor *Prorrh.*

a) Sect. 2. pag. 946. sub finem. b) Lib. 1. *Ægr.* 2. pag. 969. & 970.

c) Ibid. *Ægr.* 9. pag. 985.

Prorrh. cum in loco nuperrime citato a) scripserit: *Febres ex hypochondriorum doloribus malignæ.* Et hæc, quod ad hypochondrii cognitionem spectat: Itaque per hypochondria dextram finistramque abdominis partem, supra umbilicum, costæ spaciis subjacentem, intelligamus. Hæc primo sunt recte valentium similia, quæque optima existunt; secundo etiam, quæ non bona & dissimilia, quippe ipsorum tensiones, dolores, tumores, atque suppurationes. De iis Hipp. *in 1. Progn. b)* ita habet: *Hypochondria autem optima sunt, si dolore vacant, si mollia & æqualia sunt dextra ac sinistra parte.* Et merito sane, cum, ipsis ita se habentibus, nullam partem in ipsorum regione contentam, quippe neque ventriculum, neque septum transversum, quæ hypochondriis continentur, læsam esse cognoscimus; quum in febribus acutis has partes recte se habere, non leve est optimi præsagii argumentum, impossibileque est aliquam partium illarum læsam esse, & hypochondria mollia esse, & absque dolore. Quare in acutis morbis optimum erit ad salutem prædicendam, hypochondria, ut dictum est, optima observari, quippe mollia, æqualia, dextra sinistraque parte esse, & dolore vacare. Ex crassis vero, & gracilibus Hippoc. *in 2. lib. Aphor. 35.* crassitudinem habentia commendavit, ita dicens: *In quovis morbo partes ad umbilicum & imum ventrem attinentes, crassitudinem habere, melius est: valde vero extenuari, ac contabescere, prævum.* Quare & hæc hypochondria crassitudinem habentia erunt bona. At optimum erit, prius in ægrotis nos perspecta habuisse hypochondria, qualiacunque sint; siquidem sæpius in recte valentibus & inæqualia, & non æque mollia observentur. Quare nedum ea, quæ optima sunt, salutem præsagient, sed quandoque inæqualia, tensa (modo recte valentium sint similia) idem ostendent: attamen non æque bonum erit tensa, & inæqualia (etsi recte valentium similia sint) spectari, veluti mollia, æqualia, & doloris expertia. Illa vero, quippe tensa, inæqualia, in tumorem elata, atque dolentia, perpetuo mala sunt, ni talia critice apparuerint;

a) Lib. 1. text. 56.

b) Pag. 38. lin. 30.

Hypo-
chondri-
orum
criticæ
tensio-
nes.

ruerint; sapius enim fit, ut, priusquam aliqua crisis fiat, hypochondria vel tendantur, vel in tumorem eleventur, aut doleant. De criticis tensionibus hypochondriorum Auctor Prorrh. in lib. 3. †) text. 55. ita scripsit: *Ventris quoque palpitaciones cum hypochondrii tensione sublonga, & tumente, sanguinis indicant eruptionem.* Et paulo post: *) *Hypochondrii tensio cum capitis gravitate & surditate, & quæ splendores perturbant, sanguinis denunciant profusionem.* In 3. vero de crisib. cap. 12. Gal. ait: proprium signum fluxuri sanguinis e naribus esse præcordiorum tensionem sine dolore; & cum dolore, non fluxurum sanguinem, sed inflammationem testari.

Ex quibus colligimus tensionem hypochondriorum sine dolore, & aliquando etiam, præ multa tensione ex copia sanguinis dolores, vel hebetudines oculorum subire, vel splendores oculis obversari, aut caput grave esse, aut surdos fieri ægrotos, & denique faciem rubram seu coloratiorem obtinere, ut Gal. in 3. de Cris. text. 20. & in lib. de præ sag. ad posthum. scripsit; & Auctor Prorrhetic. a) in 3. lib. text. 27. Criticam esse, & particulatim sanguinem e naribus fluxurum significare. Parotidem vero tensionem hypochondriorum, cum æstu anxioso atque capitis dolore, significare, notavit Auctor Coac. præ sag. b) in lib. 3. text. 66. Hipp. vero in lib. 1. Progn. c) de futuris criticis abscessibus ab hypochondriorum tensionibus judicandis, ait: *Abscessus fiunt hi in locis infernis, quibus circa ilia inflammatio fatiget; illi in supernis, in quibus ilia molliora & sine dolore persistunt.* Ex quibus liquido nobis constat, hypochondria, vel etiam tensa aliquando, optima esse, quatenus criticæ evacuationes nobis futuræ sunt indicium. Eodem modo & de ipsorum tumoribus dicendum; quanquam raro tamen tumores quicquam boni ad prædictionem habere videantur. Nihilominus de iis Hippocrat. in 1. Prognost. d) ait: *Si vero mollior tumor est, nec dolet, & pressus digitis cedit, diuturniorem efficit ju-* dica-

†) Lib. 1. text. 144. *) Text. 147. a) Lib. 1. text. 144. 146. 147. confer & Prorrhetic. lib. 2. pag. 110. & 111. b) Text. 289. c) Pag. 43. lin. 14. d) Pag. 38. lin. 50. 51.

dicationem, ac minori cum periculo est. Quod clarius: e) Atqui tumores molles & indolentes tardius judicantur, & minus periculi denuntiant: & Hipp. in 1. Prognost. f) Tumor, qui in ventre fatigat, minus facit abscessum, quam qui in ilis. Sanguinis vero fluorem maxime de supernis sedibus expectare oportet: & rursus in Coac. præf. g) ait: Ab hypochondriorum tumore biliosis spiritus magnus ac febris acuta parotides emovet, quod in iis biliosi humores ferantur sursum. Dolores itidem hypochondriorum critice fiunt, sanguine sursum copiosius hypochondria distendente. Signa sunt, ut dictum est, febris acuta, capitis gravitas, aut surditas, aut oculorum hebetudo, facies rubra. Addamus dolores quoque hypochondriorum non malos esse, si postea febris supervenerit. De quo dolore in lib. 6. Aph. 40. Hippoc. ita habet: *Quibus dolor circa hypochondria fit, absque inflammatione, his febris superveniens dolorem solvit.* Et in Coac. præfag. h) ita habet: *li. Ceterum præcordiorum dolores ac tumores, si fuerint recentes, & non cum inflammatione, solvit murmur in præcordio obortum, & maxime si pertransierit cum stercore, & urina ac flatu.* Itidem ex abscessibus suppuratis boni sunt, qui foras erumpunt, & si quam minimum [ut placuit Coac. præfag. Auctori in eod. lib. i)] loci occupent, & si in acutissimum conum colligantur: qui de iisdem suppurationibus postea ait: *At in iis, quæ rapiuntur intro, optima sunt, siquidem nihil tumoris, doloris & caloris alieni foras edant in superficiem. Quæ vero suppurationes his contrariæ sunt, pessimæ.* Atque hæc de bonis hypochondriis. Nunc de malis agamus, quæque exitium in ægrotis prædicent.

C A P. XII.

De malis hypochondriis, quæ mortem in acutis morbis præmonstrant.

Hypochondria in acutis morbis tensa, dura, dolentia, inæqualiaque, mala esse, tradidit Hippoc. in 1. lib. Prognost.

X x

e) Paulo post lin. ult.

f) Pag. 39. lin. 1.

g) Text. 290.

h) Text. 281.

i) Eodem Textu.

Hypo-
chondri-
orum
tensio-
nes ma-
le.

gnost. *) text. 30. non minus & ipsa extenuari, malum esse, & contabescere pravam, in lib. 2. Aph. 35. Ceterum, ut clarius rationis tensorum hypochondriorum, durorum, & ipsorum dolorum, abscessuum, suppurationum (quæ omnia malum portant, modo mala alia signa jungantur) notitiam affequamur, de his omnibus figillatim, deque causis ipsorum agendum, antequam præsagium ex iis indagemus, merito duximus. Horum siquidem affecutis, tum causis ignoratis, utique de præsagio rectum iudicium facere nequimus. Hanc rem itaque declarabimus ab hypochondriorum tensionibus inchoantes. Tenduntur itaque hypochondria, aliquando cum tumore ac duritie, ita, ut tactui dura appareant; aliquando citra tumorem, ita, ut, etsi tensa videantur, tamen vacua existant, quas tensiones Gal. vacuas, submolles, citra tumorem vocat. Hipp. vero de his tensionibus aliquando ait, veluti in *Hermocrate*: a) *Hypochondria molliter contendebantur*: aliquando *tensiones submolles* vocat, & nonnunquam hæc *hypochondria sublimia* appellat, uti in *Erasmo* b) fecit. Hæc hypochondria habent quidem tensiones, sed vacuas, atque citra ullum tumorem durum. Quod ad figuram etiam attinet, tensiones aliquando oblongæ, quales musculorum rectorum abdominis, aliquando latæ, aliquando rotundæ ad lunæ figuram, quales hepatis tumores repræsentant. Cum duritie vero, seu tumore duro, hypochondria tenduntur, ab inflammatis, aut musculis, aut hepatis convexa seu gibba parte, aut liene, aut ventriculo ipso, a flatulento autem spiritu, vel a copioso sanguine musculis repletis. Hæc sine duritie etiam tensio sine dolore est, uti in multis, quibus per nares sanguis copiosius erupit, observatur: a flatu tensio est sine duritie, & sine gravitate: a copioso vero sanguine neque sine duritie, neque sine gravitate est: ab inflammatione demum, ut dictum est, tensio est cum tumore, modo inflammatio musculos exterius occupet, aut hepatis convexam partem, aut lienem, aut denique ventriculum: atque hæc

*) Pag. 38. lin. 32. a). Lib 3. Epidem. Ægr. 2. pag. 1062.

b) Ibid. lib. 1. Ægr. 8. pag. 984.

hæc est tensionum ratio. Sed age, hanc rem declaremus propterea, quod dictum est ab inflammatis his visceribus tendi hypochondria cum duritie, ex quo perpetuo videtur, hanc tensionem ab ea causa proficisci. Hoc etsi verum sit, quippe per omnem tensionem cum tumore, seu duritie, atque dolore, indicari viscerum inflammationem; tamen hoc quoque ex Galen. doctrina verum erit, plures tensiones non duras, sed molles, id est, ut Galeno videtur, vacuas, inanes, sublimesque, citra viscerum inflammationes fieri: de quibus quidem tensionibus utile erit paulisper accuratius agere. Tensiones itaque molles, seu vacuas, seu inanes, seu citra tumorem, quæ nomina idem explicant, fieri aut viscerum internorum inflammatione, aut siccitate principii nervorum, ad septum transversum venientium: hoc modo hypochondria sursum trahuntur, meritoque Hipp. aliquando hæc sublimia vocat: illo modo tenduntur quidem, sed cum intus visceris inflammatio nos lateat, nullus tumor vel durities existit. Gal. in 3. Epid. com. 2. ^{Hypo-} ^{chondri-} ^{a subli-} ^{mia} ^{quænant} ^{dicta.} *text. 1. scribit: Hypochondriorum mollem renitentiam significare aliquod viscus esse inflammatum, quippe aut jecur, aut septum transversum, aut lienem. Et in 1. Epid. de Sileni tensione in hypochondriis agens, scribit: septi transversæ inflammatione hypochondrium per continuitatem sursum trahi, contendique absque tumore. De hac tensione in lib. 3. Epid. ita habet: Ac si ita diceret dextrum hypochondrium intendebatur, sed citra tumorem, vel quia non magna fuerit jecoris inflammatio, vel infimis partibus duntaxat, quibus ventrem complectitur, cum gibba nondum una cum infimis in tumorem essent elata. Quod Hermocr. a) contigit. Ex quibus constat fieri in hypochondriis tensionem mollem, id est citra tumorem ex inflammatione septi transversæ, jecoris atque lienis, sed jecore inflammato non toto, neque magna inflammatione affecto, sed aut parva, aut tantum infima ejus parte inflammata. Ex quo tactu primo occurrens gibba nondum inflammata, apparet tensio citra tumorem & mollis. Sed hæc tensio nunquam toto jecore inflammato apparebit, vel ma-*

X x 2

gna

gna affecto inflammatione. Diximus hanc ipsam tensionem fieri quoque non solum ab inflammatis visceribus, sed & a magna quidem exsiccatione. Quas causas Gal. in 1. Prognost. text. 30. ita complexus est: *Quandoque enim intenduntur ilia sine inflammatione proprie nominata, aut propter vehementem siccitatem non solum in illa parte, sed etiam in septo transverso, costis, membrana, præcordiis; aut propter inflammationem, cum tumore, ipsorum in iliis musculorum consistentem sine inflammatione proprie vocata quæ quidem tumor dolens est.* Sed has tensionis mollis causas, vel etiam clarius in lib. 3. Epid. com. 3. text. 1. Gal. ita expressit: *Hypochondrium tenditur, ubi a septo transverso vicinæ partes trahuntur.* At ipsum tenditur septum transversum interim in pleuritide ob inflammationis magnitudinem succingentis membranae costas; interim ob originem nervorum, ad se nervos, qui ad septum transversum pertinent, attrahentem; interim vero per suam ipsius inflammationem. Atque hæc erant de tensorum hypochondriorum causis præmittenda, quibus perspectis nunc ad prædictionem descendimus. Hippoc. itaque in lib. 1. Prognost. a) text. 39. ait: *Tumorem durum, & dolentem in utroque hypochondrio, aut in dextro, esse pessimum. Talem quoque significare, affirmavit, ab initio mortem brevifore.* Gal. vero in comm. intelligit per tumorem, inflammationem, jecur, aut ventriculum, aut lienem obsidentem, ex qua plures cum cito intereunt, præsertim ubi magna est; sed prælagii judicium alia signa perniciofa confirmabunt. Sed ubi tumor ex musculis inflammatis fit, raro mortalis æstimatur. Sed Hippocrates priorem sententiam, in qua ait, *ab initio tumorem durum cum dolore brevi mortem prænuntiare*, paulo post ita limitasse visus est, quod non nisi magnus, & non quivis mortem prælagiat, neque semper. Quod ita habet: b) text. 40. *Quicumque ergo tumor dolens, durus & magnus est, periculum mortis brevifore significat.* Quasi dixerit, hujusmodi tumores, id est viscerum inflammationes, si interimere ægrotos debeant, cito id facere; nam diu cum durant,

Hypo-
chondri-
orum
tensio-
nes du-
ræ per-
niciose.

durant, suppurationem potius, quam mortem denotant futuram, quod paulo antea Hippocrates tradiderat, hisce verbis: *) *si febris vigesimum transcendit diem, & febris detinet, & tumor non desistit, in suppurationem verti contingit.* Quare tumores cum dolore in hypochondriis, qui non ex inflammationis musculis, sed aut jecore aut ventriculo sunt, periculosi, præsertim si magna inflammatio.

At hujusce præ sagii judicium confirmabunt signa illarum inflammationum pathognomonica, tum morem significantia, quæ postea apparent; pernicioſa enim exitium prædicant, qualia Hippocrates vidit in *Apollonio*: De quo in libro tertio *Epid. com. 3. a) text 84.* ita habet: *Somni non aderant, inflatio mala, magna sitis, comatosus erat, hypochondrii dextri elevatio cum tumore, extremæ partes undique subfrigida, aliquantulum delirabat, omnium obliſcebatur, quæ locutus est, mente movebatur.* Non minus pernicioſæ sunt hypochon- Non mi-
driorum tensiones submolles citra quippe tumorem; quum nus &
ostenderimus aut nobilium viscerum inflammationem, submol-
aut maximam ficitatem principii, vel nervorum ad septum les citra
transversum descendantium, aut membranæ costas succin- tumo-
gentis, pleuræ vocatæ, significare. Ceterum hæ tensiones rem.
per se solum, tametsi perpetuo malæ sint, nunquam exitium prædicunt, nisi alia prava una illuxerint signa. Quando non omnes inflammato jecore, aut ventriculo, aut septo transverso, moriantur. Quare necesse erit, ut reliqua signa consulamus; quæ si mala fuerint, ac ex lethalibus, proculdubio mortem poterimus prædicare. Quales tensiones fuere observatæ in *Sileno*, b) *Hermocrate*, c) *Philista*, d) *adolescēte Melibææ*, e) & *adolescēto*, qui in mendacium foro decumbebat, f) quibus cum submolliter hypochondria tensa essent, una quoque signa mala & lethalia affuerunt.

Eodem modo hypochondriorum dolores cum tensione prædicta, & malis signis, lethales esse solent, veluti *Uxori*

X x 3

Dro-

*) Pag. 38. lin. 44. a) Ægr. 13. p. 1111. b) Lib. 1. *Epid.* Ægr. 2. p. 969.
c) *Epid.* lib. 3. Ægr. 2. p. 1062. d) *Ibid.* Ægr. 4. p. 1070. e) *Ibid.*
Ægr. 16. p. 1117. f) *Ibid.* Ægr. 8. p. 1076.

Hypo-
chondri-
orum
dolores
quinam
lethales.

Dromeadaei †) contigit, in qua tertia die hypochondrium cum doluerit, habebat urinas crassas, turbidas, non residentes, & sudores frigidos, quæ omnia lethalia existunt. De eo vero, qui calefcens cœnavit, ita habet Hippocr. *) *Quidam calefcens cœnavit & potavit largius, vomuit cuncta. De nocte febris acuta, præcordiorum dextrorum dolor, submollis in partibus externis inflammatio, noctem molestantem duxit. Urinæ primo rubræ, crassæ, quæ depositæ non residebant, lingua præarida, non admodum sitibundus. Quæ in ipso signa fuerunt perniciosissimæ ac lethalissimæ inflammationis, quæ cito extinctus est.* Auctor vero *Prorrheticorum*, a) in libro secundo, text. 2. scribit: *Febres ex hypochondriorum doloribus, malignæ; sed Galen. ait: non omnes, sed ex tantum, quæ inflammato aliquo viscere suscitantur: sed neque omnes esse malignas, sed acutas malignas esse, alia signa prava demonstrabunt. Addamus hujusmodi cum tensiones, tum dolores, esse prava ac lethales, si ab aliqua satis copiosa evacuatione adhuc perduraverint.* De quibus in *Coac. præfag.* b) legitur: *Dolores, qui in hypochondriis incidunt, tum alias pravi sunt, tum si inde alvus perfluit.* Quod in nuper citatis ægrotis videre est, namque in *Sileno* c) cum tensione hypochondriorum fuerant dejectiones tenues subnigræ, & *Erasinus* d) cum sudore habuit tensa hypochondria; atque hæc est tota ratio prædicendi ex tensionibus malis hypochondriorum. Malæ quoque sunt suppurationes hypochondriorum, in quibus alvi copiosæ dejectiones, cum magnis fastidiis, syncope, vomitibus, atque omnium maxime febre nihilo diminuta, minimeque ægris exinde juvatis. Diximus eos tumores suppurari, qui diutius duraverint cum febre, ex Hippoc. qui in 1. *Prognost.* e) text. 35. ita habet: *Si vero viginti dies transgrediatur tum febris detinens, tum tumor non confidens, ad suppurationem convertitur.* Et paulo post f) ait: *Si vero transgrediatur sexaginta dies febris & tu-*

Hypo-
chondri-
orum
suppu-
rationes
quænam
malæ.

mor

†) *Epid. lib. 1. Ægr. 11. p. 987.* *) *Ibid. Ægr. 12. p. 988.* a) *Lib. 1. text. 56.* b) *Text. 284.* c) *Lib. 1. Epid. Ægr. 2. p. 969.* d) *Lib. 1. Epid. Ægr. 8. p. 984.* e) *P. 38. lin. 44.* f) *Ibid. lin. 53.*

mor non confidat, supparatum fore significat & hunc, & eum, qui in reliquo ventre est eodem modo. De horum prognostico agit Auctor Coac. præ sag. g) in lib. 3. sect. 2. text. 9. & 10. ita dicens: *Inter abscessus lethales sunt, e quibus introrsum erumpunt; reliquorum vero suppurationes ex iis, quæ foras erumpunt, maxime laudabiles, si quam minimum loci occupent, & si in acutissimum conum colligantur. At in his, quæ repunt intro, optimæ sunt, siquidem nihil tumoris, doloris & caloris alieni foras edant in superficiem. Quæ vero suppurationes his contrariæ sunt, pessimæ.* Quare ex his adde, ad cognoscendas malas suppurationes, in hypochondriis tumorem, vel dolorem, vel calorem sentire, indicium esse latentis, non sublata, inflammationis. Si itaque a suppuratione tensa adhuc maneant hypochondria, minimeque laxentur, adhuc magis, si doleant etiam & caleant, pravum est, ac lethale: omniumque maxime exitium prædicendum erit, si nedum copiosa puris excreti vacuatio ægrum juverit; atque exitiosissimum, si ipsi in pejus labantur. Hæc enim vacuatio erit ex judicatoriis, non judicantibus, lethalis, eoque magis, si virium langvor, aut aliud signum pravum una illuxerit: & hoc est præ sagium suppuratorum hypochondriorum. Sed unum dicamus, quo cognito finem huic capiti imponemus, quippe Hippoc. in 1. lib. Prognost. h) text. 31. & 32. scripsisse: *Si vero pulsus in hypochondriis insit, perturbationem significat, aut delirium.* Verum oculos talium conspiciari oportet; si enim crebro obtutus movetur, exspectanda insania est. Quod in Coac. i) præ sag. ita confirmatur: *Pulsus in hypochondriis, cum perturbatione, delirium portendit, & magis, si oculi crebrius moveantur.* Atque hoc fit virisimile, aut propter septum transversum inflammatum, aut propter humorem effervescentem, ex quo flatus multi suscitantur, qui copiosius in caput ascendentes, ac membranas cerebri calefacientes, & mordentes, delirium faciunt. Hujusmodi vero pulsus plerumque malus, etsi aliquando bonus, ubi crisis antecedit, qui criticis signis a malo distingvitur. Cum vero una cum ipso

alia prava adfuerint signa, mortale esse id, affirmandum, de quo in 3. *Coac. k) prælag. sect. 2. text. 14. Oris ventriculi dolor cum hypochondrii pulsatione, refrigerata febre, malum, tum alias, tum si tenuis sequatur sudor.* Atque hæc de malis hypochondriis dicta sufficiant. Superesset quoque agendum de prædictione ex hepate atque liene, sed quoniam ea, quæ in ipsis exterius ad prognosticum considerantur, fere omnia nunc dicta sunt, idcirco nihil aliud de his scribemus.

CAP. XIII.

De prædictione ex ignobilibus corporis partibus.

Partium corporis, cum nobilium tum ignobilium, observatio in acutis morbis plurimum ad prædictionem juvat; & merito sane, ut Galen. placet, cum nobilia membra diu graves morbos ferre nequeant: ipsis enim gravi morbo vexatis facultates omnes diminui, & tolli, cuique nostrum est manifestum. In acutis morbis, humoribus putridis ad nobilia membra motis, & ipsa obsidentibus, mors sequi solet, iisdemque a nobilibus ad ignobiles compulsis, salus. Hinc Hippoc. dixit acutorum morborum non omnino certas esse prædictiones salutis & mortis, quod incertum, ad quam partem corporis, vel nobilem, vel ignobilem, præsumma putredine cum tenuissimi, tum turgentes, moveri debeant. Hoc unum certum est, si transmittantur ad principem partem, magnum vitæ periculum parare, & plerumque mortem; & si ad ignobilem, a principibusque remotam, salutem. Ex quo omnium harum partium in acutis morbis observatio Medicis ad prælagium faciendum, nedum utilis, sed quinimo necessaria erit. Per partes vero principes communiter has intelligimus, quippe cerebrum, **Partes principes quænam.** hepar, cor, ventriculum, gulam, asperam arteriam, pulmones, septum transversum, intestina tenuia, pleuram, membranam costas pectoris succingentem. Has postremas principes atque nobiles fecimus, quod aut principibus proxime serviant, aut quod sint proximæ, aut quod propter colligentiam partium cum principibus magnam habent convenientiam.

tiam. Non principes, sed ignobiles sunt cutis partes ex-Ignobi-
 timæ, extremæque, post aures, sub alis, & inguine. In iis^{les quæ-}
 itaque omnibus utile est, in acutis morbis quicquam videri,^{nam.}
 quod ad ipsas morbum decubuisse nobis significet. Hu-
 jusmodi denotant, dolores, diu durantes, critici, de quibus
 accurate in 2. libr. egimus, & quomodo aliquando in parti-
 bus ignobilibus salutem critice demonstrent; tumores iti-
 dem, in cute oborti, diu persistentes, & in cruribus, pedi-
 bus, ac in aliis partibus, a principibus remotis, optimi sunt,
 modo critice apparuerint, quippe conspectis coctionis si-
 gnis. De quibus Hippoc. in 2. lib. *Prognost. a) text. 67. ait:*
Abcessus si in cruribus erumpit in pulmonia vehementi ac peri-
culosa, omnis utilis est: & Galen. In Pulmonia vehementi
 abscessum erumpere in cruribus, prorsus bonum censetur,
 siquidem maxime vera sententia Hipp. est 2. libr. *de morbis*
vulgaribus b) inscripta, de bonis abscessibus, ut optimi sint,
 si deorsum quam longissime a morbo absistant, sed potissi-
 mum, si cum coctione pariter erumpant. Hac eadem ra-
 tione commendantur tumores in cruribus, in inguine, te-
 stibus, sub axillis, atque post aures critice apparentes, de
 quibus nos posterius singulis accuratius. Commendantur
 etiam, ut dictum est, pustulæ, exanthemata, variolæ, mor-
 billi, pruritus scabiesque, si modo, ut dictum est, signa co-
 ctionis in excrementis præcesserint. Veluti hæc non criti-
 ce, sed symptomatice conspecta, in quibusvis partibus igno-
 bilibus mala sunt, quod vi morbi, non naturæ, prodeant.
 Sed de iis singulis accurate agamus, ubi de prædictione ex
 tumoribus omnibus sermonem instituerimus. Nunc suf-
 ficiat dixisse in acutis morbis sæpius glandulas post aures
 inflammari, & intumescere, quas *parotides* Medici appellant,
 aliquando sub axillis, & non raro in inguinibus, atque etiam
 testes exinde intumescere. Qui tumores aut principio
 febris apparentes, aut ipsos si febris sequatur prævum est,
 morbumque malignum ostendunt; si vero cum humorum
 coctione erumpant, minus malum, & plerumque salutare

Y y

signi-

significant: nimirum quod naturam nobilia viscera exonerasse, protrudendo noxios humores ad has ignobiles partes, sint indicio. Optimi vero sunt, qui diu durant, rectitudinem servant, augentur, sed qui tamen ad nimiam non venerint magnitudinem, neque minores sint, quam debeant. Hi enim pessimi existunt, non minus & qui paulo post intus recurrerint, atque evanuerint: sed de his, ut dictum, alias uberius loquemur. Hinc extremas corporis partes ad prædictionem consideremus.

C A P. XIV.

De prædictione in acutis morbis ab extremis partibus.

Partes extremas vocat, Galen. in *Com. 4. libr. 2. Prognost.* Hippoc. aures, nares, manus atque pedes. Hæ partes solent in acutis morbis sæpius magnam partem præsagii habere. Quando nunquam mori hominibus contingat, his partibus nihilo a naturali statu mutatis: necesse est enim in moribundis, ut hæ partes refrigerentur, & colore livescant & nigrescant; atque etiam in multis manes pedesque indecore moventur. Ex quo extremorum caliditas in acutis morbis nunquam mala, veluti frigiditas perpetuo mala, pessimaque, ubi interiora calent, & maxime sitiant. Quod Celsus ab Hippocrate depromptum ita expressit: *Cui, febre æque non quiescente, exterior pars friget, interior sic calet, ut etiam sitim faciat, lethale.* Hoc signum cum aliis malis esse lethale, in 2. libro, in quo de extremorum caliditate & frigiditate accuratissime egimus, ostendimus. Summe exitiosum vero erit (quamvis perpetuo extremarum frigiditas in continuis febribus sit timenda) frigus extremorum, vix recalescens, aut nunquam; omniumque maxime, si una partes liveant, & nigræ appareant.

De quibus Hippocr. in 1. *Epidem. Comm. 1. a) text. 28.* *Frigeant his multum extremitates, ac vix calor his revocari poterat, & paulo post: b) Multum vero frigus erat, & vix eis calor revocari poterat.* Quod in Philisco moribundo fuit ob-

fer-

Extremorum caliditas in acutis morbis nunquam mala, contra frigiditas.

fervatum, de quo Hipp. in 1. Epid. *) *Extremitates undequaque frigeant, nec jam ad calorem illæ amplius redibant.* Sed hæc satis de frigiditate partium extremarum; qui hanc rem perfecte habere cupiunt, videant cap. 15. lib. 2., in quo de hac re nos fusius. Eodem modo de colore dicendum; optimus enim color recte valentium similis erit; nonnumquam rubeus ac inflammatus; si critice sanguine ad extremas partes decumbente fiat. Extremorum color optimus. Omnium pessimus ac exitialis est lividus atque niger, de quibus quoque superius in hoc libro abunde dictum est. In acutis itaque morbis, extremas partes nigras aut lividas spectari, exitiale est; cum aut caloris extinctionem, aut summam humorum putredinem denotet, ut alias a nobis demonstratum. Hos colores in extremis vidit Hipp. in Philisco, a) Sileno b) moribundis. De illo dixit: *Frigida sudavit, extremitates lividæ; & de Sileno: Sexto circa caput parum sudavit, extremitates frigidæ, lividæ, multa jactatio.* Manus etiam atque pedes indecore moti, & agitati damnantur ab Hippoc. de illis in lib. Prognost. c) scripsit: *Qui in febre acuta, aut delirio, aut pulmonia, aut capitis dolore, manus subinde ob os fert, aut colligit fescucas, aut de veste evellit pilos, aut de pariete stipulas carpit, id omne malum, exitialeque est.* Non minusque pedes, non calidos, nudos habere, de quo signo in eodem libro d) dixerat: *Si vero nudos habeat pedes nec admodum calidos, ac manus, collum & crura dispergat inæqualiter, malum est; significat enim inquietationem.* Quando etiam homines modesti, ac præsertim mulieres, pudenda coram astantibus denudant, pessimum est, aut enim delirium, aut extinctionem facultatis denotabit. Atque hæc obiter de prædictione ab extremis partibus, de qua re in secundo libro nos accuratius egimus. Manus & pedes indecore moti & agitati mali. Pedes frigidos nudos habere, malum. Inverecundia in acutis morbis, mala.

FINIS QUINTI LIBRI.

Y y 2 PRO-

*) Ægrot. 1. pag. 966. a) Epidem. lib. 1. p. 966. Ægr. 1. b) Ibidem p. 969. Ægr. 2. c) Pag. 38. lin. 1. & seq. d) Pag. 37. lin. 43.

PROSPERI ALPINI

LIBER SEXTUS.

CAP. I.

De quibus sit agendum in hoc libro, ac primo de prædictione ex coctione atque cruditate excrementorum.

Cum potentia naturalis a quatuor, ut etiam dictum est, functionibus robur ac infirmitas innotescat, omniumque maxime ex alteratrice seu concoctrice, atque excretrice; quia ad has referuntur coctiones omnes excrementorum, & excretiones, quas Medici *crises* appellant, atque ipsa non minus excrementa, quorum quidem omnium observatio magnam prælagii partem nobis perspectam ac cognitam reddit: itaque in hoc libro, ut jam captam prædicendi methodum ex naturali facultate prosequeremur, de coctionibus, cruditatibus, excretionibus, diebus criticis atque crisis sigillatim a singulis cum excrementis, tum ipsorum excretionibus, Prognosticum indagandum duximus. Exordiemurque a prædictione ex coctione atque cruditate excrementorum, quæ ita ad prædicendi rationem faciunt, ut sine ipsorum cognitione nemo possit quicquam certi de ægrotantium salute vel morte assequi. Quod, ut probe cognoscatur, imprimis quid coctio sit, & quid cruditas, quotupliciter accipiat a Medicis, atque quomodo fiat, intelligendum est. Gal. in lib. 1. *Epidem. de coctione* ita habet: *Concoctio enim quedam eorum, quæ præter naturam sunt, est ipsa maturatio morbi. At ipsa coctio in coquentis substantiam deductio quedam est ejus, quæ coquitur.* Hanc clarius Gal. in 3. *de natura human. in text. 4.* & in lib. *de sympt. diff. cap. 4.* expressit, quid sit, nimirum dicens: *esse ciborum alterationem in propriam & convenientem qualitatem ejus, quod nutritur, quam Græci πείρω vocant.* Hanc veram Medici ac propriam coctionem vocant, quam ad prædictionem Medici ita non considerant, veluti alteram, quæ penes excrementa bi-

Coctio
quid &
quotu-
plex.

liosa, & summe putrida attenditur, quæ est alteratio non ciborum, sed noxiorum humorum, in qua paucum est, quod in alimentum mutetur, vel nihil, quam Medici in morbis acutis maxime ad prædictionem spectant. Qua dicimus morbum habere excrementa concocta & cruda. De qua Gal. in 2. de vict. rat. in acut. in hunc modum: Nempe biliosa cruda ita appellavit, quoniam & excrementorum coctionem appellat; quanquam mutata nutrire non possunt, ut bilis utraqve, & qui Græcis *ιχᾶρες* dicuntur. Veruntamen, quoniam & talia evincit natura, cocta quidem vocare consuevit Hippoc. excrementa hujusmodi, quæ a natura ipsa evicta sunt, cruda vero, quæ non sunt evicta. Galen. in 6. Epid. com. 2. text. 9. coctionem biliosorum humorum vocat, mutationem in optimam qualitatem, & mediocre quoddam temperamentum, & in 2. de vict. rat. in acut. text. 14. scribit concoctum omne dici, vel quod a calore naturali mutatum nutrit, vel si non nutriat, quod a natura devictum sit mutatumque in suum naturalem statum; ut bilis, quæ in homine sano erat pallida, parumque acris, flava & summe acris facta & multum foetida, concocta dicitur, ubi minus acris, minus colorata & foetida reddita est. Fiunt vero ex coctiones biliosorum putridorumque humorum natura, atque cruditates, morbo prævalente naturæ, ut Gal. in lib. de constit. art. med. docuit. Sed nunc ex ipsis præsigium in morbis perscrutemur. Cum itaque dictum sit, coctiones in excrementis naturam prævalentem demonstrare, inde affirmabimus nihil magis salutem nobis significare, quam excrementa videri concocta. Proinde Gal. in libr. art. med. c. 83. coctionem esse ex salubribus signis statuit: propterea etiam in 1. lib. Aph. dixit: *Signa coctionis perpetuo bona & nunquam mala*, & Hipp. in Epid. a) text. 45. ait: *Maturationes excrementorum omnes, undique tempestivæ aut bonæ, & postea: Coctiones celeritatem portendunt judicii, securitatemque salubrem.* & Gal. in 1. libro de Crisib. cap. 18. dixit: coctiones signa nunquam male apparere: tantique hoc signum est ad prædicendam salutem momenti, ut Galen. in

Conco-
ctiones
bilioso-
rum &
putrido-
rum hu-
morum.
Semper
bonæ.

lib. de constit. art. med. nuper citato, affirmaverit, hoc omnibus commune esse, nunquam morbum solvi posse, nisi prius in excrementis coctionis signa conspiciantur. In morbis, ventrem occupantibus, oportet concocta alvi excrementa videri, de quibus Hippoc. *in 2. Prognost.* a) *Alvi excrementum optimum est, quod molle atque conjunctum est, quodque ea hora exierit, qua tempore sanitatis consueverat, quantitate vero, qua sit pro ratione cibi assumpti; tali enim existente dejectione, inferior venter sanus est.* Galen. addidit, subruffumque debere spectari nec admodum grave olens. Eodem modo in acutis febribus, inflammationibus hepatis, ventriculi, diaphragmatis, lienis, urinæ concoctæ spectabuntur, si ad salutem tendat morbus, de qua etiam in *Prognosticis*: b) *Urina optima est, si candidum cedimentum fuerit, læve & æquale per omne tempus, dum morbus judicetur. Securitatem enim ac morbum fore brevem significat.* In morbis vero pectoris & pulmonum sputa concocta excerni debent, de quibus Hipp. *in eodem 2. Prognost.* c) *text. 43.* ita habet: *Sputum vero in omnibus doloribus, qui sunt circa pulmonem & costas, cito prompteque expui convenit, & flavum sputo valde permixtum apparere.* & Gal. *in 1. lib. Aphorif.* dixit, sputum concoctum esse album, læve, æquale, non admodum vel tenue, vel crassum, quodque facile exspuitur. Atque hæ notæ sufficerent pro cognoscenda coctione in urinis, dejectionibus, atque sputis. De his posterius & de omnibus quoque excrementis nos accuratius. Colligamus itaque coctiones excrementorum nunquam malas, sed perpetuo bonas esse. Addimus concoctionem usque adeo ad salutem prædicendam facere, ut omnia, nedum bona signa, una cum ipsa coctione conspecta, salutarem morbum demonstrent, at quinimo etiam mala cum signis coctionis non sint timenda. Vigiliæ enim, deliria, vertigines comata, dolores, convulsiones, tremores, anxietudines, respirationes difficiles, atque alia, quæ per se mala existunt, cum signis coctionis, salutaris futuræ crisis solent non

non raro esse indicia. Omnes itidem excretiones, post coctionem apparentes, salutare existunt, a naturaque prævalente fiunt, ut Galen. in primo Epid. com. 2. text. 45. ita docet: *Quando igitur post morbi coctionem aliquis humor vitiosus excernitur, tunc corpus a natura expurgatur.* Et paulo post: *Et propter hoc atra bilis & alius omnis huiusmodi humor, ubi signa coctionis in morbi processu apparuerint, bonam significant evacuationem:* Ex quo merito Hipp. in quarto, de Vict. rat. in acut. a) text. 10. dixit: *Et si enaribus fluxerit sanguis, solvitur ægritudo, atque si sudores supervenerint judicatorii legitimi, cum urinis albis, crassisque & levibus subsidentibus.* Sed Coctio-
 nes quo
 morbi
 tempore
 fiunt.
 dicet aliquis, quo tempore morborum conspiciuntur coctionis signa? Non principio; cum hoc tempore morbi plane crudi existant: non etiam augmento, quod tunc imperfectæ conspiciantur coctiones: restat, ut in statu, quo tempore natura humores coxit. Ex Gal. in primo Aph. 22. scribente: *coctionis signa nunquam in morbi principio conspici.* Hæc vero, ut Galen. in lib. de Constit. art. med. cap. 18. scripsit: *agnoscuntur ex propriis excrementis: eos enim morbos, qui in ventriculo, & parte cava jecoris, mesenterioque fiunt, concocta alvi dejectiones salutare denotant; & urina illos, qui in toto venoso genere, in renibus atque vesica, fundantur; atque excrementa tussi rejecta concocta, qui in thorace ac pulmonibus fiunt; non minus quam in vomitibus coctiones, affectus ventris superioris ac stomachi; & excrementorum, quæ per palatum, aures, atque nares descendunt, cerebri affectus.* Atque hæc sint dicta de prædictione in morbis ex coctione. Nunc ex cruditate idem persequemur. Ex qua Cruditas
 quid in
 morbis.
 nunquam quicquam boni præfagitur, sed perpetuo malum; adeo ut, etsi aliquando, ut docebimus, naturæ judicia & morborum solutiones fiant, hoc est tamen rarum, atque infidele satis, ad certam de salute prædictionem assequendam. De quo signo Hipp. in primo Epid. b) *Cruda vero & incocta, atque in malos abscessus conversa, aut acrisias, (id est judicationis carentias) aut dolores, aut morbi longitudinem, aut*

aut mortem, aut morbi recidivam significant. Tantum ad malum præſagium poſſunt ſigna cruditatis, in urinis, alvi dejectionibus, atque aliis excrementis, ut cum iſtis quicquam boni unquam elucere nequeat. Mala enim ſigna, cujuſmodi ſunt vigiliæ, deliria, anxietudines, reſpirationes, pulſus mali, & alia multa, durante cruditate, in acutis morbis mortem ſignificant: bonaque viſa ſigna, cujuſmodi eſt morbi allevatio, ſudores vel etiam boni, eruptiones ſanguinis, vomitus, dejectiones, urinæ copioſæ, nihil boni ſignificant, neque his eſſe fidendum, quod non ex ratione ſiant, nobis perſuadetur, juxta illud Hipp. *) *Hæ, quæ ſine ratione ſunt, parum eſt credendum.* Cum cruditate itaque neque bonis ſignis fidere debemus; quoniam ex iſtis nullum fidele judicium habetur. Hinc dixit Gal. *in lib. 1. de Criſib.* Decretoria ſive judicatoria ſigna non ſtatim apparere, quod tunc omnia ſint crudiffima, & *in 4. lib. Aph. 22.* quando aliquis incipit morbus, nullam vacuationem eſſe, & *in primo Aphor.* judicatio cum cruditate aut perniciem, aut longum morbum ſignificat. Idque fit, quod nunquam principio morbi reſolvantur, ſed iſdem declinantibus, aut in vigore cum aliqua criſi, quia omnia inquam cruda ſint. In acutis itaque morbis, præſertim febribus atque inflammationibus attendenda erit coctio & cruditas, quæ in urinis, & alvi dejectionibus, & ſi una pulmonis vel thoracis pars lædatur, etiam in ſputis. Urinæ crudæ variis modis cognoscuntur, quippe ipſarum ſubſtantia, contentisque mutatis; eodem modo dejectiones mutatæ, item & ſputa. Sed de horum coctione & cruditate cognoscenda poſterius ſigillatim ſcribetur. Nunc ſufficiet hæc dixiſſe, quod cruda excrementa dicuntur ea, quæ & ſubſtantia & contentis mutata ab iis, quæ tempore ſanitatis fiebant, obſervantur, atque quæ notis coctionis, quas antea recenſuimus, careant: ſed non in urinis tantum, ſed in omnibus aliis excrementis hoc erit ſedulo cognoscendum. Sed jam tempus eſt, ut de prædictione, ab excretionibus ſecundum communem viam, quip-

Cruditatis
quid di-
citur.

*) Aphor. Sect. 2. text. 27.

quippe universaliter (quando posterius de iisdem sigillatim & accuratius sit a nobis agendum) agamus.

C A P. II.

De prædictione ab excretionibus.

De prædictione ab excretionibus & abscessibus in præ-
sentia acturi, primo de bonis agemus, quæ in morbis
salutem præsagiunt, & postea de malis exitiislibusque. De
bonis hoc in primis affirmamus, optimas esse, quæ post ma-
nifestam & optimam concoctionem apparent. Juxta illud
Hipp. præceptum, *coctiones quippe*, quod in 1. *Epid. a)* statuit,
celerem morbum atque salutarem denotare. Atque hujusmo-
di excretio naturæ lege fit, Auctore Gal. in *lib. 4. Aph. § in*
2. de prælag. ex pulsib. quoniam natura prius concoquit,
postea separat, atque mox excernit, proinde his prægressis
optimæ sunt excretiones, non minusque abscessus. De qui-
bus locutus Gal. in *eod. 4. Aph. 22.* scripsit: *Nobis a natura ex-*
purgari, exinde significari statutum est. Et in 1. *Aph. 12.* de
iis excretionibus judicatoriis scribens, dixit: *Siquidem mor-*
bo jam cocto supervenerint, futuram statim sanitatem denun-
ciant. Quod de *Melidia Hipp. b)* ita habuit: *In urinis subsi-*
dit album, leve, sudavit, judicata est absolute undecimo. Ex
quibus colligamus, excretiones omnes, una cum signis co-
ctionis inspectas, esse bonas, optimasque, si plene conco-
ctus fuerit morbus. In febribus vero acutis urinarum con-
coctio erit attendenda, cum ex statum venosi generis affe-
ctuum demonstrent. Hinc Hipp. merito in *lib. 4. de vict.*
rat. in acut. c) text. 10. scripsit: *Et si e naribus fluxerit sanguis*
solvitur ægritudo, etiam si sudores supervenerint judicatorii le-
gitimi, cum urinis albis crassisque & levibus subsidentis. At
ne nos turbet, quod nonnunquam intereant aliqui cum uri-
nis salutaribus, atque quod in aliquibus moribundis appa-
reant signa coctionis, veluti in *Philisco, d)* morti proximo,
urinæ melioris coloris apparuerunt. Hoc vero coctionem

Excre-
tiones
quænam
bonæ.

Cum si
gnis co-
ctiones.

In urinis

ZZ

non

a) Sect. 2. pag. 948. b) Lib. 1. Epidem. Ægrot. 14. pag. 991. c) Pag. 396. lin. 21. & seq. d) Lib. 1. Epidem. Ægrot. 1. pag. 966.

non demonstrare postea, ubi de urinis agemus, demonstrabimus. Sed nunc nobis sufficiet, urinas colore ac substantia, contentisque recte valentium similes, in perniciosissimis morbis aliquando conspici; in quibus præsertim natura prorsus morbo succubuit, ac ne propterea minima, vel etiam inter ipsam & morbum, fiat pugna, & corporis agitatio. Si vero dicent, nobisque objicient hunc textum *prorrh. a)* qui ita legitur: *Qui principio sudant, urinis coctis, aestuantque, & absque judicatione refrigerantur, & celeriter peruruntur, torpidi item comatosique & convulsi, perniciose habent.* Quasi ex hoc perniciofa symptomata cum urinis coctis stare possint: aut enim legendum erit, *non urinis coctis, sed laboriosis*, ut Gal. in comm. placuit, aut forsan Auctor *Prorrh.* coctas urinas albas, & crassas vocavit, quoniam subfidentiam hujusmodi & in vere coctis urinis vidit. His itaque non obstantibus, perpetuo bonæ erunt urinæ coctæ in febribus, omnesque excretiones, cum urinis coctis, erunt optimæ. Gal. in lib. 4. *Aph.* 37. optimarum excretionum coctionem inter præcipuas notas recensuit, veluti etiam bonam ægri tolerantiam. Quod ex Hippoc. 2. *Aphor. lib. I.* accepit, in quo scriptum est: *In perturbationibus alvi & vomitibus, quæ sponte fiunt, si qualiter oportet purgentur, confert, & facile ferunt.*

Quæque
confe-
runt
ægrotis.

Ex quo aphorismo tertiam notam bonæ excretionis addimus, quæ est, ut excretiones conferant ægrotis. Juxta illud medicum præceptum, quod est, *si ea, quæ juvare debent, juvant, bonum*: atque hæ sunt bonarum, & salutarium excretionum præcipue notæ; addantur aliæ, quod in diebus decretoriis appareant; & loci rectitudinem servant, ita ut læso hepate sanguis e dextra nare, ac ex sinistra, liene; demum quod nullum signum perniciosum simul illuxerit, una cum quibus esse non posset, ut dictum est, urinarum coctio vera: aliquando vero in perniciosis morbis, ut nuper dictum est, urinæ, etsi appareant sanorum similes, concoctæ non sunt. Sed de his inferius nos accurate. Atque de criticis bo-

nis-

nisque excretionibus satis: nunc ad malas, quas *symptomáticas* Medici (quod symptomatis ratione fieri dicantur) appellant. Atque hæc sunt, quæ, ut summi Medici voluerunt, quovis modo ante morbi coctionem apparent, utpote cum urinis ceterisque aliis excrementis crudis. De his Galen. *in lib. 4. Aphor. 22.* ait: *Quamdiu enim a causis morbum facientibus natura gravatur, & humorum adest cruditas, tunc, ut aliquid recte evacuetur, est impossibile.* Pravarum enim excretionum cruditatem esse causam, Galenus etiam *in Epid. Epist. 2. text. 38.* ita habet: *Omnium, quæ tunc inciderent, incommodorum erat caput, incoctio humorum, quod signum pravum natura ad aliquos eorum excernendos aggressa esset, nihil proficiebant, imo vero ab iis superata, aut in profundum recurrere permisit, aut propter paucitatem excretionum abscessum moliebatur; & propterea Hipp. in 1. Epid. com. 2. a) text. 36.* scripsit: *Ante coctionem excretiones, vel nullam crisin, vel dolores, vel longitudinem, vel mortem, vel recidivas.* Et Gal. in comm. in 1. Epid. com. 2. text. 37. de his quoque ita scripsit: *Qui procedunt morbi a coctionis difficultate & copia crudorum humorum, nullum ab excretionibus consequuntur emolumentum.* Dixit quidem multas & violentas confestim opprimere vires, verum tales nihil juvant. Quæ cum etiam duplices sint, nihil proficient, quæ concoctionem non habent adjunctam; quandoquidem, etiam si multæ sint excretiones, nihil tamen conferunt, si absque coctione eveniant. Hinc est, quod in principio morbi, quod tunc omnia cruda sint (hoc enim primum morborum tempus cruditate ab aliis, quod quicquam cocti non ostendatur, in eo interstingvi, Gal. *in lib. 1. de Crisib. testatum reliquit*) aliquid bene evacuari impossibile esse, scripsit Galenus in comm. Aph. 22. & 29. lib. 4. non minusque tunc temporis quicquam excerni a natura, atque excretos humores esse symptomata dispositionum præternaturalium in corporibus, nullamque propterea exinde bonam crisin posse sperari, ibid. scripsit, atque in 1. lib. de Crisib. cap. 8. Hinc etiam in lib. Epid. b) Hippoc. & in eod. 1.

Excreti-
ones
sympto-
maticæ,
sive ma-
læ.

Quæ an-
te cocti-
nem ma-

de Crisib. Galen. *Judicatoria non statim, id est, in morborum principijs apparere.* Ex quibus certo certius apparet excretiones malas & perniciosas esse, quæ cum signis cruditatis apparent. Hasque significare futuram nullam vel crisin, vel dolores, vel labores, vel recidivas, vel longitudinem, vel mortem, ut dictum est, Gal. affirmavit: quare malæ sunt omnes excretiones, quæ ante coctionem apparent, idque, quod dictum est, præfagiunt: sed intelligamus has ita ante coctionem conspectas, ut nulla coctionis signa apparuerint, quæ in principio morbi apparent, quo tempore nulla coctionis signa coeperunt; quoniam ex, quæ (ut sequenti capite declarabimus) aliqua etiam obscura coctione facta apparent, minus malæ sunt, & quandoque imperfectas crises significant; pessimæ sunt, quæ nedum non juvant, sed quinimo lædunt. De quibus Galen. in 3. *Prorrh. com.* 35. a) ait: *Quæcunque ex judicatorijs nihil juvant, sunt judicatu difficilia: Quæ vero etiam in contrarium repunt, sunt lethalia.* De quibus Hippoc. in 1. *Epid.* 2. b) text. 26. *Sudores multi, his tantum aberat, ut recrearent, ut etiam contra læderent, & postea* c) text. 54. *Sed & virulenta vomunt, & ex his quidem subito moriuntur.* Pessimæ item sunt, immodicæ & maximæ, itemque paucæ; quod de abscessibus Hippoc. in eodem 1. *Epid. com.* 2. d) text. 35. expressit dicens: *His succedebant abscessus aut majores, quam ut ferri possent, aut minores, quam ut prodesset quicquam, sed statim redierunt.* Atque hæc de malis excretionibus dicta sint. Nunc restat ad certiore de prædictione ab excretionibus habendam cognitionem, ut quandam tractemus difficultatem, quæ est, an natura ante coctionem probas habere soleat excretiones.

CAP. III.

An ante concoctionem excretiones sint bonæ atque utiles.

At summi Medici fuere, qui plures vel etiam excretiones, ante coctionem, in morbis bonas elucere, ac non raro ob-

a) Et Hipp. Lib. 2. *Epid.* p. 999. b) Pag. 945. in medio. c) Pag. 948. sub finem. d) Pag. 946.

observari affirmarunt, quorum auctor fuit *Victor Trincavel-
lius*, Medicus sua tempestate admirandus, qui in *Tractatu de
pestilenti febre*, atque in 1. & libr. *Epist.* voluit, dari excretio-
nes ante coctionem, quæ nedom malæ sint, sed utiles, & pro-
pterea fovendæ, ac adjuvandæ. Pro qua re distinxit excre-
tiones in criticas, symptomaticas, atque in medias, quæ me-
diam inter symptomaticas atque criticas naturam obtineant, <sup>Excreti-
onum
differen-
tiæ tres.</sup> atque hoc itidem modo distingui abscessus statuit. Primam
differentiam esse ait illarum excretionum, quæ natura, mor-
bum evincente, fiunt, quo tempore omnia, & evicta, & con-
cocta sunt, hasque omnino criticas appellat, & judicatorias,
quod ægrotos perfecte judicent atque liberent. Cujusmodi
sunt post manifestam coctionem sudores optimi, sanguinis
eruptiones, alvi dejectiones, nec non in morbis thoracis et-
iam sputa copiosa, & concocta. Alteram differentiam facit
earum excretionum, quæ naturam morbo evincente appa-
rent. Has plane symptomaticas vocat, quod symptomatis
tantum ratione fiant. Cujusmodi sunt in acutis morbis sudo-
res frigidi circa frontem & collum, immoderata, vires dissol-
ventes, quæ plane crudo morbo observantur. Tertiam ea-
rum excretionum, quæ mediam obtinent naturam inter cri-
ticas & symptomaticas, quas potius bonas quam malas, poti-
us utiles quam inutiles esse, affirmavit. Probavit vero dari <sup>Quomo-
do dari
proban-
tur.</sup> has tres excretionum differentias puris exemplo in ulceri-
bus, ex Gal. in lib. de diff. feb. cap. 6. & 4. *Aphor.* Hic enim Gal.
de symptomaticis excretionibus ita est locutus: *Malæ eva-
cuationes sunt pravæ signa dispositionum, prodeuntque sæ-
pius eodem modo, quo in ulceribus putridis, a quibus ichores, hoc
est liquores saniosi, desinunt, nihilque dispositioni conferentes,
nonnunquam vero ita sicut pus, ex abscessu disrupto bene expur-
gans partem patientem.* Clarius in primo illo de diff. feb. dixit
enim in ulceribus aliquando pus effluere, omnino probum,
& laudabile, nempe album, sanum, leve & æquale, citra ul-
lum odorem gravem, quippe natura partis ulceratæ affectum
evincente, quam excretionem criticis excretionibus quis-
que facile potest comparare: nam quemadmodum excretio

critica & proba sanitatem statim prænuntiat futuram, ita hujusmodi pus ulcus ipsum sanatum iri. Aliquando vero pus ex ulceribus omnino putridum, fœtidum, & pravo colore infestum, naturali partis ulceratæ calore, ex toto ab extraneo extincto, ut in gangrenis, quod plane symptomaticam excretionem demonstrare videtur. Demum aliquando manat pus medio modo se habens, non ex alterius absoluta victoria, sed ex utriusque veluti pugna, & neutro alterum plane superante, in quo pure apparent utriusque indicia, nempe quæ & actionem nativi & externi caloris ostendunt. Nam hujusmodi pus, si album erit, non erit leve, & si leve, non æquale, male olens. Ex prænarratis excretionibus, eas, quæ plane symptomaticæ sunt, perniciosas esse; & prorsus criticas, plane laudabiles; medias vero laudabiles quidem, atque magis bonas, quam malas videri, proinde ab ipsis non raro Medicos salutem prælagire posse. Quod ex mediæ excretionibus bonæ sint, atque etiam fovendæ & adjuvandæ, etsi ante coctionem fiant; quod erit demonstrare, excretionibus & abscessibus ante coctionem, & in principiis morborum conspectis, contra multorum præclarorum Medicorum opinionem, bonos esse atque utiles: quæ veritas hisce argumentis nobis demonstrari est visa, quippe primo humoribus turgentibus, quos utiliter educi, vel etiam in principio morborum, quo tempore crudi sunt, ex Hipp. constat, nimirum dicente in 1. Aph. 22. *Concocta medicari atque movere, non cruda, neque in principiis, nisi materia turgeat, plurima vero non turgent.* Itaque si tales humores in principio crudi existentes possint educi, ergo etiam ipsorum spontaneæ excretionibus erunt fovendæ adjuvandæque: idque forte fit, quod propter tenuitatem, caliditatem, atque facilitatem ad motum, non incommode arte educi, & natura excerni queant. Secundo apparet in peste, papulas, ulcera, abscessus omnes, parotides, exanthemata, variolas, vel etiam ante coctionem erumpentes, magis utiles quam inutiles ab omnibus Medicis fateri. Hinc omnes repellentibus, & has prohibentibus excretionibus, Medicos abstinere, omniaque facere, ut leviter ipsorum motus foveatur, &

Excreti-
ones me-
diæ licet
ante co-
ctionem
fiant, bo-
næ.

& adjuvetur, cucurbitulis, frictionibus calidis, inunctionibus, balneis, atque aliis multis. De quibus Gal. in 1. lib. de succorum bonit. & vitio. cap. 1. ita scripsit: *Atque hæc quidem facere ea, quæ per cutim efflorescentia placidissime vitiosum succum e visceribus profundoque corporis evacuant.* Quis in peste vel in pestiferis febribus unquam ausus fuit, parotides, tumores, in adenis obortos, carbunculos, repellere? quis exanthemata, quis variolas, quis etiam alvi biliosas & putridas dejectiones, quis sudores & eruptiones sanguinis? Denuo demonstrant naturam vel etiam crudos humores non raro neque inutiliter excernere, de qua re Gal. in lib. 3. de dieb. decret. cap. 8. ita habet: *Nam perturbationis violentia naturam ea, quæ molestant, etiam ante tempus, propulsare compellit, quippe virtus ipsa est alienorum expultrix.* Atque clarius in lib. 3. de prælag. ex pulsibus cap. 12. *Semper porro omnis excretio naturæ lege perfecta sequitur coctionem, etenim in ventre conspicitur natura excrementum a concoctione excernere. Ceteras omnes excretiones, quæ, antequam cibus coctus fuerit, sunt, nunc quod vellicetur ab illis, quæ continet, nunc quia depravetur ante tempus coctionis, cogitur moliri: haud aliter totius corporis facultas, posteaquam satis familiarem succum concoxerit singularium partium, tum demum excrementum excernitur, nisi quid eam, ut diximus, irriter ante tempus.* Ex quibus liquido constat naturam excernere ante tempus, neque omnes excretiones & abscessus ante coctionem conspectos esse symptomaticos, sed quosdam a natura esse, neque inutiles. Quarto, excretiones humorum calidorum tenuiorumque esse faciendas, quod hi, ni turgeant admodum, facilitate, & calore futuri turgentibus dici queant. Ex quo merito a Galeno scriptum est in libr. 3. prognost. com. 23. *humores corporis calidiores, tenuioresque paratissimos esse ad excretionem.* Hinc Averrhoi ac multis, hos, ut purgentur, coctione non egere, visum est, quod facilius ad excretionem sint: & postea ait Galen. *abscessibus retrocedentibus motionem quandam inesse necessario, quo nobis persuadetur humores ipsorum proxime ad turgentium naturam accedere.* Demum probant hujusmodi

di excretiones esse utiles & adjuvandas, etiam si omnia cruda sint, *Sileni a)* exemplo, de quo Galen. ait: *Cum igitur virium robore septimum diem, ut dixi, potuerit superare, octavo papulas cum sudore habuit rubentes, rotundas, parvas, nam ejus morbo repugnante & humorum superfuitatem malorum ad cutem propellente, illud fuit causa, cur die nono non sit mortuus, sed undecimo.* Ex quo colligunt papularum eam excretionem fuisse utilem, etiam morbo plane crudo; atque ita de aliis dicendum. Quam veritatem multorum ægrotantium historiæ, in *Epidemiis* nobis ab *Hippoc.* memoriæ traditæ, confirmabunt, & præsertim *Herophontis*, *b)* *Metonis*, *c)* *Sileni*, *d)* *uxoris Epicratis*, *e)* *Clazomenii*, *f)* *Melidiæ*, *g)* *Chæriæ*, *h)* atque aliorum multorum. De *Herophonte* scribit *Hipp.* Quinta die cum urinis nigris tenuibus lienem intumuisse, & octava doluisse inguen primum, secundum lienis rectitudinem, deinde dolores in tibiam utramque transiisse, urinasque tunc melioris fuisse coloris, parvam habuisse subsidentiam. Ex quibus adhuc paululum crudum esse morbum conjiciebatur, proinde neque lienis tibiærumque abscessus, neque sudor, nona die secutus, inter symptomaticos erat ponendus, cum ab ipsis judicatus sit, licet non integre. Quid de *Metone*? an non eruptione sanguinis e naribus judicatus est, cum urinis nigris & crudis? an non *Hipp.* eo tempore, quo crudus erat morbus, lotione capitis est usus, ad augendam & fovendam sanguinis illam symptomaticam eruptionem. Quod commendavit *Gal.* etiam in 1. *Epid. text. 3. com. 25.* dicens: *Hujus te præsentissimum remedium docuit, capitis lotionem: dixit enim in lib. de rat. vict. in morb. acut. i) caput non lavandum esse iis, quibus de naribus erumpit sanguis, nisi minus justo fluat; nunc vero erat justo minus, siquidem perpetuabat vigilias & deliria.* Eodem itidem modo *Uxor Epicratis* sudores habuit, vomitusque biliosos subcrebros, quibus

a) Vide ejus historiam lib. 1. *Epid. Ægr. 2. p. 969.* b) lib. 1. *Epid. Ægrot. 3. p. 974.* c) *Ibid. Ægrot. 7. pag. 983.* d) *Ibid. Ægrot. 2. pag. 969.* e) *Ibid. Ægrot. 5. p. 979.* f) *Ibid. Ægrot. 10. p. 985.* g) *Ibid. Ægr. 14. p. 991.* h) *Lib. 3. Epid. Ægrot. 5. p. 1072.* i) *Pag. 395. lin. 44. & seq.*

bus etiam, crudo adhuc morbo existente, fuit judicata. Idem *Clazomenio*, de quo Hipp. *Dejectiones ab initio ad diem usque decimum quartum multæ tenues aquei coloris, urinae perpetuo tenues, ceterum boni coloris, & multum habebant suspensionum diversarum.* Idem quoque in *Melidia*, quæ die septimo critice sudavit, & febris intermisit, & rursus dejectiones habuit tenues, biliosas, mordaces, paucas, nigras, licet urinae tenues & crudæ essent. Hoc & in *Charione* est visum, cum urinis tenuibus, licet boni coloris, die secunda sudaverit per totum corpus, & fuerit judicatus. Hoc idem in longe pluribus fuit observatum, quippe ante coctionem excretiones multas conspectas fuisse judicatorias atque bonas. Quid igitur dicendum? an non Hipp. artis medicæ dogmata verissima ac certissima scripsit? an non hæc ipsa Gal. plane confirmavit? Certe quidem; neque ad contrarium demonstrandum rationes adductæ, & veritatem hanc obscurare poterunt, si, ut Alexander Massaria, Medicus hujus ætatis eximius, nobis hac ætate in hoc gymnasio concessus, ut Hippoc. Galenique veterem medendi artem, a multis Medicis, variis temporibus, obscuratam, ac maxime vitiatam, pristino candori restituat, ac illustret; quem Medici ingenui ac innocentes, veteris Medicinæ studiosi, summis laudibus merito perpetuo extollunt, ipsiusque de hac ipsa medendi arte clara, posteris ab ipso relicta, monumenta maxime suspiciunt, admirantur, non indigna, ut antiquorum Medicorum illorum, qui olim supra omnes claruerunt, scriptis comparantur; in disputatione de purgatione, morborum principio instituenda, respondebimus: *Tametsi excretiones sine coctione, vel sua sponte, vel ex arte factæ, videantur nonnunquam utiles esse, illas tamen non esse dignas imitatione, cum maxima ex parte noxiæ & periculosæ esse soleant.* Nam etsi quis contendat, ægros interdum istiusmodi importunis vacationibus liberari, non propterea statuendum eas commodas fuisse, & quas Medicus debet imitari: licet enim mortem non asserant, alia incommoda invehunt, quæ profecto non invehent, si cum signis bonæ concoctionis factæ fuissent. Hujusmodi autem incommo-

Excreti-
ones sine
coctione
factæ
non imi-
tandæ.

*da præclare describuntur ab Hippocrate: a) quippe excretiones ante coctionem vel nullam afferunt crisin, vel malam, vel dolores & labores (quorum nomine mala omnia symptomata comprehendendi possunt) aut morbi diuturnitatem, aut mortem, aut recidivas. Istud facile demonstrant ægri, quorum superius facta est mentio: in Metone, b) Crisis intempestiva, etiamsi non fuerit pernicioſa, gravia tamen symptomata intulit, vigilias ac delirium, intulissetque adhuc recidivam, testimonio Hipp. & Gal. nisi crebro sanguis post iudicium profluxisset. Heroph. c) in tot periculosa incurrit symptomata, ut Gal. scribat præter expectationem eum supersitem fuisse, præterquam quod die quarta decima recidivam non potuit evitare. Qui in Dealcis horto decumbebat, d) omnia subiit incommoda & pericula præter interitum, ex quo etiam evasit, teste Gale-
no propterea, quia maximas habuit vires, quæ tot & tanta mala sustinere potuerunt. Hactenus Massaria. Hac hora ejus mors audita est magno cum omnium medicinæ studiosorum dolore. Hæc omnia hic recitare placuit; quod hæc omnia nostram de hac difficultate sententiam maxime confirmant. Quibus addimus, ut ad objecta respondeamus, nos quidem fateri turgentium humorum excretiones, vel etiam in principio morborum utiles, fovendas atque adjuvandas esse. Proinde & exanthematum, pustularum, abscessuumque omnium ad ignobiles partes talium humorum, quales sunt calidissimi, tenuissimi, summe putridi & venenosi, ad turgentium naturam accedentium, vacuationes esse potius fovendas, & adjuvandas, quam cohibendas; nihilominus bonas quidem per se non dicemus, crudo prorsus morbo existente, cum plures his conspectis interiisse, & Hipp. in Epid. & Gal. itidem in comment. & præsertim in libro de succorum bonitate & vitio, cap. 1. nobis affirmarint. Quis enim parotidibus, quis carbunculis, quis exanthematis, atque aliis abscessibus, tametsi bonum sit, humorem illum malignum foras*

Excreti-
ones tur-
gentium
humo-
rum fo-
vendæ.

a) Lib. 1. Epid. Com. 2. pag. 948. b) Lib. 1. Epidem. Ægrot. 7. pag. 983. c) Lib. 1. Epid. Ægrot. 3. pag. 974. d) Lib. 3. Epid. Ægr. 3. pag. 1066.

de Cris. cap. 8. ita habet: *Sanguinis autem profluvia, & sudores, & tumores, qui juxta aures fiunt, & reliqui decubitus, si in tempore quidem fiant, opportune prodesse possunt; intempestiva autem nihil juvant.* Hipp. scribit: in 3. Epid. b) c. 7. *Mulierem, in menadacium foro decumbentem, habuisse de naribus sanguinis eruptionem, quæ tamen postea interiit. Quod Larissæ Hyposteni evenisse etiam Hipp. in lib. 5. Epid. text. 14. c) tradidit. Quod certe ego in multis vidi, sed proxima æstate in quadam juvene, quæ, cum ex abortu febre ardenti duobus mensibus laborasset, eoque tempore habuerit crebras, largas, de naribus eruptiones sanguinis, ipsisque aliquantisper videretur juvari, tamen, quod perpetuo urinas, alvique dejectiones crudas habuerit, ideo labores, dolores longitudinemque passa est, ac denique mortem obiit. Non tacebo me Venetiis quendam Bononiensem vidisse ardente febre conflictatum, in quo a prima die usque ad decimum quartum, qua die perfecte est judicatus, sanguis e naribus, die nocteque, una cum copioso & assiduo profluvio ventris bilioso virulento, effluxit, qui tamen, etsi dolores, deliria, vigilias & fere mortem sustulerit, quia maximas vires habuerit, præter expectationem servatus est. Quibus tamen symptomaticis excretionibus non est fidendum. Sed quid ad excretiones, quæ absque signis coctionis in Epicratis uxore, Clazomenio, Melidia, Cherione & in eo, qui in Dealcis horto decumbebat, & in aliis servatis, apparuerunt? Dixerim eas excretiones non fuisse ex iis, quas Galen. cum Hipp. symptomaticas vocat, sed potius criticas; cum non absque aliqua coctione, tametsi non perfecta, illuxerint. Intelligimus ex Galeno, Hippocrateque symptomaticas esse, quæ, nullis coctionis signis visis, sed omnino crudo morbo existente, apparent: propterea dixisse has morborum in principio esse malas, neque in principio posse quicquam bene evacuari, ut Gal. docuit lib. 4. Aph. 22. hisce verbis: *Quare cum morbi in initio sint semper indicia cruditatis, omnino ut tum mala non sit hujusmodi humorum vacuatio, fieri prorsus non potest.* Et Hipp.*

in 2. Epid. a) dixit: *Judicatoria signa non statim apparere.* In principio vero morborum omnia esse cruda, vel ex eo cognoscimus, quod Galen. 1. *de Crisibus* principium fecerit primum morborum tempus, in quo morbus omnino crudus existit, habereque terminum ad principium coctionis, quæ ubi incipit apparere, augmentum dicitur, eaque perfecta & absoluta, status, quibus duobus temporibus fieri crises omnes Medici noverunt. Quare prædictorum ægrotorum excretiones non fuere ex Hippocratis Galenique sententia symptomaticæ, sed criticæ, cum coctionis quædam rudimenta adfuerint. Namque in *Herophonte* die octava urinæ fuerunt melioris coloris, & residebant in iis pauca, a quibus die nono sudore fuit judicatus; quod vero urinæ non omnino essent concoctæ, ideo recidivam illa excretio minabatur, quando bonarum cricum, ut postea dicemus, duplex sit differentia; quædam enim perfectæ sunt, quibus omnino ægri judicantur, & quædam imperfectæ; hæc aliquo signo coctionis conspecto, id est in augmento, fiunt, illæ omnino coctione perfecta, in statu. In *Epicratis uxore* die undecimo urinæ coloratiores cum multo sedimento fuerunt: & de *Metone* Hipp. *die quinto e dextra nare affatim profluxit sanguis merus, sudavit, judicatus est; a judicio, urinæ tenues subnigræ meliores erant, quum antea nigræ essent cum nigro sedimento, quæ solent esse omnino lethales.* In *Clazomenio* item *urinæ perpetuo, ut scripsit Hippoc. tenues fuerunt, sed boni tamen coloris & multum habebant suspensionum dispersarum.* Atque itidem in *Melidia* & *Cherione* tenues, & boni coloris, quas ex colore aliquam coctionem habuisse, notavit Galen. Ex hisque esto nobis demonstratum, posse quidem naturam excernere humores, vel etiam crudos, sed hæc excretiones raro bonæ, nunquamque per se, quæ aliquando salutem, cum exitiales plerumque sint, non nisi magnis incommodis, pollicentur; nunquamque ita bonas esse, ut illis nos fidere debeamus. Quibus una si signum aliquod illuxerit perniciosum, omnino exitiales

les erunt. Itaque colligamus naturam ante coctionem sanguinem sapius critice, id est, utiliter excernere, sed neque huic excretioni perpetuo esse fidendum: atque hæc obiter a nobis de hac difficultate dicta sint. Nolui enim ita sicco, ut ajunt, pede lectores ad prædictionem ex particularium humorum singulis excretionibus, de quibus nos postea accuratius, his non præmissis ac cognitis, descendere.

C A P. IV.

De diebus decretoriis ad prædictionem facientibus.

Cum ad singulas humorum excretionem pro salutis ac mortis prædictione descendere minime possimus, ni prius & de *diebus decretoriis*, & *judicatoriis* vocatis, atque de *crisibus*, non minus accurate scripserimus. Horum etenim cognitio videtur necessaria ad rectam omnium excretionum rationem ad prognosin assequendam. Idcirco inprimis de iis sermonem præmittemus. Dicimus itaque, diebus, in quibus morbi finiuntur, has inesse differentias; nam quidam sunt, in quibus observatum est, morbos aut simpliciter resolveri, aut cum aliqua excretionem, aut cum abscessu, aut ægros in iisdem quovis modo interire. De quibus Hippoc. in 3. lib. *Prognost.* a) ait: *Febres autem judicantur iisdem numero diebus, & ex quibus supersunt homines, & ex quibus intereunt, simplicissimæ enim febres, ac signis firmatæ securissimis, quarto die, aut citius desinunt. Deterrimæ vero, ac signis affligentes difficillimis, quarto die aut citius interimunt.* Ex quibus Galen. in *Comment.* ait, *dies decretorios* nominari, in quibus morborum fiunt mutationes, aut quod in ipsis ægroti statim liberantur, aut quod in melius mutantur, aut quod moriantur, aut quod in deterius labuntur. Hæc vero mutationes, (quas *judicationes* etiam vocant) fiunt cum quadam evidenti vacuatione, excretionemve, aut abscessu. Itaque ex iis dicimus, dies, quos decretorios, judicatorios, atque criticos Medici vocant, illos esse, in quibus naturæ pugna cum morbo, vel alterius ipsorum victoria apparet; aut in quibus morbos solutos iri, quovis-

Dies decretorii
quinam
dicuntur.

a) Pag. 43. in fine, & 44. initio.

quovismodo nobis indicatur; aut in quibus ægri moriuntur. Pro decretoriis vero complures ac fere innumeri passim apud Hipp. in libris *Epidemiorum*, *Prognosticorum*, & *Aphorismorum* leguntur ac observantur; ex quo multis visum est, quod in omni die possit solvi morbus, omnesque fere dies posse decretorios dici. Hipp. in 1. *Epidemiorum*, com. 4. a) text. 14. hoc expressit: *Est autem primus decretorius circuituum, qui diebus paribus judicant, quartus, sextus, octavus, decimus, decimus quartus, vigesimus octavus, trigesimus, quadragesimus octavus, sexagesimus, octuagesimus, centesimus. Et circuituum, qui judicant imparibus diebus, est primus, tertius, quintus, septimus, nonus, undecimus, decimus septimus, vigesimus primus, vigesimus septimus, trigesimus primus. Et in libro quarto Aphorism. 36. eosdem expressit; dicens: Sudores febricitanti si inceperint boni, & tertio die, & quinto, & septimo, & nono, & undecimo, & decimoquarto, & decimoseptimo, & vigesimo primo, & vigesimo septimo, & trigesimo quarto; qui vero non ita fiunt, laborem significant, & morbi longitudinem & recidivam.* Non desunt, qui omnes ad vigesimum usque decretorios fecerint. *Diocles*, ut Galen. in 1. lib. de diebus decret. cap. 9. scribit, primum & secundum diem non raro decernere affirmavit, forte, quod primo die febres varie resolvantur, atque etiam quod ex Galeno in lib. de Crisib. cap. 17. aliquis morbus ad statum pervenire etiam prima die possit; non raroque contingit, ut una die moriantur homines, uti sunt Apoplectici, & qui repente suffocantur: sed tamen raro crises atque judicia prima & secunda die fieri possunt, quando humores longiori spatio ad maturitatem perveniunt. Tamen non negandum erit, non raro spectari excretiones prima & secunda die, sed hæc omnes pravæ existunt, ut superiori capite satis est demonstratum. De tertio vero, quarto, & quinto nulli dubitant, hosque dies esse, in quibus non raro judicia animadvertantur. Sextum quoque esse decretorium, Gal. in 3. de dieb. decret. concessit, sed plerumque in ipso difficile ac incertum fieri judicium. In quo die *Larissam virginem* fuisse in-

tegre judicatam Hipp. *Epid.* 1. a) text. 4. ita tradidit: *Sexto ex naribus largiter multum fluxit, inborruit, ac mox sudavit toto corpore multum & calidum, sine febre, est judicata.* Septimum non solum esse decretorium, sed omnium validissimum esse, omnes fatentur. Octavum ex paribus decretoriis fecisse Hipp. nuper vidimus. *Et in libr. 4. Epid. b)* plures ægrotos ea die judicatos meminit. De nono ab aliquo non dubitatur. Decimum quoque judicatorium fecisse aliquando visum est Hipp. c) cum dixerit: *Decimo sudavit, puta subcoctus, judicatus est;* & in 6. *Epid. d)* mulierem, quam in *Cranone* curavit, decima die sudores, ut Gal. placuit, bonos habuisse, scriptum reliquerit. Gal. in *Comment. Historiæ Pythionis* non plane e numero decretoriorum dierum detrahendum decimum diem affirmavit: idem de duodecimo & tertio decimo dicunt, cum tamen raro aut nunquam, & neque recte hi dies judicent. Decimum quartum post septimum præcipuum obtinere locum Gal. docuit. De decimo quinto, & decimo octavo, qui inter decretorios vere recenseri non debent, dicunt, quod in ipsis & in singulis aliis aliquando morbi resolvuntur. Ceterum etsi aliquando in iis omnibus morbus aliquis possit judicari, tamen non hos omnes judicatorios merito Gal. & alii Medicinæ Auctores fecerunt, sed eos tantum, in quibus frequentes & multæ judicationes morborumque mutationes spectantur. At ut vere judicatorii cognoscantur, Hippocratis regulæ erunt observandæ. Quando non omnes dies, sed eos tantum, qui quaternis septenisque circuitibus dierum fiunt, esse decretorios Galen. in *primo Epidemiorum*, hisce verbis expressit: *Ostendimus vero in lucubratione de diebus decretoriis, omnium esse decretoriorum validissimos, qui quaterno, vel septeno circuitu fiunt.* Sed de horum cognoscendorum regula Hippocratem nunc audiamus, qui in *lib. 3. Prognosticorum e)* ita habet: *Itaque primus impetus hunc*
in

a) Ægr. 12. pag. 1110. b) Pag. 1121. in fine, text. 3. c) Lib. 3. *Epid.* pag. 1059. Ægr. 1. in historia Pythionis. d) Sect. 3. text. 5. p. 1174. e) Pag. 44. lin. 2.

in modum finitur, secundus vero ad septimum producitur, tertius ad undecimum, quartus ad decimum quartum, quintus ad decimum septimum, sextus ad vigesimum. Hi ergo ex morbis acutissimis per quatuor ad viginti ex additione terminantur. Et in secundo libro Aphorismorum 24. Septenorum quartus est index, alterius septimane octavus principium. Est autem & undecimus contemplabilis, ipse enim quartus est secundæ septimane. Rursus vero & decimus septimus contemplabilis, ipse siquidem quartus est a decimo quarto, septimus vero ab undecimo. Ex quibus supra viginti si addamus quatuor, vigesimum quartum decretorium faciemus, & ab ipso addentes secundum quaternarium, cujus principium est vigesimus quartus, faciemus vigesimum septimum, & hoc ordine, trigesimum primum, trigesimum quartum, trigesimum septimum, quadragesimum, quadragesimum quartum, quadragesimum septimum, quinquagesimum primum, quinquagesimum quartum, quinquagesimum septimum, sexagesimum, sexagesimum quartum, sexagesimum septimum, septuagesimum primum, septuagesimum quartum, septuagesimum septimum, octuagesimum, octuagesimum quartum, octuagesimum septimum, nonagesimum primum, nonagesimum quartum, nonagesimum septimum atque centesimum. Quare tot erunt dies decretorii vocati, in quibus sæpissime morborum fiunt mutationes & judicia, & solutiones; addunt quoque Hipp. & Gal. tertium, quintum & nonum, ut ex libro quarto Aphorismorum a) apparet. Non minus & sextum. Hippoc. vero hos omnes divisit in decretorios atque in indicatorios. Hos esse quartum septimi, undecimum decimi quarti, & decimum septimum vigesimi, & vigesimum quartum vigesimi septimi, & trigesimum primum trigesimi quarti, & trigesimum septimum quadragesimi, & sic de aliis omnibus, primus quaternarius indicat, quod in altero est futurum, & tertius quod in quarto, & quintus quod in sexto & ita de aliis. Et hoc est, quod Hipp. in Aphorismis: b) septenorum quartus est index.

B b b

De

a) Aphor. 36.

b) Sect. 2. 24.

De quo Hippoc. in 4. Aphor. 71. ita habet: *Quibus septima judicatur, his nubeculam habet quarta die urina rubram, & alia ex ratione; & Gal. in comment. ait: Nam cum quarta dies sit index, quemadmodum ipse edocuit, & qualis sit futura septima præmonstret, omne quod ipsa dignum effatu signum coctionis apparuerit, futuram septima die judicationem ostendit, adeo quod non solum rubra aliqua nubes in urina apparens, antea non visa, judicationem significat; sed & alba multo plus ipsa, adhuc autem magis enæorema, (latime crassamentum quoddam suspensum, & velut conglobata nuhecule, media in urina pensilis, dici potest) æquale atque consistens, sibi que ipsi cohærens, crisin fore prænuntiant. Si vero velociter admodum morbus moveatur, & mutatio coloris & consistentie, sunt sufficientia signa future judicationis: tenuis itaque urina, si mediocriter crassa efficiatur, & si alba rubra fiat, in tali morbo judicationem significat.* Ex quibus apparet, quod coctionis signis non tantum in urinis, sed in aliis quoque excrementis, quarto die, vel aliquo alio die, contemplabili, vel indice apparentibus, septimo futura bona judicatio nobis indicabitur; & sic mala, eodem die cruditis & malignitatis signis conspectis. Quam rem maxime a Galeno in *Commento* illustratam habemus. *Cherion a)* vigesimo judicatus, decimoseptimo, qui est vigesimi index, habuit urinas melioris coloris cum subsidientia. Quare contemplabiles indicesque dies ideo sunt appellati, quod perpetuo indicent judicationes in altero quaternario futuras; & decretorii, quod ipsi judicent: sed aliquando confunditur hic ordo, ut quandoque indices fiant decretorii, & decretorii indices. Quare tot sunt dies vere decretorii & indices, quot in febribus continuis ad prædictionem considerantur, & ipsorum loco est circuitus accessionum numerus in febribus intermittentibus: nam, ut Hipp. *b)* habet *tertiana febris septenis circuitibus terminatur*; atque quarta accessio erit index septimæ, ex ipsa poterimus ferre judicium de septimæ exitu. De qua re

Dies Indices
quare ita
vocati.

a) Ejus vide historiam lib. 3. Epidem. Ægrot. 5. pag. 1072. b) Aphor. Sect. 4. 59.

re Galen. *in lib. 3. Prognost.* ita scripsit: Ut enim per febres continuas numeramus omnes deinceps dies in præsensio- nem futuræ indicationis; ita per intermittentes annotatio- nes, ut, quod per continuas septimus dies valet, id per in- termittentes septima circuitio præstat: ob id igitur exqui- sita tertiana septem circuitibus, non diebus septem; judi- cari natura solet; quin etiam, quod quartus dies a princi- pio numeranti adversus septimum est, id quarta circuitio adversus septimam circuitio- nem. Quartus enim dies sep- timi index est, & item quarta circuitio septimæ index. Ita- que in intermittentibus febribus accessiones, atque in conti- nuis, dies observamus, qui, ut dixi, sunt partim *judicatorii*, quod in ipsis fiant in morbis mutationes & judicationes, partim *indicatorii*, quod indicent in altero quaternario mutationes & judicia. Adduntur alii, qui vocantur *inter-* Dies in-
tercala-
res atque
interci-
dentes
quinam. *calares* atque *intercidentes*, cujusmodi sunt, tertius, quin- tus, sextus, nonus, vigesimus primus, in quibus quan- doque fiunt judicationes, sed tamen raro, & quæ neque bo- næ, neque certæ sunt; quia nimirum fiant a natura morbo ir- ritata ac provocata, ex quo aliquibus etiam *provocatorii* fuere nominati. Ceteri alii omnes dicuntur *non decretorii*, uti, est primus, octavus, decimus, duodecimus, teritiodecimns, decimus quintus, & decimus sextus, decimus octavus, & decimus nonus, atque alii item plures omnes, quippe qui ultra decretorios, indices, atque intercidentes sunt; atque tot sunt dies decretorii & ipsorum præcipuæ differentiæ, de quibus qui plura desiderant, legant libros Galen. *de Die- bus Decretoriis*, & quorundam recentiorum Medicorum, qui e iis satis accurate scripserunt. Nunc unum, priusquam de prædictione ab ipsis diebus agamus, superfuisse nobis at- tingendum, certe scimus, quod a multis sane, quo scitu difficilius, eo a vidius desideratur, quippe de causis dierum Dierum
critico-
rum
causæ. criticorum, de quibus sane quædam attingam. Jam sciunt omnes, plures causas a viris eruditis afferri. Pythagoreo- rum plures ad vim numerorum retulisse dies decretorios dicitur, quod Deus naturaque certis numeris gaudeat:

Astrologi ad varios aspectus stellarum errantium & fixarum; alii ipsorum, ut Galen. ad lunæ aspectus; alii ad solis lunæque speciatim aspectus, eo modo, quo quidam viri eruditissimi studuerunt probare maris fluxum & refluxum, augmentum & decretionem exinde concitari: *Amatus Lusitanus*, Medicus Hebræus, ad harmonicam consonantiam: *Ludovicus Lemosius*, qui de prædictione doctissime scripsit naturam fecit crîsum, criticorumque dierum, auctorem, præsertimque expultricem, humoris copiam, accessiones, morbos ipsos, atque ambientis naturam: *Hieronymus Fracastorius*, Philosophus & Medicus præclarus, ad motum proprium humoris melancholici omnem dierum criticorum causam retulit: Nos vero non ad hujus solum humoris motum, sed bilis atque pituitæ; ita ut ex propriis motibus humorum exuberantium mutationes judiciaque in quibusdam terminatis diebus fiant. Humores enim biliosos & acutos scimus nos alternis diebus moveri, quaternis crassos melancholicos, atque uisos, quotidie pituitosos. Hinc Hipp. in 4. lib. Aphor. 61. scripsit: *Febricitanti, nisi diebus imparibus febris reliquerit, solet reverti*: quasi febres, omniumque maxime ardentes, diebus imparibus, ex acutorum humorum, a quibus excitantur, natura, apta moveri de tertio in tertium, judicari optimum sit. Quod Gal. in libello Dogmatum Hipp. confirmat, dicens: *acutos morbos magna ex parte diebus imparibus judicari*. Qui etiam in 3. Epid. scriptum reliquit, easdem febres solitas esse accedere diebus imparibus; proinde rarissimum esse notat, quod Hipp. in illo libro a) dixerat, quippe plerosque ægrotos in ea constitutione habuisse accessiones diebus paribus. Quod egregie Hipp. in 1. Epid. b) ita expressit: *Quæ diebus paribus accedunt, paribus judicantur, quorum vero sunt in imparibus accessiones, imparibus judicantur*. Ex quo Hipp. dies criticos coincidere cum accessionum motibus affirmat. Quam rem Gal. in com. perbelle notavit hisce verbis: *Sæpius fieri in accessionibus judicia, tum quod in iis humores vehementer move-*

antur,

antur, & veluti ebullientes erumpant sanguinis eruptione, vel sudoribus, vel vomitibus, vel dejectionibus, vel hæmorrhoidibus, vel menstruo in mulieribus; tum propterea, quod id temporis ad excernenda illa impellatur natura, simul quod gravata & afflicta ad excernendum irritetur, simul quod illis magis fufis & discretio noxiorum humorum promptior & iudicium fiat proclivius.

Quare ab una eademque causa & accessiones & dies iudicatorios fieri, est necessarium. Hinc Hipp. ex accessionum varietate, id est, ab ipsis paribus accedentibus pares dies criticos constituit, & impares ab accessionibus imparibus. Quos ipse in 1. Epid. com. 3. a) text. 14. ita expressit, dicens: *Est autem primus decretorius circuituum, qui diebus paribus iudicant, quartus, sextus, octavus, decimus, decimus quartus, vigesimus octavus, trigesimus, quadragesimus octavus, sexagesimus, octuagesimus & centesimus. Circuituum vero, qui iudicant imparibus diebus, primus, tertius, quintus, septimus, nonus, undecimus, decimus septimus, vigesimus primus, vigesimus septimus, trigesimus primus.* Quoniam vero fit, quod raro exsuperant humores puri & simplices, sed mixti, biliosis fere perpetuo melancholicorum ustorum portio aliqua permisceatur, & non raro pituitosorum; ideo non simplices biliosorum, aut melancholicorum, aut pituitosorum motus apparent: quare ab eadem causa fiunt dies iudicatorii, ex qua accessiones. Sed dicet lector, a quibusnam fiunt accessiones? a motu proprio humorum; & si rursus proprii humorum motus a quo fiant, petierit, dicam nondum vere cognitum esse, neque ad nos pertinere quæstionis istius resolutionem. Humorum itaque motui addimus quoque naturam ac excretricem facultatem; hæc excernit, quod concoctrix debito tempore concoquit, proinde servat certos dies ad excretionem faciendam, qui sunt, ut dictum est, dies vere decretorii, quos divisimus in decretorios, indices, atque intercidentes seu provocatorios, in quibus & in aliis quoque, quos non decretorios vocavimus, aliquando natura ante tempus excernens, irritata aut provocata humorum aut qualitate acri venenosa, aut copia humo-

rum, mutationes morborum atque judicia facit. Atque hæc obiter a nobis de hac re dicta sufficiant.

C A P. V.

De prædictione a diebus decretoriis.

Salus aut mors
quomo-
do ex
diebus
decreto-
riis co-
gnosci-
tur.

Ex diebus criticis seu decretoriis & salutem & mortem Medici prænoscent, quatenus in ipsis signa coctionis & alia bona apparent, ex quibus, quarta die observatis, aut crisi futuram septima, aut morbi quovismodo solutionem merito omnes sperant. In morbis spirituosarum partium sputa, in febribus urinas, atque in ventris affectibus dejectiones Medici debent observare. Quæ omnia in die aliquo decretorio, aut indice, bona conspecta, sanitatem futuram denotant; & quæ cruda, ut dictum est, longitudinem laborem, dolorem, recidivam, aut demum mortem ipsam: una vero cum signis exitiosis crudæ urinæ in febribus, aut sputa in morbis spirituosos, & in ventris affectibus dejectiones, mortem proculdubio in proximo altero decretorio; quod *uxori Dromeade a)* contigit, cum quarta die (quæ obiit sexta) comatosa, stillas sanguinis ex naribus habuerit, cum urinis paucis oleosis, quæ sunt perniciofa signa in quarta die, quippe signa decretoria. Signa vero coctionis & bona, etsi conspiciantur in intercidentibus diebus, quicquam certi ad prædictionem non significant, sed potius mala esse suspicandum erit; tametsi non negandum quoque sit, quosdam servatos sexta die, sed rarissime & non sine recidivis. Observant quoque optimum esse, si imparibus diebus morbi acuti, febresque præsertim ardentes, signa bona habuerint, certumque præsagium facere dicunt; incertum, non bonum, & cui non sit fidendum, si paribus diebus, in prædictis acutis morbis, vel signa coctionis vel mutationes conspiciantur, ex quo Hipp. ut dictum est in 4. lib. Aph. 61. dixit: *Febricitanti, nisi in diebus imparibus febris reliquerit, solet reverti*: quod tamen falsum esse Gal. in Comm. clare demonstravit, ac etiam Hipp. in 3. Epid. b) 3. tit. confirmavit, cum dixerit: *Accessiones plerique diebus paribus habebant*. Quod tamen

Judica-
tiones
bonæ vel
malæ
quibus
diebus
fiunt.

tamen rarum fieri, Gal. *in Comm.* docuit; cum proprium sit omnium ardentium febrium & peracutorum morborum, imparibus diebus ut resolvantur. Malasque propterea, non fideles judicationes esse, quæ eveniant diebus paribus, Gal. *in 3. Epid.* ita docuit: *Si accessiones diebus paribus fiunt, a principio statim ad sextum diem, pessimum indicium fore prænunciant. Interim in longum producendum morbum. At si quidem admodum moveantur, quarto die pravam habentem accessionem ad diem sextum de vita decedere.* At hoc plerumque veritatem habet, quoniam non pauci fuerunt recte sexta quoque die judicati, cujusmodi fuit *virgo Larissæ*, de qua Hippoc. a) ita habet: *Sexto ex naribus largiter multum fluxit, inhorruit, ac mox sudavit toto corpore multum & calidum, sine febre, est judicata,* & Galen. *in 6. Epid.* mulierem, quam Hipp. b) in *Cranone* curavit, decima die habuisse bonos sudores statuit. Colligimus itaque, quod morbi accedentes diebus imparibus, iisdem judicari debebunt, & ubi paribus hi judicentur & resolvantur, quicquam boni ac certi non habere. Contra quoque diebus imparibus longos, ut Gal. *in lib. 3. de dieb. decret.* tradidit, morbos judicari, qui paribus moveri deberent, bonum non erit, imparibus scilicet moveri & judicari; judiciumque neque bonum majori ex parte fiet. Atque hæc sunt de prædictione a diebus decretoriis, a quibus potius tempus futurorum judiciorum in morbis, & resolutionem prænosceatur, quam vere quicquam certi ad salutem haberi queat. Nam signa coctionis, etsi in diebus decretoriis bona esse constant, tamen eadem erunt, & idem significabunt, in omnibus diebus conspecta; etsi negandum tamen non sit, salutis signa, in diebus decretoriis conspecta, longe certius & fidelius salutem prædicere, & mortem cruditatis signa, eaque prava. Addamus regulam aliam ad prædictionem a decretoriis diebus, quam Hippoc. *in lib. 3. Progn.* c) 33. ita expressit: *Si quibus horum cæpit dolor primo die, quarto premuntur magis, septimo vin-*
dican-

a) Lib. 3. Epid. Ægr. 12. p. 1110. b) Vide Lib. 6. Epid. Sect. 3. text. 5. pag. 1174. c) Pag. 46. lin. 5. & seq.

cantur. Plerique eorum incipiunt dolore vexari tertio die, quinto conflantur magis, deinde vindicantur nono aut undecimo. Quod si quinto die incipiunt dolore vexari, & alia quoque secundum rationem ipsis ex prioribus accedant, quatuordecimo morbus finietur. Sed his præmissis potius in gratiam crifium cognoscendarum, ad ipsas modo declinemus.

C A P. VI.

Quid Crifis fit, quotuplexque, & quomodo fiat.

Crifis
quid.

Præmissimus accuratam criticorum dierum tractationem, ut crifium quoque cognoscendarum cognitio illustraretur; cum diversarum crifium ratio possit commode in dierum criticorum causas referri, quod propterea tunc temporis ad excretionem natura moveatur, illisque statutis diebus humores noxios excernat. Sed hæc inferius accuratius cognoscantur, si modo quædam, etiam scitu necessaria, præmiserimus, nimirum in primis quid ipsa crifis dicatur, quotque habeat differentias atque causas. Quod ad primum attinet, per crifin omnes fere intelligunt naturæ & morbi conflictum, seu melius iudicium, unde dies critici, id est, iudiciales dicti sunt à κρίνω, quod est iudico, aut à κρίσις, id est iudicio, quod in ipsis de naturæ morbi quoque exitu fiat iudicium. Neque hoc nomen a Medicis inventum putat Gal. at a quopiam vulgari potius, qui cum istis adesset, ipsa recogente ita pronuntiavit, quod iudicium tunc de vita ægroantis ageretur: neque enim Medicorum aliquis, ut ait Gal. primus invenit id nomen, sed omnino necessarium fuit, ut qui præsens esset, conturbaretur, atque ideo exclamaret, & crifin, id est, iudicium rem ipsam nominaret, aut ἀπὸ τῆς κρίσεως, id est, secerno, quod in optima veraque crifi humores noxii secernantur, & postea excernantur, ut Gal. in lib. 2. Aphor. docet. Per crifin vero plures plura intelligi voluerunt. Nam teste Gal. in 1. lib. de crifib. cap. 1. & 2. quippe aut subitam in morbo mutationem, aut ad meliorem statum inclinationem, sive solam agitationem, quæ antecessit, vel omnem morbi solutionem, aut illam tantum, quæ bo-

na

na fit. Ceterum Gal. in lib. 3. de Crisibus cap. 1. & 2. dixit: Crisin esse subitam præcipitemque in morbo mutationem, vel ad sanitatem, vel ad exitium factam. Idem in lib. 2. Aph. 13. ita expressit: *Crisis (id est judicatio) est subita in morbo, vel ad sanitatem, vel ad mortem mutatio. Fit autem natura separante a bonis mala, & ad excernendum præparante.* Hujusmodique permutationes, quando repente in morbo fiunt, Hipp. crises, judicationes vocare solet, in quibus nonnunquam integra sanitas restituitur, aut moritur æger; nonnunquam vero magna fit ad salutem, vel ad mortem permutatio, ut Gal. in eod. lib. Aph. affirmavit. De qua etiam in lib. 3. de Crisibus dixit: *Sola igitur subita ad sanitatem conversio simpliciter crisis nominatur, & quidem omnino fit per manifestas quasdam excretiones, aut effatu dignos abscessus. Quicunque enim aliter quieverint, malignius retrocedunt: antecedit autem hujusmodi excretiones & abscessus non mediocris perturbatio in corpore ægrotantis.* Quare ex Gal. Crisis, uti dictum est, subita præcepsque in morbo mutatio est, vel ad sanitatem, vel ad mortem. Hanc malam & istam bonam Crisin vocat Gal. in lib. 3. de Crisibus. Verum Gal. tamen, ut dictum est, in 1. lib. de Crisibus cap. 1. scripserit subitam in morbo mutationem, inclinationem ad meliorem statum, solam agitationem, quæ bona tantum est, crisin appellari posse, tamen in lib. 3. de Crisibus cap. 1. & in 2. Aphor. apertius Crisin distinxit a morbi solutione, quæ fit aut morbo emarcescente, aut ægroti viribus paulatim dissolutis; mutationemque subitam in morbo, vel ad sanitatem, vel ad mortem, Crisin esse voluit, proptereaque hujusmodi permutationes, quando nimirum repente in morbo fiunt, & in quibus nonnunquam integra sanitas restituitur, aut moritur æger, nonnunquam vero magna fit ad salutem, vel ad mortem permutatio, Crises, seu judicationes Hipp. vocasse, dixit. Quas Criseos in morbis mutationes Hipp. bre-Crisum viter sane, sed divine hisce verbis in 1. Epid. a) est comple-differen-tius: *Ad salutem aut mortem, vel inclinatio ad melius, aut*

Ccc

ad

ad pejus: quod omnes in morbis, ut Gal. ait, mutationes sint vel statim ad salutem, ut optimæ crises; aut ad mortem, ut pessimæ; aut ad melius inclinare aut ad pejus; has imperfectas & malas crises vocant, illas bonas & perfectas. Sed Gal. in lib. 3. de Crisib. cap. 1. sex ait esse omnes numero mutationes, quæ in morbis observantur; primas duas esse ad salutem atque interitum subitas mutationes, quas bonas & malas crises vocat; duas alias, quæ paulatim non confertim & subito fiunt, aut morbo quidem marcescente, aut viribus ægroti dissolutis; alias duas mistas ex his atque ex primis, quippe ex iis mutationibus, quæ paulatim & confertim fiunt; quando nimirum subita quidem aliqua in morbo ad melius vel ad pejus mutatio facta fuerit, & deinceps usque ad omnimodam solutionem, vel mortem reliquum totum emarcuerit: ita ut exempli gratia, si quis septima die aut excretionem, aut abscessu, aut decubitu fuerit non perfecte judicatus, postea nulla amplius facta mutatione, sensim ac sensim reliquum morbi consumatur, aut sensim viribus dissolutis ægri intereant. Addamus duas alias non dixerim mutationes, sed potius solutiones morborum ad sanitatem, aut virium ad exitium. Atque tot sunt in morbis mutationes, quas, etsi non proprie, dici crises posse asserimus. Ceterum veræ crises quatuor tantum sunt, quippe subitæ mutationes ad sanitatem & ad mortem, aut ad melius, aut ad pejus. Ex quibus has primo colligimus esse Crisium primas differentias, quippe primam subitam mutationem ad sanitatem, quæ est perfecta optima Crisis, quod omnino ægrotum a morbo liberet; & alteram ad mortem, quæ perfecta, & pessima, cum continuo ægrotum interimat; tertiam ad melius, quæ est bona sed imperfecta, propterea, quod non prorsus hominem sanet; atque quartam ad pejus, quæ & ipsa pessima est ac imperfecta, quod & ipsa non continuo hominem perdat, sed paulo post. Longe plures differentias alii fecerunt Crisium, quippe quod ipsarum quarundam bonæ, quarundam malæ sint, quarundam perfectæ, quarundam imperfectæ, quarundam fideles & certæ, quarundam non, quarundam

manifestæ, quædam obscuræ, quædam periculosæ, & quædam citra periculum, & demum quædam per dies indicatorios significatæ, & quædam absque ulla indicatione præ-rumpentes. At quod ex omnes differentiæ bonis ac malis comprehendantur, propterea de bonis tantum & malis agemus. Quandoquidem quæ bonæ sunt certe fideles, perfectæ aut imperfectæ, manifestæ aut obscuræ, diebusque indicibus significatæ, citraque periculum existunt. Contra ^{Crifium} malæ quippe infideles, non die decretorio significatæ, ob- ^{causæ.} scuræ, imperfectæ, periculosæque. Sed priusquam de iis agamus, videamus prius, a qua causâ crifes fiant, quam rem Gal. in lib. 2. *Aph. de veris Crifibus*, ita expresse: *Fit autem natura separante a bonis mala & ad excernendum præparante. Non temere igitur in tali turbatione graviter se habent.* Ex quibus patet naturam ipsam esse quæ, humores dum studet bonos a malis segregare, malosque excernere, crifes faciat. At alias a nobis demonstratum est, naturam ipsam ad crifes faciendas moveri, aut ab humoribus noxiis plane secretis a bonis, aut ab iisdem etiam nondum separatis a bonis, qualitate, vel copia expultricem interiorum viscerum molestantibus. Ex quo & naturam & humores crifium causas esse, liquido constabit. At has crifes ab aliis in morbo factis mutationibus distingvent excretiones aut abscessus subsequuti. Propterea crifes perfectas optimasque dicimus, in quibus humores noxii omnino fuerint excreti, posteaquam ipsos a bonis natura separaverit, quod concoquendo agit. Aliarum vero mutationum in morbis vere non criticarum, quas verius solutiones appellant, aliæ quidem causæ existunt, quippe vincente natura, aut humores crudi, crassi ac lenti, ad motum difficiles, sed coctione primo extenuandi, & absumendi, quo morbus paulatim marcescit, usque ad omnimodam sanitatem; aut morbo ipso vincente, eique natura succumbente, virium prostratio, qua natura paulatim a morbo consumitur; atque hoc est, quod Gal. in 3. lib. *Crif. cap. 10.* ita habet: *Est autem primum & maximum in morbis mortalibus signum, quod sine crisi mors sit subsequuta,*

virium imbecillitas. Nam virtus ita prostrata ad pugnam contra morbum non excitatur. Atque hæc de crifium caufis in communi, quas accuratius etiam poſtea de fingulis crifium differentiis acturi explicabimus. Nunc videamus, quinam morbi crifibus terminentur, feu judicentur, & qui non.

CAP. VII.

De morbis, qui per Crifim terminantur, & de iis, qui absque Crifi finiuntur.

Acutos tantum magnosque five vehementes morbos crifibus terminari, vel ex eo cognoscetur, quod nunquam in parvis crifes fieri obſerventur. De veris autem loquimur, quæ teſte Galeno *in libr. 3. de Crifibus cap. 4.* omnino fiunt per manifeſtas quasdam excretiones, aut effatu dignos abſceſſus. Demonstratum quidem eſt has crifes naturam movere, irritatam vehementer a magnitudine ſeu vehementia morbi, quod idem eſt, ac ſi dixerimus, a quantitate accidentium, quibus magnitudo ſive vehementia morbi, ut docuit Galenus *in eodem libro de Crifibus*, dignoſcitur. Neceſſarium enim eſt, ut ipſe quoque *in ſecundo lib. Aph.* ait: *ob morborum magnitudinem, ac caſuum vehementiam vel cito vires poſterni, adeo ut homo moriatur, vel ad noxiorum humorum excretionem excitari, ſi modo, quos invaſerint, exſuperent, bonam ſequi judicationem, ſin autem exſuperentur, malam.* Ex quibus conſtat magnum vehementemve, quod idem eſſe ex Galeno in nuper citato *lib. 3. de crifibus* conſtat, morbum crifi tantum judicari ac terminari, a parvo enim natura non irritatur ad excretionem. Hinc Hipp. *in libro ſecundo Aph. 13.* ait: *Quibuscunque judicatio ſit, his nox gravis ante acceſſionem eſt.* Natura enim, ut in comm. docet Galen. ſeparante a bonis mala & ad excernendum præparante, non temere in tali turbatione graviter ægroti ſe habent. Hinc præcedunt accidentia multa & magna, quæ & valde turbant exagitantque ægrotos, tum etiam quæ timorem inſpicientibus, ut, ait: Gal. *in 3. de crifibus*

Morbi
quinam
per crifim
terminantur,
quinam
vero
non.

crisibus cap. 2. inducant; licet deceat Medicum generosum neque turbari, neque futurum eventum ex ipsis symptomatibus ignorare. Quam rem probe expressit Galen. *in 3. de crisib. cap. 10.* hiisce verbis: *Futuram autem præcognitionem ex eo, quod urgeatur, ac vehementer irritetur natura a morbo, atque ex subita præter rationem circa corpus facta perturbatione: omnino enim fit aliqua novitas, quando crisis futura est, vel circa respirationem, vel circa mentem, vel auditum, vel visum, vel ferendi facilitatem, vel circa aliquod eorum, quæ sæpe diximus, quæ uno nomine summatim judiciaria accidentia, & signa appellamus. Quare etiam, quod ab Hippocrate in Aphorismis a) dicitur, quibuscunque crisis fit, his nox molesta, quæ antecedit accessionem, est ipsum, quod nunc nos dicimus.* Addimus quod crises, cum fiunt in morborum accessionibus, (concurrere enim in idem tempus crises, cum morbi accessione Galen. docuit) etiam in morbis, habentibus accessiones, manifestius fiunt, qui omnes magni vehementesque sunt. Quare colligamus morbos magnos ac vehementes per crises terminari, nequaquam vero parvos & exiles, a quorum parvitate (quando parvi dicantur, *in 3. de crisib. cap. 24.* ex Galeno, qui multis magnisque symptomatibus carent) cum natura ad excretionem irritari nequeat. Hinc Galen. *in secundo libro Aphorismorum,* dixit, acutos magnosque morbos in parvo tempore magnas facere mutationes, quarum quæ repente fiunt, crises Hippocratem appellare. Magni itaque morbi sunt, qui per crises judicantur, & parvi citra crises, quod, ut dictum est, ab ipsis natura non irritetur ad humorum excretionem. Sed hoc tamen accuratius erit cognoscendum; cum, ut Galen. monuit, debiles quidem & parvæ febres quandoque valde malignæ sint. Sæpe enim Medici decipiuntur, cum febres exterius debiles & parvas observent, putantes vere parvas & debiles esse, cum tamen valde magnas esse reipsa comprehendatur; cum præsertim (etsi calore vehementi carere exterius videantur,) multa sævaque accidentia habeant;

Ccc 3

beant, a quibus magnæ & non parvæ sunt, veluti sunt vigiliæ, deliria, difficiles respirationes, inquietudines & alia huiusmodi, quæ magnum esse morbum testantur. Hinc Hippoc. phrenitides quasdam debiles, imbecilles, & obscuras vocavit in *Prorrheticis* a) valde phreniticas. Quare hi morbi (quos merito Medici malignos appellant) crisi- bus solent terminari, quod & ipsi habeant accidentia multa & magna, quibus natura ad excretionem humorum noxiorum potest irritari, & excitari. Sed jam doceamus, quibus signis futuræ crises possint prænosci.

C A P. VIII.

De signis crises futuras significantibus.

Cum cognitum a nobis sit, morbos magnos vehementesque tantum per crisin terminari seu judicari; nunc videndum est, quibusnam signis crises futuræ prænoscantur: sed de perfectis cognoscendis sermonem faciemus, cum ex certa ratione, teste Gal. in 3. de Cris. cap. 4. præsciri possint; veluti imperfectæ non certa ratione, sed conjectura potius possunt prænosci: quia notitia Medici (quod maximum in medicina est) possunt præcognoscere, & prædicere futuras crises, & quo tempore fient, & etiam, ut paulo post docebimus, qualibusnam crisi- bus seu excretionibus, si- ve abscessibus, sint futuræ. Itaque vere quidem a nobis scriptum est, non nisi morbos magnos vehementesque per crisin terminari, atque hos etiam non terminari per crisin, nisi virtus satis in corporibus robusta & firma fuerit: si modo verum est, crisin fieri morbo natura- que invicem colluctantibus; quo pacto enim natura prælangvida pugnam audebit tentare cum morbo gravissimo? Ob morborum enim magnitudinem ac casuum vehementiam Galen. dixit, vires vel cito prosterni & nullam fieri crisin, vel ad noxiorum humorum excretionem excitatas, moliri evacuationem. Quare in magnis vehementibusque morbis, & in corporibus robustis certo poterimus crises prædicere, & quo majores vi-
res

res, & una robustiores erunt, eo certius & citius poterit crisis prædici. Ceterum cum nobis non satis sit, hoc cognovisse, quippe in magnis morbis, viribus existentibus firmis, futuras crises certo prædicere nos posse, sed opus esse, ut etiam instantes crises animadvertamus & possimus assidentibus, ac etiam ægrotis, si salutares futurae sint, eas præfagire; ideo omnia illa signa, quibus crises instantes innotescunt, nunc describemus. Quæ ex Hippocrate, atque Galeno, sunt Ægrotantium corporum turbationes vehementes, morbi idea, magnitudo, natura, motus, mos, coctiones, cruditates, rigores, anni tempus, regio, præfens constitutio, ægrotantis natura, ætas, victus, anteacta, & alia huiusmodi similia. Ex his enim Gal. *lib. 1. de Crisib. cap. 8.* & *in 2. lib. Aph.* instantes, ac futuras crises prænosci tradidit. Ceterum horum quædam particulatim videntur facere ad crises has futuras, quædam ad bonas atque malas cognoscendas, & quædam ad tempus, quo sint expectandæ, quod interstingendum. Hoc enim denotare videntur dies indicatorii, in quibus aliquod criticum signum illuxerit, sive in humoribus concoctio, sive cruditas, sive aliud signum. De quibus Hippoc. *in lib. 4. Aph. 71.* ait: *Quibus die seprimo futura est crisis, iis urina rubram die quarto nubeculam habet, ceteraque pro ratione.* Ex motu vero morbi aut celeri, aut tardo, itidem cognosci Hipp. *in lib. 1. Aph. 12.* sic indicavit: *Exacerbationes vero & constitutiones morborum indicabunt tum morbi ipsi, tum tempora anni, tum periodorum proportionis inter se observatio, sive eæ quotidie, sive alternis, sive majori intervallo fiant: sed ex iis, quæ postea apparent, indicia sumuntur; veluti in pleuritide sputum, si statim initio appareat, breve fore denunciat, si vero posterius conspiciatur, longum.* Ad bonas vero atque malas crises denotandas, coctiones & cruditates facere videntur. Idem fere & morbi idea quippe videtur notare, utrum evacuatio ei proportionem respondeat, & an sit bona: mos morbi itidem ad bonam vel malam crisin agnoscendam facit, qui a signis supervenientibus, teste Galeno, aut bonis aut malis denotatur. Hæc

Crises
unde fu-
turae
præno-
scentur.

omnia

omnia signa privatim ad bonas malasque crises cognoscendas faciunt, de quibus posterius nos accuratius. Reliqua vero faciunt ad judicandas crises simpliciter futuras, quippe quæ sunt, turbationes ante crisin, & simul omnia signa, quæ critica dicuntur, magnitudo morbi, virium robur, naturæ morborum, & humorum morbos facientium, non minusque ægrotantium corporum victus, antea acta ætas, anni tempus, regio, status præsens atque similia. Ex his tamen omnibus tria videntur sufficere ad prænoscentiam crisin, quippe acutos magnosque morbos, magnas turbationes, atque virium robur. His quidem visis necessario fiet crisis.

Ex natura viribus.

Et enim virtus, a vehementi acutoque morbo maxime turbata, necessario aut exstingvetur, aut ad pugnam vehementer irritata, ad excretionem noxiorum humorum inclinabit. Si enim prælanguida citra crisin succumberet morbo, ac exstingveretur, robusta vero non poterit, nisi facto conflictu superetur: sed in eo conflictu necesse est aliquam humorum erumpere excretionem, aut bonam aut malam; bonam natura morbum superante; malam a morbo natura superata.

Ex morbi idea.

Alia vero, etsi non præcipue crisin indicent, tamen maxime adjuvant futurarum cresium cognitionem, quæ inquam sunt, morbi idea seu species ea ratione, quæ signa appareant proportionatæ excretionis futuræ ad eam speciem morbi, ut signa sanguinis erupturi in febribus ardentibus, coctiones, & cruditates. Motus quoque morbi celer vel tardus; quando tardi motus morbi raro aut nunquam crisi judicentur: morborum item naturæ; ætas, natura, victus, antea acta ægrotantis; tempus anni, præsens constitutio, & regio, quæ omnia maxime faciunt ad confirmandum futurarum cresium iudicium. Sed age singula hæc signa consideremus accuratius, & primo ex Hipp. qui in lib. 2. Aphor. 13. ita scripsit: *Quibus crisis fit, iis nox gravis ante accessionem, quæ vero subsequitur, magna ex parte levior existit.* De signis iis, ægrotos ante crisin turbantibus, Hippocr. in 1. Epid. com. 1. a) text. 25. usque ad 56. ait: *capitis, colli, dolores*

lores & gravitates cum febris, & sine febris, phreniticis convulsiones, sed & virulentia vomunt, & ex iis quidam subito moriuntur. In ardentibus autem ceterisque febris, quos colli dolor, temporum gravitas, caligo oculorum, vel hypochondrii contentio, neque cum dolore corripit, his e naribus sanguis erumpit. At vero quibus totius capitis gravitates, tum autem cordis dolores & fastidia sunt, biliosa post aut pituitosa vomunt. De quibus clarius Gal. in lib. 2. Epid. & in lib. 3. de Crisibus cap. ita scripsit: Sola igitur subita ad sanitatem mutatio simpliciter crisis nominatur, & quidem omnino fit per manifestas quasdam excretiones, aut effatu dignos abscessus. Quicunque enim aliter quieverint, malignius retrocedunt. Antecedit autem huiusmodi excretiones & abscessus non mediocris perturbatio in corpore ægrotantis. Nam & difficiles tolerantie, & vigilie, & deliria, & graves somni, & difficiles anhelitus, & vertigines tenebrosæ, & difficiles sensus, dolores capitis, colli, & stomachi & multorum aliorum membrorum, nonnullis vero aurium sonitus, & vani ante oculos apparent splendores, & lachrymæ involuntarie effluunt, & urina retinetur, & labrum agitur, aut aliquid aliud tremulum fit, oblitio, & præsentium ignorantia, & vehemens accidit rigor, & plurimum accessio consuetam anticipat horam, & multus æstus, sitisque intolerabilis sequitur, clamant & saliant sicut furentes, neque possunt in eodem situ recumbere, deinde repente multus sudor erumpit, aut vomitus aliquis non paucus insequitur, aut venter subito solvitur, aut abundans fit fluxus sanguinis, aut hæc omnia simul contingunt, unde non parvus invadit timor inspicientes. Addamus ex Galeno in tertio, de Crisib. cap. 80. pulsus inæqualem in pluribus crisis fieri, & præcipue, cum non fiunt sine pugna & periculo; multo magis, cum biliosi humores ad ventriculum confluunt, apparentibus etiam aliis vomitus signis, quæ Hipp. descripsit. Sed Hipp. signa ex pulsibus sumpta, vel quia non noverit, vel quia non magni momenti existimaverit, idcirco non est secutus. Atque hæc sunt signa omnia critica, quibus ante crisin fit turbatio vehemens, præsagiens in acuto magnoque morbo, viribusque robustis, aut non

Ex signis
Criticis.

Ex Rigore.

languentibus, crisin bonam, si fiant, ut alias dicemus, in statu morbi, concocto jam morbo; malam in principio, natura morbo succumbente. Rigores quoque privatim in febribus ardentibus aliisque acutis morbis solent crisi- bus præire. De quo Hipp. in libro quarto Aphor. 29. habet: *Quibus in febribus sexto die rigores fiunt, difficilis sunt judicii.* Et, a) *si rigor incidit, febre non deficiente, jam imbecillo, lethale.* Et postea Aphor. 58. *Ei, qui ardente febre laborat, si rigor supervenerit, morbi fit solutio.* Et postea Aphor. 63. *Quibus in febribus quotidie rigores fiunt, quotidie febres solvuntur.* Inter signa enim decretoria seu critica non minimum rigor locum habet, ad crisin quippe aut bonam aut

Ex motu morbi celeri.

malam prænuntiandam. Motus quoque morbi celer maxime facit, cum critico aliquo conspecto signo, ad prænuntiandum crisin: namque celer motus crisin futuram, & tardus acrisiam significare solet. Celerem vero motum ostendunt breviora morborum tempora; siquidem qui morbus breve principium habuit, breve quoque augmentum, statum, atque declinationem habebit. Ex brevioribus quoque accessionibus idem ostenditur. Galen. in tertio de Crisib. cap. 3. dixit, febrem, quæ quatuor tempora accessio- num omnia breviter percurrit, properare ad crisin: & idem in primo lib. Epidem. ita habet: *Quare fac memineris, ubi quartus perinde ac tertius gravia habeat symptomata & signa in morbo acuto, brevi expectandum esse judicium.* Ex specie

Ex signis excretionum futurum.

vero seu Idea morbi, quod morborum singulis speciebus constitutæ quædam proprietates sint, ut ad crises veniant; cujusmodi, teste Galeno in 3. lib. de Crisib. ardentium febrium proprium esse videtur, ut sanguinis eruptione ex nari- bus, aut ex alia corporis parte, aut post vehementem rigorem sudore multo & calido erumpente ex toto corpore, aut per vomitum biliosorum humorum excretionem judi- centur. Proinde in his signa omnia, quæ aliquam prædictarum excretionum prænuntiant, & significant, conspecta, crisin nedum futuram, sed quoque speciem crisis, ac vel etiam

etiam aut bonam aut malam ostendent. De quibus Hipp. in Aphor. 58. a) ait: *Ei, qui ardente febre laborat, si rigor supervenerit, morbi fit solutio.* Ubi præsertim post ipsum aut sangvinis eruptio, aut sudor, aut biliosorum humorum sequatur excretio. De iis ait Galen. in Prorrheticis. b) *Morbi qui statim turbulenti sunt, insomnes, sanguinem de naribus stillantes, sexto die levantur, noctu laborant, postridie sudant, in somnum feruntur, delirantque, abunde sanguinem profundunt.* Et in Epid. lib. 1. comm. 2. c) text. 55. *In ardentibus autem febribus, ceterisque febribus, quibus colli dolor, temporum gravitas, caligo oculorum, vel hypochondrii etiam contentio, neque cum dolore, corripit, his e naribus sanguis erumpit.* Atque ita de iis, qui sudores, vel alvi dejectiones, aut vomitus biliosos habent. De quibus in 2. progn. d) *Qui vero totius capitis gravitates, & oris ventriculi morsus, ac stomachum anxium habent, isti biliosa & pituitosa evomunt; uti Chæriani contigit; de quo Hippoc. in 3. Epid. 2. e) text. 2. Quinto cum dolore cuncta exacerbata fuerant, nugabatur, noctem molestatam habuit, non dormivit, sexto nihil est immutatum, septimo superriguit, febris acuta, per totum corpus sudavit, judicatus est.* Et de Virgine quadam Larissæ; f) *Quarta sub noctem deliravit, sexto ex naribus largiter multum fluxit, inhorruit, ac mox sudavit toto corpore multum & calidum, sine febre, est judicata.* Ita ex aliis signis, in aliis etiam morbis, denotantibus vacuationes, formis ipsorum proportionem respondentem seu proprias, ut in tertianis febribus vomituum, dejectionum biliosarum, aut sudorum signa, crisin ostendunt; & in quartanis sudorum multorum & pituitosarum excretionum; & in phreniticis sudorum præcipue futurorum ex capite copiosorum, eruptionis sanguinis e naribus; non minus in pleuriticis & in hepatis lienisque inflammationibus, atque tandem in omnibus præcordiorum inflammationibus, signa, vel erupturum sanguinem, vel

Ddd 2 alvi

a) Lib. IV. b) Hippoc. Prorrh. lib. 1. text. 132. c) Pag. 948. sub finem. d) Pag. 45. sub finem, e) Ægr. 5. pag. 1072. f) Lib. 3. Epid. Ægrot. 12. pag. 1110.

Ex cocti-
one.

Crisium
futura-
rum
quænam
augent.

alvi dejectiones, vel vomitus, vel sudores denotantia, critica esse affirmamus; atque ita licebit ex morborum idea crisin Medicis prænosci. Ex coctione vero crisin, & bonam crisin, si aliquod criticum signum una illuxerit, ex prædictis nobis significari certissimum erit. Perpetuo enim, ubi in aliquo decretoriorum seu indicatoriorum dierum in magno morbo, cum aut capitis dolore, aut delirio, aut gravitate, aut aliquo signo ex criticis, crisin in altero quaternario futuram significabit. Propterea Hipp. dixit in 1. Epidem. a) *Coctiones celeritatem judicii & securitatem ostendere.* Ex diebus quoque judicantibus crisis prælagitur; Galen. enim in 3. de Cris. scribit: *Ubi in quarto die aderit magnitudo morbi, ejusque morbi celer motus, atque signum coctionis, in septimo judicium sequetur, & si hæc septimo tantum fient, judicium undecimo, aut decimo quarto erit.* Crisium vero futurarum judicium augere naturam morbi calidam, calidosque humores & summe putridos, naturam itidem ægroti calidiorem, ætatem florentem, victus rationem anteaactam, bilioforum ciborum, calidam cœli regionem, anni tempus æstivum, non opus est, ut ad hoc demonstrandum diu laboremus; cum omnes sciant, proprium esse calidorum humorum, ut facillimi sint ad excretionem, atque etiam sua qualitate naturam movere maxime atque irritare ad excretionem ipsorum; temperamentumque calidum aptissimum esse ad crises; veluti, frigidi morbi, humores frigidi, naturæ frigida, cœlum frigidum atque hyemale tempus, & alia ejusdem generis, cum crises retardare, tum, ut ne fiant, facere, Gal. in loc. cit. atque alibi in multis locis, nobis demonstratum reliquit. Atque satis de signis criticis, quorum, ut diximus, tria tantum nobis poterunt crises prænuntiare, quippe morbi magnitudo; corporis turbationes, uti sunt dolores, inquietationes, deliria, & alia hujus generis critica, quæ superius ex Gal. omnia adnumeravimus; atque virium robur. His tribus conspectis signis non dubium erit, quin crisis sit futura: alia vero signa, quæ, etsi non per se denotent

tent crisin, tamen aliquo modo possunt crises prænuntiare, uti Galeno placuit, & a nobis jam est demonstratum.

C A P. IX.

De Crisibus salutaribus, quæ certam salutem significant, cognoscendis.

Præmissis, quæ ad prænoscentas crises faciunt, nunc superest, ut bonas, salutare, atque malas, exitiales, cognoscamus, ut ex ipsis salutem & mortem ægrotantium assidentibus præfagire sciamus: atque hoc est unum præcipuum, propter quod nos criseum cognitioni tam accurate incumbere volumus. Sed esto, principium faciamus a bonis salutaribusque cognoscendis, quæ omnes in morbis salutem proxime futuram significant. Hæ vero duplices Crises
duplices. existunt, quædam optimæ, fideliter salutem ægrotis indicantes, quædam non certam, sed plerumque cum recidivis, & periculo. De primis nunc agimus, quæ optimæ ac saluberrimæ existunt, a quibus certa salus perpetuo prædicatur. Optimæ
unde nō
scuntur. Hanc vero certo indicabunt signa perfectæ coctionis in excrementis, status morbi, in diebus indicatoriis fuisse indicatas in aliquo judicatoriorum dierum fieri, excretiones subsequetas morbi naturæ convenire, morbum ab ipsis solvi, ægrotos coloratiores ac robustiores, ac, quam antea, quietiores videri, pulsus meliores evasisse, quippe vehementiores, æqualiores, ordinatiores. Coctionis autem perfectæ signa, quæ penes excrementa nostri corporis considerantur, præcipuum optimarum criseum certissimumque esse argumentum ex Hippoc. qui in primo Epidemiorum a) ita habet, colligitur: *Concoctiones celeritatem portendunt judicii securitatemque salubrem.* Et Galenus in 3. libro de Crisibus cap. 3. ita ad salutem in ægrotis præfagiendam coctiones facere novit, ut affirmaverit, conspectis coctionibus, neminem morientem vidisse. Quod ipse ita scripsit: *Primum quidem & maximum inter omnia est considerare coctiones ex urinis, alvi excrementis, & sputaminibus.* Siquidem ego millies, cum, Ex coctione.

Ddd 3

dum

dum crises fierent, interesset, neminem unquam vidi intereuntem, qui præcedentibus coctionibus crisin habuisset. Perfectæ seu exquisitæ itaque coctiones in excrementis conspectæ, sunt certissima præsagia optimarum cricum. In omnibus itaque febribus vel sine passione alicujus visceris, vel cum inflammatione hepatis, vel renum, vel vesicæ, vel splenis, ac, ut uno verbo dicam, semper ubi febris affuerit, vel ex sola humorum putredine accensa, vel ex membro inflammationem patiente, urinæ concoctæ optimam securissimamque crisin, teste Galeno, pollicentur; veluti in morbis thoracis, & pulmonis primo sputa concocta, quæ præcipua harum partium affectarum sunt indicia, atque una cum ipsis urinæ quoque & alvi excrementa itidem concocta si spectentur, certissimum optimæ crisis nobis erit indicium. Non secus in affectibus ventris primo ad optimam crisin prænoscentiam, alvi excrementa concocta, & postea urinæ erunt attendendæ. Quare præcipuum certissimumque signum optimarum cricum erunt coctiones in excrementis conspectæ. De quibus Galenus etiam in eodem libro 3. de Crisib. cap. 5. ita scripsit: *Cum enim post signa optima, atque exquisita coctione, facta fuerint, necesse est, ut optimæ sint, quoniam & sola coctio crisis celeritatem, & salubrem securitatem ostendit, neque enim vel animo concipi potest, quod post morbi exquisitam coctionem crisis mala sequatur.* Exquisita vero coctio fit tempore status. Hinc optimas crises, vel in statu vel parum ante ipsum fieri, Galen. in 3. de Crisib. cap. 6. docuit, quoniam tunc omnia concocta sunt, ut Galen. in eodem lib. cap. 4. docuit, perfectasque eas crises esse, quæ tunc temporis fiunt; in augmentisque, si salus sit subsequutura, imperfectas esse, vel non securas. At distinguendus hic status, quem naturæ statum in primo libro vocavimus, in quo optimæ crises fiunt, a statu morbi, quod nunquam cum naturæ statu convenit: aut enim in principio, aut denique in augmento naturæ seu materiæ, ut alii vocant, morbi status non raro celebratur; quo tempore dicimus morbum ultimas vires exercere, neque amplius magnitudine & vehementia augeri: de hoc statu

statu morbi nos non loquimur, sed de naturæ statu, qui non penes morbi majorem vehementiam, sed penes coctionem exquisitam cognoscitur; in hoc enim optimæ, salutares, securissimæ, ac perfectæ crises apparent. Optimam quoque crisin esse diximus, quæ priusquam fiat a die indicatorio aliquo fuerit indicata, veluti, exempli gratia, die quarta, si septima futura sit crisis, de qua Hippocr. in 4. Aph. 71. *Quibus septima morbus judicatur, his nubeculam urina continet quarta die rubram, & alia ex ratione.* Ad-

A die quæ crisi ante-
cedit.

Ad-

damus eam quoque esse potissimam, quæ in diebus criticis apparet, de quibus in eod. lib. Aphor. 36. Hipp. *si sudores febricitanti inceperint, boni & tertio die, & quinto, & septimo, & nono, & undecimo, & decimoquarto, & decimo septimo, & vigesimo primo, & vigesimo septimo, & trigesimo primo, & trigesimo quarto: ii enim sudores morbos judicant; qui secus evenerint, laborem & morbi longitudinem, aut ejusdem reditum significant.* Vel qua sit.

His etiam addimus cognosci optimam crisin, primo ex qualitate humoris excreti: optima enim habet excretionem, morbi naturæ seu idæ convenientem, cujusmodi, exempli causa, in ardente febre, & in omnibus viscerum inflammationibus, sanguinis eruptio, aut copiosi sudores, aut vomitus, vel alvi dejectiones, multæ, biliosæ; quæ excretiones conveniunt morbi idæ, quæ est calida & sicca, atque a calidissimis biliosisque humoribus fovetur. Quo apparet etiam confirmari hanc bonam excretionem, ab ægrotantis natura biliosa, a biliosa victus ratione antea acta, ab ætate efflorescente, atque ab anni tempore æstivo, in calida siccaque regione, atque in tali cœli statu. Hæc enim biliosa excretio, prægressis signis coctionis, optima erit, & salutaris in omni morbo bilioso; veluti in pituitosis, pituitosæ, & in melancholicis atrii humoris excretiones, optimæ itidem erunt. Diximus alias ex Galen. per sudores judicari omnes febres ardentes, tertianas, effervescentes inflammationes; eoque magis, si una sanguis ex aliqua parte corporis copiosius erumpat, aut biliosus vomitus, vel alvi excretio biliosa appareat; itidemque cerebri inflammationes,

Ex qualitate humoris excreti.

reli-

reliquosque omnes capitis affectus. Sangvinis vero excretionem seu eruptionem ardentes febres, synochas, aliquando phrenitides, etsi ea non frequenter, pleuritides quoque, etsi minus quam ardentes febres, aliquando etiam peripneumonias, quod tamen raro fit, judicari alias docuimus. Hepatis, lienisque inflammationes frequentissime e naribus eruptiones liberant; sed hepatis ex dextra nare profluens sanguis, & lienis e sinistra, quod rectitudinem omnes bonae excretionis & vacuationes servare debent. Omnes item praecordiorum inflammationes sanguinis fluxio judicat. Sudor etiam, ut dictum est, juvat omnes inflammationes calidas, & acutas, quae sunt in praecordiis. Item hepatis partes devexae, sanguinis fluxu, sudoribus, & copiosioribus urinis solent judicari; & convexae alvi excrementis biliosis, atque sudoribus, nonnunquamque etiam vomitibus. Renum etiam & vesicae affectus copiosioribus urinis judicari solent. Thoracisque ac pulmonum affectus sputaminibus. Haec pauca addere ex Galen. *in lib. 3. de Crisib. cap. 2.* volui, ut lector possit ex ipsis pernoscere, quamnam excretionem morborum ideis convenient, atque ex ipsis bonam crisin, quod congruat naturae morborum vacuatio; & malam, cum nullo pacto congruat. De quibus forte Hippoc. *in 1. Aph. 2.* dixit: *In perturbationibus ventris & vomitibus spontaneis, si qualia purgari oportet, purgantur, confert & aegri facile ferent.* Quod repetit postea, a) dicens: *Quae vacuantur, non multitudine sunt aestimanda, sed, si qualia oportet evacuentur, & aeger facile ferat.* Itidem & locus, per quem, ut dictum est, fit excretio, erit attendendus, ut quem fit sit conveniens, & ad quem natura inclinaverit. De quo etiam Hipp. *in Aphor. 21. b)* ita habet: *Quae educenda sunt, quo maxime tendit natura, eo ducenda, per ea videlicet loca, quae conferunt.* Galenusque in commentario, loca convenientia, per quae excretio bona fit, intellexit, si, κατὰ, id est directò ad locum affectum fieri contingant. Ex quibus apparet, quae omnes sint excretionis naturae morborum

Ex loco
per
quem fit
excretio.

con-

a) Epid. lib. Aphor. 23. b) Lib. 1.

gruentes, per quas optimæ salutaresque crises fiunt. Quas ^{Ex le-} etiam optimas esse aliis signis cognoscimus, & primo, quod ^{mine} ab ipsis ægroti aut sanentur, aut in melius mutantur, cor- ^{morbi.} poraque quietiora evadunt; atque hoc est, quod Hipp. per hunc Aphorismum *a)* docuit, qui est: *Quibus crisis fit, iis nox gravis ante accessionem, quæ vero subsequitur, magna ex parte levior est.* Hocque fieri, Gal. in *comm.* ait, quia videlicet plures ad salutem crises definunt. Certo siquidem sci-
mus ex ægrotis plures esse, qui servantur, quam qui inter-
eant, nisi forte pestilens sit cœli status. Optimæ quoque
excretionis certiora signa notat Hipp. in 1. *Aphor.* 11. *b)* ut
ægroti facile evacuationes tolerant. De quo signo Galen.
in *comment.* ita habet: *Nam si humor superexcedens evacue-*
tur, tunc ipsum seipso ægrotum fieri leviolem, & melius tole-
rari, est necessarium. Addit in 3. *de Crisibus* cap. 2. Fieri et-
iam melius coloratum pro ratione evacuationis, atque ad
resurgendum robustiorem, febremque resolvi, aut saltem
maxima ex parte diminui. Ceterum hæc optimarum cri- ^{Ex Puls.}
sium signa confirmabunt quoque pulsus; meliores quippe, ^{bus.}
vehementiores, æqualiores, ac ordinatiores, de quibus Gal.
scripsit: *Vehementior igitur fit continue magis pulsus, & æqua-*
lior, atque ordinatior in bona declinatione; expellit enim natu-
ra fortius omnem subito febrilem calorem: debiliior vero atque
inordinatior & inæqualis est pulsus in mortalibus declinationi-
bus. Atque tot sunt, quæ optimas crises significat, easque,
ut dictum est, fideles atque certas, quibus certa quidem sa-
lus perpetuo promitti ægrotis poterit. Quales ab Hipp. 3.
Epid. com. 1. *c)* *Art.* 1. in illo, qui in *Dealcis* horto decumbe-
bat, & in aliis fuere conspectæ; de illo ait: *Quadragesimo*
alvus pituitosa, alba, subcrebra, deiecit, multum toto corpore su-
davit, absolute est judicatus. Et de *Nicodemo*: *d)* *Vigesimo-*
quarto multam urinam, & albam reddidit, in qua multa sub-
sidebant, sudor ei toto corpore copiose calidus emanavit, sine
febre judicatus est. Et de *Pericle* *e)* etiam, qui fideliter per
Ecc
crisin

a) 13. Sect. 2. *b)* & 23. *c)* Ægrot. 3. p. 1066. *d)* Ibid. pag. 1108.
Ægrot. 10. *e)* Lib. 3. Epid. pag. 1102. Ægrot. 6.

crisin fuit judicatus tertio. *Febris emollita fuit, urinæ multæ & concoctæ, in quibus multum subsidebat, nocte quievit. Quarto circa meridiem sudor prorumpit toto corpore multus & calidus, sine febre judicatus est, neque rediit. Et de Anaxione pleuritico. a) Vigesimo septimo rediit febris, tussit, multa excrevit concocta, in urina multa subsidebant alba, desit sitire, dormivit, trigesimo quarto die sudavit, cessavit febris, in totum est judicatus. Atque de Heropytho. b) Jam vero circa diem octuagesimum cuncta remissa sunt, nihil tamen desitit, etenim urinæ boni coloris, & copiosiores subsidentias habentes exierunt, deliriaeque imminuta sunt. Circa diem centesimum alvus fuit turbata multis biliosis, durabantque diu multa talia, deinde dysenteria cum dolore, reliqua levia fuerunt, in summa febres eum reliquerunt, discessitque surditas. Centesimo est absolute judicatus. In his omnibus possunt omnia præcipua optimarum fideliumque Crisium signa pervideri, quæ esse diximus, coctionem manifestam ac exquilitam in excrementis, quæ juxta affectuum locos affectos considerantur, in statu morbi crises fieri, præindicareque ab indicibus vocatis diebus, in criticisque diebus conspici, excretionemque ideæ morborum respondere, hasque sequi aut febrium solutionem, aut manifestam imminutionem, cessare symptomatum molestias, quæ singula in iis ab Hippocrate conspectis crisibus fuere observata. Coctionis manifestæ signum in Nicodemo fuit multa urina alba, in qua multa subsidebant; & in Pericle, urinæ item multæ & concoctæ cum multa subsidentia; & in Anaxione multa quæ tussi excrevit concocta cum urina optimam subsidentiam habente; & in Heropyto urinæ itidem melioris coloris, copiosiores subsidentias habentes erant. Quæ etiam concoctio perfecta, in statu naturæ factas fuisse eas crises indicabat. In quibus cum crises in criticis diebus apparuerunt, tum videntur quoque antea ab indicatoriis præindicatæ. Fuereque excretionem morborum illorum naturis convenientes. In eo enim, qui in Dealcis horto, quod febris ejus fuerit ex mistione biliosorum pituitosorumque crassorum humorum, ideo excrevit per alvum multa pitui-*

a) Lib. 3. Epid. p. 1104. Ægr. 8. b) Ibid. p. 1104. Ægr. 9.

tosa, & sudore copioso tenues biliosi humores fuere excreti; & *Pericles* quoque sudore multo excrevit bilem, a qua in febrem delapsus fuerat, atque ita de aliis; quas omnes & allevatio, cum febris, tum symptomatum, fuit subsequuta: & hæc de optimis fidelibusque crisis, salutem certam ægrotis significantibus.

C A P. X.

De Crisis salutaribus, quæ tamen neque fideles, neque certæ perpetuo sunt.

Apparent vero Crises non raro bonæ sane, sed tamen quibus Medici perpetuo fidere minime debent, quæ hisce signis ab optimis fidelibusque distinguuntur, quippe, quod non cum exquisitæ coctionis signis; neque in statu morbi, sed in augmento; atque etiam, quæ non ab indicibus vocatis diebus fuerint indicatæ; neque in diebus decretoriis apparuerint, sed in intercidentibus, quos etiam intercalares & provocatorios appellari superius diximus, quod natura, non perfecta coctione, in iis cogatur pugnam cum morbo aggredi, ex qua raro optime morbus judicatur, sed plerumque imperfecte & non tuto; & quemadmodum etiam (etsi appareant quædam coctionis signa,) non habent vacationes neque ideæ morborum, neque naturæ ægrotantis, neque ætati, neque victui antea, neque anni temporis, neque cœli statui aut loco congruentes: demum, etiam si omnia bona esse apparuerint, si ægroti facile vacationem non toleraverint, neque juventur, crisi huic non erit fidendum; & multo minus, cum ægroti pulsus meliores, quietiores, ordinatiores, ac vehementiores non habuerint. His quidem signis crises inspectæ non plane certæ dicuntur, etsi pleræque salutem ostendant; at cum laboribus, recidivis, & mala ægrotum tolerantia, morbos judicant. Sed singula hæc signa diligenter consideremus, & primum de iis, quæ in augmentis morborum, quo tempore natura non plane morbum concoxit, sed coepit concoquere, paucaeque apparuerunt coctionis indicia. Hæc sane inceptæ

Ecc 2 cq-

coctionis, nondum absolutæ, signa, in morbis non exiti-
libus, bonam crisin pollicentur; sed tamen neque omnino
certam ac fidelem, ex quo plerumque sanantur, at non abs-
que recidivis, aut molestiis seu laboribus, ac longitudine.
Quæ vero sanguinis profluvio fiunt, certiores & fideliores
ceteris existunt; cum vel etiam in principio, nullis qui-
dem conspectis signis coctionis, non incertam salutis spem
aliquando sanguinis larga eruptio soleat polliceri. Cujus-
modi fuerunt, quæ in *Pericle*, a) in quo lienoso sanguis pri-
ma die e sinistra nare profluxit: & in *Virgine Abdera*, b)
quæ in vestibulo templi habitabat, prima die menses fluxe-
runt, & rursus decima septima e naribus erupit, & ipsa vi-
gesimo, etiam plurimo erumpente cum sudore sanguine,
fuit judicata: eodem modo in *Metone* c) quarta die coepit
crisis per sanguinem e naribus, quæ quinta die perfecte cum
sudore ipsum judicavit, in quo non fuit recidiva, quoniam
sanguis etiam post judicium erupit.

Per san-
guinis
excreti-
onem.

Quæ imperfecta crisis sanguinis eruptione clarius in *He-
ropyto* visa est, de quo Hipp. in 3. *Epid.* d) text. 80. ita ha-
bet: *Vigesimo multum deliravit, itemque sequentibus diebus.*
Quadragesimo multum ex naribus sanguinis erupit, menteque
constitit magis, surdus quidem sed non perinde fuit, febres fue-
runt remissæ. Proximis diebus ex naribus sanguis, & paulatim
erupit. Circa diem sexagesimum e naribus quidem subsliterunt
eruptiones, sed dextra coxendix admodum dolebat, febresque
increverunt; at ille die centesimo tantum fuit perfecte judicatus.
Ex qua historia colligimus, Crises vel etiam per sanguinis
excretionem, quæ ceteris aliis vacuationibus sunt fidelio-
res & salubriores, nondum cum perfecta coctione, scilicet
ante statum, apparentes, bonas quidem esse, sed infideles ac
incertas, quibus non sit fidendum: verum ex his recidivas,
longitudinemque morborum, laboresque Medici prænun-
tiare debent; plerumque tamen salutare existunt. At hæc
in principio morborum, aut cum exitiali signo, si illuxerint,
malæ

a) Lib. 3. *Epid.* Ægr. 6. p. 1102. b) Ibid. Ægr. 7. pag. 1103. c) Lib. 1.
Epid. Ægr. 7. p. 983. d) Ægr. 9. p. 1106.

malæ erunt, quibus aut subito mors succedit, quippe in prælangvidis corporibus, aut post longum tempus, in robustis ac prævalidis, veluti contigit *mulieri*, quæ in *mendacium foro decumbebat*, a) quæ plures crises ante mortem habuit in principio morbi, id est, nullis signis coctionis conspectis. Sed de hac accurate cum de exitialibus agemus. Col-
 ligamus crises ante statum non esse omnino bonas & cer-
 tas; quod Galen. hisce verbis expresse: *Esto igitur, ut in die decimaquarta spes sit fore statum, & aut ob morbi magnitudinem, vel motus velocitatem, vel propter ea aliquod aliud extrinsecum irritamentum crisis die undecimo anticipet, neque ipsam perfectam, neque omnino bonam: & postea dixit, si quidem morbus salubris sic inveniat, ut neque ejus acumen neque magnitudo festinent, neque error aliquis circa ægrotum admittatur, status tempus crisis expectat: & hæc quidem optima crisis est; sit enim morbo jam cocto: si vero vel propter morbi magnitudinem, vel motus celeritatem, vel propter aliquod irritamentum ante statum crisis venire cogatur, tanto hæc crisis deterior erit, quantum statum anticipaverit.* Quod autem natura, etiam ante statum, ac vel etiam in principio aliquando, excernat, alias a nobis demonstratum est, interim enim nondum incepta humorum coctione, & aliquando incepta quidem, & demum ipsa perfecta: hoc tempore crises sunt optimæ; illæ sunt omnino perniciosæ; & in augmento, quo tempore, teste Galeno in *I. lib. de crisib. cap. 8.* & in *primo de tot morb. temp. cap. 3.* incepta est concoctio, in morbo non mortali, bonæ, sed imperfectæ, & infideles: & hinc diximus alias Hipp. & Gal. omnes excretiones in principio, & crudo omnino adhuc existente morbo, lethales affirmare, & in augmento bonas dici, sed non certas, neque perfectas. Quas omnes Galen. in *libro tertio, de Crisibus cap. 7. cap. 12.* nec non, & in *libr. 4. de præsag. ex pulsib.* in hunc modum expresse, dicens: *Nam ea expellere, quæ molestant naturam, sæpe ante tempus convenit, quippe virtus ipsa est alienorum expultrix, quemadmodum in opere de naturalibus facultatibus*

Ecc 3 ante

a) Lib. 3. Epid. Ægr. 12. p. 1080.

ante demonstratum est. Tempus autem coctionis post finem alteratorie facultatis est: tunc enim functionem obire, omnibus secundum naturam absolutis, ostendebatur, cum illa ab actione deflueret: verum ante perfectam coctionem interrim, quæ obstant, amoliri cogitur; ut interdum, coctione jam absoluta, moratur adhuc, & lente, propter imbecillitatem, munus subit. Utramque autem in ventriculo clare licet contemplari. Instigatus enim coctionis tempus non exspectat, sed protinus etiam idoneum, cum eo, quod molestat, excernit, & ubi satis jam coxerit, interdum lente ac cunctanter superfluum, imbecillitatis vitio, expellit. Quare crises ante augmentum quibusdam, etsi non omnibus, signis coctionis conspectis, bonæ quidem dicuntur, non tamen fideles, & certæ, quibus nos fidere debeamus. Eodem modo eæ, quæ non in diebus decretoriis fiunt, incertæ existunt, morbi que, qui non in diebus iis solvuntur, reverti solent. In quibusdam vero intercidentibus, seu provocatoriis vocatis, eodem itidem modo crises non omnino bonæ neque certæ apparent, de quibus Hippoc. *in lib. 4. Aphor. 29.* ait: *Quibus in febris sexto die rigores fiunt, diffidilis sum judicii.* In hac die virginem Larissæ sanguinis profusio fuisse simul cum sudore judicatam, alias meminimus; & Galen. ait *in 6. Epid. comment. 3. in tit. 19.* aliquando bonas crises decima die fuisse observatas. Ex quo merito Hipp. dixit *in 4. lib. Aphor. 61. Febricitanti, nisi in diebus imparibus febris desierit, reverti solet.* Crises quoque, etsi cum quibusdam signis coctionis appareant, tamen cum evacuationibus, morborum ideis seu naturis non congruentibus, nunquam perfectæ, nec certæ esse poterunt. Exempli gratia, in adolescente biliosæ naturæ, morbo itidem bilioso laborante, anni tempore æstivo, per alvum, aut per vomitum, si pituitosum multum humorem excretum observaverimus, crisis, quod non congruat vacuatio ideæ morbi ac aliis, incerta ac infidelis erit; idem in febre pituitosa, si biliosum, & non minus si sanguis, hepate affecto, e nare sinistra, & liene, ex dextra copiosior proflexerit. Crises enim hæc non recte

Quæ non
in die-
bus de-
cretoriis
fiunt.

Quæ non
recte
ideæ
morbi
conveni-
unt.

recte ideæ morbi conveniunt; propterea merito, cum aliquando bonæ, & aliquando malæ sint, infideles incertæque dicuntur. Addamus denique etiam hoc ipsum in his morbis significari, a quibus ægroti, etsi parum statim meliuscunt, tamen paulo post recidunt, symptomata, & febres redeunt. Atque hæ sunt crises quidem bonæ, etsi non omnino bonæ, plerumque salutare sint, sed minime certæ, & fideles, nec perfectæ, neque perpetuo salutem prædicantes; cum aliquando ab ipsis ægrotos mori contingat. Sed huiusmodi iudicium confirmabitur signis, mortem significantibus, quæ si bona erunt, bonum quoque iudicium futurum dicimus, licet non perfectum, & forte non sine recidivis. Ceterum esset quoque agendum de bonis crisis per abscessus futuros, sed quoniam sat accurate agemus de iis, cum de prædictione ex abscessibus particularem sermonem instituemus, ideo lectorem lubens ad eum remittendum duxi. Nunc ad exitiales declinemus.

C A P. XI.

De Crisis exitialibus cognoscendis.

Perniciosa cognoscuntur crises contrariis signis, quibus optimas internosci diximus, quæ sunt, quæ nullo coctionis signo conspecto, quippe in principio morbi, apparent, quo tempore natura quicquam boni nunquam excernit, certioresque erunt, si in diebus decretoriis apparent; tertio ubi excretiones non respondeant ideæ morborum, uti superius dictum est, vel locis affectis, uti si in hepate inflammato sanguis exeat e nare sinistra, & e dextra, liene affecto, atque itidem utero affecto e naribus, & non per uterum perfluat. Addimus, si excretiones sint per se malæ, & exitiales, de quibus Hipp. in *primo Epid.**) ait: *Sudores multis tantum aberat, ut recrearent, ut etiam contra lederent.* Et paulo post: *a) Paululum in fronte, & claviculis exsudabant, sed nemo per totum corpus.* Et de iisdem in *tertio Epidemiorum: b) Sudores intempestivi, frigidi, multi perpetuo; copia*

Nec morbum tollunt.

Crisis perniciosa unde cognoscuntur.

Ab excretionibus malis.

*) Sect. 2. pag. 945. lit. E. a) Ibidem pag. 954. inter E & F. b) Pag. 1089. lit. E.

urinarum non bonarum, colliquationes male. Et in 1. lib. a) de vomitibus. *Sed & virulenta vomunt, & ex his quidam subito moriuntur.* Quare crudo plane existente morbo, in principio quippe morbi, quo tempore natura nondum coxit, crises non fiunt, nisi, ut superius docuimus, natura maxime a vehementia morbi, & celeritate irritata, ut cogatur aut statim sine pugna succumbere, aut pugnando cum morbo crisin faciat exitialem, qua, si virtus debilis sit, subito exstingvitur. Cognoscitur quoque hæc exitialis excretio, primo, si non respondeat morbi naturæ, & cum excretio per se sit prava, uti dictum est, aut una signa lethalia conspiciuntur, qualia sunt ex urinis nigræ, turbidæ, cum nigris sedimentis, vomitus virulenti, & colliquationes alvi, quibus in peste, Romæ olim grassata, multos fuisse interemtos, Gal. in 3. Epidem. scripsit, præterea extremarum refrigerationes non recalescentes, de quibus Hippocrates: b) *sudabant semper, sed non toto corpore, multum extremitates frigeabant, ut vix calorem reciperent.* Frigidum per os expirare, respirare itidem per nares. Addamus quoque perniciosas has crises sæpius decipere Medicæ artis ignaros, quod ab ipsis crisis natura extincta, ægroti melius quiescere videantur, & melius se habere, cum tamen ex pulsibus langvescentibus, ac prioribus atque aliis, eruditi Medici exitium in foribus esse cognoscunt. De iis pulsibus Galen. in 3. de Crisis ita habet: *Debiliior vero atque inordinatior, & inæqualis est pulsus in mortalibus declinationibus, nam una cum aliis tunc calor febrilis expirat, atque hinc species melioris exoritur, deinde paulo post, vel, cum ad levandum ventrem surrexerint, animi defectum incurrunt, & nonnulli pauco ac tenaci sudore offuso moriuntur, vel etiam sine surrectione.* Propterea nos dicimus, crises bonas ac salutare subsequi in ægrotis statum meliorem; nam vere quidem quietiores evadunt, cum symptomata morbi vel prorsus tolluntur, vel multum minuuntur: ita post exitiosas crises ægroti redduntur inquietiores, debiliores, & symptomata sæve augentur, ni statim exitium

Ex pulsibus.

Ex falsa allevatione.

a) Epid. Sect. 2. p. 948. ante lit. H. b) Epid. lib. 1. Sect. 2. p. 940. lit. G.

exitium subsequatur; aut apparent quietiores & liberi magna ex parte a mortuo & symptomatis, quibus gravantur, ex quibus artis Medicæ ignari putant ægrotos in melius evasisse. Ceterum his non est fidendum, & hoc est, quod Hipp. in Aphor. a) dixit: *His, quæ non ex ratione levant, non oportet fidere, neque multum formidare mala, quæ præter rationem eveniunt. Plurima enim talia stabilia non sunt, neque multum durare & permanere consueverunt.* Sed hanc falsam allevationem cognoscemus, tum quod, ut ait Hippocr. ipsa stabilis non sit, neque diu bonus hic status duret, atque etiam quod, ut dictum est, ægri languidiores aut non robustiores, & pulsus debiliores, inæqualiores, atque peiores evaserint; unde perfectas crises continuo exitium sequitur, veluti imperfectas mutatio in pejus. De iis Hipp. in Epid. b) de Critone ita habet: *Secundo tumor toto pede & ad talum subrubeus cum contentione, pustulæ nigrae, febris acuta, valde insanivit; defectiones crebrae, biliosæ, periit postridie quam ægrotare cæperat.* Et de muliere Dromedai: c) *Sexto die mane superriguit, cito percaluit, toto corpore sudavit, extrema membra frigida, deliravit, spiritus magnus, & rarus. Paulo post: Convulsiones a capite cæperunt. Subito obiit.* Et in 3. Epid. d) de Pythone, qui supra Herculis fanum decumbebat: *Decimo mane sine voce, multum frigus, febris acuta, multus sudor, obiit.* Nunc etiam de crisis malis & pernicio-
Vel a
Morbi
in pejus
mutatio-
ne.
 sis, quæ imperfectè ad interitum judicant, quippe a quibus in pejus fit mutatio, tamen ægroti non subito intereunt, hocque evenit, ut vires prævalidæ contra morbum strenue pugnent, & ut in exitialibus perfectis unica vice pugnans natura, præ imbecillitate, morbo succumbat, ita robustam cogitur morbus iteratis vicibus, quod unica pugna non cedat, pugnando superare. Propterea virium magnum robur facit crises exitiales imperfectas, veluti minus robur perfectas, quo natura subito in pugna vincatur. Virium itaque
Ex viri-
um ma-
gno ro-
bore.
 magnum robur signum erat in exitialibus morbis crisi-
 fff fu-

a) Sect. 2. Aph. 27. b) Lib. 1. Epid. Ægr. 9. p. 985. c) Ibid. Ægr. 11. p. 987. d) Ægr. 3. p. 1098.

Ex cocti-
one in-
cepta &
non per-
fecta.

futurarum imperfectarum. Eadem notæ erunt imperfectarum, & perfectarum, hoc excepto, quod imperfectæ fiant plerumque cum incepta aliqua humorum coctione, ita ut potius in augmentis fiant, quam in principiis, & non absque aliquo signo coctionis; veluti si alvi excrementa fuerint liquida, & postea parum incrassentur, sed tamen inæqualiter, ita ut si hac die crassiuscula apparuerint, altera rursus liquida; & quod ad urinas, cum aliqua sit in sedimento bona mutatio, vel in colore, vel in contentis, quæ tamen non sit stabilis, sed statim redeat ad solitam cruditatem. In perniciosis itaque morbis, vires robustæ & validæ hujusmodi imperfectas crises multas futuras præindicare solent, antequam moriantur ægroti, & præsertim, ubi quædam coctionis præludia apparuerint. Nam qui fieri potest, ut natura robusta, in morbum agens, aliqua levi coctione ipsum non mutet? necesse est enim morbum aliqualem naturam pati. Hinc in morbis lethalibus non raro in excrementis, præsertimque in urinis, solent videri quædam signa coctionis. Nosque sæpius in pestiferis, aliisque febribus perniciosis, urinas vel tenuissimas, ruffas, melioris coloris, & crassiores factas, & crassas turbidasque ante exitum clarruisse, sedimentumque aliquando habuisse, vidimus. Sed hæc præludia coctionis neque augentur, neque stabilia sunt; statim enim mutantur in pejus: & hoc est, quod nos monuit *Hipp. a)* ut dictum est, his urinarum aliorumque excrementorum præludiis coctionis, Medicos fidere non debere; hæcque cognosci ait *Hipp.* quod stabilia non sint, neque diu durent. Addamus, quod ex praxi didicimus, quum in morbis apparent crises cum iis præludiis coctionis, vel etiam absque lethali aliquo signo & febris perseverat, præludiaque coctionis non augentur, signa lethalia esse expectanda; quando illud nobis argumento sit, naturam propter magnas vires se diu sustentare, & servare, tamen quicquam morborum causarumque non posse superare, proinde longo tempore morbo oppugnatam, marcescere, succumbere, atque

a) Aphor. 27. Sect. 2.

atque exstingvi, est necesse. Quod proxime *Patavii*, una cum *Alexand. Massaria*, & *Hieronymo Aquapendente*, Medicis celeberrimis, in *Marina Teupola* Serenissimi Ducis *Grimani* nepote, juvene quidem sanguinea, & moribus vere clarissima, *Mattheo Mauroceno*, juveni clarissimo nupta, observavi. Hæc enim ex abortu in febrem continuam ardentem incidit, quæ incepit cum gravissimis symptomatis, quippe dolore capitis punctorio vehementi, perpetuis fere vigiliis, vertiginoso affectu, siti intensa, & perpetua jactatione corporis, summaque inquietudine, quæ omnia cum urinis crudis mortem subito minabantur; tamen ipsa morbo magnis viribus reluctato, etsi natura nunquam quicquam morbi superare potuit, primo sanguine cum urinis crassis, obscuris, rubris, habentibus sedimenta crassa, e nare sinistra erumpente, una cum vomitu, & per alvum rejectis copiosis excrementis pituitosis admodum lentis, & biliosis, interim porraceis, interim æruginosis, itemque sudore copioso, fuit judicata; a qua tamen neque alvi excrementa, quæ perseverarunt usque ad exitium, neque urinæ probam unquam coctionem fuere assecutæ; neque minus, etsi sanguinis e naribus excretionem, & vomitibus, ac vel etiam aliquando sudoribus sæpius fuerit judicata, & exinde videretur satis allevata, tamen nunquam, ut dictum est, excrementa illa probam concoctionem habuerunt, etsi aliquando videntur, aliqua scilicet die, meliorem coctionem accepisse, tamen illa concoctio per diem, nec plus, perseverabat, rursusque redibant excrementa ad priorem cruditatis gradum; quo factum est, ut dixi, clarissimam juvenem, propter maximas vires, diu cum morbo pugnando plures crises imperfectas habuisse, quas ego perpetuo malas esse ac lethales prædixeram; quod nimirum coctiones in excrementis inceptæ nunquam a natura augerentur, atque quod nunquam immunis febre remanserit. Sed jam morbo ingravescente, viribus tandem resolutis, post multas imperfectas crises, obiit.

Hanc lubens historiam adjunxi iis, quæ de his crifibus nobis fuere adnotata, ut clarius studiosi affequantur, quomodo debeamus crifes magis imperfectas lethalesque præcognoscere, quibusque signis nobis innotescant; quæ sunt: quod morbo vel omnino existente crudo fiant; vel cum principio quodam concoctionis; tertium, quod illa præludia concoctionis nunquam augeantur, & non durent, inæqualiterque etiam appareant; quartum quod nunquam febre ægroti prorsus liberentur: atque hoc est, quod Hipp. in 2. Epid. a) vocavit *judicatorium non judicans*, quod aut, ut Gal. docet, *est difficilis judicii*, quippe nullo prælucente signo lethali; aut lethale, ubi una cum aliquo exitiali signo appareat. Quintum addimus, has quoque crifes ab excretionibus, judicari seu cognosci, quæ aut sunt immoderata & nihil juvant, aut sunt paucæ, non respondentes noxiorum humorum quantitati excernenda, de quibus Hippoc. in lib. 1. Epid. b) ita habet: *His succedebant abscessus, aut majores, quam ut ferre possent, aut minores, quam ut prodesse quicquam, sed statim redierunt, & deteriores evaserunt.* Et ab excretionibus sudores, aut multi, aut pauciores, de quibus itidem Hipp. c) *Sudores multi, his tantum aberat, ut recrearent, ut etiam contra læderent.* Et d) *sudabant semper quidem, sed non toto corpore.* Et postea: e) *Paululum in fronte & claviculis exsudabant, sed nemo per totum corpus.* Itidem malæ sanguinis excretiones, de quibus Hippocr. f) etiam dixit: *Hic sanguis de naribus, nisi paucis, & admodum paucus erupit.* Et postea: g) *Nam Philiscus, quidem Epamenon, & Silenus, quibus parum quarto die, & quinto, ex naribus stillavit, mortem obierunt.* Et de dejectionibus malis: *& b) Alvi turbata erant, biliosis paucis, meris tenuibus mordacibusque & frequenter desidebant.* Quales vidi in Guadagnina mea Uxore dilectissima, cum febre ardente, quæ tunc extincta est.

a) Sect. 1. p. 999. sub lit. E. b) Sect. 2. p. 946. lit. G. c) Ibid. p. 945. lit. E. d) Ibid. Sect. 1. p. 940. lit. G. e) Ibid. Sect. 2. p. 934. inter E & F. f) Ibid. pag. 944. ante lit. F. g) Ibid. pag. 951. lit. E. h) Ibidem Sect. 1. pag. 940. lit. G.

est. Alvi itidem colliqvationes, de quibus etiam *in tertio Epidem. a)* *Unoque verbo, quot longis morbis, vel acutis tenebantur, ventris vitio omnes præcipue mortui sunt; & sic de aliis.* Demum vacuationes omnes morbi ideæ non respondent; quippe veluti in pituitosis meræ biliosæ, & e contrario, de quibus nuper satis accurate egimus; aut locis affectis non respondentes; ut quando uterus laborat, si sanguis e naribus erumpat, aut si hepar e sinistra, & si lien ex dextra. Demum distinguuntur eæ crises imperfectæ a perfectis, quod imperfectæ fiant nullis conspectis signis coctionis, atque viribus minus robustis. Ex quo merito, cum natura nequeat quicquam morbi alterare, & concoquere, sed statim magno morbo, quod magnis viribus non constet, prima pugna succumbat. Perfectæ vero fiunt in corporibus robustissimis, quæ non semel, neque bis, sed pluries morbis oppugnata, & non nisi spatio temporis superantur, quo tempore aliquid contra morbum etiam agentia, ipsa paululum alterant; hinc quædam solent conspici coctionis vestigia, licet levia, quæ tamen nedum non augentur, sed neque diu durant. A salutaribus vero etiam distinguuntur, eo quod ipsarum coctio non augeatur, neque, ut dictum est, diu, si quod vestigium coctionis appareat, durat. In salutaribus enim præterquam, quod manifestiora signa coctionis appareant, etiam in dies magis augentur, & stabilia videntur, atque in his quoque ægri in melius mutantur, febre aut omnino relinquuntur, aut magna ex parte liberantur. Sed unum harum exitialium imperfectarum cresium proprium esse diximus, quod non nisi in robustis corporibus fiant. Cujus veritatis exemplum nobis esse, ad id quippe cognoscendum accommodatissimum, illius *mulieris* historiam, quæ in *mendacium foro* decumbebat, quæ juvenis & robustissima, ante exitium, plures hujusmodi pugnas a maximo morbo, & crises ob virium robur, etsi quicquam morbum alterare non posset, sustinuit, de qua *in lib. 3. Epidem. b)* Hippoc. ita habet: *Mulierem, quæ decumbebat*

Ex vacuationibus morbi ideæ non respondentibus Crises imperfectæ quomodo a perfectis distinguuntur.

F f f 3 in

in mendacium foro, primo enixam cum dolore masculum corripit ignis. Initio statim sitibunda, cor illi dolebat, fastidiosa, lingua arida, venter turbatus tenuibus, paucisque, non dormivit. Altero die aliquantulum riguit, modicus secundum caput, & frigidus sudor. Tertio cum dolore dejecit alvus cruda, multa, tenuia. Quarto subriguit, omnia irritata sunt, insomnis. Quintum diem laboriose transigit. Sexto eadem erant, alvus reddit humida, copiosa. Septimo superriguit, febris acuta, sitis ingens, se jactavit, sub vesperum per totum corpus sudavit frigidum, frigus partium extremarum, nec redibat illi calor. Iterumque nocte superriguit, extremitates calorem non recipiebant, non dormivit, nonnihil deliravit, statimque ad mentem rediit. Octavo circa meridiem rediit calor, sitibunda, comatosa, vomuit biliosa, pauca, subflava. Nocte graviter se habuit, nihil quievit, multum affatim minxit inscia. Nono omnia fuerunt remissa, sub vesperum comatosa, aliquantulum superriguit, vomuit amara, biliosa. Decimo rigor, febris exacerbata est, nihil dormivit. Mane multam, in qua nihil subsideret, reddidit urinam. Extremæ partes receperunt calorem. Undecimo virulenta, biliosa vomuit, non multo post riguit, rursusque extremæ partes frigescebant. Sub vesperum rigor, sudor frigidus, multum vomuit. Nox gravis fuit. Duodecimo vomuit multa, nigra, fetida, singultus multus, sitis laboriosa. Tertio decimo nigra, virulenta, multa vomuit, rigor circa meridiem. Quarto decimo die sanguis de naribus. Defuncta est. Annum ætatis agebat circiter septimum decimum. Dignus fuit hujus mulieris casus, ut, ad cognoscendas crises lethales imperfectas, a nobis accuratius audiretur; nam omnia signa exitialium imperfectarumque cresium, quæ nuper a nobis producta sunt, in hoc casu facile recognoscantur. Atque hæc de cognoscendis exitialibus crisi- bus: superest, ut ad cresium species, aut modos etiam exacte cognoscendos descendamus, quod scitu certe est dignissimum.

C A P. XII.

De cognoscendis crisibus, quæ per abscessus, & quæ per excretionem sunt futurae.

Plurimum facit ad præsagium salutis vel mortis specia-
 lium crisium cognitio, nimirum, an eæ fient per aliquem
 abscessum, an per aliquam excretionem. Itaque in primis
 eas crises indicabimus, quæ per abscessum fiunt, & deinceps
 illas, quæ per humorum excretionem. At cum nomen ab-
 scessus sit æquivocum multis diversis competens, hoc ipso-
 que nomine multa diversa intelligat Hipp. propterea hæc
 omnia distincte sunt cognoscenda. Abscessus nomine Hip-
 pocrates aliquando intelligit humoris translationem de una
 parte corporis in aliam. Hosque abscessus vocat per efflu-
 xionem, de quibus *in secundo Epidemiorum a)* ait, *optimos*
esse, qui per effluxionem fiunt, cujusmodi est sanguis e naribus,
pus ex aure, sputum, & urina. Quomodo dysenterias, li-
 enterias, tenesimodes, sudoresque, abscessus dixit. Ali-
 quando per abscessum intelligit suppurationem, de qua *in*
Prognosticis b) dixit, *tumores in ventre minus faciunt abscessus,*
quam in præcordiis, teste enim Galeno ibi suppurationem in-
 tellexit. Tertio intelligit humoris decubitum ad aliquam
 corporis partem, quo vel dolor & tumor aliquis concitetur.
 Quomodo nos dicimus, proprie magis abscessus nomine
 intelligi omnia cutis vitia, & præsertim, quicquid sub cu-
 te a caussa interna humoris erumpit, quales sunt omnes tu-
 mores. De crisibus itaque per abscessus, seu per cutem,
 seu per tumorem aliquem futuris, quæ fiunt, ubi humores
 abscedunt ab internis ad cutem, quam aut maculis affici-
 unt, aut in tumorem levant, nunc sermo a nobis instituitur.

Pro qua re assequenda in primis videndum erit, quanam
 crises per abscessus, & quanam per humorum excretiones
 fiant. Hoc vero facile cognoscemus, cum recte humorum
 in corporibus inclinationem cognoverimus, utrum inquam
 humores transmittentur tantum de parte ad partem, an præ-
 ter-

Abces-
sus quid.

Crises
quæ per
Abces-
sus fiunt
quomo-
do co-
ter-
guntur.

a) Sect. 1. pag. 1002. inter B. & C. b) Pag. 39. lin. 1.

terqvam, qvod transmittuntur, etiam foras excernentur per meatus, vacuandis humoribus destinatos. Hoc modo crises per excretiones; & illo per abscessus fieri dicimus. De quo modo crisum Galen. *in lib. 3. de Crisibus* ita scripsit: *Summatim enim nihil aliud oportet considerare in modo crisis, præter nature inclinationem, quam manifeste ostendit Hippoc. in Prgnosticis, a) partim quidem oris ventriculi morsum, atque rigorem memorans, in quibus vomitus subsequitur; partim spirandi difficultatem, & oculorum hallucinationes, in quibus profluvium sanguinis e naribus expectatur; ac præter ista distinguens de urinis, & alvi excrementis, in quibus inquit: b) Si neque biliosa fuerint alvi excrementa, neque facile solubilia, & impermixta, neque urina multa valde, & multam habens subsidentiam. Si quid enim tale fuerit, manifestum est, quod huc repit ægritudo, & per ista expurgatur; cum vero huc non repit, & protrahitur morbus, cum signis tamen salubribus, futurum abscessum expectare oportet.* In tertio vero Prognost. Galen. scribit, morbose calidioribus humoribus cum ægri viribus vehementioribus per excretionem judicari; atque his contrarias esse affectiones, in quibus facultas debilis est, & humor frigidus, quæ nec excretionem nec abscessum desunt; sed hæc aut corrumpere ægrum, aut perquam longo temporis spatio vix coqui observamus. At humores calidi non egent facultate valida, ut abscessus fiant, veluti frigidi, qui non nisi a robusta vi moventur ad abscessum. Ex quibus præter crisis modum ex humorum inclinatione cognoscendum, quippe ad abscessum inclinatum iri morbos, ubi neque signa vomituum, neque hæmorrhagiæ, id est, sanguinis fluxus, neque alvi dejectionum, neque sudorum, neque urinarum copiosarum apparuerint; etiam hoc itidem ex virium magnitudine, & humorum morbos foventium natura, conjici poterit: ex humoribus enim calidioribus facilius excretiones; abscessus vero, ubi ad excretionem natura nullam habebit inclinationem, neque hi opus habent validioribus viribus, cum suapte natura facile ex parte ad partem

a) Pag. 45. & 46.

b) Prognost. pag. 43. lin. 9. & seq.

tem moveantur, & decumbant, crudi vero ac crassi plerumque in corporibus robustis, si longius morbus protrahatur, absque signis exitiabilibus, in abscessum aliquem decumbent. De his Galen. in 3. *Prognost. comm.* ita habet: *Hos igitur asolet natura in partem quandam ignobiliorem expellere, quoties per excretionem corpus nequeat.* Sæpe enim definitum jam est, ut humores calidiores tenuioresque paratissimi sint ad excretionem, crudis vero & crassis aut per abscessum, aut per concoctionem natura medeatur. Sed age signa modo dicamus, quibus futuros abscessus in morbis præscimus. Gal. in lib. 3. de *Crisibus cap. ult.* scribit in morbis acutis & calidis, si crisis fiat primis periodis, excretionem sperandam esse; ac si morbus fuerit diuturnus & tardus, atque urinæ fuerint longo tempore tenues & crudæ, abscessum futurum. At hæc non satis sunt ad abscessus prænoscentes; plura enim addi est opus: & primo, quod morbus habeat signa salutaria, corporaque viribus satis consent. Cum dictum sit, debilem facultatem non posse crudos crassosque humores movere ex visceribus ad partes ignobiles, ad quas decumbentes humores abscessus faciunt. Quod morbi, longi, & tardi ab humoribus crassis & crudis foveantur, satis liquido constat, quodque hi quoque humores non facile, vel etiam a robusta natura, moveantur ad excretionem, ex Galeno dictum est; quia propter necesse est, ut aut ægrotum corrumpant; aut, si convaliturus sit, ut excretis ad aliquam partem ignobilem abscessus fiant, vel paulatim concoquantur; tametsi hoc ipsum, ut per concoctionem medeatur, teste Galeno, excretio quædam est, quæ per urinam magna ex parte lapsam fit, raro per alvum.

Abces-
sus qui-
bus si-
gnis in
morbis
prævi-
dentur.

Signa vero futuri abscessus Galen. hisce verbis complexus est, dicens: *Si vero ad abscessus convertuntur, communia quidem omnium indicia sunt, salutariter se habente ægro, quod neque morbus solvatur, neque urina multa, & multam habens subsidientiam, sed cruda & tenuis appareat.* Quæ ex Hippocrate accepit, in secundo libro *Prognost. a)* text. 26. ita habent:

G g g te:

te: *Considerandum est in hunc modum: si febris detinet, & dolor non desinit, & puris excreatio non excernitur ex ratione, neque bilioſæ fuerint alvi dejectiones, neque ſolutiores, at ſincerae, nec urina admodum multa craſſa, ac plenius obtineat ſedimentum, promittitur vero ab omnibus aliis ſignis ſalutare, his tales fore abſceſſus ſperandum eſt.* De urinis abſceſſus ſignificantibus in ſecundo Prognosticorum a) *textu trigefimoquarto ait: Quicumque autem mingunt urinam tenuem ac crudam multo tempore, ſiquidem alia ipsis ſigna ſalubria aſſuerint, his abſceſſum exſpectare oportet, ad loca, quæ ſub ſepto tranſverſo ſunt.* Idem fere, & in libro tertio, b) *ita legitur: Si qua febris prorogatur, ſalvo affecto homine, nec dolore detinente aut ob aliquam inflammationem, aut ob aliquam cauſam evidentem, exſpectari oportet abſceſſum cum tumore aut dolore, qui in articulos maxime inferiores decumbat.* Galenus ait, ſpem eſſe futuri abſceſſus, ubi febris neque propter aliquam partem affectam curatu difficilem, neque propter commiſſum aliquem errorem prorogetur; neceſſe enim eſt ex craſſis crudisqve humoribus, quos ſæpe natura ſolet ad ignobilem partem e viſceribus protrudere, febrem prorogari. De quibus in lib. 4. Aphor. 44. *dixit: Quibus adſunt febres longæ, iis tubercula, aut dolores circa articulos ſiant.* Quare ubi febris ultra diem vigefimum prorogatur, teſte Hippocrate in tertio Prognost. c) *text. 25. cum dies vigefimus ſit terminus acutorum morborum, in morbo quidem ſalutari, & urina tenuis, & cruda, longo tempore mingatur, converti ad abſceſſum morbum ſperare poſſumus, eoqve magis, ubi humoris alicujus craſſi purgationem ſubſeqvatur; ſolvitur enim morbus.* De quo nos Hippocrates in 4. Aphor. 74. *commonuit, ita dicens: Quibus ſpes eſt in articulis fore abſceſſum, liberat eos ab abſceſſu urina multa, & craſſa, & alba, qualis in febribus, cum laſſitudine, quarta die, quibusdam fieri incipit.* Unum videtur neceſſario cognoscendum, quippe, quibus ſignis morbum eſſe ſalutarem cognoscamus. Quod Hippocrates in

libro

a) Pag. 40. lin. 48. & ſeq. b) Pag. 45. lin. 38. & ſeq. c) Pag. 45. lin. 46.

libro tertio Prognost. a) text. 10. ita habet: Qui enim convalesciturus est, facilius spirat, sine dolore agit, noctu dormit, & alia signa securissima habet. Quare hæc erunt signa communia abscessus futuri; propria vero, quæ in partibus aut supernis aut infernis futuros denotent, Hippocrates in secundo Prognost. b) text. 62. ita est complexus. Abscessus consistunt hi in locis infernis, quibus circa ilia inflammatio fatigat; illi in supernis, in quibus ilia molliora, & sine dolore persistunt. Si vero aliquandiu spiret difficulter, sine aliqua alia causa desinet. Quæ Galenus in tertio de Crisibus cap. ult. etiam docuit, dicens, abscessus sperandos ad loca inferiora, quibus circum præcordia, aliquid inflammationis atque caloris affuerit; & ad loca superiora ubi repunt, præcordia mollia perpetuo esse ac sine dolore, & eger ad aliquod tempus anhelitum habebit difficilem, sine occasione manifesta, & postea cessabit.

Sed particulatim locorum, ad quæ futuri abscessus fiant, Loco ad quæ Abscessus futuri quomodo cognoscuntur. signa paulo post hisce verbis expressit Galen. dicens: *Propria vero (ubi morbus non fuerit valde diuturnus) si subita difficultas anhelitus laboranti superveniens, mox quiescat, eamque gravitas capitis ac dolor subsequatur, gravis somnus ac surditas, huic in glandibus post aures necesse est abscessus fieri. Si vero morbus jam diu duraverit, neque ullum ex his signis affuerit, sed in aliquo ex locis inferioribus, vel gravitas, vel tensio, vel inflammatio, vel dolor apparuerit, huic abscessus ad partes inferiores est expectandus.* Autor vero Prorrheticorum in c)

3. Prognost. text. 76. de parotidibus ita habet: *Somnus gravis cum dolore capitis, & surditas statim adveniens sunt signa parotidum.* Sed longe plura ibi de ratione futuras parotidas prægnoscendi scribuntur, quæ brevitati studens lubens omitto; atque enim, quod, ubi de prædictione a parotidibus ex proposito agemus, hæc omnia longe accuratius adducere cogemur. Atque hæc de crisis per abscessus futuros dicta sint. Nunc de cognoscendis crisis, quæ per excretionem fiunt, agendum, quippe quæ, aut per fluxum sanguinis,

G g g 2 nis,

a) Pag. 44. lin. 25. & seq. b) Pag. 43. lin. 14. & seq. c) Lib. I. Prorrh. text. 168.

nis, aut per vomitum, aut per alvi defectionem, aut per sudorem, aut denique per urinam fiunt. Exordimur vero ab iis, quæ sanguinis eruptione fiunt.

C A P. XIII.

De prædicenda crisi per sanguinis eruptionem, seu fluxum.

Crisium
species
unde co-
gnoscun-
tur.

Crises
quales
futuræ
unde no-
scuntur.

Crises
quænam
per hæ-
morrhagiam.

Hæmor-
rhagicæ
futuræ
signa.

Jam descendimus ad cognoscendas criseum species, quæ humorum excretionem observantur, quæ quidem cognoscuntur a constitutione temporis, ægri natura, morbi specie, motu atque naturæ humorumque inclinatione. Diximus superius ex temporis constitutione crises indagantes, & ægri natura, morbi specie, & motu morbi, sciri posse crises, quæ per excretionem, & quæ per abscessus futuræ sunt. Nunc dicemus, quo natura, & humores inclinabunt, eo crises fieri necesse erit, ut docuit Gal. *in lib. de Crisib. cap. ult.* Duplex vero cum sit ipsorum inclinatio, una ad interiora, atque altera ad exteriora; ad exteriora ubi inclinaverint humores, crises aut per sudorem, aut per hæmorrhagiam, id est, sanguinis fluxum fient, quæ nobis innotescant ex pulsum & hypochondriorum observatione. Ad interiora vero humoribus natura habentibus inclinationem, crises fient aut per vomitus, aut per defectiones, aut per urinas, aut per hæmorrhoidas, aut per menses. Sed age, agamus primo de his crisis, quæ per hæmorrhagiam seu sanguinis fluxum, seu eruptionem fiunt. Hæ enim ceteris videntur anteferendæ, quod sæpius morbos acutos judicent, tum fidelius, ac certius perfectiusque. Plures etenim fuerunt, qui sanguinis hæmorrhagia seu eruptione larga e naribus fuere liberati, etiam si tuta signa non haberent, quod Hippoc. in *Metone a)* vidit, de quo Gal. *Epid. 3. text. 24.* ait: *Large de naribus eruptiones liberant fere; sane enim a sola videtur sanguinis eruptione & judicatus, & servatus, quamvis non omnino tuta signa haberet.* Quare ab ipsis exordiamur, venemurque signa, quibus futuræ sanguinis excretionem, seu eruptionem e naribus innotescant: statuamus itaque febrem ardentem

a) Lib. 1. Epidem. Ægr. 7. pag. 983.

tem, vel synochum, aut simplicem, aut cum alicujus visceris inflammatione, in qua, propter ipsius magnitudinem, & celerem & fortem motum ac calidam naturam, concurrentibus calidior ægroti natura, victus & ætatis temperamento, annique constitutione calida, æstivo anni tempore, itemque, loco calido, crisis per excretionem est speranda, si per sanguinis hæmorrhagiam erit futura, proculdubio omnia aderant symptomata, quæ sanguinis copia concitabit, a venis ipsis, e quibus ad caput fertur, omnibus in locis permeabit: hinc fit, quod si per naturalia membra ad caput feratur, ægroti inprimis repente in intensiorem hypochondriorum incidant, & aliquando in difficilem, propter ipsorum distensionem, respirationem: sed hæc sequitur tensa hypochondria; veluti si per membra spiritalia vocata, seu respirationi destinata, sanguis transeat repente, in inspirandi difficultatem veniunt, quibus tamen cito liberantur, utpote sanguine ad caput perveniente, in ipsoque symptomata concitante, exindeque partes infernæ liberantur; itaque caput gravatur, dolet, & prius aliquid in collo tendi sentitur, aut in sincipite aurium tinnitus aliquando sentiunt, & aliquando surditatem; oculorum visio habetatur, obscuratur, aut splendores oculis obversantur, facies rubescit, scilicet oculi, genæ, atque nares. Atque hæc erunt hæmorrhagica signa, quibus præcognoscimus & prædicemus crises per sanguinis eruptionem e naribus. Quæ omnia Hipp. quasi divina mens loquens, hisce verbis in 1. Epidem. a) est complexus: *In ardentibus autem ceterisque febribus, quos colli dolor, temporum gravitas, caligo oculorum, vel hypochondrii etiam contentio, neque cum dolore corripit, his e naribus sanguis erumpit.* Et in lib. 3. Prognost. b) ex Galeni sententia dixit: *Capitis dolores vehementes, & continui, cum febre, si quod ex indicibus exstiterit exitiosus, integre lethales sunt. Si vero ex iis, quæ didicisti, de ægro tanquam convalescente quicquam speres, a principio quidem ad septimum diem sanguinis e naribus fluxum expectato; procedente vero tempore id quidem etiam; pus*

Ggg 3 vero

a) Sect. 2. p. 948. sub finem. b) Pag. 44. lin. 34. & seq.

vero erumpet e naribus aut auribus in salutem ægri. Si vero ad vigesimum extendatur diem doloris accidens in capite, tunc etiam sanguinis fluorem expectabis rarius, magis vero suppurationem, aut abscessum, ad inferas sedes expectato. Sed per illud tempus, quo sanguinis fluorem expectabis, augebit tibi expectationem, si in temporibus ac fronte dolor vehemens perseveret. Magis autem expectari sanguinis oportet eruptionem in junioribus triginta quinque annis, in senioribus suppurationem.

Quæ hæmorrhagiæ futuræ signa clarius postea expressit, in 3. Prognost. a) text. 33. dicens: Quibus vero per talem febrem dolet caput, & pro tenebris ob oculos effusus hebetudines subeunt oculorum, ac splendor obvertitur, & pro oris ventriculi morfu, circa hypochondrium, aut læva parte, aut dextra, aliquid contenditur, neque cum dolore, neque cum inflammatione; sanguinem de naribus in his fluere, pro vomitione expectandum est. Magis vero & hic in juvenibus sanguinis fluorem expectare oportet. Agentibus vero trigessimum annum, aut etiam senioribus, minus; sed vomitionem in talibus expectari oportet. His signis alia adduntur scripta cum in Prorrheticis, tum in Coac. præfag. in lib. enim 3. Prorrhet. b) text. 51. ita habet: Capitis affecti gravitate & sincipite dolentes, pervigilesque, sanguinem profundunt, tum alias, tum si quippiam in cervice tendat. c) Qui pervigilaverint repente, cum inquietatione quadam, sanguinem profundunt tum alias, tum si quippiam (ut melius in Coac. præfag. d) text. 32. legitur) fluxerit ante cervicis dolores. e) Nec non impense rubri oculi sanguinis eruptionem ostendunt. Et postea f) text. 55. Per ea, quæ caput concutiant, & quæ sonitum faciunt, sanguinem per nares profundere sperandum est. g) Ventris quoque palpitantes (id est ex Gal. pulsus arteriæ spinam perreptantis) cum hypochondrii tensione sublonga & tumente, sanguinis indicant eruptionem. h) Et hypochondrii tensio cum capitis gravitate

¶

a) Pag. 46. lin. 15. & sq. b) Lib. I. text. 135. c) Ibid. text. 136. d) Coac. III. e) Lib. I. Prorrh. text. 137. f) Ibid. text. 143. g) Ibidem text. 144. h) Ibid. text. 147.

& surditate, & quæ splendores perturbant, sanguinis denuntiant
 profusionem. Et in Coac. præfag. i) sect. text. 4. hæc etiam
 leguntur: *Quibus febricitantibus rubores in facie, & capitis ve-*
hemens dolor, venarumque pulsus, ita ut plurimum fluor fit san-
guinis. Et in 3. lib. k) sec. 1. text. 17. *Qui e pervigiliis anxie-*
tate repente capiuntur, sanguinem profundunt e naribus, tum
alias tum si quid antea effluxerit. Et in lib. 4. l) text. 26. 27.
In febre ardente aurium sonitus superveniens cum obscuracione
visus, & gravitate in nares incumbente, vehementem insaniam
firmamque denunciant, nisi largiter perfluat sanguis e naribus.
 Et m) lib. 5. *Pulsationes in capite, sonitus aurium, proflu-*
vium sanguinis signant. n) Et qui gravitate capitis laborant,
dolentque sincipite, vigiles, sanguinem e naribus fundunt, tum
alias, tum si quid tendi in collo sentiant. o) Et quibus surdi-
tas, cum capitis gravitate & hypochondrii tensione, & ad splen-
dorem oculi perturbatione, profluvium sanguinis significatur.
 Atque hæc sunt, quæ de signis hæmorrhagicis cum in libris
Epidemiis Hipp. tum in Prognosticis, & in Prorrheticis, atque
in Coacis præfagiis nos colligere potuimus, a quibus nobis
 innotescunt crises per fluorem sanguinis e naribus, quæ hæc
 erunt. In febribus ardentibus, ceterisque aliis acutis, ve-
 hementibus, & in præcordiorum inflammationibus, omni-
 umque maxime hepatis atque lienis, non raro etiam in phre-
 niticis: hos enim affectus præsertim sanguinis eruptiones
 judicant: vigiliæ repentinæ, & inquietudines sunt signa hæ-
 morrhagica; sed tamen plerumque communia crislum fu-
 turarum; quibus quidem conspectis signis, crisis speretur,
 sed an per hæmorrhagiam, an per vomitum, & an alio mo-
 do, sit futura, ex propriis signis distingvetur: quod si, his
 conspectis, coeperit in die critico, vel hæmorrhagia, vel vo-
 mitus, vel fluxio alvi, vel sudores, vel alia evacuatio, forte
 poterimus ex iis signis conspectis similem excretionem præ-
 dicere. De quo in 3. Coac. p) præf. 40. legitur: *Qui e per-*
vigiliis anxietate repente capiuntur, sanguinem fundunt e na-
ribus,

i) Text. 142. k) Coac. III. l) Ibid. 131. m) Coac. 167. n) Ibid.
 168. o) Ibid. 195. p) Text. III.

ribus, tum alias, tum si quid antea effluxerit. Galenus his duobus signis addidit capitis dolorem, ita ut in capitis doloribus vigilæ repentinæ atque inquietudines sanguinem fluxurum significant, eoque magis, si antea fluere cœperit. Ex propriis vero signis est dolor capitis, sine quo raro soleat succedere hæmorrhagia. Ex quo merito, Hipp. in 1. *Prognost.* q) text. 22. ait: *Accidit in prima circuitione jam sanguinis e naribus fluor, atque admodum juvat; sed requirendum est, num doleat caput, an hebetudines habeant oculorum, si quid enim horum fuerit, eo tendet.* In *Epidemiis* r) expressit temporum gravitatem, & in *Prognosticis*, s) capitis dolorem vehementem; in *Prorrheticis* t) *sincipitis* dolorem, aliquando cervicis dolorem, & capitis gravitatem, & in *Coacis præsagiis* u) *vehementem capitis dolorem, & capitis etiam gravitatem* nominat, & *dolorem sincipitis*: addamus, qui hæmorrhagiam denotat, debere esse calidum, distendentem, ac pulsantem. Hocque est unum ex præcipuis signis, quæ ante hæmorrhagiam attendi debebant.

In *Metone*, in quo die quarto bis de nare dextra fluxit sanguis, in die tertia capitis gravitatem fuisse, Hipp. in *Epid.* x) text. 77. notavit, posteaque auctam: & in *Pericle*, y) dolorem primo, & postea caput gravatum, præcessisse sanguinis eruptionem. Hoc signum vero, non proprium, sed commune ad sanguinis fluxum, & ad vomitum esse, Galen. in *lib. 3. de Crisibus cap. ult.* statuit. Ceterum, qui vomitus præfagiunt, dolores mordaces esse, docuit. Addamus, neque perpetuo antecedere capitis dolores; sed sine aliquo gravitatis sensu; videtur impossibile fieri posse hæmorrhagiam, cum non possit multus sanguis in capite aliquam moram facere, absque quo caput gravetur: sed tamen aliquando copiosissimus sanguis repente ascendens, & erumpens, nullam aut obscurissimam gravitatem capiti infert. Hoc in febri-

q) Pag. 38. lin. 45. & seq. r) Lib. 1. sect. 2. pag. 948. sub finem.

s) Pag. 44. lin. 34. & seq. t) Lib. 1. text. 135. & 137. u) Text. 142. 168. 195. x) Lib. 1. Ægr. 7. pag. 983. y) Lib. 3. *Epid.* Ægr. 6. pag. 1102.

febris non acutis sæpe observatur. Quod mihi contigit, qui post quartanam febrem, quæ nondum fuerat resoluta, repente exspui, & per nares rejeci ad minus sanguinem sex librarum ponderis, quo quartana febris (quod est rarissimum) prorsus fuit judicata. Ceterum in acutis febribus raro fit, ut erumpat sanguis, non prægresso in capite aliquo vel gravitatis vel doloris sensu. Post dolorem capitis sequitur surditas, atque aurium tinnitus, quæ solent esse signa quoque hæmorrhagica.

In me ante illam copiosam sanguinis excretionem tinnitus fastidiosus in dextra aure præcessit. Quod signum notavit Hippoc. in *Prorrheth. a)* & Auctor *Coacorum præsagiorum. b)* Surditatem etiam hæmorrhagiam observari, cum in *Prorrhethicis, c)* tum in *Coacis præsagiis d)* habetur. Quod signum vidit in *Virgine Abdera, e)* atque in *Heropyto, f)* antequam erumperet sanguis. His quoque addimus pulsus venarum in capite, de quo in *5. Coac. præf. g)* text. 27. *Quibus febricitantibus rubores in facie & capitis vehemens dolor, venarumque pulsus, iis ut plurimum fluor fit sanguinis.* Micatio enim venarum & agitatio ferventis, & concitati ad exitum sanguinis indicium est. Addimus cervicis, & colli tensionem, de quibus ad hæmorrhagiam, Auctorem *Coacorum præsagiorum h)* meminisse superius vidimus; adduntur in *tertio Prorrhethicorum i)* text. 52. ventris quoque palpitationes, forte pulsus arteriæ spinam perrepantis.

Sed nondum attigimus propria solius hæmorrhagiæ signa, sed quæ ad alias excretiones sunt communia. Nam dolores capitis, vigiliæ, deliria, capitis partium tensiones, surditates, tinnitus aurium venarumque pulsus, sunt signa sane critica non uni, sed multis crifium speciebus communia. Sequuntur hæmorrhagiæ signa magis propria, quæ sunt hypochondrii vel dextri vel sinistri tensio, sublonga, [tumentem addidit Auctor *Prorrheth. futura signa magis propria.*]

H h h

a) Lib. 1. text. 143. b) Text. 194. c) Lib. 1. text. 147. d) Text. 195.

e) Lib. 3. Epid. Ægr. 7. p. 1103. f) Ibid. Ægr. 9. p. 1106. g) Text. 142.

h) Text. 168. i) Lib. 1. text. 144.

rhet. a)] quod tamen non perpetuo fit, sed aliquando mediis musculis, teste Gal. a thorace ad pubis ossa pertinentibus, tensis: sed neque hæc hypochondriorum tensio perpetuo est hæmorrhagica, sed & quæ fit aut in dextro, aut in sinistro; quod signum Hipp. in *Epid. b)* tum in *Progn. c)* hæmorrhagicum fecit. Plurimum enim facit, ad hæmorrhagiam prædicendam, respirandi difficultas repente si apparuerit. Quod Gal. in *lib. 3. de Crisib. cap. ult.* ita expressit: *Est etiam præcordiorum tensio sine dolore; nam & hoc non parvum indicium est sanguinis ad superiora tendentis, sicuti etiam difficultas anhelitus, nam & hæc sanguine transeunte in thoracem fit.* Cum itaque (ut etiam ait Galen. in *1. Epid.*) in hypochondrii, aut dextra aut læva parte aliquid contenditur, neque cum dolore, neque cum inflammatione, sanguinis hinc naribus profluvium expectandum; est enim impetûs humorum in caput, hypochondrii sine dolore contentio, signum. Quod quidem si ei accidat, dolor inflammationem sequitur viscerum. Quando vero calore capitis, sursum sanguinem trahente, & jecore impellente, contentio fiat, sanguinis est expectanda eruptio. Non raro etiam fit, etsi sanguis per thoracem haud transeat, ex magna ejusdem sanguinis copia, tumescentibus hypochondriis, ut etiam ægrotus spiritu difficili laboret. Fœminam quondam Ægyptiam *Cayri* novi, quæ singulis mensibus sanguine menstruo, interceptis ad uterum viis, in caput sublato, per nares erumpente vacuabatur; quo tempore ascendebant, cum magna utriusque hypochondrii tensione, absque dolore, & cum difficillima respiratione, vexabatur. Addo, quod cum tensio hypochondriorum tum respirandi difficultas hæmorrhagica repente fiunt, atque paulo post cessant, de qua Hipp. in *2. Progn. d)* ait: *Si vero aliquandiu spiret difficulter, sine aliqua alia causa desinet.*

Post hypochondriorum tensionem, aliud signum est ex visu spectandum; namque Hipp. in *Epid. e)* scripsit, in iis, qui-

a) Lib. 1. text. 144. b) Lib. 1. sect. 2. pag. 948. c) Pag. 46. lin. 15. & seq. d) Pag. 43. lin. 17. e) Lib. 1. Sect. 2. pag. 984. sub finem.

quibus per nares fluxurus est sanguis, caliginem oculorum fieri, & in *Prognost. a)* visum hebetem habere, quo fit, ut caligo oculorum, hebesque visus hæmorrhagiam prænunciant. Galen. vero in *lib. 3. de Crisib. & de præf. ad Posthum.* ait: *Fulgoris motus oculis obversari, quod humor flavus sit, atque obfusiores visus fieri, quoniam multus sanguis, & totus simul elatus ad superiora spiritus meatus obserat.* Aliquando expavescunt ægroti ex quibusdam rubris spectris, ut juveni Romano, de quo Gal. in *lib. ad Posthum.* meminit, contingit, cui antequam sanguis eruperit, ei rubri coloris serpentem per laquearia repentem supra lectulum ferri visum fuit, proptereaque ipsum expavisse, & e lectulo aufugere voluisse. Non raro etiam oculi involuntarie lachrymant ob fluxus sanguinis copiam, teste Galeno, de quo signo Hippocrates in *primo Epidemiorum b)* ait. *Quibus in febribus acutis, atque adeo ardentibus, spontaneæ effluunt lachrymæ, his est (si quidem reliqua non sint exitialia) e naribus sanguinis eruptio expectanda. Qui incommode habent, his non sanguinis eruptionem, verum portendunt mortem.* Quare cum aliis signis in acutis febribus, si reliqua salutaria sint, involuntariæ lachrymæ hæmorrhagiam prænuntiant, quod Gal. in *lib. 3. Prognost. com. 33.* docuit, atque in 6. etiam *Epid.* confirmavit. Nos vero de hoc signo in proximo libro satis accurate scripsimus. Nunc ex signis explicatis quasi ad hæ-

Hæmor-
rhagiz
futuræ
signa
propria.

fiet etiam, ni prius facies rubore suffundatur; quod sane signum est necessarium, nunquam absque hoc sanguinis eruptio fit. Faciei enim partes omnes, & præsertim prope nares positæ, rubræ coloratioresque apparent, ex præsentia inquam sanguinis. In *lib. 3. Prorrheticorum c)* text. 45. legitur: *Oculos impense rubros significare cum cervicis dolore hæmorrhagiam, & Gal. ait: In re ejusmodi magna præstant virtute impense rubri oculi.* Auctor de *Coac præf. d)* rubores in facie sanguinis fluorem significare scripsit; Gal.

Hhh 2

vero

a) Pag. 46. lin. 15. b) Sect. 2. pag. 956. lit. F. c) Lib. I. text. 137.
d) Text. 142.

vero cum in 3. *de Crisib. cap. ult.* tum omnium maxime in *lib. ad Posthum. cap. 13.* malarum nariumque ruborem proximam hæmorrhagiam connotare expressit. Neque immerito, cum sanguinis copia cutis, repletis ipsius venis, coloretur; hinc etiam narium gravitatem fieri adnotatum est in *Coac. præfag. a)* Ceterum ruborem faciei distinguemus ab eo, qui aut a cerebri inflammatione fit, de quo in *Coac. præfag. b)* ait: *Facies flammans cum sudore, malignum.* Et in *Prorrheticis: c)* *Faciei color bonus, & mæstitia multa, malum.* Cognoscetur hæc propriis signis inflammati cerebri. Aut ab eo rubore, qui genas colorat, ex pulmonum affectu aliquo, cujusmodi fieri in peripneumonicis & asthmaticis, superiori libro declaravimus. Hæc vero, quæ hæmorrhagica est, in statu apparet, in morbo salutari, una cum aliquo, vel multis signorum nuper dictorum. Atque tot sunt omnia signa, quibus sanguinem erupturum e naribus quisque nostrum poterit prælagire. At quoniam omnia perpetuo simul non apparent, proinde si duo vel tria ex præcipuis illuxerint, sufficient ad hæmorrhagiam prædicendam. Præcipua vero sunt, ex Hippocrate & Galeno, capitis dolor; quod signum inseparabile esse Galen. in 1. *ad Glaucl.* sæpius statuit; aut scincipitis, aut cervicis, aut temporum, ac etiam colli; vel gravitas; ipsa hebetudo visus, aut fulgoris motus, aut caliginem oculis obversari; tensio hypochondrii sine dolore, aut difficilis respiratio, quæ paulo post cessant. Rubor item in facie jamjam fluxuro sanguine; in febre ardente, causove vehementi, aut aliqua magna internorum viscerum inflammatione; atque in juvenile ætate, omniumque maxime in iis, quibus solitum fit alias sanguinem erumpere. Atque hæc de crisi, quæ per eruptionem sanguinis e naribus dicta sint. Addamus ex Galeno in 1. *ad Glaucl.* in quo loco de hæmorrhagiæ signis satis accurate agit, pulsus subito in tumorem elatos, non recedentes in parvitatem, neque si debiles facta fuerint, multo plus, si in altum attollantur, & vehementiam sumserit: jam

Hæmorrhagiæ
futuræ
signa
præcipua.

jam faciem ægrotantis inspicere. Nam si aliqua ex iis, quæ in ipsa sunt, partibus palpitet, aut una, quæ sunt in temporibus, pulsant, aut gena, vel nasus, vel oculus rubidior factus fuerit, magis etiam crisis expectanda est: si vero & Hæmor-
rhagiæ
jamjam
futuræ
signa. inviti lachrymentur, aut marmarigas, id est, splendores videre imaginentur, ac manus naribus, veluti scalpentes, admoveant, tunc non jam fluxurum, sed jam fluentem sanguinem inspicias; nam ubi semel aut bis scalpserint, statim erumpit: neque vero ex his perturberis, si hominem desipientem aut salientem inspexeris; nam & hæc humorum repentium ad partes superiores indicia sunt, veluti & anhelitus difficilis, & hypochondrium retractum, & collum simul cum capite aggravatum.

C A P. XIV.

*De crisi, quæ fit, per sanguinis fluxum, cum ab utero,
tum ab hæmorrhoidibus.*

Sapius etiam fit in mulieribus, ut crises fiant sanguine per Crises
uterum, mensium modo, erumpente, qui fluor etiam per men-
ses quan-
do fit
exspe-
ctanda. multis signis innotescet: primo enim ubi conceperimus, crisin esse futuram, videndum erit mulieribus ægrotis, an menses solito modo fluant, vel non, tempusque probe observandum, in quo fluere fuerant soliti, ætas, & temperamentum, victus, antea acta an sanguine responderint. Postea videndum erit, an signa aderunt hæmorrhagiæ, aut vomituum, aut sudorum, aut dejectionum, aut copiosarum urinarum. Cum nulla quidem illuxerint, suspicandum in morbo vehemente crisin per menses fieri posse: quod si, ut Galen. in libro 3. de Crisibus cap. ult. docet, adfuerint quoque mensium signa propria, quæ sunt gravitas lumborum effatu digna, dolor, atque tensio. Sed ut istud certum fiat, præstabit mulierem interrogari, & quam diligenter, quibus symptomatis fluentibus vexari soleat, atque in crisi prænoscentia eadem erunt accurate spectanda; cum quibusdam, fluxuris mensibus, lumbi doleant, aliis abdomen, aliis uterus,

Sanguinis per
uterum
fluxuri
signa.

cruraque, quæ partes sedulo dolentes observatæ multum faciunt ad menses fluxuros prædicendos. Ceterum in primis, cum crisis futura sit, videndum erit, an alterius evacuationis futuræ signa adsint; quæ si non adsint, atque in mulieribus acuta febre vexatis lumbi doleant, sine manifesta causa, in ipsisque tensio sentiatur, menstrua fluxura erunt, teste Galeno in libro tertio de Crisibus. Addidit Auctor *Prorrheticorum* a) febrem lassitudinariam, & cum rigore, hisce verbis: *Quibus ex rigore febres lassitudinariæ fuerint, mulieribus hæc devertunt.* Plures mulieres, vel etiam sine febre, ante menstruorum eruptionem sentiunt quandam lassitudinariam affectionem, ex qua una cum dolore lumborum, & tensione, menstrua futura prædicant. Addunt & oris ventriculi dolorem, seu cardialgiam, ut Galen. notavit in 3. *Prorrhet. Copia enim sanguinis, in venis acervata, tenue quoddam serum in pentrem confluens cardialgias parit, in os ipsius ascendens, quod omnium fere partium maxime sentiendi facultate præstat, plurima autem abundantie portio ad inferum repens locum, in quem & primum deferri consueverat, lumborum dolores efficiet.* Quibus additur etiam in 5. *Coac. præf. b) text. 26. Sensio æstus ardorisque circa spinam; signum quippe recurrentis sanguinis per magnam venam, quæ spinam perreptat, quæ ad lumbos, maxime fervida motione sanguinis, æstuat.* Atque hæc sunt signa fluxuri sanguinis per uterum, quæ adhuc facient indicium magis certum, si menses suppressi fuerint, atque hæc eo tempore illuceant, quo soliti fuerant menses per valetudinem fluere. Quæ omnia signa in homine quidem melancholico, quibus per hæmorrhoidas fluere sanguis fuerit solitus, atque fuerit suppressus, sanguinem per hæmorrhoidas fluxurum indicant: primum dolent lumbi sine causa, & diu; os ventriculi item dolet, de quibus in *Prorrheticis* c) legitur: *Lumbis dolentibus cardialgiæ accedentes sanguinis per hæmorrhoidas erupturi signa sunt: arbitror autem & hos prægressæ hæmorrhoidum eruptionis signum esse.* Præsentis autem affectionis (ait Galen.) per-
spicua

Sanguinis per
hæmorrhoidas
fluxuri
signa.

a) Lib. I. text. 142. b) Text. 167. c) Lib. I. text. 130.

spicua symptomata, nempe copia in venis acervata, serum tenue quoddam, in ventrem confluens, cardialgias parit, in os ipsius ascendens, & multa sanguinis portio deorsum tendens lumborum dolores facit.

Quare dolor lumborum, tensio lassitudinis sensus, dolor ventriculi oris, atque æstus & ardoris sensus circa spinam dorsii, in hominibus melancholicis, aut mali habitus, sanguinem per hæmorrhoidas fluxurum indicant, præsertimque si alias fluxerit, & modo fuerit interceptus: in 3. *Coac. præ sag. a) sect. 2. text. 37. Dolores in lumbis eruptiones sanguinis significant, quæ sine manifesta causa in melancholicis, & quibus consueve sunt hæmorrhoides, magis accedit. Sed satis de cognoscenda crisi, quæ fit per sanguinis eruptionem, diximus. Nunc ad eam, quæ vomitibus innotescit, descendamus.*

C A P. XV.

De cognoscenda crisi, quæ per vomitum fit.

Cum non raro soleat crisis vomitibus fieri, morbosque Crisi
judicare, propterea necesse est, ut signa quoque, qui- quomo-
bus nobis hæc innotescet, sedulo cognoscamus. Quæ Gal. do per
in lib. 3. de Crisibus hæc esse statuit, quippe dolorem capitis, vomitum fu-
mordicantem, seu acrem, seu acutum, oculis tenebrosum, tura co-
seu caliginem observari, morsus oris ventriculi, fastidium gnosci-
ac nauseam, seu subversionem, ubi præsertim est futurus tur.
pituitosus, sputum tenue abundanter ex ore affluere, labi-
umque inferius agitare, seu tremere, pulsusque inæquales
altos atque duos: alii addunt jactationem seu inquietatio-
nem, lingvæ amaritudinem, rigores, spirandi difficultatem.
Ceterum, ut futuri vomitus rationem habeamus, primum
sciamus, ex motu humorum ad stomachum, futurum vo-
mitum facile cognosci; quoniam natura a venis ad ipsum
ventriculum humores noxios transmittens, & expultricis
stomachi irritationem ad excernendum seu expellendum
mover, quæ vomitus fiunt. Itaque cum humor per venas
æstuat, agitur, moveturque ad stomachum, anxios agro-
tos,

tos, & inquietos reddit, quod tamen signum in omnibus febre crisi- bus observari solet. Primo vero ob exhalationem humorum ab ipso ventriculo, quæ meningas seu membranas cerebri afficit, capite dolent, & dolores, ut Galen. notavit, sunt mordaces ac acuti; veluti in futura hæmorrhagia tensivi, minimeque acuti, qui non a bilioso acrique humore fiant. Ob eandem quoque fumidam exhalationem, quippe ipsius diffusionem per humores ad oculos, vomituri caligine, vertigine tenebrosa tentantur, aut ut ait Hipp. in 1. *Proorrhæ. a) com. 30. caliginosum seu tenebrosus oculis ipsorum observatur.* Cum movetur vero humor biliosus a venis ad externas venas, ægri rigent aut horrent; dumque stomachum invadit, fastidium oris ventriculi, (quod antiqui cor appellarunt) morsum facit, nimirum vellicans os ipsum maxime sensibile. Cumque etiam humor has partes superas petit & occupat, primo partes infra hypochondria frigidores redduntur, tum, quod calidi humores ad superiora ferantur, tum maxime, quod cogatur calor natus ad interiora contrahi & recipi. Cumque, ut dictum est, os stomachi molestat, vellicando, mordendo, ac æstuando, fiunt fastidia, jactationes, cardiogmos cordis; atque jam vomituris os sputo tenui plenum esse videtur, ut Gal. ait, propter tunicæ communitatem, quæ una est ori toti interno continua, faucibusque, & stomacho & ventriculo. Hinc fit, ut labium inferius interdum concutiat, ventris ore ad vomitum excitato; nempe labii concussio tunicam eam, quæ ab ore in ventrem extenditur, tum morderi, tum vellicari, tum concuti ostendit. Neque mirum est, ad humorem acrem, mordicantem, æstuantem, ventriculi os exæstuaré, vellicari, & excitari expultricem ad vomendum. Hinc divine sane noster Hippoc. in lib. 4. *Aphor. b) dixit: Non febricitanti cibi fastidium, cordis dolor, vertigo tenebrosa, & oris amaritudo, purgatione per superna, opus esse significant.* Quasi innuere vellet in febricitantibus hæc vomitum prædicere, qui ni succedat, hebetem naturam medicamenti esse

a) Text. 46.

b) Aphor. 17.

esse excitandam. Quare prædictis signis seu symptomatis conspectis in febre salutari, ex ardentium genere, utique vomitus prælagire poterimus. Quæ signa ita Hippoc. in 3. Prognost. a) text. 30. habet: *Si quis per febrem non exitiosam dixerit caput dolere, aut etiam tenebricosum aliquid ad oculos observari, si ventriculi dolor in eo exstiterit, biliosa vomitio aderit. Sin rigor prehendit, & inferiores in iliis partes frigide fuerint, adhuc citius vomitio aderit. Si vero bibat, edatque hoc tempore, perquam cito vomet.* b) *Hæc accidunt viris & mulieribus potissimum in tertianis, minoribus natu accidunt etiam in illis potissimum febribus, continuis, & in veris tertianis.* Et in 1. Epidem. c) text. 44. præcipua signa ita expressit: *At vero quibus totius capitis gravitates, tum autem cordis dolores, & fastidia sunt, biliosa post ac pituitosa vomunt.* Galen. in primo ad Glauc. dixit, dolorem capitis esse futuri vomitus signum inseparabile, non minus & cardialgiam, id est, oris ventriculi morsum necessario præcedere vomitionem, & idem in 3. de Crisibus addit, labrum inferius agitatam, cum saliva ex ore excidente, vomitum jam affuturum significare. De qua in Coacis præsagiis. d) *Vomituris salivatio quædam prius accidit.* Et in 1. Prorrh. text. 3. *Si in phreniticis cum perfrigeratione sit sputatio, nigra revomuntur.* At in phreniticis sputationem frequentem, in qua ex Galeno nihil excernitur delirium phreniticum significare Auctor Prorrheticorum e) scripsit, malumque esse in phreniticis signum; & eam, in qua multum effluit sputum, & ut ait Gal. os sputo tenui plenum esse videtur, jamjam vomitionem futuram significare. Quæ sputatio ante vomitum fuit observata in illo, f) *qui calefcens cœnavit & potavit largius.* Vomitu fuere judicati, teste Hippoc. *uxor Epicratæ*, g) de qua Hippoc. ait: *Quinto decimo vomuit biliosa, flava, subcrebra, sudavit, libera febre.* Et mulier, h) quæ decumbebat in lit-

I i i

tore,

a) Pag. 45. sub finem, & 46. init. b) Paulo post. c) Sect. 2. p. 948. & 949. d) Text. 566. e) Lib. 1. text. 6. f) Lib. 1. Epidem. Ægr. 12. pag. 988. g) Ibidem. Ægr. 5. pag. 979. h) Ibidem. Ægr. 13. pag. 990.

tore, etiam *decimo quarto vomuit biliosa, flava, subcrebra, sudavit, febre liberata est.* In quibus ante vomitus, cum febre ardente laborarent, capitis gravitates aut dolores existerunt, & aliqua ex signis vomitionem significantibus. Atque hæc de vomituum signis.

CAP. XVI.

De signis crifum per sudores, atque per urinas copiosiores futurarum.

Sudores
quos-
nam
morbos
judicant.

Frequentissime morbi acuti sudoribus judicantur: sudores enim, ait Galen. omnibus febribus proprii existunt, & præcipue incendentibus ardentibusve; juvant omnes internorum viscerum inflammationes, parotides, lethargos, reliquosque omnes capitis affectus; non minus & febres ex intermittentibus quotidianas, quartanas, & semitertianas, sudores judicant; sed plerumque non solum has febres, sed cum biliosa pituitosaque excretionem, aut per vomitum, aut per alvum, aut etiam per hæmorrhagiam; quartanas, si simul atra & varia excernantur; atque quotidianas simul cum vomitibus atquecrementis alvi pituitosis. Sed de his non agimus; cum nostrum sit institutum de his affectibus agere, qui acuti sunt, quique vel ad salutem, vel ad mortem, judicari solent. Cujusmodi sunt febres continuæ, acutæ omnes, præsertimque ardentes, quarum sudores proprii videntur; internæ quoque phlegmones, inflammationes, & calidi omnes capitis affectus. In quibus sane, ubi præcesserint signa coctionis, atque critica signa illuxerint & perfliterint, quibus omnino futura crisis præmonstratur, per sudorem eam expellendam scribit Galen. *in lib. 3. de Crifibus cap. ult.* si hæc signa ad unguem fuerint observata: quippe, si urina & alvus supprimatur, & febris fuerit ardens, necessario sequitur sudor multus a rigore. Hinc *in lib. 6. Epidem. com. 1. a) text. 10.* Hippoc. dixit: *Ante rigorem urinae suppressiones.* Quare alvi præter rationem suppressa excrementa, aut pauciora, quam antea reddita, urinæ item suppressæ, absque signis hæmorrhagiæ, vomitus, mensium, hæ-

Crisis
quomo-
do per
sudores
futura
cogno-
scitur.

morrhoidarum & alvi fluxus, sunt indicia satis certa sudoris, multoque magis, si æger crescente accessione deliraverit. At hæc necessario etiam spectabuntur signa, scilicet, partes exteriores, maximeque facies, coloratiores, & calidiores, vapor quidam calidus, qualis antea non fuerat, ex cute exhalans, atque pulsus undosus, insigniter mollis. De quo Galen. in lib. *synops. de Pulsibus cap. 22.* ita habet: *Hic enim pulsus undosus, inquam, sudorem ut plurimum nunciat, at tanto magis, quanto mollior quidem fuerit, non tamen tenoris vacuus; si vero ipsi intercurrat altus, firmissimum habebis sudoris signum, cum undoso quidem, vel absolute magno, non tamen duro, criticorum sudorum.* Hæc eadem signa leguntur apud Galenum in libello de præsagio, experientia confirmato; sed addidit totius corporis cutim reddi pruriginosam, mollem, & rubram. Necessario cutis præmollis observatur in futuris sudoribus, quod & Hippoc. in 5. Aphor. 71. ita habet: *Quibus cutis circumtenditur arida & dura, sine sudore moriuntur; quibus vero laxa & rara, cum sudore moriuntur.* Quidam duo præcipua sudoris signa tantummodo statuunt, urinæ quippe suppressionem, ex qua serosa humiditas, eadem quidem cum sudoris tum urinæ materia, in universum corpus expanditur, proinde sua vi acri vellicans rigorem concitat, qui est secundum signum, ita ut sudoris signa duo sint, & urinæ suppressio & rigor: atque hinc forte dixit Hippoc. in 4. Aphorif. 58. *Si laboranti ardente febre rigor superveniat, solutio fit.* Galen. in 6. Epidem. ait: *At si alvus fluxa non sit, proximamque esse morbi judicationem prænoveris, ægrotum rigere, sudareque necesse est.* Ceterum non perpetuo a rigore, urinæque suppressione, subsequitur sudor; aliquando hæmorrhagia, aliquando vomitus, aliquando alvi fluxus fit. Quare certum erit sudoris indicium seu præsagium, ubi una alvusque supprimatur, rigorque successerit, in ardente febre aut alio affectu, quem sudor judicat, eoque certius, si æger crescente accessione deliraverit. Addimus his partes exteriores, calidiores, & coloratiores fieri, non minus & molliores & homidiore, atque in ipsis erit vapora-

tio quædam calida insolita, pulsusque apparet magnus, altus, mollis, fluitans, *undofus* ideo vocatus, nullaque aderunt hæmorrhagiæ, vomitus, alvi perfluvii, hæmorrhoidarum, mensium, aut urinæ signa. Quo sudore fuit judicatus *Cleonactides a)* *Melidia b)* & alii, quorum casus Hippoc. observavit. Sed ad urinarum quoque signa descendamus, per quas plures acutorum morborum fuisse judicatos, & nos vidimus, & Hippoc. in *Epidemiis* se vidisse scripsit. Cujusmodi fuerunt *Chæriion c)* vigesimo urinis multis biliosis perfecte judatus. *Nicodemus, d)* cum urinis multis, albis, in quibus multa crassa subsidebant. Et *Pythion, e)* de quo Hippoc. ait: *Quadragesimo ab judicio die suppuratio circa sedem, & stranguriosus factus est abscessus.* Est scilicet probabile, multitudine urinarum quadragesima sanatum. De his etiam in primo libro *Epidem. f)* *At vero hoc statu quatuor præcipue signis servapantur; quibus sanguis rite e naribus fluxerit, aut qui per vesicam urinas multas, cum multo bonoque sedimento reddidissent.* Nihilominus, quod fortasse difficile esset invenire certa signa, quibus præmonstrarentur crises per urinarum excretionem, ideo Galenus per negationem docuit, quomodo possimus præcognoscere urinas critice profluxuras; quippe, ubi absint signa hæmorrhagiæ, vomitus, alvi fluxus, hæmorrhoidum, mensium, & sudoris, spes erit, ut crisis per multitudinem urinarum fiat, multo magis, si alvus, cum copiosiora excrementa antea excreverit, nunc sicciior evaserit, aut suppressa; neque immerito, quod, ut ait Galen. distributo & in venas exhausto humore, qui in ventre continetur, alvi necessario minuatur dejectio. Hinc Hippoc. in quarto *Aphor. 83.* dixit: *Mictio noctu plurima, parvam dejectionem significat.* Sed tamen necesse est haberi quædam signa certiora. Quæ, ut nos observavimus, hæc erunt. Nulla primo aliarum excretionum signa adesse, sed præsertim nullum capitis, vel hypochondriorum, vel stomachi,

Sudoris
critici
futuri
signa
certiora.

a) Lib. I. *Epidem. Ægr. 6.* pag. 982. b) Ibid. *Ægr. 14.* Pag. 991.

c) Lib. 3. *Epidem. Ægr. 5.* pag. 1072. d) Ibid. *Ægr. 10.* pag.

1108. e) Ibid. *Ægr. 1.* pag. 1059. f) *Seçt. 2.* pag. 955. lit. E.

machi, aut intestinorum dolorem, morbumque non videri admodum vehementem. Non vehementer jactari ægros, nec inquietari, nullamque partem prædictam dolorem sentire. Plerumque hypogastrium sensum gravitatis & aliquando dolores sentire, vesicamque inflationis sensum habere. Paulatim plerumque incipit effluere urina, raro repente, ita ut facile observetur solito copiosior, & mox augeatur. Sentiant ægri itidem calorem seu ardorem urinæ, quo sæpius mingunt. Nam necesse est, ut partes, cum per quas ad vesicam serosa illa humiditas, seu humor, qui excernitur, pertransit, tum renes, vesica, collum, & meatus urinarius, plus ceteris partibus sensum aliquem molestum habeant. Et hæc de crisis cum per sudorem, tum per urinam, quæ ejusdem materiæ symptomata existunt, nunc demum de signis alvi fluxus.

C A P. XVII.

De signis Crisium per alvi fluxionem.

Quod per alvi fluxum crises sæpius fiant, ipsisque morbi complures acutorum judicentur, neminem Medicorum latet, ideo de futuræ per alvum crisis quoque signis accuratius nunc est agendum. Miror tamen, quod neque Galen. neque Hippocrat. signa propria hujus excretionis futuræ præmonstrarint. Galen. enim in libr. 3. de Crisibus, cap. ultim. de hac excretionem ita habet: *Si vero per excretionem alvi crisis sit subsequutura, manifestum quidem nullum est signum, nec proprium; sed ex eo, quod adsunt crisis signa, desunt autem vomituum, vel fluxus sanguinis, vel sudoris, colligere licet.* Ex quibus patet, cognosci alvi dejectionem futuram non per signa propria, sed ex crisis futuræ signis, atque ex absentia signorum aliarum excretionum. At, etsi hæc via optima sit, tamen non deerunt nobis quoque signa aliqua hoc judicium confirmantia, cujusmodi esse videntur, quæ Hipp. in lib. 4. Aphor. 20. ita habet: *Non febricitantibus si tormina acciderint, & genuum gravitas & lumborum dolor,*

Alvi de-
jectione
futura
quibus
signis
cognos-
citur.

purgare inferius oportet. Et postea, 73. cum dixit: Quibus præcordia suspensa murmurantia, lumborum dolore superveniente, iis alvi humectantur: nisi flatus erumpant, aut urine multitudo proveniat. Et in Coacis præfagiis. a) Quibus ructus, flatus, strepitus ventris; iis extuberat venter, atque conturbatur. Ex quibus colligimus, ad fluxuram alvum hæc signa quoque esse attendenda, quippe intestinorum tormina, ipsorumque morsus, genuum gravitas & lumborum dolor, præcordia suspensa, murmurantia, ructus, flatus, strepitus ventris, ipsiusque extuberantia, atque turbatio. Hæc enim cum signis criticis fluxuram alvum præmonstrabunt. Necessario videtur, si per alvum humores vel biliosi vel pituitosi sint fluxuri, ut tormina seu dolores intestinorum observentur; neque enim, docet Galen. in lib. 5. de usu partium, quis unquam biliosum succum copiosius deiecit, qui prius mordicationem in intestinis non senserit; veluti in bilioso vomitu cardialgiam, ob ejusdem humoris morsum, sentire, nuper demonstratum est: quare ubi alvus biliosa, aut falsa, aut melancholica adusta dejectura sit, necessario dolor & mordicatio in intestinis præcedet. Si vero humor fluxurus sit pituitosus, ac frigidus, flatus, ructus, præcordia tensa, ac murmurantia, alviqve perturbatio, fient. Quæ, ni peculiari vitio ipsius alvi, ac stomachi fiant, quippe coctionis defectu, aut distributionis, aut alimentorum corruptione, aut pravi humoris generatione in ventriculo, aut intestinis, in morbo acuto, ubi illuxerint critica signa, alvi profluvium denotabunt. Lumborum quoque dolor observatur, genuum aliquandoque gravitas, humoribus scilicet ad infernas partes descendantibus; non sunt tamen propria signa alvi fluxuræ; sed ubi tensio & dolor satis vehemens, circaque spinam caloris æstus sentitur, in mulieribus menses, atque in viris hæmorrhoidas præfagimus; aliquando vero etiam alvi dejectionem, quippe ubi materia convoluta ad crassa intestina, & mesocolon, quod crassis intestinis continuum existens, in unam quandam mearum, quæ in lumbis sunt, pertingit

tingit vertebrarum. Qva ratione Auctor *Coac. præfagiorum* a) dixit: *Inhorrescentes, anxii, lassitudine pressi, lumbis dolentes, in profluvium alvi incidunt.* Hunc vero lumborum dolorem, alvi fluxionem denotantem, distinguemus ab ipso, qvi vel hæmorrhoidas, vel menses, prænuntiat: præter signa enim fluxuræ alvi prænarrata, alia existunt; scil. intestinorum morsus ac tormina, murmur, strepitus, flatus, ructus, & tensa præcordia, itidem murmurantia; quæ ubi critica signa in vehementi morbo subsequantur, alvi criticam fluxionem proculdubio præmonstrabunt. Atque hæc de singulis cresium speciebus cognoscendis, nunc breviter de multis simul complicatis futuris cresium speciebus etiam agamus.

CAP. XVIII.

De signis compositarum, sive multarum, simul Cresium futurarum, quibus morbi judicantur.

Plerumque fit, ut non unica crisi, sed aut duplici aut multiplici, morbi acuti judicentur, quas compositas crises dicimus, siquidem aliquando homines hæmorrhagia ac sudore copioso judicantur, de quibus Hippoc. in lib. b) 4. de *Vict. rat. in acut* ait: *Et si e naribus sanguis fluxerit, solvitur ægritudo, nec non si sudores supervenerint judicatorii, cum urinis albis crassis, & levibus subsidentis.* Quibus Metonem fuisse judicatum Hippoc. c) tradidit; & Galen. in libro secundo de motu muscul. quemdam tredecim diebus acuta febre delirantem, sanguine & sudore prorsus judicatum, vidisse ait: *mulieremque d) trimestri fœtu gravidam, quæ in littore habitabat, vomitu & sudore: & illum, qui in Dealcis horto decumbebat, e) alvi pituitosa fluxione, copiosoque sudore: Anaxionem f) sputis multis, ac sudore: Nicodemum, g) urina multa alba, in qua multa subsidebant, sudoreque copioso;* atque

Crises
compo-
sitæ
quænam.

a) Text. 19. b) Pag. 396. lin. 21. c) Lib. 1. Epidem. Ægr. 7. pag. 983. d) Ibid. Ægr. 13. pag. 990. e) Lib. 3. Epidem. Ægr. 3. pag. 1066. f) Lib. 3. Epidem. Ægr. 8. pag. 1104. g) Ibid. Ægr. 10. pag. 1108.

atque *mulierem morosam*, quæ in *Thaso*, g) sudore, atque mensibus erumpentibus. Quare operam navare quam sedulo debemus, ut nedum simplices species crisium, verum quoque plures simul complicatas, cognoscamus. Quam rem studiosi facile etiam assequuntur, si notas signave, a nobis nuper ad cognoscendas simplices tradita, memoria tenuerint, siquidem ubi duæ vel plures futuræ sunt crises, plurimum, aut quidem duarum prælucebunt signa.

Quomodo
do co-
gnoscun-
tur.

Ceterum, ut hæc clarius cognoscantur, exempla aliqua considerabimus, præsertim excretionum, seu crisium illarum quæ per sudorem & aliquam aliam excretionem terminantur; plerumque enim, aut paucissimæ sunt febres, vel acutæ biliosæ, vel sangvineæ, & inflammationes internæ, phlegmonesque, quæ absque sudore judicentur, etsi sæpe non solo, sed aut una cum hæmorrhagia, aut in mulieribus mensibus erumpentibus, aut hæmorrhoidibus, aut vomitu, aut sputis, aut alvi fluxione, aut denique urina. In iis itaque, qui sunt hæmorrhagia atque sudore judicandi, utriusque signa præcipua aderunt; cujusmodi erunt, capitis dolores aut gravantes, aut pulsantes, aut calidi, lachrymæ involuntariæ, aut surditas, aut tinnitus aurium, aut oculi rubri, aut maxillæ & nares, hypochondria tensa absque dolore, aliquando respiratio difficilis repente excitata, & paulo post quæ prorsus tollatur, pulsus quoque alti & magni, a suppressis tum alvi excrementis, tum urinis, aut paucioribus factis, rigores vehementes, absentia signorum aliarum excretionum, quippe mensium, hæmorrhoidarum, vomitus, & alvi fluxus, delirium incrementum accessione, partes externæ, & præsertim facies, calidiores, coloratiores, molliores seu humidiores, & ab ipsis vaporum, seu fumum calidum non antea solitum exhalare, atque pulsus mollis & undosus. Et si cum sudore menses erunt erupturi in mulieribus, deerunt signa hæmorrhagiæ, vomitus, & aliarum excretionum, atque propria mensium aderunt, quæ sunt gravitas lumborum effatu digna, dolor atque tensio, totius corporis & præsertim

ferit lumborum lassitudo; (hinc Auctor in *Coacis præsa-*
giis *) lassitudinarias has febres judicatorias vocavit) ade-
 rit itidem cardialgia, id est, cordis seu oris stomachi, quod
 cor antiqui appellarunt, dolor, atque circa spinam tensio,
 æstus, atque ardoris. Quæ signa in viris cum sudore etiam
 hæmorrhoidas prænuntiant. Et cum sudore, si vomitus erit
 futurus, signis sudoris signa vomitus quoque conjungentur,
 qualia esse diximus, dolorem capitis acutum & mordacem,
 & pro splendore oculis caliginem, seu atrum quoddam, ob-
 versari, stomachi fastidium, nausæam, subversionem, anxie-
 tatem & inquietationem, cardiogmon, id est cordis seu
 oris ventriculi morsum, spiritum difficilem, pulsus inæ-
 qualem, durum, atque jamjam vomituris sputum tenue ex
 ore copiosum effluens, atque labii inferioris agitatio-
 nem. Et si urina copiosa una futura sit cum sudore, ade-
 runt signa urinarum, quæ fuerant primo, quod absint alia-
 rum excretionum signa, alvus cum ante copiosior fuerit,
 nunc siccior sit, nullus dolor præter in hypogastrio senti-
 tur, sensus gravitatis, aliquandoque ponderis, & circa vesi-
 cam inflationis observatur, non vehementes erunt jactatio-
 nes & inquietudines, urina plerumque non confertim, sed
 paulatim incipit, atque augetur, quæ aliquando infert calo-
 rem aut ardorem, aut pruritum, & voluntatem crebram min-
 gendi. Et si cum sudore alvus una erit solvenda, tunc si-
 mul aderunt signa alvi fluxuræ, nempe præcordia erunt ten-
 sa, murmurantia, aut morsus in intestinis, flatu, ructus ven-
 tris, rugitus seu strepitus sentientur, lumborum aderit do-
 lor, & genuum aliquando gravitas, ventris turbatio, ac pul-
 sus vibrosus & durus. Si vero una cum sudore sputa quo-
 que copiosa excernenda erunt, aderunt signa propria, quæ
 in morbis pulmonum, & pectoris apparent: maximeque in
 pleuritide, & peripneumonia, sputorum excretiones obser-
 vari debent, ut in *Anaxione* pleuritico fuit ab Hipp. †) ob-
 servatum. Signa vero, quod copiosiora sputa sint excernenda,
 sunt tussis, difficilis respiratio, & sputa, quæ cœperunt

K k k

excer-

*) Text. 36. †) Lib. 3. Epid. Ægr. 8. pag. 1104.

excerni cum tussi copiosa, quæ vero magis cocta evaserint, facilius educuntur. Et hæc sunt, quæ de cognoscendis crisisibus fuerant a nobis dicenda. Nunc de tempore, quo sint observandæ, restat, ut agamus.

C A P. XIX.

De tempore Crisium, id est, quo nobis sint futurae.

Posteaquam scriptum a nobis fuit, quo pacto Medici debeant cognoscere, num morbi sint crisi judicandi, aut absque crisi; & si crisi, an per abscessus, an per humorum excretionem, & quæ bonæ salutareque judicentur, & quæ malæ, lethales; atque demum, cum etiam ex signis quaslibet crisisum species cognoscere studuerimus, restat solum, ut, quo tempore fiant seu observentur crises, quoque accuratius assequamur. Atque hic sermo esto finis hujus libri, ad prognosin sane perquam utilissimi; quem si studiosi Medicinæ familiarem habebunt, plurimum laudis in Medicina assequentur. Sed ad institutum redeamus, quod est noscere tempus particulatim, in quo crises fiunt. Quæ cognitio penes multa habebitur; & quanquam sit admodum difficilis, proptereaque requirat maximam diligentiam, studium, & laborem; tamen si accurate omnia signa prænarata ipsorumque vires intellexerimus, neque multa difficultate hujus prædictionis rationem assequemur. Perscrutabitur itaque hæc cognitio quippe temporis, in quo crises sunt futuræ, ab his, scilicet a signis criticis seu decretoriis vocatis; atque a tempore, in quo hæc observantur, quippe in quo incipiunt, augentur; (non enim critica signa prius tolluntur, quam crisis erumpat,) a morborum idea, natura, magnitudine, motu, temporibus ipsorum, a coctione & cruditate. A criticis enim signis, quippe quæ crisis antecedunt, antequam fiat, ut Hippoc. docet in 2. Aphor. 13. nox molesta apparet. *Antecedit enim, ut Gal. etiam in 2. lib. de Crisib. cap. 2. scripsit, non mediocris perturbatio in corpore aegrotantis, nam & difficiles tolerantia, vigilia, deliria, & graves somni fiunt, difficilis anhelitus, verrigines tenebricosæ, & difficilis.*

Tem-

pus, quo
crises fu-
turæ
sunt,
quomo-
do co-
gnosce-
tur.

A Criti-

cis signis.

*facilis sensus, dolores capitis, colli & stomachi, & multorum aliorum membrorum, nonnullis aurium sonitus, & ante oculos vani splendores apparent, & lachrymæ involuntariæ effluunt, & urina retinetur, & labrum agitur, aut aliquod aliud tremulum fit, oblitio, præsentium ignorantia, vehemens rigor, plurimum accessio consueta anticipans, multis æstus sitis intolerabilis, ægroti clamant, & saliant sicuti furentes, neque possunt in eodem siturecumbere, deinde repente multus sudor erumpit, aut vomitus, aut venter subito solvitur, aut abundans fit fluxus sanguinis, aut urina profluit copiosius, aut hæc omnia simul contingunt. Hæc enim alias demonstravimus cum signis coctionis crisin præmonstrare. Quorum principium necesse est animadverti, ut scite diem, in quo crisis futura sit, intelligamus: non enim a die, in quo hæc videri cœperunt, crisis aberit ultra quaternarium; si enim exempli gratia 4. die incipient conspectis urinis concoctis, morbusque vehemens sit & celer, ultra 7. crisis non producet. Ceterum ubi cœperint manifesta quædam coctionis signa, neque morbus admodum vehemens, neque celer, usque ad septimum, id est, in secundo quaternione, crisis protendetur. Quam rem satis perbelle expressit Hipp. in lib. 3. Prognost. a) text. 33. ita scribens: *Ex iis vero, qui primo die dolere cœperint, quarto die gravantur magis quam quinto, septimo vero die liberantur. Plurimi vero ipsorum dolere incipiunt tertio die, conflictantur autem quinto maxime, liberantur aut nono aut undecimo die: quicumque vero quinto dolere cœperint, & alia secundum rationem priorem ipsis affuerint, decimo quarto evadunt. Quare crisis terminus majori ex parte erit septem dierum ab ea die, in qua cœperunt decretoria signa conspici: sed ubi apparuerit signum aliquod manifestum, ex quo morbum in augmentum descendisse cognoscamus, plerumque altero quaternario crisis fiet, cum non longius concoctio sit perficienda, atque illud tempus vigoris morbi sit proprium salutarium crifium, ut Gal. docuit, atque hoc est, quod etiam ita expressit: Cum igitur primo die signum ali-**

Kkk 2

quod

quod coctionis manifestum apparuerit, reliquis etiam omnibus periculum nullum portendentibus, tunc proculdubio sciemus, quod, in primo quaternario morbi solutionem subsequi, sit necessarium. At, si, is signis decretoriis apparentibus, simul perfecta coctio observetur, futuro primo die decretorio crisin fieri erit necessarium. Ex signis itaque decretoriis nedum crisin futuram con-
 Ex natu- jicimus, at quo non minus tempore sit futura. Ex natura
 ra mor- quoque morborum, cum acuta, tum longa, quos morbos
 borum. Græci *brachychronicos* appellant, poterimus tempus crisium prænoscere. Quo ad tempus enim seu morborum ætatem, triplex est differentia: namque morborum alii acuti, alii longi, alii medii dicuntur: *acutus*, ait Hipp. in 2. *Aphorism.* 23. *quatuordecim diebus terminatur*; cth Gal. videatur terminum morborum acutorum diem vigesimum statuere, & mediorum usque ad quadagesimum, quos vocat *acutos ex delapsu*, seu *ex conversione*, de quibus Hippoc. meminit, cum in primo *Prognost.* a) *text.* 21. ita scripserit: *Oportet autem existimare spirandi facilitatem magnam habere vim ad salutem in omnibus acutis morbis; quicumque febres habent ad junctas, in quadraginta diebus judicantur*: & ultra hos dies, qui judicantur, diutinos & longos vocat. Ceterum, ut accuratius ex natura morborum tempus crisium peruestigemus, distingvere oportet acutos morbos in acutissimos, si- ve maxime acutos, peracutos, atque simpliciter acutos. Horum ait Hipp. b) longiorem terminum esse, ut Gal. in *lib.* 3. *de Crisib.* cap. 13. scribit, quatuordecim dierum; & illos, quippe acutissimos unico quaternario resolvi; cujusmodi sunt, angina, cholera, tetanos, synochus: atque peracutos septem diebus, cujusmodi sunt, pleuritis, phrenitis, peripneumonia, hepatitis, diaphragmatis, uterique, & stomachi inflammatio, febris ardens, synochus & alii hujusmodi mul- ti. Ceterum acutissimorum aliqui vel etiam uno tantum die, alii duobus, alii tribus, atque alii quatuor judicantur; nunquam vero ultra hos dies producuntur, sed ante hos plures terminantur, ut apoplexia, ephemera pestilens, lethali-
 lissima

lissima phrenitis, & quæ in Ægypto sæpius epidemicè grassatur, quem affectum *Demelnuia* Ægyptii appellant, estque eorum morborum acutissimorum, qui paucis horis homines interimunt. Idem quoque est peracutorum, quorum terminus est dies septima, quando eorum plures antea non raro, propter morborum vehementiam, habeant iudicium, uti ex Gal. phrenitis acutissima, quæ Hipp. in lib. 3. *Epid. com.* 3. a) tit. 57. quendam quarto die fuisse extinctum, meminit; synochi itidem, & phrenitici & peripneumonici, præ inflammationis magnitudine, sæpius quarto die vel quinto judicantur. Eodem modo fit de simpliciter acutis, quod hi aliquando septimo, aut nono, aut undecimo, habent iudicationem. Hoc plerumque observatur in malis crisis, quæ natura, propter vehementiam morbi, aut propter multitudinem, aut pravissimam qualitatem humorum, vehementer irritata, ante tempus excernente fiunt, atque hoc pacto possumus in morbis crises, quando sint futuræ, prænoscere. A magnitudine quoque morborum, necesse erit, medium in-

Ex Mor-
borum
magni-
tudine.

telligere, ex virium una habita cognitione, quo tempore fieri debeat crisis. Siquidem, ut docet Galen. in 1. *Epid.* necessarium est, ob morborum magnitudinem ac casuum vehementiam, vel cito vires prosterni, adeo ut homo moriatur, vel ad noxiorum humorum excretionem excitatas, si modo quos invaserint, humores exsuperent, bonam sequi iudicationem, sin autem exsuperentur, malam. Utrumque vero intra quaternarium fieri solet. Quo ubi in morbo aliquo vehementiam quarta die cognoverimus, non ultra septimum iudicium, vel mors, producet. De quare Gal. in 1. *Epid.* dixit: *Quare fac memineris, ubi quartus, perinde ut tertius, gravia habeat symptomata, & signa, in morbo acuto, brevi expectandum iudicium esse, si paribus diebus potius invadebat, in paribus, si vero imparibus, in his, atque iudicium illis, & mors in morbis exitialibus.* De Philisco, a) qui obiit sexta die, ait, quarta die omnia fuisse exacerbata, ipsumque maximo morbo conflictari, cum exitialibus urinis nigris, quo naturam

K k k 3

ex-

Ex ho-
rum mo-
tu celeri
aut tar-
do.

Ab ho-
rum
tempo-
ribus.

extinctam iri necessario cognoscebatur, atque id non ultra quaternarium protrahi posse, vires debiles significabunt. Ex morborum quoque motu celeri, aut tardo, accuratius & distincte magis crifium futurarum tempus poterit cognosci: namque ubi morbum judicabimus solutum iri septima die, si præter vehementiam ejus etiam celeritas observetur, poterit vel etiam quarto aut quinto resolvi; veluti motus tarditas, ad nonum aut undecimum usque retardaturum judicaret. A temporibus vero morborum, atque a coctione & cruditate longe clarius & distinctius prænoscent Medici crifium futurarum tempus, quando omnes bonæ crifes aut in statu fiant, aut in augmento; intelligimus vero statum atque augmentum, non inquam morbi, sed ipsius quidem naturæ coquentis & alterantis morbum: exitiales vero aut in principio, aut in augmento, ut Galen. *in lib. 3. de Crifibus cap. 10.* tradidit. Quare, morbo salutari, crifim perfectam non nisi in vigore morbi expectabimus, imperfectam in augmento. Ex quibus signa temporum exacte interstinguntur, quemadmodum alias ex Galeno *in primo de Crifibus* docuimus. Quare si perfecta crifis erit futura, necesse erit, augmentum morbi prius absolvi, cujus sane tempus nobis innotescet principii augmentique notitia; namque si longum fuerit morbi principium, itidem & augmentum, & vigor proportioni respondebit: imperfecta vero transacto principio. Principium autem esse illud tempus, in quo morbus omnino crudus est, nullumque vel etiam signum concoctionis illuxerit, quod cum coeperit, augmentum esse, & durare, quoad perfecte concoquatur morbus, Galen. *in primo de Crifibus, cap. 8. & in primo, de totius morb. temp. cap. 3.* scriptum reliquit. In exitialibus vero crifibus, diximus, vel principium vel augmentum esse attendendum: in vehementissimo morbo, cum prælangvidis viribus, crifis non superabit principium, neque primum quaternarium; cum robustis vero augmentum attingit. Quare in robustis crifis fiet in augmento: natura enim non succumbet morbo,

bo, non aliquo pacto ab ipsa alterato.

Ceterum hæc erit servanda regula, ut distinctius diem, vel etiam in qua crisis fiet, prænoscere qveamus. Quippe a conspectis signis vel salutaribus, vel exitiis, futuro primo qvaternario iudicium fore expectandum. Tanto enim temporis spatio in salutaribus morbis utens natura solet morbum alterare, qvoad excernere critice possit; atqve toto ipso itidem tempore morbus solet naturam robustam ad pugnam irritare, aut debilem exstingvere, ex quo merito Hippoc. in 3. Prognost. a) text. 2. dixit: *Simplicissima enim febres, ac signis firmate securissimis, quarto die aut citius desinunt.* b) text. 4. *Teterrimæ vero, ac signis affligentes difficillimis, quarto die aut citius interimunt:* atqve primum impetum hunc in modum finiri, c) text. 4. Ubi vero natura maximum habuerit irritamentum, maximo morbo in principio succumbet. Galen. vero in lib. 1. de Diebus decret. cap. 12. vel etiam horam nos posse cognoscere, camqve ex accessionis temporum accurata observatione, scripsit. Namqve si statim morbo invadente, id est, in principio accessionis, æger vehementer refrigeretur, exempli gratia, ut vix ad calorem reduci qveat, calorqve diutissime absit, pulsus sit exiguus aut nullus, aut malus appareat, motus pigritia, vel somnus veternosus, aut aliud quippiam observetur; vel si principium accessionis fuerit moderatum, & in statu postea deliret, vel cum impetu exiliat, vel resolvatur, vel comatosus, aut multum inquietus, aut magnitudinem febris non toleret, sed vehementer inardescat, vertiginosus, aut capite doleat, cordisqve morsus; aut si moderate in principio & in statu se habuerit, necesse erit ipsum mori in declinatione, quæ cognoscetur, si aderit animi deliquium, sudores inæquales, frigidi, vel circa caput solum, vel cervicem, vel pectus, pulsus obscurus exiguus, & his similia, proculdubio mors ac iudicium erit in ea hora, qua fiet accessionis declinatio. Ex coctione etiam & cruditate tempus crisi-Ex co-
fium poterimus conijcere, atqve ex signis indicatoriis; si-ctione &
qui-

cruditate
& si-
gnis in-
dicatori-
is.

quidem in salutari morbo nunquam fiet crisis, nisi signa, in aliquo dierum decretoriorum, coctionis apparuerint, quæ plerumque ita conspecta in proximo decretorio die judicium ostenderunt: in morbis quidem salutaribus, magnis, inceptam coctionem tempore unius quaternarii solet natura absolvere. Quodsi in die indicante signum coctionis conspectum fuerit, in proximo decretorio erit crisis. Quod Hippoc. in lib. 4. Aph. 71. ita docuit: *Quibus in febribus die septimo judicium fit, iis nubeculam obtinet urina quarto dierum, & alia secundum rationem.* Quod præceptum Gal. secutus in lib. 3. de Crisibus cap. 4. ait: *Cum igitur primo die signum aliquod coctionis manifestum apparuerit, reliquis etiam omnibus periculum nullum portendentibus, tunc proculdubio sciemus, quod in primo quaternario morbi solutionem subsequi sit necessarium.* Ex quo colligimus, ubi manifestum apparuerit coctionis signum in aliquo dierum decretoriorum, in altero proximo succedet judicium, quod per quaternionem natura reliquum humoris cruditatis absolvat, quodque non minori tempore facere potest: proinde si, ut ait Galen. in eodem lib. ægrotus neque secundo die manifestum coctionis signum habuerit, neque tamen perniciosum signum adfuerit, sed omnia sint absque periculo, servabitur sane, sed non in primo quaternario integre, at in secundo, quippe primo secundi quaternarii die critico, qui erit vel sextus vel septimus. Eodem modo, si septimo appareat manifestum signum coctionis, ad undecimum magis, quam ad decimum quartum, fiet crisis. Quod judicium perpetuo fiet, siquidem morbus sit salubris, & neque ejus acumen, neque magnitudo festinet, atque error aliquis circa ægrotum admittatur, status tempus crisis expectabit, id est perfectam coctionem. Si vero propter morbi magnitudinem, vel motus celeritatem, vel propter aliquod aliud natura irritetur, ante statum, atque inordinato tempore fiet. Ceterum æque tamen verum erit, si in uno dierum decretoriorum, præsertim indicium, vel salutare signum vel exitiale apparuerit, post quaternarium in altero die decretorio judicium fiet.

Cete-

Ceterum, ut dictum est, magnitudo morbi, motus celer aut tardus, errores commissi, sunt maxime attendendi; cum horum causa sapius crisis indicio non respondeat. Quorum exempla plura posuit Galen. in libro nuper citato. Atque hæc erant in hoc libro scribenda.

FINIS SEXTI LIBRI.

PROSPERI ALPINI
LIBER SEPTIMUS.

C A P. I.

De particularibus humorum excretionibus ad prædictionem.

Hactenus in præcedenti libro Dierum Decretiorum, atque Crisium cognoscendarum rationem tradidimus, ad illustrandam hanc prædicendi methodum, a naturalis facultatis status observatione depromendam. Cum ex omnibus, ut dictum est, naturalis hujus potentia (circa quam nunc cognoscendam versamur) quatuor functionibus, concoctoria atque excretoria præcipuam ac maximam ad prædicendum viam aperiat; merito, ad harum præsertim notitiam, criseum, & dierum criticorum cognitionem præmisimus, atque nunc omnium Excrementorum particulares Excretiones, & Abscessus accurate considerabimus. Tum quod ex ipsis rursus, concoctio, cruditas, ac malignitas morborum nobis innotescat, tum etiam, quod ab ipsorum excretionis modo, natura quando bene ac salubriter humores moveat, & transmittat, atque excernat, & quando male infausteque id agat, cognoscimus. Quare primo, ut quo ad vires hanc nostram prædicendi rationem illustremus, de præsagio a Sangvinis Excretionem agemus, & postea, a Sudoribus, Vomitionibus, Dejectionibus alvi, Urinis, Sputis, atque Abscessibus.

CAP. II.

De prædictione a salubri sanguinis excretionem.

Quod in morbis acutis vehementibusve sæpissime observatum sit, repente aut ex naribus, aut ex hæmorrhoidibus, aut ex alvo, aut ex utero in mulieribus erumpente copioso sanguine, ægrotos sanitati fuisse restitutos; ideo naturam in hoc Medici cœperunt imitari, sanguinem copiosius in morbis mittentes. Qua ratione Hipp. persuasus hujusmodi remedium in omnibus acutis vehementibusque, sive magnis, febribus, aut viscerum inflammationibus, *in lib. 4. de vict. rat. in acut. a) text. 19.* (de quibus ibi agit) hisce verbis maxime commendavit: *In acutis morbis sanguinem detrahes, si vehemens morbus videatur, florueritque ægrotantis ætas, & virium adfuerit robur.* Hocque remedii genus Medici nedum naturæ imitatione invenerunt, sed quibusdam etiam animalium exemplis perdocti, præsertimque *hyppopotami*, equi marini, ut Plinius est Auctor, qui ingluvie obesus crus in arundinis stipitem acutissimum adigens, venam quandam vulnerando, copiosius sanguinem effundit, atque ita fuerit ipsius corporis plethoram tollere solitus. Non dissimili quoque argumento cœperunt Medici humores, aut per alvum purgatoriis medicamentis, aut vomitoriis per vomitum, aut sudoriferis per copiosos sudores, aut diureticis copiosiore urinam moventes per vesicam, purgare.

Quare cum natura sæpius excernendo copiosum sanguinem soleat multos morbos resolvere; proinde inprimis de his sanguinis spontaneis seu spontefactis evacuationibus, seu excretionibus, agendum duximus: quoniam non ex omnes bonæ sunt, minimeque ægrotos liberant a morbis veluti etiam non omnes aliæ excretiones, aut per alvum, aut per vomitum, aut per sudorem, aut per urinam; neque omnes abscessus liberant a morbis, sed quidam tantum, qui merito a nobis primum cognoscendi erunt, ac ab aliis non

salu-

salutaribus distingvendi. Nunc itaqve nos de iis sanguinis excretionibus agimus, quæ bonæ existunt, salutemqve perpetuo ægrotis futuram pollicentur, & postea de malis, quæ plerumqve exitium præmonstrant.

Inter vero excretiones sanguinis, ea præcipua esse ad præ-Sangu: dictionem videtur, quæ in febribus continuis acutis & ven- nis ex- hementibus e naribus sapius erumpit, quam Græci hæmor- cretio rhagiam appellant, nostri eruptionem sanguinis e naribus: per na- atqve hæc in morbis fit, ubi sanguis multus per nares efflu- res. it, & evacuatur. Galen. enim in 3. libro Prorrheticorum com. 75. ait, succos ad caput recurrentes, calidos quidem & tenues, desipientias & sanguinis eruptiones facere: at in 1. Epidem com. 1. text. 9. sanguinem ipsum sursum, incitatum calore, efferri in caput, a quo necesse est inflari, ac reserari venas, ac etiam rumpi ob spiritus copiam: atqve in eodem libro scripsit, sanguinis e naribus eruptiones in ardentibus & febribus ob dominantem fieri flavam bilem, quæ sanguini permista, postquam sanguinem deusserit, cum eo multum ad caput calorem subvehens, venis narium disructis, sanguinis efficit eruptiones.

Ex quibus constat non nisi ex calidiori sanguine, vel bile ei admista, fieri, atqve non nisi in corporibus calidioris temperamenti, atqve in calidioribus morbis, atqve acutis fieri, cujusmodi sunt febres synochæ atqve continuæ ardentes, quod Galen. in eodem lib. com. 2. text. 66. affirmavit, dicens, eruptiones sanguinis in ardentibus febribus, ob caloris copiam, humoribus ad caput sublatis, fieri. Hinc Hippoc. in 6. Epidem. com. 3. a) text. 21. ait: Sanguinis de naribus profusio, aut iis, qui subvirides, nigrique sunt, aut iis, qui rubri & virides, aut subviridibus; quod propter calidiores humores sint his eruptionibus obnoxii: propter quam etiam causam Hipp. postea b) text. 25. dixit: Cum venere uti incipiunt, aut hircire, sanguinis profluvio laborare; quippe pueros, cum propter multum, tum calidiorem sanguinem, quo exsuperant. Ab hisque causis ægroti solent in hæmor-

rhagiam incidere, iique præsertim, qui ob calidius temperamentum plurimo sanguine, & calidiori abundant, & non nisi in morbis, ab iisdem humoribus effectis, quales sunt, ex Galeno, febres omnes continuæ, ac vel etiam ex intermittentibus tertianæ, at nunquam quartanæ. Addimus omnes internas inflammationes præcordiorum, præsertimque hepatis & lienis, diaphragmatis, ac stomachi, & aliquando pleuritides, phrenitides, rarissime aut nunquam lethargos, ac vel etiam peripneumonias. In his itaque morbis huiusmodi hæmorrhagiæ, seu sanguinis eruptiones erunt attendendæ. Sed his præmissis ad prognosin declinemus. Itaque hæmorrhagiæ, & aliæ omnes, quæ per alias partes fiunt, excretiones sanguinis; (scilicet per uterum in mulieribus, in viris per hæmorrhoidas, & aliquando per stomachum, quæ tamen raro bonæ videntur, Hipp. in lib. 7. Aph. 37. ita scribente: *Quicumque evomunt sanguinem, si sine febre quidem, salutare, si vero cum febre, malum*; nihilominus sunt aliqui sanguinis etiam vomitu excretionem a multis morbis judicati:) in duas differentias distinguuntur, quippe in bonas, criticas & nostris judiciales vocatas, quæ duplicis quoque sunt differentiæ, nimirum sunt quædam perfectæ, quod perfecte judicent morbos, & quædam imperfectæ, quod imperfecte judicent; & in malas, symptomaticas dictas: quidam addunt medias, quæ medium locum habere videntur, inter criticas & symptomaticas: quas contineri sub criticis imperfectis alias demonstravimus. Nunc de criticis; cum hæ perpetuo salutem præmonstrent, perfectæ subito, & imperfectæ temporis spatio. Criticæ itaque eruptiones sanguinis & optimæ, quæ salutem certam ægrotis præmonstrant, hisce notis nobis innotescunt. Primo quod nunquam cruento morbo appareant, sed perpetuo cum signis coctionis; atque ob id perfectæ in statu morbi, imperfectæque in augmento, ubi quædam manifesta non omniaque coctionis signa illuxerint. Itaque necessario ad salutarem hæmorrhagiam, & ad quamecunque aliam bonam sanguinis excretionem, debent primum signa coctionis animadverti, quibus

Sanguinis critica eruptiones quomodo innotescunt. Cum signis coctionis.

una si sanguis excernatur, utile erit, teste Galen. in lib. 3. de Crisibus cap. 7. de qua Hippoc. in quarto, de vict. rat. in acutis, a) text. 10. habet: *Et si ex naribus fluxerit sanguis, solvitur ægritudo, atque si sudores supervenerint judicatorii, legitimi, cum urinis albis, crassis, & levibus subsidentiis.* Sed aliquis forte objiciet Metonem b) nobis, & illum, c) qui in Dealcis horto decumbebat, alios, qui, cum excrementorum cruditate, sanguinis fluxu fuere judicati, & quidem critice. In Metone urinæ fuere nigræ, & cum nigris sedimentis; & in altero, tenues, cum crassioribus sedimentis, nedum crudissimum morbum, sed neque parum malignum declarabant. De hac re alias egimus, & diximus, tantum posse copiosam sanguinis eruptionem ad judicandos morbos, ut vel etiam in principio, nullis signis coctionis conspectis, apparens, sapius liberet ægrotos. Quod Galen. de Metone expressit, dicens: *Sane enim a sola videtur sanguinis eruptione & judicatus & servatus, quamvis non omnino tuta signa haberet.* Excretio itaque sanguinis, tametsi optima sit, ac certissime salutem nunciet, quæ morbo jam concocto apparet, quæque etiam ob id in statu apparet, etiam cum signis cruditatis in principio morbi, non est spernenda. Quod etiam in muliere morosa d) visum est, quæ, cum urinis nigris, mensium profluvio fuit sanata, etsi Galen. dixerit, earum urinarum nigrum colorem nihil attulisse periculi, quod a retentis mensibus, qui fuerant melancholici, eo modo colorarentur urinæ: quod si verum etiam de Metone, qui, iisdem nigris existentibus, eruptione sanguinis fuit judicatus. Quam rem Hipp. nobis expressisse visus est in 1. Epid. com. 2. e) text 56. quum ibi scripserit: *Ictericis factis in febris, sexta die, eruptionem sanguinis profuisse;* eo die vero visam ictericam malam docet Hippoc. in 4. Aphorism. 62. qualis fuit in Hermocrate: f) & in text. 67. g) dixit: *cum urina te-*

L 113

nues

a) Pag. 396. lin. 21. b) Lib. 1. Epidem. Ægr. 7. pag. 983. c) Lib. 3. Epidem. Ægr. 3. pag. 1066. d) Lib. 3. Epid. Ægr. 11. pag. 1108. e) Pag. 951. lit. F. f) Lib. 3. Epidem. Ægr. 2. pag. 1062. g) Lib. 1. Epidem. Sect. 2. pag. 953. lit. A. B.

nues essent in Antiphonte Critobuli filio, erupisse sanguinem & postea sanatum fuisse. Quod vero sanguinis excretiones hanc habuerint prærogativam, ut ita dixerim, quod etiam in crudo morbo salutem præmonstrare soleant; cum ceteræ aliæ per vomitum, vel sudorem, vel purgationem alvi, tunc temporis apparentes, symptomatice sint: hoc propterea fieri crediderim, quod sanguis per venas apertas possit commode quocunque tempore vacuari, nullaque egeat sanguis præparatione, qua egent cæteri humores, si debeant per alvum subduci, vel per vomitum, quæ in his tam facile non fit, propter ipsorum crassitiem, aut lentorum, aut venarum angustiam & obstructionem; atque hanc esse causam colligimus, propter quam Medici in principiis morborum non debeant uti purgantibus medicamentis, ut Hipp. scripserit in Aph. a) *Concocta medicari oportere, neque cruda, nisi materia turgeat.* In evacuatione vero, quæ per venas apertas fit, nullam merito expectamus concoctionem; & hinc Medici, secta vena in morbis acutis, in principio, mittunt sanguinem; hinc & spontaneæ sanguinis vacuationes bonæ erunt. Addatis, sanguinis eruptiones copiosas nondum utiles fieri, propterea quod sanguis malus una excernatur, sed etiam quoniam ejusdem sanguinis vacuatio universum corpus refrigerat, caloremque transpirabilem, & corpus diffabile facit. Quare hac ratione excretiones sanguinis optimæ erunt, quæ in statu apparent, plane cocto existente morbo; sed neque eæ, quæ cum cruditatis signis fiunt, erunt plane abhorrendæ & timendæ. Et præsertim quæ copiose & large fluunt, quæ erit secunda conditio, optimam sanguinis eruptionem indicans. De quibus Hippoc. in lib. 2. Epid. b) ita habet: *Large de naribus eruptiones sanguinis liberant fere.* De quibus Gal. de Metone locutus ait: *Sane enim a sola videtur sanguinis eruptione & judicatus & servatus, quamvis non omnino tuta signa haberet.* Rursum Hipp. in 1. lib. Epid. com. 2. c) text. 63. dixit: *Febribus autem*

Large
sanguinis
eruptiones
quando
bonæ.

a) Sect. I. Aphorism. 22. b) Sect. I. pag. 1005. sub lit. A. c) Pag. 951. lit. E.

autem ardentibus hæc accidebant. Quibus rite & largiter sanguis per nares erupit, ea de causa maxime servabantur. Nec ullum novi, si recte ei erupisset sanguis in hoc statu, quemquam mortuum. Nam Philiscus quidem Epamenon, & Silenus, quibus parum quarta die & quinta e naribus stillavit, mortem obierunt. Et postea: d) Erant qui sexta die morbo regio afficerentur, sed his purgatio profuit per vesicam, vel turbata alvus, vel larga sanguinis eruptio: ut Heraclides, qui apud Aristocydem decumbebat, cui per nares sanguis erupit, alvusque fuit turbata, & per vesicam est purgatus. Et e) sanguis autem plurimis erupit, præcipue adolescentulis & adultis, quorum perit maxima pars, quibus sanguis non erupit. Et de mulieribus etiam sanguinis excretionem judicatis, ita: f) Plurimis itaque menses in febris apparuerunt. Quibusdam e naribus sanguis erupit, & multis virginibus id tum primum accidit. Nonnullis simul & sanguis e naribus, & menses apparuerunt, quod in Detharsis filia virgine tum primum animadversum est, largeque ex naribus sanguis profluxit. Ex quibus sanguinis largas excretiones optimas esse, morbosque judicare demonstratur. De qua Hipp. in 2. Epid. sect. 1. g) text. 16. ita habet: Fluxus sanguinis largi ex naribus solvunt multa, ut Heragora. Quomodo in lib. 4. Epid. h) mulierem, cui sanguis ex naribus quinta sextaque fluxit, die septima fuisse judicatam, meminit. Atque hæc erit una ex præcipuis notis optimarum excretionum, ut, inquam, large erumpant. Attamen videndum erit, ne sæpius, larga ipsarum copia, ex nos decipiant, putantes optimas criticasque esse excretiones, cum malæ potius sint. Nam sæpius largis sanguinis eruptionibus plures extincti sunt. Et enim consuevisse in morbis vehementibus, morbo adhuc existente crudo, immoderatas inanitiones fieri, Galen. in lib. de præ sag. ad Posthum. memoriæ prodidit; propterea sæpius cogi medicos, eruptionem cohibere, uti Gal. fecit in

a) Ibidem sub lit. F. e) Ibidem sub lit. G. f) Lib. 1. Epidem. Sect. 2. pag. 953 sub lit. B. g) Pag. 1005. lit. A.
 b) Pag. 1131. text. 27.

in *juvene Romano*, in quo sanguis ad pondus librarum quatuor cum dimidia fluebat e naribus.

Sanguinis largæ excretiones bonæ, quomodo a malis distinguantur. De quibus immoderatis eruptionibus in sequenti capite nos, DEO volente, accuratius. Nunc necessario tradenda sunt signa, ex quibus largas bonas excretiones a malis distinguamus; quæ hæc erunt: præter alia bonis omnibus communia, ægrotantium facilis tolerantia, & ipsos robustiores reddi, leviores, quod si siticulosi fuerint, ut non amplius sitiunt, & febris tollatur, symptomataque tollantur, aut diminuantur, pulsusque meliores, vehementiores, æqualiores, & ordinatiores evadant. Memini proximo anno elapso, in quo me a febre quartana sanguinis copiosa excretio, in qua ad minus sex libræ sanguinis profluxerunt, critice liberavit, inter alia signa post illam copiosam excretionem, omnibus fere immoderatam visam, observata, me nihil prorsus sitiisse, cum antea perpetuo, vehementerque, sitirem, nullumque langvorem virium sensisse, leviorumque ac viribus firmiorem evasisse, quæ, contra opinionem fere omnium Medicorum, mihi spem certam salutis videbantur polliceri, speravique exinde, eam sanguinis copiam fore criticam, neque ullo pacto timendam, etsi majori ex parte, tussis repente oborta, sanguis profluxerit. Quare iis notis copiosam criticam sanguinis eruptionem distingvi a symptomatice mala sciemus.

Bonæ si diebus criticis appareant. Tertia conditio criticarum salubriumque sanguinis eruptionum est, quod diebus criticis appareant. Hisce enim diebus, a nobis alias dictum est, conspectas excretiones, vel bonas vel malas, firmius iudicium habere, & ad salutem, & ad mortem præsagiendum. Ex quo merito Auctor *Coacorum præsagiorum*, in lib. 4. text. 45. & in 5. libro *Coac. præsag. text. 2.* ait: a) *Acuti morbi judicantur sanguine fluente e naribus, & sudore multo.* Et b) *die septimo, nono, & quartodecimo, sanguinem e naribus ut plurimum febres resolvere.* Quarta, ut in aliquo dierum judicatoriorum excretio fuerit præindicata. Solet enim natura in die indi-

indice modicum aliquando sangvinem excernere, quod est indicium in altero die decretorio hæmorrhagiæ copiosioris futuræ. In *Metone* a) quarto die bis de nare dextra paulatim fluxit, & altera die affatim multus profluxit, quo fuit judicatus. Addamus quintam, quod excretio cum ideæ, Si morbi naturæque morbi, tum ægrotantis, victus antea acti, tempo-ideæ & rum, præsentis constitutionis anni temporum, atque cœli naturæ respondeat. Dictum alias a nobis est, quod sangvinis excretiones sint aptissimæ vacuationes in omnibus mor-ægro-tantis conveni-bis acutis, cum febribus, omniumque maxime in synochis, ant, atque ardentibus, in inflammationibus hepatis, lienis, diaphragmatis, non raro in pleuriticis ac in phreniticis. Quare in hisce morbis probe & utiliter spectantur sangvinis excretiones, veluti in aliis affectibus ita non utiliter: quæ itidem hac ratione utiles erunt in corporibus omnibus, quæ plurimo sanguine eoque calidiori exsuperant; & propterea, si præcesserit victus biliosorum ciborum, plurimaque calidioris sangvinis signa, aut æstus sit, vel calida constitutio, vel in cœlo calidiori & alia adsint, & quæ generationem biliosioris sangvinis adjuvent, optimum erit, erumpere sangvinem in prænarratis morbis. At quinimo in ipsis sangvinem non erumpere, non leve esse malum, Hippocrates, in primo *Epidemiorum*, com. 2. b) text. 17. ita docet: *Sanguis autem plurimis erupit, præcipue adolescentulis, & adultis, quorum periit maxima pars, quibus sanguis non erupit.*

Sexto oportet has optimas excretiones locis affectis congruere, ita, ut aut e directo, ut divertant, probeque a parte affectus vacuent, aut ex opposito, ut revellant. De his Hippocrat. in *Aphorismis*. c) *Insanientibus si varices, vel hæmorrhoides supervenerint, insanie solutio.* Et in libro quarto: d) *Inferne vero niger si deficiatur, bonum:* & Galenus in comment. *Revera enim jam factæ melancholici maximum est remedium sanguinis ex his venis, quæ hæmorrhoides appellantur, profluvium.* Et in libro quinto. e) *Mulieres sanguinem evo-*

M m m

men-

a) Lib. 1. *Epidem.* Ægr. 7. pag. 983. b) Pag. 951. sub lit. G. c) Lib. 6. *Aphor.* 21. d) *Aphor.* 25. e) *Aphor.* 32.

mentes, si menstrua eruperint, morbi fit solutio. Hinc Medicis usus est familiaris ad insanientes, sanguinis vacationes, per hirudines, appositas venis hæmorrhoidibus appellatis. Quod in illis, qui eas venas amplas habent, omniumque maxime, si per ipsas alias fluxerit sanguis, est utilissimum; si modo plurem neque paucum sanguinem, ut plerique Medicorum faciunt, quibus raro huiusmodi vacuatio propter hanc causam utilis succedit, evacuent.

Ut vero humores divertant, atque simul evacuent a parte affecta, optima erit excretio, cum natura tum arte facta, et directo lateris affecti; quam Galen. *in libro de curat. per sang. missionem*, vacationem maxime commendat, & *κατὰ τὴν* vocat, id est, directe factam, ut hepate læso sanguis si e dextra, & liene, ex sinistra effluat. De qua Hippocrates, *in libro secundo Epidemiorum. com. 3. a) text. 13. secundum rectum, & laterum tensio dolorosa, & tensiones hypochondriorum, & lienis elevationes, ex naribus fluxiones: & in libro quarto Epidemiorum. b) Horridi, anxii, cibum averfantes, biliosi, sanguinem fundentes, splenici doloroso modo ex sinistra parte plurimi.* Hinc eruditiores Medici in pleuriticis sanguinem ex eodem, latere mittunt, minimeque ex opposito.

Si juvent Septimo optima hæmorrhagia vel sanguinis excretio erit, a qua morbus aut omnino tollitur, aut saltem diminuitur, ægrotique allevantur, tolluntur, aut minuuntur itidem symptomata; cujusmodi excretio visa est, quam Hipp. cum in *Heropytho*, tum in *Larissæ Virgine* observavit. De *Heropytho* c) ita habet: *Quadragesimo multum ex naribus sanguinis erupit, menteque constitit, magis surdus quidem, sed non perinde fuit, febres fuerunt remissæ.* Et de *Larissæ virgine. d) Sexto ex naribus largiter multum fluxit, inhorruit, at mox sudavit toto corpore multum & calidum sine febre, est judicata.* Propterea optima erit, aut quæ totum morbum & symptomata solvit, vel diminuit. Galen. scribit. 2. *lib. de motu musculorum cap. 6. se vidisse hominem una cum febre, tredecim dies deli-*

a) Pag. 1027. lit. D. b) Pag. 1129. lit. A. c) Lib. 3. Epidem. Ægr. 9. pag. 1106. d) Ibid. Ægr. 12. pag. 1110.

delirum, per nares plurimo sanguine vacuato, statim convalescere, ad mentemque subito rediisse. Hippoc. optimam esse, quæ furditatem solvit, in *Aphorismis a)* docet, & Auctor *Prorrheticorum b)* ait: *Quibus capitis dolores, cervicis labor atque totius corporis cum tremore infirmitas, hæmorrhagica solvunt. Ceterum & tempore ista solvuntur.* His addo ægrota-
tantes, qui plurimum ante sitiebant, siti liberari, quod ad criticam sanguinis excretionem maximum est; quoniam optimus sanguis multis, non critice erumpens, nimirum sic-
cando, sitim inferre solet: contra criticus refrigerando fe-
brilemque calorem compescendo, & diffundendo corpus, si-
tim tollere, ac forte etiam, quod viscera humectentur ea
ratione, quod a calore amplius non hauriatur humor. Hipp.
in libr. quarto Aphor. 27. ita habet: *Quibus per febres sangui-
nis quacunque ex parte copia eruperit, cum reficiuntur, alvi
his humectantur.* Demum ab optima sanguinis vacuatione,
ut dictum est, ægroti robustiores, faciliusque resurgentes,
& pulsus meliores evadunt. Atque hæ notæ erunt opti-
mæ cujusvis sanguinis excretionis, vel per nares, vel per
vomitum, vel per alvum, vel per uterum, vel per hæmor-
rhoides.

C A P. III.

De malis exitiis et sanguinis eruptionibus.

Contrariis notis nobis sanguinis excretionibus malæ, exitium denotantes, innotescunt. Quæ profecto hæ erunt; quippe prima, ut hæmorrhagiæ, aliæque excretionibus san-
guinis, nullis conspectis signis coctionis; (et si nuper fue-
rit demonstratum, largas eruptiones sanguinis optimas, ali-
quando etiam, crudo morbo existente, bonas esse:) at-
amen, ni bona illuxerint signa, iudicium faciunt difficile:
quæ excretionis, si una cum perniciosis signis apparuerint,
aut ipsas sequantur, exitium portendent.

Ante itaque eruptionem sanguinis præcessisse, aut perni-
ciosa in excrementis signa, uti nigredinem in urinis, cum

M m m 2 fed-

a) Sect. 4. Aph. 60. b) Lib. I. text. 152.

signis aut sedimento nigro, turbidas easdem urinas, subjugales, non
antegres- clarescentes, vel tenues aquosas; vel vomitus foetidos, vi-
sis, aut rulentos, versicolores, nigros; aut nigrasque itidem de-
conco- ctiones, ac colliquationes, pessimum est; aut perniciofa ali-
mitanti- qua symptomata, de quibus nos superioribus libris satis ac-
bus aut curate egimus, aut antegressa sint, vel ex iis aliquod pravam
subsecu- una cum hac eruptione apparuerit, aut hanc ipsam conse-
tis. quatur, exitium præmonstrabunt. De his *in libro 3. Prorrh.*

a) text. 35. legitur: Si ex naribus sanguis erumpat, cum sudores vel fuerint vel pervenerint, perfrictionem quidem ferunt, sed indicat malum esse morbum: ac cum perfrictio tum in extremis fiat, tum per totum corpus, gravior, difficiliorque, quæ per totum corpus est. Et b) post sanguinis eruptionem dejectiones nigre, male: prave autem prærubre, & si quarto die talis eruptio fiat. Et Galen. in Comment. sequentis textus dixit, omnes sanguinis eruptiones cum desudatione malignas esse. Et c) post modicam sanguinis eruptionem, nigramque dejectionem, in acutis morbis, surditas, malum est; sanguinis dejectio in his perniciofa, surditatem vero solvit. Nos tamen vidimus in homine robustissimo Bononiensi, febre acuta maligna vexato, perpetuo a primo die ad quartum decimum usque, qua die fuit sanatus, hæmorrhagiam continuam, in qua ad minus singulis diebus sanguis ad libram exibat, quæ hæmorrhagia cum usque ad septimum perseverasset, nosque ab ea timuissemus, ad cohibendam quibusdam medicamentis usi, non amplius e naribus fluxit, sed cœpit per alvum eodem modo profluere, una cum copiosa diarrhœa biliosa, quam itidem a primo die usque ad decimum quartum copiosam, & fortem assiduam habuit, quæ excretiones usque ad decimumquartum, quo die perfecte fuit judicatus, ut dixi, eodem modo perseverarunt. Atque hic non nisi ob maximas vires fuit servatus. Et rursus Auctor Prorrheticorum d) in 2. lib. text. 6. dixit: Si intercepta alvus, parva, nigra & in spiras circumducta, ad necessitatem dimiserit, & per naves

eruptio

a) Lib. 1. text. 126. b) Ibid. text. 127. c) Lib. 1. Prorrh. text. 129.

d) Lib. 1. text. 41.

eruptio fiat, malum. Galen. in commento ait, hoc modo, qui sunt siccati atque arefacti a calore febrili, vacuationes ferre non posse: & in 2. libr. Coac. præfag. a) sect. 2. text. 1. *Profluvium sanguinis e naribus, & paucus sudor cum refrigeratione, malum:* & in b) 4. lib. *Quæ diebus criticis perfrictiones sunt vehementes a sanguinis profluvio, pessimæ.* Ex his itaque apparet eruptiones sanguinis, cum malis signis, malas esse ac perniciosas. De quibus Hippoc. in libr. 3. Epidem. c) ait: *Nec non decretorii aliud in ita habentibus ullum apparebat, neque sanguis rite perfluxit, neque alius consuetus abscessus fiebat decretorius.* Quare sanguinis eruptiones cum malis signis sunt perniciosæ. Non minus, quæ neque morbi si neque ideæ, naturæ ægrotantis, cæli constitutionis, temporis anni, morbi ideæ neque naturæ ægrotantis respondere. In frigidis enim morbis, ac pituitosis, nunquam eruptio sanguinis bona erit, sed perpetuo mala. Tertio, quæ neque locis affectis congruit hæmorrhagia mala erit, quam rem expressit auctor *Prorrheticorum*, d) dicens: *Sanguinis ad la-* spondeant. *tus diversum eruptiones male, ut, si cum lien magnus fuerit e-* Neque *dextra nare fluat, atque res in hypochondriis ita habet.* Quæ locis af- ratione damnatur etiam sanguis, per vomitum excretus, in febribus ab Hippocrate in *Aphorismis*, sed præsertim nigri congruant. sanguinis, omniumque maxime in extenuatis corporibus, de qua re in libr. 4. *Aphorism.* 23. ita habet: *Quibuscunque ex morbis acutis aut diuturnis, vel ex vulneribus, sive quovis alio modo extenuatis, nigra bilis, sive uti sanguis niger, desuper exierit, postridie moriuntur.* Quarto mala est sanguinis A quibus excretio, a qua ægri nihil juvantur, aut alterantur; pessima- ægri nihil juvantur, que, qua in deterius mutantur. Quod si talis excretio unum ex judicatoriis non judicantibus, lethalis iudicii. Ait enim Gal. in 1. *Prorrh.* e) judicatoriorum non judicantium alia quidem esse lethalia, & alia iudicatu difficilia: quæ vero in contrarium repunt, sunt lethalia. Addatis, pulsus sa- Ex pulsibus tis aperte demonstrare harum excretionum malignitatem,

M m m 3 cum

a) Text. 40. & 342. b) Text. 326. c) Pag. 1085. lit. F. d) Lib. 1, text. 125. e) Vide & Hipp. Lib. 2, Epidem. Sect. 1. pag. 999.

Ex san-
guinis
excreti
quanti-
tate,

cum ipsi langvidiores, inæqualiores, & longe peiores red-
dantur. Demum ex quantitate quoque sanguinis hanc ean-
dem malam excretionem cognoscemus; quippe quo aut im-
moderatus profluat, aut minus, quam deberet, aut non to-
tus confertim, sed per intervalla, uti fit in crisi-
bus imperfectis. Immoderatus effluere, nunquam bonum, sæpe ma-
lum, quod calorem innatum maxime diminuatur, & pro-
pterea facile natura morbo succumbit. Hinc Auctor *Pror-
rhet. c)* scripsit, *a multa sanguinis eruptione alvos male affi-
ci*, quod nimis refrigerentur: & postea: *d)* *In iudicatoriis
perfrictionibus sanguinis eruptiones vehementes, pessimæ.* Quod
maxime refrigerent corpora, nimirum addendo frigus fri-
gori. Hinc frigora non recalescentia & in debilibus rigo-
res esse perniciosos, Hipp. *e)* statuit. Ita etiam quorum cor-
pora immoderatus, *sanguine fluente*, vacuantur, *alii in le-
thalem desipientiam, alii in convulsiones perniciosas delabun-
tur*, ut Hipp. *in 7. Aphor. f)* docuit. Aliquando, quod fit in
morbis non vehementibus, ita ægri refrigerantur, ut in hy-
dropem veniant; plures enim observati sunt ea de causa
hydropici. Quam rem Gal. *in lib. 2. Aph. 72.* hisce verbis
nos docuit, dicens: *Sanguis enim cum supra modum, aut
ex utero muliebri, aut ex venis, quæ hæmorrhoidæ appellantur,
aut ex ulcere fluxerit, tunc vel omnes, vel plurimas operatio-
nes, ii, qui ita affecti sunt, offensas habent.* Nonnulli vero
ipsorum non modo hæc patiuntur, verum etiam aqua inter cu-
tem corripuntur. Non minus vero paucæ, quæ stillatim
fiunt, atque incipientes, statim desinentes, de quibus in se-
quenti capite agemus, perniciales existunt.

C A P. IV.

*De sanguinis excretionibus paucioribus, statim desinentibus,
atque de stillis sanguinis e naribus, quidque in
morbis acutis præfagiant?*

Sanguis e naribus, aut ex aliqua alia parte, paucus erum-
pens, aliquando bonus, ubi principium crisis in aliquo
die

c) Lib. I. text. 133. d) Ib. text. 134. e) Ib. text. 65. f) Aph. 9.

die judicatorio significat; veluti in *Metone a*) visum est, in quo quarta die modicus effluere e naribus cœpit, & quinto largiter erumpens, judicavit. Sed hoc non fiet, ubi morbus plane crudus erit, atque minus cum aliquo signo pernicioso.

Hoc modo enim modicus sanguis, ac vel etiam per intervalla erumpens, perpetuo malum portendet, exitiique sanguinis excretionem erit certissimum, ubi ab ipso morbus postea minime concoquatur, nihiloque allevatur. Aliquando optima erit excretio, ubi plane morbus crudus non erit, ceteraque signa fuerint salutaria, atque si postea, proximo decretorio die, largiter erumpat. Quæ si vel non in die indice apparuerit, ac non sequatur larga postea die judicatorio eruptio symptomatum signum, malumque erit, mortaleque, si signa alia pernicioſa apparuerint, atque si postea ægroti in pejus mutantur. Rarissime itaque, ut potuimus observare contingit, sanguinis paucam excretionem bonam esse, plerumque pessimam, perpetuo longitudinem, & non raro exitium præmonstrantem futurum; & præsertim, ubi neque per convenientia loca exierit, nec quicquam agros sublevaverit; veluti quibus hepar inflammatum est, si per sinistram narem, & quibus lien per dextram, & quibus uterus affectus, si per nares aut per vomitum, minimeque per uterum exeat, & qui ab ipsa febre neque symptomatis allevantur. Sanguinis itaque pauca excretio hæc indicabit, nihilque certi ad præſagium, ni pariter alia signa considerentur; cum malis mala, cum non malis incerti judicii seu difficilis erit, cum bonis longitudinem indicabit. Cum vero paucam sanguinis excretionem conspectam nulla alia sequatur, aut si statim, cum cœperit, desistat, nihil perniciosius erit; cum summam virium imbecillitatem, teste Gal. in 1. *Prorrh. com.* 1. denotet. Sed age de stillis quoque sanguinis agamus, cum ex sapissime in acutis febribus, maximeque in ardentibus, spectentur: nam hæ excretiones peiores sunt, teste Gal. si statim cum cœperint, desistant, quam quæ

Sanguinis excretionem pauciores quænam malæ.

Quid ad præſagium faciunt.

Sanguinis stillæ quid præſagiant.

a) Lib. I, Epid. Ægr. 7. p. 983.

In acutis
morbis
omnes
pessimæ
sunt.

quæ nullo modo apparuerunt. Ex varia itaque quantitate sanguinis fluentis variæ fiunt quoque eruptiones; una quantitas, multa, continua, confertim erumpens, quæ in perfecta crisi apparet; altera discreta, quæ cum perleuerat, aliquando crisin postea futurum indicat; tertia est, cum paucæ tantum stillæ e naribus exeunt, quales a causâ externa aliquando fiunt, veluti ab insolatione, quippe capite a sole calefacto, ex vino meraciore & similibus. Hæ, ubi fiant vi febris, crisin frustra tentatam indicant, idque aut morbi malignitate fieri, aut sanguinis vitio, aut cerebri infirmitate. Hujusmodi stillæ in mitioribus morbis, in quibus cetera signa sunt salutaria, morbi diuturnitatem prænuntiant; in acutis vero certissimam mortem; nam indicant naturam, aut Gal. in 4. de Vict. rat. in acut. text. 67. docet; conatam esse, quod superfluum est, sive, ut in 1. quoque *Prorrh. com. 1.* expressit, abundantiam, in cerebro collectam, excernere, minimeque potuisse, vel ob propriam imbecillitatem, vel sanguinis crassitiem, vel partium densitatem, vel quædam ex his, vel propter omnium concursum. Quo apparet stillas omnes sanguinis in acutis morbis pessimas esse, pravumque & malignarum febrium signum, ut Gal. in 3. *Epid. com. 3. text. 35.* scripsit: de qua sane constitutione Epidemica Hipp. a) dixit: *Nares pauca stillarunt, signumque perniciosum fuisse*; quod etiam in prima constitutione fuit observatum, de quo signo Hippoc. in 1. *Epid. b)* ait: *At cum febres ardentes inciperent, annunciabant, quibus exitium impenderet*; & cum multa signa enumerasset pernitiola, quæ in principio febrium ardentium fuere observata, addidit: c) *Nec erupit e naribus sanguis, ne his quidem, quibus hæc accidunt, sed parum stillarunt.* Quare merito stillæ in morbis acutis omnes sunt ex signis perniciosis, de quibus Hipp. in eod. lib. d) ait: *Nam Philiscus quidem, Epamenon, & Silenus, quibus parum quarto die & quinto e naribus stillavit, mortem obierunt.* Certissimamque mortem

a) Lib. 3. *Epid.* p. 1085. lit. D. b) Sect. 2. p. 954. inter lit. D. & E.

c) Ibid. inter lit. F. & G. d) Sect. 2. p. 951. inter lit. E. & F.

tem stillæ sanguinis in morbis acutis præmonstrabunt, omni- Quando
umque maxime, si sanguis crassus, atque niger stillaverit, de mortem
quo Auctor *Prorrhetic. e)* in 4. *Prorrh. text. 54.* ait: *E naribus* in acutis
stillicidium, malum: si nigrum & atrum, lethale. Et Gal. morbis
in Comm. dixit, nigrum & merum sanguinem, destillatum, præmon-
strant,
non modo in caput materiam motam esse, sed etiam a ca-
lore acutissimo, qui totam consumsit humiditatem, sangui-
nem perassatum, ejusque omnem Ichorem consumtum in-
dicare: & supra dixit, cum omnes e naribus stillationes dif-
ficiles sint, quoties crassæ & nigræ destillationes fuerint,
maxime perniciosas reperies. Quæ etiam in aliquo dierum
criticorum apparent, absolutissimam perniciem ostendunt,
quod in iis diebus signa omnia, cum bona tum mala, ma-
gnam vim habere ad præsagium, superius ostenderimus, de
qua in *Prorrheticis: f)* *Stillatio e naribus his perniciosa, tum*
alias, tum si quarto cæperit die: & Gal. in Comm. ait: *Cum*
stillatio e naribus semper malum signum sit, absolutissima mor-
bi malitia significatur, si quarto fiat die. Videtur siquidem
natura collectam in cerebro abundantiam conata esse ut ex-
pelleret, sed nequivisse. Perniciosissimæ non minus sunt
cum malis quoque signis conspectæ, inevitabileque exiti-
um significantes. De quibus in 3. *Prorrh. g)* *Quæ ex na-*
ribus cum surditate, & ignavitate parva est stillatio, diffi-
le quippiam habet. Galen. vero hunc Auctorem reprehendit,
quod dixerit stillas has difficile quippiam habere, cum
omnes sint lethales. Et in 1. lib. h) *text. 50.* *Ex naribus si*
stillicidium sanguinis fuerit, cum sudore frigido & refrigeratione
extremorum, lethale: Pessimæ itaque cum surditate,
torpore, comate, vigiliis, delirio, atque similibus signis per-
petuo erunt, maximeque in phreniticis. Quæ omnino fu-
ere visa in *Philisco, i)* *Sileno, k)* *Uxore Dromedai, l)* & in
Pario, m) in quibus stillicidium sanguinis lethale fuit ob-

Nnn serva-

e) An Lib. 1. text. 79. & Coac. prælag. 57? f) Lib. 1. text. 1.

g) Lib. 1. text. 141. h) Text. 126. i) Lib. 1. Epid. Ægr. 1. p. 966.

k) Ibidem. Ægrot. 2. pag. 969. l) Ibidem Ægrot. 11. pag. 987.

m) Lib. 3. Epid. Ægr. 1. p. 1093.

servatum. Atque hæc de prædictione ab excretionibus sanguinis in morbis acutis.

C A P. V.

De prædictione ex sudoribus, & primo quid sudor, quotuplexque sit, & de ipsius causis.

Sudor
quid ?

Sudorum
differentiæ.

Cum non minus frequenter morbi sudoribus judicari soleant, idcirco ab ipsis etiam, quomodo ægrotantium salus ac mors prædici queat, accuratius nunc est cognoscendum. Quod ut facile & certe consequi possimus, primum, quid sudor sit, & quot sudorum existent differentiæ, explicabimus, atque de ipsorum causis, ut sudorum quoque generatio nobis innotescat, agemus. Sudare vero eos dicimus, qui humorem per meatus cutis, actu humidum, excernunt; ad differentiam perspirationum, seu vaporatorum, quæ per eosdem meatus fiunt. Medici has insensibiles vacuationes vocant, quod sensibus quidem non pateant. Ex quibus sudor erit particularis evacuatio sensibilibus, per poros cutis meatusve facta. Plures vero sudorum observantur differentiæ. Quæ desumuntur ab ipsorum *substantia*, ex qua alii crassi viscidique exeunt, alii tenues sine ullo lentore. Ex *figura*, quando alii, teste Hipp. milii formis spectentur, alii perinde guttæ fiant. *Colore*, cum alii flavi, alii virides; necesse erit sudores eo colore spectari, quo humores, qui per cutim vacuantur, infecti sunt. *Sapore*, siquidem omnes, teste Gal. in lib. 10. *simpl. cap. de Sudore*, falsi, & subamari sint, quibus quidem saporibus humores, qui vacuantur, referti sunt. *Odore*, cum quidam foetidi, quidam sine foetore exeunt: & *copia*, tum quidam multi, alii pauci apparent, aliique statim, cum incoeperint, desinunt. Ex *qualitatibus* item *activis*, cum omnes, aut calidi sint, aut frigidi, aut medii. *A tempore* etiam, in quo apparent, suas habent differentias, quando alii in principis morborum, alii in statu, & alii in declinatione prodeunt: & *a tempore*, quo durant, sunt alii assidui sive continui, alii interpolati. Quorum quidam apparent cum si-

gnis

gnis coctionis; quidam cum signis cruditatis; & quidam sunt decretorii sive judicatorii, quod judicent agros; quidam symptomatici, quippe quod per modum symptomatum fiunt; & quidam periodici, quales in febribus tertianis & quartanis fiunt, atque hæ sudorum differentia nobis sufficiunt. Nunc de ipsorum generatione agamus, quam cum duo præsertim absolvant, quippe materia ex qua, & efficiens: de his duobus itaque nunc agamus. Materiam sudorem, & Materia. urinarum eandem esse scribit Galen. *in lib. 10. simpl. cap. de Sudore*, in sanisque esse humorem ebibitum, sed magis elaboratum, utpote qui ad cutem usque, per meatus omnes, qui interfunt partibus, perveniat. Ex quo constat esse tenuiorem hujusmodi alimenti partem, quam serum humorum appellant, seu ichorem, sed nonnihil biliosæ substantiæ adeptum, qui sua tenuitate facile per poros cutis excludi a corpore potest; veluti crassus humor ineptus ad sudoris generationem videtur: atque hæc est sudoris materia in sanis. Hinc multos sudores habent, qui copiosiori cum potu tum cibo utuntur; & corpora plethorica, quæ raros cutis meatus obtinent, non minus, & qui in jecore ac liene plurimum humorem habent. Hinc Hipp. dicit in 4. *Aph. 41. Sudor multus ex somno factus absque causa manifesta, corpus uti pluri cibo significat. Si vero cibum non accipienti hoc accadat, scire oportet, quod evacuatione corpus indiget.* Ex quo in sanis materia sudoris erit, aut, ut dictum est, pars tenuior humidi alimenti, aut humor redundans in corpore. In ægrotis vero aliquando est humiditas alimenti humidioris, quæ sane in iis observabitur, qui minime recta vivendi ratione usi sunt; plerumque vero ab humoribus tenuioribus redundantibus, quippe sanguine, bile flava, ac pituitoso quoque humore frigido. Atque hinc Gal. *in libr. 3. de Crisibus cap. 3.* scripsit, sudores omnium febrium esse proprios, & præcipue ardentium, semitertianasque, quotidianas, & quartanas judicare, non parumque juvare effervescentes, inflammationes, parotidas, lethargos, reliquosque omnes capitis affectus; quod omnes tum calidi, tum fri-

gidi humores, qui tamen sunt tenues, sudores concitare possunt, seu per sudorem propelli, ipsorumque omnium maxime putres, cum tenuiores sint, & facilius fluere. Demum aliquando (quod non nisi in perniciosis affectibus fit) humiditas partium solidarum alimentalis, quam Medici humidum nativum appellant, quo nativus calor conservetur, per cutis meatus colliquata, & discussa exit. Atque hæc est sudorum omnis materia.

Causæ.

Sudorem vero efficit calor ipse, vel naturalis, vel præter naturam in corpore existens: humorem enim attenuat, secumque ducit ad cutem, ex quo corpora, ubi incalescunt, in sudorem incidunt; atque hinc est, quod in continuis febribus, a rigore, quem sequitur calor maximus, corpora in sudores soleant erumpere: dum enim ipsa rigore vexantur, calor intus retractus, postea (si fortis est) foras erumpit, diffususque per totum corpus, humores extenuat, ac fere in vapores mutatus, secumque ipsos ad cutim ducens, sudorem facit. Hipp. in 1. Progn. a) text. 26. ait: *aliquos fieri aut ob corporum exsolutionem, atque alios ob inflammationis vehementiam*. Ob corporum exsolutionem non simpliciter sudorem, sed paucum sudorem, seu madorem potius quendam, quem ἐφιδρωσιν Græci vocant (desudationem Galen. vocat) fieri, aut in toto corpore, ut docet Gal. in lib. 3. Proorrh. com. 33. aut in capite, atque thorace, facultatisque retentricis imbecillitatem, vel humorum copiam, in sudantibus partibus præmonstrare: ob vehementiam itidem inflammationis fieri desudationes, aut naturam opprimentem, aut resolventem, aut, quod inflammationis incendio humiditatis copix extenuatæ humidior pars residet ad cutem. Quare sudorum generationem fieri ex calore, humorem tenue, qui serum seu ichor est sanguinis, ab humiditate cibi potusque profectum, aut sanguinem, aut bilem, aut pituitam, extenuante, ac in vaporem mutante. In febribus, quas Græci *Elodes*, nostri sudorificas vocant, sudor proprium est symptoma, in quibus suppressa vis humoris, concepto in-

tus

tus incendio, in perpetuum vaporem, & sudorem resolvitur. Desudationes vero, quæ sunt, teste Galeno, pauci sudores seu madores, nihil conferentes, aut in toto corpore, aut melius in superis partibus apparentes, aliam causam habent, ut dictum est, quippe ut ait Hippoc. a) ob corporum exsolutionem, aut inflammationis vehementiam, aut, ut Galeno placuit, ob facultatis retentricis resolutionem, quæ nedom redundantem humorem excrementitium, sed vel etiam alimentarium ex solidis partibus, foras resudare finit. Sed age his præmissis, ad prædictionem e sudoribus cognoscendam, descendamus, quam primum a bonis salutaribusque perscrutabimur.

C A P. VI.

De bonis salutaribusque sudoribus, salutem in ægrotis prænuntiantibus.

Sæpius fit, quod homines, acutis morbis vexati, bonis sudoribus, large & critice erumpentibus, liberentur, & merito; cum per sudorem, teste Galeno, in lib. art. med. text. 99. universum corpus evacuetur. Hujusmodi vero sudores, his notis, ab his, qui salutare non sunt, distingventur; quippe primo, quod hi, morbo concocto, cumque signis coctionis, manifeste appareant, ut docuit Galen. in primo libr. de Crisib. cap. 7. quod decernentia in melius non statim, sed vel in augmento, vel in statu, quo tempore morbum vel plane concoxit, vel cum partim concoxerit, reliquum pergit alterare. Atque hæc est bonorum sudorum non spernenda nota, sine qua sudores, nequaquam utiles, longos morbos, labores, recidivas, aut ipsos morbos crisi nequam solutum iri, aut exitium, teste Hippoc. in 1. Epid. b) prænuntiant: qui vero post coctionem apparent, crisis celeritatem, salutisque securitatem significant: crudi vero & incocti, & in malos abscessus conversi, vel judicii frustrationem, vel dolores, vel diuturnitatem, vel mortem, veleo-

Desudationes
quid?

Sudores
boni
quomodo a malis distinguuntur.
Optimi si cum signis coctionis apparent.

N n n 3

run-

rundem malum reditum denuntiant. Sudores itaque ad hoc, ut salutare sint, necessario debebunt post signa coctionis conspici.

Si in die aliquo decretorio erumpant.

Secunda nota erit, ut in die aliquo decretorio erumpant, de quibus Hippoc. *in libr. quarto Aphor.* 36. ita scripsit: *Sudores febricitantibus si inceperint, boni sunt tertio die & quinto, & septimo, & nono, & undecimo, & decimo quarto, & decimo septimo, & vigesimo, & vigesimo septimo, & trigesimo quarto. Hi enim sudores judicant morbos: Qui vero non ita sunt, laborem, & morbi longitudinem, & recidivas significant.* Galen. in comm. ait, quartum diem Hippocratem vel præteriiisse, quoniam plures morbi peracuti, quod accessiones habeant diebus imparibus, & crises una in accessionum tempus incidant; vel ab aliquo quartum diem omissum negliger fuisse. Nos vero divinum Hippoc. sæpe sumus admirati, cum quarta die optimos sudores non sæpius observaverimus.

Si criticum aliquem rigorem sequantur.

Tertia nota erit, quod sudores criticum aliquem rigorem sequantur: natura siquidem, cum e venis tenues acutosque humores detrudit, rigorem vehementem, iisdem humoribus, extra venas in ambitum corporis propulsis, per carneas sensiles partes discurrentibus, ac ipsas vellicantibus, ut docet Galen. *in lib. de rig. convuls. & palpit.* concitat, cum extremarum partium refrigeratione; quæ natura ubi fortis seu robusta est, a rigore vehemente, & frigiditate, calore quidem foras erumpente, febris acuta & magna excitatur, cujus calore humores extenuati in sudorem copiosum resolvuntur: & propterea Hippoc. *in Epid.* a) optimos sudores a rigoribus subsecutos notans, dicebat: *rigor, acuta febris, sudavit.* Uti in muliere decumbente in littore, de qua: b) *Undecimo superriguit, igni est correpta, sudavit, febre est liberata:* & de Charione: c) *Decimo septimo superriguit, febris acuta, sudavit, febre est decretorie liberatus.* Qua ratione, ut nos alibi docuimus, Hippoc. *in libro 4. Aph.* 58. dixit: *Si ardente*

a) Lib. I. Epidem. pag. 982. Ægr. 6. in historia Cleonactidis. b) Ibid. Ægrot. 13. pag. 990 c) Lib. 3. Epidem. Ægr. 5. pag. 1072.

dente febre laboranti rigor superveniat, morbi fit solutio: quod ab his rigoribus subsequantur, (ut docet Galen.) boni sudores, aut alia vacuationes. Quare sudores sequi rigores, optimum est: & propterea Gal. in lib. 9. de Crisibus cap. 3. dixit, eos, qui rigent, optime sudare; & idem in 1. Proorrh. com. 13. ait: sudores, qui rigores consequuntur, boni existunt, si una cum coctionis signis appareant. De quibus Hippoc. in 1. Epid. 2. a) text. 64. ita meminit: Plurimi igitur ægrorum circa judicium rigeabant, potissimum ii, quibus sanguis non erupisset. Qui quidem postea subrigrerunt, ac exsudarunt.

Quarta conditio est, ut copiosi sint, & calidi, atque ex toto corpore erumpant; quippe qui facultatem robustam denotant, cum æque per omnes partes corporis calorem diffundat, ipsosque supervacuos humores in sudorem digerat, ac æque per omnes partes resolvat: quod ei quidem prælangvidæ non succedit, aut cum maligno morbo laborat. Sudores enim tunc inæqualiter evacuantur, in quibusdam partibus plus, in quibusdam parum, vel nihil. Quare copiosi sunt optimi sudores, si ex toto corpore erumpant, calidi; veluti qui in capite tantum aut thorace, aut in toto corpore pauci, aut frigidi, pessimi & perniciosi existunt, ut sequenti capite demonstrabimus, quod Hippoc. in 3. Epid. b) text. 77. sæpius annotavit, particulatimque in Pericle, de quo scribit: Quarto circa meridiem sudor prorupit toto corpore multus & calidus, sine febre judicatus est, neque rediit: & de Nicodemo. c) Sudor ei toto corpore copiose calidus emanavit, sine febre judicatus est: & de muliere morosa. d) Sub hanc noctem sudor multus toto corpore & calidus prorupit liberata febre dormivit: & de virgine Larissæ. e) Inhorruit ac mox sudavit toto corpore multum, & calidum, sine febre judicata.

Quinta conditio optima quoque est, ut ait Hippoc. in Prognost. f) quod cum guttis evaporat, ut dictum est, ex toto corpore calidus, & multus.

Demum toto corpore calidi & multi

a) Pag. 951. inter lit. E. & F. b) Ægr. 6. pag. 1102. c) Ibid. Ægr. 10. pag. 1108. d) Ibid. Ægr. 11. pag. 1108. e) Ibid. Ægr. 12. pag. 1110. f) Pag. 38. lin. 17. & 28.

Si fe-
brem in-
tegre
solvant.

Sudores
quinam
etiam
boni.

Demum sudorum optimorum notam esse singularem, docet Hippoc. a) loco citato, ut *per sudorem integre febris solvatur*: propterea in *Epid.* Hipp. notans criticos optimosque sudores perpetuo dixit *febre liber*, aut *sine febre judicatus*, aut *febris cessavit*; quod febrem tolli integre sit certissimum indicium sudoris optimi, & saluberrimi. Ceterum boni quoque sunt, teste Hipp. b) sudores, qui, ut diximus, *copiosi ex toto corpore prodeuntes*, ni febrem integre tollunt, *faciunt*, ut *ægri facilius morbum ferant*, quoniam morbum allevant, symptomata minuentes. At hi ab optimis differunt, quoniam non perfecte judicant, etsi salutem prænuntiant, non nisi longo tempore futuram. Quos Hippoc. in multis observavit, sed præsertim in illo, *qui in Dealcis orto decumbebat*, de quo ait: c) *Decimo septimo extrema frigida, cooperiebatur, acuta febris, toto corpore sudavit, allevatus est, melius sapiebat, non tamen febre liber, & vigesimo dormivit, plane mente constabat, sudavit, liber erat a febre, non sitiebat, quæ postea rediit, qui non nisi die quadragesimo, cum alvi subcrebra pituitosa dejectione, cum multo sudore ex toto corpore, absolute est judicatus*. Atque hæ notæ sunt optimorum sudorum criticorum, quas his tantum Hippoc. d) verbis est complexus, ita dicens: *Sudores autem optimi sunt per omnes acutos morbos, si per diem eveniunt decretorium, & integre sedant febrem*. Boni etiam sunt, *si ex toto corpore prodeant, faciantque, ut æger ferat facilius morbum; si vero nihil tale efficiunt, nequaquam utiles sunt*. Neque hisce notis optimos sudores cognoscemus solum, sed non minus etiam, si una signa optima alia illuxerint, veluti bona hæmorrhagia, aut alia evacuatio, & uti dictum est, si ægri ab ipsis melius se habuerint. Cujusmodi sudores Hippoc. in *Epidemiis* in multis vidisse scripsit, sed præsertim in *Cleonaëside*, e) *Metone*, f) *muliere quæ in littore habitabat*, g) *Melidia*, h) *in eo, qui*

a) Prognost. pag. 38. lin. 15. b) Prognost. pag. 38. lin. 17. c) Lib. 3. Epidem. Ægr. 3. pag. 1066. d) Prognost. pag. 38. lin. 15. & seq. e) Lib. 1. Epidem. Ægr. 6. pag. 982. f) Ibid. Ægr. 7. pag. 983. g) Ibid. Ægr. 13. pag. 990. h) Ibid. Ægr. 14. pag. 991.

qui in Dealcis horto, a) Charione, b) Pericle, c) Virgine Abderæ, d) Anaxione, e) Nicodemo, f) muliere morosa, g) virgine Larissæ; b) & in aliis multis, in quibus studiosus lector poterit prædictas optimorum notas recognoscere, & in cognoscendis sudoribus salutaribus seipsum exercere.

C A P. VII.

De malis pernicialibusque sudoribus exitium portendentibus.

Malos sudores in morbis acutis, at modice quidem malos esse, Hipp. in lib. Progn. i) docet, qui neque integre febrem adimunt, sed neque etiam faciunt, ut ægri facilius morbum ferant, id est, nihil allevant ægrotos, etsi ex toto corpore prodeant: his pejores, qui nec ex toto corpore, nec faciunt, ut ægri facilius morbum ferant; id est nihil ipsos allevantes: graviores, qui graviolem exhibent morbum, pessimosque frigidos, & qui circa caput tantummodo eveniant, vultum, & cervicem. Hos enim in acuta febre, mortem, & cum mitiore, longitudinem indicare tradidit. Sed omnes sudores malos diversis capitibus complectamur, eosque accuratius ad accuratiorem præ sagiendi notitiam assequendam consideremus. Primo itaque considerabimus omnes, qui crudo morbo, minimeque signis coctionis manifestis apparentibus, erumpunt; secundo de malis ex ipsorum quantitate multa vel pauca agamus; tertio ex caliditate & frigiditate; quarto ex partibus corporis a quibus exeunt; quinto ab ægrotantium nulla allevatione, aut læsione; atque demum ex malis signis una observatis. Ut vero primum caput examinemus, & cognoscamus, distinguimus sudorem, in periodicum, criticum, atque symptomaticum. Periodicum esse dicimus, qui in febrium intermittentium periodis fit, cujusmodi fiunt, in febris tertianis, quartanis. Cujusmodi fuisse

Sudores
quinam
modice
mali.

Quinam
pessimi.

Sudo-
rum di-
stinctio.
In perio-
dicum.

O o o narrat

a) Lib. 3. Epid. Ægr. 3. pag. 1066. b) Ibid. Ægr. 5. pag. 1072. c) Ib. Ægr. 6. pag. 1102. d) Ib. Ægr. 7. p. 1103. e) Ib. Ægr. 8. p. 1104. f) Ibid. Ægr. 10. p. 1108. g) Ibid. Ægr. 11. p. 1108. h) Ib. Ægr. 12. p. 1110. i) Pag. 28. lin. 20. & seq.

Criticum.

narrat Hipp. in lib. 7. Epid. a) in Pythodoro. Criticus, de quo superiori capite egimus, qui in febribus continuis, in aliquo dierum decretoriorum apparens, integre febrem tollit, aut eam diminuit, ægrotosque allevat. Cujus effectum crisin appellamus, seu judicium, aut perfectum aut imperfectum. Criticorum sudorum notas superius diximus esse, quod antegressis coctionis manifestæ signis appareant, in die critico, vigente natura, ac qui ex toto corpore exeunt calidi, multi, non tamen vires resolventes, atque febrem & symptomata resolventes, aut plurimum minuentes.

Symptomaticum

Symptomaticus vero critico opponitur, quod per modum symptomatici fiat, nunquamque utilis, plerumque cum exitiis signis, mortem præmonstrans, aut saltem morbum fore longum, cum multis recidivis atque non absque labore, & molestia. Hos itaque symptomaticos alias omnes fecimus, tum ceteras alias excretiones, crudo morbo erumpentes, scilicet in tempore, quo nulla signa coctionis manifestæ illuxerint. Tunc enim temporis quamobrem fiat, quod omnis excretio in continuis febribus sit mala, satis accurate in principio proximi libri, cum de prædictione a concoctione, & cruditate, atque ab excretionem scripserimus, demonstravimus. Quamobrem mali omnes sudores

Sudores omnes mali quando apparent

Sudores perniciosi unde cognoscuntur.

A copia multa non judicante morbum

apparent, morbo crudo existente, nulloque manifesto signo coctionis antegresso: in principio ideo sudores apparentes scripsit Hipp. in 2. Epid. b) text. 2. morbum judicatu difficilem significare; quod si hujusmodi sudores, vel tantum in capite, vultu, cervice, aut in collo, aut in thorace spectentur, eo pejores; aut si frigidi sunt, aut exigui, aut statim cessantes, aut multi, assidui, immoderati, pessimi. Sed nunc de pernicialibus a copia vel multa, vel pauca, aut a non sudantibus, agamus. Multi & copiosi sudores vocantur, & qui confertim largissime erumpunt, & qui sunt assidui, & qui & assidui, & copiosi: copiosos sudores Gal. in 3. de sympt. causis cap. 2. dixit fieri, aut propter corporis raritatem, aut propter ejus, quod vacuatur, tenuitatem.

Hi,

a) Pag. 1207. text. 4. b) Sect. I. pag. 994. prope lit. E.

Hi, & qui ob raritatem effluunt, non confertim, sed assidue effluere solent. Quare in febribus multi sudores, si neque propter tenuitatem, neque propter raritatem fiant, (nam hi teste Gal. in 4. Aph. 41. non sunt copiosi,) perpetuo copiam humorum denotant, uti docuit Gal. in lib. 4. Aph. 42. Atque hinc est, quod Hipp. in eodem lib. Aphor. 42. ait: *Sudor multus ex somno sine ulla alia causa eveniens, corpus uti pluri cibo significat; si vero cibum non capienti accadat, evacuatione egere significat.* Multumque sudorem, & Galen. dixit, copiam excrementorum denotare. Hi itaque in febribus conspecti, non judicantes, mali perpetuo propter eam causam erunt, quippe quod multitudinem humorum superandam denotent, pro qua natura longo tempore opus habet, ut concoquere & superare queat; quo fit, ut non raro in acutis morbis, quibus natura brevi exstinguitur, mortem præsagiant. Hinc Hipp. ait in eodem lib. Aph. 42. *Sudor multus, frigidus, calidusve, semper fluent, frigidus graviolem, calidus minorem morbum significat.* Quod, ut Gal. in comment. ait, uterque copiam humorum significet, quippe frigidus frigidorum, qui est pejor, calidus calidorum, qui priore minus est periculosus. Hi enim neque febrem solvunt, neque allevant, crudoque, uti dictum est, morbo erumpunt, ideo longitudinem saltem, recidivas, atque laborem significant: Auctor *Prorrheticorum a)* hos in acutis febribus inutiles vocat, de quibus Hipp. in 1. Epid. b) scripsit: *Sudores multi, his tantum aberat, ut recrearent, ut etiam contra lederent.* Qui vero non copiosi, sed si non copiosi, tamen assidui seu continui sunt, mali etiam existunt, & plerumque exitiales, quando, aut propter corporis meatuum sed assidui. raritatem, aut propter virium imbecillitatem, quippe soluto corporis habitu, quales in syncope exeunt, fiant, ut Gal. cum in lib. 3. sympt. cap. 2. com. 41. tum in 41. lib. 4. Aphor. docuit: *Nam si copiosus sudor non emittatur, poterit & propter virium imbecillitatem, & corporis raritatem accidere &c.* Qui omnes in acutis morbis perniciales existunt, cum na-

O O O 2

tu-

turæ langvorem denotent: pessimi vero, qvi una etiam copiosi sunt, cum & summam virium debilitatem & insignem copiam humorum adesse ostendant. Qvibus inevitabile fatum prædicendum. Qvales in *Erasino*, a) & in *phrenitico* b) Hippoc. vidit, de illo ait: *Habebat hic febrem perpetuo cum sudore.* Et de *phrenitico* ait: *Virulenta vomuit, febris horrida, copiosus sudor, assiduus toto corpore.* Alii ex aliis codicibus legunt, non ut Gal. sed hoc modo, *sudor multus & continuus capitis, & colli, per totum scilicet diem*, cum ii, qvi animo linqvuntur, sudent capite, & cervice. Sed hoc non facit, ut cum Galeno *toto corpore* non debeamus legere; cum cuique Medico notum sit, phreniticos ante mortem toto corpore dum resolvuntur, sudare: atqve ex his colligimus, sudores copiosos in acutis morbis, non judicatorios, non solum inutiles esse, sed plerumqve lethales; omniumqve certissime exitium præmonstrant in foribus, qvi una cum virium langvore fiunt. Perniciosi itidem sunt, assidui, aut simul copiosi, aut etiam non copiosi in iisdem acutis morbis. Pauci quoqve sudores non minus, quam multi, malum prænuntiare solent. Gal. in *lib. 3. de symptom. caus.* cap. 2. scribit, paucos sudores fieri, cum, qvod superfluit, exiguum est, vel glutinosum, & crassum, aut deniqve propter meatuum angustiam, qvi aut conniventia aut obstructionis ergo angustiores redduntur; obstruuntur vero glutinosis, & crassis succis, & meatus cutanei connivent sive contrahuntur, aut propter atrophiam, aut refrigerationem, aut mollietiem. Hi sudores qvippe pauci, si in die decretorio eruperint, proculdubio indicabunt naturæ expellentis conatum irritum, eumqve humores non posse expellere, aut crassitie seu lentore, aut meatibus angustioribus redditis: at ubi meatus adstricti non sunt (qvod cognoscitur, neqve atrophia cutim contractam esse, neqve multum fuisse refrigeratam, neqve admodum mollem, vel obstructos esse meatus) atqve illa ad-

Si assidui
aut simul
copiosi
aut non
copiosi.
Pauci
quinam
mali.

Si in die
decretorio
erumpant.

a) Lib. 1. Epidem. pag. 984. Ægrot. 8. b) Lib. 3. Epidem. Ægr. 4. pag. 1100.

fuerint multitudinis humorum signa, pauci sudores copiam crassorum lentorumque humorum denotabunt; quod si tunc vires perdebiles fuerint, sudores erunt exitiales, quippe exitium demonstrantes, eoque magis, ut dictum est, si nullis conspectis signis coctionis eruperint. Quo tempore omnem excretionem esse symptomaticam, atque humorum multitudinem denotare, alias a nobis est demonstratum. Hujusmodi enim sudores significant naturam coepisse expellere per cutim humores, at nisi tenuiorem ipsorum portionem potuisse; quæ solvendo morbo satis esse nequit. Hujusmodi esse solent, quod, cum coeperint, erumpere statim desinunt. Quos merito Galen. in primo *Prorrheticorum comm.* I. damnavit, dicens: *Sudores quoque, qui coeperunt quidem, sed protinus cessaverunt, pravi sunt.* Quare paucus sudor perpetuo malus. Omnium vero pessimum, ac maxime exitialem, paucum illum sudorem, quem Græci ἐφιδρωσιν appellant, nostri desudationem seu madorum, affirmamus; in ægrotis enim exit aliquando ex toto corpore, plerumque circa caput, cervicem, collum, pectus, & aliquando circa extrema, de quo Gal. in 3. *Prorrh. com.* 33. ita habet: ἐφιδρωσιν, id est desudationem, jam sæpius quidem in hoc scripsit libro, sed nusquam ita lucide cognoscimus, numquid sudores, circa thoracem caputque apparentes, ita appellet, an eos, qui toto emanant corpore, ubi tum pauci, tum nihil conferentes sint: pravum autem utrumque horum est; deterius autem, quod in superis sit partibus: nempe cum omnis desudatio demonstret vel copiam in sudantibus partibus, vel facultatis retentricis imbecillitatem; utrumque eorum, in locis tum thoracis tum capitis fuerit, deterius est signum, quam si in alia quapiam parte fuerit. De illorum, qui copiam humorum ostendunt, iudicio satis nuper diximus. Nos vero perniciales esse affirmamus, cum a prælangvente natura fiunt, vel etiam humidum alimentarium solidarum partium, oppressione, aut resolutione discussum, retinere nequeunt. Distingvunt has desudationes ab iis, quæ multitudine humorum fiunt, quod plerumque circa frontem, cervicem, col-

Sudor ille omnium pessimus desudatio vocatur.

Desudatio quid notat?

Quæ ab imbecillum

litate
oritur
quando
distinguitur
ab ea quæ
a multitudine
humorum.
Sudores
nulli in
morbis
apparentes
quando malum.

lum aut pectus, aut circa extrema effluant, exiguusque sit mador, non augescens, raro calidus, plerumque subfrigidus, pulsus prælangvidi, & alia signa, naturam prælangventem denotantia, una adsint; hujusmodi sunt, quod ab immoderatis vacuationibus fiunt, de quibus in 3. *Prorrhæti. a) text.* 34. legitur: *A profluvio sanguinis e naribus paucus sudor cum refrigeratione, malum.* Sed quid? an non sudare in quibusdam etiam morbis malum est? certe quidem in omnibus morbis, quos judicare sudores Gal. in lib. 3. *de Crisibus* docuit, quippe in febribus omnibus continuis, maximeque in ardentibus, quas judicari absque sudore, aut absque alia proba vacuatione, exindeque febres aut integre tolli, aut ipsas cum symptomate diminui, ægrotosque in melius mutari, infidam esse morbi remissionem, Gal. in 3. *Epidem. comm. I. text.* ostendit, Hipp. in *Aphorism. b)* scribente: *Is, quæ non secundum rationem relevant, non esse habendam fidem.* Quod in *Hermocrate*, c) in *filia Euryanactis Virgine*, d) moribundis vidit; de illo ita habet: *Quartodecimo die a febre erat liber, non sudavit, dormivit omnino, mente constabat. Urinæ eadem, circa diem septimum decimum rediit, insequentibus diebus incaluit, febris erat acuta, urinæ tenues, deliravit: iterum vigesimo die est judicatus a febre liber, non sudavit.* Hujusmodi vero infidas morborum remissiones, sine sudore, aut alia proba vacuatione factas, signa, quæ subsequuntur, mala a fidelibus distingvent, quando fideles optima, & infidas prava sequuntur, cujusmodi fuerunt, quæ in *Hermocrate* post judicium subsequuta sunt. Nam dixit: *Iterum vigesimo die est judicatus a febre liber, non sudavit, perpetuo a cibo horrebat, omnino mente constabat, loqui non valebat, lingua inaruit, non sitiebat, obdormiscebat aliquantisper comatosus.* Atque ita quandoque ex non sudare in febribus ardentibus exitium poterimus animadvertere. Restat, ut idem a sudoribus frigidis perferutemur, cum sæpius in acutis morbis exitiales obser-

ven-

a) Lib. I. text. 126. b) Sect. 2. Aph. 27. c) Lib. 3. Epid. Ægr. 2. p. 1062.

d) Ibid. Ægr. 6. pag. 1073.

ventur. Sed ipsorum inprimis generationem atque causas perspectas habere debemus: quod plurimum claritatis ab hisce sudoribus ratio prædicendi habere possit. Primum ^{Sudores frigidi quid notant & unde.} sudores, quod ex frigida crudaque materia fiant, propterea in febribus continuis crudorum humorum multitudinem ostendunt, ut Gal. in lib. 4. Aph. 42. demonstravit, præsertim ubi copiosius erumpunt. Hos Galen. in 4. Aph. 37. docet, fieri, ubi in vasis humores putrescant, & natura, solidas partes moderans, & regens (quæ secundum Hippoc. est natus calor) vel prorsus exstinguatur, vel proprius ad extinctionem accedat; quæ quidem ex iis evacuantur, frigida sentiuntur; eam vero, quæ fit ex putredine, caliditatem nihil prohibet vehementissimam esse, atque ideo signum est exitiale, ostendens in animali corpore humorum multitudinem superabundare, tantam habentium frigiditatem, ut neque a calore nativo, neque a febrili calefiant. Ex quibus sudores frigidissimos primum multitudinem humorum frigidissimorum ostendere, atque naturam vel exstingvi, vel proprius accedere, ut exstingvatur. At quando istuc, quippe in vasis vehementissimum calorem ex putredine, tum nativum intus retractum; sunt extremorum refrigerationes, cum humore frigidissimo, absque quod in se mutuo agant; quod si agant, necesse erit, aut frigidum sudorem calefieri, aut ab ipso calorem prorsus exstingvi, quod certe observatur, quando, uti habet Gal. in 4. Aphor. 37. si morbis non acutis, sed mitioribus longo tempore calor naturalis non exstinctus ipsum calefaciat, & in vehementi, cito viribus resolutis, prorsus exstinguatur. Hinc merito Hipp. in eodem lib. Aph. 37. dixit: Frigidi sudores cum febre quidem acuta mortem, cum mitiore vero morbi longitudo significat; quippe quod, ut ait Galen. si febris fuerit remissior, poterit homo servari, concocta scilicet longiore tempore humorum multitudine, atque evicta a natura. At acuta febris, & causa est, & signum perniciosissimum: ac causa quidem, quando suapte natura resolvat corpora: signum vero, quia humorum multitudinem ostendit, quæ frigidissima est; quum nec a febrili calore mutetur. Sed forte humores

In mor-
bis acutis
perpetuo
exitium.

ii frigidi, & idcirco ad motum inepti, una cum natura prælangvida, & propius ad extinctionem accedente, quomodo ad cutem ferentur? hac inquam ratione: humor enim a calore febrili aliquatenus calefactus, etsi suapte natura moveri nequeat, fertur ad cutem, in qua, aut adventitio calore suscepto resoluta, rursus frigescit, atque ita frigidus exit. Itaque in morbis acutis perpetuo frigidi sudores exitium ostendunt, quomodocumque erumpant, aut copiosi, aut pauci, aut ex toto corpore, aut ex capite, collo & pectore, aut ab extremis. Cujusmodi fuere ab Hippocrate observati in *Philisco*, a) in *uxore Dromedai*, b) in *muliere*, c) quæ in *foro mendacium* decumbebat, in *Pythione*, d) in quibus moribundis ex toto corpore sudores frigidi profluxerunt. Exitiales etiam sunt pauci frigidi, aut circa caput, aut circa extrema, scilicet manus, & pedes, qui prorsus facultate extinctioni proxima fiunt. De quibus Hippocrates in *Prognosticis* e) merito dixit: *Pessimi vero, qui frigidi sunt, in acutisque morbis mortem, & in mitioribus morbi longitudinem indicant.* Itaque perpetuo frigidi sudores mali existunt. Qvales Hippocrates in postrema constitutione pestilenti vidit, de quibus in *libro tertio Epidemiorum* f) dixit: *Sudores intempestivi, frigidi, multi, perpetuo.* Ipsorum perniciem confirmabunt omnia signa una conspecta, quæ omnia necessario, & præsertim quæ subsequuntur, erunt pernicialia. Cujusmodi fuere quæ in *Philisco*, & in aliis ægrotis, nuper ex Hippocrate propositis, visa sunt. De *Philisco* g) ait: *Quintum sub diem obmutuit, frigida sudavit, extremæ partes livescebant, die sexto ad meridiem est defunctus:* atque de hoc in fine dixit etiam: *Sudores perpetuo frigidi.* Et de *uxore Dromedai*: b) *Sexto die mane superriguit, cito percaluit, toto tempore sudavit, extrema membra frigida, deliravit, spiritus magnus, rarus, pau-*
lo

a) Lib. 1. Epidem. Ægrot. 1. pag. 966. b) Ibid. Ægrot. 11. pag. 987.

c) Lib. 3. Epidem. Ægrot. 12. pag. 1080.

d) Ibidem Ægrot. 3.

pag. 1098. e) Pag. 38. lin. 21.

f) Pag. 1089. lit. E.

g) Vide sub

lit. a, b) Vide sub lit. b.

lo post convulsiones a capite cæperunt, subito obiit. Et de muliere, a) quæ in foro mendacium decumbebat: Septimo superperriguit, febris acuta, sitis ingens, se iactavit, sub vesperum per totum corpus sudavit frigidum, frigus partium extremarum. Ex quibus cuique liquido constabit, sudores frigidos in morbis acutis esse exitiales, perpetuoque mortem præmonstrare; eoque certius id prædici poterit a nobis, si in aliquo dierum criticorum eruperint, atque ipsos si aliquod ex perniciosis lethalibusque signis consequatur. Atque hæc de sudoribus frigidis exitialibus. Nunc eosdem ex partibus corporis, e quibus erumpunt, consideremus. Quemadmodum diximus optimos ac salutares esse, qui ex toto corpore erumpunt, quoniam robustam naturam demonstrant, intusque neque morbo maligno, neque caussis morbificis impeditam, æque ex omnibus partibus humorem excernere; ita e contrario, viscere interno, aut vehementi inflammatione, aut humorum multitudine, oppresso, non æque omnes partes sudant. Sudores itaque, qui non ex toto corpore erumpunt, sed aut ex capite aut thorace, ut docet Hipp. in *Prognosticis*, b) pessimi existunt, in acutisque morbis, vel frigidi, vel calidi sint, mortem significant, in mitioribus longitudinem, recidivas, labores. De quibus Hippoc. in 1. *Epid.* c) ait: *Sudabant semper quidem, sed non ex toto corpore.* Et paulo post d) recenset signa, quibus ardentes febres, vel etiam in principio lethales dignoscebantur, cum dixit: *Paululum in fronte & claviculis exsudabant, sed nemo per totum corpus.* Hinc auctor Prorrheticorum in 2. *Prorrh.* e) text. 26. ait: *Si qui sudantes, & præsertim capite, in acutis paululum implacidi fuerint, malum.* Omnes itaque sudores non ex toto corpore mali sunt, ut qui aut mortem aut longitudinem morbi significant, de quibus Hippoc. merito scripsit: f) *Pessimi* Quinam pessimi. *vero, qui frigidi sunt, & qui circa caput tantummodo eveni-*

P p p

unt,

- a) Lib. 3. *Epid.* Ægr. 12. p. 1080. b) Pag. 38. lin. 21. & seq. c) Sect. 1. p. 940. lit. G. d) Sect. 2. p. 954. lit. E. e) Lib. 1. text. 39. f) *Prognost.* pag. 38. lin. 21.

unt, vultum & cervicem. Hi enim cum acuta febre, mortem: cum mitiore, morbi longitudinem indicant. Verissimum hoc iudicium est, quod Gal. in lib. 2. Prorrh. com. 1. text. 24. docuit: omnis defudatio, id est, sudor circa frontem, vel cervicem, vel collum, vel claviculas, erumpens, aut facultatis re-
tentricis imbecillitatem, aut copiam humorum significat. Et Gal. in 1. Prorrh. com. 1. ait: ob id boni non sunt, quod cum superioribus oriuntur partibus, tum geminam ob causam fiunt; nempe vel ob languentem, vel principio gravatam facultatem. Pessimi etiam, qui in capite & superius fiunt in interna suppuratione atque in phthysi; de quibus Auctor a) Coac. praesag. in 5. lib. sect. 2. text. 49. Qui suppurati fiunt maxime ex pleuritide vel peripneumonia, eos calores comitantur, interdum tenues, noctu vehementes, & nihil memoratu dignum exspuunt, sudantque circa collum & claviculas, & his oculi cavantur, maxillae vero rubent: meritoque in acuta febre mortem significant, cum facultas exstinguatur, priusquam concoquere copiam queat humorum. Exsudantes vero facultate retentrice imbecilla, nequeunte continere humorem, vel etiam alimentarium in partibus solidis, cito a febre plane exitiosi, propiusque exitium esse demonstrant in morbo huiusmodi; si vero etiam frigidi fuerint, eo certius exitium pollicentur, cuiusmodi fuere, qui in Pythione, b) & in muliere, c) quae in foro mendacium decumbebat, die secunda, Metone, d) Aristocrate, e) Pharecide f) moribundis, atque in aliis multis. In morbo vero mitiore, viribus praevalidis existentibus, longitudinem quidem, & non mortem. Cuiusmodi fuere in eo, qui in Dealcis hortu g) decumbebat, de quo Hippocrates: Die quarta de sinistra aliquantum fluxit meri sanguinis. Exsudavit circa caput, & claviculas, lien intumuit, femur e directo doluit. Ex agrotantium vero nulla alia evacuatione sudores mali cognoscunt.

Sudores
illi mali
qui nihil
juvant.

a) Text. 402. b) Lib. 3. Epid. Aegr. 3. pag. 1098. c) Ibid. Aegr. 12. pag. 1080. d) Lib. 7. Epid. text. 47. pag. 1220. e) Ibid. text. 57. pag. 1222. f) Ibid. text. 91. pag. 1230. g) Lib. 3. Epidem. pag. 1066. Aegrot. 3.

ſcuntur, atque etiam plus a læſione, quam a ſudoribus ægro-
 ti ſentiunt. Qui enim a ſudoribus nedum nihil juvantur,
 ſed vel etiam læduntur, hoc eſſe verum ex judicatoriis non
 judicantibus lethale, ſcripſit Gal. in 1. *Prorrh. com.* 35. Hip-
 pocratesque in 1. *Progn. a)* ſtatuit, eos ſudores, qui neque
 febrem ſolvunt, neque faciunt, ut ægri facilius ferant mor-
 bum, eſſe inutiles, atque malos, qui aut longum morbum
 oſtendunt, aut exitialem: & Auctor *Prorrh. b)* lib. 3. text.
 22. dixit: *Sudor multus, ſi in febris acutis fiat, inutilis:*
 quippe quod non ſolvat febrem. Et in 1. *Prorrh. c)* text. 7.
Qui in hypochondrio febre frigerata ardores relinquuntur, tum
alias, tum in ſudoribus mali ſunt: & Gal. in *comm.* Nempe
 non qui per totum corpus ita fiunt ſudores, ſed exigui, quod
 non flammeam illam, quæ hypochondria fatigat, ſolvunt cali-
 ditatem, ob id boni non ſunt. Idem & poſtea in *Prorrh. d)* 2.
 lib. text. 33. *Si in ſudoribus vigiles recaleſcunt, malum:* &
 rurfus in 2. lib. d) text. 32. *Flammans quoque cum ſudore*
facies in his mala. Cum ſudor ſi bonus eſſet, calor faciei
 deberet reſolvi; propterea, cum non reſolvatur, ſudor
 malignitatem oſtendit. Idemque & clarius Hipp. in lib. 4.
Aphor. Aph. 56. Febricanti ſudor ſuperveniens, febre non
deſiciente, malum, prorogatur enim morbus, & plus humidita-
tis in eſſe ſignificat. Qui ſudores in febre acuta mortem, &
 in mitiori longitudinem ſignificant. Mali omnes denique
 exiſtunt, qui aut poſt ſigna mala, aut una cum malis ap-
 parent, aut quos pernicioſa ſeqvuntur. Ex quibus præco-
 gnoſcitur certum exitium, cum ſudor, quem mala ſigna
 ſequantur, ſit ex judicatoriis non judicantibus læthalibus,
 cum nedum juvent, ſed in pejus ægrotos deducant. De
 his vero ſignis pernicioſis, quæ poſt ſudores malos, Hip-
 poc. in 1. *Epid. e)* text. 24. ait: *Sudabant non ex toto corpore,*
extrema frigebant, ut vix calorem reciperent: & Auctor
Prorrheticorum, f) in lib. 3. text. 3. *ex naribus proſtrevium*
ſanguinis, cum ſudore, perfrigeſcentia, maligna pravaque:

Pernici-
 oſi quos
 mala ſi-
 gna ſe-
 quuntur.

P p p 2 &

a) Pag. 38. lin. 20. b) Lib. 1. text. 58. c) Lib. 1. text. 68. d) Ib. text. 67.
 e) Sect. 1. p. 940. lit. G. f) Lib. 1. text. 126.

& paulo post: *) *Qui principio sudant urinis coctis, de-
runturque, & absque judicatione refrigerantur, & celeriter
peruruntur, torpidi item comatosique perniciose habent: & in
Coacis præsagiis: a) Qui ex rigoribus parvis sudoribus refri-
gescunt, malum. Qui sudores fuere ab Hippoc. observati
in Dromedai uxore, b) Euryanactis filia virgine, c) in adole-
scentulo qui decumbebat in foro mendacium, d) in uxore
Theodori, e) Aristocrate, f) atque in uxore Euxenii. g) De
Dromedai uxore, in 1. Epid. text. 28. Sexto superriguit, ci-
to percaluit, toto corpore sudavit, extrema frigida, delira-
vit, spiritus magnus & rarus, paulo post convulsiones a capite
cæperunt. Et de filia Euryanactis in 3. Epid. 1. text. 3. ita
habet: Ab judicatione die septimo riguit, nonnihil incaluit,
sudavit a judicatione octavo, aliquantulum riguit, postea ex-
trema partes semper algebant, circa decimum diem a sudore
quem habuerat, deliravit, confestimque ad mentem rediit. Et
de adolescentulo, qui in foro mendacium decumbebat: Altero
die omnia exacerbata sunt, dejectiones plures intempestiviores,
non dormivit, mente turbatus, aliquantum exsudavit.
Tertio graviter sese jactavit, perplexus erat, deliravit, extre-
ma partes livide & frigida. Et de uxore Theodori: Sudor
a facie fundebat primum exiguus, deinde multus per totum
corpus, & pedes; posthac videbatur ipsi febris remissa, erat au-
tem ad manus frigidius corpus arteriis, quæ vero in temporibus
etiam magis saliebant, & spiritus densior, & delirabat alias,
& omnia in deterius. Et de uxore Euxenii in 7. Epid. text.
46. Sedata est febris cum multo sudore, & refrigerata est,
anhelatio erat varia, mortua est. Pernitiosos itaque esse
omnes sudores, quos sequuntur signa perniciofa, ex iis no-
bis liquido constabit. Sunt itidem perniciosi, qui una cum
pravis symptomatis, & signis exsulant. De his in Coacis
præsagiis: b) *Qui subinde sudant & rigent, lethales. Et
postea:**

*) Ibid. text. 102. a) Text. 40. b) Lib. 1. Epid. Ægr. 11. pag. 987.

c) Lib. 3. Epid. Ægr. 6. pag. 1073. d) Ibid. Ægr. 8. pag. 1076.

e) Lib. 7. Epid. text. 27. pag. 1216. f) Ibid. text. 52. pag. 1222.

g) Ibid. text. 58. pag. 1224. h) Text. 10.

postea : a) *Qui sæpius inhorrescunt, multumque sudant, ægre sanescunt; & b) text. 33. Inquietatio cum sudore, mala. Et c) sanguinis ad diversum latus eruptiones, malæ, ut si, cum lien magnus fuerit, dextra e nare fluat. Cum sudore deterius. Et d) febres cum comate, labore, lucis turbulentia, vigiliis & sudoribus, malignæ. Quæ mala signa habuit una cum sudore Aristocrates, teste Hippoc. in lib. 7. Epidem. e) Eodem modo ii sudores mali existunt, qui post pessima symptomata erumpunt. De quibus Auctor Prorrh. f) ait: Vel post A profluvio sanguinis e naribus paucus sudor, cum refrigerati-
one, malus. Sed dicamus ab omni evacuatione, veluti ex-
empli gratia, ab immoderato sanguinis profluvio, aut a stil-
lis sanguinis in febribus ardentibus, aut ab alvi mala flu-
xione, ac vomitu. Quare sudor sequens mala signa, pes-
simus est, & præsertim, si ea non tollat, vel allevet. Cu-
jusmodi fuit in uxore Olympiadæ, de qua Hippoc. in 7. iii-
dem Epid. g) text. 36. ita habet: Vox non solvebatur, neque
ipsa quicquam allevabatur, oculi tristes, spiritus sublimis, qui
per nares irabebatur, color pravus, sudor circa pedes & cru-
ra, cum jam circa mortem esset. Ac his esto finis prædicti-
onis ex sudoribus.*

C A P. VIII.

De prædictione a vomitibus, & primum de salutaribus.

Quod per vomitus humores expurgentur quandoque be-
ne & quandoque male, idcirco ab ipsis itidem fururos
morborum eventus prænosci, constat; a malis quidem, sym-
ptomaticis vocatis, morborum longitudinem, vel mortem, &
a bonis salutem. Evomunt autem ægroti in morbis acutis, Vomitus
ventriculo, aut copia, aut prava qualitate cibi, aut humoris in mor-
vitiosi contenti, irritato, aut humore quidem ex partibus cir- bis acutis
cumpositis inflammatis, uti hepar est, exsudante, atque ad ex- unde.
cretionem id ipsum membrum movente, aut eodem modo a

P p p 3 toto

- a) Text. 13. b) Text. 53. c) Text. 327. coll. Prorrh. lib. 1. text. 125.
d) Text. 35. coll. Prorrh. lib. 1. text. 74. e) Text. 52. pag. 1222.
f) Lib. 1. text. 126. g) Text. 49. pag. 1221.

Vomi-
tus futu-
ri signa.

toto corpore, & venofi generis cacochoymia, morbo in eunte, aut per incrementa, propter copiam, aut malignitatem humorum exclusio. Quas excretiones *Symptomaticas*, & malas Medici vocant, quod has raro, aut nunquam salus sequatur, atque non nisi multo tempore, multis laboribus, ac recidivis. Demum in acutis morbis itidem ægroti repente, in statu, aut paulo ante statum, scilicet, signis concocti morbi prægressis, copiosius evomunt, atque hanc vomitionem *criticam* vocant, quod ex natura ipsa, morbum superante, atque corpus expurgante, fiat, atque propterea saluberrima sit, tutoque ac cito morbos judicet, atque solvat. Vomitus vero futuri signa Hippoc. in *tertio Prognosticorum a) text 35.* ita tradidit: *Si cui in febre non exitiosa caput doleat, aut etiam caligent oculi, vel ventriculi huic dolor accesserit, biliosa vomitio imminet; sin rigor præterea apprehenderit, & partes subter hypochondrium algeant, adhuc citius vomitio aderit; si vero bibat, edat hoc tempore, perquam cito vomet. Et in 1. lib. Epid. b) At vero quibus totius capitis gravitates, tum autem cordis dolores & fastidia sunt, biliosa post ac pituitosa vomunt.* Gal. vero in *lib. de Crisibus* ait, vomituum signa esse oris ventriculi morsum, simul cum dolore capitis, & vertigines obortas tenebricosas cum agitatione labii inferioris, & multo, tenui, sputo ex ore defluente, & non adesse signa hæmorrhagiæ, vel sudoris, aut alvi fluxus, aut copiosioris urinæ, mensium, vel hæmorrhoidarum. Sed Autor *Coac. Præfagiorum c)* tribus tantum signis vomitus nobis innotescere, statuit hisce verbis: *Quibus autem cibi fastidia sunt, & oris ventriculi morsus, & multum salivæ, his vomitus fit.* In phreniticis solam crebram exspuitionem vomitum præmonstrare Gal. voluit. At hæc signa nobis ad prænosendum vomitum sufficiunt, cum de iis superiori libro longe accuratius, & fufius scripserimus. Nunc ad præcipuum institutum nostrum veniamus, quod est in præsentī capite, iis præmissis, ut bonos, utiles, salutaresque vomitus præmonstremus. In corporibus itaque gracilibus ad vomendum prom-

Vomi-
tus bo-

a) Pag. 45. lin. 54. b) Sect. 2. pag. 948. sub finem. c) Text. 142.

ptis, & in æstate recte corpora per vomitus purgari Hippoc. a) docet, & præsertim in affectibus supra septum transversum. Qua ratione in lib. 4. Aph. 18. ait: *Dolores supra septum transversum purgatione indigere per superiora significant, & eos, qui loca inferiora molestant, per inferiora.* Ex iis vero, quæ per vomitum rejiciuntur, Hippoc. speciatim in libro secundo Prognost. b) text. 38. ita habet: *Vomitio autem utilissima est, quæ pituita ac bile permixta quam maxime est, & non crassa valde neque multa.* Gal. in lib. 4. Aphor. ait, biliosos vomitus a rigore subsequi, bonum; quod ardentis febris causa expurgata fiat solutio: ex quo non omnes perpetuo boni erunt, sed ii tantum, qui critice plurimum biliosorum humorum expurgaverint. At non tantum biliosi, sed pituitosi etiam, si critice expurgentur, humores. In pituitosis enim febribus, pituitosæ vomitiones merito desiderantur, sicuti in ardentibus, biliosæ. Hippoc. in 6. Epid. com. 1. text. 5. c) in renum doloribus, cum pituitæ, tum æruginosi humoris vomitionem laudavit: & Galen. in 3. Aph. convulsis vomitum æruginosum profuisse, scribit, de quo ita habet: *Huic totum est inter vomitum corpus convulsus, & simul ut vacuata est ærugo, protinus febris ipsius, & convulsio cessarunt:* & Hippoc. in lib. de veteri Medicina d) perbelle hanc biliosorum commodam purgationem attigit, ita dicens: *Itaque cum amaritudo quedam diffusa fuerit, quam bilem flavam appellare solemus, quales statim anxietates, & æstus & impotentie occupantur, verum ubi liberi fuerimus ab illa, & purgati aut sponte aut per medicamentum, si modo tempestive quid ipsorum fiat, manifeste & a doloribus & a calore liberamur:* & paulo post. e) *Et quos quidem acuta, acrisque ac æruginosa bilis affligit, quales mox rabies, & morsus viscerum ac pectoris, & desperatio. Non sedantur autem hæc, priusquam eadem expurgetur & prosternatur, & aliis permisceatur.* Ex quibus Critici colligimus omnes vomitiones bonas esse, si per has humores, morborum causæ, probe expurgentur. Dictum est ali-

as

a) Lib. 4. Aphor. 4. & 6. b) Pag. 41. lin. 3. c) Pag. 1146. d) Pag. 16. lin. 16, & seq. e) Ibid, lin. 24.

Qui cum
bonis
evacua-
tionibus
appa-
rent.

as has criticas vocari, quarum notas esse, ut concocto morbo appareant, scil. prægressis coctionis signis, ut in diebus decretoriis fiant, morborumque ideæ convenient, ac omnium maxime, ut morbos symptomataque integre tollant, aut saltem allevent, diminuantque. Quod præceptum recte tradidit Hippoc. in 1. Aph. 2. dicens: *In turbationibus alvi & vomitibus, quæ sponte sunt, si qualia oportet, purgentur, confert, & leviter ferunt, sin minus contra fit.* De quibus criticarum excretionum notis Auctor Coac. præsagiorum a) ita habet: *Qui in febre continua muti jacent, clausis oculis subinde conniventibus, siquidem e naribus sanguis effluxerit, & vomuerint, atque ex eo loquantur, & ad seipsos redeant, servantur.* Addamus salutare quoque esse, quæ una cum bonis evacuationibus apparent; cujusmodi fuit vomitus biliosus, qui die 14. in muliere e trimestri fœtu gravida, b) quæ in littore decumbebat, cum sudore apparuit, quibus integre fuit judicata. Ceterum hi vomitus, qui absque signis perfectæ coctionis fiunt, etsi boni sint, atque morbum allevent, symptomataque diminuant, tamen salutem nonnisi longo tempore futuram, tum multas recidivas prædicant. Cujusmodi fuit, qui in *Epicratis uxore* quintodecimo die apparuit, de qua Hipp. 1. Epid. 3. c) text. 26. dixit: *Quintodecimo vomuit biliosa, flava, subcrebra, sudavit, libera febre. Sub noctem vero febris acuta, urina crassa cum sedimento crasso.* Atque vomitus perniciosi, cujusmodi sunt nigri, synceri, & alii, si in mitiori morbo erumpant, non mortem, sed longitudinem & recidivas præmonstrant, quales in supra dicta ægrotâ die vigesimo vidit Hipp. de quibus scribit. *Circa diem vigesimum, mane aliquantulum superriguit, comatosa, quiete dormivit, vomuit biliosa, pauca, nigra, quæ mulier die tantum quadragesimo, alvi fluxione & vomitu bilioso, fuit judicata.* Eodem modo & *Cleonactides*, die tantum 80. sanitati restitutus, die 24. pessimos habuit vomitus, de quibus Hippoc. d) text. 23. ait: *Circa diem vigesimum quar-*
tum

a) Text. 77. b) Lib. 1. Epid. Ægr. 13. pag. 990. c) Ægr. 5. pag. 979.

d) Lib. 1 Epid. Ægr. 6. pag. 982.

tum extremas manus dolor affecit, vomuit flava, biliosa, subcrebra: & paulo post virulenta. Cuncta remissa sunt. Hi vomitus, cum urinæ aliqualem coctionem ostenderent (quod tenues essent, sed non decolores, quippe boni coloris; quod maximum esse signum in iis, qui humorum copia laborant, ad salutem, docuit Gal. in 3. *Epid. com. 3. in text. 5.* cum *virginis Abderæ* casum commentaretur) atque cum morbum & symptomata allevarent, merito salutare fuerant judicandi, atque fecisse quidem crisin salutarem, sed imperfectam. Ex quo longo tantum tempore salutem futuram prænuntiarent. Quare in acutis morbis vomitus omnes, ^{Qui morbum allevant.} morbum allevantes, facientesque, ut ægri morbum facilius ferant, salutare erunt. Sed non boni suapte natura, quales sunt synceri, æruginosi, nigri, fœtidi, virulenti, pauci, vericolores, in morbo mitiori, ac morbo non omnino crudo, morbum sane longum esse, vel exitialem, vel recidivas, laboresque prænuntiant. Hippoc. in lib. 6. *Aphor. 15.* ait: *A longo alvi profluvio spontaneus vomitus superveniens morbum solvit.* Et in 1. *Epid. a)* Vomitus biliosum in muliere biliosa, cui menses minore quam par est copia fiant, bonum esse statuit. Atque hi vomitus boni, salutareque, existunt.

C A P. IX.

De vomitibus exitiosis, mortem præmonstrantibus.

Vomitum mali, exitium præsagientes, apparent in principio morbi, aut paulo post principium, quippe aut nullis signis coctionis, aut obscuris sane observatis. Tunc enim, ^{Vomitum pravi in principio morborum, & a signis cruditis innotescent.} ut dictum est, natura nihil recte excernit, juxta *b)* illud *decrementia in melius non statim apparent.* Quare vomituum exitialium natura, primum in principio morborum, & a signis cruditatis, nobis innotescet.

Q q q

Se-

a) An Sect. 2. pag. 949. lin. 3? b) Lib. 2. Epidem. sect. 1. pag. 998. sub lit. D.

Ex im-
modica
ipforum
copia
prava &
nihil ju-
vante.

Secundo immodica ipforum copia, vires resolvens, pravam excretionem denotabit, ac multa etiam per vomitum excreta, si non juvant in morbo vehementi, exitium prædicent; & certius, si una cum aliis perniciosis signis illuxerint; omniumque certissime, si suapte exitialia sint, cujusmodi porracea, livida, æruginosa, nigra, verficolora, virulenta, foetida, & meraca: de quibus sigillatim nobis est agendum. Hippocrat. ea descripsit, qualia in *Phrenitico*, a) muliere, quæ in foro mendacium, b) & in filio Hegotori-

Vomitum
pauci in
morbis
acutis
pravi.

da c) ante mortem fuere observata. Pauca vero per vomitum excerni in morbis acutis, unum quoddam ex signis est, ut Gal. docet in 2. *Prorrh. text.* 47. quæ ex toto pravitatem habent. Nihil etenim eorum, quæ decretoria sunt, exigue secerni convenit; sed quæ ita vacuantur, omnia, duorum alterum subeunt: nam vel, quod non queant tolerari ob copiam, ab affectis effunduntur partibus; vel imbecillitatem ostendunt naturæ, quæ proponit quidem superflua excernere, sed nequit. Ex quibus paucos vomitus unum esse ex judicatoriis non judicantibus liquido constat, perpetuoque difficilis judicii, & plerumque lethalibus, si præsertim suapte natura ii mali sint, nihilque nedum non juvent, sed quinimo magis lædant, ab ipsisque ægri in deterius abeant. Synceri quoque, seu meri, seu impermixti, in acutis morbis pessimi existunt, quod humor syncerus nedum crudus sit, sed incoctilis, quippe qui excludit tum actum coctionis, tum potestatem: Hippoc. d) *ἀγνρον* vocat humorem omnem mistionis expertem, vel omne excrementum fervidum & crudum, quod suo sero dilutum non est. Cujus generatio, vel partis alicujus vitio fit, vel fervore & incendio febrili exhausta aquosa & serosa parte. Hic itaque in acuta febre magnum intus incendium latere ostendit, plerumque a natura nostra invincibile. Cum signis vero aliis malis exitialis hæc vomitio erit. Hinc auctor *Prorrh.* e)

in

a) Lib. 3. *Epidem. Ægrot.* 4. pag. 1100. b) Ibid. *Ægrot.* 12. pag. 1080.

c) Lib. 7. *Epidem. text.* 61. pag. 1225. d) *Prognost.* pag. 41. lin. 6.

e) Lib. 1. *text.* 62.

in 2. *Prorrh. text.* 28. ait: *Vomitus synceri, anxiosi, mali.* Et Hippoc. ait: a) *Synceriores deteriores.* Sed ipsum audiamus de malis vomitibus ex colore, ita scribentem, b) in *text.* 40. *Si vero vomitio fuerit porracea, aut livida, nigra, quicumque ex his fuerit color, malum esse censendum est.* Si vero idem homo omnes vomit colores, exitiale admodum jam est. *Ocyssimam vero abolitionem indicat vomitio livida, si grave olet.* Hæc omnia hisce coloribus per vomitum reddita, pessima existunt; licet porracea, æruginosa, livida, nigra, fœtida, quandoque critice excerni possint: sed hæc non nisi morbo concocto, scilicet in statu aut decremento redduntur, atque hoc certe habebunt, quod febrem aut integre solvent, aut ipsam & symptomata allevabunt. Sed hoc rarum est, ut hujusmodi excrementa critice excernantur. Quare ut dictum est in vehementi febre continua, nondum coctionis signis conspectis, certissima mortis signa erunt. Sed diversi coloris vomitiones esse suapte natura peiores constat, quod ut Galen. docet, plures diversosque pravos affectus intus affligere denotent, ex quo Auctor *Prorrh. c)* in 2. *lib. text.* 25. ait: *Vomitus cum varietate mali sunt, tum alias, tum si propius inter se prodeant.* Id est, sicuti Galen. habet, non multo post sese consquantur. Virulenti quoque sive æruginosi eadem sane ratione in acutis morbis exitiales existunt, omniumque maxime in phreniticis, quod signent cerebrum inflammatione ex bile usta, nempe mortifera, laborare. De iis Hippocr. merito *1. Epid. d)* *com. 2. text.* 54. dixit: *Phreniticis convulsiones, sed virulenta vomunt, & ex his quidam subito moriuntur.* Quæ in phrenitico prima die fuisse reddita, in *lib. 3. e)* *comm. 3. text.* 75. scripsit. De quo itidem ait: *Phreniticus primo die, quo decubuit, virulenta vomuit, & multa & tenuia, febris horrida.* A malis etiam exitialibusque signis æruginosos vomitus, quos & virulentos dici posse putamus, conspici & apparere, certam salutis desperationem significare affirmamus.

Q q q 2

firma-

- a) Prognost. pag. 41. lin. 6. b) Loco lit. f. citato. c) Lib. 1. text. 60. d) Text. 2. p. 948. lit. H. e) Epid. p. 1100. Ægr. 4.

Quid in
Phreni-
ticiis si-
gnificant

Vomiti-
ones feti-
dæ gra-
veolen-
tes pes-
simæ.

Bilioſæ
flavæ,
croceæ
porrace-
æ cum
malis fi-
gnis ex-
itiales.

firmamus; quando ubi signa lethalia, prodant se & alia le-
thalia, omnino desperandum. Hujusmodi vomitus cum
capitis doloribus, vigiliis, aut surditatibus, quæ signa in-
flammationem capitis testantur, vehementem insaniam si-
gnificare, ita auctor *Prorrhetic. a)* expreſſit: *Qui in capitis
doloribus æruginosos vomitus habent, vigilantque cum surdita-
te, cito hi vehementer insaniunt.* Ex quibus colligamus, hos
vomitus in phreniticis tria ostendere, primo morbi exitio-
si celeritatem, insaniam, melancholiam cum ferocitate, cum
ex hoc humore ferinæ desipientiæ concitentur; atque de-
mum mortem cum convulsione. Cum ut alias docuimus,
harum desipientiarum, propter insignem siccitatem, ab in-
signi calore, proprium sit, ut in tremores & convulsiones
desinant. His non videntur fœtidæ vomitiones minus
periculum significare, mortemque certissimam, suapte na-
tura pessimæ, si grave oleant. Hippoc. propterea dixit: *b)*
*Ocyssimam abolitionem seu mortem indicare vomitionem livi-
dam, si grave oleat. Atque omnes subputres ac fœtidi odores
in omnibus vomitionibus mali sunt. Mulier, c)* quæ in foro
mendacium decumbebat, ante mortem vomuit nigra, gra-
veolentia. Bilioſæ vero scilicet flavæ, croceæ, porraceæ
omnes vomitiones cum malis signis, aut quæ mala sequun-
tur, pessimæ sunt, exitialesque, a quibus ægri læduntur, at-
que in deterius abeunt; ex judicatorium, non judicans, ju-
dicii difficilis, atque hæc læthale judicium ostendunt, eoque
certius exitium ostendent, si suapte natura malignæ sint.
De iis auctor *Prorrheticor. d)* in 2. *Prorrhet. text. 28.* ita ha-
bet: *Vomitiones sincere, implacide, malæ &c. e)* *Nigra
revomentes, cibos fastidentes, deliros, in pube parum dolen-
tes, quibus oculus ferox claususque, purgare non oportet, per-
niciosum enim.* Et paulo post: *f)* *text. 36. Si vomitus exi-
gui biliosique fuerint, malum, tum alias, tum si egroti su-
pervigilaverint; narisque in iis stillans, malum. Cujusmo-
di*

a) Lib. 1. text. 10. b) Prognost. pag. 41. lin. 10. c) Lib. 3. Epid.
Ægrot. 12. pag. 1080. d) Lib. 1. text. 62. e) Ibidem text. 71.
f) Ibid. text. 79.

di vidit Hippoc. in muliere, quæ in foro mendacium decumbebat. De qua a) text. 47. dixit: *Duodecimo vomuit multa nigra, fætida, singultus multus, sitis laboriosa: & decimotertio nigra virulenta vomuit, rigor, circa meridiem muta.* Demum vomitiones omnes non juvantes malæ sunt, pessimæ, quæ ægrotos in deterius mutant, tametsi suapte natura malignæ non sint. De quibus in præcitata muliere ita habet: *octava circa meridiem calor rediit, sitibunda, comatosa, fastidiosa, vomuit biliosa pauca subflava, nocte graviter se habuit, nihil quievit, multum affatim inscia minxit.* Debebat enim a biliosa vomitione, si bona fuisset, quiescere, meliusque se habere; veluti etiam a vomitu noni diei decimo febris cum malis signis fuit exacerbata, atque itidem a vomitu virulento & bilioso, quem die undecimo habuit, riguit, extrema frixerunt & postea sudavit frigidum, atque cum tunc multum etiam vomuerit, noctem tamen gravem habuit. Qui omnes vomitus lethales fuerant; tum quod in vehementi morbo apparuerint; tum quod signa alia mala una illuxerint; tum etiam quod ipsa ægrotata mulier in deterius fuerit mutata, quod est omnium excretionum non conferentium & pessimarum signum proprium. In vulne-Biliosæ
ratis quoque capite vomitus biliosi mali existunt, ex ipso in capitis
Hipp. qui in lib. 6. Aph. text. 50. ita habet: *Quibuscunque vulneribus ma-*
præciditur cerebrum, his necesse est febrem, & bilis vomitum
supervenire. Perniciosissimos quoque esse vomitus in ileo, læ.
in lib. 7. Aph. 10. ita legitur: Ab ileo vomitus, singultus,
desipientia, vel convulsio, malum. Galenus vero in Comm.
ait: *In ileis nihil descendit ad inferiora, & hoc est proprium*
inseparabile passionis. Vomitus autem non semper adest, sed
quando exitiales sunt, & si vehementius distorqueantur, ster-
cus eis adscendit, atque singultiunt. Et in lib. 6. de locis Af-
fect. cap. 2. Nullum, qui stercus vomuerit, fuisse salvatum
memoriæ prodidit. Atque hæ sunt vomitiones, in acutis
morbis suspectæ, quippe immoderatæ, paucæ, flavæ, ru-
bræ, porraceæ, aruginosæ, lividæ, nigra, graveolentes,

Q q q 3

syn-

a) Lib. 3. Epid. Ægr. 12. pag. 1080.

syncera, diversicolores, quæ in morborum principiis, minimeque coctionis signis antegressis, apparent, & plerumque exitiales; quod si vehemens sit morbus, aliaque mala signa illuceant, aut præcesserint, aut subsequantur, procul dubio interitum præmonstrabunt, exque præsertim, quæ nedum ægrotos nihil juvarunt, at quinimo in deterius, ut dictum est, ipsos mutarunt.

C A P. X.

De alvi defectionibus, & primo de iis, quæ salutem prænuntiant.

De alvi itidem defectionibus, cum bonis tam malis, quippe ægrotis salutem atque exitium præmonstrantibus, acturi, a salutaribus exordiamur. Quarum nomine bonas omnes alvi defectiones intelligimus, quibus Medici salutem in ægrotis futuram conjiciunt. Harum itaque natura, vel bona vel mala sit, nobis primo ex coctione & cruditate elucescet; secundo ex tempore, in quo apparent; tertio ex ipsarum substantia; quarto ex copia, & paucitate; quinto ex tempore, quo perseverant, aut cessant; sexto ab utilitate & facili tolerantia; demum a signis, aut bonis, aut malis, a quibus capiunt certitudinem. At de bonis modo agamus, quæ bifariam salutem indicare possunt, uno modo coctionis ratione, quatenus indicant sanitatem cum ventris inferioris, quo Galen. *in 2. Prognostic. com.* 13. stomachum intestinaque intelligit, tum etiam aliarum proximarum partium, veluti jecoris, & lienis: optimam enim defectionem, quæ est, ex Hippocrate *in 2. Prognost. a)* 13. *mollis, constansque, eoque tempore secreta, quo secundum valetudinem assuevit, atque copia ex ratione ingesti cibi,* Hippocrat. *significare ventrem inferiorem recte valere,* statuit. Altero modo humorum ex visceribus, in ipsum ventrem decumbentium, ratione; quomodo Galen. ait, optimam defectionem nedum indicare ventrem inferiorem recte valere, sed nihil ex hepate aut liene

Alvi defectiones quænam bonæ.

Bifariam salutem indicare possunt.

in ipsum decumbere, quod exinde decumbentibus humoribus coctionis optimæ cum color, tum substantia vitetur. Utroque modo Medici ex dejectione perscrutantur: primo in morbis ventriculi, intestinorum: quorum statum primario faeces, seu dejectiones, significare, Galen. in 1. lib. de Crisibus cap. 7. tradidit: ex optima dejectione, quæ, uti dictum est, & mollis excernitur, constans, eo tempore, quo secunda valetudine assuevit, ea copia, quæ cibis ingestis respondet, atque, ut addidit Galen. colore subrufa sit, neque admodum graveoleat. Quæ vero vel hisce omnibus, aut aliquibus, notis caret, mala erit; quippe quæ aut dura, aspera, liquida, coloratior, copiosior, aut paucior, quam ex ingestis cibis par est, inæqualis, graveolens, aut spumans, aut quæ neque tempore excernatur, quo secunda valetudine assuevit. Ceterum si ægroti ad salutem tendant, ab eo statu in optimum (quem concoctionem appellant) permutatur. Ex quo merito Hippoc. in eodem lib. a) text. 17. dixit: *Corpulenta reddatur dejectio morbo eunte in judicationem. Et in lib. 2. Aphor. 14. In profluvii alvi mutationes excrementorum juvant, nisi mala mutatio fiat.* Ex humorum vero, ad ventrem decumbentium, excretionem longe certius eventus morborum perscrutamur. Quos affectus Hippoc. vocat, abscessus, dysenterias, tenesmodes, alvi fluxiones, alvi turbationes. De his in 1. Epidem. b) comment. 1. text. 33. *Plurimis erat alvus turbata, sine molestia tamen, & prope nihil offendeat.* Et postea: c) *Erant qui sexto die morbo regio afficerentur, sed his purgatio profuit per vesicam, vel turbata alvus.* De dysenteriis etiam: d) *Senioribus vero ad morbos regio, aut turbatas alvos, aut dysenterias res devenit, ut Bioni, qui apud Silenum decumbebat, &c.* e) *At multi alii, qui judicati erant, ad dysenteriam deveniebant, ut Xenophanes & Critias.* Et in eo statu pestilenti quosdam servatos, ita dixit: f) *At vero in hoc statu*

a) Prognost. pag. 40. lin. 8. b) Sect. 1. pag. 940. lin. 4. c) Sect. 2. pag. 951. lit. F. d) Ibid. sub lit. G. e) Ibid. pag. 953. lit. D. f) Ibid. p. 955. lit. E.

Critice
quomo-
do co-
gnoscu-
tur.

*statu, quatuor his precipue signis, servabantur. Quibus enim aut ex naribus probe sanguis erupisset; aut qui per vescam urinas multas, & multo bonoque præditas sedimento, reddidisset; aut per ventrem turbida, biliosa, tempestive; aut qui in dysenteriam incidissent. Quare multi sunt, qui alvi turbationibus, aut pituitosis, aut biliosis, aut dysentericis, fuere judicati. De Clazomenio Hippoc. scribit in Epidem. *) comment. 3. text. 57. Die trigesimo venter fluebat multis aquosis excrementis, ac qualia esse in dysenteria solent. Et de illo, qui in Dealcis horto: a) Quadragesimo alvus pituitosa, alba, subcrebra dejecit, multum toto corpore sudavit. Et de Heropyto: b) Circa diem centesimum alvus fuit turbata multis biliosis, durabantque diu multa talia, deinde dysenterica cum dolore. Ceterum cognoscemus has, simulque alias optimas criticasque esse purgationes, quod una cum signis manifestæ coctionis, in die decretorio, in morbi vigore seu statu, apparere incipiant, vel sint liquidæ, flavæ crocæ, rufæ, lividæ nigræ. Hæ in principio morbi, absque signis coctionis erumpentes, exitiales sunt, cum signis vero coctionis, critica ac salutes existunt. Galen. in lib. 4. Aphorism. 21. in quadam longa pestilentia scribit, se vidisse dejectiones liquidas primo flavas, rufas, mox nigras, veluti sanguinis fœcem, tam in iis, qui exitio proximi erant, quam in aliis servandis: in his, ait, has dejectiones ad morbos in vigore consistentes, sæpius natura superfluitates expurgante, secutas esse, atque in illis in principio aut incremento. De quibus in sequentis aphorismi commentario ita habet: Quando igitur post morbi coctionem aliquis humor vitiosus excernitur, tunc corpus a natura expurgatur, & propter hoc atra bilis & alius omnis humor hujusmodi, ubi signa coctionis in morbi processu apparuerint, bonam significant evacuationem: Si vero aliter excernatur, sine signis coctionis, exitialis est casus. Cujusque itaque coloris, licet eo perniciosæ videantur, cum signis coctionis, in statu, critice apparent, salu-*

*) Lib. 1. Epid. Ægr. 10. p. 985. a) Lib. 3. Epid. Ægr. 3. p. 1066.

b) Ibid. Ægr. 9. p. 1106.

lutem prænuntiant. Quod ab Hippocrate didicit, qui idem in lib. 4. Aphor. 47. hisce verbis expressit, dicens: Excretiones in febribus non intermittentibus livide, cruentæ, fætide & biliosæ, omnes malæ: & si bene exeunt sive per alvi excretionem, sive per urinas, bonæ. De quibus Auctor Coac. præfag. c) ita habet: Qui comate pressi, fracti, obsurduerunt, erumpente alvo rubra deficiunt circa crisin, idque juvat. Ex quantitate quoque copiosiores, quæ diu durant. Proinde Hippoc. in Epid. d) scribit, ad dysenterias, turbatas alvos, multos devenisse, ipsisque judicatos fuisse. Sic Heropytus e) fuit judicatus, de quo merito dixit: Circa centesimum alvus fuit turbata multis biliosis, durabantque diu multa talia dysenterica cum dolore, reliqua levia. Quinimo plures cognovi, qui biliosis, porraceis, ac croceis dejectionibus, cum urinis concoctis, paulatim, assidue, multos dies, deicientes fuere servati. Hæque dejectiones in salutaribus morbis, in quibus nulla perniciosa signa apparent, plerumque una cum hæmorrhagia bona, aut copioso bono sudore, aut aliquo alio simili signo, apparent: duo vero signa Hippoc. in 1. Aphor. 2. tradidit, quibus bonas Medici co-

Dejectio-
nes bo-
næ unde
cogno-
scuntur.

gnoscunt dejectiones, nimirum, quæ vacuationis ratione considerantur, atque utiles sunt, quippe si ægroti has facile ferant, & ipsis recte conferant. Ex quo optimæ aut febres, symptomataque integre solvunt, aut allevant. De quibus Hippocr. in 4. Aphor. 28. Quibus biliosæ dejectiones, superveniente surditate cessat, & quibus surditas, supervenientibus biliosis dejectionibus cessat. Et: f) Lippientem alvi profluvio corripit, bonum. Et: g) Lienosis difficultas intestinorum superveniens, bonum. Et in libro septimo, Aph. 29. Si a Leucophlegmatia detento fortis diarrhæa superveniat, morbum solvit. Sed hæc ad cognoscendas optimas salutareshue alvi dejectiones dicta sufficiant. Nunc de malis agamus.

R r r C A P.

- c) Text. 182. d) Lib. 1. sect. 2. pag. 953. lit. D. e) Lib. 3. Epid. Ægr. 9. p. 1106. f) Lib. 6. Aph. 17. g) Ibid. Aph. 48.

CAP. XI.

De malis alvi defectionibus, quæ exitium ægrotis prænuntiant.

Alvi defectiones malæ unde cognoscuntur.

Alvi quoque malæ exitialesque defectiones, ægris exitium præmonstrantes penes suam substantiam, quantitatem, colorem, odorem, modum excretionis, tempus in quo apparent, mutationem, signa alia antegressa, aut una conspecta, aut defectiones secuta, atque demum ægrotantium tolerantiam atque utilitatem, cognoscuntur. Penes enim *substantiam* complures defectionum differentiarum existunt, quippe duræ, asperæ, liquidæ, viscosæ, aquosæ, pingues, spumantes, mixtæ cum suo ichore, & synceræ, atque colliquativæ vocatæ. Penes *quantitatem*, immoderate fluentes, pauciores, statim cessantes, suppressæ. Penes *colorem* albæ, biliosæ, flavæ, crocæ, rufæ, virides, porraceæ, lividæ, cruentæ, nigræ, versicolores. Penes *odorem*, admodum foetentes, & non ita foetentes. Penes *modum excretionis*, sunt lientericæ, diarrhææ, dysentericæ, tenesmi: & juxta *tempus* in quo apparent, quædam in principio, nullis manifeste coctionis signis conspectis, quædam in augmento. Penes *mutationem* quoque ipsarum, quæ mutantur in deterius, substantia, quantitate, colore, & odore. Ex *signis* vero malis aut antegressis, aut una cum ipsis, aut postea apparentibus, defectiones lethales dignoscantur. Demum penes *tolerantiam* ex malæ dicuntur, quas ægri difficulter ferunt, nihilque juvantur, aut ab ipsis in deterius repunt. Itaque ut ex ipsis certum futuri eventus judicium prænosceretur fiat, merito de iis singulis differentiis accuratius agendum duximus, a duris asperisque, mollibus, & liquidis inchoantes. De duris Auctor Prorrheticorum in 1. Prorrh. a) 6. ita habet: *Si intercepta alvus, parva, nigra & in spiras circumducta ad necessitatem laxaverit, & per nares eruptio fiat, malum.* Galen. *αρεαδωδῆ*, id est, in spiras voluta alvi excrementa, ait, fieri, & quod plusculo tempore retineantur, & propter copiam igneæ, caliditatis, quæ, si etiam nigra spectentur, flagrantem ac arden-

Ab harum substantia si duræ.

dentem, circa medium corporis, affectionem esse declarant, quod maligni morbi est signum, qui si vehemens quoque sit, aliudque illuxerit ex pravis signis, exitiales proculdubio fæces erunt. Liquidæ vero aliquando ex humido tempe-^{Si liqui-}ramento, ætate puerili, humida constitutione temporis, ^{dx.} cibis humidis aut stomachi cruditate, aut, ut Gal. vult, ubi humidum alimentum ex ventriculo ad jecur non deducitur, aut quoties ex jecore vel liene aliquid in ventrem liquidum defluerit, seu ubi jecur, aut lien, aut totum corpus per jecur expurgatur. Ex liquidis *aquosam* Hippoc. *) esse malam statuit, quod, ut Galen. ait, hujusmodi dejectionis cruditatis sit signum. Hæ dejectiones perpetuo malæ sunt, lethalesque in biliosis vehementibusque morbis, si una urinæ non bonæ appareant; veluti in mitioribus morbis, in quibus nullum perniciosum signum illuxerit, crudorum humorum multitudinem tantum significant, non nisi longo tempore a natura alterandam. Pingues vero, sive ^{Pingues} opimæ dejectiones in acutis morbis, ut Galen. docet, in 2. ^{sive opi-} *Prognost. tex. 22.* dejiuntur, quoties pingvedo ab igneo ^{mx.} calore absumitur; at ubi etiam viscosæ sint, significant, nedum pingvedinem colliquari, sed etiam animalis solidas partes; hisce tabescentibus redduntur pingves, viscosæ, albæ, paucæ & graveolentes, quibus notis ab his, quæ a cibis tales egeruntur, distinguuntur: hæ enim copiosiores sunt atque non semper albæ; a colliquatione factæ sunt albæ, aliquando subcrocæ, paucæ, graveolentes, quippe pingues, viscidæ, paucæ, albæ, aut subcrocæ, graveolentes, quibus notis distinguuntur a cibis pingvibus & lentis factæ, & a pituitosis multo calore viscidæ redditæ: graveolentia enim colliquationis signum esse, Gal. docuit. De quibus Hipp. *in eodem lib. Prognostic. a) Si exigua, glutinosa, candida, subcrocea, levisque sit, mala est.* Hæ vero perpetuo malæ existunt, cum pessimum sit, partes corporis contabescere, pingvedinemque profundi, quæ in acutis morbis magni incendii sunt indicia, & certi exitii, si aliquid ex pravis signis

Rrr 2

illu-

* Prognost. pag. 40. lin. 12. a) Id. lin. 14.

illuxerit, atque ut dictum est, si morbus magnus vehemens-
que fuerit; veluti in mitiori morbo longitudinem pro ex-
itio præmonstrabunt. Cujusmodi in eo, qui in *Dealcis hor-
to* decumbebat, Hipp. vidit, de quo ait: *a) Sexto fuisse ni-
gras, pingues spumosas, viscosas, graveolentes*, qui die tan-
tum quadragesimo fuit judicatus. Sed has non a colliqua-
tione solidarum partium factas fuisse, sed a pingvedine, &
ab humoribus viscidis putrefactis, quando ex multæ fue-
rint. Quæ vero etiam solida partium substantia tabescen-
te fiunt, prorsus exitiales existunt, atque hæ synceræ etiam
sive meræ rejiciuntur. Quas Hipp. *b)* de *Sileno* locutus, ita
meminit: *Quinto die dejectiones fuisse meras, biliosas, leves,*
perquam pingues. Sinceræ quoque dejectiones in morbis
acutis merito damnantur, quod intus vehementissimum
calorem, quo humorum ichores exhauriuntur, & consu-
muntur, vigere, *Galeno* auctore, indicent. Ex quo Auctor
Prorrheticorum c) in 3. *Prorrh.* 16. merito dixit: *Dejecti-
ones in synceras seu meras desinentes, malum exacerbare;* ac
ut Gal. placuit, pejorem morbum reddere, quales habuit
Silenus d) quinta die, *uxor Phylini e)* sexta, *Euryanactis fi-
lia f)* duodecima, *uxor Hermoptolemi g)* quinta, *Parius h)*
septima, Pythion i) atque alii. Eodem modo damnantur
spumosæ, quod hæ aut caloris incendium, quo excremen-
ta fervescentia spumam contrahunt, uti in lebeate præ co-
pia caloris fit, indicent, aut flatuosum spiritum humori
commistum, ut in spumis maris, incurrentibus ventis, spe-
ctatur; illæ caloris colliquantis corpus, & hæ inæqualis per-
turbationis sunt effectus, ex quo Auctor *Prorrheticor. k)*
in 2. *Prorrh.* text. 19. admodum spumosas alvi dejectiones
malas vocat, & merito, quod aut colliquationem, aut in-
æqua-

Si synceræ.

Si spumosa.

- a)* Lib. 3. *Epidem. Ægrot.* 3. pag. 1066. *b)* Lib. 1. *Epidem. Ægrot.* 2. pag. 969. *c)* Lib. 1. text. 111. *d)* Vide ejus historiam lib. 1. *Epid. Ægrot.* 2. pag. 969. *e)* Ibid. *Ægrot.* 4. pag. 976. *f)* Lib. 3. *Epidem. Ægrot.* 6. pag. 1073. *g)* Lib. 7. *Epidem.* text. 13. pag. 1212. *h)* Lib. 3. *Epidem. Ægrot.* 1. pag. 1093. *i)* Ibid. *Ægrot.* 3. pag. 1098. *k)* Lib. 1. text. 53.

æqualitatem significant. Pejores vero sunt, quæ caloris incendium colliquans denotant: has cognosces ex acuta febre, atque ab excrementis calidioribus spumosis reddititis, atque etiam quod synceræ spectentur. De quibus legitur in Prorrhēt. a) *In biliosis syncerisque dejectionibus spumosa efflorescentia, mala, &c.* b) *Dejectiones, in spumosas syncerasque desinentes exacerbant, seu morbum, ut ait Gal. pejorem reddunt: &c* c) *in 2. libro: In acutis biliosis spumosa, male: & in Coacis præsagiis d) recte hæc ita exprimuntur: In acutis spumans dejectio valde biliosa, malum.* Et postea: e) *Quæ in spumosas, meracas, desinunt dejectiones, gravio-rem morbum commovent.* Quæ etiam spumosa ex spiritus flatuosi commistione fiunt, malæ existunt, quod in excrementis cruditate præmonstrent. Ex quantitate itidem ^{Ex quan-} tum immoderata, tum paucæ damnantur: ex enim vires ^{titate si} resolvunt, naturamque prosternunt, ut in ^{immode-} secundo Prognosticorum f) Hippocrat. ita habet: *At si universim & sæpe* ^{rata.} *dejiatur, periculum dejectionis animæ imminet.* Quod & Auctor Coacorum præsup. g) ita expressit: *Liquida dejectio & confertim simul effluens, & paulatim, mala; altera enim vigilias, & altera exsolutionem, invehit.* Hinc in Aphorismis h) scriptum est: *A superflua purgatione convulsio, aut singultus superveniens, malum.* Paucas itidem, ut alias a ^{Si pauci-} nobis demonstratum est, omnes excretiones inutiles esse, ^{ores.} tum quod vel non sufficiant ad morbi causam tollendam, multitudinemque humorum notent, in vehementi morbo plerumque lethalem; aut quod virtutem prælangvidam significant, quæ noxios humores excernere tentaverit, & non potuerit: atque hoc est, quod in pestilenti prima constitutione Hippocr. observavit, de quo in 1. Epid. i) comment. 2. text. ita habet: *His succedebant abscessus, id est, dejectiones ex Galeno, aut majores, quam, ut ferri possent, aut minores, quam ut prodesse quicquam. Sed statim redierunt,*

Rrr 3

a) Lib. 1. text. 21. b) Ibid. text. 50. c) Ibid. text. 53. d) Text. 602.
 e) Text. 613. f) Pag. 40. lin. 4. g) Text. 609. h) Lib. 5. Aph. 4.
 i) Sect. 2. p. 946. sub lit. G.

& deteriores evaserunt. Tertio, ut dictum est, qui statim, ubi coeperint, desierunt, pravæ sunt, & in acutis morbis exitiales. De his Hippocr. in *Epidemiis* a) text. 57. *Ventres etsi forte humecti essent, statim maligno modo sistebantur*: & enumerans symptomata & signa ardentium, quæ exitium statim principio annuntiabant, ait: b) *alvi sistebantur*. Hinc Diarrhœas ac dysenterias supprimi, non est tutum. Alio enim pravi humores converli noxas eximias inferre solent, atque in acutis morbis mortem. Quod Auctor *Coacorum præfagiorum* c) nos monuit in 6. *Coac. præfag. sect. 2. text. 41.* dicens: *Dysenteria subrubra, limosa, larga excrementa alvi flammeis valde rubicundis coloribus soluta, insanie timorem inducunt*. Atque ita ex quantitate malas alvi dejectiones cognoscemus; veluti ex colore, albæ, biliosæ, flavæ, crocæ, seu vitellinæ vocatæ, rufæ, cruentæ, aquosæ, virides, æruginosæ, lividæ, nigrae, atque multorum colorum versicolores vocatæ, in acutis morbis pravæ omnes, ni critice fuerint excretæ, uti superiori capite docuimus, existunt.

Si Albæ. Albæ enim dejectiones fiunt, aut ex cibis ingestis, quippe pane puro, lacte, ptisana, lupinis, alica, amygdalis, galactæ & aliis; aut, ut Galen. docet in 1. *Prorrh. comment. 12.* & in 2. *Prognost. comment. 17. 19.* cum bilis nullo modo pervenit ad intestina, atque hoc aut obstructo canale, per quam a vesica fellis ad intestina fertur, ut in arquatis; aut sursum una cum sanguine in caput inflammatum attracta, ubi hepatis superior pars inflammata sanguinem una cum bile sursum rapit; aut denique a colliquatione pinguedinis mollis & recentis. At hæ pauca, viscidæ & valde foetidæ existunt. Omnes ex, exceptis quæ a cibis albescunt, in acutis morbis non parum damnantur, omniumque maxime, quæ cerebro inflammato, albæ egeruntur, de quibus in *Prorrh. d)* *In phreniticis alba dejectio, malum, ut Archæcrati*: & e) *In acutis biliosis albicantes spumosæ & pericholæ dejectiones, male*. Malas esse in acutis biliosis, ait Galen. quod

a) Ibid. pag. 948. lin. 3. b) Ibid. pag. 954. lit. F. c) Text. 624.

d) Lib. 1. text. 13. e) Ibid. text. 53.

quod sint præter naturam, cum biliosa excrementa in hominibus biliosis, & biliosis morbis, quandam habeant cognitionem, ideoque pravæ; aut quod propter canalis ad ventrem, per quem bilis fertur, obstructionem, quæ affectum plerumque, vel etiam in non febrientibus, lethalem facit. De quo in 1. *Coac. præfag. a) text. 28.* legitur: *Regio morbo admodum fœdatis moriuntur, & his alba dejectio procedit*, aut propter cerebri, vel jecoris partium superiorum, convexarum, incendium, quod pessimum est, quod totus impetus ad viscera illa raptus maxime lædat. Non minus malum significare albas, paucas, viscidas, male olentes, nuperrime ostendimus, quod malignam colliquationem, teste Galeno, denotent. Flavæ itidem biliosæ, acres, croceæ seu vitellinæ, virides, malæ sunt, ni critice corpus expurgent; croceæ pejores, æruginosæ, viridesque, quod majus incendium caloris intus urere præmonstrent. Omnes vero biliosæ, non critice factæ, malæ, quod vel exitium, quippe in acutis morbis, vel longitudinem, recidivas, ac summos labores in mitioribus morbis præmonstrent. De quibus in *Coac. præfag. b)* scilicet in 2. *lib. text. 5.* *Quibus biliosa est circa stomachi os mordicatio & amaror, malum:* quod multitudinem notet tum intestina, tum os ventris occupantem. Et Hippoc. in 4. *Ahorism. 47.* omnes excretiones biliosas damnavit. Hujusmodi dejectiones, crudo existente morbo, in ardentibus febribus, dysenterico ac tenesmodis modo, mordentes, plerumque exitiales esse cognovi, in multisque observavi, qui omnes obierunt, etsi longius laborarint. Quod proximo anno nimis apposite in *Guadignina, mea carissima uxore*, expertus sum, quam ardente febre, cum diarrhœa, biliosa, dysenterica, die decimoseptimo morbi illius, magno sâne dolore, & incredibili afflictione, misere interemptam, vidi. Quod divinus Hippoc. in 1. *Epidem. com. 1. c) text. 25.* ad unguem in multis observavit. De quibus ita habet: *Alvi turbata erant biliosis, paucis, meris, tenuibus, mordacibusque, & frequenter des-*

Si flavæ
biliosæ.

desidebant: Et postea: a) text. 30. Æstate jam & Autumno, Lienteriæ, & dysenterici, tenesmi, alvi fluxiones biliosæ, tennes, mordaces, multæ, crudæ & mordaces, nonnullis etiam aquosæ, &c. b) Ventres omnibus turbati erat & pravi, ac multo his pessimi: Et paulo post: c) Quæ hos infestabant, hæc erant: dysenterici, tenesmi, lienterici & fluxiones alvi. Quales in filia Euryanactis d) duodecima die vidit Hippoc. de qua ita habet: Duodecimo alvus turbata fuit biliosis excrementis, paucis, meris, tenuibus, mordacibus, cre-

bro desidebat. Rubras vero & cruentas non minus malas & cruentas. esse Hippoc. notavit, e) text. 35. dicens: At valde aquosum, aut album, aut viride, aut vehementer rubrum, aut spumans deijci, hæc omnia mala. De quibus Auctor Prorrhæticorum, f) ait: Ventrîs valde rubens profluvies, mala in omnibus morbis: & in lib. 3. g) damnat impense rubras, idemque in Coacis præsagiis h) scriptum est, quippe: Malum vero, ventris valde rubens profluvies, eoque magis, si hepatis vitio, ut in hepaticis fit, tales deijciuntur; ab his criticas

juvantes excipimus. Virides quoque porraceæ pessima

sunt, nimirum, quæ vi morbi fiunt, nimirum quæ ab æruginosa bile, incendio caloris, ut docet Galen. in primo de Crisibus cap. 11. genita, excernuntur. Li-

vidas quoque Hippoc. in 2. Prognost. i) text. 32. & in lib. 4. Aphorismorum, k) in febribus continuis pravas exitialesque esse, expressit. Has Galen. partium infernarum validum

frigus ac veluti mortificationem præmonstrare ait. His non minus praviæ nigrae existunt, ut sunt, aut sanguinis limus, aut atra bilis; in acutis morbis nigras dejectiones, atram bilem, vel sanguinem ustum significare, Galen. tradidit. Addamus, vel sanguinis fœcem seu limum, quem non vere, teste Galeno in lib. 4. Aphor. atram bilem, sed sanguinem melancholicum appellant, qui humor, si putre-

scat

a) Sect. 2. p. 943. lit. E. b) Ib. p. 945. inter lit. E. & F. c) Ib. p. 946. inter G. & H. d) Lib. 3. Epid. Ægr. 6. p. 1073. e) Progn. p. 40. lin. 12. f) Lib. 1. text. 2. g) Ib. text. 127. h) Text. 330. 611. 613. 632. i) Pag. 40. lin. 16. k) Aph. 47.

scat, fit melancholia, quam atram bilem appellamus: uita vero & nigra fit flava bile perusta, quæ prius mutatur, calore inurente, in æruginosam, & postea in nigram: de nigris dejectionibus a sanguine melancholico Hipp. in lib. 4. Aphor. a) dixit: *Dejectiones nigre, qualis est sanguis niger, sponte venientes, sive cum febre, sive sine febre, pessimæ.* Has Gal. ait in commento notare lienis maximam debilitatem, & hepatis etiam, generantis plurimum crassi hujus atque melancholici sanguinis: quare ex dejectiones in acutis morbis lethales merito sunt: non enim a natura hic humor, nisi longo tempore, concoqui & superari potest. Plurimas vero hujusmodi dejectiones in pestilenti statu Gal. vidit, quæ non magis in iis, qui exitio proximi erant, quam in aliis salvandis apparebant, illis tamen vel in principio, vel in incremento morborum conspiciebantur. Superiori capite nos ostendimus, in statu post perfectam coctionem aliquando utiliter conspici has nigras dejectiones, quæ, crudo existente morbo, signis coctionis minime antegressis, perpetuo lethales existunt: tunc enim temporis magnam visceris læsionem præmonstrare Gal. etiam meminit: b) *Quibuscunque ex morbis acutis, aut diuturnis, vel ex vulneribus, sive quovis alio modo extenuatis, nigre bilis, sive uti sanguis niger desuper exierit, postmodum moriuntur.* Versicolores quoque dejectiones Si versi. omnes malas esse Gal. docet; quoniam multas adesse in cor- colores. poribus affectiones significant, quas natura ut superet, eget longo tempore, quod ab acutis magnisque morbis, vires cito exsolventibus, non conceditur. Merito itaque Hippoc. in eodem libro Prognost. c) text. 26. de his dixit: *Si vero versicolores sint, diuturniores quidem sed nihilominus exitiales sunt.* Eo vero has fore exitiales in lib. 4. Aphor. 21. docuit, quo colores magis prave plures habuerint, quales visæ sunt in Apollonio. d) De quibus Hipp. ait: *Dejectiones huic erant variae, scilicet, vel nigre, prave, vel virulente, vel pingves, crude & mordaces, & tandem lacti similes reddidit.* Foetida quoque Si foeti. mala dx.

S S S

a) Aphor. 21. b) Hippocr. Aphor. lib. 4. 23. c) Pag. 40. lin. 18.

d) Lib. 3. Epid. Ægr. 13. pag. 1111.

malæ sunt, quod ut Gal. docet, putredinis indicium sint. Quæ ratione Hipp. in 2. *Prognost. a)* & in 4. *Aph. b)* foetidas omnes, five graveolentes damnavit. At admodum foetidas & liquidas, flavas, pingues in acutis febribus excretas, colliquativas vulgus appellat, observatum est esse valde perniciosas, quibus conspectis paucissimi servantur. Etenim præcellentem putredinem ac virium languorem præmonstrant. Exitialissimum itaque in febribus continuis est signum; hæque dejectiones tales existunt, veluti si quis in jure pingui luteum ovi dilutum, cum magno foetore, dejecerit. De his Hipp. in 3. *Epid. com. 3. c)* text. 57. ita habet: *Unoque verbo, qui longis morbis vel acutis tenebantur, ventris vitio omnes præcipue mortui sunt, cunctos namque venter sustulit:* & Galen. in comment. *Et pestis quoque illa longissima, quæ nostra ætate vulgata est, ex iis quæ per alvum vacuantur, omnes prope peremit. Quæ evacuabantur, erat colliquatio.* Quod quidem esse symptomata videtur in perpetuum febris, quam pestilentem privatim vocant, cum mortales vel citra pestem corripiat. Quales concubinam Nicolai ante mortem dejecisse, Hippoc. in lib. 7. *Epid. d)* text. 37. scriptum reliquit. Atque tot sunt alvi dejectiones mortem minantes ex substantia, quantitate, colore, atque odore desumptæ. Ex modo quoque, quo dejiciuntur, atque ex tempore, quo durant, exitiales sunt, & quæ insciis ægrotis excernuntur. Quod in acutis morbis aut delirium, aut exsolutam facultatem, ut Gal. demonstrat, significant. De quibus auctor *Prorrh. e)* ait: *Si ex ventre tenuia non sentienti ægro exierint, si extra se non sit, malum. Cujusmodi sunt, quæ in hepaticis fiunt.* Eodem modo in continuis febribus, quæ diu durant, sine morsu, aut cum morsu, copiosæ, non juvantes, pessimæ existunt. Quibus plures fuisse extinctos in *Epid.* tradidit Hippoc. De quibus in lib. 1. *Epid. com. 3. f)* text. 53. *Æstate jam & Autumno lienteria & dysenteria, tenesmi, alvi fluxiones biliosæ, tenues multæ, crudæ, mordaces, nonnullis etiam aquosæ:* & in lib. 3. g) *Quæ ad ventrem*

Ex modo
excre-
tionis &
tempore
quo du-
rant.

Si copio-
sæ non
juvantes.

a) P. 40. lin. 17. b) Aphor. 47. c) P. 1086. inter B. & C. d) P. 1221. text. 50. e) Lib. 1. text. 78. f) Sect. 2. p. 943. lit. E. g) P. 1085. lin. ult.

trem attinebant, multis multa incommoda evenerunt; primum tenesmi multis cum dolore, plurimis vero pueris, omnibusque im-
 puberibus, quorum plurimi peribant, lienterici erant. A longa
 etiam dysenteria debilitata facultate, ni statim moriantur, in
 lienteriam, vel hydropem, quibus moriuntur, incidere Hipp.
in lib. 6. Aph. 43. docuit. Quare hæ omnes sunt exitiosa de-
 jectiones, si modo in principio morbi, absque signis cocti-
 onis, appareant, quo tempore nullas excretiones commen-
 dari posse superius ostendimus, hasque esse symptomaticas,
 & malas. Quas Hipp. intellexit, cum *in lib. 3. Epid. com. 3. a)*
text. 65. dixerit: *Ventres enim plerisque turbati, horrores, su-*
dores non decretorii. De quibus *in lib. 4. Epid. b)* *text. 90.* hæc
 leguntur: *Duo fratres Cecropis familiares, quibus nigra ab ini-*
tio prodibant, subfæculenta, edulia ex sanguine confecta colore
referentia, ex valde biliosis, spumosis, chlora erant. Cogno-
 scuntur vero pravæ dejectiones & a malis signis aut ante-
 gressis, aut una, aut postea conspectis, atque ex eo, quod ne-
 que febrem solvant, sed quinimo magis ab ipsis ægri in de-
 terius abeant. De his *in 3. Epid. com. 3. c)* *text. 53.* *Quæ au-*
tem exhibant dolores non solvebant: & *in 3. Prorrh. d)* *Post*
modicam sanguinis eruptionem, nigramque dejectionem, in acu-
tis morbis surditas, mala est: & in illis, *in lib. 2. Prorrh. e)*
text. 15. *In ardentibus febribus cum aliquantula perfrictione, de-*
jectionibus aquosæ bilis, multisque, oculorum perversio, signum
malum, tum alias, tum si catochi fiunt: & *in lib. 3. f)* *Ventris*
dejectiones sublivescentes, cum perturbationibus, & urinae tenues
aquosæque, suspectionem habent: Et: *g)* *Post sanguinis eruptio-*
nem dejectiones nigrae, malæ. Quales fuere observatæ in Si-
 leno, *h)* Hermocrate, *i)* Euryanactis virgine, *k)* Adolescente,
 qui in foro mendacium, *l)* muliere, quæ apud Panthimidem, *m)*
 uxore altera abortum passa, *n)* in Ea, quæ in foro mendacium, *o)*

Ex signis
 malis aut
 antegres-
 sis, aut
 una cum
 ipsis, aut
 postea
 apparen-
 tibus.

S S S 2

Pario,

- a) Pag. 1089. sub lit. B. b) Pag. 1129. text. 24. c) Pag. 1086. sub lit. B.
 d) Lib. 1. text. 129. e) Lib. 1. text. 81. f) Ibid. text. 108. g) Ibid.
 text. 127. h) Lib. 1. Epidem. Ægr. 2. pag. 969. i) Lib. 3. Epidem.
 Ægr. 2. pag. 1062. k) Ibid. Ægr. 6. pag. 1073. l) Ibid. Ægr. 8.
 pag. 1076. m) Ibid. Ægr. 10. pag. 1078. n) Ibid. Ægr. 11. p. 1079.
 o) Ibid. Ægr. 12. pag. 1080.

Pario, p) Pyrbione, q) Apollonio, r) atque in aliis. In quibus studiosus Lector poterit ea omnia, quæ nos breviter de malis dejectionibus perstrinximus, recognoscere, atque ad usum prognostici colligere.

CAP. XII.

De prædictione ab urinis, quid sit urina, quomodo fiat, atque quantum faciat ad prædicendi methodum.

Urinæ
quid ad
præfagi-
um faci-
ant.

Cum ex alvi dejectionibus demonstratum sit, quomodo ægotantium salus & mors prænoscat, reliquum est, ut ad prædictionem ex urinis veniamus. Etenim ipsarum non minus, quam ceterorum excrementorum, observatio ad vitam & mortem ægotantium præfagiendam facit. Gal. *in lib. 6. de loc. affect. com. 2.* scribit, per urinam expurgari gibbas hepatis partes, atque omnes quotquot sunt his superiores: & *in lib. 2. Prognost. c. 4.* indicia esse illarum affectionum, quæ in jecore, & in venis fiunt. Addidit *in lib. 2. Proorrh. renum vesicæque affectionem* indicare, vasorumque sanguinem continentium, & virtutis succos generantis tum robur, tum imbecillitatem. Quo plures complurium corporis partium morbi urinis judicentur; non tamen omnes, ut vulgo persuasum est, sed febres omnes, hæclicis exceptis, inflammationesque: etsi, quæ thoracis partes occupant, primo sputis, & quæ ventris, dejectionibus significantur. Verum in his urinarum etiam iudicium non est spernendum. Plurimum itaque urinarum observatio cum ad complurium morborum prognosin conducatur, merito nunc, quo pacto ab ipsis vita ac mors ægotantium prænosci queat, nobis est cognoscendum. Quam rem non prius assequemur, quam quædam de *urinarum differentiis*, atque *causis*, scitu sane ad prognostici iudicium necessaria, præmiserimus, ac absolverimus. Liquido cuique Medicorum constat, urinam quænam esse serosum excrementum sanguinis, quod a renibus attrahitur, per urinariosque meatus in vesicam delabitur, atque

Urinæ
quænam
materies

p) Libr. 3. Epidem. Ægr. 1. pag. 1093. q) Ibid, Ægr. 3. pag. 1098.

r) Ibid, Ægr. 13. pag. 1111.

que per eam excernitur. Ceterum nos per urinam cum serosam humiditatem, tum illud omne, quod per urinam excernitur, intelligimus. Hæcque omnia ad prognosin multum faciunt. Ex materia enim urina triplex esse videtur; cum aliquando per urinam excernatur cibi potusque humiditas, quæ in multum potantibus plerumque: cruda aquosaque mingi solet; aliquando sanguinis humiditas serosa, qualitate humoris exsuperantis infecta; atque demum humiditas a colliquatione, quippe pinguedo. Quam triplicem urinæ materiam Hipp. in 6. Epid. a) com. 4. text. perbelle ita expressit: *Urina concolor cibo & potui, & qualis esse solet intus, cum humidi colliquatio est.* At spectemus varias urinarum differentias, quæ omnes penes substantiam ipsarum, qualitatem & contenta accipiuntur. Quod ad substantiam spectat, quædam tenues, quædam crassæ, & quædam mediocres existunt. Tenuium aliæ diu durant, aliæ mox crassæ evadunt. Eodem modo & crassarum quædam micæ perseverant, quædamque tenues evadunt. Quod ad qualitatem, Ad qualitatem. triplex urinarum est differentia, quippe una, quæ ex colore, altera ex liquore, ac tertia ex odore cognoscitur. Ex colore, albæ, pallidæ, flavæ, aureæ, rubræ, virides, lividæ, nigræ existunt. Complures alii urinarum colores ab aliis recensentur, at hi, qui sunt præcipui, vobis ad prædictionem sufficient. Horum colorum quosdam tenui substantiæ urinarum conjungi, quosdam crassæ, seu quosdam tenuium esse proprios, & quosdam crassarum. Tenuium sunt aquosæ, rufæ, flavæ, virides, lividæ, ac non minus nigræ. Quibusdam tamen visum est, colorem pallidum, rufum, & flavum tenuium urinarum proprios esse. Constabat tamen virides, lividas atque nigras cum tenui aliquando substantia observari, quæ in *Herophonte*, b) *uxore Epicratis*, c) & *Metone*, d) fuere ab Hippocrate observatæ. De Metone ait: *Urinæ tenues subnigræ.* Neque propterea negandum, nigras sæpius crassas mingi. Pallidæ vero, rufæ, atque flavæ nunquam crassæ,

S s s 3

a) Sect. 5. text. 14. p. 1185. b) Lib. 1. Epid. Ægr. 3. p. 974. c) Ibid. Ægr. 5. p. 979. d) Ibid. Ægr. 7. p. 983.

ſæ, ſed perpetuo tenuēs minguntur. Hos enim colores ob
 materiæ inopiam fieri volunt. Ex liquore, urinarum aliæ
 claræ & lucidæ, aliæ turbidæ obſcuræque ſpectantur, & cla-
 rarum urinarum miſctarum quædam tales perſeuerant, quæ-
 dam mox turbantur. Eodem item modo de turbidis, cum
 quædam turbidæ minguntur, & turbidæ perſeuerent, & quæ-
 dam poſtea, reſidente craſſa materia, clareſcant. Ex odore
 quoque quædam graveolent, quædam non. Penes item quan-
 titatem, quædam multæ, quædam paucæ, quædam mediocres
 exiſtunt, & quædam proſus interceptæ, apparent. Demum
 ex urina-
 rum
 conten-
 tis, ex urinarum contentis, quæ ſedimina, & ſedimenta, & hy-
 poſtaſes vocant, complures urinarum differentiæ obſerven-
 tur: contenta vero dicimus, quæ quovis modo a ſubſtantia
 urinarum ſeparata in urina ſpectantur, quandoque in ſuper-
 ficie, quandoque in medio vaſis, & quandoque in fundo.
 Quæ in fundum reſident, Græci *hypotaſes*, noſtri ſubſiden-
 tiam, reſidentiam, ſedimenta, atque ſubjecta appellant. Quæ
 medium locum vaſis, ſeu urinæ ſubſtantiæ, occupant, ſubli-
 mationes, ſuſpenſa, ſublimia atque ſublimamenta: & quæ
 in ſupremo loco, juxta ſuperficiem, cernuntur, nubes atque
 etiam nubeculas appellant. Hypotaſes vero, ſive ſedimen-
 ta variis differentiis interſtinguuntur; ſiquidem quædam
 craſſa, quædam tenuia, quædam continua, quædam divulſa,
 minimeque unita, ſed inæqualiter per ſubſtantiam urinæ
 ſparſa cernuntur, quædam æqualia ſpectantur per multos
 dies, quædam inæqualia. Propterea quædam alba, quædam
 pallida, quædam flava, quædam ruſa, quædam rubra, vel vi-
 ridia, vel livida, nigra ſpectantur, quædam foetent, quædam
 non. Craſſorum quoque ſediminum, quandoque ſunt pi-
 tuitoſi humores crudi craſſique, quandoque melancholici,
 aut uſti nigri, & quandoque rubri ſanguineique reſident.
 Craſſa hæc ſedimina variis figuris ſpectantur, quædam enim
 granorum figura apparent, quas hypotaſes propterea Græci
 etiam *Oroboïdes* vocarunt. Nonnunquam veluti ſquamæ
 ſpectantur, quæ Græcis *Petaloides* dicuntur; & aliquando ut
 furfures, ſquamis anguſtiores, at craſſiores tamen, quæ iti-
 dem

dem *Pityroïdes* nuncupantur. Demum hypostases farinæ interdum similes apparent, quas *Crimnodes* Græci appellarunt. His similes apparent, purulentæ, id est, quæ ex pure sunt. Addimus quandoque apparere in iis pituitam crassam, ac mucosum humorem. In suspensis etiam & nubeculis eadem differentiarum & nubecularum. spectantur, quæ sunt, continuitatis, divulsionis, æqualitatis, inæqualitatis, crassitie, tenuitatis, quantitatis & colorum diversorum nuperdictorum. Proprium sublimioris partis, quippe in superficie urinarum, est, ut oleagines, atque pinguedines spectentur. At tempus est, ut singularum urinarum causas cognoscamus.

C A P. XIII.

De variarum urinarum causis.

Jam aggredimur causas variarum urinarum, a tenuibus atque crassis inchoantes. Tenues enim perpetuo in febribus concoctionem debilem denotant, fiuntque, vel propter obstructionem vasorum sanguinis, aut ureterum, aut renum, aut vesicæ, quo solus ichor, seu serosa tenuis humiditas, excernitur absque ullo humore; aut quando humores caput petunt, ut in phreniticis, quibus urinæ tenues mingi solent. Proinde colligemus tenues urinas mingi, ubi nihil humorum ipsis fuerit permistum, & crassas, ubi quippiam permistum sit; quod sane fit aut natura concoquente, aut sublatis obstructionibus. In febribus tenues urinas perpetuo cruditatem significare, Gal. in multis docuit; ex quo Hipp. in lib. 3. *Epid. a*) dixit: *Urinæ multæ tenues, nihilque decretorii quicquam vel boni.* Hæ vero quandoque tenues durant, & quandoque crassiores evadunt. Has naturam cœpisse concoctionem, & illas nondum cœpisse, maximamque cruditatem denotare, Gal. docet in lib. de urinis cap. 3. Crassæ vero urinæ ab humorum permissione fiunt, quæ in principio apparentes, multitudinem crassorum humorum, (teste Gal. in lib. *quæsitæ* Hipp. vocato;) denotant; aut in statu, naturam excernere humores. Multæ vero a potu largiori, aut a multa humiditate fiunt, ut in hydrope, atque in iis, quibus

humida alvus supprimitur: atque hoc est quod Hippoc. *a*) dixit: *Medio noctu plurima facta, parvam significat defectio-*
nem. Aut ab inflammatis renibus, plurimam humiditatem
 attrahentibus, ut in diabete; a multis itidem humoribus,
 qui per renes purgantur, ægri copiosius mingunt. Quibus
 sane urinis copiosis multos judicatos vidit Hipp. *in 3. Epid.*
b) *text. 41.* A contrariis causis paucæ urinæ prodeunt, quip-
 pe aut a paucò potu, aut ubi plurima humiditas per alvum,
 aut per sudorem, expurgatur, aut a multo calore igneo se-
 rosam humiditatem absorbente, ut in ardentibus febribus
 fieri solet, quia ratione in ipsis non raro etiam prorsus reti-
 nentur: aut denique pauca exit, propter obstructas vias uri-
 næ, aut renum, aut vesicæ meatum. At causas colorum
 indagemus, ab albis incipientes, quæ aut tenues sunt, aut
 crassæ. Hæ sunt indicia magnæ copię crudorum crassorum-
 que humorum, ut Gal. docet, & præsertim quæ, cum crassæ
 minguntur, eadem permanent; quæ ex his non resident,
 summam cruditatem, concoctricisque facultatis imbecillita-
 tem præmonstrant. Proinde in acutis morbis sunt perni-
 ciosæ: cujusmodi fuerunt, quæ ab Hipp. fuere observatæ in
Philini c) & *Dromedai uxore. d*) Quæ vero ex his tenuio-
 res reddi incipiunt, naturam cœpisse concoctionem deno-
 tant. Tenuium vero albarum urinarum, quas Gal. *in lib. 4.*
Aphor. aquosas appellat, causæ sunt, aut imbecillitas, con-
 coctricis facultatis, ut in senibus; aut obstructio renum,
 uti in nephriticis, antequam lapis expurgatur; aut obstru-
 ctio itidem hepatis; aut quod non raro fit, & toto bilioso
 humore in cerebrum sublato, quas propterea phrenitim præ-
 nuntiare, Gal. *in lib. de urina cap. 6.* tradidit. Hæ vero extre-
 mam tum cruditatem, tum magnam concoquentis faculta-
 tis imbecillitatem denotant. Ex quo in morbis biliosis,
 omnium maxime, ut ait Gal. *in lib. de Cris. c. 12. & in 2. Progn.*
 perniciosæ existunt. Pallidæ vero urinæ redduntur, cum
 parum bilis flavæ serosæ humiditati permiscetur, parumque
 distare

a) Lib. 4. Aphor. 83. *b*) Pag. 1086. lit. D. *c*) Lib. 1. Epidem. Ægr. 4. pag. 976. *d*) Ibid. Ægr. 11. pag. 987.

distare videntur a concoctione, si modo non valde tenues existunt. Flavæ ac rufæ, sive crocæ, si tenues una sint, te-<sup>Flava ac rufæ; si-
ve crocæ.</sup>ste Hipp. a) morbum plane crudum ostendunt, vigereque magnum caloris incendium in visceribus. Crassæ vero concoctionem & aliquando criticam excretionem significant. ^{Crassæ.} De qua nos superioribus libris egimus. Rubras ac subru-^{Rubras ac sub-}bras a sanguine fieri, Galen. in 2. *Prognost. in lib. de urinis*, ac non minus in lib. 3. *Epid. com. 1. text. 1.* docuit, nimirum ubi ^{rubras.} semicoctus sanguis per urinas expellitur. Indicant enim ut in 2. *Prognost. & in 3. Epid. com. 27.* ait, sanguinem abundare incoctiorem ac serosio-rem, qui in venis jecinoris & profundis corporis continetur. Quo hepatis separatricis quoque facultatis imbecillitatem cognoscimus. Hinc Hipp. in *Progn. b)* dixit, has urinas longitudinem ostendere, quod longum temporis spatium ad sanguinem concoquendum requiratur. Ceterum quæ aliæ aliquando subrubræ, & tenues minguntur, (etsi Auctor *Libri de Urinis* noluerit tenues rubras dari urinas) a paucio ichoroso sanguine infectæ, aliquando crassæ a multitudine sanguinis inconcocti, quales in synochis febribus sæpe observamus. His similes sunt sanguine ^{Urinæ} infectæ, quas cruentas & sanguineas appellant. Quæ pro-^{cruentæ}pter debilitatem renum, laxatis venis, quæ in ipsos renes <sup>vel & sangvi-
neæ.</sup> finiuntur, quam *anastomosim* vocant; aut laxatis meatibus, qui a primo ad secundum sinum sunt, minguntur: quales *Apamantiam* & *Fabrum* minxisse Hipp. in 4. *Epid. c)* text. 78. tradidit. Aliquando exit sanguis ruptis scilicet venis, aut apertis, aut ulceratis renibus, vel vesica. De his Hippocr. 4. *Aphor. 81. Si quis sanguinem & pus mingat & squamulas, & urinae gravis odor fuerit, vesicæ ulcerationem significat*: & de illis, *Aphor. 78. Quicumque repente sanguinem mingunt, is a renibus venule ruptionem significat.* Virides sequuntur, quæ aut ^{Virideæ} ex porracea bile in ventriculo, ut Gal. tradidit, ob esculentorum cruditatem, genita, aut ab æruginoso humore in vasis, ob nimium caloris incendium, Gal. in 2. *Prognost. com. 39.* auctore, atque flavæ bilis affationem genito, ortum trahunt.

T t t

In

In sanis, & non febricitantibus, porraceæ bilis plerumque indicia existunt; veluti in acutis febribus & inflammationibus viscerum, hunc in urinis colorem viridem esse æruginosæ bilis indicium, Gal. in 2. de Cris. c. 11. docuit. Huncque præsertim colorem in urinis fieri statuit, cum bilis flava

Oleosæ. in atram, incendio caloris, mutatur. His colore proximæ sunt oleosæ urinæ, quæ tamen pingves non sunt, sed quæ, ait Gal. in lib. 3. Epid. sect. 3. com. 72. & in lib. 1. de Cris. cap. 12. colore & crassitie oleo sunt similes, quas Gal. in ægrotis sine detrimento ex morbi concoctione aliquando se vidisse,

Pingves. prodit. Pingves vero, scilicet præ pingvedine oleo similes, aut quod olei modo supernatent, oleosæ vocatæ, ex alia causa fiunt, quippe perpetuo a colliquato adipe aut totius, aut renum. De quibus Hipp. in lib. 7. Aphor. a) *Quibus insidens pingve, ac simul totum, is renum vitium acutum significatur.* Ubi vero colliquatio ex calore febrili in toto corpore fit, ut Gal. in com. notavit, vel ex eo dignoscitur, quod cum urina una adipēs paulatim exeunt, minimeque universim. Ex quibus colligimus, oleosas urinas duplicis esse differentię, quippe illas, quæ colore tantum & crassamento oleo perfimiles apparent, atque has, quæ pingves existunt, quibus in Aph. Hipp. inesse pingvedinem dixit: de quibus in 2. Progn. b) text. 35. *Si pingve desuper natans araneorum speciem referat, damnandum est.* Gal. vero in lib. 4. de sanitate tuenda, c. 25. dixit, hoc pingve in urinis esse simile ei, quod in summo refrigerati iusculi concrevit. Hanc urinam ex lib. de Urinis triplicem esse constat, quippe *Eleochroam* Græcis vocatam, quæ olei colorem habet, principium colliquationis indicantem: *Eleophanem*, exquisitiorem mitionem olei cum urina habentem, colliquationisque augmentum præmonstrantem: atque *Eleodem*, undequaque oleo similem, vigorem notantem colliquationis. Gal. vero in 3. Epid. oleosam duplicem tantum facit, quippe colore & crassitie oleo similem, pingvedinis expertem; atque alteram pingvem, hancque duplicem esse, scilicet unam, quæ habet pingvedinem supernatantem,

oculis

**Pingvi-
um tri-
plex dif-
ferentia.**

oculis bonum similem, quam Græci *Eleophanem* appellant, & alteram, in qua supernatat pingvedo, telæ araneorum modo, *Eleodem* Græcis vocatam. Has omnes fieri colliquatione pingvedinis, ab igneo calore, dictum est. Lividæ fiunt præ ^{Lividæ.} immodica frigiditate, teste Gal. *in 1. de cris. c. 12.* quæ propterea in acutis morbis perniciosæ existunt, quod naturæ extinctione fiant. Fiunt tamen aliquando ex materia crassa, livida, quas aliquando bonas esse, quippe critice apparentes, Hipp. *a)* non negavit. Nigras quoque urinas mingi aut pro- ^{Nigræ.} pter immodicam frigiditatem constat, (sed hæ obsecræ magis quam nigræ apparent) aut propter exurentem calorem. Nigras fieri ob serum atræ bilis urinæ mistum, urinam nigro colore tingens, Gal. *in 1. Prorrh.* docuit: & *in 3. Epid. com. 4.* dixit, has a sanguine conspici melancholico, serum perinde ac fuligine, nigro colore inficiente. Ex quo *lib. 1. de Cris. cap. 11.* ait: nigram urinam nobis atræ bilis, redundantis in corpore, aut ulti sanguinis esse indicio. Ceterum hæ duplicis sunt differentiæ ex substantia ipsarum aut tenui, aut crassa, quippe nigræ aut tenues, aut crassæ, minguntur. Has ^{Urinarum nigrarum duplex differentia.} crassas perpetuo ab humore crasso melancholico, aut atrabile, aut ulto sanguine copiosius excreto, colorari dicimus. Hinc in quartanis febribus, in melancholicis, atque in spleneticiis, crassas urinas nigras mingi, Gal. *in 2. Progn. com. 27.* testatum reliquit. Tenues vero fieri aut propter vehementem frigiditatem, qua ratione sanguis quoque nigrescit, aut ob exsuperantem calorem, quippe sanguinem urentem, Gal. *in 2. Progn. & in 1. de Cris.* statuit. Has vero cognoscimus, quod, priusquam nigræ appareant, flavæ, aut rusæ, aut croceæ spectentur; & illas, quod lividæ prius spectentur, mox nigrescant. Post nigras, claras atque turbidas spectemus, nimirum a quibus causis fiunt: & primo de claris permanentibus urinis superius dictum est, cum de coloribus, in tenui substantia urinarum spectatis, sermo proxime fuerit habitus: nunc de iis, quæ claræ minguntur, & mox turbantur, agemus. Has enim crudas esse atque propter flatum

T t t 2 crassi

a) Vide Lib. 4. Aphor. 47.

Turbi-
darum
triplex
est diffe-
rentia.

Urinæ
subjuga-
les quæ-
nam &
unde.

Urinæ
pertur-
batæ
quid no-
tant.

Turbi-
dæ clare-
scentes
quid &
unde.

crassi redundantiam turbari, neminem latet, ac proinde natura aggredi concoctionem indicare, nullis Medicis, praxim exercentibus, est ignotum. De hac Gal. *in lib. 4. de sanit. tuenda cap. 4.* ait: *Si cum emingitur pura sit, protinus vero turbatur, jam crudi succi concoctionem aggredi naturam, docet. At si interposito tempore turbetur, non protinus, sed post agressionem insinuat.* Turbidarum vero urinarum, quas triplicis esse differentia, Gal. *in 3. Epid. in 4. Aphor. & in 4. de sanit. tuenda, & in 1. de Cris.* statuit, quippe quæ claræ minguntur & post turbantur, de quibus agimus; & quæ turbidæ miçtæ resident, & clarescunt; atque demum quæ miçtæ turbidæ, perpetuo tales permanent. Has *subjugales* vulgus Medicorum appellat, quod jumentorum urinis similes spectentur, quippe crassitie, colore, atque turbata substantia. Hæ sunt a crudis crassisque humoribus, a calore agitatis, atque inde multis flatibus elevatis, & sero permixtis, quibus substantia confunditur & turbatur. Hinc Hipp. dixit: *a) urinas perturbatas dolorem capitis præmonstrare*, quod nimirum per ipsas nobis significetur multos vapores ad caput allevari ac subvehi. Gal. *in 6. Epid. com. 5. in text. 15.* ait: *has urinas eorum esse, in quibus humor, qui crudus vocatur, plurimus abundat, & a calore fusus est.* Hinc enim ipsum, in spiritum versum, flatuosas exhalationes ad caput submittere contingit. A crudis itaque & crassis humoribus, calore agitatis, fiunt urina turbidæ. Sed quæ turbidæ clarescunt, a calore quidem naturali concoquente; & quæ perpetuo manent turbidæ, plerumque a febrili, totam massam sanguinis agitante, ac confundente. Cujusmodi sunt, quæ in principio malignarum febrium apparent, quo tempore nihil concoxit natura. Avicenna vero, ac alii Arabes Medici dixerunt, urinas turbidas, non residentes, nobis præmonstrare humorum ebullitionem, propter vehementiam caloris extranei, & debilitatem innati caloris digerentis: & Gal. *in lib. 1. de Cris. cap. 11.* dixit, urinas turbidas manentes, minimeque clarescentes, nobis præmonstrare, naturam cœpisse agitationem in sanguine, vigereque ad concoctionem; illas vero, quæ, cum claræ

fuerint mictæ, mox turbantur, significare nondum cœptam esse humorum agitationem ad concoctionem, sed postea fore sperandam. Ex quo ipse his urinis bonitate prætulit eas, quæ perpetuo turbidæ manent; quas cœptam concoctionem denotare clarius in lib. 4. de sanit. tuenda hisce verbis expressit, dicens: *Quod si turbida sit, qualis veterum visitur, crudis vocatis humoribus refertas venas indicat, non tamen cessare naturam, sed eos valenter concoquere.* Et de illa, quæ turbida postea, hæc addidit: *Si cum emingitur pura sit, protinus vero turbetur, jam crudi succi concoctionem aggredi naturam, docet, & si interposito tempore turbetur, non protinus, sed post aggressuram insinuat.* Amplius contrarium videtur etiam hic affirmare de urinis manentibus turbidis, cum dixerit: *Si vero vel omnino nulla separatio, vel id quod subsidit, malum sit, imbecillitas naturæ significatur, egetque ope aliqua ad succos percoquendos.* Quid igitur dicemus? Urinas turbidas, ma-
nentes turbidas, aliquando fieri a calore extraneo totam
massam sanguinis agitante, & aliquando a calore innato, nentes
quippe a natura ipsa concoquente. Hasque urinas ab illis unde.
distingvi, quoniam non in principio, sed in augmento incipiant, quo tempore natura manifeste aggreditur concoctionem, & postea aliquid residit in ipsis, aut minus turbidæ evadunt, vires constant, morbusque exitialibus signis caret. Quod nobis forte expressit Gal. in 4. de sanit. tuend. c. 4. cum dixerit: *Verum omnium, quæ turbantur, urinarum generalis nota esto ipsius crassi a liquidiore separatio, aut propere aut tarde facta, aut omnino nulla.* Ergo si protinus fiat, & quod subsidit sit album, leve, æquale, superiorem longe naturam succis, quos concoquit, ostendit. Sin, quod subsidit, malum sit, imbecillitas naturæ significatur. Cum vero ex principio statim apparuerint, quo tempore nondum natura aggreditur concoctionem, propter ebullitionem & agitationem caloris febrilis, & extranei, turbari significant, quæ ob id multitudinem crudorum crassorumque humorum, a vehementi calore fusorum, indicant, quæ cum morbo vehementi & viribus prælangvidis exitium merito significant. Hinc

Gal. in lib. 4. Aphor. merito dixit: *Quæ vero non resident, si vires affuerint, longum fore morbum ostendunt, si imbecillitas adfit, ægri mortem prænuntiant.* Quare quæ principio apparent turbidæ, manentque turbidæ, non a naturali, sed ab extraneo calore fiunt, quod virium debilitas confirmabit, atque signum aliquod perniciose, & quod nunquam in ipsis aliquid resideat, quod sit laudabile: atque hæc de causis turbidarum urinarum. Nunc mordacium, quæ cum dolore & mordicatione exeunt, causas attingamus, quæ fiunt ab humoribus summe calidis ac acerbis redditis, qui una per urinam excernuntur; unde Hipp. in 1. Epid. a) text. 10. dixit: *fieri stranguriosos abscessus.* Et Gal. in 2. Epid. text. 41. dixit: *Ubi per renes excrementa purgantur totius corporis, urina illos stillicidium corripere, cum ob alia, tum præcipue propter confluentium urinarum acredinem.* Acredo vero a multo calore fit. Fœtidas vero urinas reddi propter humorum summam putredinem aut in vasis, aut in renibus, vel vesica, omnibus liquido constat.

Urinæ
mordaces unde.

Fœtide unde.

Æquales & inæquales.

De æqualibus vero, & inæqualibus urinis Gal. in lib. 7. Aphor. 33. ita habet: *Si vero compagis urine, quam Syllasim dicunt Græci, inæqualitatem ita dici concesserimus, recte dixit vehementem significare perturbationem.* Nam dominante, & vincente natura omnia æqualiter unita sunt: diversis vero causis tumultuantibus ac renitentibus ei, illud quod superatur, atque concoquitur, aliam habet formam, renitens vero, ac tumultuans aliam, & quando plura hujusmodi fuerint, variam magis ostendunt urinarum inæqualitatem, & ejus causæ perturbationem. Atque hæc sunt causæ variarum urinarum. Quibus præmissis ad variorum contentorum causas dignoscendas descendimus. In qua re primo intelligendum duximus, cur in fundo vasis resideant, quæ hypostasæ, subsidantias, atque sedimenta appellant; cur in medio, quæ suspensæ, sublimia, & sublimamenta; & cur in suprema vasis parte, quæ nubes, & nubeculæ, & eneoræmata dicunt, Hipp. quandoque sublimamentum nubeculam vocat? Hæc vero con-

tento-

tentorum diversitas in urinis pendet ex varia flatuum generatione, & missione: siquidem ubi in urinis flatuum copia adfuerit, excrementum ad supremum vasis locum defertur; ubi minus ad medium; atque ubi nulli adsint; in fundo. Quo fit, hypostasem probam coctionem indicare, in qua flatus discussi nullam pariunt turbationem; etsi locus non necessario hoc demonstret, quando in fundo non omne residens contentum coctionem denotet, sed illud tantum, quod est candidum, leve, & æquale per omne tempus, uti docet Hipp. in 2. Progn. a) Neque etiam nubeculæ & suspensa semper cruditatem præmonstrant, de quibus Hipp. in 2. Progn. b) text. 29. dixit: *Nubecula, quæ invehitur in urina, si candida est, est bona*: & Gal. in 1. de Cris. c. 11. scripsit, in iis, qui usi sunt inedia, ac labore immodico, morbum sæpius solvi, priusquam aliquid subsideat, & plerumque sufficere nebulam albam, aut suspensionem albam, levem, atque æqualem. Verum perpetuo contentum in fundo vasis album, leve, ac per omne tempus æquale, coctionem denotabit; minorem suspensionem; & nubes, quippe in suprema vasis parte contenta, morbi adhuc minorem coctionem declarat. In qua parte excrementum, seu contentum elatum, circuli modo, juxta urinæ superficiem, solet esse delirii certum indicium, quod Auctor Prorrh. c) animadvertit, atque ego sæpius experientia verum esse didici. Multa subsidentia, quamvis locum infimum matellæ occuparit, copiam crudi humoris vacuari, Gal. in lib. de Cris. cap. 11. exemplo puerorum eorum, qui in crapulis & in otio vitam ducunt, demonstravit, quorum corpora, quod scateant humoribus crudis, ideo cum urinis plurimum ejusdem crudi humoris excernunt: & in 2. Progn. dixit, sedimentum in urinis apparere copiosum, ubi morbus ex crudis humoribus foveatur, atque paucissimum aut nullum conspici in morbis biliosis, atque in iis, qui inedia usi sunt, & multo labore. Tenuia vero tenuiorum humorum sunt indicia. Sed quæ pura sunt, neque facile vase commoto assurgunt, magnam naturæ in secunda concoctione imbecilli-

a) Pag. 40. lin. 30. b) Ibid. lin. 41. c) Lib. 1. text. 4. 32. 37.

becillitatem indicant. Crassa itidem crassorum humorum nobis sunt indicia, quod Gal. explicavit, cum *in quarto*, tum *in septimo Aphor.* & *in lib. de plenitudine*, ait, *in iis, qui sunt voraces, urinas habere sedimen crassum.* Quo affirmabimus crassum sedimen, crassos humores, ac ideo maxime difficiles nobis affectus indicare. Unitum seu conjunctum, æquale, pyramidalis figura, maxime commendatur, quod optimam notet coctionem. Contra divulsum atque inæquale significare, Gal. *in 1. de Cris. c. 11.* tradidit. Divulsum enim, & inæquale, crassorum statuum copiam in venis adesse, qui natura discuti & resolvi nequeant, affirmat Auctor *libri de Urinis c. 19.* Quo modo ad contentorum quoque colores, album ceteris coloribus præfertur, ut dictum est, si continuum seu læve & æquale; atque hoc excernitur, ubi perfecta facta fuerit concoctio. Inæquale vero, divulsum, distingvitur ab hypostasi; hoc etenim non unitum seu conjunctum, sed in exiles, & minutas veluti arenulas per urinæ substantiam dispergitur. Hocque aut a pituita copiosiore fit, aut a pure, aut a colliquatione solidarum partium. Cujusmodi est, quod farinæ crassiori est simile. *Crimnodes* has hypostasēs Græci appellant. Rubrum & subrubrum cruditatem, & coctionis defectum significat. Quo Hipp. *in 2. Progn. a) text. 27.* merito dixit: *Si urina fuerit subrubra, & sedimentum subrubrum, & læve, diuturnior hic morbus, quam primus, sed admodum salutaris;* & Auctor *libri de Urinis c. 12.* ait, contentum rubrum fieri a sanguine ichoroide, coctionisque defectum significare. Flava, viridia, mala sunt, quod morbum a flava, æruginosaque, seu porracea bile foveri, denotent. Pessima livida, & nigra. Quod prius lividum fuit, moxque nigrescat, a caloris refrigeratione procedit; & quod prius aut flavum aut rufum, aut viride fuerit, & mox nigrum, a calore igneo, humores adurente. Merito itaque Hipp. *b)* nigram nubeculam vitiosam vocat. Quæ ex iis, quæ a colliquatione fiunt, quæque ob id variis figuris spectantur, *Oroboïdes* hypostasēs, quod orobis similia sint, ac etiam *Sandarachoïdes* Græcis vocatæ, fiunt consunto jam adi-

pe, ubi præsertim caro consumi cœperit: præmonstrant enim, aut totius corporis, aut renum colliquationem. *Petalodes* vero, id est squamosæ, laminosæ, fiunt, teste Gal. ubi, post adipis carnisque colliquationem, partes superficiariæ igneo calore abraduntur; & *Pityrodes* vocatæ, id est furfuraceæ, quæ sunt squamosis angustiores, strictiores, sed tamen crassiores, ubi solidarum partium vasa igneo calore dilacerantur, ac contabescunt; & *Crimnodes*, id est, farinæ crassiori similes, a majori adhuc solidorum membrorum contabescencia. De his Hipp. in 2. Prognost. * text. 28. Si in urina sedimentum speciem referat farinæ crassioris, malum est. Deterius vero, si squamularum instar consistit, si vero tenue & candidum admodum est, vitiosum est. Furfuraceum vero deterius est. Galen. in comment. dixit fieri hæcce urinas calore igneo, sanguine afflato, aut consumptis inæqualiter carnibus: atque hæc de urinarum caussis.

CAP. XIV.

De bonis urinis, salutem prænuntiantibus.

Urinæ, & alia excrementa duobus modis salutem & mortem in ægrotis solent indicare; uno modo ut signa coctionis, & malignitatis; atque altero, ut causæ, quippe probam aut malam excretionem prodentes. De urinis, quæ ex proba concoctione cum morbi tum caussarum salutem præmonstrant, Gal. in 1. lib. de Cris. c. 12. & in 3. Epid. ita scribit: Quippe optimam esse, quæ in substantia est mediocris, quantitati assumptæ potionis respondens, colore subrufa, subflava, cum sedimento seu hypostasi alba, levi & æquali. De qua Hipp. in 2. lib. Prognost. † text. 26. ita habet: Optima est, quæ candidum sedimentum habuerit, leveque & æquale per omne tempus, dum morbus judicetur. Securitatem enim ac morbum fore brevem significat. Si vero intermittit, atque interdum puram emittit urinam, interdum subidet candidum ac leve, morbus diuturnior ac minus securus. Gal. addit: Necessario vero colore erit modice croceo, & conditione media inter tenuem, & aquosam, ac

U u u

corp-

* Pag. 40. lin. 38.

† Ibid. lin. 30.

*corpulentam, qualis jumentorum habet. Idem in 1. lib. de Cris. c. 12. ait: optimam esse magis subrusam, quam subflavam: & in 1. Epid. & in lib. 10. simpl. modice flavam facit: & in lib. 2. de sanit. tuend. ait: rufam biliosamque urinam coctionis perfectæ in morbis esse indicium. In multis concoctæ urinæ sunt discoloratiores, in aliis coloratiores. Quo constat non unicum in optimis urinis colorem perpetuo observari. At divinus Hipp. non colorem in urinis, neque substantiam præcipue attendendam ad prognosin duxit, sed contentum; cum hoc loco optimam urinam describens, ne verbum quidem de colore & substantia, sed tantum de contento: cum dixerit optimam esse, quæ candidum sedimentum, leve ac æquale habuerit, coloremque & substantiam omisit; cum in omnibus non unicus color, neque unica substantiæ qualitas observetur, atque etiam cum urina habens optimum sedimentum, necessario & colorem optimum & substantiam mediocrem habeat. In temperatis corporibus tales colores solent observari, qui cum in multis ob varias corporum dispositiones evarient, proinde methodo, nobis optima quæ sit in omnibus indagandis, utemur, & primo ex Aristotele, qui in 1. lib. problem. 52. ita habet: *Urina hæc optima & per omnia mediocris, urinæque sanorum simillima, novitio medico inspicienda est, ut scilicet cum aliquam ab hac ipsa declinasse viderit, statim ab optima & exquisita sanitate hominem hunc cecidisse statuat.* Merito hoc modo bonam & malam urinam ex Aristotele cognoscendam constat. Cum unum ex maximis artis prognosticæ principiis sit, similia & dissimilia contemplari. Quare nos quoque, hoc ipso adducti, dicimus in ægrotis optimam illam esse judicandam urinam, quæ recte valentium maxime similis appareat: quam notam expressit itidem Gal. in 1. de Cris. cap. 12. Ceterum ut exacte optima urina dignosci queat, primo corporum temperies, viscerumque, præcipue erit attendenda, ætas, sexus, victus, atque vitæ studium: namque corpora calidiora coloratiores urinas habent, & frigida discoloratiores; & ex ætate, juvenes urinas habent pueris tenuiores & coloratiores, pueri crassiores, & senes*

Urinæ
in multis
mire va-
riant.

senes tenuiores, & discolors. Mulieres itidem viris crassiores discoloratioresque cum multis contentis: & qui crapulis indulgent, mingunt urinas cum multo sedimento crudo; & ii, qui inedia usi sunt, cum paucis sedimentis habent itidem urinas coloratiores; eadem ex vigiliis, & laboribus. Contra multa sedimenta habent, & discoloratiores, qui in otio vitam ducunt. Unde dicimus optimam urinam esse, in pueris, quæ substantia crassiori spectatur, discolorationi cum multo sedimento albo, levi, & per omne tempus æqualis. In juvenibus & viris erit coloratior, quippe subflava vel subrufa, & tenuior, cum paucioribus contentis; & eo coloratior & tenuior, si corpora hæc fuerint temperamenti calidioris; discoloratior, si fuerint frigidioris temperamenti, & in mulieribus erit aliquando crassior, & discoloratior; & in iis, qui inedia usi sunt, laboribus, vigiliis, coloratior, tenuior, cum contentis paucioribus; & in iis, qui crapulis & otio usi sunt, discoloratior, crassior, cum copiosiori sedimento. In temperatis vero corporibus optima urina erit, colore, ut ait Gal. modice croceo, substantia mediocri, quantitate potui respondens, habens sedimentum album, lave, æquale per omne tempus, quæque denique urinis recte valentium hominum simillima sit. In omnibus optima per-
petuo ejus hypostasis seu sedimentum album, æquale; minus optima, quæ habet suspensum seu sublimamentum; & adhuc minus, quæ nebulam. Verum, ut docuit Gal. in 3. Epid. aliquando bonum suspensum, & aliquando bona nebula sat erit ad salutem prædicendam, de quo Hippoc. in 4. Aphor. 71. ita expressit: *Quibus septima judicatur, in iis nebulam habet urina quarta die rubram, & alia ex ratione.* Adeo ut, ait Galen. non solum rubra aliqua nubes apparens antea non visa judicationem significet, sed & alba multo plus ipsâ, adhuc autem magis & sublimamentum album, æquale atque consistens: si vero velociter admodum morbus movetur, & coloris & substantiæ mutatio sunt sufficientia signa futuræ dijudicationis. Hipp. in 2. Progn.* text. 29. dixit: *Nubecula, quæ invehitur in urina, si candida est, bona; & Gal.*

Urinæ
hypostasis
quæ
nam per-
petuo
optime.

text. 36. ait: Considerandum in nubecula est, utrum sursum fuerit an deorsum, & item color, quem obinet, si enim deorsum feratur cum colore, qui dictus est, bona commendataque est. Ex substantia, tenues urinæ cum bono colore bonæ existunt; de his Gal. in 1. Epid. Planum ergo est, tenues sed boni coloris urinas ob coloris bonitatem promittere salutem, quatenus vero erant tenues, hæc tempus requirebant concoctioni. Hæc quidem urinæ salutem prænuntiant, sed longiori tempore futuram, quod in Cleonactide, a) Clazomenio, b) atque Chario-ne, c) fuit ab Hipp. observatum. Tenues etiam discoloratiores, ubi signa adfuerint salutis, abscessum præmonstrare, Hipp. in 2. Progn. d) docuit, quod Gal. in 3. Epid. com. 1. text. 4. confirmavit, dicens: Si urinas tenues, & æquabiles diu reddat, & reliqua salubria sint signa, his abscessus in locis protenditur septo transverso subjectis. Quod Pythioni, e) qui propter telluris ædem habitabat, contigisse animadvertit, de quo Hipp. Urinæ a primo ad octavum usque diem tenues, decolores, quæ suspensionem habebant nubilosam. Decimo sudavit, sputa sub-cocta, judicatus est, urinæ circa judicium subtenuēs. Quadragesimo ab judicio die suppuratio circa sedem, & stranguriosus factus est abscessus. Ex coloribus urinarum, ut dictum est, commendatur subflavus, subrufus, subcroceus, modice paleus, subluteus. Subrubram quoque urinam cum sedimento subrubro, Hipp. f) dixit esse salutarem, etsi diuturniorem morbum significet. Niger itidem color non perpetuo malus, in lienosis, ut in Herophonte, g) & in iis, qui abundant sanguine melancholico, & in suppressis mensibus, qui sint melancholici, quod Gal. in Epid. Urinæ vero color licet esset niger, nihil attulit periculosi, quod retenti menses essent magis melancholici. Copiosæ itidem nigræ urinæ, quæ in aquosas non mutantur, critice excretæ, sunt utiles: unde Gal. in 3. Epid. text. 74. scripsit, se novisse quandam mulierem, quæ

Urinarum colores quinam boni.

a) Lib. 1. Epid. Ægrot. 6. pag. 982. b) Ibid. Ægrot. 10. pag. 985.

c) Lib. 3. Epid. Ægr. 5. pag. 1072. d) Pag. 40. lin. 48. e) Lib. 3. Epidem. Ægr. 1. pag. 1059. f) Progn. pag. 40. lin. 35. g) Lib. 1. Epidem. Ægr. 3. pag. 974.

quæ his urinis magna copia evacuatis plurimum fuit juvata: præterea urinæ nigræ cum larga, aut narium sanguinis eruptione, quod in *Metone, a)* aut mensium copia, quod in *muliere morosa b)* fuit observatum, non sunt timendæ. Bonæ itidem sunt ex turbatis urinis cito residentes, album, læve, & æquale, de quibus Gal. in 4. de sanit. tuenda scripsit: *Si vero humoris separatio crassi a liquido in ea cernitur, sitque quod subsidet album, leve & æquale, jamjam superaturam eos omnes naturum indicat.* Claræ quoque, quæ protinus turbantur, utiles existunt, quod significant naturam humorum coctionem aggredi. Ex mutatione etiam urinarum ex bonæ judicabuntur, quæ ad probiorem vel colorem, vel substantiam, vel sedimentum accesserint. Bonæ itaque plerumque censentur crassiores, quæ post principium minguntur. Excrementa enim, accedente concoctione, crassiora quidem evadunt, si prius tamen fuerint tenuia; veluti e crassiss fieri tenues optimum esse, Hippocrates in 4. Aphorism. 69. ita docuit: *Quibus urinæ, crassæ, grumosæ, paucae, non sine febre, multitudo veniens ex his tenuis, juvat. Maxime vero tales redduntur, in quibus statim ab initio, vel non ita multo post, sedimentum apparuerit: & Galenus in comment: Hæ autem si muliæ & tenues fiant, juvant, quoniam materiam subiliatam significant.* Ex turbidis clarescentes optimæ existunt, ex discoloratis coloratiores, & ex nimis coloratis minus coloratæ, & ex carentibus suspensis, quæ nubeculam, aut suspensum, aut demum sedimentum habere incipiunt, & quæ alba & æqualia fieri inceperint. Atque tot modis urinæ, ut signa coctionis nobis salutem in morbis indicare possunt. Eodem itidem modo, idem nobis significabunt, ut causæ, bonam evacuationem prodentes.

Urinæ
crassiores
quæ
bonæ.

Urinæ
quæ
bonæ.

Proinde multæ urinæ, in die decretorio apparentes, Crisfin crisfin salutarem indicant, eoque certius id præsagiunt, si saluta-suapte natura meliores existunt, quales in *Nicodemo c)* fuerem præ-sagientes

U u u 3

a) Lib. 1. Epid. Ægr. 7. pag. 983.

b) Lib. 3. Epid. Ægr. 11.

pag. 1108.

c) Ibid. Ægr. 10, pag. 1108.

ere observatæ, de quo Hippocr. *Vigesimo quarto multam urinam, & albam reddidit, in qua multa subsidebant, & cum sudore fuit judicatus: & de Pericle: a) Tercio febris emollita fuit, urine multæ concoctæ, in quibus multa subsidebant. Charionem multis urinis biliosis fuisse servatum, Hippocrates b) quoque tradidit. Hac eadem ratione & de multis crassis in libro quarto Aphorism. 74. ait: Quibus speratur abscessus futurus ad articulos, liberat eos ab abscessu urina multa, crassa, & alba facta: & in 6. Epidem. c) comment. 4. text. 2. Urina crassa, alba, qualis Archigenis, in laboriosis quartanis interdum exit, & liberat ab abscessu. Verum ea, quæ est similis farinæ crassiori, aut longitudinem morbi, aut mortem, ut docet Galenus in 7. Aphorism. 71. prælagit. Acres vero cum dolore, copiosæ, sæpius in acutis morbis judicant; de his Hippocrates in 1. Epidem. comment. 2. d) text. 42. ita habet: Unum vero bonum, maximumque inter signa, quæ fiebant, quodque multos a maximis periculis vindicavit, hoc fuit, quibus ad stranguriam divertèrent, & in hoc abscessus fierent: & e) Stranguria autem his diuturna & laboriosa erat. Erant his urinæ copiosæ, crassæ, variæ, rubentes, purulentæ cum dolore: & postea f) text. 24. Atque hi supersites omnes fuerunt, nec ullum horum periisse cognovi. Quomodo Pythionem servatum Hippocr. vidit, de quo in 3. Epidem. g) comment. 1. text. 4. scripsit: Quadragesimo ab judicio die suppuratio circa sedem, & stranguriosus factus est abscessus; hinc est probabiliter multitudine urinarum sanatus.*

Farinæ
crassiori
similes
quid
præla-
giunt.

Oleosæ
quænam
bonæ.

Sunt demum quædam ex oleosis urinis, non pingvibus, sed tantum colore atque crassamento oleo similes, quæ bonæ esse solent. Hæque non nisi perfecta morbi concoctione apparent, & has Galenus sicuti scripsit in 3. Epidem. sæpius ex morbi concoctione, sine ægri detrimento, vidit. Atque hæc de bonis urinis, salutem significantibus.

a) Lib. 3. Epid. Ægr. 6. pag. 1102.

b) Ibid. Ægr. 5. p. 1072.

c) Pag. 1179.

d) P. 947. sub finem.

e) Paulo post,

p. 948. sub A.

f) Ibid.

g) P. 1059. Ægr. 1.

C A P. XV.

De malis urinis mortem prænuntiantibus.

Ex urinis tenues, albæ, aquosæ, diu perseverantes, in Urinæ morbo non salutari, exitiosæ, quod summam cruditatem significant, existunt in febribus acutis, teste Galeno; significant enim totum flavæ bilis impetum sursum in caput ferri, quo delirium & phrenitim præfagiunt. De his Hippocrates in quarto libro Aphorism. 72. scripsit: *Quibus urina, albæ, perspicuæ, male, præsertim in phreniticis, apparent.* Galenus in comment. dixit, nullum vidisse phreniticum, in quo talis urina apparuisset, servatum. Melius siquidem est, ut, sicuti totus morbus est biliosus, sic & urinæ appareant biliosæ; illas in Philista phrenitico vidit Hippocr. a) In omnibus itaque febribus acutis, malum erit, urinas tenues & aquosas spectari: aut enim mortem prænuntiabunt, aut morbi longitudinem atque recidivas; longo enim tempore natura opus habet ad illam summam cruditatem tollendam, quod, ubi febris non admodum sit vehemens & acuta, & vires validæ sint, aliquando salus, longo tamen tempore, succedit; in vehementi vero morbo, cum viribus prælangvidis, prorsus exitiales existunt. Et hoc est, quod Galenus in 4. Aphorism. 72. de his locutus, dixit: *cum anticipaverint vires dissolvi, esse perniciosas.* Addamus eas fidelius perniciem denotare, quæ & diu perseveraverint, & post principium incæperint; quales fuere, quæ in muliere apud frigidam aquam decumbente b) apparuerunt: nam undecimo die habuit urinas tenues, aquosas, quæ eadem ad diem quadragesimum perseverarunt. Diximus ex Hippocrate c) alibi, hæc urinas perseverantes, ubi salutaria adfuerint signa, per abscessum morbum solutum iri præmonstrare. Quod Pythioni, qui prope telluris ædem habitabat, evenisse in

Tenuēs
& aquo-
sæ.

tertio

a) Lib. 3. Epidem. Ægr. 4. pag. 1070. b) Ibid. Ægr. 2. p. 1096.

c) Prognost. p. 40. lin. 48.

Urinæ
crassæ
quænam
malæ.

Turbi-
dæ quid
præfagi-
unt in
acutis
morbis
& ha-
rum dif-
ferentiæ.

tertio Epidem. comment. 1. a) text. 4. Galenum demonstrasse in altero capite meminimus. Contra vero, ubi salutaria signa non illuxerint, perpetuo eæ exitiales existunt. Hinc Hippocrates *in 2. Prognost. b) text. 32. & 33.* aquosam exitialiorem vocavit, & *in pueris esse deterrimam*, voluit. Crassæ vero itidem urinæ, ex Hippocrate, *c) malæ* existunt, si præsertim in principio appareant, quo tempore tenuiores, uti Galen. *in 4. Aphorism. 70.* voluit, esse soleant. Quæ vero ipsarum nihil, aut quod malum est, resident, pessimæ existunt; de his Galenus *in quarto libro Aphorismorum: Quæ vero non resident, si vires affuerint, longum fore morbum ostendunt, si imbecillitas adsit, ægri mortem prænuntiant; & Hippocrates in primo Epidem. comment. 1. d) text. 26.* Aut crassitiem habentes & parvam subsidentiam, nec probe subsidentes, sed crudo quodam, intempestivo sedimento. De quibus etiam Galenus *in 3. Epidem. comm. 1. text. 5.* dixit: At enim cum crassas etiam fuisse indicet, nec subsedisse urinas, plane sunt illæ ex conturbatis, & turbidis, ut solet hic appellare, quæ semper turbationem crudam multo præditam spiritu flatuoso, ut mustum. Non residentes vero cum ex turbidis sint, crassæ quoque, non residentes, ex turbidis erunt, quæ, ut ait Galenus, præter flatuosam & crudam turbationem toti inesse sanguini, etiam crassos humores morbum fovere significant. Turbidæ vero urinæ duplicis differentię existunt, quædam tenues, quædam crassæ. Sed modo videamus, quid turbidæ præfagiunt in acutis morbis. Galenum tria turbidarum genera fecisse, superius diximus, quippe primum earum esse, quæ tenues, & claræ micæ postea turbantur; secundum earum, quæ turbidæ minguntur, & turbidæ permanent; atque tertium turbidarum residentium, & clarescentium. Has *in primo de Crisibus* Galen. vult esse minus pravas, quod aliquid inæqualis turbulentię superesse demonstrant, atque morbum haud

a) P. 1050. Ægr. 1. b) P. 40. lin. 47. c) Ibid. lin. 46.
d) Pag. 94c. sub lit. G.

haud multo post coquendum. His esse praviore, quæ claræ mictæ postea turbantur, quod hæc in urinis postea facta turbatio denotet, naturam debere incipere concoquere morbum, nondumque cœpisse concoctionem, propterea longiori tempore ac virtute forti ægrotos indigere ad concoctionem perficiendam. Inter has medias statuit perpetuo turbidas manentes, nihilque clarescentes, & residentes. Etenim *cap. 4.* ait, nobis indicare has turbidas urinas, vigere adhuc agitationem in sanguine ad concoctionem, quod in quarto libro de Sanitate tuenda hisce verbis expressit: *Quod si turbida sit, qualis veterum visitur, crudis vocatis humoribus venas refertas indicat, & non tamen cessare naturam docet, sed eos valenter concoquere.* Ex quibus colligitur, urinas turbidas non clarescentes, & residentes, meliores esse iis, quæ claræ mictæ postea turbantur. Quod tamen Hippocr. non videtur sentire, cum nunquam meminerit has peioris esse judicii, sed ex turbatis perpetuo non residentes, nihilque clarescentes, ceteris magis damnavit, atque esse perniciosas statuit. De his in uxore Philini, a) quæ obiit, ita habet: *Urinam vero reddebat una cum convulsionibus assatim multam, raro admomentibus, crassam, qualis est, quæ in matellis subsidit, cum agitata fuerit, reposita multo tempore non subsidebat, color & crassitudo assimilis jumentorum urinis, hæc illius erat urina, quam ego vidi.* Et de uxore Dromeadaï b) moribunda dicit: *quo riguerat, alvus commode reddidit, urinae crassæ, albæ, turbidæ, cujusmodi sunt, quæ in matulis subsederunt, cum agitatae fuerint, repositæ multo tempore non subsidebant.* Exdem turbidæ non residentes fuere observatæ in eo, qui calescens cœnavit, & potavit largius, c) & in Hermocrate, d) iidem morbo lethali vexatis. Atqui Galen. quoque in quarto Aphorism. 70. id affirmasse est visus, cum dixerit: *Non nulle*

a) Lib. 1. Epidem. Ægrot. 4. pag. 976. b) Ibid. Ægrot. 11. pag. 987. c) Ibid. Ægrot. 12. pag. 988. d) Lib. 3. Epidem. Ægrot. 2. pag. 1062.

Non re-
sidentes
quando
pessima.

nulla igitur urinae longo tempore manent perturbatae, nonnullae vero cito sedimen crassum habent, & cito morbum solutum iri significant. Quae vero non resident, si vires affuerint, longum fore morbum ostendunt, si imbecillitas adsit, aegri mortem praenuntiant. Addo quae in quarto libro de sanitate tuenda, cap. 4. de his urinis nobis prodidit, quibus aperte cognoscitur, ceteris exitiales esse non residentes; ipse enim ita scripsit: Verum omnium, quae turbant urinam, generalis nota esto, ipsius crassi a liquidiore separatio, aut propere, aut tarde facta, aut omnino nulla, ergo si protinus fiat, & quod subsidit, sit album, leve, & aequale, superiorem longe naturam succis, quos concoquit, ostendit: sin bonum sit, quod subsidit, sed quod post longius interpositum tempus colligatur, etiam naturam temporis spatio superaturam succos, nunciat. Si vero vel omnino nulla separatio, vel id quod subsidit, malum sit, imbecillitas naturae significatur, egetque ope aliqua ad succos percoquendos. Quare colligamus turbidas urinas, nihil residentes, ceteris aliis turbatis esse perniciosiores, quod etiam oppositorum ratione demonstratur. Cum vel etiam Galen. fateatur, eas, quae resident, bonas esse, morbumque naturam superaturam indicare; ergo oppositae non residentes, sed perpetuo manentes turbidae, oppositum indicabunt, quippe naturam morbo superatum iri. Non clarescere etiam turbidas urinas indicium est, eas non a calore naturali, ad concoctionem agente, turbari, sed ab extraneo agente ad interitum: terminus enim earum, quae a naturali calore turbantur, est clarescere, veluti turbidarum a febrili calore, perpetuo turbatas manere, nihilque, aut, quod bonum non sit, residere. Ex his, quae in principio morbi turbidae permanent, peiores sunt, quam eae, quae in augmento turbantur, quo tempore naturalis calor, concoctionem aggrediens, solitus est aliquando urinas flatibus replendo turbare, sed hae paulo post bonum sedimentum reponunt, ac clarescunt. Perturbatis vero urinis, quae clarae minguntur, & postea turbantur, quod praviore ceteris turbatis sint, ut voluit Galenus

Urinae
pertur-
batae
quoniam
pessimae.

lenus in primo libro de Crisibus cap. 11. in tercio Epidem. comment. 3. in text. 15. & in quarto libro Aphorism. 70. non equidem certe cognosco: nam si per eas, quæ postea turbantur, præmonstretur naturam debere concoctionem incipere, & per illas, quippe turbidas clarescentes, non incepturam, sed jam cœpisse, & aliquid concoxisse, indicabitur. Itaque ex turbidis urinis nihil residentes in acutis morbis erunt perniciosiores, & merito sanè; cum multitudinem crudorum crassorumque humorum adesse denotent, quæ ut concoquatur, & superetur a natura, longius temporis spacium requirit, quod nonnisi natura admodum robusta absolvet. Unde vehementibus morbis & corporibus debilibus hæ mortem præfagiunt. Ex coloribus, uti diximus, albæ, tenues, aquosæ, in acutis morbis sunt ^{Albæ, tenues, aquosæ, pessimæ.} quod, ut Galenus docuit, melius sit, in bilioso morbo urinas atque excrementa coloratiora spectari. Hippocrates in 2. Prognost. a) text. 30. damnat urinam ^{Rufæ & tenues malæ.} rufam, & tenuem, tanquam morbum plane crudum denotantem, ipsamque, ubi morbus diutinus fuerit, periculum significare ægro, ne ipse possit durare, quo ad morbum concoquatur; hocque præfagit, quoniam rufa urina, & tenuis sit vehementis morbi indicium. Indicat enim intus magnum caloris incendium adesse, & in hepate, aut in ventriculo, aut in septo transverso adesse flammeam aliquam inflammationem. In internis inflammationibus, ^{Auræ quando malæ.} & in acutis febribus, aurea urina diu permanens maxime est suspecta, quod, ut dictum est, magnam alicujus visceris phlogosin, aut phlegmonem denotet. Nigra urina ^{Nigræ nunquam sine periculo.} nunquam sine periculo in acutis morbis apparet, modo critice talis non excernatur, vel in suppressis mensibus melancholicis, copiose prodeuntibus, aut cum larga sanguinis eruptione per nares. Quibus modis nigras urinas conspectas, non esse timendas, in altero Capite docuimus. In acutis vero morbis, aliquo illorum modorum non excretæ, nigrae urinae sunt periculosæ; sanguinis enim

X x x 2

enim uisti copiam, quæ non ita facile a natura concoqui potest, denotant. Quare Hippocrates in *Prognost.* a) dixit, nigram urinam rufa tenui esse exitiosiore, & in mulieribus atque in viris deterrimam. b) Hinc nigram quoque nubeculam in urinis damnavit, tanquam signum perniciæ. Tenues vero nigras, & paucas urinas, fuisse unum ex signis, quæ, cum febres ardentes inciperent, annuntiabant, quibus exitium impenderet, Hippocrates in

Nigræ
quæ in
quosas
mutan-
tur exiti-
osæ.

1. *Epidem. comment.* 2. c) *text.* 75. meminit. Exitiosæ sunt, quæ in aquosas mutantur, cujusmodi fuerunt, quæ in muliere apud frigidam aquam decumbente d) conspectæ fuerunt. De hac Hippocrates 11. *urinae multæ, tenues, & nigræ: & vigesimo*, ait: *Urinæ aquosæ, & multæ, malæ.* Quod Galenus in *comment.* notavit, quippe urinas nigras in aquosas versas esse lethales. Auctor *Prorrheticorum* e)

Urinæ
nigræ
male-
olentes
exitiales.

scribit, *urinas nigras in turbulentis & vigilibus esse phreniticas*, id est, phrenitides prænuntiare. Sed addimus nos ferinas ac lethales in iis præfigere, quod ex atra ustaque bile futuras præmonstrent. Exitiales itidem esse nigras maleolentes, Galenus in 7. *Aphorism.* 75. animadvertit. Demum urinæ perpetuo nigræ, tenues, aquosæ, cum malis signis, mortem ostendunt, quales in muliere apud frigidam aquam decumbente f) apparuerunt, de quibus Hippocrates in fine illius historiae casus, ait: *Urinæ hujus perpetuo nigræ erant, tenuesque, & aquosæ, comaque consequabatur, cibum fastidiebat, animo erat dejecto, in somnis iracunda, implacida, animo melancholico.* Pessimæ omnium

Nigræ
cum ni-
gro sedi-
mento
omnium
pessimæ.

sunt nigræ, cum nigro sedimento. De his Galenus in primo libro de *Crisibus* cap. 52. ita habet: *Pessima igitur est tota urina denigrata, adeo ut neminem unquam servatum viderim ex iis, qui talem minxerint. Minus vero perniciofa, si solum id, quod subsidet, nigrum fuerit, atque adhuc minus, si solum*

a) Pag. 40. lin. 46.

b) Ibid. lin. 41.

c) Pag. 954. inter

lit. E. & F.

d) Lib. 3. *Epid. Ægr.* 2. p. 1096.

e) Lib. 1.

text. 4.

f) Lib. 3. *Epid. Ægr.* 2. p. 1096.

Urinae
quoniam
inutiles.

dacium decumbebat, nono die multam urinam, in qua nihil subsideret, reddidisse; & quæ *apud frigidam aquam*, a) perpetuo habuisse urinas multas nigras, tenues, aquosas. Multæ quoque crassæ, aut turbidæ non residentes, aut quicquam non juvantes, maxime damnantur; multæque urinae omnes in morborum principiis damnantur, & merito inutiles habentur, quoniam tunc temporis nihil concoctum excerni, nullamque probam purgationem fieri posse, alias a nobis fuit demonstratum. Pauca tenues in ardentibus febribus, & acutis inflammationibus pessimæ existunt, quod indicent serum sanguinis igneo calore absumtum. Quæ si vitiosæ, eo peiores erunt. Quales in *uxore Dromedai*, b) in adolescente *Mælibææ*, c) & in filia *Euryanactis virgine*: d) Hæc enim, & adolescens *Mælibææ* paucas tenues non boni coloris, & Illa paucas tenues oleosas minxit. Pauca itidem tenues fuere conspectæ in illa quæ *apud Tisamenum*, e) & in ea quæ *apud Pantimidem* f) decumbebat. Qui omnes ægroti paulo post obierunt. Ubi vero propter igneum calorem, serosam humiditatem sanguinis prorsus absummentum, aut propter omnium functionum, ut Galenus in 3. *Epidem. comment.* 2. in text. 4. docuit, extinctionem, urinae plane restiterunt, in febribus exitium esse prænuntiatur. In *Sileno* g) moribundo, ut Hippocrates narrat, *sexto die restiterunt*, atque *die septimo nihil minxit*, demum *die octavo paucas reddebat cum dolore mordaces*, quæ nobis indicio fuerunt vehementis caloris, serum sanguinis tum absummentis, tum summe calidum acre facientis? In *muliere Cyzici*, h) *anginosa apud Aristionem agente*, i) atque *adolescente Mælibææ*, k) propter facultatis extinctionem, ante exitium restiterunt.

Urinae

- a) Ibid. Ægrot. 2. pag. 1096. b) Lib. 1. Epidem. Ægr. 11. pag. 987. c) Lib. 3. Epidem. Ægrot. 16. pag. 1117.
d) Ibid. Ægrot. 6. pag. 1073. e) Ibid. Ægr. 9. pag. 1077.
f) Ibid. Ægr. 10 p. 1078. g) Lib. 1. Epid. Ægr. 2. p. 969.
h) Lib. 3. Epid. Ægr. 14. p. 1114. i) Ibid. Ægr. 7. p. 1075.
k) Ibid. Ægr. 16. pag. 1117.

Urinx quoque pauca, acres, nihil allevantes, lethales existunt; quod summo caloris incendio, intus latente, se-
 rosam omnem humiditatem absumi, humoresque inflam-
 mari, & Hippocrates animadvertit, *Silenum a)* ante mor-
 tem urinas paucas mordaces reddidisse. Ego vero *Gua-*
dagninam, olim meam dilectissimam uxorem, atque alios,
 ardente febre lethali vexatos, hujusmodi urinas paucas,
 summe acres ac vellicantes, sæpius minxisse vidi, quas
 paulo post exitium fuit subsecutum. Quæ etiam ex uri-
 nis nullum contextum habent, quippe neque sedimen-
 tum, neque suspensum, neque nubeculam, & malæ ex-
 sistunt, modo ægroti prius inediam non sustinuerint, ut
 Galenus in 2. *Prognost.* tradidit, aut plurimum laborave-
 rint, aut vigilarint, aut corpora fuerint admodum bilio-
 sa, in quibus urinas absque contento spectari, non esse
 malum, Galenus in *primo libro de Crisibus cap. 13.* testatum
 reliquit. Crassas vero absque sedimento in acutis morbis
 lethales esse Galenus affirmavit. Malæ itidem sunt, quæ
 cum pauco sedimento, aut crudo, minguntur. De qui-
 bus Hippocrates in 1. *Epidem. b)* scribit: *Urinæ tenues &*
incoctæ & decolores, & pauca, aut crassitiem habentes, & par-
vam subsidentiam, nec probe subsidentes, sed crudo quodam
& intempestivo sedimento. Galenus in 4. *Aphorism. 69.* da-
 mnavit urinas crassas, propter gravitatem sedimenti: &
 Auctor *Libri de Urinis cap. 72.* dixit, accidere aliquando,
 ut albus humor & crudus simul excernatur cum urina, &
 in imo subsideat instar bonæ hypostasis: & Galenus in *se-*
cundo libro Prognost. dixit: crudum sedimentum copio-
 sum, morbum a multitudine crudorum humorum fove-
 ri, proinde reddi difficilem, indicare; crassum itidem,
 eadem ratione in 4. *Aphorism. 69.* maxime damnavit: de
 hoc ipso Hippocrates in 7. *Aphorism. 31.* ita habet: *Qui-*
buscunque febricitantibus in urinis sunt sedimina similia fa-
rinæ crassiori, longam ægritudinem fore significant. Di-
 ctum

a) Lib. 1. Epidem. Ægr. 2. pag. 969.

b) Pag. 94c. sub lit. G.

Farinæ
crassiori
similia
sedimen-
ta ha-
bentes
malæ.

Etum est alias ex Galeno in primo libro de Crisibus cap. 12. hæc sedimenta crassa, farinæ scilicet crassiori similia, quæ *Crimnodes* Græcis dicuntur, magnam sanè colliquationem præmonstrare, & propterea in acutis morbis esse exitialia: & Galenus in comment. Aphorism. 31. de hisce sedimentis ita habet: *Liquet igitur & ex his exemplis, quod quicumque mingunt urinam similem farinæ crassiori, si salvari debeant, tarde liberantur. Quicumque vero exitialiter se habent, contingit hos quam cito interire: & propterea has urinas exitiales facit, plurimosque ait morte præripì, antequam ægritudo diutius protrahatur; & quicumque ex ipsis fuere liberati, in omnibus in longum productam fuisse ægritudinem: & merito sanè; cum dispositio, in qua talis urina mingitur, multam requireret coctionem. Hippocrates in 2. Prognost.*

Orobis
similia
sedimen-
ta ha-
bentes.

a) text. 28. hæc sedimenta maxime damnavit. Hoc sedimen habuerunt urinæ *Sileni*, b) & illius, qui in dealcis horto decubuit, c) qui non nisi spacio dierum quadraginta fuit servatus. Diximus itidem superius, sedimenta orobis similia, squamola, furfurosa, quæ Græcis *Oroboïdes*, *Peta-loïdes* & *Pityroïdes* vocantur, quod ab eadem colliquatione fiant, ideo in febribus acutis, ubi minime vitio renum, aut vesicæ fiant, esse lethalia. Hæc omnia Hippocrates in 2. Prognost. d) cap. 26. hisce verbis est complexus, dicens: *Si urinæ sedimentum referat speciem farinæ crassioris, malum est; deterius his, si squamularum institutione consessit: si vero tenue, & candidum admodum, est, vitiosum est; furfureum vero, deterius est.* Cognoscimus non renum vitio fieri, ubi adfit febris acuta colliquans, nullumque læsorum renum

sedimen-
tum di-
vulsum
habentes
malæ.

signum appareat. Sedimentum quoque divulsum, quod cruditatem denotet, improbatur, quo apparente nunquam tuto salus prædici poterit: eodem modo inæquale, de quo Hippocr. in 2. Prognost. e) text. 20. *Si vero intermittit, at-*
que

a) Pag. 40. lin. 38.

b) Lib. I. Epidem. Ægrot. 2. pag. 969.

c) Lib. 3. Epid. Ægr. 3. pag. 1066.

d) Pag. 40. lin. 38.

& seq. e) Ibid. lin. 33.

que interdum pura mingitur, interdum subsidens candidum ac leve, morbus diuturnior, ac minus securus est. Subrubrum improbatum ab Hippocrate *) quod morbum diu-
tinum ostendat, etsi salutarem esse dixerit: Auctor ve-
ro libri de urinis ait, subrubrum sedimen defectum co-
ctionis præmonstrare, non tamen mortem. Verum
quoniam omnis morbi longitudo est suspecta, ideo non
carere videtur pravitate, & maxime in corporibus im-
becillioribus, morbisque vehementioribus, quibus na-
turæ vires cito collabuntur, & sæpius nondum conco-
cto morbo. Nigrum sedimentum est pessimum in acu-
tis morbis, quod cum nigra urina Galen. affirmavit esse
omnium pessimum; minus vero perniciosum suspensum
& adhuc minus nubeculam esse. Ex suspensis improban-
tur clara, quod delirium signent, quod in *virgine Larissæ*
a) Hippocrates notavit, & Galenus in *comment.* dixit, ca-
su delirium significasse, non per se: quatenus, inquam, san-
guinem flatuosiore denotaret; quoniam si nullus flatus
insit sanguini, suspensiones ad imum vasis deferentur. Au-
ctor *Prorrheticorum* b) suspensum sublime delirium por-
tendere statuit, & eo magis, ut ait Galenus si una aurium
sonitus adfuerit, atque si aliquis dolor coxæ, vel alterius
partis inferioris, & a visceribus remotæ, occultatus fuerit.
Nigrum quoque suspensum, divulsum, inæquale, malum
esse, sed minus malum quam sedimentum, dicit Galenus
in *lib. de Urinis cap. 17.* Nubeculam quoque nigram da-
mnavit Hippocrat. in *2. lib. Prognost.* c) *text. 29.* Pingve
itidem supernatans malum esse ait, d) quod consumptio-
nem significet. Ego sæpius nubeculam juxta superficiem
urinæ, circuli modo evectam, atque elatam in iis, qui phre-
nitici obierunt, vidi. Proinde hanc in acutis turbulentis-
que

Subru-
brum.

Nigrum.

Urina-
rum su-
spensa
quænam
mala.
Suspensa
in urinis
clara
quid
præfagi-
unt.Nigra,
divulsa
inæqua-
lia mala.
Pinguia.

*) Pag. 40. lin. 36.

a) Lib. 3. Epidem. Ægr. 12. pag. 1110.

b) Lib. 1. text. 4. 32. 37.

c) Pag. 40. lin. 41.

d) Ibid. lin. 52.

que febribus esse perniciosam cognovi. Quare ubi contenta, quæ secundum naturam se habent, fuerint ad superficiem urinæ multo spiritu evecta, pravum in capite, neque exiguum affectum prænuntiant. His addimus, urinas in non recordantibus & insciis ægrotis mictas, de quibus in 1. *Prorrhæ.* a) hæc leguntur: *Urinæ excretio in non recordantibus, perniciosa.* Denotat namque, teste Galeno,

Urinæ
recte va-
lentium
quare
sepe ex-
itiales.

periiisse naturalium functionum intellectum. Hocque aut cerebro læso, ægrotis quippe delirantibus, fit, aut extincta naturali facultate. Unum restat admonendum, quippe urinas in multis exitiosissimis febribus mingi substantia, colore, atque contentis, recte valentium urinis similes, hasque optimas ignaris Medicis videri, Medicosque maxime decipere. Quæ tamen in iis mortem portendunt inevitabilem; quod nobis indicio sint, bilem, qua colorantur urinæ, aut cerebrum, aut aliquod aliud viscus invasisse, nihilque succorum noxiorum cum urinis excerni, quod summe exitiosum esse in phreniticis, ac vel etiam in pleuriticis, peripneumonicisque, Medici observant: nihil enim, ut proxime dicemus, in pleuriticis est perniciosius, quam in ipsis sputa non excerni, & quæ excernuntur, flavum colorem non habere permixtum.

C A P. XVI.

De prædictione ex sputis, & primo quid sit sputum, quas partes læsas denotet; differentiæ & causæ.

Sputum
quid?

Est quicquid per os non vomitione rejicitur, sputum Medici appellant, quippe, scœatu, simplici spuitione, atque tussi; nihilominus illud sputum proprie magis dicunt, quod tussi excernitur, de quo, quod ad nostrum institutum maxime faciat, nimirum ad judicandam prognosim, in præsentia accuratius itidem scribemus. Hoc vero, quippe tussi excretum, excrementum est pituitosum mu-

Quas
partes
læsas de-
notat.

CO-

cosum, modo simplex exeat, minimeque aliis humoribus mixtum, quod ex cerebro in pulmones destillavit. Aliquando tamen biliosa, aut purulenta mera rejiciuntur, quæ pessimarum passionum sunt effectus. Hæc inquam per tussim excreta, sputa, ut diximus, vocata nobis, Galen. Auctore, indicia sunt affectionum tum pulmonum, tum thoracis, tum asperæ arteriæ, tum gutturis, atque, ut in summa dicam, respirationi subservientium instrumentorum omnium. Differunt vero inter se substantia, figura, colore, quantitate, simplicitate, & mistione, odore, sapore, ^{Sputorum differentia.} screationis facilitate, atque allevatione, aut auctione doloris, atque tussis. Substantia enim tenuia sunt, crassa, viscida, & visciditatis expertia. Figura plana, æqualia, rotunda, spumosa, cruenta ac purulenta. Colore alba, pallida, flava, rufa, rubra, viridia, livida, nigra & quædam versicolora. Quantitate vero multa, pauca, & nulla. Simplicitate, ac mistione, simplicia *mera* vocata, atque mista. Odore, ægreolentia, & quæ non male olent. Saporibus, insipida, dulcia, salia, amara, & acria. Facilitate excretionis, & difficultate, quæ facile tussi rejiciuntur, quæ difficulter, & quæ nullo modo. Quæ dolorem & tussim sedant, quæ augment: ac demum concocta, cruda, atque maligna.

Horum omnium causæ sunt dignoscendæ, & primo Causæ. tenuium liquidorum. Quæ (Galenus Auctore *in libro sexto Epidemior.*) fiunt a calore debili cerebri, aquosum excrementum minime coctum facientis, quod neque in pulmonibus, defectu multi caloris crassescit. Hoc ipsum in pleuriticis principium esse coctionis statuit. Veluti crassum ^{Sputa tenuia li-} sputum perfectæ coctionis est nota. Maturescentia enim ^{quida unde.} sputa e tenuibus, seu liquidis, crassescunt. Viscida ^{Viscida unde.} me- diocriter fiunt sputa, cum liquida percoquantur. Quæ vero valide viscida existunt, indicant intensum calorem, humidum resolventem, qua ratione pituita, calore eximio agitata, crassescit, atque lenta evadit. Hæc in pleuriticis & pulmonibus pessima sunt; vix enim; quia tam firmiter

partibus adhærescunt, projici possunt, sæpeque leves pulmonum arterias obstruendo suffocant. Quod *Antipatro Medico Romano* contigisse *Galen. in lib. 4. de affect. cap. 6.* memoriæ prodidit. In pleuriticis, pulmonis, ac vel etiam in asthmaticis, quod projici non possit, stertorem ac ebullitionem inducit, sæpeque suffocat, aut empyema facit. Dilutior vero pituita, expers lentoris, debilis caloris, humidum tenue non absorbentis, est nota. Plana & æqualia. æqualia tum unius simplicisque essentiae pituitam, tum Inæqualia, variefigurata. Spumosa, diu spumam conservantia, quæ a pituitosa viscidaque substantia, caloreque multo agitante, fiunt; quod valde spumans merito *Galen. in libro de totius morbi tempor.* damnavit. Fiunt vero etiam hæc sputa flatulento spiritu pituitæ, vel alio humore mixto, qualia ex pulmonibus, plurimo aëre excrementis permixto, fiunt. Qua ratione *Paulus* scribit e gutture spumofum, propter commercium respirationis, sæpius sputum rejici. In pleuriticis, & peripneumonicis non e flatu, sed collecto igneo calore, in partibus affectis, excrementa spumosa extussumuntur. In quibus si sanguis spumofus appareat, pulmonis substantia læsa, uti docuit *Galen.* indicatur. Quinimo necessario sanguinis sputum spumofum, substantiam pulmonis ulceratam, *ex libro quinto Aphorismorum a)* Hippocrat. denotare constat. Rotunda vero, quæ tussi excernuntur, fieri ab humore crasso, & tenaci, in fibris pulmonis collecto, atque a calore insigni, *Galen. in libro 6. Epidemiorum* tradidit. Addimus formam rotundam, quod glutinosus humor, in aspera arteria contentus, eandem cum illo formam acquirit; siquidem ipsa globosa est, & cavitatem interiore in orbem circumducta. Hæcque in quibusdam, febre vacantibus, vidi, qui per valde longum temporis intervallum nihil mali pati videbantur, attamen isti omnes postea phthifici contabuerunt. Hæc Hippocrates *b)* delirium

a) Aphorism. 13.
Sect. 6, text. 21.

b) Lib. 6, Epidem. Sect. 3, text. 27. &

um demonstrare docuit, forte ex caliditate, quam notant, caput replente, ut Galen. *in 4. de loc. affect. cap. 8.* expressit, at nunquam per se sola delirium posse prænuntiare. His sunt proxima, quæ grandinis granis similia spectantur: *Grandi-* hæc ipsa Gal. in quodam vidit, qui, quin phthysicus con-*nis gra-* tabuerit, effugere non potuit. Cruenta autem fieri a san-*nis simi-* gvine exeunte, aut venis apertis, *Anastomosin* Græci dicunt; quod si ita effluat, nullus dolor aderit, nulla inflammatio, nulla febris, estque sanguis aquosus & tenuis, multus ex magnis, paucus ex paucis promanans venis; aut erosus, (*Diabrosin* & *Anabrosin* appellant) quem affectum notant, tussis molesta absque causa manifesta, sanguis principio paucus, & non nisi per intervalla exiens, aliquando copiosus, ubi insignis fuerit erosio, & magnorum vasorum præcedunt destillationes; aut demum venis itidem ruptis, quem etiam affectum vocant *Peririxim*. Cujus notæ sunt, dolor, & præsertim, si ex thorace & ex pulmone, juxta membranam, sanguis copiosus, causæ ruptionis antegressæ, veluti est humorum abundantia, vehemens motus, clamor, casus, ictus & alia similia. Itaque sputa cruenta fiunt a sanguine, ut dictum est, aut venis apertis, aut exesis, aut denique ruptis. In pleuriticis vero hæc sputa rejiciuntur, cum natura præsertim materiam aggreditur; hanc etenim paulatim attenuat, proinde laxatis viis, ex quibus vapor exhalat, tenuior pars, & vicina vapor, per raritatem pororum elabitur in interna & vicina spacia, ex quibus, tussi sublata, & sputo excluso, initium coctionis præmonstratur: sunt vero pituitæ mista; proinde has mitissimas pleuritides, Galenus *in 6. Epidem. comment. 3.* esse statuit. Valde cruenta vero sputa in iis Auctor Coacor. prælag. *a)* *in 5. prælag. sect. 2. text. 33.* maxime damnavit, quod veluti sincerus sanguis exeat, atque aliud vitium denotet; aut enim vasorum quorundam *Ἀξ-βρώσις*, a bile acri, & erodente, quæ sanguinem attenuat, & venas aperit, significatur; aut *ῥήξις*, id est ruptura a ve-

hementiori thoracis compressione, quæ nihil ex phlegmone foras excludere poterat. Purulenta vero sputa a sanguinis sputo phthisin indicare futuram, Hippoc. *in lib. 7. Aphorism.* 15. tradidit: at in pleuriticis, & peripneumonici suppurationem, & empyema, a qua tabes: cum enim materia quatuordecim diebus non repurgatur, aut ægrotos suffocando interimit, aut putrescit magis, & in pus convertitur: cujus signa sunt horror, vel de novo, aut auctior, febris vehementior, & gravitas, seu pondus; de hoc Hippoc. *in 2. lib. Aphorism.* 47. ita habet: *Circa puris generationem dolores ac febres contingunt, magis quam ubi jam est genitum.* Sed de purulentis sputis posterius etiam nos accuratius. Nunc ad varios sputorum colores. Alba itaque cernuntur sputa, ubi id, quod excernitur, est pituitosum, aut purulentum. In morbis pituitosis utilia sunt, in biliosis vero cum inutilia, tum mali indicii; quod nihil de materia, pleuritim faciente, educi præmonstrent: de albis ex pure nuperrime sermo est habitus. Flava vero, pallida, nigra, e bile flava, pallida, ac nigra resudante fieri, Galenus *in lib. 6. Epidem. comment. 4. text. 4.* notavit. Quos sputorum colores hisce verbis *in lib. 2. de loc. affect. cap. 9.* est complexus; scribit enim *cap. 9. Quippe jam ostendimus omnem inflammationem ex affluente fieri sanguine. Quapropter si biliosus fuerit sanguis, flavum aut pallidum erit sputum; si pituitosus & spumans, candidum; si melancholicus, aut nigrum, aut lividum; si nihil horum sanguinem interfecerit, rubrum. Quin etiam in pleuritide sæpe numero magis biliosum, in peripneumonia vero magis pituitosum.* Versicolora multorum affectuum (Galen. auctore) sunt indicia, proinde morbum difficilem præmonstrant. Multa multitudinem humorum, quæ si facile excernantur, sintque alba, crassa, concoctum esse phlegmonem, ac superatum; si vero purulenta, & in ipsis pus sit album, leve, æquale, non foetens, denotant, phlegmonem suppuratum per puris excretionem finitum iri; si biliosa, viridia, livida, nigra, morbum erudissimum & valde malignum, &

vix a natura debellandum. Pauca, etsi concocta, non pro ratione morbi, inutilia sunt: quo merito in peripneumonia ab ipsis timendum, Auctor *Coacorum præsagiorum* a) quid notant. nos docuit. Qualia fuere in uxore *Euxenii* ab Hippocrate in 7. *Epidem.* b) text. 46. observata. Nihil vero excerni in pleuriticis ac pulmonis, summe est periculosum, ubi potissimum non principio morbi, sed postea quoque sputum omnino non appareat. Nihil omnino exspuere idem in pleuriticis significare, quod in aliis febribus urinæ aquosæ, quippe summam morbi cruditatem, Galenus in primo libro de *Crisib.* cap. 18. docuit. Quo inflammationem seu phlegmonem, concoctu difficilem, ac diuturnam præmonstrari in primo *Aphorism.* 12. meminit: & in libro de *constitut. art. medend.* cap. 16. ait, nihil exspuere esse perniciosum; partim quod significet fluxionem phlegmone quasi devinctam teneri, partim vero, quia ea unica universa interius contenta corrumpantur. Hinc Auctor *Coacorum præsagiorum* c) siccæ pleuritides, in quibus nihil exspuitur, merito fecit periculosissimas; & Galen. in libro 2. de *Crisib.* cap. 20. ait: *Nam cum passio exquisite angusta fuerit, & veluti alligans in seipsum universum fluxum cohibuerit, tunc facit morbos lethales, qui ἀπνοῖα, id est, sine spūto nominantur:* & in libro de totius morbi tempor. cap. 16. nihil omnino exspuere cum ingenti dolore & spirandi difficultate, esse exitiale, statuit. Non minus malum esse, spu-^{Suppres-} tum, in iisdem malis, citra rationem, supprimi, Galenus fa. itidem in libro de *Constitut. Art. Medend.* notavit; hoc fieri, aut propter humoris lentorem, & crassitudinem, aut membranæ pulmonem continentis laxitatem, aut denique propter facultatis in ægro debilitatem, in 2. *Prognost.* Galenus expressit. De his Auctor *Prorrheticorum* d) in lib. 3. comment. 6. text. 5. *Lateris dolor ex sputis biliosis si absque ratione evanuerit, in furorem aguntur.* Galenus in comment. ait:

a) Text. 416.

b) Pag. 1224. text. 58.

c) Text. 381.

d) Lib. 1. text. 97.

In tabi-
dis &
suppura-
tis.

Sputa
Pleuriti-
cis mala.

Quænam
bona.

ait: *Hoc non perpetuo fieri, sed tantummodo, cum biliosi hu-
moris ad caput ipsum fuerit transitus.* In tabidis & sup-
puratis nihil pejus, quam sputi suppressio; in his phthi-
sin, aut mortem, atque in illis exitium significat. Galen.
in lib. 7. Aphorism. 16. ait, tamdiu tabidos extenuatos vive-
re, quamdiu per tussim pulmonem expurgare possint, at-
que ubi intus pus remanet, ob respirationis obstructas vi-
as, subito ægros suffocari; quod Hippocrates *in 7. Apho-
rism. 16.* ita expresse: *A puris sputo phthisis, cum vero
sputum retinetur, moriuntur.* Excretio itidem, quæ non
repurgatur, nec projicit ipsam pulmo, sed ob nimiam ple-
nitudinem fervet in gutture, multitudinem & lentorem,
atque facultatis imbecillitatem præmonstrat; sed de hoc
postea accuratius scribemus. In pleuriticis, peripneumo-
nicis, empyis, atque tabidis, facile ægrotos ac cito exspu-
ere, optimum est, ut docuit Galenus *in libro de Constitut.
Art. Medend.* In pleuriticis, & peripneumonicis, naturam
cœpisse concoquere, sputaque prava qualitate carere, no-
bis ostenditur; in suppuratis speratur pus posse ita repur-
gari, ut ad tabem ægroti non abducantur. De iis sputis
Hippocrates *in 2. Prognost. a) text. 43.* dixit: *Screatio in
omni dolore, qui affligat circa pulmonem & castas, cito prom-
pteque screetur, necesse est.* Hoc enim ostendit cum vita-
lis facultatis robur, tum animalis in cerebro, & musculos,
qui naturæ inserviunt, in efflatione, neque ductus obstru-
ctione, aut pressu impediri, neque materiam, aut ita len-
tam ex partibus eximi, aut ita crassam, vel tenuem, ut
rursus attolli non possit. Sincera vero sputa, *mera* quo-
que vocata, pituitosis exceptis, fiunt, teste Galeno *in li-
bro de Humoribus*, quæ nulli aquosæ humiditati sunt permi-
ssa, ubi præsertim calor flammeus omnem humiditatem
consumserit; quo fit, ut intus incendium caloris esse de-
notent, atque morbum difficillimum, quod illa sputa sint
maligna, vixque rejici queant. Hippocrates *in secundo
Prognosticorum b) text. flava sincera* damnavit, sed omnium

ma-

a) Pag. 41. lin. 13.

b) Pag. 41. lin. 19. & seq.

maxime *nigra*. Contra mista aquoso humido apparent, ubi noc ipsum haud calore febrili absumentur, aut plurimum pituitosi humoris abundaverit. Misti quoque apparent aliis humoribus, quæ *varia* vocari diximus, atque his multo pejora; quippe quod multiplicem affectum significant. Foetida itidem, quod graviter olent, insignem humoris facientis putredinem denotant. Qua ratione Galen. in libro de totius morbi temporibus cap. 6. Sputum impense foetidum in pleuriticis, & peripneumonicis maxime damnavit, & Hippoc. a) ad mortem deducere ait suppuratos. Inspida sputa cruda pituita facit; concocta dulcia, itemque cruenta, & pituita sanguini permista. Salva redditur ^{Inspida} pituita, cum a calore nimium agitata & assata, tum, ut unde Arabibus visum est, aut retorridis vaporibus, aut biliosis ^{salva.} humoribus mista. Acris sunt & amara ex flava, ruffa, & æruginosa bile; acida ex humore melancholico. Quæ dolo- ^{Acria &} rem levant, optima censentur, quod probam notent hu- ^{amara} morum vacationem, juxta illud Hippoc. b) si qualia pur- ^{dolorem} gari oportet, purgantur, confert. Qua ratione Hippocrates ^{levantia.} in Aphorismis c) dixit: Somnus delirium solvens, bonum. Contra malum. Idemque in doloribus lateris, ac pulmonum fit, & ubi sputa dolores non allevant, inutilia habentur, pejoraque, ipsum dolorem augescientia. Hæc si cum dolore pravam etiam qualitatem habeant, mortem; illa quippe per se ipsa non prava, tamen dolorem non allevantia, suppurationem præmonstrant. De his Hippoc. in 2. Prognost. d) text. 52. Quicumque autem dolores ex his sedibus non desinunt, neque screationum purgationibus, neque ventris subductionibus, neque venæ incisionibus, & medicamen- ^{Optima.} tis, & victus rationibus, in suppurationem verti, sciendum est. De illis quippe dolorem non sedantibus: e) Omnes autem exscreationes male sunt, quæ non sedant dolorem; pessimæ vero

a) Coac. præfag. text. 406. 409. b) Lib. 1. Aphor. 25. c) Lib. 2. Aphor. 2. d) Pag. 41. lin. 35. e) Ibid. lin. 33.

Mala.

Sputa
bona in
pleuriti-
cis.In sup-
puratis.Maligna
quænam.

vero nigra, ut descriptum est; quæ vero sedant dolorem, meliores sunt. Eodem quoque modo sputa, quæ tussim ledant, optima sunt; quoniam humorem, inflammationem atque tussim facientem, commode purgari significant: contra, quæ multam tussim concitant; namque aut vitio materiæ, quæ cunctatur in pulmonibus, aut instrumentorum, aut facultatis infirmitate, ipse humor, admodum crassus, magna difficultate attollitur, & in angustiis quibusdam sic intercluditur, ut quosdam suffocet; & admodum viscidus a partibus, quibus adhærescit, eximi non potest, ac sæpe sublatus intra pulmonis fistulas, glutinis modo hærens, detinetur; tenuis denique, circa spiritum diffluens, ægre exspuitur. Atque hisce omnibus multa tussis excitatur, quam tollunt, atque compescunt, quæ moderate crassa, non admodum viscida, neque tenuia. Hippocrat. propterea sputa tussim multam concitantia in *Prognosticis* a) maxime damnavit. Concocta demum sunt sputa in pleuriticis ac peripneumoniceis, alba, levia, non admodum, ut Galen. in 2. *Prognost. text.* 45. docet, tenuia, vel crassa, quæque facile exspuunt, æqualisque consistentiæ. Hæc fiunt natura vincente morbum. In suppuratis vero, Hippocrate Auctore, b) quod est, album, purum atque foetoris expers. In *Prognosticis*, c) quoque sputum, cui sit permixta flava bilis, maxime in pleuriticis commendavit, utpote quod denotat, plurimum materiæ facientis inflammationem recte purgari. Contra tenue, aut nimis crassum, vel viscidum, vel tenue, crudum est, nondum naturam quicquam concoxisse explicans. Maligna vero sunt, sincera flava, ruffa, viridia, livida, nigra, versicolora, impenso foetida, dolorem augescencia, atque tussim, cum difficillima respiratione. Atque hæc de diversorum sputorum causis: nunc ad sputa salutaria, quæ speciatim salutem denotant, descendimus.

CAP.

C A P. XVII.

De sputis bonis, salutem prædicentibus.

De bonis sputis, salutem denotantibus, agentes, primo hæc qualia in & absque febre, tussi, respiratione difficili, aut dolore vexatis, spectari debeant, dicemus: secundo in pleuriticis, & peripneumonicis: atque tertio in suppuratis. Itaque in affectibus thoracis, absque inflammatione & febre, optima sunt sputa alba, levia, æqualia, modice crassa, parum viscida, æqualia, nullo colore pravo infecta, quippe flavo, aut pallido, aut ruffo, aut viridi, aut livido, aut nigro. Quemadmodum colore tincta, & præsertim flavo, Galen. *in libro quarto de locis affectis cap. 8.* maxime damnavit, de quibus in sequenti capite nos accuratius. Bona itidem sunt, quæ facile excernuntur, absque multa tussi, & quæ & ipsam, & difficilem respirationem sedant. In pleuriticis vero, & peripneumonicis sputa salutaria existunt, quæ recte valentium non dissimilia apparent, teste Galeno *in primo libro de Crisibus cap. 7.* neque enim fieri potest, ut pectoris pulmonumque partibus maxime læsis, sputa recte valentium similia excernantur, sed quinimo ipsa dissimilia fieri, est necessarium. At quæ similia sunt recte valentium sputis, non nisi in statu morbi exscreantur, quo tempore morbus perfecte est concoctus. Hinc Galenus *in primo Aphorism. 12.* dixit, sputa concocta esse alba, levia, æqualia, non admodum vel tenuia, vel crassa, quæque promte facileque excernuntur. Et idem *in libro sexto Epidem. text. 44.* dixit, in pleuriticis, & in Peripneumonicis, in principio ægrotos, si salutari morbo laborent, aliquid exspuere, atque hoc coctionis principium propterea indicare, quod si tenue exspuant, medicrem concoctionem, & crassum, perfectam; & *in Aphorism. 1.* ait: in iis affectibus ægrotos nihil exspuere, morbum significare crudissimum; coctionis principium, aliquid exspuere, tenue tamen; quod ubi crassius evaserit,

Sputa
quænam
bona.In Pleu-
riticis &
Peri-
pneu-
monicis.

maiores coctionem; & ubi crassum, ut dictum est, album, læve, æquale, facile excreatur, perfectam coctionem præmonstrare. Quare optimum erit sputum album, ut dictum est, leve, æquale, facile eductu. Cujusmodi in *Anaxione* Hippoc. a) vidit die vigesima septima. Quod forte non videtur omnino verum, si Hippocrat. in *septimo libro Prognostic.* b) text. 50. verum scripsit, dicens: *Permista appareat flava bilis admodum screationi oportet: & paulo post: c) Screation flava non multo permista sanguine, in pulmonis morbo, si in initio excernatur, salutaris admodum est.* Qua etiam ratione Auctor *Coacorum præsagiorum* d) scripsit: *In doloribus pleuriticorum utile esse, sputum colorari, & e) in omni pleuritide & peripneumonia optimum esse, sputum facile citoque excerni, mistum flavo sputo: ex quo non modo sputa alba, bona erunt, sed flava, cruenta, pallidaque excreationi permista.* Hoc quidem verissimum est, attamen non in statu, sed in principio vel in augmento; quod nulla alia ratione fit, quam quod hæc sputa inflammationem ex bile flava, ac sanguine fieri præmonstrent, quæ ceteris aliis, ex aliis humoribus concitatis, minus periculosa, ut Galenus ostendit, existit, atque etiam, quoniam humoris, inflammationem facientis, aliquid evacuari denotent. Hæc itaque sputa in principio, & in augmento morbi educta, haud erunt inutilia. Quæ si tardius, ut ait Hippocrat. f) talia excernantur, minus tuta existunt; quia & morbum tardius coquendum denotant, & longitudinem morbi, nunquam periculo vacantem, præagiunt. Non sunt tamen lethalia, sed longum modo morbum præmonstrantia, non inutilia, uti dictum est, quod aliquid humoris, facientis inflammationem, purgari significant, atque etiam inflammationem non esse malignam, sed faciliorem, ac securiorem, quam quæ ex aliis sunt humoribus. Quo fit, ut neque viridia, neque

a) Lib. 3. Epidem. Ægrot. 8. pag. 1104.

b) Pag. 141. lin. 15.

c) Ibidem lin. 29.

d) Text. 386.

e) Text. 390.

f) Coac. Prælag. text. 385. & 390.

neque nigra, neque versicolora, bona sint: siquidem a pravi-
 vioribus succis inflammationem esse concitatum notent,
 ac proinde flavis & cruentis viridia, & nigra sputa sint pra-
 viora. Bona itidem sunt sputa, si, præter nuper dictas no-
 tas, hoc etiam habuerint, ut facile prompteque educantur.
 Quod Hippocrates in *secundo Prognosticorum* a) text. 45.
 ita meminit: *Screatio in omnibus doloribus, qui sunt circa*
pulmonem & costas, cito prompteque screatur, necesse est; ci-
 to vero exspuitur, si intra tertium diem aut quartum ap-
 pareat, quod si bonum sit, morbum cum brevem tum sa-
 lutarem ostendit, teste Galen. *libro Aphorismorum*: tum
in primo libro de Crisibus comment. 3. text. 18. tum in 6.
Epidemiorum comment. 3. text. 79. Multum vero & con-
 coctum in die decretorio, optimum est, atque unum ex
 judicatoriis judicantibus dicitur, quod si dolorem tol-
 lat, tussim, atque febrem, alio opus non habebit signo, ut
 optimum ac criticum sputum judicetur. De *Anaxione Epi-*
demiorum, b) text. 95. ait: *Decimo septimo capit pauca*
concocta excernere, levatus est. Vigesimo septimo rediit fe-
bris, tussit, multa excrevit concocta, in urina multa subsi-
debant alba, desit sitire, dormivit. Addamus optima iti-
 dem esse, una cum alia bona vacuatione conspecta. In
 suppuratis eodem modo ex Hippocrate in *libro secundo* In sup-
Prognosticorum: c) *Sputum optimum est, album, leve, con-* puratis.
color, vacans pituita, absque labore & valida tussi eductum.
 Sed addimus copiosum, quod febrem, sitim, tussim, at-
 que malam respirationem tollat: sed de his paulo post ac-
 curatius agemus. Nunc transeamus ad sputa exitialia.

Z z z 3

CAP.

a) Pag. 41. lin. 13.

b) Lib. 3. Ægrot. 8. pag. 1104.

c) Pag. 42. lin. 49.

CAP. XVIII.

De malis sputis, exitium prædicentibus.

Sputa pi-
tuitosa
mala.

Nunc sputa mala, exitium præſagientia in iis, qui nullo morbo laborant, recenſeamus, a pituitosis exordientes. Quorum quæ diu ex capite in pulmonem deſcillant, ſubſtantia admodum tenui, vel craſſa, viſcida, copioſa, figura rotunda, ſapore ſalſo aut acri, maxime ſuſpecta eſſe ſolent. Admodum tenuia tuſſim moleſtiſſimam concitant, & craſſa, obſtruendo vias reſpirationis, ſuffocationis periculum inducunt, idem & viſcida, diu pulmonis branchiis adhærendo. Quæ, ſi ſalſa aut acria ſint, arterias exedendo ad cruentum ſputum viam parant, & ab eo ad pus, atque tandem ad phthiſin. Rotunda ſputa, quæ a tenaci craſſaque pituita, & a multo calore fieri oſtendimus, perpetuo homines ad phthiſin maxime ſuſpectos reddunt. Galenus *in ſexto Epidem.* ſcribit, hæc in febre etiam vacantibus vidiffe, qui etſi per valde longum temporis intervallum quicquam mali pati non videbantur, tamen iſtos omnes phthiſicos contabuiffe; & *in quarto libro de locis affect. cap. 8.* quædam ſputa grandinis granis ſimilia ſe vidiffe ſcripſit, qui, quin phthiſicus fieret, effugere non potuit. Bilioſa quoque ſputa maxime in ſuſpectis ad phthiſin a Galeno damnantur. Hæc vero colore aut flavo, aut pallido, aut ruſſo, & ſapore, aut acri, aut amaro, nobis innotescunt. Coloribus iis hæc manifeſte deprehendimus, quod hi colores, præfertimque flavus, & pallidus bilem amaram, teſte Galeno *in libro ſecundo de locis affectis cap. 10.* denotent. Saporibus non ita certe: ſiquidem ob permiſſam pituitam ſapores iis hebeſcant, & obſcurentur. Unde Medici, alioquin eruditiffimi, aliquando decipiuntur, quod bilioſum humorem intus in pulmone deliteſcentem non agnoſcant, quod ſputa, etſi flava, vel pallida, vel ruſſa appareant, minime acria vel amara obſervent. In quibus tamen exeiſ pulmonibus

Bilioſa.

nibus gravante. De his Galenus in libro quarto de locis affectis ita habet: *Quidam humorem repente exspuit liquide bili in colore perquam similem, medium videlicet inter flavum ac pallidum, at nulla acredine infectum, atque ita quotidie majorem ejus quantitatem exspuit, deinde levi suborta febricula tabescere incepit adeo, ut purulenta screaret, postea tractu temporis, quatuor videlicet mensum, exiguum cum pure cruorem rejecit, atque sic aucta febre magis consumebatur, ac iterum atque iterum pus exspuebat, adeo, ut magnam sputi quantitatem redderet, quocirca magis incremente febre, ac resolutis viribus, eorum, qui tabe marcescunt, exemplo, mortem obiit.* Deinde alium vidi eodem fere modo sex mensibus, ac alium quoque diutius laborantem, igitur qui primus nobis occurrit, initio quidem nihil mali habere, sed tandem pessime affici visus est, alterum vero quum conspiceremus, ei statim ab initio cognito malo, presenti medicamento succurrere tentavimus, ac multo magis etiam tertio. At quamvis multo negotio utrumque liberare conaremur, nihilominus neque horum ullus, neque alius post eos, servari potuit. Quum enim morti jam proximi essent, pulmonis ipsius putres quasdam partes exspuebant. Ceterum mirum est, quamobrem, cum hæc ipsa sputa nullam acredinem habeant, vel amarorem, possint pulmones inficere? Sed adhuc magis mirum videtur, cur fit, quod apparentibus sputis pituitosis, omni sapore acri, amaro & salso omnino vacantibus, pulmones inficiantur? Hoc vero fit, aut quod omnis biliosus humor acris intus delitefeat in pulmones, ipsorumque branchiis adhærescens, ipsos exedat, aut quod ipsa pituita putrescendo acrimoniam acquirat, qua exedit, ac putrefacit pulmones. Quæ ratione fortasse & aer phthifico contagio infectus, quippe summe acris redditus, pulmones eorum, qui in eo habitant, inficit. Cur vero fit, quod sputis flavis aut pallidis apparentibus, acri, amaro ac salso sapore vacantibus, homines ad tabem ducantur? Hoc vero fit, quod pituitosi humoris mistione in ipsis sapor facilius, quam color

Pulmo-
nes infi-
cientia,
& unde.

Nigra &
melan-
cholica.

occultetur & acerrimus summeque putridus humor, in pulmones acutissimus, eos exedat; vel dicatur, iisdem sputis flavis aut pallidis conspectis, vobis significari intus in pulmones collectum esse multum humorem biliosum, quo pulmones putrescunt, exeduntur, atque homines ad tabem provehuntur. Nigra quoque ac melancholica sputa, pessima esse, vel ex eo cognoscitur, quod Galenus in libro de *Constitut. Art. Med. cap. 16.* scripserit, perniciosissimum esse melancholicum humorem præpollentem; tum quod & præditus ipse sit moribus pessimis, & maxime erodat, concoquaturque ægre, nec facile expurgetur; tum quod plurimæ sit caliditatis index, a qua assatus & genitus est. Ab iis sputis non raro cruenta succedunt, plus in recte valentibus, quam in pleuriticis timenda. Quod Hippocrat. intelligens in quarto *Aphorism. 25.* dixit: *Sanguis quidem supra qualiscunque, malum.* In iis sanguis tussi rejectus perpetuo timendus, etsi non perpetuo ipsum exitium sequatur; cum præsertim ex capite destillat, in faucesque irruens, tussi excernatur: quomodo ego post quartanam febrem sanguinem copiosissimum tussi rejeci, quæ excretio fuit crisis, me ab ea febre liberans. Ceterum, ubicunque non ex capite destillans, sed e pectore & pulmonibus promanat, phthoes periculum inducit, etsi Galen. in libro quinto *Meth. Med.* scripserit: *Matronam Romanam, & Juvenem a sputo sanguinis, atque alios omnes, qui primo se die ei curandos permiserunt, sanitati restituisse, &c. verum quotquot post aliquot dies tandem, vel dum phlegmone eos sic occupavit, ut urinam febricitantis instar jam haberent, horum nullum in totum fuisse persanatum.* Quare merito dixit Hippoc. in 7. *Aphorism. 15.* *A sanguinis sputo puris sputum malum;* & Galen. *Aphorism. 7.* ait, non omne sanguinis sputum esse malignum, sed illud, quod pus subsecutum est. Hoc enim phthoes accersitur. Quod merito Hippoc. expressit a) dicens: *A puris sputo phthisis.* Quare cruenta sputa e pectore ac pulmonibuseducta, a quibus pus subsequatur, exitialia esse, nobis liquido constabit.

a) Lib. 7. Aphor. 16.

Addimus, perpetuo inutilia esse, ac malum portendere, quæ non
 liacumque copiosius excreta quicquam ægrotos non ju-
 vant, nec dolorem, nec tussim, nec respirationem diffi-
 cilem allevantia: atque hæc in iis sputa exitialia erunt. In
 pleuriticis autem & peripneumoniciis, admodum tenuia
 post principium, aut admodum crassa, aut viscida, aut spu-
 mosa, aut rotunda, multa, non juvantia, pauca, & nihil
 exspuere, & sputa evanescere ac supprimi, & frequentia,
 alba, flava, pallida, ruffa, viridia, æruginosa, porracea,
 fulva, livida, nigra, varia, foetida, syncera, ægerrime
 educta, cum stertore quippe in gutture ierventia, tussim,
 dolorem, malam respirationem non sedantia; atque omni-
 um exitialissima, prava, quæ tussim, dolorem & malam
 respirationem, & febrem concitant, atque augment. Ad-
 modum tenuia, crassa & viscida, quod satis crudum mor-
 bum notent, si principio fiant, haud inutilia censentur,
 quod tractu temporis concoqui possint; sed postea, quip-
 pe post multos dies, apparentia, & si nihil coquant, pessima
 existunt; admodum vero spumantia eodem modo dam-
 nantur, potissimumque syncera, biliosa, ruffa, viridia,
 livida atque nigra. Hæc enim fieri a calore immodico,
 aut urente, aut colliquante, alias ostendimus. Albican-
 tia vero non ita periculosa sunt, & a flatu pituita agitata
 spumescentia. Qua ratione e pulmonibus educta pituita
 ex plurimo aëre spumescit. Plerunque in peripneumoni-
 cis sanguis spumofus exspuitur. Auctor *Coacorum præsa-*
giorum a) in §. sect. 2. text. 67. ait: Spumofum sanguinem
in dolore dextri hypochondrii ab hepate manantem exspui, le-
thalem esse. Rotunda itidem sputa maxime damnantur,
 quod intus magnum calorem, quo humor ficcatur, adesse
 denotent; quo fortasse caput replente, delirium plane si-
 gnificasse, Hippoc. in *sexto Epidemiorum b) voluit.* Hæc
 in lateris morbo Auctor *Coacorum præsagiorum c) perni-*
 ciem

Quæ non
 juvant.
 Quænam
 in pleu-
 riticis &
 peripne-
 moni-
 cis mala.

Admo-
 dum te-
 nuia,
 crassa, &
 viscida.

Albican-
 tia.

a) Text. 415.

b) Sect. 3. text. 27. & Sect. 6. text. 21.

c) Text. 319.

ciem significare voluit. Hippocrates rectius in *Prognosticis a)* dixit: *Sputa rotunda, candida, in pleuriticis esse inutilia.* Multa quoque sputa mala multum periculi minantur, si praesertim in die judicatorio appareant, nihilque agros juvent. Sunt enim ex judicatoriis non judicantibus.

Multa. Pauca. Pauca itidem non minus damnantur, quod non sufficiant ad purgandum humorem, facientem phlegmonem, omniumque maxime, quæ & cruda sunt, & magno labore excernuntur. De his Hippocrates in *primo Epidemiorum: b)* *Tussiebant, ac pauca cocta coacta paulatim vix exscreabant. Quos vero violentissime urgebant, his minime concocta erant, sed perpetuo cruda spuebant.* In pleuriticis nihil minus mali portendit nihil exspuere; diximus enim crudissimum morbum significare: nam, ut scribit Galenus in *secundo de Crisibus cap. 10.* cum passio exquisitè angusta fuerit, ac veluti alligans in seipsa universum fluxum cohibuerit, tunc facit morbos lethales, qui *ἀναισθησι*, id est, sine sputo nominantur; & in *libro de Constitut. Art. Med.* ait, nihil omnium exspuere perniciosissimum esse, partim quod significet, fluxionem in phlegmone quasi devinctam retineri, partim vero, quia ea universa, interius contenta, corrumpetur. Huncque morbum concoctu difficilem, & diuturnam fore eam inflammationem, praemonstrare, Galenus in *1. in Aphorism. 10.* ostendit. Qua ratione Auctor *Coacorum praefagiorum c)* dixit, siccas pleuritites, in quibus nihil exspuitur, esse periculosissimas. In iisdem vero biliosum sputum, quod incœperat, evanescere absque ratione, delirium portendere, Auctor *Prorrheticorum d)* expressit; & suppressi, proximum exitum denotare, Galenus in *lib. de Constitut. Art. Med. cap. 16.* memoriæ mandavit. At phthificos, ait Hippocrates *e)*, eo usque vivere, quoad exspuant, atque ubi sputum retinetur, mori. Frequens sputum, at non tussi excretum, cum alio signo phrenitico, phre-

Biliosa. Frequentia.

a) Pag. 41. lin. 20.

b) Sect. 1. pag. 940. sub lit. G.

c) Text. 381.

d) Lib. 1. text. 97.

e) Lib. 7. Aphorism. 16.

phrenitum notare in 1. *Provrh. text. 6.* notatum est; & paulo post a) hic Auctor in phreniticis frequentem sreatum maxime damnavit; & merito sane, quod, ut Galenus expressit, cerebri male affecti, id est repleti, sit indicium: & postea b) hunc ipsum frequentem sreatum cum refrigeratione, nigram vomitionem (quod est signum perniciosissimum) prænuntiare. Alba quoque, pituitosa, inutilia in morbis biliosis sunt, quod Hippocrates in 2. *Progn.* c) 46. ita expressit: *Candida vero, glutinosa ac rotunda, inutilia:* & merito sane, cum nihil humoris inflammationem facientis purgari, sit indicium. Quod sane in biliosis inflammationibus satis est perniciosum. Abhinc plures annos *Bassani* & *Morostice*, pleuritides pestilentes, quæ quatuor & ad plus 7. diebus homines jugulabant, grassatæ sunt, in quibus, quæ per sputum excernebantur, erant pituitosa, alba. Quibus sane sputis quidam Medicus, parum tamen in Galeni doctrina versatus, perpetuo bene de iis sperabat. Qui facile decipiebatur, ignarus hæc sputa alba pituitosa indicio nobis fuisse, nihil humoris facientis inflammationem purgari, propterea & morbum crudissimum, & summe perniciosum præmonstrari. Quod Hippocrates in *uxore Euxenii* d) pleuritica, quæ eo morbo obiit, observavit; ea enim per sputum pauca, candida, tenuiaque exspuit. Flava & pallida, nec non & cruenta, non admodum sputo permista, post principium si excerni incipiant, morbum concoctu difficilem, longum, atque hæc de causa periculo minime vacantem, significant. Contra, quæ in principio apparent: morbum enim, solutu facilem, præmonstrare superius ostendimus. De his Hippocrat. in 2. *Prognost.* e) ita habet: *Si enim multo post ab initio doloris sreatio flava, aut ruffa, deterior.* Quam paulo post f) expressit: *Septimo die tardiusve apparentem, minus tutum morbum*

a) Text. 12.

b) Text. 31.

c) Pag. 41. lin. 20.

d) Lib. 7. Epidem. pag. 1224. text. 58.

e) Pag. 41. lin. 16.

f) Ibid. lin. 32.

Pallida, *bum præmonstrare.* Idem præfagiunt, pallida, ruffa, viridia, fulva, livida atque nigra. Viridia, æruginofa, magnum caloris incendium, copiamque æruginofæ bilis, præmonftrant. Hippocrat. *in Prognof.* a) excreationem vehementer viridem maxime damnavit; & Galenus *in libro*

de tot. morbi temporibus, fputum vehementer fulvum, fumme perniciofum facit. Periculofius eft lividum, quod aut a modica atra bile, aut a caloris exftinctione fiat. Quod merito Auctor *Coacorum præfagiorum* b) initio morbi confpectum maxime damnandum credidit. Nigrum omnium eft perniciofiffimum, cujus cauffam diximus effe ex Gal.

Nigra. *1. de Crifibus*, aut vehementem peraffationem, aut refrigerationem, quippe exftincto calore nativo. Merito itaque dixit Galen. magnum morbum fignificare; & *in 1. de Crifibus* mortem fignificare; & Auctor *Coacorum præfagior.* c) dixit: *Eos, qui nigra rejiciunt, perniciofe fe habere.* Hippoc. *in lib. de morbis* d) *text. 45.* ait, eos, qui cum faliva grumos nigros fangvinis tuffi rejiciunt, feptimo die mori.

Colore varia. Non minus mala effe videntur colore varia, quod multiplices affectus fubeffe denotent. Quare Hippoc. hæc fputa fimul cum dolore acuto exitialia effe voluit. Syncera

Sincera. vero perpetuo damnantur; nam bona, ait, fputa permiffa effe; contra mala, omnium maxime meraca, quod fiant omni humido ferofo a calore confumto: flava itaque, fincera, rufa, æruginofa, fulvida, livida, atque omnium maxime nigra, meraca, prava exiftunt; ut Hippocrat. *in 2. Prognof.* e) nobis tradidit. Hæc enim desperata falutis morbum præmonftrant. Fœtida etiam perpetuo in acutis morbis damnantur; quod præexcellens putredinis nobis fint argumentum. Graveolentiam in fputis diftinctim tabidos a non tabidis notare, Hippoc. *in Aphorifm.* f) meminit, atque in ipfis iftud effe lethale. Mala quoque diximus

Fœtida.

a) Pag. 41. lin. 21. b) Text. 390. c) Text. 390.
& 407. d) Lib. 3. lin. 35. & feq. pag. 492. e) Pag.
41. lin. 15. & feq. f) Lib. 5. Aphor. 11.

mus esse, quæ difficillime exscreantur. Quod Hippocrat. *Quæ dif-*
in 2. Epid. a) in multis vidit, de quibus dixit: *Tussiebant, siculter*
 & pauca cocta paulatim vix exscreabant. Quæ itidem fer-
 vent in gutture, cerchnonque & stertorem inducunt, non
 minus prava existunt. De his Hippoc. *in 2. Prognost. b)*
text. 48. Mala etiam exscreatio, quæ non expurgatur, nec
 projicit ipsam pulmo, sed ob nimiam plenitudinem fervet in
 gutture. Non minus mala sunt, quæ nedum tussim tol-
 lunt, sed quinimo ipsam concitant, & augment, ut docet *Quæ non*
 Hippoc. *in 1. Prognost. c) text. 52.* Qui non minus ibidem
d) damnavit sputa, quæ dolorem non sedant. Non ta-
 men hæc sufficient nobis ad prædictionem, nisi alia, ut do-
 cet Galen. accuratius spectemus. Eodem itidem modo
 mala sunt, quæ neque malam respirationem, neque tussim,
 neque febrem, etsi multa sint, tollunt; quæque vero in ali-
 quo decretoriorum dierum erumpunt, ac ab ipsis ægroti in
 deterius abeunt, cum signo aliquo pravo, lethalia profe-
 cto existunt. Atque hæc sunt sputa in pleuriticis ac
 peripneumonicis damnanda. Nunc eadem in suppuratis
 consideremus.

C A P. XIX.

De prædictione in suppuratis.

Quicumque pus obtinent, ait Galenus *in 2. Prognost. in*
text. 60. intus in corpore universo, siue contentum
 habeant in parte inflammatione affecta, siue etiam post eru-
 ptionem, nominare tales *empyos*, id est, purulentos seu sup-
 puratos, licebit. Sed Medici assolent potissimum illos, *Empye*
 qui in thorace ac pulmone talem habent affectionem, *em-* quinam
pyos, id est, purulentos nominare. Id vero pus post eru-
 vacantur
 ptio-

a) Sect. 1. pag. 940. sub lit. G. b) Pag. 41. lin. 24. c) Ibidem
 lin. 18. d) Ibid. lin. 33.

ptionem inter thoracem pulmonemque continetur, & nisi cito exscreetur, tabidi intereunt, febricitantes tenuiter quidem, at calore jugiter quodammodo in nocte crescente.

Empyema quid.

Veteres in qualibet parte corporis puris collectionem *empyema* dicebant, suppurantiaque ob id medicamenta, alii *empyemata*, alii *diapyemata*: alii, cum in viscere pus collectum est: atque demum alii, ut dictum est, eos solos *empyos* esse volunt, quibus inter thoracem & pulmonem pus aggregatum est, nimirum in loco phlegmone obfesso, & ab eo pure, intra thoracem effuso, hujusmodi affectus nascitur.

Unde.

Fit vero hujusmodi pus, ubi materia phlegmonis non repurgatur; intus enim contenta a calore in pus vertitur. Quod Hippocrates in 7. Aphor. 38. ita expressit: *Desillationes in ventrem superiorem ad suppurationem veniunt intra dies 20. & clarius in lib. 5. Aphorism. 8. de pleuritidis: Quicumque morbo laterali laborantes in 14. diebus non repurgantur, ii ad suppurationem vertuntur.* Ubi enim pleuriticorum dolores neque purgatione per supra, neque alvi dejectione, neque sanguinis vacuatione, neque victus ratione, neque aliis medicamentis finiuntur, suppurationem excitant, aut mortem suffocatione. Quod probe Galenus in Prognost. ita expressit: *Quicumque dolores circa thoracis ad pulmonis sedes non desinunt, adhibitis subsidis, idque malum tantummodo habent, nec ullum aliud exitiosum indicium adest, eos suppuratos expectabis.* Suppuratis itaque inflammationibus, ipsarumque humoribus in pus conversis, nisi per sputa repurgentur, rupta vomica pus in cavitatem thoracis & pulmonis effunditur, atque tunc vere ii *empyi* existunt. Quo pure aut suffocantur, aut liberantur, si probe spatio dierum quadraginta per tussim purgentur, quod hisce verbis Hippoc. in 5. Aphorism. 15. docuit: *Quicumque ex morbo laterali fiunt empyi, id est, suppurati, si quadraginta diebus purgantur, a die qua fit ruptio, liberantur; & Galen. in comment. ait: Nisi iis diebus per sputa pus totum expurgetur, putrescit, pulmonesque putrefactum exedit, atque ad tabem conducit, quæ est totius corporis extenuatio propter*

in-

insanabilia illa pulmonis ulcera, & macies cum debili febre conjuncta, quem affectum peculiariter Græci, maximeque Athenienses, ut Galen. meminit, *phthoen* appellabant, atque Hippoc. *phthisin*. His ad extrema redactis & deploratis accidit capillorum defluvium propter siccitatem, & alvi profluvium propter virtutis imbecillitatem, teste Galeno, atque sputa retinentur. Tandiu enim extenuati vivunt, quamdiu extussire & per sputa pulmonem expurgare possunt; ubi vero intus ipsa remanent, respirationis obstruuntur viæ, atque ægri suffocantur. Sed ad suppurationes seu *empyos* redeamus, quorum prognosis ut illustretur, primo an pleuritici, vel peripneumonici, vel anginosi ad suppurationem inclinent, videndum erit; & postea quibus signis nobis innotescant; tertio, quando ruptio fiat; atque demum de iis, qui servantur, & quibus signis nos id apprehendimus, atque de iis, qui moriuntur, agemus. Quibus vero futuros purulentos speramus, Hippoc. in hunc modum docuit: a) *Quicumque dolor in his affligit sedibus, non desinens neque screationis purgatione, neque ventris subductione, neque venæ incisione ac medicamento, & victus ratione, in suppurationem verti, sciendum est.* Sed quia circa puris generationem, ut Hippoc. in 2. Aphorism. 47. docuit, dolores ac febres contingunt magis, quam ubi jam est genitum, necesse est, in suppurandis dolores ac febres augeri. Proinde de his i'a habet: b) *Considerare autem oportet suppurationis initium fore, colligentes a die, quo primum homo febricitavit, aut quo rigor eum prehendit, & si dixerit pro dolore sibi inesse pondus in loco, quo dolore afficiebatur. Hæc enim sunt inter initia suppurationum. Ex hoc igitur tempore suppurationum fore eruptionem ad prædicta tempora oportet.* Galen. vero in commento dixit, indicia suppurationis esse pro dolore gravitatem seu pondus, rigorem seu horrorem, atque febrem, quæ multo quam ante vehementius affligat. Addit ultra gravitatis sensum, calorem in lateribus,

Empy-
corum
prognosis.

Purulentum unde futuri dignoscuntur.

Empyematis indicia.

a) Prognost. pag. 41. lin. 35. & seq.
lin. 12. & seq.

b) Ibidem pag. 42.

ribus, aut in altero tantum, ubi suppuratio tantum in altero latere fuerit. Quod ita docet: a) *Si vero suppuratio in altero latere tantummodo fuerit, vertere ac ediscere convenit in his, utrum in altero habeat latere dolorem, & utrum calidius, quam alterum sit, atque eo in incolume latus cubante inquirere oportet, num aliquod desuper onus illi pendere videatur, si enim id fuerit, suppuratio in altero latere est, utrovis onus existat.* Quare his signis suppuratos deprehendimus, quippe rigore vel horrore, qui fit, teste Galeno, a puris acrimonia, partes inflammatione affectas infestante, febre, anteriori quæ vehementius affligat, atque pondere in lateribus, aut in altero tantum, ubi in uno tantum pus collectum est; addo calorem perceptum in utroque latere, aut in altero, ubi in uno tantum, ut dictum est, pus collectum est. Quod sane pus si auctum multitudine, atque a natura concoctum erumpens, per tussim purgetur, ita *Empyæ*, id est, suppurati servantur. Quod si nullo pacto rejiciatur, quod debilibus accidit, suffocati, aut tabidi moriuntur. Hinc Hippoc. in 2. Prognost. b) text. 6. ait: *Seniores potius interire quam juvenes: quoniam, ut ait Galenus: Imbecilles vires habent, & uti hi liberentur, magna vis requiritur, quæ per tussim ac sputa expurgat; cum hi, qui servari debent, plurimum puris tussi purgare debeant.* Gal. in 5. lib. de loc. affect. cap. 3. quosdam empyos meminit sanatos, qui puris quantitatem quindecim usque heminarum exspuerunt. Quare, qui plurimum exspuunt, liberantur: & hoc est, quod ait Hippoc. in 5. lib. Aphor. 15. *Quicunque ex morbo laterali fiunt empyæ, id est, suppurati, si quadraginta diebus purgantur, a die, qua fit ruptio, liberantur.* Ubi vero non exspuunt, aut suffocantur, quod accidit propter puris lentorem, & crassitudinem, & membranæ pulmonem continentis densitatem, atque ob facultatis debilitatem, quæ dignoscuntur respiratione, in qua totus thorax attollitur, nullaque purgatione per sputa apparente. Gal.

in

a) Hippocrat. Prognost. pag. 42. lin. 19. & seq.
lin. 30.

b) Pag. 43.

in libr. 4. de loc. affect. cap. 7. ait: *Quibus ex suppuratis, ob puris copiam inter thoracem & pulmonem collectam, totus thorax in respiratione attollitur, fieri ob virium imbecillitatem, nequeuntibus suppuratis pus purgare. Ubi vero non suffocantur, tabidi intereunt, ut ait Galen. febricitantes tenuiter quidem, ac calore jugiter quodammodo in nocte crescente, quo non purgatum pus intus putrescat, pulmones exedat, & ulceret. Quæ ulcera sequi totius corporis extenuationem, & maciem, cum debili febre conjunctam, nuper ex Galen. ostendimus, quem affectum Hippoc. phthisin, & Græci olim Athenienses phthoen appellarunt. Qui-^{Empyi}bus vero notis isti empyi, tabidi facti, dignoscantur, Hip-^{quomo-}poc. a) hisce verbis expressit: *Omnes autem purulentos*^{do tabidi} *agnoscere his indicibus convenit: Principio si febris non dimittit,*^{facti di-} *sed interdum tenuior, noctu vehementior est; Si sudores multi*^{gnoscu-} *superveniunt, ac tussendi cupiditas est, nec quicquam tamen*^{tur.} *dignum commendatione exspuunt, si oculi cavi redduntur, maxilla vero ruborem trahunt, & ungues manuum curvantur, digiti vero potissimum summi calescunt, atque in pedibus tumores fiunt, neque cibum appetunt, ac pustula circa corpus erumpunt. Galen. in comment. ait, febres non dimittere, quod partes ipsæ corporis solidiores incalescunt: ex quo calor manet affidua febris subsimilis, perinde ut calx, debilis contingentibus; qui calor, quod hecticorum signum proprium creditur, quoties ægri esitant ac bibunt, perinde ac in calce aqua perfusa sit, calidior evadit. Quo fit, ut tangentes exterius ægrum multo calidiorem persentiant. Sudores item continuos elici propter virium debilitatem, & quod diductum alimentum dejiciatur. Quin etiam tussendi cupiditas, id est, voluntasprehendit, nec quicquam dignum commendatione exspuunt, ob puris lentorem, & crassitudinem, & continentis pulmonem membranae densitatem, tum etiam debilitatem in ægro facultatis. Oculi cavi propter exsiccationem redduntur, quod omnibus longis febribus est commune, rubent propter calorem in pul-**

B b b b

mo-

Vomicæ
ruptio
intra
quod-
nam
tempo-
ris inter-
vallum
fit.

mone, & item tussedinem, quæ vultum calefaciunt. Ungues curvantur, quia caro eos firmans consumitur, & digitorum interiores summæ partes, quippe carnulentiores, calidiores apparent, quod calor hecticus solidiores occupet partes, & in iis plus apparet, ubi humor largior inest. Pedes intumescunt, inde caloris incipiente extinctione, quippe quod partes ex ab origine longissime absunt. Cibus non appetunt, appetendi facultate extincta, pustulæque erumpunt in cute, derodente sanie ex intimis sedibus ad cutim effusa. Atque hisce signis *empy*i tabidi dignoscuntur, quorum casus sunt exitiales, qui, quoad exspuerre, pusque contentum excernere possunt, Hippoc. Auctore, a) vivunt. Unum est, ad sputa ipsorum attinens, scitu dignum, quod in ipsis quippe tabidis desperatis, nihil concoctum observari, Gal. in 3. *Epid.* affirmavit; sputum cessat, ac supprimitur; alvus humida; pedes intumescunt, & reliqua fiunt, quæ desperatam ipsis salutem præmonstrant. Primo itaque humor, faciens pleuritim aut pulmoniam, non purgatus, putrescit, & in pus vertitur, mox erumpit, & tussi purgatur. Quod sane determinato temporis intervallo multum collectum, & inter thoracem & pulmonem effusum, foras erumpit, plerunque viginti diebus, & aliquando citius, & aliquando tardius. Quam rem & signa, quibus id agnoscimus, Hippocr. in 2. *Prognost.* b) ita expressit: *Quæ vero citius ac tardius rumpuntur, talibus cognoscantur signis oportet, si dolor inter initia existit, & item difficultas spirandi, nec non tussis, atque etiam screatione perseveret, vigesimo die expectari, aut etiam ante, eruptionem oportet; si vero continentior fuerit dolor, & alia omnia in his fuerint ex ratione, postea expectari oportet eruptionem, sed præire necesse est & dolorem & spirandi difficultatem, & screationem, antequam pus excernatur.* Quibus Galen. colligit signa futuræ vomicæ eruptionis esse hæc; quippe dolorem, spirandi difficultatem, tussedinem, & screationem, quæ si continenter & vehementer affligant, celerem eruptionem

ex-

a) Lib. 7. Aphor. 16.

b) Pag. 42. lin. 38. & seq.

exspectari oportebit, & si nec continentes, nec vehementes infestent, tardiores. Ceterum necesse est, eroso obvolvante pus corpore, ab acrimonia ejus, dolorem fieri, tussedinem, & excreationem, quia sanies quædam tenuior obductum penetret corpus; spirent quoque difficulter necesse est, & propter universam corporis conditionem, sed præcipue ob accedentem dolorem. Ratio vero hujusce ^{Unde fit.} eruptionis in naturam moventem, atque in multitudinem puris, vel ejus pravam qualitatem, expultricem ad excreationem irritantem, refertur. Hæc ^{Quando} eruptio fit ante tempus, quippe ante concoctionem puris, ^{ante tempus fit.} aut propter bilem synceram, sputo non permixtam, nec ad mediocritatem, naturæ convenientem, deductam, tunicam, pus continentem, erodentem; unde dolor, tussis, respiratio difficilis & excreatio eruptionem antecedunt: aut propter puris copiam, vel infestam putredinem, vel utrumque simul, expultricem movens. Quæ eruptio symptomatica est & non bona: & illa, quippe pure concocto, a ^{Vomicæ eruptionis symptomaticæ signa. Criticæ.} natura fit critice, & bona, in qua pus album, purum, æquale & læve spectatur; in ea vero, quæ ante tempus fit, & symptomatica est, pus crudum, versicolor, foetidum, aut flavum, bile permixtum, apparet. De hac eruptione Auctor Coac. præfag. in 5. Coac. præfag. a) sect. 2. text. 35. ita habet: *Quibus vero cum bilioso purulentum sputum expurgatur, sive pus seorsum exeat, sive permixtum bilioso, ut plurimum mors accidit decimo quarto.* Sed his præmissis occasio postulat, nos modo in suppuratis prædictionem aggredi: proinde in primo, de suppuratis, qui facta eruptione servantur, agimus. Hos hisce signis innotescere nobis, Hip- ^{Empyri quinam servantur.} poc. b) docuit, quæ ita expressit: *Bona vero hæc sunt, facile morbum ferre, bene spirare, dolore vindicatum esse, sputum facile extussire, corpus equaliter calidum videri, ac molle, siti non detineri, urinas, dejectiones, somnos, sudores, singula intelligere bona, uti præscriptum est, succedere. Ita enim omnibus his evenientibus, homo haud sane morietur: &*

B b b b 2

paulo

paulo post: a) *Hi vero potissimum supersunt, quos febris eodem die post eruptionem dimiserit, ac cibum citius appetunt, & siti liberati sunt, & venter exigua ac consistentia dejecit, & pus album, laeve, concolorque est, ac vacans pituita, & absque labore ac valida tussi expurgatur. Itaque optime quidem sic ac celerrime vindicantur; sin minus, qui ad hæc proxime accedunt.* b) *Quod sputum Auctorem quoque Coac. præf. c) maxime damnasse nuper meminimus. Uxor Meandri Cæci, ut scribit Hipp. in Epid. d) statim chlorum & purulentum exspuit. Filius Amphiphradis e) primo purulentum & pallidum, & mox viride. Ermoptolemusque f) pallidum: & Hipp. in Aphorism. g) ait: Si empyis, quum uruntur aut secantur, purum & album pus effluat, evadunt: si vero subcruentum feculentumque & fetidum, pereunt: & hæc sufficiant in prædictione purulentorum, de quibus præsentem tractationem non inutiliter Medicinæ studiosi legent.*

Quinam
pereunt.

CAP.

a) Prognost. pag. 42. lin. 45. b) Rursum hic quædam omissa videntur, hoc forte modo supplenda. *Quantum vero ad illos, qui suppurati intereunt, hæc potissimum signa Hippoc. in Prognost. pag. 41. lin. 53. exhibuit, dicens: Contra vero, morbum ægre ferre, inspirationem magnam & densam esse, dolorem non sedari, sputum difficulter extussire, valde sitire, corpus a febre inæqualiter detineri, ventrem & latera vehementer calere, frontem vero, manus & pedes frigidos esse, urinas vero & dejectiones, & somnos, & sudores, singula, uti scriptum est, mala esse cognoscere. Si quid enim ex his sputo supervenerit, morietur æger, antequam ad 14. dies perveniat, aut 9. aut 11. die. Et paulo post pag. 42. lin. 53. Moriuntur vero, scil. suppurati post eruptionem, quos febris non dimiserit, aut ipsos dimisisse visa, si statim iterum accenditur, & siti quidem vexantur, cibos vero non appetunt, & alvus humida est, & pus chlorum, sive ex viridi pallidum, & lividum, aut pituitosum, & spumofum exspuunt. Si hæc omnia contigerint, moriuntur, &c. lege porro: Quod sputum &c.*

c) Text. 390. d) Lib. 4. pag. 1121. text. 4. e) Lib. 7. Epidem. pag. 1215. text. 14. f) Ibid. text. 16. g) Lib. 7. Aphorism. 44.

C A P. XX.

Quid in morbis acutis Cerchon, vulgo ranticum, significet.

Solet sæpius in multis acutis morbis, & in omnibus quidem moribundis, quidam fervor, seu ebullitio in gutture observari, quod Græci κέρχων vel κέρχων appellarunt, Cerchon Latini fervorem seu ebullitionem in gutture, alii asperitatem quid. tem rancidam circa asperam arteriam & fauces, vocant, & vulgus Medicorum *ranticum*, a rancido fortasse, nomine corrupto. Sed mea sententia hæc omnia non sunt synonyma, siquidem aliud est rancidum, seu asperitas rancida, a gutturis fervore seu ebullitione, quam ranticum dicunt. Gutturis Hanc enim Gal. in lib. 3. *Comm. de articulis* vocat κέρχωδην, fervor non κέρχωδην, a κέρχειν verbo, quod sonum notat, qui seu ebullitio. vel angustia loci, quo spiritus redditur, vel humoris multitudine accidit, & plerumque utroque concurrente, quem spiritum nonnulli δάσσα, id est, asperum appellant: illud rancidum, seu asperitatem rancidam, κέρχωδην vocat, qui affectus, in 2. lib. de caus. symptom. est exiguus ad tussendum impetus, quem tamen non perpetuo tussis sequitur. Nam ea, quæ fauces exasperando tussim movent, Gal. in 3. *Comment. de articulis* nuperrime citato κέρχωδην vocat. Ceterum utcunque sit, hi duo affectus maxime similes ex- Quid & istunt, quippe κέρχων & κέρχων, id est, gutturis fervor, unde. seu ebullitio in gutture, a sono ebullientis ac ferventis aquæ dicta, & asperitas rancida: apparet vero inter ipsos differentia aliqua, quippe quod fervore, seu ebullitione sonus & strepitus manifestius appareat; & in rancida asperitate, obscurius. His proximus est stertor, qui itidem est sonus si- Stertore. milis, sed ambobus major, & manifestior. Plures hos affectus confundunt, differreque tantum loci varietate atque magnitudine putant, *stertorem* strepitum illum vocantes, qui in via subauditur & fit, quæ est inter palatum & nares, qualis est dormientiunt; in laringe, sive in capite, seu ostio asperæ arteriæ, gutture dicto, fervor & ebullitio κέρχων dicta; & in arteria ipsa κέρχων, id est, asperitas ran-

Unde.

cida secundum aliquos, & secundum alios, fridula ejusdem arteriæ asperitas. In moribundis hic affectus Græcis etiam $\rho\acute{\epsilon}\gamma\chi\textcircled{\text{C}}$ dicitur, & vulgo Medicorum *ranticum*, quasi rancidum spiritum sive sonum dixerint, qui affectus est veluti concertatio humoris & spiritus in asperis arteriis. Fiunt vero hi affectus, vel propter naturæ infirmitatem, utpote cum pulmo undique pure, vel humore plenus, quod Hippoc. in 2. *Prognost.* a) text. 48. expressit, dicens: *Ma-la etiam screatio, quæ non expurgatur, nec projicit ipsam pulmo, sed ob nimiam plenitudinem fervet in gutture.* Non expurgatur, nec sputum projicit, aut ob humoris excernendi lentorem, quo asperæ arteriæ adhærescens a spiritu agitata fervorem seu stertorem facit, vel branchiorum obstructionem, aut ob arteriæ & gutturis compressionem interceptione meatus, in quo refractus & agitated humor aliquis in gutture fervet. Hinc pectore angustos *stertorosos*, in lib. 3. de *dissec. resp.* Galen. vocavit. Qui duas tantum causas huic affectui assignavit, quippe loci, quo spiritus redditur, angustiam, vel humoris multitudinem, vel utrumque simul: sed necesse est, ut virtutis impotentiam addamus, ob quam $\rho\acute{\epsilon}\gamma\chi\textcircled{\text{C}}$ fit in moribundis, quippe natura quicquam purgare non valente. Quibus colligamus non perpetuo hoc symptoma, quippe fervorem seu ebullitionem esse lethalem, sed ubi, multitudine humoris natura oppressa, non possit pulmo excreare sputum, aut spiritus via, arteria scilicet, graviter oppressa, qua ratione hiantes moribundi multi stertunt. Cujusmodi fuit observatum in *Menone*, de quo ait Hippocrat. in 7. *Epidem.* b) text. 8. *Arteria subsibilabat, cum stertore: & text. 15. de uxore Theodori: c) Arteriæ & pectoris fridula quedam asperitas, strepitus & fluctuatio puris: & d) text. 19. de uxore Polycratis: Intus circa arteriam & fauces sibilus erat & Cerchnon*, id est, asperitas, ut Valesius vertit,

ran-

Quando
gutturis
fervor
seu ebul-
litio le-
thalis.

a) Pag. 41. lin. 23. b) Pag. 1220. text. 47. c) Ibid. p. 1216. text. 27.
d) Ibid. p. 1211. text. 9.

rancida. *Ermoptolemus a)* peripneumonicus *decimo quarto pallidum exscreabat & stertebat: & Anginosa b)* itidem cum stertore, convulsa obiit: & in *filio Amphiphradis c)* pleuritico, in faucibus plerumque rancida asperitas subfibilabat. In quibus omnibus illud symptoma partim ad naturæ impotentiam, partim ad multitudinem & lentorem puris seu humoris, fuerat referendum: est vero perpetuo malum, & non parum timendum, summe vero perniciosum post morbi principium, prælangvidis viribus redditis; quod id præmonstret, præ imbecillitate naturam quicquam non posse excernere & suffocari; cumque hoc symptomate aliquod aliud necessario una aderit exitiale signum. In principio ^{Quando non exitialis.} vero sapius fit, ut præ copia nimia in gutture ferveat humor, vel præ lentore nimio materia arteriæ adhærescat, quo humore postea concocto, & per sputum purgato, cessat Cerchos seu ebullitio. Cognoscitur vero, quo una adsint alia signa bona, & nullum perniciosum illuxerit, cujusmodi fuit in *Pisistrato* visum. De quo Hippocrates *d)* ait: *Stertorosum in faucibus, bene autem ferebat morbum, mente constabat, calor remisit, simulque excretio, & stertor; evasit.* Atque hæc de prædictione ex sputis.

C A P. XXI.

De prædictione ab abscessibus.

Diximus in sexto libro, quid sit abscessus, differentiasque ac signa, quibus Medici futuros abscessus in morbis prænoscent. Nunc ab ipsis abscessibus, quomodo ^{Abcessus unde futuri dignoscantur.} in acutis morbis cum salus tum exitium prænoscat, perscrutemur, supposito illos nobis affuturos: quam rem prænosci a morbo, qui non solvatur, & ab urina tenui & cruda, quam ægroti, ut docet Hippocrates in 2. *Prognost.* *e) text. 24.* longo tempore mingunt, atque a signis salutaribus,

a) Ibid. p. 1215. text. 16. b) Ibid. text. 20. c) Ibid. text. 14.
d) Lib. 7. Epid. p. 1223. text. 56. e) P. 40. lin. 49.

Quid.

Abscessus boni.

ribus, Galenus *in libro secundo de Crisibus* statuit. At a quibus sane abscessibus nostrum prædicendi institutum prosequemur? Siquidem ibidem dixerimus, nomine abscessus, multos affectus ex Hippocratis doctrina intelligi. Primo per abscessum intelligimus omnem humorum translationem ab una parte corporis in aliam, in qua translatione humores aut effluunt, aut decumbunt. Unde excretio & humoris decubitus dicitur abscessus. Hoc ipso etiam nomine *abscessus* mutationem morbi accepimus, ut quando angina in peripneumoniam mutatur, suppurationem, & quicquid in cutem erumpit a causa interna. Aut quod magis proprie dicitur, per abscessum intelligimus humoris decubitum, qui tumorem facit. Nos vero hic per abscessus omnia intelligemus, quæ in cutem erumpunt, atque humoris decubitum cum tumore aut inflammatione. Sed age de bonis abscessibus, salutem denotantibus, agamus. Boni itaque dicuntur, qui erumpunt cum signis coctionis, in die decretorio, in partibus a visceribus, & a morbo longinquis, quique suapte natura boni sint, & qui perseverant, non diminuuntur, ac augentur, & demum qui suppurantur, & qui una cum bonis signis apparent, atque ægrotos juvant. Dictum est a nobis superioribus libris, atque demonstratum ex Hippocrate *in Epidemia*, a) concoctiones celeritatem portendere iudicii, securitatemque salubrem, ac proinde coctionis signa nunquam male apparere: quo fit, ut ne dum abscessus omnes, sed omnes vel etiam excretiones, concocto morbo apparentes, sint laudandæ. Eo efficacius abscessus iudicium præsagii confirmabunt, si in aliquo dierum decretoriorum eruperint. Quod eo certius præmonstrabunt suapte natura boni, quippe qui laudabili substantia, figura, loco, colore, magnitudine atque copia erumpunt. Molles bonitate duris ab Hippocrate præferuntur. De iis, qui suapte natura commendantur, Hippocrates *in libro sexto Epidem.* b) *comm.*

a) Lib. I. Sect. 2. p. 948. lit. F.

b) Sect. I. text. 12. p. 1165.

*comm. 1. text. 23. ita habet: Tubercula foras extumescencia, & acuminata, in turbinemque gracilescencia, æquabiliter maturescencia, non circum dura, declivia, & non bifida, meliora. Contraria vero, mala, & si quam plurimum contraria, pessima: & in Prognosticis: *) Quæcumque exterius vergent, optima sunt, parva, quam maxime extrorsum spectantia, & in aciem turbinata: pessima sunt, quæ magna, lata, & minime in aciem turbinata: at quæ introrsum rumpuntur, optima quæ externas partes minime attingunt. Acuta itidem latis bonitate prætulit. Ex loco itidem, qui ad exteriora feruntur, ab Hippocrate laudantur; de his in 6. Aphorism. 25. ait: Erysipelas ab interioribus ad exteriora verti, bonum. Qua ratione in angina tumorem in collo optimum esse statuit. a) Optimi itidem sunt, qui in partibus remotis & ignobilibus concitantur. Qua ratione Hippocrates 37. b) dixit, omnes abscessus, qui ad crura fiunt, in pulmoniiis vehementibus esse utiles; & Galenus ait: Si quidem vera sit sententia Hippocr. 2. lib. Epidem. c) præscripta de bonis abscessibus, ut optimi sint, si maxime deorsum, & quam longissime ab ægrotatione, absistant, magis vero si concoctione pariter fiant. Colore etiam boni aut rubro, aut flavo, aut albo spectantur: magnitudine quidem etiam mediocri, ita ut neque pauciores, quam corpora purgare valeant, neque grandiores, quam sustineri possint. Copia etiam copiarum humoris, morbum facientis, respondere debent; nam immoderatus apparentes non sunt securi, quod & aliquam internam partem vel principem, vel vitæ necessariam, obfideant. Qui cito maturescunt, ac suppurantur, laudantur. De his forte Hippocrates in 2. Prognost. d) text. 64. Quibuscunque abscessus fiunt ex pulmoniiis morbis circa aures & suppurantur ad inferiora loca, & ad fistulam perveniunt, isti evadunt. Boni etiam sunt, qui perseverant, quod a facul-*

*) Pag. 39. lin. 6. & seq. a) Prognost. pag. 45. lin. 20.
 b) Ibid. pag. 43. lin. 18. c) Sect. I. p. 1002. lit. B.
 d) Pag. 43. lin. 4.

Abces-
sus mali.

facultate robusta fit, atque augentur, atque, ut diximus, suppurantur, & qui una cum bonis signis apparent, atque ægrotos morbo vel liberant, vel allevant, qui merito ita apparentes sunt ex judicatoriis judicantibus, quique, natura morbo prævalente, fiunt. Atque isti sunt abscessus salutare. Malos vero esse omnes abscessus, cum cruditis signis apparentes, in diebus non decretoriis, suapte natura malos, in partibus proximis morbo, membrisque principibus, perseverantes, non suppurantes, pauciores, copiosiores, parviores, majores, qui statim exorti recur-
runt, seu retrahuntur intus, atque avanesunt, cum malis signis nihil juvantes, atque lædentes. De iis, qui morbo crudo existente apparent, Galenus in 1. Epidem. ita habet: *Omnium, quæ tunc inciderent, incommodorum erat caput, cruditas humorum, quod si quando natura per vim ad aliquos eorum excernendos aggressa esset, nihil proficiebat, imo vero ab iis superata, aut in profundum recurrere permisit, aut propter paucitatem excretionum abscessum moliebatur. Alias a nobis demonstratum est, nullam excretionem, vel abscessum fidelem esse, quæ cum signis cruditatis apparet, etiamsi ad probam maturationem perveniat. Concoctiones celere iudicium & securitatem promittunt. Sed ne nunc quidem causæ februm, quæ intra venas continentur, erant concoctæ. At parotides erant tamen maturæ, quod infrequens esse, & debere memoria teneri dicebam. Nam posse fieri quapiam in parte privatim concoctionem, toto morbo non concocto. Mali itidem sunt, qui decumbunt in diebus non decretoriis; hi nobis quidem indicio sunt, illum decubitum, sive excretionem humoris non fieri a natura salubriter agente, sed morbo acta, quippe aut humoris multitudine, aut prava qualitate, ante tempus irritata ad pugnam: quare mirum non est, si, perturbato ipsius naturali ordine, in diebus non decretoriis expellat. Eoque apertius mali abscessus dignoscuntur, si suapte quoque naturâ mali existant, cuiusmodi sunt, ex Hippocrate in 1. Prognostic. * text. 30.*

Tuber-

* Pag. 38. sub finem.

Tubercula circum dura, bifida, inæqualia: & in lib. 6. Epidemiorum, a) foras non extumescencia, non acuminata, neque in turbinem gracilescencia, non equaliter maturescencia, circumdura, non declivia, atque bifida. Qui vero ex abscessibus malignitatem habent, cum febre continua omnes exitiales sunt. Cujusmodi fuerunt in ea pestilentia, quam Hippocrates in lib. 3. Epidem. b) comm. 1. text. 13. recensuit; scribit enim ignes malignos multos interemisse, tubercula, carbunculos, fluxiones ad pudenda, Herpetes multos malignos in ea pestilenti constitutione grassatos fuisse, pluresque iis fuisse interemtis. Pauciores etiam abscessus, & majores damnantur, de quibus Hippocrates in 1. Epidem. c) Comm. 3. ait: His succedebant abscessus, aut majores, quam ut ferri possent, aut minores, quam ut prodesse quicquam: & paulo post: d) Papulæ parvæ, quæ non essent excernendis morbis: & postea de Sileno: e) Papulæ cum sudore rubentes, rotundæ parvæ, varis similes permanebant, nec abscessum efficiebant. Copiosiores etiam tutæ non sunt, nisi ad purulentos abscessus deveniant; nam nimis copiosum humorem denotant, ex quo timor est, ut ne tantum cutis, sed quin etiam pars aliqua interna, aut ex principibus, aut ex necessariis obsideatur. Qua ratione Auctor Coacorum præfagiorum f) merito dixit: Quibus in febre continua pustulæ toto corpore excitantur, lethale, nisi superveniat purulentus abscessus. In his enim, quorum corpora acuta febre vexata, undequaque abscessibus, aut parvis aut magnis scatent, periculum est, ne retrocedant, principemque vel vitæ necessariam aliquam partem, ut diximus, occupent, quod est exitiosum. Hujusmodi casum Hippocr. in Tymonactis puero vidit, de quo in 7. Epidem. g) text. 4. ita habet: Tymonactis puero, quasi duorum mensium, exanthemata in cruribus,

C c c c 2 6

a) Sect. 1. text. 12. p. 1165. b) P. 1083. c) Sect. 2. p. 946. lit. G. d) Ibid. lit. H. e) Lib. 1. Epid. Ægr. 2. p. 969. f) Text. 114. g) P. 1238. text. 114.

Tumores periculosi.

Et in coxis, Et lumbis, Hypogastrio, Et tumores valde rubicundi. Sedatis autem his convulsiones Et epileptica fiebant sine febre multis diebus, Et mortuus est. Non minoris periculi sunt, tumores admodum rubentes, ac omnium maxime liventes, & nigricantes, quem pravam colorem in exanthematibus nec vel etiam mulierculæ ignorant; iis etenim valde rubentibus, liventibus, ac maxime nigris, merito de ægrotorum salute plurimum dubitandum putant. Hippocrates in 1. Epidem. a) Comm. 1. text. 38. in ea pestilenti constitutione ait, grassatos fuisse tumores secundum aures nigricantes, qui nihil denunciarent: & in Critone b) moribundo pustulæ nigræ eruperunt: & papulæ, quæ in Sileno, c) ante mortem apparuerunt, fuere rotundæ, parvæ, varis similes, valde rubentes. Abscessibus vero sine ratione sublatis nedum fidere non debemus, sed quinimo ab ipsis plurimum timere. Sine ratione dico, qui nulla prægressa aut vacuatione, aut purgatione, vel a natura, vel ab arte, intus retrahuntur, atque evanescunt. Hujusmodi abscessus periculum delirii & mortis inferre, Hippocrates in 2. Prognost. d) notavit. De his in 6. Epid. e) scribit: Cum in morbo aliquo judicationis tempore tumores secundum aurem exorti, prius quam suppurentur, inaniantur, id est, retrahuntur, Et evanescunt, expectare oportet ita affectis recidivam. Galenus vero in 1. Proorrhæ. comm. 1. ait: Talium autem signorum genus deterrimum esse constat, nempe, quæ vel tubercula, vel pustulæ ex imo ad cutem enata, recurrerunt, gravissima omnium existunt, omniumque maxime, ubi abscessus neque ob humoris fluxu tenuitatem, aut partium laxitatem, aut aeris caliditatem, aut adhibiti medicamenti discutendi potestatem habentis, sed ob virium lapsum intus recurrerunt. De his Hippocrates in 1. Epidem. f) Quibusdam

- a) Sect. 2. pag. 946. sub finem: confer autem notas Foesii, qui non legit Μελανόμμενα, nigricantia, sed μή λυόμενα, aut μολυνόμενα. b) Lib. 1. Epidem. Ægrot. 9. pag. 985. c) Ibid. Ægrot. 2. p. 969. d) P. 43. lin. 27. e) Sect. 4. text. 1. p. 1179. f) Sect. 2. p. 946. sub finem.

*busdam in articulos, præsertim in coxendicem decumbent, paucis decretorie cessabant, statimque superati ad priorem statum redierunt; quod in Anaxenore splenitico, & mali coloris Hippocr. *) animadvertit, qui tumorem habuit in coxendice, quo evanescente, ipse mortuus est. Ceterum utile erit, distinguere abscessus longo tempore perseverantes, & postea intus recurrentes, ab his, qui statim oborti recurunt; hi enim longè majus periculum quam ii minantur, quod Galenus in primo Prorrheticorum Comment. 1. confirmavit, cum dixerit, tales abscessus esse deterrimos, atque etiam ait, sudores quoque, qui cœperunt quidem, sed protinus cessaverunt, pravi sunt, quod naturam maxime prælangvidam, excretionem quidem aggredientem, sed præ imbecillitate non absolventem, præmonstrent. Hippoc. in 1. Epid. a) com. 1. text. 28. papulas parvas, quod statim evanescerent, pessimas observavit; & paulo ante de malis abscessibus dixit: b) Sed statim redierunt & deterius evaserunt. In Euphranonis filio, c) qui mortuus est, exanthemata oborta parum durarunt, & absque ratione evanuerunt. Et hæc de abscessibus intro recurrentibus. Ex loco itidem mali abscessus Medicis innotescunt; pessimi enim sunt, qui prope viscera in cute erumpunt. Quo fit, ut abscessus post aures, perpetuo sint suspecti; nam forte superveniunt fractis inde viribus, & videntur novas causas morbi attexere. Fessus æger magnos abscessus, qui tempore ac virium robore opus habent, ad concoctionem & suppurationem faciendam, ferre nequit: parvi vero non solvunt. Sunt vero magis, ut dictum est, suspecti loci ratione, quippe, quod cerebro sint proximi: non secus & tumores sub alis loci ratione damnantur, & bubones ipsi in inguinibus, qui tumores solent grassari tempore pestilenti, quo tempore interna viscera maxime patiuntur. Cum malis signis nulli abscessus boni esse possunt: sunt enim ex ju-*

C c c c 3 dica-

*) Lib. 7. Epid. p. 1239. text. 124. a) Sect. 2. p. 946. sub finem.

b) Ibid. lit. G. c) Lib. 5. Epid. p. 1161. text. 92.

Parotides unde
futuræ
prævi-
dentur.

dicatoriis non judicantibus. Non minus etiam ii, quæ ne-
dum febrem non tollunt, ægrotosque quicquam allevant,
sed quinimo ipsos non parum lædunt. Atque hæc in uni-
versum dicta sint de malis abscessibus, mortem prædican-
tibus. Nunc pauca, ut rem hanc exemplis quibusdam il-
lustremus, de his abscessibus, qui secundum aures fiunt,
quos parotidas Medici appellant, subjungamus. Hos ab-
scessus hisce signis prænoscentes Hipp. in Prognost. d) do-
cet: *In hunc modum ista consideranda sunt. Si febris deti-
net, neque dolor conquiescit, neque sputum ex ratione proce-
dit, neque biliosæ sunt alvi dejectiones, nec bene solutæ ac sin-
ceræ, nec urina admodum multa, multum habens sedimentum,
suffragantur vero ad salutem reliqua omnia salutaria signa,
in his ejusmodi abscessus orituros sperare convenit. Ac hi ori-
untur quidem in locis infernis, quibus circa hypochondria in-
flammationis quid subest: illi autem in supernis, quibus hypo-
chondrium molle & doloris expers permanet, & cum spirandi
difficultate aliquandiu laboraverit, quæ citra aliam evidentem
occasionem conquiescat. Propria ergo Parotidum futurarum
signa sunt, ubi morbus non fuerit valde diuturnus, si sub-
ita difficultas anhelitus laboranti superveniens, mox quie-
scat, cumque gravitas capitis & dolor subsequatur, & gra-
vis somnus aut furditas, huic in glandibus post aures ne-
cesse est abscessus fieri. Galen. in 1. Prorrhæ. com. 75. text.
76. & 77. somnum gravem, cum dolore capitis & furdita-
tem statim advenientem signa esse parotidum statuit: &
Auctor Prorrhæ. 3. e) dixit, ex capitis dolore, comate,
furditateque prænosci parotidas. Ex iis abscessibus boni
sunt, qui magnitudine moderati, sine dolore, integris vi-
ribus, in aliquo die critico, & antegressis coctionis signis
erumpunt. Cujusmodi fuerunt, quas Hippoc. in Epide-
miis meminit, de quibus in libro f) dixit: *Tubercula vero
multis secundum alterutram aurem, plurimis secundum utram-
que,**

Quænam
bonæ.

d) Pag. 43. lin. 7. e) Lib. I. text. 168. f) Lib. I. Sect. I.
pag. 938. lit. E. & 939. lit. D.

que, exstiterunt, febre carebant, erant recti: nonnullis parum accendebantur, sed extincta omnibus sunt citra incommodum. Erat eorum hæc natura, laxa erant, magna, diffusa citra phlegmonem atque citra dolorem, obscure omnibus evanescabant. Hæc fiunt a caliginosa materia, quæ facile citra incommodum tolluntur, aut a pituita, quæ œdematosa, aut a sanguine phlegmonosa, aut a flava bile erysipelatosa vocata, aut a materia crassa, & viscida: illa facillime discutuntur, atque hæc ægerrime; quo fit, ut in multis sublata febre etiam perseverent, neque residentia, neque suppurantia appareant: de his Hipp. in 1. Epid. g) *Tubercula secundum aures, quæ in febribus cum dolore extuberant, nonnullis, cum febris decretorie sedatur, non resident, neque suppurant, his biliosum alvi profuvium, aut dysenteria, aut sedimentum urinarum crassarum, ea solvit, uti evenit Hermippo Clazomenio.* Optimæ sunt, vel saltem non pravæ parotides, quæ prægressis vacationibus, vel purgationibus, resolvuntur, & præsertim cum bonis urinis, cujusmodi forte fuerunt, quæ in Clazomenio h) exuberarunt. De his forte meminit auctor Coacorum præsagiorum, ita dicens: i) *Tussicule, quæ cum sputationibus procedunt, emolliunt parotides.* Quæ suppurantur itidem cum signis coctionis, & pus est album purum, salutes existunt. Contra malæ dicuntur, quæ Quænam
malæ. aut majores quam ferri possint, aut parviores quam purgare valeant, observantur, cum dolore, & fractis viribus erumpentes, nullis coctionis signis antegressis, in die non critico cum malis signis apparentes, atque febrem non allevantes, sed quinimo ægris ab ipsis in deterius mutatis. Præterea quæ intus recurrunt absque causa. Has recidivam præmonstrare Hippoc. in 6. Epid. k) tradidit, & Gal. deterrimum esse signum in primo Proorrh. statuit; quales Nicolai Concubina l) habuit, quibus abscessibus, magnis,
fine

g) Sect. 2. p. 956. sub lit. F. h) Vide ejus historiam Lib. 1. Epid. Ægr. 10. p. 985. i) Text. 204. k) Sect. 4. text. 1. p. 1179.
l) Epid. lib. 7. text. 50. p. 1221.

sine signo sublatis, mors eam est subsecuta. Auctor *Coacorum Præfagiorum* m) in 4. *Coac. Præfag. text.* 25. ait: *Si ardenti febre abscessus, ad aures facti, non suppuraverint, non valde servantur: & n): Tumores circa aures maxime ex acutis in febribus ardentibus fiunt, si morbum non solvant, neque maturent, aut ex naribus sanguis fluat, vel urinae deponant sedimentum crassum, moriuntur.* Et idem Auctor *Coacorum Præfagiorum*: o) *Tumores circa aures post expurgata plurima graviter olentia, acuta febre, hypochondrio intento, tardius excitati, interficiunt: & ibidem p) scriptum est, in suppuratis parotidibus pure non albo effluente, lethale esse; q) pravasque dici parotidas, quæ cum urinis parum coctis apparent. Quod Galen. vel etiam de iis, quæ probe suppurarunt, intelligi debere, nobis præmonstrasse, nuperrime meminimus. Unde vel etiam parotides suspectæ erunt, absque signis concoctionis, probe suppuratæ. Quales in Cratistonaæ, & ancilla pictoris ab Hippocrate r) fuere observatæ, quibus, uti dictum est, probe suppuratis, ambo tamen interierunt. De exanthematibus, quo nomine papulæ omnes latinis, barbaris variolæ, morbilli, puncticulæ seu maculæ nuncupatæ, comprehenduntur; deque pustulis, carbunculis, bubonibus, tumoribus hypochondriorum, nihil superest ad ipsorum prognosin illustrandam dicendum; quum omnia ad prædicendi rationem pertinentia, cum in hoc ipso capite, quod absolvimus, tum in aliis libris satis accurate expendimus.*

m) Text. 138. n) Ibid. text. 207. o) Text. 201. p) Text. 206.
 q) Ibid. text. 205. r) Lib. I. Epid. Sect. 2. p. 958. sub lit. B.
 Foësius tamen loco *pictoris* legit *fullonis*.

F I N I S.

Citata HIPPOCRATIS Loca,

Ad suas quæque paginas transferenda.

Pag. lin.

4. 26. *post* Hippocr. lib. 6. Epidem. Sect. 5. text. 1. 2. pag. 1184.
7. 6. *post* Prognosticorum pag. 43. lin. 18.
9. 33. *post* lib. 6. lib. 6. Epidem. Sect. 5. text. 1. pag. 1184.
13. 34. *post* Prognosticorum pag. 38. lin. 11.
14. 24. *post* Hipp. lib. 1. Epid. Sect. 2. pag. 948. lit. F.
15. 23. *post* Epidem. lib. 1. Epidem. Sect. 2. pag. 951. lit. E.
25. *post* Cleonactide lib. 1. Epid. Ægrot. 6. p. 982.
- Pericle lib. 3. Epid. Ægr. 6. p. 1102.
- Virgine Abderæ lib. 3. Epid. Ægrot. 7. pag. 1103.
26. *post* Herophyto lib. 3. Epid. Ægr. 9. p. 1106.
- Muliere morosa lib. 3. Ægr. 11. pag. 1108.
- Larissæ Virginæ lib. 3. Epid. Ægr. 12. pag. 1110.
- Metonell lib. 1. Epid. Ægr. 7. pag. 983.
27. *post* ait lib. 1. Epidem. pag. 951. lit. G.
16. 3. *post* Epid pag. 1108. Ægr. 10.
4. *post* Charionem lib. 3. Epid. Ægr. 5. pag. 1072.
12. *post* Herophyto lib. 3. Epid. Ægr. 9. p. 1106.
20. *post* Prognost. pag. 41. lin. 3.
22. *post* ait lib. 6. Aphor. 15.
24. *post* de Sudoribus Progn. pag. 38. lin. 15.
36. *post* Lib. lib. 1. Epid. Sect. 2. pag. 558. lit. E.
17. 29. *post* Epidem. lib. 1. Epid. p. 966. in Philischi Historia
31. *post* Hermocrate lib. 3. Epid. Ægr. 2. pag. 1062.
18. 21. *post* Prorrh. lib. 1.
23. *post* tremulæ Prorrh. lib. 1. text. 34.
35. *post* Hippoc. Coac. Præfag. text. 47. & lib. 6. Aphor. 53.
19. 16. *post* Epid. pag. 1085. lit. E.
19. *post* Prorrh. text. 64.
20. 14. *post* Prognost. pag. 39. lin. 33.
22. *post* Prorrh. lib. 1. text. 96.
28. *post* Hippocrates lib. 1. Epid. Ægrot. 2. p. 969.
29. *post* Uxore ibid. Ægrot. 4. pag. 976.
34. *post* gravida ibid. Ægr. 18. p. 990.
21. 1. *post* Hippocr. lib. 3. Epidem. Ægr. 3. pag. 1098.
14. *post* & ubi lib. 5. Aphor. 3.
16. *ante* a vomitu lib. 7. Aphor. 3.
- ead. *ante* ab ileo lib. 7. Aphor. 10.
21. *post* lib. text. 9.
22. *ante* mente text. 14.
29. *post* Prorrh. text. 64.
- post* & a rig. text. 65.
31. *ante* oculorum text. 69.

CITATIONES.

Pag. lin.

22. 2. *post* Hippocr. lib. 3. Epid. Ægr. 12. pag. 1080.
 6. *post* Text. 3. pag. 1089. lit. G.
 7. *post* Critoni lib. 1. Epid. Ægrot. 9. pag. 985.
 9. *post* Hippocr. Prognostic. pag. 39. lin. 52.
 11. *post* Vigiliis lib. 2. Aphor. 3.
 22. *post* uxore lib. 1. Epid. Ægrot. 11. pag. 987.
 23. *ante* cœnavit ibid. Ægr. 12. pag. 988.
 26. *post* lib. 7. Aphor. 18.
23. 11. *post* Hippoc. lib. 2. Aphor. 2.
 12. *post* bonum, ibid. Aphor. 1.
 16. *post* comm. pag. 1085.
 27. *post* Prognost. pag. 37. lin. 15. & seq.
24. 4. *post* Præfagiis text. 106.
 34. *post* Prognost. pag. 37. lin. 15.
25. 24. *post* Hippoc. lib. 1. Epid. Ægr. 2. pag. 969.
 26. *post* adolescente lib. 3. Epid. Ægrot. 16. pag. 1117.
 32. *post* ait Hippoc. prognost. pag. 38. lin. 10.
26. 1. *post* Hippocr. lib. 3. Epid. Ægrot. 3. pag. 1098.
 4. *post* Epidem. 3. Ægr. 15. p. 1114.
29. 2. *post* Hippocr. lib. 7. Aphor. 6.
 7. *post* Hippocr. lib. 6. Aphor. 3.
 19. *post* Epidem. Ægrot. 2. pag. 1062.
 22. *post* Epidem. Ægrot. 6. pag. 1073.
 24. *post* aquam lib. 3. Epid. Ægr. 2. pag. 1096.
 34. *post* Hippocr. lib. 3. Epid. Ægrot. 2. p. 1062.
30. 29. *post* Epid. pag. 1085. lit. F.
 31. *post* Aphorismorum lib. v. Aphor. 12.
 32. *post* septimo Aphor. 16.
31. 16. *post* Epidem. Sect. 2. pag. 948. lit. A.
 19. *post* Prognost. pag. 40. lin. 12.
 33. *post* Epidem. pag. 1085. lit. F.
 35. *post* Prognost. pag. 40. lin. 47.
32. 22. *post* Silenus lib. Epid. Ægrot. 1. & 2.
 26. *post* Epidem. pag. 1086. inter litt. C. & D.
33. 1. *post* Prognost. pag. 41. lin. 40.
 10. *post* Epidem. Sect. 2. pag. 944. lit. F.
 12. *ante* Text. ibid. pag. 951. lit. E.
 25. *post* Epidem. ibid. lit. G.
 30. *post* est lib. 3. Epid. Ægrot. pag. 1062.
 34. *post* Aphor. Aphorism. 56.
34. 3. *post* libro Prorrh. lib. 1. text. 7.
 5. *post* libro ibid. text. 67.
 8. *post* Epidem. pag. 940. lit. 9.
 10. *post* Prorrh. lib. 1. text. 126.
 12. *post* Prognost. pag. 38. lin. 21.
 16. *post* Epidem. Sect. 2. pag. 945. lit. E.

C I T A T I O N E S.

Pag. lin.

34. 22. *post* Epidem. ibid. pag. 948. inter litt. G. & H.
 28. *post* Prognost. pag. 41. lin. 6.
35. 1. *post* Epidem. Sect. 2. pag. 946. lit. G.
 4. *post* Epidem. Sect. 2. text. 7. pag. 1168.
 10. *post* Epidem. Sect. 2. pag. 946. lit. H.
36. 25. *post* Prognost. pag. 43. lin. 32.
 28. *post* Aphorismor. Aphor. 66.
37. 7. *post* Epidem. Sect. 1. pag. 939. inter. litt. D. & E.
 16. *post* Prognost. pag. 41. lin. 33.
38. 17. *post* Epidem. pag. 1085. lit. G.
40. 6. *post* Prognost. pag. 43. lin. 54.
 8. *post* expressit pag. 44. lin. 25.
 19. *post* Prognost. pag. 41. lin. 47.
41. 2. *post* Prorrheticor. text. 34.
 8. *post* Epidem. Ægrot. 2. pag. 1062.
 20. *post* Epidem. Sect. 2. text. 15. pag. 1168.
 23. *post* Prorrh. lib. 1. text. 52.
42. 19. *post* Epidem. Sect. 2. pag. 948. lit. H.
 23. *ante* *post*. pag. 956. lit. F.
34. 17. *post* Hippocr. lib. 3. Aphor. 15.
 21. *post* Hippoc. ibid. Aphor. 9.
 22. *post* Epidem. Sect. 1. pag. 938. inter D. & E.
44. 6. *post* Hippocr. lib. 4. Aphor. 43.
45. 13. *post* Text. Sect. 1. pag. 939. lit. F.
 15. *post* Epidem. pag. 1073. Ægrot. 6.
 28. *post* Aphorismis lib. 4. Aphor. 25.
 30. *post* & sanguinis lib. 7. Aphor. 15. & 16.
46. 11. *post* Prognost. pag. 41. lin. 8.
 20. *post* Prognost. pag. 45. lin. 20.
 23. *post* lib. Prognost. pag. 43. lin. 18.
 ult. *post* Epid. Sect. 6. text. 9. p. 1190. conf. lib. 1. Epid. Sect. 3. p. 96. sub lit. G.
48. 4. *post* Libr. Text. 85.
 7. *post* Prorrh. lib. 1. text. 34.
 12. *post* Epid. Sect. 2. pag. 954. sub. lit. D.
 32. *post* Epid. Sect. 2. pag. 954. lit. E.
51. 15. *post* Epidem. lib. 3. pag. 1082. lin. 6.
 24. *post* Epidem. a pag. 1083. ad 1091.
52. 4. *post* lib. lib. 3.
 12. *post* austrina lib. 1. Epid. Sect. 1.
 ead. *post* borealis ibid. Sect. 2. a pag. 942. ad 958. descriptæ.
 13. *post* quarta lib. 3. Epidem. Sect. 3. a pag. 1081. ad 1091. descriptæ.
53. 15. *post* Silenum lib. 1. Epidem. Ægrot. 2. pag. 969.
 ead. *post* Charionem lib. 3. Epidem. Ægrot. 5. pag. 1072.
 ead. *post* Nicodemum ibid. Ægrot. 10. pag. 1108.
 16. *post* Mœlibeum ibid. Ægrot. 16. pag. 1117.

C I T A T I O N E S.

Pag. lin.

55. 29. *post* dixit Sectio 3. Aphor. 30.
 56. 35. *post* Epidem. Sect. 1. pag. 939. lit. F.
 196. 29. *post* Hippocr. lib. 4. Aphor. 16.
 197. 9. *post* Prorrheticorum lib. 1. text. 119.
 23. *post* Præfag. text. 85.
 25. *post* Text. Text. 85.
 31. *post* Lib. Text. 28.
 33. *post* Præfag. Text. 171.
 35. *post* Paulo text. 177.
 198. 5. *post* Prognost. pag. 46. lin. 24.
 199. 6. *post* Epidem. Sect. 5. pag. 1040. lin. 11. *ubi tamen de puerperis non de pueris hoc affirmatur: nec etiam licuit textum similem alibi reperire, ubi de pueris sermo est.*
 26. *post* Sect. Aphor. 5.
 200. 9. *post* Hippocr. lib. 1. Epidem. Sect. 2. pag. 944. lit. H.
 12. *post* Hippocr. lib. 2. Aphor. 26.
 14. *ante* quæ lib. 5. Aphor. 1. 2. 3.
 15. *post* Prorrh. lib. 1. text. 145.
 18. *post* Aphor. lib. 5. Aphor. 3.
 19. *post* ait lib. 5.
 33. *post* Et lib. 5. Aphor. 1.
 201. ult. *post* muliere lib. 1. Epid. Ægrot. 13. pag. 990.
 202. 1. *post* Pythione lib. 3. Epid. Ægrot. 1. pag. 1059.
 2. *post* in eo ibid. Ægrot. 3. pag. 1066.
 3. *post* Charione ibid. Ægrot. 5. pag. 1072.
 ead. *post* muliere ibid. Ægrot. 11. pag. 1108.
 17. *post* Hermophili text. 40. pag. 1152.
 24. *post* Prorrh. lib. 1. text. 119.
 ult. *post* Epidem. lib. 1. Epid. Sect. 2. pag. 944. lit. H.
 203. 5. *post* Præfag. text. 356.
 10. *post* Præfag. text. 358.
 17. *post* Epidem. text. 130. pag. 1239.
 27. *post* Præfag. text. 156. & 157.
 204. 2. *post* Prognost. pag. 39. lin. 45.
 21. *ante* Expressit Sect. 4.
 26. *post* Dromedai lib. 1. Epidem. Ægrot. 11. pag. 987.
 32. *post* Epidem. Sect. 2. pag. 948. inter litt. G. & H.
 205. 2. *post* Epidem. Ægrot. 4. pag. 1100.
 11. *post* Epidem. text. 84. pag. 1160.
 32. *post* Aphor. 2. Sect. 5.
 206. 3. *post* Epidem. pag. 1145.
 12. *post* postea text. 47. pag. 1153.
 20. *post* de qua text. 50. pag. 1154.
 31. *post* & postea text. 74. pag. 1159.
 207. 5. *post* filio text. 75. pag. 1159.
 13. *post* 5. text. 94. pag. 1161.

C I T A T I O N E S.

Pag. lin.

- 207. 21. *post* Epidem. text. 53. pag. 1155.
- 28. *post* Epidem. text. 85. pag. 1160.
- 35. *ante* Text. text. 20. pag. 1215.
- 208. 19. *ante* Hippocr. lib. 3. Epid. Ægrot. 2. pag. 1096.
- 20. *post* Epidem. Ægrot. 4. pag. 976.
- 26. *post* Epidem. lib. 1. Ægrot. 11. pag. 987.
- 32. *post* Philista lib. 3. Epidem. Ægrot. 4. pag. 1070.
- 34. *post* Phrenitico lib. 3. Epidem. Ægrot. 4. pag. 1100.
- 209. 7. *post* muliere ibid. Ægrot. 14. pag. 1114.
- 211. 17. *post* in acut. pag. 401. lin. 39.
- 26. *post* Hippocr. lib. 5. Aphor. 58.
- 212. 10. *post* Epidem. Ægrot. 12. pag. 1080.
- 18. *post* Præfag. text. 565.
- 30. *post* Præfag. text. 490.
- 213. 8. *post* libr. text. 23.
- 9. *post* Præfag. text. 45.
- 16. *post* Epidem. Ægrot. 12. pag. 1080.
- 214. 6. *post* Comm. 3. Ægrot. 5. pag. 979.
- 34. *post* Hippocrate lib. 5. Aphor. 20.
- 216. 26. *ante* Aphor. Aphor. 69.
- 218. 14. *post* Epidem. Ægrot. 5. pag. 479.
- 18. *post* Epidem. Ægrot. 5. pag. 1072.
- 22. *post* Epidem. Ægrot. 12. pag. 1110.
- 24. *post* Epidemior. text. 25. pag. 1131.
- 25. *post* & lib. 7. Epid. text. 130. pag. 1239.
- 29. *post* Prorrheth. lib. 1. text. 150. 151.
- 219. 5. *post* Prorrheth. text. 65.
- 9. *post* Hippocr. lib. 3. Epid. Ægrot. 12. pag. 1080.
- 19. *post* Prorrheth. lib. 1. text. 66.
- 24. *post* Epidem. Ægrot. 11. pag. 987.
- 28. *post* mulier lib. 3. Epidem. Ægrot. 12. pag. 1080.
- 34. *post* Epidem. Ægrot. 12. pag. 988.
- 220. 1. *post* Præfagiis text. 10.
- 14. *post* Aphorism. Aphor. 46.
- 18. *post* Prorrheth. text. 65.
- 20. *post* Lib. lib. 1. Epidem. Sect. 2. pag. 954. inter D. & E.
- 28. *post* Epidem. lib. 1. Epid. Sect. 2. pag. 954. inter D. & E.
- 33. *post* Prorrheth. lib. 1.
- 34. *post* etiam lib. 1. Prorrheth. text. 64.

INDEX

RERUM OMNIUM,

QUÆ IN TOTO OPERE CONTINENTUR.

A.

Abolitionis periculum ex aurium dolore acuto cum febre continua ac vehementi, 330. sq.

Abcessus boni & mali, 360. sq.

Abcessus boni quando fiunt in morbis, 360. sq.

Abcessus ex colore, magnitudine, copia, coctione, utilitate salutare judicantur, 569.

Abcessus futurus quando in morbis acutis expectandus, 416. 417. 418.

Abcessus in visceribus doloris partium internarum causa, 140.

Abcessus mali in corpore erumpentes, naturalis facultatis impotentiam denotant, 30.

Abcessus nullus fidelis qui cum signis crudelitatis apparet, 570.

Abcessus omnes ante coctionem erumpentes in peste magis utiles quam inutiles, 366. sq.

Abcessus per effluxionem quales, & quanam vocantur, 415.

Abcessus post aures perpetuo sunt suspecti, 573.

Abcessus quales & quando in morbis acutis perniciales, 52. sq.

Abcessus qui ad crura fiunt in Pulmonibus vehementibus ac periculosis, omnes utiles sunt, 7. 46. 143. 353. 569.

Abcessus quid ad prælagium, 449. 567.

Abcessus quomodo noscuntur futuri in partibus supernis aut infernis 418. 419.

Abcessus retrocurrentes pessimum in delirio signum, 104.

Abcessus variorum significationes, 415.

Acria nimis, dolorem acutum producant, 139.

Acria si videntur oblata in morbis quid notant, 116. sq.

Acrimonia quomodo singultum producit, 210.

Actiones omnes perinde ac in optima valetudine obire, optimum est, 280.

Actiones naturæ debiles, quibus cognoscuntur, 17. sq. 27. sq.

Actionis vitalis primum instrumentum est spiritus vitalis, 238. sq.

Actio vitalis unde, 238.

Adenarum dolor unde gravis observatur, 138.

Eger si non videat, vel non audiat, jam debili existente corpore, quidquid horum evenierit, mors proxima est, 17.

Egri de ipsorum futura salute Prognosticum audientes, facilius ac propensius Medicorum propensius obediunt, 1.

Egrum velle residere in ipso consistendi vigore, exitiabilissimum est, 175.

Egrorum salus aut interitus unde prænotificatur, 5. 7.

Aër a suo consueto temperamento ad calidum maxime mutatus, & diu durantem, maximos morbos adfert, 50. sq.

Aër minus morbosus est, minusque graves morbos excitat, ad frigidum quam ad calidum mutatus, 43.

Aëris

INDEX RERUM.

Aëris nulla vel magna mutatio multum ad morbos concitandos facit. 43

Aëris ambientis temperamentorum omnium pessimum est id quod humidum est & calidum. 51

Aëris caliditati humiditas si conjungatur nihil corporibus morbosius & magis pestiferum. 51

Aëris siccitas acutissimos parit morbos, sed salubrioris quam humiditas. 52

Aëris varii status ad morborum cognitionem scitu necessarii. 42. sq.

Æstus dolorosus & rigor superveniens, malum. 125

Æstus & ardores circa spinam quid notant. 430

Æstus fortes quare convulsiones perniciosas producant. 200

Æstus laterum cum dolore atque rigore, mali. 125

Æstus magni effectus. 189

Æstus multus cum delirio quando per modum iudicii apparet. 93

Ætates corporum pulsum causas mutare possunt. 246

Ætates non parum faciunt ad morbos natura potentiores cognoscendos. 55

Alexandria in Ægypto unde quotannis febres pestilentes exitiales oriantur. 54

Alimenti crudi abundantia quomodo convulsiones in pueris producant. 193. sq.

Alimenti inopia quomodo tremor producit. 183

Alimenti plurimi copia calorem nativum quomodo suffocat. 128

Alvi colliquationes malæ. 408. 499

Alvi dejectio alba Ictericis mala. 502. sq.

Alvi dejectio aquosa mala est. 499

Alvi dejectio cruenta naturalis facultatis debilitatis effectus. 31

Alvi dejectio futura non cognoscitur per signa propria, sed ex quibus. 437

Alvi dejectiones albae unde, & quid notant. 502. 503

Alvi dejectiones biliosæ omnes non criticæ, factæ, malæ. 503. 504

Alvi dejectiones bonæ bifariam salutem indicare possunt. 494

Alvi dejectiones bonæ ex copia cognoscendæ. 496. sq.

Alvi dejectiones colliquativæ ex febris acutis perniciosissimæ. 506

Alvi dejectiones criticæ facultatis expultricis robur, naturamque morbo prævalere indicant. 15

Alvi dejectiones eo sunt exitiales, quo colores magis pravae pluresque habuerint. 505

Alvi dejectiones exitiales ex modo quo dejiuntur, & ex tempore quo durant. 506. sq.

Alvi dejectiones ex quantitate. tum immoderata, tum pauca damnantur. 501. sq.

Alvi dejectiones in acutis biliosis albicantes, spumosæ, & pericholæ, malæ. 502. sq.

Alvi dejectiones in acutis spumantes valde vitiosæ, malæ. 500. sq.

Alvi dejectiones in ventris affectibus observandæ. 382

Alvi dejectiones liquidæ unde. 499.

Alvi dejectiones malæ, quæ exitum prænuntiant, unde cognoscendæ. 498

Alvi dejectiones nigrae aliquando utiliter conspiciuntur. 505

Alvi dejectiones nigrae a sanguine melancholico. 505

Alvi dejectiones nigrae in acutis morbis, malæ & unde. 504. sq.

Alvi dejectiones nigrae, sponte venientes sive cum febre sive sine febre, pessimæ.

INDEX RERUM.

- peffimæ.* 505
Alvi dejectiones optimæ febres, & fymptomata folvunt aut allevant. 497
Alvi dejectiones quæ cerebro inflammato albæ egeruntur omnium peffimæ. 502.
Alvi dejectiones, quæ infciiiis ægrotis excernuntur, lethales funt. 506
Alvi dejectiones quæ falutem prænuntiant. 494
Alvi dejectiones quænam infanix timorem inferunt. 502
Alvi dejectiones rubræ & cruentæ in febribus acutis, malæ. 504
Alvi dejectiones fpumofæ quare malæ & quænam peffimæ. 500. fq.
Alvi dejectiones verficolores omnes malæ. 505
Alvi dejectiones virides porraceæ, peffimæ quænam funt. 504
Alvi dejectionum natura unde innotefcit. 494-497.
Alvi dejectionum varix denominationes. 495
Alvi excrementa concocta in ventris affectibus optimæ crifis certiffimum funt indicium. 398
Alvi excretionem biliofa quinquam morbi judicantur. 399. fq.
Alvi fluxus colliquativi, qui in peftilentibus febribus obfervantur, lethales. 118
Alvus perturbata furditatem aliquando tollit 143
Alvus profluvium quibusnam fupervenit. 223. fq.
Amaurofis quid, & quando exitiofa 319 fq
Amentia quid. 86
Amphimerina febres quales. 130
Anechtermeton quid Græcis. 214
Angina ex aphonìa, lethaliffimum. 236
Angina tonfillarum inflammationi fuccedens, malum. 60
Angina exitialiffimæ, & celerrimæ interimentes quænam. 129. fq.
Angina infidiofe occidentis figna. 227
Angina lethali fi tumor colli & peftoris apparet fuperveniat, magis falutaris evadit morbus. 47
Angina fuffocantes a fanguinis copia. 45
Anginofis quinquam rubor & tumor falutaris & quinquam non. 299
Angores quid in morbis acutis fæpe indicant. 135
Anhelitus difficultas in tabe. 225
Anhelitus crebri fenes ad mortem comitantur. 55. fq.
Anima quid efficit in corpus. 169
Animales actiones quomodo fortes vel debiles cognofcuntur, & quantum ad Prognofticum in morbis harum cognitio. 79
Animalium corpora unde constant. 169
Animi curæ extenuationis caufa 293
Animi defectiones quid in morbis acutis fæpe indicant. 135
Animi defectus ex fluxu muliebri, malus. 200
Animi paffiones vehementes magnos morbos concitare valent. 54
Annonam fæpe fecuta fuit Peftis. 53
Annus totus fi calidus humidusque fuerit, necelfe eft, magna peftilentia fuccedat. 51. fq.
Annorum tempora prænofcenda, ut morbi cognofcantur. 43
Annorum variarum conftitutionum effecta, & divifio. 51. fq.
Anxietas a dolore pedis atque coxendicis. 150
Anxietas a virium imbecillitate unde nofcitur. 177. fq.
Anxietas a vifcerum alicujus magna phlegmone unde nofcitur. 176. fq.

Anxietas

INDEX RERUM.

Anxietas ab humoris biliosi corruptione. 177. sq.

Anxietas ab humoribus ad excretionem turgentibus. 176. sq.

Anxietas cum delirio Crisin aliquando præcedit. 93. sq.

Anxietas decubitus est species. 175. sq.

Anxietas ex stomacho affecto unde nascitur. 177

Anxietas in febribus quid notat. 73. sq.

Anxietate qui per vigilias repente capiuntur, sanguinem profundunt e naribus. 184

Anxietas unde in febribus malignis. 179. sq.

Anxietates diu perseverantes, illuciente evacuatione, pessimæ. 74

Anxietates quæ cum refrigeratione incidunt, pessimæ. 74

Anxietatis prorsus lethalis descriptio. 181. sq.

Anxii quinam dicuntur. 176. sq.

Apepsia quid notat. 30

Aphonia a ventriculo ab aliquo humore læso. 233

Aphonia aliquando tollitur vomitu. 233

Aphonia ex capitis dolore quid notat in febribus. 234. sq.

Aphonia quid in morbis portendit. 232

Aphonia quid præfagit in morbis. 229.

Aphonia signum summe exitiosum in deliriis. 104

Aphonia comatosi succedentes, malæ. 168.

Aphonia cum singultu pessimæ. 213. 235

Aphonia & catochæ cum exsolutione perniciose. 166.

Ἀφρονι evadunt ægri in ferino delirio. 98

Aphonia ex vulneribus non sunt perpetuo perniciales. 233

Aphonia quæ principiis morborum fiunt, quid notant, 233

Aphonia quæ una convulsis partibus ex copia humorum fiunt, perpetuo lethales non sunt. 236

Aphonia quænam exitium in foribus prænuntiant. 236. sq.

Aphonia quibus ex capitis dolore, moriuntur. 236

Aphonia si fiant anginosi lethalißimum. 236.

Aphonia unde 232.

Aphtha oriuntur anni constitutione Astrina calida & humida. 52

Apoplexia a supino nimis diuturno decubitu. 173

Apoplexia ex somno diuturno & immoderato. 54

Apoplexia quando in morbis timenda. 120

Apoplexia sæpe producit febrem continuam aut intermittentem, paralyfin aut Paraplegiam. 47

Apoplexia si Paralyfi, & epylepsie succedat, malum. 60

Apoplexia unde sæpe prævidetur. 117

Apoplexiam fortem solvere impossibile, debilem vero non facile. 20

Apoplexia ab humoribus pituitosis & crudis. 58

Apoplexiam quando torpores in sanis portendunt. 227

Apoplectici maxime fiunt a quadragesimo anno ad sexagesimum. 56

Appetentia bona in ægrotis erit illa, quæ benevolentium maxime est similis. 280

Appetentia bona non confundenda cum vitiosa & exitialis. 281

Appetentia ciborum & potus iusto major unde. 279

Appetentia ciborum sublata quid notat & unde. 282

Appetentia integra in ægrotis, bonum est, omniumque maxime in morbis diuturnis. 281

Ecce

Appe-

INDEX RERUM.

Appetentia innaturalis quænam dicitur & unde. 278

Appetentia sublata in morbis longis lethalis. 282

Appetentia symptomata quid ad prædicendi rationem. 278

Appetentia vitiosa in qualitate ciborum & potuum unde. 279. sq.

Appetentia una est naturalis, altera non naturalis. 278.

Appetentia unde oritur in animalibus. 277. sq.

Aqua caninæ appetentiæ causa, 280

Aqua intercutem unde in purulentis Phthyficisque oritur. 137

Aqua intercutem omnis, quare si ex acuto morbo existit, semper mala 137.296

Aquarum corruptarum seu fœtidarum usus pravi effectus. 53. sq.

Aquarum palustrium usus mali effectus. 53. seq.

Aquilonia quotidianæ constitutiones corpora densant, & robusta, & bene mobilia, coloratiora, & melius audientia faciunt. 43

Ardores qui in hypochondrio, febre refrigerata relinquuntur, tum alias, tum cum sudoribus, mali sunt. 34. 76. sq. 125.

Ariditas totius vel alicujus partis corporis, quare sæpe infelicem morbi præfagit eventum. 137. sq.

Arteriarum pulsatio actio facultatis vitalis. 12

Arteriarum pulsatio respirationi addita est, calor in toto corpore effusi refrigerationis, atque purificationis gratia. 12

Arteriarum pulsationes maxime ad prædicendam salutem valent. 94

Arteriarum pulsationes vehementes omnium maxime vitalem robustam fa-

cultatem significant. 26

Arteriarum pulsus magni, vehementes, æquales atque ordinati in morbis acutis, facultatis vitalis integritatis indicium. 13. sq.

Asafoetida quid. 88. sq.

Asphodes delipientiæ, quænam exitiofissimæ. 97.

Asaphodis seu obscura desipientia, vel hectica, nunquam in morbi principio, sed morbi progressu, post vehementem insaniam, fit 80.

Aspectus audax & ferox est phreniticus. 82

Asperitas corporis quid ad prædictionem.

121

Aspera arteriæ usus. 230.

Asthmata quo vitæ tempore fiunt & quamdiu durant. 55. sq.

Asthmata senes nunquam derelinquunt. 56

Asthmatici unde sæpe stertunt. 272. sq.

Atrabilis naturæ humanæ maxime inimica, difficillimaque, & tardissima ut concoquatur. 58

Atrabilis omnium humorum morbos maxime exitiales parit. 58

Atra bilis unde. 504. sq.

Atrophia corpora siccantur, & contabescunt. 28

Atrophia in quibus exitialis. 292.

Atrophia qualis affectus & unde. 291. sq.

Auditus actiones mutaræ magni in morbis momenti ad prodeundum ægrotantium prognosticum. 111.

Aures lividæ & nigræ, unde in acutis morbis spectantur. 330

Aures obscurdescere in febre acuta furiosum est. 24. 114.

Aures quibus per febres obsurduerunt, quomodo hi liberantur a morbo. 112 sq.

Aures quid ad præfagium faciunt in acutis morbis. 328

Aurium

INDEX RERUM.

Aurium sonitus, quando sanguinis eruptionem, delirium, &c. indicat. 83. 116. quid in morbis acutis. 116. 331. Tinnitus, quid & unde, 115. 421. signum sæpe futuræ Hæmorrhagiæ. 425.

Austrina constitutio humida, varios & calidos morbos producit. 52. sqq. 415.

Autumnus morbos acutissimos & exitiales magna ex parte producit. 52. Tabidis malus est. ibid.

B.

Balnea quomodo horrores concitant. 222. sq.

Bilis acuta producit morbos punctorios. 139. æruginosa, atra, usta, morbos gravissimos concitat. 76. flava, porracea, crocea, nigra, omnium periculosissimos facit morbos. 90. sq. plurimum tussi rejecta, malum. 58. si pituita prævalet, ægros maxime reddit phreneticos. 91.

Bombus in acutis, lethalis. 116.

Bubones quare suspecti. 573.

Bumbi quid & unde. 115.

C.

Caliditas ad Prognosin faciens qualis. 121. quæ bona. 36. quæ mala. 122. in facie, hypochondriis, thorace cur pessima. 124. quid in morbis acutis. 73. Hæticorum qualis, 122. sq. parva in externis quando maligna. 73. sq. intensa in ventre & Thorace cur mala. 123. sq. immoderata pestem producit aliquando. 50. sq.

Calor blandus sæpe fallens in morbis malignis. 122. febrilis quinam optimus. 121. sq. singultum producit. 311. in morbis quomodo distinguendus. 72. sq. intensus post rigorem crisis sæpe indicium. 122. sqq. nativus quo-

modo resolvitur. 128.

Caloris æstus circa spinam quid indicat. 438. & Frigoris celeres mutationes in morbis acutis quare malæ. 136. retractionem quæ causant. 134. sq.

Capitis gravitas & dolor, quid & unde. 425. sq.

Cardalgia, fluxurorum mensium signum. 421.

Cardiognos Cordis unde vomituris. 418. 432.

Carus, qualis somnus. 159.

Catalepsis, frigiditatis & siccitatis cerebri signum. 163. qualis somnus. 159.

Cataphora qualis somnus. 159.

Cerchnon quid. 273. in acutis. 565.

Cerebrum exsiccatum vigilias excitat. 155. quomodo læditur per consensum ex ore ventriculi læso. 196. sq.

Cerebri frigiditas duplex est. 119. perniciofa inflammatio singultus causa in febris. 210. sq. refrigerationis effectus. 105. sq.

Cerebro post inflammationem refrigerato, in veterum delabi, lethaliissimum est. 98.

Cholera cui ætati magis familiaris. 55.

Cibus quando ægrotis est offerendus. 123.

Cibi fastidium in morbo diuturno, malum. 29. multi vel corrupti quomodo singultum producant. 210.

Cibum vel potum abhorrere in deliriis lethale. 101. sq.

Ciborum appetentia maxime ad prædicendam salutem valet. 94. appetentia, si cum aliis pravis signis appareat, summe perniciofa. 283. sq. & potus deperdita appetentia quando pessima. 110. vapores quomodo somnum excitant. 160.

Clamor cum delirio crisin aliquando portendit. 94. sq.

E e e e 2

Collio

INDEX RERUM.

- Cæstio** exquisita quo morbi tempore sit, 398. optimarum excretionum præcipua nota est. 362. perfecta, si simul observatur cum figeis decretoriis quando crisis expectanda, 443. sq.
- Cæstio** quid. 356
- Cæstionis** signa observare optimum est in omnibus morbis. 69. quo tempore morborum conspiciuntur. 359. salutem perpetuo significant. 69. signum aliquod manifestum, ubi primo die apparuit, in primo quaternario morbi solutio subsequitur. 443. sq. urinarum, aliorumque excrementorum præludiis quando non fidendum. 410
- Cæstiones** celeritatem portendunt iudicii, securitatemque salubrem. 69. 357. 396. excrementorum nunquam malæ, sed perpetuo bonæ. 356-359. quid præfagiunt. 417. si crisin præcesserint, nunquam moritur æger. 14. sq.
- Colli tensio** quid & unde. 421.
- Color** faciei viridis minus malus quam niger. 300. flavus bonus, si criticus ut in Ictericis. 300
- Color Ictericus** quid notat in febris. 303. sq. lividus & niger unde, & quid in morbis notant. 300. sq. lividus in labro, palpebra, vel naso, vel genis, vel extremis, quid notat. 301. pallidus unde in acutis morbis, & mortuis solet esse familiaris. 300. sæpe varians cum calore, quare utilis. 137. ruber sanguinis abundantiam significat. 298
- Coloris** corporis mutatio citra rationem, pessima. 298. in pueris quid. 299. quid ad prædictionem. 121
- Coma** a collecto pituitoso humore in cerebro. 107. a longa vigilia, ex calidissima siccissimaque causa, lethale signum. 166. sq. cum lassitudine quando malum. 154. cum malis stipatum symptomatibus, malum. 167. cum oculorum perversione malum. *ibid.* & surditas in capitis dolore abscessum aliquem post aures eructant. 112. 165. in acutis morbis post longas vigilias, exitiale. 22. in quibus nam semper perniciosum est. 166. sq. quantum inservit ad Prognosin. 165. sq. quid. 87. 161. vigil unde. 163. vigilias secutum, nisi criticum sit, perniciem ostendit. 166. sq.
- Comatis** perniciosi exemplum. 165. sq. quatuor sunt causæ. 162
- Comata** aliquando non lethalia accedunt vigilis. 159. lethalia aliquando subsequuntur vigilias assiduas. 158. sq. cum aphonia perniciofa in febris. 433. 235. sq.
- Comatosi** affectus phreniticis supervenientes, lethales. 189. quinam dicuntur. 161
- Commotio** quando fit in toto corpore. 177. sq.
- Concoctiones** biliosorum humorum & putridorum quando fiunt. 357
- Congelatio** quid. 166
- Convulsio** a distentione a quibusdam distinguitur. 191. ab Ileo malum. 21. a phlegmone unde. 193. ab æstibus fortibus aut distentio, malum. 200. ab inedia & ebrietate. 53. critica labii 331. ex angina lethalis. 207. sq. cum extremorum refrigeratione in acutis morbis signum maxime perniciosum. 132. sq. dentium exitialis est. 332. ex quibus in pueris prævidetur. 156. sq. fit vel ex repletionem, vel ex inanitione. 193. imminente morte in phrenitide accidere solet. 99. in febre, lethalis, minime vero pueris. 203. in febris sæpe ab ex-

INDEX RERUM.

- ustabile. 90. in phrenitide pessimum symptoma. 48. musculorum mandibularum Crysmos Græcis dicta. 192. Paralyfi superveniens affectum non solvit neque contra. 228
- Convulsione* mortuorum ex vulnere plura exempla. 205. sqq.
- Convulsiones* a doloribus & assiduis vigiliis, perniciosæ sunt. 205. a siccatis partibus nervosis, exitiosæ. 276. ab Ileii inflammatione, perniciosæ. 205. comatosi succedentes, malæ. 168. ex quibus signis futuræ possunt præcognosci. 197. ex tremoribus, lethalissimæ. 125. sq. febribus ardentibus supervenientes lethales. 157. in fœmina ex semine retento. 196. sq. in febribus ex ore ventriculi non sunt timendæ, vomitu tolluntur. 202. sq. in Phreniticis insanabiles. 204. in vulneratis plerumque lethales. 205. 208. lethales a capitis vehementi dolore. 146. perniciosæ nunquam solæ, sed cum aliis signis perniciem indicantibus appare solent. 208. quæ certum exitium excitant. 208. seq. quænam curari possunt. 201. quid præsagiant. 198. supervenientibus febribus sæpe solvuntur. 99.
- Convulsionum* causæ. 187--197. cum chordis tensis comparatio. 193. futurarum signa in pueris. 197. sq. tres differentiarum. 191.
- Cor* ab humore acri vel maligno affectum quid producit. 134. sq. quibus excrementis fuliginosis exsuperet, unde noscitur. 240. unde sæpe palpitat. 188.
- Cordis* caliditas quomodo refrigeratur. 239. calor respirando recreatur, sitque purior. 12.
- Corpus* a morbis defenditur tribus ipsi insitis facultatibus. 10. sq. inflari ac tumescere in morbis, nunquam bonum. 295. sq. extenuatum ac maxime contabescens videri in principio morborum acutorum, pessimum. 291
- Corpora* calida & sicca quibus morbis obnoxia. 56. sq. humida succique plena, si veneri temperate operam dent, raro morbis corripiuntur. 44. sq. cito incalescere, & frigesieri, malum. 126. præ gravitate deorsum delabi, quid significat. 169. sq. quænam minus periclitantur a morbis. 44. sq. tumida in morbis fieri quid significet. 295. ubi a sputo sanguinis contabescunt, exitiale est. 292
- Corporis* gestus mutatio in acutis morbis delirii indicium. 82. partes, quarum observatio facit ad prædicendi rationem. 289. turbationes quæ crisin indicant. 396
- Crimnodes* hypostases quænam dicuntur. 520. & quid notant. 536
- Coxendicis* dolor senes ad mortem usque comitatur. 57. sq.
- Crisis* bona vel mala unde prænosciuntur. 390-369. hora cognosci potest ex accessionis temporum accurata observatione. 446. sq. in proximo die decretorio erit, si in die indicante signum coctionis conspectum fuerit. 448. lethalis imperfectæ historiarum. 407. 413. sq. modus ex naturæ inclinatione nosciuntur. 415. sq. nulla bona apparet, cruditatis signis conspectis. 297. optimæ certissima signa in plurimis morbis quænam. 397-403. perfecta in morbi salutari non nisi in vigore morbi expectanda. 446. perfecta si futura sit, necesse erit, augmentum morbi prius absolvi. 446. quando in altero quaternario futura
- E e e e 3
- signi-

INDEX RERUM.

significatur. 396. 443. quando in primo futuro die decretorio fit. 444. terminus majori ex parte erit septem dierum ab ea die, in qua cœperunt decretoria signa apparere. 442. seq. unde sæpius iudicio non respondet. 447. sq.

Crisis ante statum non sunt omnino bonæ neque certæ. 405. atque iudicia raro prima & secunda die fieri possunt. 375. bonæ, malæ, & imperfectæ quænam 385. sq. compositæ, quibus morbi iudicantur. 439. exitiales quo morbi tempore fiunt. 446. in principio morborum, cum exitiali signo, mala. 404. sq. incertæ quomodo bonæ, vel malæ noscuntur. 407. optimæ, salutares, securissimæ ac perfectæ in statu naturæ apparent. 398. sq. per dejectiones quando fiunt. 420. per sudores prævidendæ. 434. perniciosæ quomodo cognoscuntur. 407. 414. quomodo sæpe fallunt artis Medicæ ignaros. 398. quæ fiunt in augmentis morborum neque certæ neque fideles sunt. 404. quænam fiunt per excretiones, & quomodo noscuntur. 419. seq. per hæmorrhagiam. 421. 431. quando & in quibus certo & cito prædicti possunt. 390. sq. quando fiunt per menses. 420. quomodo per urinas prævidentur. 434. tria tantum prænuntiare possunt. 396. veræ quatuor tantum sunt. 486

Crisium species unde cognoscuntur. 419. tempus ex natura morborum quomodo cognoscitur. 444. 447

Cruda excrementa quænam dicuntur. 360

Cruditas quid. 356. semper mala in morbis & pejor si cum malis signis. 360

Cruditates & coctiones in excrementis sunt signa morborum temporum. 61

Cruditates humorum quando fiunt. 357
Crura cur sæpius stupefcent in renum dolore ex inflammatione orto. 120.

139. supini cubantis admodum reducta, & distracta, in acutis morbis delirii indicium. 82. seq.

Cura tremoris causæ. 184

Cutis dolor quare gravis observatur. 138. frigore obduratur. 194. pustulæ, atque efflorescentiæ præter rationem evanescentes in delirio summe perniciosum signum. 104

D.

Dactylorum iuniorum esus rigorem produxit. 214

Decubitus actio unde pendet. 169. in gravi morbo qualis. 170. malus ex oris ventriculi vitio, vel propter virium imbecillitatem. 175. qui salutem præfagit futuram in morbis. 169. supinus quænam mala producere potest. 172. sq.

Decubitus ferre non posse in morbis quid notat. 73. sq.

Dejectio alba in phreniticis mala. 101

Dejectiones aquosæ candidæ, aut admodum crocæ aut spumantes pravæ. 31. biliosæ supervenientes quibus surditas, illam tollunt. 16. 113. colliquativæ quando in acutis morbis pessimæ. 50. nigræ, lividæ, opimæ, fœtidæ exitiales. 31. paucae, glutinosæ, pingves, candidæ, suberoceæ, læves, colliquationis indicia. ibid. quales & quando in acutis morbis pessimæ. 50. in deliriis. 103. sq.

Delassati, caliginosi, pervigiles, in somnum inclinati, desudantes, recalescentes, malum. 154

Delirantes quinam dicuntur. 81

Delirantium prognosis quomodo recte assequitur. 86

Deliri

INDEX RERUM.

Deliri homines si hianti ore dormiant, perniciosum est 103. si evadant ægri ab evacuationibus læthaliter se habent

113

Delirium cui jam fractis viribus contingit, pessimum 102. aliquando larga sanguinis eruptione judicatur 93

Delirium cum notabili oblivione, ignavia, & stupiditate apparens exitii est indicium 102. ex Hypochondrii pulsatione quando prævidetur 351. in pleuriticis unde sæpe prævidetur 38. in quibus morbis derepente fit, profluvium sanguinis significat vel Urinæ 93. sq. nullum securum reputatur 92. pessimum, post quod mala sequetur evacuatio 94. phreniticum quomodo ex sputatione frequenti prævidetur 433. quando ab auriom sonitu prævidetur 116. quid 86. solvitur aliquando per sudorem, somnum 94

Delirii certum signum ex urina quodnam 519

Deliria crisin portendentia quomodo apparent 92 -- 94. exitialia, quomodo a non exitialibus dignoscuntur 92. omnia unde concitantur 90. quæ cum febre fiunt, Phrenitides, vocantur sed sæpius inproprie 90. quæ mortem prænuntiant, quomodo dignoscuntur 97. quæ salutem in morbis præfagiunt 91. sq. quæ sine febre mania, seu insanæ vocantur 90. quænam salutarem crisin antecedunt 92. sq. si cum coctionis signis appareant in morbo crisin denuntiant 42. solvuntur urina multam subsidientiam habente 94. vehementia seu ferina convulsionum futurarum signa 107. sq.

Deliriorum futurorum signa quædam 186

Dentes quid ad præsagium faciunt in a-

cutis morbis. 328

Dentium in vita concussio quid. 162 stridor insolitus in deliriis signum summe exitiosum. 104

Dentibus stridere & delirare, mortem jam prope esse notant. 332

Desipientia & convulsio in vigilia, malum, 157. & rigor ex multa potatione, malum, 21. ferox & furiosa unde 90

Desipientia feroces quæ in brevi desinunt, ferinam convulsionem prænuntiant. 48. hæcticæ quando non amplius solvuntur. 98. quæ fiunt cum febre continua, naturam viribus morbo longe infirmiore signant. 19

Desipientiarum vehementissimarum propria credita symptomata. 98

Desipientes si non videant, summe perniciosum. 107.

Destillatio quæ ex naribus cum surditate & ignavitate parva est, difficile quipiam habet. 113. sq.

Diabetes quid significat. 31. quosnam pravos effectus producit. 55

Diaplymata quid. 558

Diafole quid ejusque usus. 240

Dies critici coincidunt cum accessionum motibus. 380. decretorii complures ac fere innumeri observantur. 375. decretorii, judicatorii, atque critici quinam vocantur. 374 -- 377. decretorii quid ad prædictionem in morbis. 382. indices fiunt aliquando decretorii, & decretorii indices. 378. intercalares, atque intercidentes vel provocatorii quinam & quare ita dicti 379. judicatorii quomodo cognoscendi 376. seq. omnes ad vigesimum usque decretorios aliqui fecerunt 375. vigesimus est terminus morborum acutorum 418

Dierum

INDEX RERUM.

Dierum decretoriorum cognitio necessaria 374. seq.

Dispepsia naturalis facultatis debilitatis symptoma 30

Distentio quid 191

Dolor acutus quinam & unde 139. aurium acutus cum febre continua ac vehementi difficilis est, & quid inde 330. sq. quinam periculosus 146

Dolor capitis acutissimus in Phrenitide pessimus 48. & stomachi cum Hypochondrio contento, malignum 149. in turbulentis, vigilibusque mentis aberrationem indicat 84. quando futuri vomitus signum 110. quando in phrenitide lethalis 146. vehemens & assiduus & præsertim in auribus in acutis febribus delirium portendit 85

Dolor cervicis in hæmorrhagia futura 422. sq.

Dolor circa ventris sedes significatur a decubitu in ventrem in acutis morbis 81

Dolor colli sanguinis e naribus erupturi signum in febribus 142

Dolor faucium quinam in acutis morbis delirium præfagit 86

Dolor Hypochondrii citra iudicium ex Angina quid 227. non raro delirii nuntius 85 sq.

Dolor lateris ex sputis biliosis, si absque ratione evanuerit, in furorem aguntur 151. in Pleuriticis, si absque ratione evanuerit, portendit delirium. 85

Dolor lumborum & gravitas quid indicat 431

Dolor manuum & pedum, in febre & convulsio maligna sunt 149

Dolor oris ventriculi in febribus malum 146

Dolor pectoris quinam malus 147

Dolor quinam in suppurationem vertitur 559

Dolor si vigesimum diem transeat, & febris detineat, quid expectandum 142

Dolor stomachi cum Hypochondrio contento, dolorque capitis, malignum 149

Dolor strangulans cum Orthopnea sine apparente in faucibus, vel collo, tumore, summe exitiosum 146

Dolor vehemens in pleuriticis, morbi fortissimi est indicium 48

Dolor ventriculi oris quid indicat 431

Dolor ventris laboriosus quinam lethalis 147

Dolor vesicæ quinam exitialis 147

Doloris impetus e femore malignus 149. mutatio quænam mala in acutis morbis 136

Doloris pedis atque coxendicis pessimi exempla 149. sq.

Dolore coxæ occultato, si quippiam in urina sublime petierit, delirium portendit 85. 151.

Dolore femoris dextri occultato statim delirium accidit 85. sq.

Dolores aurium cum febre continua acuta cur perniciosi 330

Dolores boni quinam dicendi 145. capitis quinam maxime timendi 146. capitis vehementes convulsionum futurarum notæ 299. circa thoracis & pulmonis sedes quinam suppurationem indicant 148. cordis vomitus biliosis & pituitosi futuri signum 142

Dolores crisin sæpe præfagiunt 65

Dolores critici in aliqua partium ignobilium & remotarum a visceribus, excitati boni 72

Dolores crurum incepti, continuo desinentes post visus læsi symptomata, malum 110

Dolo-

INDEX RERUM.

Dolores cum pulsu nonnunquam observantur in abscessibus ad suppurationem tendentibus 138.

Dolores exitium prædicentes 146.

Dolores fortes circa viscera, & convulsiones in acutis febribus, malum 21. Hypochondrii quando non mali sunt 345.

Dolores in ignobili parte exorti, qui occultantur fere continuo, sæpe delirium præfagiunt 85. sq. 104. in ventre inferiori concitato quomodo sæpe judicantur 145. lumborum quinam mali 151. sq. magni in omnibus morbis quando malum prænuntiant 72. palpitantes circum umbilicum, quid 188. partium nobilium & ignobilium quinam boni quinam mali & pessimi 146 -- 152. quandoque in acutis morbis, etsi suapte natura semper mali, bonum prædicant 140. qui a superioribus partibus ad inferiores descendunt optimi 145. qui ab ægrotis non sentiuntur quare perniciosi 152. qui circa umbilicum continuant in morbo acuto non raro delirii nuntii 85. qui cum ratione abeunt, optimam salutis spem pollicentur 142. qui morbo progressu ostenduntur, quinam optimi ibid. qui progressu morbo manifestantur, quinam perniciosissimi 147. quinam delirium indicant 83. sq. quid præfagiunt in morbis acutis 138. si convulsionum causa, perniciosum 205. sine voce quinam perniciosi 234. suræ absque ratione derepente occultati, desipientiam pariunt 151. vehementes, assidue morbi fortissimi sunt symptomata 72. viscerum fortes comatosi succedentes, perniciosi 168. viscerum fortes quando in acutis mor-

bis pessimi 49. sq. quomodo judicantur 148. sq.

Dolorum causa est continuitatis partium solutio 140.

Dorsum quid ad præfagium in morbis 341.

Dysenteria in morbis acutis quandoque bona 16. sq.

Dysenteria constitutione anni boreali oriuntur 52. quam ætate accidere solent 55.

Dysenterici unde dolorem acutum patiuntur 139.

E.

Ebrius quispiam repente si obmutuerit, convulsus moritur, nisi febre corripiatur 53. 120. 160. 164. 199. 233.

Ebrius somnus aliquando lethalis 164.

Elleborus albus quomodo convulsionem producit 196.

Empyema pleuritidi succedens, malum

60. intra quodam temporis spatium expurgatur 562. sq. quid 558. Hujus indicia 559.

Ephemera pestilens morbus acutissimus paucis horis interimens 444. sq.

Epileptici quinam vocantur 201.

Epilepsia a supino nimis diuturno decubitu 173. unde prævidetur & quid 117. 189. 196.

Epileptici juvenis exemplum 196. pueri quando maxime curantur 201.

Erysipelas ab exterioribus verti ad interiora, non est bonum 59. doloris partium internarum causa 140.

Evacuatio immodica calorem nativum resolvit 128. optima qualis quæ rigori optimo succedit 218.

Evacuationes immodicæ quomodo anxietatem

INDEX RERUM.

critice sublata quomodo noscitur 126. ebrietati superveniens quæ utilissima 53. 160. hæctica quomodo dignoscitur 122. seq. malignæ indicia 123. sq. quando convulsione solvitur 203. quando dolorem circa hypochondria solvit 345. quartana, quare omnium securissima 46. quartanæ per largam sanguinis excretionem curatæ exemplum 456. signa lethalia 73. tertiana septinis circuitibus terminatur 37. tertianæ quarta accessio est index septimæ 378. vehemens, assidua, calorem corporis resolvere potest 134

Febres acutæ & lethales ex timore & metu magno 54. acutæ si convulsionum causa, perniciosum 204. ardentes diebus imparibus accedere solent 380. ardentes, quomodo ut plurimum judicantur 394. sq. ardentes, semitertianæ, erraticæ, malignæ oriuntur anni constitutione boreali 52. ardentes, unde convulsiones perniciosas producant 200. 195. debiles & parvæ quandoque valde malignæ sunt 389. seq. Ephemeræ quænam vocantur 256. epidemicæ, semitertianæ, ardentes, pestilentes cum morbillis malignis lethales 52. seq. fumantes quænam dicuntur 73. hæcticæ marasmodes si febribus ardentibus succedant, malum 59. sq. lygodes quænam dicuntur 211. marasmodes quando exitiales 292. putridæ quænam vocantur 256. quibus diebus solvuntur 374. 375. 376. 377. si imparibus diebus bona signa habuerint, certum prælagium faciunt; & e. contra si paribus 382. sq. simplices si in compositas mutantur, & phlegmone adjungatur, malum 59. simplicissimæ,

ac signis firmatæ securissimis quarto die aut citius desinunt 40. 447. terrimæ ac signis affligentes difficillimis quarto die aut citius interimunt, 447. variæ primo die resolvuntur 375. unde horrores continent 223. *Februm* ardentium lethaliū signa 220. ardentium malignarum proprium est, ut summas partes non calefaciant. 122. sq. continuarum in malignas mutatio mala 59. sq. tertianarum & quartanarum vacationes criticæ propriæ. 395

Febribus ardentibus hæcticæ marasmodes si succedant, malum. 59. sq.

Febricitantes plurimi sine ulla mentis vacillatione moriuntur 80

Febriles recursiones cum horrore quænam lethales 224. 233. sq.

Felle suffundi ægrotos quid in acutis prælagit 302. sq.

Festucarum collectio in acutis morbis delirii indicium 81. sq. 83. sq.

Fæces albi in deliriis signum summe exitiosum 101. 104. retentæ & exsiccatae ileon sæpe producant 54

Fætores in morbis quid notant 118

Frigiditas corporis quid ad prædictionem 121. 126 sq. extremarum partium in dolorem forti ventris, malum 129. 147. extremorum signum in deliriis summe exitiosum 104. diæ critico cum signis decretoriis crisis prænuntiat 129. seq. in prælangvidis perpetuo lethalis 127. per totum corpus in acutis febribus mala 127. plerumque in continuis febribus est exitialis, vel longitudinem morbi præmonstrat 126. sq.

Frigus comatis causa 162. partium extremarum, atque ad calorem si non amplius redeant pessimum in acutis 17. par-

INDEX RERUM.

- partium extremarum, cum internæ uruntur, quid præſagit 24. quando bonum in febribus ardentibus 223. ſingultum quomodo producit 210
- Frigoris* immoderati effectus in corpus 194
- Frigora* ea inſanabilia cenſentur, quæ calidis & ſiccis morbis contingunt 98. 159. 166
- Frigidum* ſi naribus & ore exſpiretur in acutis morbis, exitiale jam eſt admodum 25. per os & nares exſpirare, malum 408. 270
- Fulgoris* motus oculis apparentes quid notant 316
- Fumus* calidus antea non ſolitus in ſudore futuro critico 441.

G.

- G***alenus* in prædicendi in morbis arte, poſt unum Hippocratem, maxime claruit 2
- Graveolentia* omnia putredinis ſunt indicium 118. graveolentiæ gradus prænoſcendi ſunt ad præſagium 118
- Gravitas* capitis hæmorrhagiam præſagit 423. in naribus quid in morbis 117. *temporum* hæmorrhagiam ſolet præcedere 422. 423. 424. totius corporis vel manuum vel pedum ſumme exitioſum in deliriis. 104
- Gaudium* immoderatum quomodo tremorem producere poteſt 184. ingens mortem aliquando producit 54
- Gena* quid ad præſagium faciunt in acutis morbis 328. rubræ pleuriticorum & peripneumonicorum ſignum eſt proprium 329
- Glandularum* tumores quando boni, & quando mali 353. ſq.

- Gula* graviter læſa homines continue pereunt 67
- Gutturis* fervor in multis moribundis, auditur, & quid indicat 271. ſq. quando lethalis 566. quando vero non pernicioſus 567. ſeu ebullitio & unde 565

H.

- H***æmorrhagia* critica quænam mala ſolvit 440. ſq. 458. ſq. larga aliquando febris quartana fuit judicata 425. non ſolet ſuccedere ſine capitis dolore vel gravitate 422. -- 424. futuræ ſigna 413. 419. 432
- Hamorrhoides* in viris quænam præſagunt 438. ſq. delirium ſecutæ, ſalutem prænuntiant 95. ſuppreſſæ, vel nimis fluentes morbos graviffimos producere poſſunt 55
- Heſtica* febris quomodo dignoſcitur 122. ſq.
- Heſticus* corporis habitus unde & quid præſagit 137
- Heſtici* quomodo dignoſcuntur 122. ſq.
- Heſticorum* caliditas qualis & unde 122. ſq. habitus deſcriptio 293. 561. ſq.
- Hepar* poteſt inflammari, abſque apparente tumore Hypochondrii 347. quibuscunque circum dolet, his febris ſupervenientiſ ſolvit dolorem 141. refrigeratum corporis tumorem producit 296
- Hepatis* dolor proprius gravis eſt & quare 138. inflammatio, quomodo Hypochondriorum tensionem producit 194. inflammatione laborantes plurimi ſine ulla mentis vacillatione moriuntur 80. tumori hydrops ſuccedens, malum 60
- Hepate* inflammato, ſi ſanguis exeat e nare ſiniſtra, malum 406. percuffio, oculi ſtatim cavi evadunt 321
- F f f f 3
- Hip-*

INDEX RERUM.

Hippocratis & *Galen*i & aliorum de morbi vigore sententia 64. quomodo concilianda 65

Hirudinum appositio quibus & quomodo conducit 458

Horror quando in febribus ardentibus, bonus 223. signum in deliriis summe exitiosum 104. quo vexantur omnes mali succi pleni, cum vehementer calefiunt 223

Horrores a febribus, Phlegmone, vel quovis modo motis humoribus 223. crebri, seu frequentes quique etiam celeriter permutantur sunt difficiles 225. a quibus continuæ febres intermittere cœperant boni 223. crebri non sufficiunt ad suppurationem, & tabem exinde denotandam 225. sq. decretorii mali, qui cum signis lethali-
bus perpetuo exitium portendunt 225. generatrim criticam perturbationem notant 224. in acutis morbis quid 21. lethales quinam 225. qui febre non tolluntur, sed cum pessimis apparent vacationibus, mali *ibid.* qui purulentos & validos explicant, mali 224. qui vomitus malos & exitiosos sequuntur, sunt iudicatorii mali 225. quid præsagiunt in morbis 222. quinam suppurationem indicant 225. sq.

Horroribus frequentibus e dorso, levibusque qui defudant, difficili morbo laborant 224

Humiditas corporis quid ad prædictionem 120. sq.

Humor acris singultum producere potest 210. ad caput ascendens facit tum desipientiam, tum aurium sonitum 115. sq. æruginosus epilepsiæ causa 196. frigidus pituitosus, quomodo fatuitatem & oblivionem producit 105. sq.

paucus sed valde virulentus morbos valde exitiales excitat 76

Humoris qualibet turgentia semper vendenda 137. vitiosi excretio quando bona 16

Humores ab intro foras versi morbum salutare faciunt 46. biliosi, multi tum tenuissimi, ac acutissimi ab aeris calore nimio in corpore abundant 51. calidi desipientiæ phrenitiæ causæ 90. cum tantum transmittuntur de parte ad partem, fiunt crises per abcessus 415. sq. frigidi & pituitosi putrescentes in cerebro delirium concitare possunt 90. in morbis a visceribus ad exteriora converti optimum, & e contra 59. noxios omnes corporis partes, quoad possunt, a se propellunt 12. omnes præter sanguinem, quare egent præparatione, ut evacuentur 454. particulares morbos magnos & graves producere possunt 57. pituitosi & crudi faciunt morbos difficillimos 58. putridi quare continuo purgandi 59. putridi quomodo anxietatem producant 179. qualitate & quantitate viscera gravantes pulsum causas mutare possunt 246. simplices etiam benigniores morbos concitant quam misti, qui graviores & plures simul producant 46. suapte natura, aut ob insignem putredinem tenuissimi, atque mobiles redditi quando lethales morbos faciunt 51. summe putridi ac virulenti morbos gravissimos concitant 76. turgent graves & periculosos morbos concitare possunt 76. sq.

Humorum biliosorum & pituitosorum excretionis per alvum signa 438. calidorum copia quid præsagit 57. calidorum & pituitosorum in cerebro effectus

INDEX RERUM.

fectus 163. proprium est, ut facillimi sint ad excretionem 396. copia gravans musculos, tremoris sæpe causa 184. seq. seu multitudo graves morbos parit 57. cruditas a vigiliis assiduus 75. 157. crudorum insignis copia, aliquando anxietatem producit 179. sq. crudorum multitudine calorem corporis quomodo suffocari noscitur 134. maligna putredo perniciosos morbis facit 58. omnis multitudo difficilem reddit morbum 184. particularium excretiones quid ad prælagium 449. spontaneæ excretiones non omnes bonæ 450. tenuitas extenuationis causa 293

Hydrops e longa dysenteria 507. ab hæmorrhoidibus suppressis vel nimis fluentibus 55. ex nimio sanguinis fluxu 462

Hydrops inprimis obnoxii sunt senes 55

Hydopes quomodo producuntur ab usu aquarum palustrium 53

Hypochondrium cum dolore tensum, & cum ipso Ictericus color in corpore in acutis morbis ante diem septimum malum 50. quid dicitur 342. huius contentio cum comate fastidioso, & capitis dolore Parotidas effluere faciunt 165. contentio sine dolore quid notat 426. pulsationes quid prælagiunt 351. sinistri dolor atque tumor non inutilis in acuto morbo 145. tensiones quid notant 344. tumores aliquando optimi. *ibid.* tumores quid sæpe prælagiunt in acutis morbis 344. sq. tumores quinam in suppurationem vertuntur 348. sq.

Hypochondria crassitudinem habentia, bona 343. cum duritie & dolore tenduntur ab inflammatis partibus 347. in acutis morbis tensa, dura, dolen-

tia & inæqualia, mala 345. in acutis morbis vitiata quando mala 296. 365. mollia, æqualia, dextra, sinistraque parte esse, & sine dolore, optimum in acutis morbis 343. qualia esse debent in Ictericia critica 303. sq. quid in morbis prælagiunt 342. sq. si extenuantur, vel contabescunt malum 344. sq. varie tenduntur in acutis morbis 344 -- 347. vel etiam tensa aliquando optima 344

Hypochondriorum dolores cum tensione, & malis signis, lethales 349. sq. pulsus cum frequenti oculorum obtutu in acutis morbis delirii indicium 82. 83. suppurationes quænam malæ 350. sq. tensio sine dolore signum hæmorrhagiæ futuræ 425. sq.

Hypogastrium quando sensum gravitatis vel doloris sentit 437

Hysterica mulieres unde non raro convulsionibus tentantur 197

Hysterici affectus quomodo aphoniam producant 232

I.

Ichi quid 115

Ictericia ante septimum diem quando mala vel bona in febribus 304 -- 308. cum hypochondriis tensis & duris mala 307. sq. quænam bona in febribus 304. quando exitialis in febribus 307. sq.

Icterus fit aliquando critice 303. in morbis quare non omnis bonus vel malus 303. quid & unde 302. vel salutem vel mortem quandoque prælagit & quando 303. sq.

Ignavia quid in deliriis 104

Ignes sacri undique cito depascentes, anni constitutione austrina humida & calida oriuntur 52

Ignorantia cum delirio crisin aliquando por-

INDEX RERUM.

- portendit 93. cum rigore mala, mala quoque & obliuio 106. cum rigore quando malum 19. 220.
- Aleon** a facibus retentis & exsiccat 54. si vomitum, singultum, disipientiam, vel convulsionem producat, malum. 21
- Alui** dolor quomodo soluitur 141
- Imaginatio** admodum læsa in acutis morbis, quando cerebri virtutem maxime debilem ostendit 19
- Inappetentia** cibi in morbis longis nihil est deterius 29. 182. sq. quæ ex delirio non confundenda cum ea, quæ ex facultate extincta vel diminuta 279. unde in ægris 278. sq.
- Inedia** aliquando convulsionem producit 53. quomodo noscitur faciei extenuationis causa 295
- Infantibus** quare vigilæ assidue tam noxiæ 157
- Inflammatiō capitis**, in primis in phreniticis, unde timenda 298. cerebri a sanguine per nares non evacuato 116. doloris partium internarum sæpe causa 140. quæpiam interna caloris retractionis sæpe causa 135. viscerum unde noscitur 346. sq.
- Inflammationis** vigor seu status quando dicitur 64. viscerum perniciosissimæ ac lethalissimæ signa 349 sq. inflammationes maxime fiunt ex sanguinis copia 57
- Inflammationibus** in partibus externis, multi sæpe morbi tum acuti tum longi iudicantur 6 sq.
- Inhorrescentes** anxii, lassitudine pressi, lumbis dolentes in profluvium alvi incidunt 223. sq. 439
- Innutritio** seu atrophia quid & unde 291. sq.
- Inquietatio** cum sudore est mala in acutis morbis 34. 77. omnis mala est, critica excepta 178. quid in acutis morbis significat 175. sq. quid & quantum ad præsagium facit *ibid.* sæpe tollitur obortu vomitu 178
- Inquietationes** in diebus criticis apparentes certius habent iudicium 181. in febribus intermittentibus & aliis cum nausea, & fastidio, haud sunt malignæ 386. sq. pessimæ illæ quæ criticis diebus fiunt nulla optima subsecuta evacuatione 181
- Inquietudo** ab æstuosa febre stabili & pestilentî, pessima 74. ab humoribus virulentis æstu turgentibus & circa præcordia fervescentibus, pessima *ibid.* ab insigni visceris inflammatione, pessima *ibid.* cum extremorum refrigeratione in acutis morbis signum maxime perniciosum 132. in deliriis signum summe exitiosum 101. in febribus quid notat 73. seq. quæ propter langvorem virium, summe perniciosos morbos notat 74
- Inquietudines** bonæ non raro apparent ante crisin futuram & optimam 179. crisin sæpe præsagiunt 65. in acutis morbis quando pessimæ 49. quæ bonas crises præcedunt, optimæ 155 sq. quæ cum sudore malo die decretorio apparent, exitiales 180. quænam prorsus perniciales 180. sq.
- Infantia** quomodo ex vomitibus prævidetur 491
- Infantia** a cerebri læsione oriuntur 90. leviter feroces ferinæ sunt & convulsionem significant 197. vehementes in febribus, silente ægro, sed non etiam privato voce, lethale 97. vocantur desipientiæ, quæ sine febre fiunt 86
- Infancientibus** in Melancholia si varices aut hæmorrhoides supervenerint, insa-

INDEX RERUM.

sanæ sit solutio 95. 457
Insomnia conspicua, non turbulenta, sed quieta, bona in Phrentide 96. conspicua quare in Phrenticis observantur 116. turbulenta semper mala, & Phrenitidem portendunt 96
Inspirandi difficultas quid & unde 421. 426. 431
Intestivorum difficultas vel aqua inter cutem a furore, bonum 94. tormina & morsus quid significant 438
Inusiones unde convulsiones perniciosas produciunt 200
Ira acutissimas febres sæpe producit 54. nunquam subito mortem produxisse refertur. *ibid.*
Jactatio assidua in morbis quid notat 73. sq. membrorum malis dejectionibus superveniens 181. quid in acutis morbis significat 176. unde vomituris 431. sq.
Jecur confluentes morbi gravissimi sunt atque difficillimi 59. durum ac scirrhusum redditur ab usu aquarum palustrium 53
Jejunium convulsiones sæpe producit 298. syncopas fastidiosissimas atque hæcicas febres producere potest 53
Judicatio quid 384. sq. quibuscunque fit, his nox gravis ante accessionem est 388
Judicationes quæ fiunt diebus paribus malæ & infideles 382. sq.
Judicatoria non apparent in morborum principiis 364
Judicium in morbis quando redditur difficile 77

L.

Labores qui in articulis sunt in longis febribus non inutiles 143. nimii quid producere possunt 106
Labrum inferius tremulum crisin aliquando per vomitum significat 332. si pervertatur in febre non intermittente, debili jam existente corpore, mors proxima est 204
Labri distortio quando pessima 111.
Labia in tertianis febribus critice ulcerantur 331. quid ad præsagium faciunt in acutis 328
Labiorum contractus aliquando alvi biliosam eruptionem significat 332
Lacryma critice unde noscuntur 315. in altero oculorum acres appropinquantis delirii præsagium 84. involuntariæ cum delirio per modum judicii aliquando apparent 93. involuntariæ in acutis exitiosum 327. 314. sq. spontaneæ effluentes, ubi non crisi, mortem significant 314. sq. spontaneæ sanguinem e naribus critice fluxurum aliquando notant 315
Lassitudinis sensus quid indicat 152. 431
Lassitudines aliquando abscessus præcedunt 153. optime existunt, quæ aliqua evacuatione evanescent 153. quænam bonæ observantur ad prædicendam salutem 152. sq.
Lethargus a collecto pituitoso humore in cerebro 107. qualis somnus 158. 161
Lethargici affectus phrenicici supervenientes, lethales 189
Leucophlegmaria laboranti fortis Diarrhœa superveniens, morbum solvit 85
Lien duris ac scirrhusus redditur ab usu aquarum palustrium 53
Lienis inflammatione laborantes plurimi
G g g g sine

INDEX RERUM.

sine ulla mentis vacillatione moriuntur 80. tumori hydrops si succedat, malum 60

Lienteria in acutis morbis malum symptomata 30. lethalis a longa dysenteria 507

Lingua alba, crassa, cœnosa, mala in acutis febribus & quare 334. arida, dura, adusta, & maxime nigra, si cum aliis signis malis appareat, exitium præfagit 337. arida tactui frigida vel calida apparens exitialis est 338. dura & horrida pessima, phreniticorumque propria 336. si torrefacta, & non vel parum sitiant phrenitici, perniciosissimum 101. si ex usta & præarida sine siti signum in deliriis summe exitiosum 104. exusti si nihil vel parum sitiant delirii metus 82. flava, aut crocea, aut nigra, aut admodum rubra, quid in morbis acutis notat 333. livida coloris omnium maxime est lethalis 335. magna & nigra quare lethalis est *ibid.* nigra cum tremore seu tremula mala *ibid.* nigra non absolute pernicialis 337. solèt ardentes pestilentes febres detegere 335. qualis videri debet in acutis morbis, & maxime in febribus ardentibus & synochis 333. quid in morbis præfagit 332. quomodo a febrili calore varie mutatur 336. rubra sæpius in anginosi affectibus & peripneumonici, pessima 335. salebrosa delirium præfagit 84. si valde nigrescit, judicium sit in quatuordecim diebus 335. variis coloribus varios humores exsuperantes ostendit 332

Lingua color subruber in acutis morbis, quid notat 333. densa delirium indicant in acutis morbis 83. obtre-

miscentes unde & quid in morbis notant 99. præficcatæ in anginis pessima 337. unde sæpe ita mole immittitur, & quid notat 335

Lippitudo appropinquantis delirii signum 84

Lippitem alvi profluvio corripi bonum 497

Lividitas cum extremorum refrigeratione signum maxime lethale 131. totius corporis vel manuum vel pedum summe exitiosum est in deliriis 104

Lumborum gravitas, dolor, atque tensio mensum futurorum signa 430

M.

Macule criticæ, & quæ cum inceperunt, numero atque magnitudine augentur, optimæ 341. cum lividæ tum nigrae quæ pessimæ in acutis morbis 300. si rubrae dorsum ac alias partes inscipientes in febribus, synochis malignis, quando malæ 300

Macularum prognosis unde petenda 576
Mador unde & in quibus oritur affectibus 466-469

Mandibularum convulsio unde 192

Mæniadys desipientia 97

Manuum gesticationes accidunt desipientiæ exitiali 101

Martianus mirabilem Galeni prædicendi in morbis artem miratus, quid ipsum rogavit 2

Maxilla si apparent lividæ, vel nigrescentes, & quidem cum malis signis, mortem prænuntiant 330

Medici unde sæpe circa pulsus falluntur 257. si ægrorum exitium antea non prædixerint, ipsorum aut ignorantia aut negligentia adscribitur 3

Medicamenta quænam singultum produciunt 210. si.

INDEX RERUM.

Medulla spinalis inflammatione laborantes, mente constare optimum 80

Membra nobilia diu graves morbos ferre nequeunt 352

Mensura quibusmodis læditur 87

Mente constare, & bene se habere ad ea, quæ offeruntur, bonum, contrarium vero malum 13. 79. sq.

Menses aliquando per nares vacuantur 426. in mulieribus unde prævidentur 438

Mensum erupturorum signa 429. sq. 440. sq.

Menstrua si plura fiant, accidunt morbi, & si non fiant, ex utero morbi contingunt 55

Mensura purgationes cum delirio & post ipsum conspectæ iudicium portant 95

Morbus comitialis v. Epilepsia 195. sq. diuturnus & tardus quando solvitur per abscessum 417. sq. qui congruit naturæ, aut ætati, aut habitui, aut tempori minus periculosus 44. quilibet salutaris quatuor habet tempora 61. quomodo salutaris, noscitur 68. si ab excretionibus resolvatur, optimæ crisis signum 401. si summum exercet vigorem, & natura sit adhuc in principio, pessimum 68. ubi celeriori motu, quam natura movetur, malum. *ibid.*

Morbi ab aliis concitati sæpius in magis salutes mutantur 47. ab humorum crudorum & crassorum copia debilibus exitiales 57. accedentes diebus imparibus, iisdem judicari debent 383. acuti aliquando judicantur hæmorrhagia ac sudore copioso 439. per hæmorrhoidas cum sudore iudicandi, quomodo cognoscuntur 440. frequentissime judicantur sudoribus

434. plurimi judicantur per urinas 436. quatuordecim diebus terminantur 444. sq. quomodo distinguuntur. *ibid.* ubi judicantur & resolvuntur paribus diebus quicquam boni ac certi non habent 383

Morbi acutissimi atque exitiales magna ex parte in autumno oriuntur 52. sæpe ante quartum diem homines interimunt 444. sq.

Morbi augmentum quando incipere dicitur 373. augmenti statusque tempora differunt in sanandis & moribundis 63. complures acutorum judicantur per alvi fluxum 437. debiles & magis salutes ab humorum qualitate & simplicitate 45. ex internis causis cognoscendi 44. quomodo ex horum idea cognoscuntur 39. sq. & Naturæ status si simul procedant, ac una moveantur optimum 69. exitiales ab humoribus ad vehementer putrescendum aptis 58. sq. quo morbi tempore ægros perdunt 61. sq. futuri status cognitio necessaria ad hujus eventum præfagiendum 60. infida remissio quando 478. laterales quam ætate accidere solent 55. lethalis præfagium sanguinis expulatio 58. lethales ab humorum insigni putredine 58. sq. lethales habent unum aut duo aut tria tempora 61. longitudinem quam indicant 135. malignitas occulta aliquando anxietatem producit 177. maligni, quare crisi- bus solent terminari 390. longitudinem quinam sudores indicant 473. sq. morem seu modum produnt symptomata quæ postea sequuntur 35. motus celer maxime facit cum critico aliquo signo ad prænuntiandam crisin 394. non raro sunt
Gggg 2 exitia-

INDEX RERUM.

- exitialissimi a sanguinis plenitudine & copia 45. omnes & symptomata, pulsuum causas mutare possunt 246. omnium periculosissimi a bile 46. omnino salutare sunt, si multa aut aliqua signa illuxerint 42. perniciosi a cibis pravi succi ac potus 53. pestilentes ab usu aquarum corruptarum seu fetidarum 53 sq. principium quodnam dicitur 446. quando imperfecte judicantur 435. 446. qui non diebus decretoriis solvuntur, reverti solent 406. qui senibus accidunt, illos maxima ex parte comitantur ad mortem 55. sq. quinam per crisim terminantur, quinam vero non 388. seq. quinam senibus lethales 55. saepe usque adeo sunt graves, ut statim in principio ægrotos interimant 67. statum absque ulla coctione observare, quare pessimum 66. summe perniciosi ab immoderato vini potu 53 tantum acuti & magni crisis terminantur 388. tempora a symptomatibus & morbi essentia perquirenda 61. seqq. differunt a temporibus naturæ consequentis *ibidem*. valde exitiales saepe a paucis, sed valde virulento humore excitantur 76. vigor in morituris qualis observatur 66. victoria quando præfagienda 60. vigoris tempore ægroti minus quam in augmento conflantur & turbantur 65
- Morbo* qui vexantur pernicioso, paucissimi aut nulli probe dormiunt 75
- Morborum* acutorum terminus est dies vigesimus 418. acutissimorum aliqui uno tantum die alii duobus &c. & nunquam ultra quatuor dies terminantur 444. breve principium, breve augmentum, tum status, tum declinatio proportionem sequitur 67. curationis instituenda ratio ex singulorum morborum temporum, omniumque maxime status præcognitione pendet 1. eventus in quibusnam alvi dejectionibus certius dignoscitur 495 sq. grassantium ideæ habendæ, ut morbi cognoscantur 43. naturæ Medicæ 9. omnia tempora inter se proportionem temporis conveniunt 67. plurimorum certissima optimæ crisis indicia 398 seq. præfagium certius quomodo habetur 68. robur & imbecillitas, ex quibus cognoscatur 35. sqq.
- Morbis* difficulter resistunt, quibus natura ad hos vergit 56. sq. sævissimis & symptomatibus pessimis a scorpionis icu vexantur 76
- Morbos* salutare & exitiales prænoscenti empiricus modus 70. sq.
- Morbis* multi saepe morbi tum acutum longi judicantur 353
- Morbis* quando in acutis morbis boni *ibid.*
- Morbis* prognosis unde petenda 576
- Mæsti* aliquando sunt ægri, ubi instat delirium 84
- Mollities* corporis quid ad prædictionem 121
- Mores* si mutantur in acutis morbis laborantibus delirii indicium 82
- Morosis* quid 87
- Mors* ab ira nunquam accidisse dicitur 54. ab ingenti gaudio atque timore *ibid.* ex quibus satis certo præfagiri potest 265. sq. in acutis morbis unde sequi solet 348. sq. quando proxima prævidetur in febre non intermittente 204. quando sine crisi subsecutura prævidetur 387. sq. subita quibus accidit in capitis dolore 117. unde in propinquo esse noscitur 301

INDEX RERUM.

Mortis instantis in ægro signa 110. seq. 113. sq. prognosticum a symptomatibus, quæ præcesserunt etiam indagatur in acutis morbis 132. sq.

Mortem in acutis febribus quænam signa portendunt 42

Motricis facultatis actio diminuta in febribus maxime observatur 168. sq. facultatis actio læsa triplex est 168. facultatis cognitio quantum ad prædictionem Medicis conducatur *ibid.* facultatis imbecillitas unde fit 183. potentia vitiatæ actiones in acutis morbis quid notant 20. sq.

Motus nimius quare plethoricis tam notius 54

Muliebria quibus decurrunt 142

Murmur incidens circa Ilia, solvit dolorem, qui in Iliis affligit 141

Muscas frustra venari exitiale est in febre acuta, Phrenitide, Pulmonia, capitis dolore 101

Musculi imbecilli quomodo reddi possunt ab intemperie 184

Mutationes in morbis, qui dolosi sunt, juvant 137. in morbo summe maligno quænam lethales 136. quæ in morbis observantur sex sunt numero 386. quænam delirium indicant in acutis morbis 82. sq.

Muti quinam vocantur 229. unde fiunt ægri in morbis 232

Mutitates in febre acuta quænam lethales, & quænam diuturnitatem significant 234. subinde rigentibus lethales sunt, iis vero moderatus capitis dolor est 234

N.

N*arcotica* quomodo coma producunt 162. sq.

Narium distortio quando lethalis 111

Nasus quid ad præsagium facit in acutis morbis 328. si pervertatur in febre non intermittente, debili jam existente corpore, mors proxima est. 204

Natura juxta Hippocratem & Galenum quid 8. 9. morbo robustior quomodo cognoscitur 5. 74. triplici differentia distinguitur 10

Natura a morbo oppugnata cum arce obfessa elegans comparatio 4. 5. vires quomodo cognoscuntur 8. robustissimæ signa 236. tempora, quomagis distant a morbi temporibus eo pejor 69

Naturalis facultatis cognitio, quantum ad præsagium in morbis necessaria 276. debilitatis signa 28. 356. tres sunt actiones præcipuæ 277

Nausea quid in morbis acutis sæpe indicant 135

Nephritis senes ad mortem comitatur 56

Nervorum obstructio, seu incrassatio, seu obscuratio torporem inducit 226. principium sunt cerebrum atque spinalis medullæ principium 232. vel nervosarum partium inflammatione laborantes, mente constare optimum 80

Nox quibus gravis in acutis 388

Nubecula in urinis nigra, mala 537. quare 532. quæ invehitur in urina, quænam bona 523.

Nutritio omnis quibus actionibus in corpore perficitur 277. præcipua actio, qua corporis partes omnes conservantur 28. quantum morborum præfagiis inservit, & unde 289

Nutritio quatuor actiones famulantur 28

Gggg 3

O.

INDEX RERUM.

O.

Oblivio cum extremorum refrigeratione in acutis morbis maxime perniciosum signum 132. sq. cum rigore malum 220. ex delirio quando minus periculi habet 107. in acutis morbis quando malum 19. 49. unde sæpe futura prævidetur 117.

Obtusiones in oculis quid notant 316.

Oculus si lividas aut nigras venulas habeat, quando in acutis morbis malum 49. unus si altero major videatur ex morbis acutis quando malum 49.

Oculi album si rubrum spectatur, quando exitiale 326. aliquando boni apparent in febribus, quæ ad exitium inclinant 313. audacia, delirii signum est, & dejectio & fractio, malum 320. cavi quando perniciem denotant 321. conviventes unde in moribundis 162. demissi quid in febribus notant 166. distortio quando pessima 110. hebetes videri extrinsecus spectantibus, malum 319. impense rubri sanguinis eruptionem indicant in febribus 142. lucem effugientes in deliriis summe exitiosum 103. optimi & robusti perpetuo boni sunt indicii 313. perversi, aut alter altero major, aut candidum rubeum habentes, aut pleni sanguine, summe exitiosum in deliriis 103. prominentes seu tumidi in acutis morbis lethales 321. robusti & recte valentes quid notant 313. rubri initio morbi nunquam bonum prænunciant 316. involuntarie lacrymantes summe exitiosum in deliriis 103. si splendorem amittant, pessimum 319. sublimes quid in morbis acutis indicant 321.

tenebricosi quando vomitus futuri signum 110.

Oculorum caligo sanguinis e naribus erupturi signum in febribus 142. signum futuræ hæmorrhagiæ 427. convulsio cum delirio crisin aliquando portendit 93. hallucinatio quid in morbis 117. hebetudines quid notant 316. motus quid in morbis acutis indicat 321. sq. quænam signa plane sunt exitialia 318. 323. sq. rubor & singultus a vomitu, malum 21. splendor cum delirio per modum iudicii aliquando apparet 93. venæ sanguinis plenæ appropinquantis delirii signum 84.

Oculos assidue nictare, perniciosum est 322. lucem ferre non posse quid in morbis notat 108. sqq.

Odores omnes graveolentes & putres in excretis sunt quidem mali, sed non omnes lethales 118.

Opisthotonos tentio ad posteriora 191.

Oroboides hypostases quænam dicuntur 520. & quid notant 536.

Os ventriculi a mordentibus humoribus vehementer commorsum calorem nativum suffocat 128. ab humore acri vel maligno affectum quid producit 134. sq.

Oris tortura sive spasmus cynicus 192. ulcera anni constitutione austrina calida & humida producit 52.

Ore hiante si quis dormiat, exitiosum est, & quare lethale 174.

Orthopnoea a respiratione intercepta moriuntur 25. unde stertunt 272.

P.

Pallor unde fit 300.

Palpebra si pervertatur in febre non intermittente, debili jam existente corpore, mors proxima est 204.

Pal.

INDEX RERUM.

Palpitatio circa umbilicum non raro delirii nuntius 85. in deliriis signum summe exitiosum 104

Papitationes cor invadentes quænam lethales 188. sq. quæ in syncopen definiunt, maxime timenda 188. quædam subsequentes vehementes desipientias lethales existunt 99. sq. quid in morbis præfagiunt 187. ventris, signum futuræ hæmorrhagiæ 425. unde producuntur 187

Papule parvæ quid 35. 576. parvæ statim evanescentes; pessimæ 573

Paralysis in morbis quandoque utiliter concitatur 228. morbum quoque simplicem magisque salutarem producit 47. quænam admodum perniciofa est in acutis morbis, quænam minus 20 sq. quando in morbis timenda 120. unde fit 228

Paralyse si succedat apoplexia, malum 60

Paraphrenesis quid 87

Paraphrenitides a cerebri læsione oriuntur 90

Paraplectici si ægroti evadunt ex acutis febribus, perpetuo malum 228

Paraplegia sæpe ab Apoplexia supervenit 47. in acutis & aliis morbis quid significat 18. 226

Paraplexia qualis morbus 228

Paraplexias post apoplexiam concitari minus periculosum est 228

Parotis quando futura cognoscitur 145

Parotides in peste apparentes ante coctionem magis utiles quam inutiles 366. oriuntur anni constitutione austriâ humida 52. pravæ sunt, quæ cum urinis parum coctis apparent 576. quando & quænam bonæ & malæ in acutis morbis 353. 574. 575. quando critice erumpere solent 167.

quando surdis & comatosi sunt 112. unde sunt 574. unde futuræ prævidentur *ibid.*

Parotidum eruptio quando coma sequitur 164. futurarum signa 419

Partes exteriores si in febribus non intermittentibus frigidæ, interiores urantur, & sitim habeant, lethale 72. sq. 125. quid ad præfagium in morbis 354. ignobiles quid ad præfagium 352

Perforatio producit dolorem acutum 139

Perfrictiones quæ diebus criticis sunt vehementes a sanguinis profluvio, pessimæ 461. quænam malæ existunt 181

Peripneumonia pleuritidi succedens, malum 60

Peripneumonici plurimi sine ulla mentis vacillatione moriuntur 80. quando sæpe quarto vel quinto die judicantur 445

Peripneumonicorum corpora si nunquam carne repleantur, & restituantur, pessimum 292

Peripneumonicos erectos velle sedere, pessimum 175

Permutationes crebræ in deliriis signum summe exitiosum 104

Pestilentia gravis ab immoderata aëris caliditate 51

Pestis proprium signum quodnam 301

Petaloides hypostasies quænam dicuntur 521. ex quid notant 536

Phlegmone si febribus simplicibus adiungitur, malum. 59. producit dolorem tensivum 139. hujus suppuraturi signum est rigor 125

Phrenitis a continuis vigiliis 75. aliquando judicatur per sanguinem e naribus erumpentem 94. duobus tantum sym-

INDEX RERUM.

- symptomatibus innotescit 38. eo pe-
 jor, quo plura habet symptomata *ib.*
 unde prævidetur 298. sq. hujus quæ-
 dam signa 47. sq. exitialia 100. sq.
Phrenitides a bile exusta lethales credun-
 tur 58. producuntur anni constitu-
 tione boreali 52. item Austrina ca-
 lida & humida *ibid.* quo vitæ tem-
 pore magis accidunt 55. veræ omnes
 plerumque lethales sunt 19
Phrenitidum pessimarum proprium, & si
 lingua arefacta sit, ægros vel nihil
 vel parum sitire 101
Phrenitica desipientiæ causæ 89. sqq.
Phrenitici cerebrum quomodo habent
 dispositum 105. sq. qui in principio
 clementer se habent, sed crebro per-
 mutantur, malum est 102. 182. qui-
 nam dicuntur 86. sqq.
Phreniticis exitiosis sanguinis stillicidium
 e naribus supervenit 101. in quibus
 albæ urinæ, aut fæces apparent, ri-
 gores sunt perniciosi 220. quare vo-
 mitus virulenti sive æruginosi exitia-
 les 491. ubi varii casus subinde inci-
 dunt, pravum, & convulsionem de-
 nunciant 102. urinæ albæ, lucidæ,
 malignitatem denotant 39
Phthoe quid 558. unde 559. 561
Phthisis pleuritidi succedens, mala 60.
 producitur anni constitutione Austri-
 na humida 52
Phthisici, ubi sputum retinetur, mori-
 untur 554
Phthisicorum corpora si nunquam carne
 repleantur & restituantur, pessimum
 292
Pityroides hypostasies quænam dicuntur
 521. & quid notant 521. sq. 536
Pituita dilutior lentoris experts, quid
 notat 536. si bili prævalet, ægros
 plus lethargicos vel comatosos reddit
 91
Platonis de natura sententia 10
Plenitudo calorem corporis suffocari in-
 dicabit 134. lassitudinis causa 152.
 183
Plethorici ab immoderatis exercitationi-
 bus in affectus insanabiles incurrunt
 54
Pleura inflammatio, quomodo Hypo-
 chondriorum tensionem producit.
 194
Pleuritidis magnæ & debilis signa 36.
 sq. 40
Pleuritides pestilentes quales visæ 555.
 siccæ sunt periculosissimæ 554
Pleuriticorum proprius pulsus est ferra-
 tus 248. sq.
Præcordia suspensa, murmurantia quid
 indicant 438
Præritus quando in acutis morbis bonus
 353
Puerorum corpora citius febribus exte-
 nuantur cum ratione 291. sqq. plu-
 rimo innato calore valent, hinc sua
 naturæ munere perfectissime præ-
 stant 8. sq.
Pueris quando convulsionem accidunt
 198. si spasmus fiat, quid agendum
 199. quare hi facile convulsionibus
 tentantur 193
Pulmonia in quam ætate fiunt 55.
 quædam signa exitiosa 101
Puncticularum prognosis unde petenda.
 576
Punctio producit dolorem acutum 139.
Pulsus a suo statu naturali mutatus vi-
 talis facultatis læsæ symptoma 25.
 æqualis & inæqualis horumque diffe-
 rentiæ 240-243. arteriæ spinam per-
 reptantis hæmorrhagiæ futuræ signum
 452.

INDEX RERUM.

425. alti & magni in hæmorrhagia critica unde 440. captizans 242. creber, rarus, & mediocris 241. convulsivus quinam 243. sq. cur in quibusdam febribus exitiosis apparent aliquando recte valentium similes 255. - 257. deficientes quinam 244. dicrotus quinam dicitur 242. sq. differentie ex motionis tempore, vel motionis qualitate 240. & variis causis, *ibid.* ex inæqualibus quinam sunt valde exitiosi 252. sq. *Eurhythmus* & *Arythmus*, eorumque differentie 241. fit debilior atque inordinatio & inæqualis in mortalibus declinationibus 401. fornicans & languidissimus unde, & quare omnium exitiosissimi 248. 250. 252. Hecticus quinam 243.

Pulsus in hypochondriis & aliis partibus delirium portendunt 86. in malignissimis morbis, & in pestiferis febribus sanorum similes sæpe observantur & unde 255. - 257. intercidentes quinam 244. intermittentes qui majus & minus periculi portendunt 252. sq. intermittentes, qui subsequentes motus anteriori habent debiliores, apprimè sunt perniciosi 253. sq. intermittentes quidam prorsus lethales, alii ad exitiosos proxime accedunt 252. sq. languidissimi, minimi, tardissimi, atque rarissimi exitiosissimi & quare 254. sq. magnus, altus, mollis, fluitans, undosus quando sudorem indicat 436. magnus parvus, mediocris, longus, brevis, altus, humilis, celer, tardus &c. unde fit 245. - 248. malus solus nullum certum judicium dat 251. myurus sive decuratus quinam 243. 244. omnes ad extremitatem deducti, ex-

cepto vehementissimo, lethales sunt 252. myuri quibusdam naturales sunt 254. omnes decem generibus comprehenduntur 240. qui a naturali symetria, multum recedunt non boni sunt 26. 252. omnium languidissimus & creberrimus est formicans 243. parvi & duri futuri delirii præfagium 84. prælanguidi, omnium pessimum signum in deliriis 104. qualis in hæmorrhagia critica 428. quales sanguinis excretionis malignitatem arguunt 461. sq. quando fiunt celeres 245. qui nullo modo fiunt in acutis morbis, facultatem vitalem extinctam prædicant 27. quibus cautelis, a Medicis explorandi, antequam judicium de illis ferant 251. sq. salutem & exitum indicantes 250. sq. serratus Pleuriticorum proprius 249. tardi, & intermittentes in acutis morbis 27. vacui, & pleni quinam 241. venarum in febricitantibus, sanguinis eruptionem ut plurimum indicant 143. 425. vermicularis & vermiculans qualis dicitur 243. vibratus quinam dictus 244. vibrosi unde fiunt 249.

Pulsuum causæ necessitas 245.

Purgantia quibus conducunt 487.

Purgatio epilepsiam aliquando præcavet 201. sq. optima qualis, quæ rigori optimo succedit 218. per inferiora quando conducit 438. per superiora quibus necessaria 432. sq.

Purgationes nimix quomodo convulsionum producant 195.

Pus per nares effluens solvit aliquando capitis dolorem 141. quodnam bonum, & malum 563. unde fit 558. hujus indicia 225.

Purulentiam quinam horrores indicant 225. sq.

H h h h

P a

INDEX RERUM.

Purulenti unde aqua intercentem saepe ante exitium laborant 137. unde cognoscuntur 225. sq.

Pustula in dorso apparentes, quænam bonæ 341. parvæ, nec aufercentes, & parvæ malæ 342. quando in morbis acutis salutares 353. quibus in febre continua toto corpore excitantur, quando lethale 571. sq.

Putredo humorum nostrorum ab usu aquarum fetidarum 53. sq. humorum maligna perniciosos facit morbos 58. sq.

Putredines insignes in corpore oriri possunt a multo cibo & potu 53. quomodo horrores concitare possunt 223

R.

Ratio admodum læsa, in acutis quando cerebri virtutem maxime debilem ostendit 19. 87.

Rauedines & gravedines in valde senibus concoctionem non admittunt 56

Recidiva in morbis a crisi imperfectis 394. 398. 403. 407.

Refrigerata corpora vix recalescere, summe in morbis acutis perniciosum est 126. 132

Refrigeratio a rigore non recalescens, malum 21. 220. corporis in acutis morbis nunquam bona & sape summe exitiosa 128. 129. 135

Renes si graviter lædantur, homines continuo pereunt 67

Renum inflammatione laborantes, mente concitare optimum 79

Resolutio ex aphonia, quomodo prævidetur 232

Resolutiones quænam perniciosæ sunt in acutis morbis 20. 49

Respirare per nares in acutis morbis, malum 26. 408

Respiratio bona & mala quid in morbis 235. 264. sq. certius dat præsagium in

morbis quam pulsus 257. densa magna, parva, 174. quid notat 264. 266. sq. difficilis atque frigida cum extremorum refrigeratione in acutis morbis pessima 132. sq. e frequenti parva facta, omnium pessima 270. extendens, urgens, obscura, pessima 275. frequens & parva cum pravis signis, lethalis est 269. sq. quænam dicitur 259. sq. 261. sq. frigida omnium exitiosissima, & tantum in proximè moribundis observatur 270. sq. in morbis acutis, quæ magna est atque rara, præfagit delirium 25. interrupta exitialis est 275. sq. læsa vitalis facultatis læsæ symptoma 25. magna & rara delirium portendit 84. 86. quænam dicitur 259. sq. mala, omnium pessimum signum in deliriis 104. sola in morbis exitium non exprimit 265. 276. maxime ad prædicendam salutem valet 94. sq. parva, & frequens, &c. quid notat 259. -- 276. quæ ex magna in parvam, ex rara in frequentem mutatur in acutis morbis, mala 26. quæ pinnis narium & pectore editur quando in acutis morbis mala 49. quænam convulsionem significat 276. qualis in tabidis ultimo observatur 270. quid præfagit in morbis 257. quid 258. stertorosa in morbis acutis plerumque est perniciosa, & quando certo lethalis 272. seq. sublimis cum signis exitialibus perpetuo lethalis 274. sublimis & apparens, pessima, & quænam dicitur 247. 268. 272. mala confunditur cum magna respiracione 274. unde Infantibus interrupta apparet tempore quo plorant 276.

Respirationis causa triplex 258. sq. communis

INDEX RERUM.

munes quænam 311. sq. duæ inprimis apparent 258. usus 12. 258

Respirationes æquales & ordinatæ, inæquales & inordinatæ, unde, & quid notant 266. sq. æquales & inæquales quænam dicuntur 259. sq. compositæ quænam *ibid.* harum causæ 262. sq. cum strepitu thoracis pessimæ, & quomodo vocantur 266. frigidæ omnium pessimæ *ibid.* graveolentes maxime exitiales 118. quænam malæ & pessimæ 265. sq. rythmæ & arhythmæ 260

Rigor ab oculorum perversione cum lassitudine & febre, malum 154. convulsionem in posteriora inferens, interficat 195. cum sudore frigido pessimus 22. 219. 220. 221. & desipientia ex multa potatione, malum 21. 218 & urinæ suppressio 427 sq. quid indicat 435. est totius corporis vibratio 213. febricitanti superveniens, febre non deficiente, malum, & quando pessimum 220. in sanguinis profluvio aliquando est bonus 218. non potens calefieri quomodo Græcis vocatur 214. perniciosus in oculorum perversione cum febre & lassitudine 221. quando in febris ardentibus bonus 223. quando lethalis 220. quid 213. quid Celso 191. quomodo cum a frigore tum ab horrore distinguitur 213. quibus febribus proprium est 216. sq. superveniens in febre laboriosa post oculorum perversionem, mortem fatetur 21. 220. vehemens cum delirio quando crisin portendit 93

Rigoris materia quomodo sæpe solvitur 215

Rigore superveniente a febre ardente habito, fit solutio 217

Rigores aliquando in comatosas finiunt convulsiones 221. continui aut frequentes quare pravi, & quid indicant 221. in acutis morbis quid 21. in Phreniticis, in quibus albæ urinæ aut fæces apparent, sunt perniciosi 220. judicatorii quinam vocantur 216. quando morbi longitudinem prænuntiant 218. qui febrem non tollunt aut non minuunt deterrimi 220. quibus in febribus sexto die sunt, difficilis sunt iudicii 406. unde biliosa vacationes sequi solent 215

Ruber faciei criticus quomodo dignoscitur ab eo qui ab aliis causis 428. faciei quando crisin futuram denotat per sanguinem e naribus vel per Parotidas 297 -- 299. faucium si quam maxime foras vertatur, quando securissimum 340. malarum & narium proximam hæmorrhagiam prænuntiat 428. maxillarum assiduus in longis lentisque febribus quid notat 312. oculorum, aut maxillarum & narium in hæmorrhagia critica 440. si quam maxime foras vertatur, bonum 123

Rubores in brachiis ac cruribus erysipelatodes si fiant in acutis morbis, bonum erit 299

Ractus quibus accidunt 438

Rhythmus in pulsibus quid 241

S.

Sacer ignis si non intro recurrat, optimum 123

Saliva multa quando futuri vomitus signum 110

Salus in morbis ex tribus præcipue & certo prædicatur 100. sq. in morbis quomodo a deliriis prædicatur 91. sq.

H h h h 2 Scan-

INDEX RERUM.

Sandarachoides hypostases quænam dicuntur 520. 536

Sanitas ex quibus signis maxime prævidetur in morbis 104. sq.

Sanguis critice fluens copiosus anxiis bonus 179. e naribus profluens surditatem aliquando tollit 113. exeuns e nare dextra liene affecto, & e sinistra hepate affecto malum 407. niger vide bilis nigra, per vomitum excretus in febribus damnatur 461. quibuscunque mulieribus ad mammas colligitur, furorem significat 86. si e naribus effluat, utero affecto, malum 407. spumofus in pleuriticis & peripneumoniacis quid notat 540. ubi multum fluxerit, convulsio aut singultus superveniens, malum 21

Sanguinis copia non est salutaris 57. critici e naribus fluxuri signum 297. 298. 312. 314. e naribus stillationes, malum semper quippiam notant 33. ex ore aut auribus eruptio ex cerebro læso 237. eruptio fidelius salutem prænunciat, si cum signis coctionis appareat quam cruditatis 371. in frigidis morbis & pituitosis perpetuo mala 461. larga criticis diebus apparens optima 456. non judicans, vel mortalis, vel judicatu difficilis 77. quibus accidit 142. eruptioni e naribus quinam obnoxii 451. sq. eruptiones bonæ sunt vel perfectæ vel imperfectæ 452. criticæ & optimæ, quibus signis innotescunt 452. sq. e naribus in adolescentibus magis expectandæ 109. sq. immodicæ quando malæ 455. in quibusnam affectibus maxime contingunt 421. 429. malæ exitiales 459. excretio in Pleuriticis morbum monstrat securiorem 45. excretio, licet

Ictericis factis in febribus, & aliis profuit 453. mala, quomodo ex quantitate cognoscitur 462. per intervalla quænam perpetuo malum portendit 463. per nares in febribus acutis & vehementibus præcipua est ad prædictionem 450. quantum ad prædictionem in morbis 449. excretionis malignitas, quomodo ex pulsu noscitur 461. sq. excretionem si præcesserunt signa perniciofa in excrementis pessimum est 459. sq. excretiones in duas differentias distinguuntur 452. in quibus morbis & ægrotis sunt aptissimæ vacuationes 457. largæ bonæ quomodo a malis distinguuntur 456. pauciores statim desinentes quid præfagiunt 463. fluxus criticus quando fit, & unde prævidetur 420. sq. fluxuri per uterum signa 430. jamjam fluxuri e naribus signa 429. immodici profluvii mali effectus 462. largæ eruptiones e naribus post deliria bonæ 95. missio epilepsiam aliquando præcaverit 201. nigri excretio, & omnium maxime in extenuatis corporibus, malæ 461. omnes eruptiones cum sudatione malignæ sunt 461. per hæmorrhoidas fluxuri signa 430. 432. profluvium e naribus, & paucus sudor cum refrigeratione, malum 461. pauca excretio cum variis signis varia indicat 463. spumosi excretio quænam lethalis 553. sputum post quartanam febrem criticum 552. sputum quodnam maxime timendum 551. sq. stillæ e naribus cum extremorum refrigeratione in acutis morbis pessimæ 132. 133. e naribus in febribus acutis ac inflammationibus maxime damnantur 33. in comatosis lethales

INDEX RERUM.

168. in omnibus morbis acutis pessimæ 464. in quibus morbis, diuturnitatem prænunciant, & in quibus mortem 464. quæ in aliquo dierum criticorum apparent, absolutissimam perniciem ostendunt 465. quid in morbis significant 463. sq. stillatio e naribus cum sudore frigido, & extremorum refrigeratione, lethale 465. e naribus cum surditate, aut ignavia, in Phreniticis signum est malum 101. vacuationes largæ, non juvantes quando in acutis morbis malæ 50

Sanguinem quicumque evomunt, si sine febre quidem salutare, si vero cum febre, malum 452

Sapientes ægrotos in deliros, & e deliris sapientes fieri quare malum in acutis morbis 136. si stulti videntur in morbis quando admodum perniciosum 106

Scabies quando in acutis morbis bona 353

Scabre multi sæpe morbi tum acuti tum longi judicantur 7

Scirrhus torporis causa 226

Scorpionis ictus sævissimos morbos & symptomata concitare solet 76

Sedimentum nigrum in urinis in acutis morbis pessimum 537

Sedimenta crassa in urinis quid notant 520

Senes potius intereunt ab Empyemate quam juvenes 560. sq.

Senum corpora caloris innati inopia ac defectu omnium maxime languidissimis functionibus utuntur 9. morbi ut plurimum sunt lethales 55. sq.

Sensus æstus & ardoris circa spinam dorsii quid indicat 430

Sensuum externorum bona vel mala constitutio quid notat 107. sq.

Septum transversum a quibus causis tenditur 347. potest inflammari absque ullo apparente tumore externo. *ibid.*

Sermonis mutatio in acutis morbis delirium notat 82

Sibili quid & unde 115

Siccitas corporis ad prædictionem 121. totius vel alicujus partis corporis quare sæpe infelicem morbi præfagit eventum 137. sq. vigiliam facit 155

Signa lethalia in morbis unde sæpe prævidentur 409. sq.

Silentium in garrulo in acutis morbis, delirii indicium 81. 225. in insani-entibus triplex observatur 97

Singultus a vomitu plerumque exitialis, & omnium maxime in Ilei affectu 212. ab humorum inopia seu defectu 57. ab Ileo malum 21. aut convulsio quibus sanguis plurimus fluxit, superveniens, malum 57. 212. cum aphonía pessimus 235. damnatur in vomitibus sinceris 211 sq. & oculorum rubor a vomitu, malum 21. 212. ex rigore oris ventris 210. ex sanguinis fluxu quare malus 200. 205. exitiales unde noscuntur 213. in acutis morbis quid 21. in Ictericis unde 212. in morbis acutis quando malus 49. quando in hepatis inflammatione fit 211. unde concitantur 210

Sitis ex aquæ marinæ usu 282. immoderata in acutis morbis quare perpetuo timenda 284. inextinguibilis ex viperæ esu 281. intensa cum aliis prævis signis, pessima 131. sq. 284. intensissima quare nunquam utilis ægrotis 281. 284. 286. intolerabilis cum deliriis quando per modum judicii apparet 93. nulla cum aliis exitialibus symptomatibus in febribus pessima

INDEX RERUM.

29. 286. 292. in quibusnam delirantibus, non lethalis 287. parva quando futuri delirii præfagium 84. quænam in acutis morbis mala 136. quænam optima censenda 281. quænam pessima & exitialis 284. sq.
- Solicitudo* convulsionis sicca causa 195
- Somnus* ad sanitatem præstat 44. ab asumptis cibis cur solet familiarius fieri 155. comatosus undè 162. seq. delirium sedans, bonum 158. diuturnus atque immoderatus quales morbos producit 54. ebriis aliquando lethalis 164 in ægrotis delirantibus perpetuo magni est momenti 96. in morbis acutis si non juvat, lethale 23. omnis naturalis bonus & contra 163 parvus quomodo a bono distinguitur 75. profundus humiditatis signum proprium 162. pueris omnium maxime utilis 164. quando fit 160. qui ægrum oblaedit, lethalis 158. solvit aliquando capitis dolorem 141
- Somni* magni momenti sunt ad salutem prænoscentiam in morbis 75. lethargici quinam dicuntur 160. sq. veteris differentiarum causæ 161. sq.
- Sopor* post vigilas assiduas, quando in deliriis lethale 103
- Soporiferorum* affectuum causæ 162. sq.
- Spasmus* cynicus quid 192. si pueris fiat, quid agendum 199.
- Splenis* dolor quare gravis observatur 138. indispositiones frigida senes ad mortem comitantur 56
- Spirationis* facilitas in morbis acutis quid apud Galenum denotat 14
- Spiritus* difficilis, frigidus, sublimis, brevis cum Aphonia perniciosus in febribus, & quare 134. difficultas signum in deliriis summe exitiosum 104. flatulentus producit dolorem tensivum 139. vitalis est primum instrumentum actionis vitalis 239. quare sæpius ventilandus & quomodo 239
- Sputatio* delirium sæpe innescere facit 81. sq.
- Sputum* concretum quale esse debet 358. in suppuratis quodnam optimum 549. impense foetidum in pleuriticis & peripneumoniacis maxime malum 545. nullum in pleuriticis & pulmonis, summe est periculosum 543. quid proprie dicitur 538
- Sputa* albicantia 553. in quibus morbis utilia, in quibus vero inutilia 542. admodum tenuia & crassa quid præstant 550. 552. sq. bona, salutem prædicentia 531. colore varia quare mala 556. foetida quare in acutis morbis perpetuo damnantur 556. flava, sincera, mala, omnium vero pessima nigra 544. sq. in morbis quando bona, & quid denotant 15. in tabidis & suppuratis quænam pessima 50. naturæ solita servandæ sanitati utilia 44. pauca quid notant 543. purulenta a sanguinis sputo Phthisin indicant 542. quæ dolorem levant, optima 545. quæ tussim sedant, optima & contra 546. quænam mortem, quænam suppuracionem præmonstrant 544. sq. quomodo differunt inter se 539. sincera quare perpetuo mala 556
- Status* futuri seu vigoris morbi cognitio summe necessaria ad præfagendum 60. naturæ si conjungatur celeritati ac tarditati morborum, iudicium magis certum habebitur 68. quomodo distinguitur 398
- Stertor* lethalis quomodo distinguitur a non

INDEX RERUM.

- non lethali 273. quando est unum ex lethalibus signis 272. qui a principio morbi in dies augetur, quare pernicialis *ibid.* quid, & quid notat in pectoris morbis laborantibus 271. sq. & unde 566
- Stomachus* instrumentorum naturali potentie servientium precipuus 28
- Stomachum* confluentes morbi gravissimi sunt atque difficillimi 59
- Strabostas* cum delirio crisin aliquando portendit 93
- Streptus* quid 115
- Stupor* quid in morbis notat 119. quomodo cognoscitur a cerebro læso 120. sq.
- Succus* veneficus quomodo calorem nativum resolvit 128
- Sudor* circa frontem & cervicem lethalis in acutis morbis 272. criticus quinam dicitur 474. exiguus cum extremis refrigeratis malignum atque pravam est 34. in quibusnam febribus proprium est symptoma 468. sq. periodicus quinam dicitur 473. qualis Phrenitidem solvit 93
- Sudores* ab omni evacuatione immoderata, mali 485. boni & salutare quinam 469. boni quando fiunt in morbis 374. sq. 399. 469. capitis frigidi in delirio pessimi 94. frigidi cum acuta febre mortem, cum mitiori longitudinem morbi significant 57. cum singultu, pessimi 213. in febribus cum aphonía perniciosi 234. in morborum principio apparentes quare mala 474. multi non juvantes, mali sunt 34. optimi critici quinam 468. 472. sæpe quarta die apparent 470. pauci non minus quam multi malum prænuntiant 476 sq. quid præfagiant in morbis 466. quinam pessimi 474 sq. syncopen inferentes quando in moribundis apparent 271. unde fiunt 468
- Supercilium* si pervertatur in febre non intermittente, debili jam existente corpore, mors proxima est 204
- Suppuratio* quomodo ex dolore circa thoracem & pulmones prævidetur 148. unde 557. sq.
- Suppurationes* luctuosæ qualem respirationem producant 264. sequuntur capitis dolores 148
- Suppurati* moriuntur a respiratione intercepta 25
- Suppuratorum* bona signa 329
- Surditas* aliquando crisis indicium III. apparens cum urinis suspensionem habentibus elatam ac sublimem delirium prælagit 85. critica quomodo a symptomatica distinguitur 112. cum extremorum refrigeratione in acutis morbis signum maxime perniciosum 132. sq. delirii prænuntia quomodo judicatur 114. sq. in acuta febre post evacuationem apparens plerumque est lethalis 113. in acutis & turbulentis, malum 24. lethalis est, quæ sit extincta facultate &c. 113. omnium maxime exitialis est, quæ sit cum prælongæ viribus 114. quid denotat 111
- Surditatis* quædam delirii seu phrenitica signa existunt 115
- Surrectio* cum delirio quando crisin portendit 93
- Symptomata* ad quæ attendi oportet in morbis 236. critica bona quænam indicant 317. sq. gravia crisin prænuntiantia 65. plurima stabilia non sunt, neque multum durare, & permanere consueverunt 41. quænam pessima in singultu 213. quænam morbos de-

INDEX RERUM.

debiles præmonstrant 42
Syncope tensio quid & unde 413
Syncope oborta ex venenoso humore statim moriuntur 67. vitalis facultatis debilis symptoma 25
Synochis quando sæpe quarto vel quinto die judicantur 444
Systola quid ejusque usus 240

T.

Tabes a pure, ejusque indicia 225. sq. ab anno decimo octavo usque ad trigesimum quintum solent concitari 55. unde 550. 558. sq.
Tabes qui laborant, si capilli iis a capite defluunt, & alvi profluvium superveniat, moriuntur 30
Tabidi extenuati tamdiu vivunt, quamdiu per tussim pulmonem expurgare possunt 544. seu Phthisici moriuntur, qui a sanguinis sputo per tussim purulenta reddunt 58
Tactus sensus deperditus quid in morbis notat 119
Tegiodis desipientia unde 90. & quid 88
Temperamentum calidum aptissimum est ad crises 396
Tempora diversa in ægrotis eodem tempore observantur 64
Temporum gravitas sanguinis e naribus erupturi signum in febribus 142
Tenesmi producuntur constitutione anni boreali 52
Tensio quid notat 431
Tertianæ salutares ætate maxima ex parte vagantur 44
Testes & pudenda si revelluntur, dolor vehemens vel mors 204
Tetanus affectus acutissimus, sæpiusque cito interficiens 198. si in dies protrahitur, de salute sperandum est 198

Tinnitus aurium in acutis febribus delirii indicium 83. 331
Tonsillarum inflammationi Angina succedens, malum 60
Torpor cum surditate, in qua stillæ sanguinis e naribus, exitiosus 227. ex angina citra iudicium quid. *ibid.* ex inflammatione interna quando perniciosus. *ibid.* in febribus continuis perpetuo malus. *ibid.* qualis affectus & quotuplex & unde 119
Torporos & perfrictiones apoplecticis pravam indicant 227
Tremor a vermibus 185. cum delirio crisi aliquando portendit 93. ex virium infirmitate 184. in deliriis signum summe exitiosum 104. in febribus sæpe ab exustabile 90. in phrenitide pessimum symptoma 48. pro vigore ab Hippocrate non acceptus fuit 183. qualis affectus 182, unde producit 183
Tremoris lethalis exemplum 185. sq.
Tremores a siccatis nervis in phreniticis mortales 186. cum aphonía perniciosi in febribus 233. exitiales a virgiliis assiduis 75. in acutis morbis quid significant 18. 21. in convulsionibus desinentes lethalissimi 205. in phrenitide, quinam in primis lethales 186. non uti convulsionibus Phreniticorum proprii, & quibusnam tantum superveniunt 99. sq. nulli, exceptis decretoriis, boni existunt. *ibid.* quando apoplexiæ signum esse solent 185. quando in acutis morbis pessimi 49. quid ad præsagium 182. quinam lethales 189
Tremorum prognosis 183. sq.
Trementes & comatosi quinam pereunt 234
Trismi quid 115

INDEX RERUM.

Tubercula si fiant in longis febribus bona 143

Tumor durus ac dolens in utroque Hypochondrio aut in dextro est pessimus 349. faciei in acutis morbis ortus quomodo sæpe discutitur 296. partium neque in acutis, neque multo minus in diuturnis morbis, perpetuo malus 296

Tumores diu persistentes critici, in partibus ignobilibus oporti salutem aliquando demonstrant 353. glandularum quinam boni & mali in acutis morbis 353. sq. juxta aures in morbis longis, pravi 319. quinam mali 353. 572

Turbationes vehementes & agitationes crisin sæpe prænuntiant 65

Tussis in morbis pectoris & pulmonum sputi futuri signum 441. magna, sicca, sine sputis morbum crudissimum significat 36

Tusses quando fiunt 225. sq.

Tussibus inprimis obnoxii senes 55

Tussendi cupiditas in tabe 226

Typhodes Græcis quænam febres dictæ 47

Typhomania fit in principio morbi & perseverat diu 89. quid 89. 162. & unde 163

V.

V*acuationes* bonæ vel malæ unde dignoscuntur 94. in febribus tertianis, quænam criticæ 395. immodicæ quomodo convulsiones & singulum producunt 195. 210. quæ juvare deberent, & non juvant, sed lædunt, lethales existunt 113

Vacuationum naturalium & consuetarum interceptarum pravi effectus 54. sq.

Varices supervenientes quibus utiles 457

Variola in peste erumpentes ante coctionem magis utiles quam inutiles 366. harum prognosis unde petenda 576

Venarum agitatio in somnis superveniens rigoribus mala 221. micatio & pulsus, signum futuræ hæmorrhagiæ 425

Venus immoderata tremoris causa 54. 184. 185

Ver morbos saluberrimos, minime exitiosos parit 43. 52

Vesica graviter læsa homines continuo pereunt 67. quando inflationis sensum habet, quid significat 437

Vesica ulceratio quomodo ex urinis noscitur 513

Veternum a Phrenitide est morbus exitiosissimus 167. quid 167. si Phreniticis succedat, malum 60

Vitæ ratio quid ad morbos vel sanitatem 44

Vigiles si evadant ægri ab evacuationibus lethaliter se habent 113

Vigilia cum extremorum refrigeratione maxime perniciosum signum 132. in acutis morbis cum convulsione pessima 124. sq. in morbis acutis cum signis coctionis crisin significat 156. inculcata esse non potest in morbo lethali 155. quænam bona judicanda *ibid.* quid in morbis prælagit 154

Vigilia assiduæ in febribus ardentibus quare convulsiones lethales accerfunt 156. quomodo convulsiones producunt 195. 205. crisin sæpe prænuntiant 65. cum delirio apparentes aliquando futurum judicium prædicant 93. in febribus ardentibus unde 155. seq. in rigoribus malæ

INDEX RERUM.

221. perpetuæ in phrenitide pessimæ 48. quæ salutem præfagiunt 255. sq. quænam certum exitium denotant 157. sq.
- Vigor* seu status in morituris quinam 66
- Vini* immoderatus potus summe perniciosos morbos producere potest 53. potio qualem appetentiam solvit 280
- Vires* naturæ Medici quid appellant 11. robustæ & validæ in perniciosis morbis imperfectas multas, & perniciosas crises futuras indicant 409. sq.
- Vitium* imbecillitas, primum & maximum in morbis mortalibus signum, quod mors sine crisi sit subsequutura 387. sq. infirmitas coma producit & quomodo noscitur 162
- Visceris* alicujus interni magna phlegmone producit anxietas 177
- Viscera* natura primum curas, & maxime cor 6. quomodo afficiuntur ab usu aquarum corruptarum 53
- Viscerum* inflammatio unde noscitur 346. sq. phlegmonum suppuratorum rari sunt, qui sanantur 125
- Viso* impedita in deliriis summe perniciosum 103. in acutis morbis læsa quid 25. tenebrosa quid in morbis notat 109
- Vissus* hebes hæmorrhagiam prænuntiat 427
- Vita* quid est 169. sq. 238. sq.
- Vita* status, qualis sit futurus, unde intelligitur 238
- Vitalis* actionis instrumenta, quænam 239. facultas unde infirma redditur *ibid.* facultatis actiones debiles quomodo cognoscuntur 24. sq. facultatis cognitio quantum ad prognosticum in morbis necessaria 238
- Vomica* eruptionis symptomaticæ & criticæ signa 563. ruptio intra quodnam temporis intervallum fit 562
- Vomitio* livida, si graveolat, occisissimam mortem indicat 492. pituitæ & æruginosi humoris in renum doloribus bona 487
- Vomitiones* fœtidæ malæ & graveolentes pessimæ 492. omnes bonæ, si per has humores morborum causæ probe expurgentur 497. quænam exitiales in morbis acutis 493. sq. sinceræ atque implacidæ, malæ 490. sq. virulentæ in vehementibus desipientiis lethales 101
- Vomitum* æruginosi a malis & exitialibus signis lethales 491. seu virulenti soli vel cum aliis signis conspecti in febre acuta, delirii sunt indicia 86. aliquando aphoniam tollit 233. biliosus in muliere biliosa, cui menses imminuti, bonus 489. boni & mali quid præfagiunt 485. sq. exitiosi, mortem præmonstrantes 489. sq. futuri quomodo prævidentur 110. 186. 486. humorum omnium colorum, exitiale admodum est 46. in principio acutorum morborum copiosi, symptomatice vocati, mali sunt 34. in illo perniciosissimi 493. in morbis quando boni, & quid denotant 16. omnes morbum allevantes in morbis acutis boni 489. pauci mali & quando lethales 490. quales convulsiones tollit 202. qui absque perfectæ coctionis signis sunt, multas recidivas prædicant 488. quid in morbis præfagiunt 485. 491. symptomaticus & criticus quinam 486. virulenti biliosi quid in morbis acutis sæpe indicant 135
- Vomituum* exitialium natura unde innoscitur 489. sq.
- Vox* acuta, clangosa, mala est 231. cum

INDEX RERUM.

cum hypochondriis introtractis perniciosum 231. & lugubris, & oculorum obscuratio, convulsiones accersunt 231. clangosa & plorabunda quando pessima 229. 231. vel obtremiscens in acutis morbis delirii indicium 83. effracta quænam dicitur 230. quibus in febre intercepta, sine judicatione, cum tremore moriuntur 234. vitiata quænam dicitur 229

Vocis defectio cum horrore mala 225. imminuta symptomata 229. interceptio a cerebro vulnerato 236. sq. quid præfagit in morbis 229

Vultus pallidus quando exitialis 300

Urina aquosa, alba, & lucida in phreniticis, mala 101. aquosa in pueris deterrima 528. multam subsidentiam habens, solvit deliria 94. multum vitrea, & genitura similis convulsiones juvat 203. nigra quando periculosa 531. sq. nigra, rufa tenui exitiosior 532. optima quænam 358. 521. seqq. quantum facit ad prædicendi methodum 93. 95. quid sit & quomodo fiat 508. sq. rufa & biliosa quid notat 522. suppressa brevi homines perdit 55

Urina albæ crassæ quid notant 97. 99. albæ, lucidæ delirium significant 86. æquales & inæquales quænam dicuntur, & quid notant 518. aquosæ, albæ, lucidæ, in deliriis signum summe exitiosum 104. 512. salutem vel mortem præsentiantes 521. 527. calor seu ardor, aut pruritus quando percipitur 437. claræ, quæ protinus turbantur, utiles existunt 525. coctæ perpetuo bonæ in febribus 362. copiosæ in Aphonia 232. crassæ in morbi principio apparentes quid notat 511. 513. 528. duobus

modis salutem & mortem in ægrotis solent indicare 521. excretio in non admonitis, perniciosa 101. 538. hypostasis quid notat 519. & quænam 510. 511. materia triplex 508. sq. nigra cum larga, aut narium sanguinis eruptione, aut mensium copia, non sunt timendæ 525. cum nigro sedimento in febribus ardentibus pessimæ 39. crassæ non residentes cæteris exitiales 530. nigrae in aquosas versæ lethales sunt 532. nigrae maleolentes exitiales sunt 532. nigrae unde 515. nubes, vel nebulae quænam vocantur 510. oleosæ post nigras sunt pessimæ 514. 533. pingues quænam 514. prævulvæ cum sublimi delirium testantur 83. purulentæ quales 409. quæ non resident, si vires adfuerint, longum fore morbum ostendunt 32. quæ multum contentum habent, quando malæ existunt 535. quænam coctionis signa præ se ferunt 378. quænam delirium indicunt 84. quænam ex coloribus judicantur bonæ 524. seq. quænam ex coloribus judicantur pessimæ 530. seqq. quænam in die decretorio apparentes, crisin salutarem judicant 525. sq. quænam optimæ in temperatis corporibus 523. sq. quales apparent in febribus putridis 256. quales & quando perniciosæ in acutis morbis 50, quales in Ictericis critica 303. quales in mulieribus 523. quales in Phreniticis pessimæ 50. quid in morbis præfagiunt 508. rubræ & subrubræ unde fiunt & quid indicant 513. salutare unde aliquando apparent in moribundis 362. si mingantur in non recordantibus delirium indicant 83. subjugales quænam & unde

INDEX RERUM.

unde 516. suppressio cum delirio quando crisin portendit 93. tenues cum bono colore bonæ existunt, & quid indicant 524. tenues in febris quid notent 510. turbidæ quales 510. 516. sq. virides unde 513. unde non raro in febris evidentibus prorsus retinentur 512
Urinarum colorum causæ quænam 512. sq. concoctio in febris acutis erit attendenda 361. differentix unde habentur 509. sq. variorum contentorum causæ 519

Urinis quinam morbi judicantur 22. 400. 427. 436. sq. 508. sq.

Uterus a mensstruis suppressis vel nimis fluentibus quænam mala pati potest 55. læsus quomodo convulsionem concitat 197

Uteri inflammatione laborantes, mente constare optimum 80. morbi a mensstruis suppressis 55. tumor durus ex suppressis vel nimis fluentibus mensstruis *ibid.*

Utero affecto si sanguis e naribus effluat, & non ex utero, malum 407

F I N I S.







